



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



3 3433 08156273 2

**T. LIVII PATAVINI
HISTORIARVM**

LIBRI

QVI SVPERSVNT OMNES

PROOEMIO BREVIARIIS LIBRORVM

INDICE RERVM LOCVPLETISSIMO

TABVLIS CHRONOLOGICIS HISTORICISQVE

ET COMMENTARIO PERPETVO SEORSVM EDITO

INSTRVCTE

GE. ALEX. RVPERTI.

VOLV MEN II.

GOTTINGAE MDCCCVII.

SVMTIBVS CAR. FRID. RVPRECHT.



T. LIVII PATAVINI
HISTORIARVM
AB VRBE CONDITA
LIBER XXI

BREVIARIVM.

CAP. I. Bellum Punicum II, maxime omnium memorabile, quod parat Hannibal, a patre olim jure jurando uictus; et jam ante Hamilcar meditatus erat. 2. In Hispania Hamilcar perit, et Hasdrubal, gener ejus, imperium obtinet. Is foedus renovat cum Romanis, et a barbaro quodam obtruncatur. 3. Ei subcedit Hannibal, militum, plebis et Barcinæ factionis favore adjutus, nequidquam refragante Hannone. 4. Hannibalis ingenium, virtutes et vitia. 5. Hannibal Olcades, Vaccæos, Carpetanos, omnesque trans Iberum populos præter Saguntinos, Romanorum socios vincit. 6. Certamina ferit inter Saguntinos et Turdetanos. Hi ab eo juvantur; illi auxilium orant Romanorum, qui legatos ad Hannibalem atque inde Carthaginem mittunt. 7. 8. Saguntus jam summa

A 2

ma vi tum obpugnatur tum obsistit, et ipse Poenorum dux vulneratur. 9. Legati Rom. non admittuntur, et Carthaginem eunt. 10. Ibi Hanno unus causam foederis et Romanorum agit. 11. Senatus Carthag. prope omnis Hannibali favet. Saguntini in ipsa urbe cum hostibus fortiter pugnant, sed jam laborant inopia omnium. Oretani Carpetanique obprimuntur. 12. Arx Sagunti obpugnatur, et exigua pacis spes tentatur per Alconem et Alorcum. 13. Ille manet apud hostem, hic alias pacis conditiones adfert et suadet. 14. Quibus auditis multi se suaque in ignem conjiciunt. Mox expugnatur urbs, omnesque puberes interficiuntur. 15. Capta Saguntus cum ingenti praeda octavo mense. 16. Romanorum moeror, misericordia sociorum, pudor uolati iis auxilii, ira in Poenos et metus de summa rerum.

17. Bellum a Romanis paratur, et copiae scriptae dividuntur inter P. Cornelium Scipionem et T. Sempronium Longum consules. 18. Legati mittuntur Carthaginem, et bellum indicunt. 19. Per diversa Poenorum disceptatio de foederum jure et utilitate. Legati Rom. ab Carthagine in Hispaniam trajiciunt, multosque trans Iberum populos in societatem perliciunt; sed a Voldianis aliisque haud benigne excipiuntur. 20. Eidem animos Gallorum, ab Hannibale jam praeoccupatos, frustra sollicitant, nec nisi a Massiliensibus grata ferunt responsa. 21. Hannibal Carthagine nova hibernans, Hispani generis militibus comitatum dat, et Gades profectus tum vota exsolvit Herculi, tum novis se obligat. Inde supplementum exercitus ex Africa petit, eodemque mittit Hispanorum ferme XV1 millia. 17. Hasdrubali fratri Hispaniam provinciam, et tam copias, maxime Africanas,

ēas, quam classē dat. Tum ex hibernis mo-
vet, et in quiete videt juvenem divina specie,
qui se ab Jove dicit ducem ipsi in Italiam mis-
sum. 23. Hos visu laetus exercitum (90 millia
peditum et 12 m. equitum) Iberum traducit, et,
subactis Ilergetibus, Bargusius, Ausetanis La-
cetanisque, Hispaniae cis Iberum praeficit Han-
nonem; multos vērō Hispanos, quos militia sen-
tit gravari, domos remittit. 24. Pyrenaeum
transgreditur, donisque capit regulos Gallorum.
25. Ejus ope freti Boii et Insubres agros Pla-
centiae Cremonaeque, coloniarum Rom., infe-
siant, et Mutinam obsident. Adversus eos ma-
le rem gerit L. Manlius praetor; 26. cui C. Atil-
lius praetor Roma auxilia mittitur. Scipio con-
sul Massiliam pervenit, vixdum satis credens,
Hannibalem superasse Pyrenaeos montes. Is
vero, jam in Volcarum progressus agrum et ad
ripam Rhodanē, naves undique contrahendas
fabricandasque curat. 27. Praemittit Hanno-
nem cum parte exercitus in scias Gallis, qui ad-
versam obtinebant ripam; et mox ipse reliquas
copias 28. atque elephantos Rhodanum trajicit.
29. Interim 500 Numidae, ad castra Romana
missi, obcurrunt 300 equitibus Rom., ad explo-
randa omnia a Scipione praemissis, et ab his
pugna atroci vincuntur. Hannibal, incertus,
utrum revertatur an ire pergat, ad coeptum in
Italiam iter continuandum inclinatur consiliis et
pollicitationibus legatorum Boiorum regulique
Magali. 30. Itaque varie militum versat ani-
mos castigando adhortandoque. 31. Tum medi-
terranea Galliae petit, et ab Allobrogibus, post-
quam certamina eorum, arbiter regni factus,
sedavit, copia rerum omnium, maxime vestium,
adjuvatur. Inde per Tricastinorum Vocontio-
rumque agros tendit in Tricorios, et Druentiam

trajicit, qui omnium Galliae annuum difficillimus transitu est.

32. Scipio, desperans, se hostes tantum praegressos adsequenturum Cn. fratrem cum maxima copiarum parte in Hispaniam mittit adversus Hasdrubalem, et cum exigua manu Genuam repetit, eo, qui circa Padum erat, exercitu Atilii et Manlii Italiam defensurus obcursumque Poeno ab Alpibus descendenti. Hannibal pervenit ad Alpes et Gallos ad visenda loca praemittit. 33. 34. Erigit agmen in primos montis clivos, conflictans cum montanis et iniquitate locorum. 35. 36. Nono die in jugum ejus evadit, et degreditur in vias praecipites, angustas, lubricas, praecalta nive et levi infra glacie obtectas. 37. Inde rupem, per quam unam via est, torridam incendia infusoque aceto putrefactam, pandit ferro, et tandem ad planum descendit. 38. In Ticinensis degreditur in Italiam, ingenti numero hominum jumentorumque amisso. 39. Scipio, quum Pisas navibus venisset exercitumque acceperisset a Manlio et Atilio tironem, praeparat Padum trajicere et ad Ticinum amicum movere castra, ubi exercitus Poenorum Romanorumque jam in conspectu sunt. 40. 41. Adhortatur milites suos. 42—44. Idem facit Hannibal, edito prius certamine captivorum montanorum.

45. Scipio Ticinum ponte trajicit, et non longe a Victumulis confidet in agro Insubrium, ubi Hannibal castra habet, et praemia suis juratus pronuntiat. 46. Prodigia in castris Rom. et pugna equestris ad Ticinum, in qua superior est Hannibal, et Scipio vulneratus intereersum primum pubescentis filii servatur. 47. Romani cis Padum regrediuntur, et perveniunt Placentiam; quo et Poeni contendunt. 48. Gal-

li

li auxiliares Romanorum ad Poenos transfugiunt, et Scipio, Trebiam transgressus, locum, qui prope flumen tutissimus stativis est visus, delectum communit, conlegis adventum opperiens. Nec procul inde Hannibal confidet, et proditione capit Clastidium vicum, quo magnum frumenti numerum congegesserant Romani.

49. 50. Interim Sempronius consul, ab Hierone rege adjutus, circa Siciliam res prospere gemit, et Poenos mari vincit ad Lilybaeum. 51. Tum Melitam capit: sed mox, literis senatus in Italiam revocatus, Sex. Pomponio legato et M. Aemilio praetori Siciliam maritimamque Italiae oram classibus tuendam adtribuit; et ipse cum exercitu suo navibus Ariminum, indeque terra ad Trebiam flumen venit. 52. Ibi opem poscentibus Gallis, quorum agros inter Padum et Trebiam Poeni populantur, auxilio mittit equitatum suum, qui proelio cum hostibus commisso superior excedit. 53. Hinc ferocior factus Sempronius simulatusque tum propinquo comitiorum tempore, tum spe in se unum vertendae gloriae, dum aeger esset conlega, eo nequidquam dissentiente, pugnam conferere non minus, quam Hannibal, gessit. 54. Mago locum insidiis aptum insidet; Numidae vero, transgressi Trebiam, obequitando Romanorum castris eos inde eliciunt, ceduntque insequentibus, quibus flumen transeuntibus corpora, non ante curata et gelurientia torpent. 55. Pugna ad Trebiam editur. 56. Vincuntur Romani, et duo exercitus consulares Placentiam Cremonamque confugiunt.

57. Romae trepidatur, creanturque consules C. Flaminius Nepos II. et Cn. Servilius Geminus. Hibernae expeditiones Hannibalis. 58. Is ad prima veris signa in Etruriam proficiscitur; sed transiturus Apenninum atroci cum tem-

pestilente confectatur, qua ingens hominum, jumentorum elephantorumque multitudo absumitur. 59. Itaque retro ad Placentiam castra movet, iterumque cum Sempronio configit et aequo Marte. Tum hic Lucam concedit, et ille in Ligures, qui ei nobiles aliquot Romanos, per insidias interceptos tradunt.

60. Dum haec in Italia geruntur, Cn. Cornelius Scipio in Hispania, orsus a Lacetaniis, omnem oram usque ad Iberum fl. Romanae facit dittonis; Hasnonem vincit vivumque capit cum aliquot principibus; et Scissim expugnat. 61. Hasdrubal non audent ei obviam ire; sed loca, ab illo relictas, Iberum aliquoties transgressus, vastat, et navales Romanorum socios, haud procul Tarracone vagantes, obprimit. Scipio Ilergetes Ausetanosque, qui ad Poenos defece- rant, subigit, devincitque Lacetanos, auxilium his ferentes.

62. Multa prodigia Romae aut circa urbem ea hieme facta et procurata. 63. Flaminius, consul designatus, memor veterum cum Patri- bus certaminum priorisque consulatus, quo ob ficta auspicia se abdicare coactus erat, privatus clam in provinciam abit, neque morem gerit senatui, eum revocanti; sed mox Arimini, licet tristi cum omine, magistratum init, adceptisque duabus a Sempronio legionibus totidemque a C. Atilio praetore, eas in Etruriam ducit per Apen- nini tramites.

In parte operis mei licet mihi praefari, quod in principio summae totius professi ple-
rique sunt rerum scriptores, bellum maxime
omnium

omnium memorabile, quae umquam gesta sint, me scripturum; quod, Hannibale duce, Carthaginenses cum populo Romano gessere. Nam neque validiores opibus ullae inter se civitates gentesque contulerunt arma, neque his ipsis tantum umquam virium aut roboris fuit: et haud ignotas belli artes inter se, sed expertas primo Punico conferebant bello. Et adeo varia belli fortuna ancepsque Mars fuit, ut propius periculum fuerint, qui vicerunt. Odiis etiam prope majoribus certarunt, quam viribus: Romanis indignantibus, quod victoribus victi ultro inferrent arma: Poenis, quod superbe avareque crederent imperitatum victis esse. Fama etiam est, Hannibalem annorum ferme novem, pueriliter blandientem patri Hamilcari, ut duceretur in Hispaniam, quum, perfecto Africo bello, exercitum eo trajecturus sacrificaret, altaribus admotum, tactis sacris jure jurando adactum, se, quum primum posset, hostem fore populo Romano. Angebant ingentis spiritus virum Sicilia Sardiniaque amissae: nam et Siciliam nimis celeri desperatione rerum concessam, et Sardiniam inter motum Africae fraude Romanorum, stipendio etiam insuper inposito, interceptam.

II. His anxius curis ita se Africo bello, quod fuit sub recentem Romanam pacem, per quinque annos, ita deinde novem annis in Hispania augendo Punico imperio gessit, ut adpareret, majus eum, quam quod gereret, agitare in animo bellum, et, si diutius vixisset, Hamilcare duce Poenos arma Italiae inlaturos fuisse, quae Hannibalis ductu intulerunt. Mors Hamilcaris perobportuna et pueritia Hannibalis distulerunt bellum. Medius Hasdrubal inter patrem et filium octo ferme annos imperium obtinuit, flore aetatis (uti ferunt) pri-

mo Hamilcari conciliatus; gener inde ob altant iudolem provento annis adscitus, et, quia gener erat, factionis Barcinæ opibus, quæ apud milites plebemque plus quam modicæ erant, haud sane voluntate principum, imperio petitus. Is, plura consilio, quam vi, gerens, hospitium regulorum magis, conciliandisque per amicitiam principum novis gentibus, quam bello aut armis, rem Carthaginiensem auxit. Ceterum nihilo ei pax tutior fuit. Barbarus, eum quidam palam, ob iram interfecti ab eo domini, obtruncavit; comprehensusque ab circumstantibus haud alio, quam si evasisset, vultu, tormentis quoque quum laceraretur, eo fuit habitu oris, ut, superante lætitia dolores, ridentis etiam speciem præbuerit. Cum hoc Hasdrubale, quia miræ artis in sollicitandis gentibus imperioque jungendis suo fuerat, foedus renovaverat populus Romanus, ut finis utriusque imperii esset annis Iberus, Saguntinisque mediis inter imperia duorum populorum libertas servaretur.

III. In Hasdrubalis locum haud dubia res fuit, quin prærogativam militarem, qua ex templo juvenis Hannibal in prætorium delatus, imperatorque ingenti omnium clamore atque adfensu adpellatus erat, favor etiam plebis sequeretur. Hunc vixdum puberem Hasdrubal literis ad se arcessierat: actaque res etiam in senatu fuerat, Barcinis nitentibus, ut adfuesceret militiæ Hannibal, atque in paternas subcreseeret opes. Hanno, alterius factionis princeps, *Et æquum postulare videtur, inquit, Hasdrubal; et ego tamen non, censeo, quod petit, tribuendum.* Quum admiratione tam ancipitis sententiæ in se omnes convertisset, *Florem ætatis, inquit, Hasdrubal, quem ipse patri Hannibalis fruentum præbuit, iusto jure*

jure cum a filio repeti cœset. Nos tamen minime decet, juventutem nostram pro militari rudimento adsuefacere libidini praestorum. At hoo timemus, ne Hamilcaris filius nimis sero imperia inmodica et regni paterni speciem videat? et, cujus regis genero hereditarii sint relictii exercitus nostri, ejus filio parum mature serviamus? Ego, istum juvenem domi tenendum, sub legibus, sub magistratibus docendum vivere aequo jure cum ceteris, censeo: ne quandoque parvus hic ignis incendium ingens exsuscitet.

IV. Pauci ac ferme optimus quisque Hannoni assentiebantur: sed (ut plerumque fit) major pars meliorem vicit. Missus Hannibal in Hispaniam primo statim adventu omnem exercitum in se convertit. Hamilcarem juvenem redditum sibi veteres milites credere; eundem vigorem in vultu, vimque in oculis, habitum oris lineamentaue intueri. Dein brevi effecit, ut pater in se minimum momentum ad favorem conciliandum esset. Numquam ingenium idem ad res diversissimas, parendum atque imperandum, habilis fuit. Itaque haud facile discerneres, utrum imperatori, an exercitui, carior esset: neque Hasdrubal alium quemquam praeficere malle, ubi quid fortiter ac strenue agendum esset: neque milites alio duce plus confidere, aut audere, Plurimum audaciae ad pericula capeffenda, plurimum consilii inter ipsa pericula erat. Nullo labore aut corpus fatigari, aut animus vinci poterat. Caloris ac frigoris patientia par: cibi potionisque desiderio naturali, non voluptate, modus finitus. Vigiliarum somnique nec die, nec nocte discriminata tempora. Id, quod gerendis rebus superesset, quieti datum: ea neque molli strato, neque silentio arcessita. Multi saepe militari sagulo opertum,

humi

humi jacentem inter custodias stationesque militum, conspexerunt. Vestitus nihil inter aequales excellens: arma atque equi conspiciabantur. Equitum peditumque idem longe primus erat. Princeps in proelium ibat; ultimus conferto proelio excedebat. Has tantas viri virtutes ingentia vitia aequabant; inhumana crudelitas, perfidia plus quam Punica, nihil veri, nihil sancti, nullus Deum metus, nullum jus jurandum, nulla religio. Cum hac indole virtutum atque vitiorum triennio sub Hasdrubale imperatore meruit, nulla re, quae agenda videndaque magno futuro duci esset, praetermissa.

V. Ceterum ex quo die dux est declaratus, velut Italia ei provincia decreta, bellumque Romanum mandatum esset, nihil profutandum ratus, ne se quoque, ut patrem Hamilcarem, deinde Hasdrubalem, cunctantem casus aliquis obprimeret, Saguntinis inferre bellum statuit. Quibus obpugnandis quia haud dubie Romanâ arma movebantur, in Olcadum fines prius (ultra Iberum ea gens in parte magis, quam in ditione, Carthaginienlium erat) induxit exercitum, ut non petisse Saguntinos, sed rerum serie, finitimis domitis gentibus; jungendoque, tractus ad id bellum videri posset. Cartejam, urbem opulentam, caput gentis ejus, expugnat diripitque. Quo metu percussae minores civitates, stipendio inpolito, imperium adcepere. Victor exercitus opulentusque praeda Carthaginem novam in hiberna est deductus. Ibi large partiendo praedam, stipendio praeterito cum fide exsolvendo, cunctis civium sociorumque animis in se firmatis, vere primo in Vaccaeos promotum bellum. Hermândica et Arbocala, Carteiorum urbes, vi captae. Arbocala et virtute et multitudine oppi-

oppidanorum diu defensa. Ab Hermandica profugi, exsulibus Olcadum, priore aetate domitae gentis, quum se junxissent, concitant Carpetanos: adortique Hannibalem, regressum ex Vaccaeis, haud procul Tago flumine agmen grave praeda turbavere. Hannibal proelio abstinuit; castrisque super ripam positis, quum prima quies silentiumque ab hostibus fuit, amnem vado trajecit: valloque ita producto, ut locum ad transgrediendum hostes haberent, invadere eos transeuntes statuit. Equitibus praecepit, ut, quum ingressos aquam viderent, adorirentur. Peditum agmen in ripa, elephantos ante quadraginta disposuit. Carpetanorum cum adpendicibus Olcadum Vaccaeorumque centum millia fuere; invicta acies, si aequo dimicaretur campo. Itaque et ingenio feroces, et multitudine freti, et, quod metu celsisse credebant hostem, id morari victoriam rati, quod interesset amnis, clamore sublato, passim sine ullius imperio, qua cuique proximum est, in amnem ruunt. Et ex parte altera ripae vis ingens equitum in flumen immissa, medioque alveo haudquaquam pari certamine concursum, quippe ubi pedes instabilis, ac vix vado fidens, vel ab inermi equite, equo temere actò, perverti posset; eques, corpore armisque liber, equo vel per medios gurgites stabili, cominus eminusque rem gereret. Pars magna flumine absumpta: quidam, vorticofo amni delati in hostes, ab elephantis obtriti sunt: postremi, quibus regressus in suam ripam tutior fuit, ex varia trepidatione quum in unum conligerentur, priusquam ex tanto pavore reciperent animos, Hannibal, agmine quadrato amnem ingressus, fugam ex ripa fecit; vastatisque agris, intra paucos dies Carpetanos quoque in deditionem adcepit. Et
jam

jam omnia trans Iberum, praeter Saguntinos, Carthaginienſium erant.

VI. Cum Saguntinis bellum nondum erat. Ceterum jam belli cauſa certamina cum finitiſimis ferebantur, maxime Turdetanis. Quibus quum ad eſſet idem, qui litis erat ſator, nec certamen juris, ſed vim quaeri adpareret; legati a Saguntinis Romam miſſi, auxilium ad bellum jam haud dubie inminens orantes. Conſules tunc Romae erant P. Cornelius Scipio et Ti. Sempronius Longus. Qui quum, legatis in ſenatum introductis, de re publica retuliſſent, placuiſſetque mitti legatos in Hiſpaniam, ad res ſociorum inſpiciendas, quibus ſi videretur digna cauſa, et Hannibali denuntiarent, ut ab Saguntinis, ſociis populi Romani, abſtineret, et Carthaginem in Africam trajicerent, ac ſociorum populi Romani querimonias deferrent: hac legatione decreta, necdum miſſa, omnium ſpe celerius Saguntum obpugnari ad datum eſt. Tunc relata ex integro res ad ſenatum. Alii, provincias conſulibus Hiſpaniam atque Africam decernentes, terra marique rem gerendam cenſebant: alii totum in Hiſpaniam Hannibalemque intendebant bellum. Erant, qui non temere movendam rem tantam, exſpectandosque ex Hiſpania legatos cenſerent. Haec ſententia, quae tutiſſima videbatur, vicit: legatique eo maturius miſſi, P. Valerius Flaccus et Q. Baebius Tamphilus, Saguntum ad Hannibalem, atque inde Carthaginem, ſi non abſiſteretur bello, ad ducem ipſum in poenam ſoederis rupti depoſcendum.

VII. Dum ea Romani parant conſultantque, jam Saguntum ſumma vi obpugnabatur. Civitas ea longe opulentiſſima ultra Iberum fuit, ſita paſſus mille ferme a mari. Oriundi a Zacyntho inſula dicuntur, mixtiſque etiam ab

ab Ardea Rutulorum quidam generis. Ceterum in tantas brevi creverant opes. seu maritimis, seu terrestribus fructibus, seu multitudinis incremento, seu sanctitate disciplinae, qua fidem socialem usque ad perniciem suam coluerunt. Hannibal, infesto exercitu ingressus fines, pervastatis passim agris, urbem tripartito adgreditur. Angulus muri erat in planiorem patentioremq; quam cetera circa, valem vergens. Adversus eum vineas agere instituit, per quas aries moenibus admoveri posset. Sed ut locus procul muro satis aequus agendis vineis fuit; ita haudquaquam prospere, postquam ad effectum operis ventum est, coeptis subcedebat. Et turris ingens imminabat: et murus, ut in suspecto loco, supra ceterae modum altitudinis emunitus erat: et juvenus delecta, ubi plurimum periculi ac laboris ostendebatur, ibi vi majore obsistebant. Ac primo missilibus submovere hostem, nec quidquam satis tutum munientibus pati. Deinde jam non pro moenibus modo atque turri tela micare, sed ad erumpendam etiam in stationes operaque hostium animus erat: quibus tumultuariis certaminibus haud ferre plures Saguntini cadebant, quam Poeni. Ut vero Hannibal ipse, dum murum incautius subit, adversum femur tragula graviter ictus cecidit; tanta circa fuga ac trepidatio fuit, ut non multum abesset, quin opera ac vineae defererentur.

VIII. Obsidio deinde per paucos dies magis, quam obpugnatio, fuit, dum vulnus ducis curaretur. Per quod tempus ut quies certaminum erat, ita ab adparatu operum ac munitionum nihil cessatum. Itaque acrius de integro obortum est bellum, pluribusque partibus, vix adipientibus quibusdam opera locis, vineae coeptae agi admoverique aries. Abundabat

dabat multitudine hominum Poenus; ad centum enim quinquaginta millia habuisse in armis fatis creditur. Oppidani ad omnia tuenda atque obeunda multifariam distineri coepti sunt. Et non subiciebant (jam enim feriebantur arietibus) muri, quassataeque multae partes erant. Una continentibus ruinis nudaverat urbem: tres deinceps turres, quantumque inter eas muri erat, cum fragore ingenti prociderant: captumque oppidum ea ruina crediderant Poeni; qua, velut si pariter utrosque murus texisset, ita utrimque in pugnam procursum est. Nihil tumultuariae pugnae simile erat, quales in obpagnationibus urbium per occasionem partis alterius conseri solent: sed justae acies, velut patenti campo, inter ruinas muri tectaque urbis modico distantia intervallo constiterant. Hinc spes, hinc desperatio animos irritat: Poeno cepisse jam se urbem, si paullulam adnitatur, credente; Saguntinis pro nudata moenibus patria corpora obponentibus, nec ullo pedem referente, ne in relictum a se locum hostem inmitteret. Itaque quo acrius et conferti magis utrimque pugnabant, eo plures vulnerabantur, nullo inter arma corporaque vano intercidente telo. Falarica erat Saguntinis, missile telum hastili abiegno et cetera tereti, praeterquam ad extremum, unde ferrum exstabat. Id, sicut in pilo, quadratum stuppa circumligabant lineabantque pice. Ferrum autem tres longum habebat pedes, ut cum armis transfigere corpus posset. Sed id maxime, etiamsi haesisset in scuto, nec penetrasset in corpus, pavorem faciebat, quod, quum medium ad censum mitteretur, conceptumque ipso motu multo majorem ignem ferret, arma omitti cogebat, nudumque militem ad insequentes ictus praebebat.

IX.

IX. Quum diu anceps fuisset certamen, et Saguntinis, quia praeter spem resisterent, crevissent animi, Poenus, quia non vicisset, pro victo esset; clamorem repente oppidani tollunt, hostemque in ruinas muri expellunt; inde inpeditum trepidantemque exturbant; postremo fusum fugatumque in castra redigunt. Interim ab Roma legatos venisse nuntiatum est. Quibus obviam ad mare missi ab Hannibale, qui dicerent, nec tuto eos adituros inter tot tam efferatarum gentium arma: nec Hannibali, in tanto discrimine rerum, operae esse legationes audire. Adparebat, non admissos protenus Carthaginem ituros. Literas igitur nuntiosque ad principes factionis Barcinæ praemittit, ut praepararent suorum animos, ne quid pars altera gratificari pro Romanis posset.

X, Itaque, praeterquam quod admissi auditique sunt, ea quoque vana atque inrita legatio fuit. Hanno unus adverso senatu causam foederis, magno silentio propter auctoritatem suam, non adiensum audientium, egit. *Per Deos, foederum arbitros ac testes, monuisse, praedixisse se, ne Hamilcaris progeniem ad exercitum mitterent. Non manes, non stirpem ejus conquiescere viri: nec unquam, donec sanguinis nominisque Barcini quisquam super sit, quietura Romana foedera. Juvenem flagrantem cupidine regni, viamque unam ad id cernentem, si ex bellis bella serendo subcinctus armis legionibusque vivat, velut materiam igni praebentes, ad exercitus misistis. Aluistis ergo hoc incendium, quo nunc ardetis. Saguntum vestri circumfident exercitus, unde arcentur foedere: mox Carthaginem circumfidebunt Romanae legiones, ducibus iisdem Diis, per quos priore bello rupta foedera sunt ulti. Vtrum*

T. Liv. P. II.

B

ho-

hostem, an vos, an fortunam utriusque populi, ignoratis? Legatos, ab sociis et pro sociis venientes, bonus imperator vester in castra non admisit, jus gentium sustulit. Hi tamen, unde ne hostium quidem legati arcentur, pulsati ad vos veniunt, res ex foedere repetunt, publica fraus absit, auctorem culpaе et reum criminis deposcunt. Quo lenius agunt, segnius incipiunt; eo, quum cōperiat, versor, ne perseverantius saeviant. Aegates insulas Erycenique ante oculos proponite; quae terra marique per quatuor et viginti annos passi sitis. Nec puer hic dux erat, sed pater ipse Hamilcar, Mars alter, ut isti volent. Sed tunc Tarento, id est Italia, non abstinueramus ex foedere; sicut nunc Sagunto non abstinemus. Vicerunt ergo Dii hominesque; et, id de quo verbis ambigebatur, uter populus foedus rupisset, eventus belli, velut aequus iudex, unde ius stabat, ei victoriam dedit. Carthagini nunc Hannibal vineas turresque admovet: Carthaginis moenia quatit ariete. Sagunti ruinae (falsus utinam vates sum) nostris capitibus incident: susceptumque cum Saguntinis bellum habendum cum Romanis est. Dedemus ergo Hannibalem? dicet aliquis. Scio, meam levem esse in eo auctoritatem propter paternas inimicitias. Sed et Hamilcarem eo perisse laetatus sum, quod, si ille viveret, bellum jam cum Romanis haberemus; et huic juvenem, tamquam furiam faciemque hujus belli, odi ac detestor. Nec dedendum solum id piaculum rupti foederis; sed, si nemo deposcat, devehendum in ultimas maris terrarumque oras, ablegandumque eo, unde nec ad nos nomen famaque ejus adcedere, neque sollicitare quietae civitatis statum possit. Ego ita censeo, legatos extemplo Romam mittendos, qui senatui satis faciant: alios,

alios, qui Hannibali nuntient, ut exercitum ab Sagunto abducat, ipsumque Hannibalem ex foedere Romanis dedant. Tertiam legationem ad res Saguntinis reddendas decerno.

XI. Quum Hanno perorasset, nemini omnium certare oratione cum eo necesse fuit. Adeo prope omnis senatus Hannibalis erat; infestiusque loquutum arguebant Hannonem, quam Flaccum Valerium, legatum Romanum. Responsum inde legatis Romanis est, *Bellum ortum ab Saguntinis, non ab Hannibale esse. Populum Romanum injuste facere, si Saguntinos vetustissimae Carthaginensium societati praeponat.* Dum Romani tempus terunt legationibus mittendis, Hannibal, quia fessum militem proeliis operibusque habebat, paucorum iis dierum quietem dedit, stationibus ad custodiam vinearum aliorumque operum dispositis. Interim animos eorum nunc ira in hostes stimulando, nunc spe praemiorum accendit. Ut vero pro concione praedam captae urbis edixit militum fore, adeo accensi omnes sunt, ut, si extemplo signum datum esset, nulla vi resisti videretur posse. Saguntini ut a proeliis quietem habuerant, nec lacessentes, nec lacessiti per aliquot dies; ita non nocte, non die umquam cessaverant ab opere, ut novum murum ab ea parte, qua patefactum oppidum ruinis erat, reficerent. Inde obpugnatio eos aliquanto atrocior, quam ante, adorta est: nec, qua primum aut potissimum parte ferrent opem, (quum omnia variis clamoribus streperent) satis scire poterant. Ipse Hannibal, qua turris mobilis, omnia munimenta urbis superans altitudine, agebatur, hortator aderat. Quae quum admota, catapultis ballistisque per omnia tabulata dispositis, muros defensoribus nudasset; tum Hannibal, occasio-

B 2

nem

nem ratus, quingentos ferme Afros cum dolabris ad subruendum ab imo murum mittit. Nec erat difficile opus, quod caementa non calce durata erant, sed interlita luto, structurae antiquae genere. Itaque latius, quam caederetur, ruebat: perque patentia ruinis agmina armatorum in urbem vadebant. Locum quoque editum capiunt: conlatisque eo catapultis ballistisque, ut castellum in ipsa urbe velut arcem iumentem haberent, muro circumdant: et Saguntini murum interiorem ab nondum capta urbis parte ducunt. Vtrunque summa vi et muniunt, et pugnant: sed, interiora tuendo, minorem in dies urbem Saguntini faciunt. Simul crescit inopia omnium, longa obsidione, et minuitur expectatio externae opis; quum tam procul Romani, unica spes, circa omnia hostium essent. Paullisper tamen adfectos animos recreavit repentina profectio Hannibalis in Oretanos Carpetanosque. Qui duo populi, delectus acerbitate confertali, retentis conquistatoribus, metum defectionis quum praebuissent, obpressi celeritate Hannibalis, omiserunt mole arma.

XII. Nec Sagunti obpugnatio segnior erat, Maharbale, Himilconis filio, (eum praefecerat Hannibal) ita inpigre rem agente, ut ducem abesse nec cives, nec hostes sentirent. Is et proelia aliquot secunda fecit, et tribus arcebus aliquantulum muri disoussit; strataque omnia recentibus ruinis advenienti Hannibali ostendit. Itaque ad ipsam arcem extemplo ductus exercitus, atroxque proelium cum multorum utrimque caede initum, et pars arcis capta est. Tentata deinde per duos est exigua pacis spes, Alconem Saguntinum et Alorcum Hispanum. Alcon, insciis Saguntinis, precibus aliquid moturum ratus, quum ad Hannibalem

balem noctu transisset, postquam nihil lacrumae movebant conditionesque tristes, ut ab irato victore, ferebantur, transfuga ex oratore factus, apud hostem mansit; moriturum adfirmans, qui sub conditionibus his de pace ageret. Postulabatur autem, redderent res Turdetanis, traditoque omni auro atque argento, egressi urbe cum singulis vestimentis ibi habitarent, ubi Poenus iussisset. Has pacis leges abnuente Alcone adcepturos Saguntinos, Alorcus, vinci animos, ubi alia vincantur, adfirmans, se pacis ejus interpretem fore pollicetur. Erat autem tum miles Haunibalis; ceterum publicae Saguntinis amicus atque hospes. Tradito palam telo custodibus hostium, transgressus munimenta, ad praetorem Saguntinum (et ipse ita jubebat) est deductus. Quo quum extemplo concursus omnis generis hominum esset factus; submota cetera multitudine, senatus Alorco datus est; cujus talis oratio fuit.

XIII. *Si civis vester Alcon, sicut ad pacem petendam ad Hannibalem venit, ita pacis conditiones ab Hannibale ad vos retulisset, supervacaneum hoc mihi fuisset iter, quo nec orator Hannibalis, nec transfuga ad vos venissem. Quum ille, aut vestra, aut sua culpa, manserit apud hostem, (si metum similavit, sua; vestra, si periculum est apud vos vera referentibus) ego, ne ignoraretis, esse aliquas et salutis et pacis vobis conditiones, pro vetusto hospitio, quod mihi vobiscum est, ad vos veni. Vestra autem causa me, nec ullius alterius, loqui, quae loquor apud vos, vel ea fides sit, quod, neque dum vestris viribus restitistis, neque dum auxilia ab Romanis sperastis, pacis unquam apud vos mentionem feci. Postquam nec ab Romanis vobis ulla spes est, nec vestra jam aut arma vos,*

aut moenia satis defendunt; pacem adfero ad vos magis necessariam, quam aequam. Cujus ita aliqua spes est, si eam, quemadmodum ut victor fert Hannibal, sic vos ut victi audiat; si non id, quod amittitur, in damno, (quum omnia victoris sint) sed, quidquid relinquitur, pro munere habituri estis. Urbem vobis, quam ex magna jam parte dirutam, captam fore totam habet, adimit, agros relinquit, locum assignaturus, in quo novum oppidum aedificetis: aurum argentumque omne, publicum privatumque, ad se jubet deferri: conjugum vestraque corpora de liberorum vestrorum servat inviolata, si inermes cum binis vestimentis velitis ab Sanguento exire. Haec victor hostis imperat. Haec, quamquam sint gravia atque acerba, fortuna vestra vobis suadet. Equidem haud despero, quum omnium potestas ei facta sit, aliquid ex his rebus remissurum. Sed vel haec patiendam censeo potius, quam trucidari corpora vestra, rapi trahique ante ora vestra conjuges ac liberos belli jure finatis.

XIV. Ad haec audienda quum, circumfusa paulatim multitudine, permixtum senatus esset populi concilium; repente primores, secessione facta, (priusquam responsum daretur) argentum aurumque omne, ex publico privatoque in forum conlatum, in ignem ad id raptim factum conjicientes, eodem plerique semet ipsi praecipitaverunt. Quum ex eo pavor ac trepidatio totam urbem pervassisset, alius insuper tumultus ex arce auditur. Turris diu quassata prociderat: perque ruinam ejus cohors Poenorum impetu facto quum signum imperatori dedisset, nudatam stationibus custodiisque solitis hostium esse urbem; non cunctandum in tali occasione ratus Hannibal, totis viribus adgressus urbem, momen-

to

to cepit, signo dato, ut omnes puberes interficerentur. Quod imperium crudele, ceterum prope necessarium cognitum ipso eventu est. Cui enim parci potuit ex iis, qui aut inclusi cum conjugibus ac liberis domos super se ipsos concremaverunt, aut armati nullum ante finem pugnae, quam morientes, fecerunt?

XV. Captum oppidum est cum ingenti praeda. Quamquam pleraque ab dominis de industria corrupta erant, et in caedibus vix ullum discrimen aetatis ira fecerat, et captivi militum praeda fuerant; tamen et ex pretio rerum venditarum aliquantum pecuniae redactum esse constat, et multam pretiosam suppellectilem vestemque missam Carthaginem. Octavo mense, quam coeptum obpugnari, captum Saguntum, quidam scribere: inde Carthaginem novam in hiberna Hannibalem concessisse: quinto deinde mense, quam ab Carthagine profectus sit, in Italiam pervenisse. Quae si ita sunt, fieri non potuit, ut P. Cornelius, Ti. Sempronius consules fuerint, ad quos et principio obpugnationis legati Saguntini missi sint, et qui in suo magistratu cum Hannibale, alter ad Ticinum amnem, ambo aliquanto post ad Trebiam, pugnaverint. Aut omnia breviora aliquanto fuere, aut Saguntum principio anni, quo P. Cornelius, Ti. Sempronius consules fuerunt, non coeptum obpugnari est, sed captum. Nam excessisse pugna ad Trebiam in annum Cn. Servilii et C. Flamini non potest, quia Flaminius Ariminii consulatum iniiit, creatus ab Ti. Sempronio consule; qui, post pugnam ad Trebiam ad creandos consules Romam quum venisset, comitiis perfectis ad exercitum in hiberna rediit.

XVI. Sub idem fere tempus et legati, qui redierant a Carthagine, Romam retulerunt,

B 4

omnia

omnia hostilia esse, et Sagunti excidium nuntiatum est: tantusque simul moeror Patres, misericordiaque sociorum peremtorum indigne, et pudor non latius auxilii, et ira in Carthaginienſes, metusque de summa rerum cepit, velut si jam ad portas hostis esset, ut, tot uno tempore motibus animi turbati, trepidarent magis, quam consulerent. Nam neque hostem acriorem bellicosioresque secum congressum; nec rem Romanam tam desidem unquam, fuisse atque inbellem. Sardos Corsosque et Istros atque Illyrios lacesſisse magis, quam exercuisse, Romana arma: et cum Gallis tumultuatum verius, quam belligeratum. Poenum, hostem veteranum, trium et viginti annorum militia durissima inter Hispanas gentes semper victorem, primum Hamilcare, deinde Hasdrubale, nunc Hannibale duce acerrimo adſuetum, recentem ab excidio opulentissimae urbis, Iberum transire: trahere secum tot excitos Hispanorum populos: concitatum avidas semper armorum Gallicas gentes. Cum orbe terrarum bellum gerendum in Italia ac pro moenibus Romanis esse.

XVII. Nominatae jam antea consulibus provinciae erant; tum fortiri jussi. Cornelio Hispania, Sempronio Africa cum Sicilia evenit. Sex in eum annum decretae legiones, et socium quantum ipsis videretur, et classis quantae parari posset. Quatuor et viginti peditum Romanorum millia sunt scripta, et mille octingenti equites: sociorum quadraginta millia peditum, quatuor millia et quadringenti equites: naves ducentae viginti quinqueremes, celes loces viginti deductae. Latum inde ad populum, *vellent, juberent, populo Carthaginensi bellum indici*. Ejusque belli causa subplicatio per Urbem habita, atque adorati Dii,
ut

nt bene ac feliciter eveniret, quod bellum populus Romanus iussisset. Inter consules ita copiae divisaе. Sempronio datae legiones duae, (eae quaterna millia erant peditum et treceni equites) et sociorum sexdecim millia peditum, equites mille octingenti: naves longae centum sexaginta, celoces duodecim. Cum his terrestribus maritimisque copiis Ti. Sempronius missus in Siciliam; ita in Africam transmissurus, si ad arcendum Italia Poenum consul alter satis esset. Cornelio minus copiarum datum, quia L. Manlius praetor et ipse cum haud invalido praesidio in Galliam mittebatur. Navium maxime Cornelio numerus diminutus. Sexaginta quinqueremes datae (neque enim mari venturum, aut ea parte belli dimicaturum hostem credebant) et duae Romanae legiones cum suo iusto equitatu et quatuordecim millibus sociorum peditum, equitibus mille sexcentis. Duas legiones Romanas et decem millia sociorum peditum, mille equites socios, sexcentos Romanos Gallia provincia eodem anno versa in Punicum bellum habuit.

XVIII. His ita comparatis, ut omnia iusta ante bellum fierent, legatos maiores natu, Q. Fabium, M. Livium, L. Aemilium, C. Licinium, Q. Baebium, in Africam mittunt ad percunctandos Carthaginienses, publicone consilio Hannibal Saguntum obpugnasset? et si, id quod facturi videbantur, faterentur, ac defenderent publico consilio factum, ut indicerent populo Carthaginiensi bellum. Romani postquam Carthaginem venerunt, quum senatus datus esset, et Q. Fabius nihil ultra, quam unum, quod mandatum erat, percunctatus esset; tum ex Carthaginiensibus unus: *Praeceps vestra, Romani, et prior legatio fuit.*
B 5
quum

quum Hannibalem, tamquam suo consilia Saguntum obpugnantem deposcebatis: ceterum haec legatio verbis adhuc lenior est, re asperior. Tunc enim Hannibal et insimilabatur, et deposcebatur. Nunc ab nobis et confessio culpae exprimitur: et, ut a confessis, res extemplo repetuntur. Ego autem non, privato publicone consilio Saguntum obpugnatum sit, quaerendum censeam; sed utrum jure, an injuria. Nostra enim haec quaestio atque animadversio in civem nostrum est; nostro, an suo fecerit arbitrio. Vobiscum una disceptatio est, licueritne per foedus fieri. Itaque quoniam discerni placet, quid publico consilio, quid sua sponte imperatores faciant; nobis vobiscum foedus est a Lutatio consule ictum: in quo quum caveretur utrorumque sociis, nihil de Saguntinis (neo dum enim erant socii vestri) cautum est. At enim eo foedere, quod cum Hasdrubale ictum est, Saguntini excipiuntur. Adversus quod nihil ego dicturus sum, nisi quod a vobis didici. Vos enim, quod C. Lutatius consul primo nobiscum foedus icit, quia neque auctoritate Patrum, nec populi jussu ictum erat, negastis vos eo teneri. Itaque aliud de integro foedus publico consilio ictum est. Si vos non tenent vestra foedera, nisi ex auctoritate aut jussu vestro icta; ne nos quidem Hasdrubalis foedus, quod nobis insciis icit, obligare potuit. Proinde omittite Saguntum atque Iberi mentionem facere, et, quod diu parturit animus vester, aliquando pariat. Tum Romapns, sinu ex toga facto, Hic, inquit, vobis bellum et pacem portamus; utrum placet, sumite. Sub hanc vocem laud minus ferociter, daret, utrum vellat, subclamatum est. Et quum is iterum sinu effuso bellum dare dixisset, accipere se omnes responderunt, et, quibus acciperent armis, iisdem se gesturas.

XIX.

XIX. Haec directa percunctatio ac denuntiatio belli magis ex dignitate populi Romani visa est, quam de foederum jure verbis disceptare, quum ante, tum maxime Sagunto excisa. Nam, si verborum disceptationis res esset, quid foedus, Hasdrubalis cum Lutatii priore foedere, quod mutatum est, comparandum erat? quum in Lutatii foedere diserte additum esset, *ita id ratum fore, si populus censuisset?* in Hasdrubalis foedere nec exemplum tale quidquam fuerit, et tot annorum silentio ita vivo eo comprobatum sit foedus, ut ne mortuo quidem auctore quidquam mutaretur. Quamquam et, si priore foedere staretur, salis cautum erat Saguntinis, sociis utrorumque exceptis. Nam neque additum erat, *iis, qui tunc essent*, nec, *ne qui postea adsumerentur*. Et quum adsumere novos liceret socios, quis aequum censeret, aut ob nulla quaequam merita in amicitiam recipi? aut receptos in fidem non defendi? tantum, ne Carthaginiensium socii aut sollicitarentur ad defectionem, aut sua sponte desciscerent reciperentur. Legati Romani ab Carthagine, sicut his Romae imperatum erat, in Hispaniam, ut adirent civitates, ut in societatem perlicerent, aut averterent a Poenis, trajecerunt. Ad Bargusios primum venerunt: a quibus benigne excepti, quia taedebat imperii Punici, multos trans Iberum populos ad cupidinem novae fortunae erexerunt. Ad Volcianos inde est ventum: quorum celebre per Hispaniam responsum ceteros populos ab societate Romana avertit. Ita enim maximus natus ex iis in concilio respondit: *Quae verecundia est. Romani, postulare vos, uti vestram Carthaginiensium amicitiae praeponamus, quum, qui id fecerunt, Saguntinos crudelius, quam Poenus hostis perdidit,*

dit, vos socii prodideritis? Ibi quaeratis socios, conseo, ubi Saguntina clades ignota est. Hispanis populis, sicut lugubre, ita insigne documentum Sagunti ruinae erunt, ne quis fidei Romanae aut societati confidat. Inde extemplo abire finibus Volcianorum iussi, ab nullo deinde concilio Hispaniae benigniora verba trahere. Itaque nequidquam peragrata Hispania, in Galliam transeunt.

XX. In his nova terribilisque species visa est, quod armati (ita mos gentis erat) in concilium venerunt. Quum, verbis extollentes gloriam virtutemque populi Romani ac magnitudinem imperii, petissent, ne Poeno, bellum Italiae inferenti, per agros urbesque suas transitum darent; tantus cum fremitu risus dicitur ortus, ut vix a magistratibus maioribusque natu juvenus sedaretur. Adeo stolidi impudensque postulatio visa est, censere, ne in Italiam transmittant Galli bellum, ipsos id avertere in se, agrosque suos pro alienis populandos objicere. Sedato tandem fremitu, responsum legatis est. *Neque Romanorum in se meritum esse, neque Carthaginienstim injuriam, ob quae aut pro Romanis, aut adversus Poenos sumant arma. Contra ea audire sese, gentis suae homines agris finibusque Italiae pelli a populo Romano, stipendiumque pendere, et cetera indigna pati.* Eadem ferme in ceteris Galliae conciliis dicta auditaque: nec hospitale quidquam pacatumve satis prius auditum, quam Massiliam venere. Ibi omnia, ab sociis iniquita cum cura ac fide, cognita, praecoccupatos jam ante ab Hannibale Gallorum animos esse. *Sed ne illi quidem ipsi satis nitent gentem fore, (adeo ferocia atque indomita ingenia esse) ni subinde auro, cujus avidissima gens est, principum animi conciliantur.* Ita peragratis Hispaniae

niae et Galliae populis, legati Romam redeunt, haud ita multo post, quam consules in provincias profecti erant. Civitatem omnem in expectationem belli erectam invenerunt, satis constante fama, jam Iberum Poenos transmississe.

XXI. Hannibal, Sagunto capto, Carthaginem novam in hiberna concesserat. Ibique, auditis, quae Romae, quaeque Carthagine acta decretaque forent, seque non ducem solum, sed etiam causam esse belli, partitis divenditisque reliquiis praedae, nihil ultra differendum ratus, Hispani generis milites convocat: *Credo ego vos, inquit, socii, et ipsos cernere, pacatis omnibus Hispaniae populis, aut finientem nobis militiam exercitusque dimittendos esse, aut in alias terras transferendum bellum: ita enim hae gentes non pacis solum, sed etiam victoriae, bonis floreant, si ex aliis gentibus praedam et gloriam quaeremus. Itaque, quum longinqua ab domo instet militia, incertumque sit, quando domos vestras, et quae cuique ibi cara sunt, visuri sitis, si quis vestrum suos invisere vult, commeatum do. Primo vere, edico, adfitis, ut, Diis bene juvantibus, bellum ingentis gloriae praedaeque futurum incipiamus.* Omnibus fere visendi domos oblata ultro potestas grata erat, et jam desiderantibus suos, et longius in futurum providentibus desiderium. Per totum tempus hiemis quies inter labores, aut jam exhaustos, aut mox exhauriendos, renovavit corpora animosque ad omnia de integro patienda. Vere primo ad edictum convenere. Hannibal, quum recensuisset omnium auxilia gentium, Gades profectus Herculi vota exsolvit; novisque se obligat votis, si cetera prospera evenissent. Inde partiens curas simul in inferendum atque ar-

cendum bellum, ne, dum ipse terrestri per Hispaniam Galliasque itinere Italiam peteret, nuda apertaue Romanis Africa ab Sicilia esset, valido praesidio firmare eam statuit. Pro eo subplementum ipse ex Africa, maxime jaculatorum, levium armis, petiit, ut Afri in Hispania, in Africa Hispani, melior procul ab domo futurus uterque miles, velut mutuis pigneribus obligati, stipendia facerent. Tredecim millia octingentos quinquaginta pedites caetratos misit in Africam, et funditores Baliares octingentos septuaginta: equites mixtos ex multis gentibus mille ducentos. Has copias partim Carthagini praesidia esse, partim distribui per Africam jubet. Simul conquistoribus in civitates missis, quatuor millia conscripta delectae juventutis, praesidium eosdem et obsides, duci Carthaginem jubet.

XXII. Neque Hispaniam neglegendam ratus, (atque ideo haud minus, quod haud ignarus erat, circumitam ab Romanis eam legatis ad sollicitandos principum animos) Has rubali fratri, viro inpigro, eam provinciam destinat, firmatque eum Africis maxime praesidiis, peditum Afrorum undecim millibus octingentis quinquaginta, Liguribus trecentis, Baliaribus quingentis. Ad haec peditum auxilia additi equites Libyphoenices (mixtum Punicum Afris genus quadringenti et quinquaginta, Numidae Maurique adcolae Oceani ad mille octingentos; et parva Ilergetum manus ex Hispania, ducenti equites, et, ne quid terrestris deesset auxilii genus, elephantum quatuordecim. Classis praeterea data ad tuendam maritimam oram, (quia, qua parte belli vicerant, ea tum quoque rem gesturos Romanos, credi poterat) quinquaginta quinquereemes, quadriremes duae, triremes quinque: sed aptae instructaeque re-

miglio

migio triginta et duae quinqueremes erant, et triremes quinque. Ab Gadibus Carthaginem ad hiberna exercitus rediit; atque inde, profectus praeter Etovissam urbem, ad Iberum maritimamque oram ducit. Ibi, fama est, in quiete visum ab eo juvenem divina specie, qui se ab Jove diceret *ducem in Italiam Hannibali missum: proinde sequeretur, neque usquam a se deflecteret oculos.* Pavidum primo, nusquam circumspicientem aut respicientem, sequutum; deinde, cura humani ingenii, quomodo, quidnam id esset, quod respicere vetitus esset, agitare animo, temperare oculis nequivisse; tum vidisse, post sese serpentem mira magnitudine cum ingenti arborum ac virgultorum strage ferri, ac post insequi cum fragore coeli nimbum: tum, *quae moles ea, quidve prodigii esset, quaerentem audisse: Vastitatem Italiae esse. Pergeret porro ire, nec ultra inquireret, suereturque fata in obculto esse.*

XXIII. Hoc visu laetus tripartito Iberum copias trajecit, praemissis, qui Gallorum animos, qua traducendus exercitus erat, donis conciliarent, Alpiumque transitus specularentur. Nonaginta millia peditum, duodecim millia equitum Iberum traduxit. Ilergetes inde Bargusiosque et Ausetanos et Lacetaniam, quae subjecta Pyrenaeis montibus est, subegit: oraeque huic omni praefecit Hannonem, ut fauces, quae Hispanias Galliis jungunt, in potestate essent. Decem millia peditum Hannoni ad praesidium obtinendae regionis data, et mille equites. Postquam per Pyrenaeum saltum t aduci exercitus est coeptus, rumorque per barbaros manavit certior de bello Romano; tria millia inde Carpetanorum peditum iter averterunt. Constabat, non tam bello motos, quam longinquitate viae insuperabilique Alpium

pium transitu. Hannibal, quia revocare aut vi retinere eos anceps erat, ne ceterorum etiam feroces animi irritarentur, supra septem milia hominum domos remisit, quos et ipse gravari militia senferat, Carpetanos quoque ab se dimissos similans.

XXIV. Inde, ne mora atque otium animos sollicitarent, cum reliquis copiis Pyrenaeum transgreditur, et ad oppidum Illiberi castra locat. Galli quamquam Italiae bellum inferri audiebant, tamen, quia vi subactos trans Pyrenaeum Hispanos fama erat, praesidiaque valida inposita, metu servitutis ad arma consternati, Ruscinonem aliquot populi conveniunt. Quod ubi Hannibali nuntiatum est, moram magis, quam bellum, metuens, oratores ad regulos eorum misit, *conloqui semet ipsum velle cum his; et vel illi propius Illiberi accederent, vel se Ruscinonem processurum, ut ex propinquo congressus facilius esset: nam et addecepturum eos in castra sua se laetum, nec cunctanter se ipsum ad eos venturum. Hospitem enim se Galliae, non hostem, advenisse: nec stricturum ante gladium, si per Gallos liceat, quam in Italiam venisset.* Et per nuntios quidem haec. Vt vero reguli Gallorum, castris ad Illiberim extemplo motis, haud gravate ad Poenum venerunt; capti donis, cum bona pace exercitum per fines suos praeter Ruscinonem oppidum transmiserunt.

XXV. In Italiam interim nihil ultra, quam Iberum transisse Hannibalem, a Massiliensium legatis Romam perlatum erat: quum perinde, ac si Alpes jam transisset, Boji, sollicitatis Insubribus, defecerunt; nec tam ob veteres in populum Romanum iras, quam quod nuper, circa Padum, Placentiam Cremonamque colonias in agrum Gallicum deductas aegre patien-

liebantur. Itaque, armis repente adreptis, in eum ipsum agrum inpetu facto, tantum terroris ac tumultus fecerunt, ut non agrestis modo multitudo, sed ipsi triumviri Romani, qui ad agrum venerant assignandum, diffusi Placentiae moenibus, Mutinam confugerint, C. Lutatius, C. Servilius, T. Annius. Lutatii nomen haud dubium est. Pro C. Servilio et T. Annio, Q. Acilium et C. Herennium habent quidam annales; alii P. Cornelium Asnam et C. Papirium Masonem. Id quoque dubium est, legati, ad expostulandum missi ad Bojos, violati sint, an in triumviros agrum metantes inpetus sit factus. Mutinae quum obsiderentur, et gens, ad obpugnandarum urbium artes rudis, pigerrima eadem ad militaria opera, segnis intactis adsideret muris; similari coeptum de pace agi. Evocatique ab Gallorum principibus legati ad colloquium, non contra jus modo gentium, sed violata etiam, quae data in id tempus erat, fide, comprehenduntur; negantibus Gallis, nisi obsides sibi redderentur, eos dimissuros. Quum haec de legatis nuntiata essent, et Mutina praesidiumque in periculo esset, L. Manlius praetor, ira adensus, effusum agmen ad Mutinam ducit. Silvae tunc circa viam erant, plerisque incultis. Ibi, inexplorato profectus, in insidias praecipitatus, multaue eum caede suorum aegre in apertos campos emerfit. Ibi castra communita; et, quia Gallis ad tentanda ea defuit spes, resecti sunt militum animi, quamquam ad C. cecidisse satis constabat. Iter deinde de integro coeptum, nec, dum per patientia loca ducebatur agmen, adparuit hostis; ubi rursus silvae intratae, tum postremos adorti, cum magna trepidatione ac pavore omnium, octingentos milites occiderunt, sex signa

C

T. Liv. P. II. ade-

ademere. Finis et Gallis territandi, et pavendi Romanis fuit, ut e saltu invio atque inpedito evasere. Inde, apertis locis facile tutantes agmen, Romani Tanetum, vicum propinquum Pado, contendere. Ibi se munimento ad tempus commeatibusque fluminis et Brianorum Gallorum auxilio, adversus crescentem in dies multitudinem hostium, tutabantur.

XXVI. Qui tumultus repens postquam est Romam perlatus, et Punicum insuper Gallico bello auctum Patres adceperunt; C. Attilium praetorem cum una legione Romana et quinque millibus sociorum, delectu novo a consule conscriptis, auxilium ferre Manlio jubent: qui sine ullo certamine (abscefferant enim metu hostes) Tanetum pervenit. Et P. Cornelius, in locum ejus, quae missa cum praetore fuerat, transcripta legione nova, profectus ab Urbe sexaginta longis navibus, praeter oram Etruriae Ligurumque et inde Salyum montes, pervenit Massiliam, et ad proximum ostium Rhodani (pluribus enim divisus amnis in mare decurrit) castra locat: vixdum satis credens, Hannibalem superasse Pyrenaeos montes. Quem ut de Rhodani quoque transitu agitare animadvertit, incertus, quonam ei loco obcurreret, necdum satis reffectis ab jactatione maritima militibus, trecentos interim delectos equites, ducibus Massiliensibus et auxiliaribus Gallis, ad exploranda omnia visendosque ex tuto hostes praemittit. Hannibal, ceteris metu aut pretio pacatis, jam in Volcarum pervenerat agrum, gentis validae. Colunt autem circa utramque ripam Rhodani: sed, diffusi ceteriore agro arceri Poenum posse, ut flumen pro munimento haberent, omnibus ferme suis trans Rhodanum trajectis, ulteriorem ripam amnis armis obli-

oblinebant. Ceteros adcolas fluminis Hannibal, et eorum ipsorum quos fedes suae tenebant, simul perlicit donis ad naves undique contrahendas fabricandasque: simul et ipsi trajici exercitum, levatique quam primum regionem suam tanta arguente hominum turba cupiebant. Itaque ingens coacta vis navium est lintriumque temere ad vicinalem usum paratarum; novasque alias primum Galli inchoantes cavabant ex singulis arboribus: deinde et ipsi milites, simul copia materiae, simul facilitate operis inducti, alveos informes, (nihil, dummodo innare aquae et capere onera possent, curantes) quibus se suaeque transveherent, raptim faciebant.

XXVII. Jamque omnibus satis comparatis ad trajiciendum, terrebant ex adverso hostes, omnem ripam equis virisque obtinentes: quos ut averteret, Hannonem, Bomilcaris filium, vigilia prima noctis, cum parte copiarum, maxime Hispanis, adverso flumine ire iter unius diei jubet; et, ubi primum posset, quam obcultiissime trajecto amni, circumducere agmen, ut, quum opus facto sit, adoriatur ab tergo hostem. Ad id dati duces Galli edocent, inde millia quinque et viginti ferme supra, parvae insulae circumfusus amnem, latiore, ubi dividebatur, eoque minus alto alveo, transitum ostendere. Ibi raptim caesa materia ratesque fabricatae, in quibus equi virique et alia onera trajicerentur. Hispani sine ulla mole, in utres vestimentis coniectis, ipsi caetris subpositis incubantes, flumen transnavigare. Et alius exercitus, ratibus junctis trajectus, castris prope flumen positus, nocturno itinere atque operis labore fessus, quiete unius diei reficitur, intento duce ad consilium obportune exsequendum. Postero die profecti

ex loco edito fumò significant, se transisse, et haud procul abesse. Quod ubi adcepit Hannibal, no tempori deesset, dat signum ad trajiciendum. Jam paratas aptatasque habebat pedes lintres. Equites fere propter equos nantes navium agmen, ad excipiendum adversi inpetum fluminis, parte superiore transmittens, tranquillitatem infra trajicientibus lintribus praebebat. Equorum pars magna nantes loris a puppibus trahebantur, praeter eos, quos instructos frenatosque, ut extemplo egresso in ripam equiti usui essent, inposuerant in naves.

XXVIII. Galli obcurrunt in ripam cum variis ululatibus cantuque moris sui, quatientes scuta super capita, vibrantesque dextris tela: quatinus et ex adverso terrebat tanta vis navium cum ingenti sono fluminis et clamore vario nautarum et militum, qui nitebantur perrumpere inpetum fluminis, et qui ex altera ripa trajicientes suos hortabantur. Jam satis paventes adverso tumultu terribior ab tergo adortus clamor, castris ab Hannone captis. Mox et ipse aderat, ancepsque terror circumstabat, et e navibus tanta vi armatorum in terram evadente, et ab tergo inprovisa premente acie. Galli, postquam, utroque vim facere conati, pellebantur, qua patere visum maxime iter, perrumpunt, trepidique in vias passim suos diffugiunt. Hannibal, ceteris copiis per otium trajectis, spernens jam Gallicos tumultus, castra locat. Elephantorum trajiciendorum varia consilia fuisse credo: certe variata memoria actae rei. Quidam, congregatis ad ripam elephantis, tradunt, ferocissimum ex his, irritatum ab rectore suo, quum refugientem in aquam nantem sequeretur, traxisse gregem, ut quemque timentem altitudinem

nem destituerat vadum, inpetu ipso fluminis in alteram ripam rapiente. Ceterum magis constat, ratibus trajectos. Id ut tutius consilium ante rem foret, ita, acta re, ad fidem pronius est. Ratem unam, ducentos longam pedes, quinquaginta latam, a terra in amnem porrexerunt: quam, ne secunda aqua deferretur, pluribus validis retinaculis parte superiore ripae religatam, pontis in modum humo injecta constraverunt; ut belluae audacter velut per solum ingrederentur. Altera ratis, aequae lata, longa pedum centum, ad trajiciendum flumen apta, huic copulata est: et quam elephantum per stabilem ratem, tamquam viam, praegredientibus feminis, acii, in minorem adpictam transgressi sunt; exemplo resolutionis, quibus leviter adnexa erat, vinculis, ab actuariis aliquot navibus ad alteram ripam pertrahitur: ita primis expositis, alii deinde repeliti ac trajecti sunt. Nihil sane trepidabant, donec continenti velut ponte agerentur. Primus erat pavor, quum, soluta ab ceteris rate, in altum raperentur. Ibi, iurgantes inter se, cedentibus extremis ab aqua, trepidationis aliquantum edebant; donec quietem ipse timor circumspicientibus aquam fecisset. Excidero etiam sapientes quidam in flumen. Sed, pondere ipso stabiles, dejectis rectoribus, quaerendis pedetentim vadis, in terram evasere.

XXIX. Dum elephantum trajiciuntur, interrim Hannibal Numidas equites quingentos ad castra Romana miserat speculatum, ubi et quantae copiae essent, et quid pararent. Huic alae equitum missi, ut ante dictum est, ab ostio Rhodani trecenti Romanorum equites obcurrunt. Proelium atrocius, quam pro numero pugnantium, editur. Nam praeter multa vulnera caedes etiam prope par utrimque fuit:

fugaque et pavor Numidarum Romanis, jam admodum fessis, victoriam dedit. Victores ad centum sexaginta, nec omnes Romani, sed pars Gallorum: victi amplius ducenti ceciderunt. Hoc principium simul omenque belli, ut summae rerum prosperum eventum, ita haud sane incruentam aucipitisque certaminis victoriam, Romanis portendit. Vt, re ita gesta, ad utrumque ducem sui redierunt, nec Scipioni stare sententia poterat, nisi ut ex consiliis coeptisque hostis et ipse conatus caperet; et Hannibalem incertum, utrum coeptum in Italiam intenderet iter, an cum eo, qui primus se obtulisset Romanus exercitus, manus confereret, avertit a praesenti certamine Bajorum legatorum regulique Magali adventus; qui se duces itinerum, socios periculi fore, adfirmantes, integro bello, nusquam ante libatis viribus, Italiam adgrediendam censent. Multitudo timebat quidem hostem, nondum oblitterata memoria superioris belli: sed magis iter inmensum Alpesque, rem fama utique inexpertis horrendam, metuebat.

XXX. Itaque Hannibal, postquam ipsi sententia stetit pergere ire atque Italiam petere, advocata concione, varie militum versat animos castigando adhortandoque. *Mirari se, quinam pectora semper inpavida repens terror invaserit. Per tot annos vincentes eos stipendia facere; neque ante Hispania excessisse, quam omnes gentesque et terrae eae, quas duo diversa maria amplectantur, Carthaginensium essent. Indignatos deinde, quod, quicumque Saguntum obsedissent, velut ob noxam, sibi dedi postularet populus Romanus, Iberum trajecisse ad delendum nomen Romanorum liberandumque orbem terrarum. Tum nemini visum id longum, quum ab obeasu solis ad exortus intenderent iter.* Nunc,

Nunc, postquam multo majorem partem itineris emensam cernant, Pyrenaeum saltum inter ferocissimas gentes superatum, Rhodanum, tantum amnem, tot millibus Gallorum prohibentibus, domita etiam ipsius fluminis vi, trajectum, in conspectu Alpes habeant, quarum alterum latus Italiae sit; in ipsis portis hostium fatigatos subsistere, quid Alpes altius esse credentes, quam montium altitudines? Fingerent altiores Pyrenaei jugis. Nullas profecto terras coelum contingere, nec inexsuperabiles humano generi esse. Alpes quidem habitari, coli, gignere atque alere animantes. Pervias paucis esse: exercitibus invias? Eos ipsos, quos cernant, legatos non penitus sublime elatos Alpes transgressos: ne majores quidem eorum indigenas; sed advenas Italiae cultores has ipsas Alpes ingentibus saepe agminibus cum liberis ac conjugibus, migrantium modo, tuto transmisisse. Militi quidem armato, nihil secum praeter instrumenta belli portanti, quid invium aut inexsuperabile esse? Sanguinum ut caperetur, quid per octo menses periculi, quid laboris exhaustum esse? Romam, orbis terrarum caput, petentibus quidquam adeo asperum atque arduum videri, quod inceptum moretur? Cepisse quondam Gallos ea, quae adiri posse Poenus desperet. Proinde aut cederent animo atque virtute genti, per eos dies toties ab se victae: aut itineris finem sperent campum interjacentem Tiberi ac moenibus Romanis.

XXXI. His adhortationibus incitatos corpora curare atque ad iter se parare jubet. Postero die, profectus adversa ripa Rhodani, mediterranea Galliae petit; non quia rectior ad Alpes via esset, sed, quantum a mari recessisset, minus obvium fore Romanum credens: cum quo, prius quam in Italiam ventum foret, non erat in animo manus conferre.

rere. Quartis castris ad Insulam pervenit. Ibi Isara Rhodanusque amnes, diversis ex Alpibus decurrentes, agri aliquantum amplexi, confluunt in unum: inde mediis campis Insulae nomen inditum. Incolunt prope Allobroges, gens jam inde nulla Gallica gente opibus aut fama inferior: tum discors erat. Regni certamine ambigebant fratres. Major, et qui prius imperitarat, Brancus nomine, minore ab fratre et coetu juniorum, qui jure minus, vi plus poterant, pellebatur. Hujus seditionis peropportuna disceptatio quum ad Hannibalem rejecta esset, arbiter regni factus, quod ea senatus principumque sententia fuerat, imperium majori restituit. Ob id meritum commeatu copiaque rerum omnium, maxime vestis, est adjunctus, quam infames frigoribus Alpes praeparari cogeant. Sedatis certaminibus Allobrogum, quum jam Alpes peteret, non recta regione iter instituit, sed ad laevam in Tricastinos flexit: inde per extremam oram Vocontiorum agri tetendit in Tricorios: haud usquam inpedita via, priusquam ad Druentiam flumen pervenit. Is et ipse Alpinus amnis longe omnium Galliae fluminum difficillimus transitu est. Nam quum aquae vim vehat ingentem, non tamen navium patiens est: quia nullis coercitus ripis, pluribus simul, neque iisdem alveis fluens, nova semper vada novosque gurgites, (et ob eadem pediti quoque incerta via est) ad haec laxa glareosa volvens, nihil stabile nec tutum ingredienti praebet; et tum, forte imbribus auctus, ingentem transgredientibus tumultum fecit, quum super cetera trepidatione ipsi sua atque incertis clamoribus turbarentur.

XXXII. P. Cornelius consul triduo fere post, quam Hannibal ab ripa Rhodani movit, qua-

quadrato agmine ad castra hostium venerat, nullam dimicandi moram factururus. Ceterum, ubi deserta munimenta, nec facile se tantum praegressos adsequunturum videt; ad mare ac naves rediit, tutius faciliusque ita descendentem ab Alpibus Hannibali obcursum. Ne tamen nuda auxiliis Romanis Hispania esset, quam provinciam sortitus erat, Cn. Scipionem fratrem cum maxima parte copiarum adversus Hasdrubalem misit; non ad tuendos tantummodo veteres socios conciliandosque novos, sed etiam ad pellendum Hispania Hasdrubalem. Ipse cum admodum exiguis copiis Genuam repetit, eo, qui circa Padum erat, exereitu Italiam defensurus. Hannibal ab Druentia campestri maxime itinere ad Alpes cum bona pace incolentium ea loca Gallorum pervenit. Tum, quamquam fama prius (qua incerta in majus vero ferri solent) praecepta res erat, tamen ex propinquo visa montium altitudo, nivesque coelo prope inmixtae, tecta informia inposita rupibus, pecora jumentaue torrida frigore, homines intonsi et inculti, animalia inanimaliaque omnia rigentia gelu, cetera visu, quam dictu, foediora, terrorem renovarunt. Erigentibus in primos agmen clivos adparuerunt imminentes tumulos insidentes montani; qui, si valles obcultiore insedissent, coorti in pugnam repente, ingentem fugam stragemque dedissent. Hannibal consistere signa jubet; Gallisque ad visenda loca praemisissis, postquam comperit, transitum ea non esse, castra inter confragosa omnia praeruptaque, quam extentissima potest valle, locat. Tum per eosdem Gallos, haud sane multum lingua moribusque abhorrentes, quum se inmiscuissent conloquiis montanorum, edoctus interdum tantum obsideri saltum, nocte in sua quemque dilabi

dilabi tecta; luce prima subiit tumulos, ut ex aperto atque interdiu vim per angustias factururus. Die deinde simulando aliud, quam quod parabatur, consumto, quum eodem, quo constiterant, loco castra communissent, ubi primum degresos tumulis montanos laxatasque sensit custodias, pluribus ignibus, quam pro numero manentium, in speciem factis, impedimentisque cum equite relictis, et maxima parte peditum; ipse cum expeditis, acerrimo quoque viro, raptim angustias evadit, iisque ipsis tumulis, quos hostes tenuerant, confedit.

XXXIII. Prima deinde luce castra mota, et agmen reliquum incedere coepit. Jam montani signo dato ex castellis ad stationem solitam conveniebant; quum repente conspiciunt alios, arce occupata sua, sed per caput imminentes, alios via transire hostes. Vtraque simul objecta res oculis animisque innobiles parumper eos defixit. Deinde ut trepidationem in angustiis, suoque ipsum tumultu misceri agmen videre, equis maxime consternatis, quidquid adiecerant ipsi terroris, satis ad perniciem fore rati, perversis rupibus juxta invia ac devia adsueta discurrent. Tum vero simul ab hostibus, simul ab iniquitate locorum Poeni obpugnabantur; plusque inter ipsos, (sibi quoque tendente, ut periculo prius evaderet) quam cum hostibus, certaminis erat. Equi maxime infestum agmen faciebant, qui et clamoribus dissonis, quos nemora etiam repercussaeque valles augebant, territi trepidabant, et icti forte aut vulnerati adeo consternabantur, ut stragem ingentem simul hominum ac sarcinarum omnis generis facerent: multosque turba, quum praecipites deruptaeque utrimque angustiae essent, in inmentum altitudinis dejecit; quosdam et armatos: sed ruinae maximae mo-

modo jumenta cum oneribus devolvebantur. Quae quamquam foeda visa erant, stetit parumper tamen Hannibal, ac suos continuit, ne tumultum ac trepidationem augeret. Deinde postquam interrumpi agmen vidit, periculumque esse, ne exutum impedimentis exercitum nequidquam incolumem traduxisset, decurrit ex superiore loco; et, quum inpetu ipso fudisset hostem, suis quoque tumultum auxit. Sed is tumultus momento temporis, postquam liberata itinera fuga montanorum erant, sedatur: nec per otium modo, sed prope silentio, mox omnes traducti. Castellum inde, quod caput ejus regionis erat, viculosque circumjectos capit, et captivo frumento ac pecoribus per triduum exercitum aluit. Et quia nec montanis primo perculsis, nec loco magnopere impediabantur, aliquantum eo triduo viae confecit.

XXXIV. Perventum inde ad frequentem cultoribus alium, ut inter montana, populum. Ibi non bello aperto, sed suis artibus, fraude, deinde insidiis est prope circumventus. Magno natu principes castellorum oratores ad Poenum veniunt: *alienis malis, utili exemplo, doctos, memorantes, amicitiam malle, quam vim experiri Poenorum, itaque obedienter imperata facturos: comineatum itinerisque duces, et ad fidem promissorum obsides acciperet.* Hannibal nec temere credendo, nec adspernando, ne repudiati aperte hostes fierent, benigne quum respondisset; obsidibus, quos dabant, acceptis, et comineatu, quem in viam ipsi detulerant, usus, nequaquam, ut inter pacatos, in-composito agmine duces eorum sequitur. Primum agmen elephantum et equites erant: ipse post cum robore peditum, circumspectans sollicitusque omnia, incedebat. Vbi in angustio-

stjorem viam ex parte altera subjectam iugo insuper imminenti ventum est, undique ex insidiis barbari a fronte, ab tergo coorti, cominus eminus petunt: saxa ingentia in agmen devolvunt: maxima ab tergo vis hominum urgebat. In eos versa peditum acies haud dubium fecit, quin, nisi firmata extrema agminis fuissent, ingens in eo saltu adcipienda clades fuisset. Tunc quoque ad extremum periculi ac prope perniciem ventum est: nam, dum cunctatur Hannibal demittere agmen in angustias, quia non, ut ipse equitibus praesidio erat, ita peditibus quidquam ab tergo auxilii reliquerat; obcursantes per obliqua montani, perrupto medio agmine, viam insedere: noxque una Hannibali sine equitibus atque impedimentis acta est.

XXXV. Postero die, jam segnius intercursantibus barbaris, junctae copiae, saltusque haud sine clade (majore tamen jumentorum, quam hominum, pernicio) superatus: inde montani pauciores jam, et latrocinii magis quam belli more, concurrabant: modo in primum, modo in novissimum agmen, vicumque aut locus obportunitatem daret, aut progressi morative aliquam occasionem fecissent. Elephanti, sicut praecipites per arctas vias magna mora agebantur, ita tutum ab hostibus, quacumque incederent, (quia insuetis adeundi propius metus erat) agmen praebebant. Nono die in jugum Alpiam perventum est, per invia pleraque et errores, quos aut ducentium fraus, aut, ubi fides iis non esset, temere initae valles a conjectantibus iter, faciebant. Biduum in iugo stativa habita: fessisque labore ac pugnando quies data militibus: jumenta quoque aliquot, quae prolapsa in rupibus erant, sequendo vestigia agminis in castra pervenere.

Fes-

Fessis taedio tot malorum nivis etiam casus, obcidente jam sidere Vergiliarum, ingentem ter orem adjecit. Per omnia nive obpleta quum, signis prima luce motis, segniter agmen incederet, pigritiaque et desperatio in omnium vultu emineret; praegressus signa Hannibal in promontorio quodam, unde longe ac late prospectus erat, consistere jussis militibus Italiam ostentat subjectosque Alpinis montibus Circumpadanes campos: *moeniaque eos tum transcendere non Italiae modo, sed etiam urbis Romanae. Cetera plana, proclivia fore: uno aut summum altero proelio arcem et caput Italiae in manu ac potestate habituros.* Procedere inde agmen coepit; jam nihil ne hostibus quidem, praeter parva furtim per occasionem, tentantibus. Ceterum iter multo, quam in adscensu fuerat, (ut pleraque Alpium ab Italia sicut breviora, ita adrectiora sunt) difficilius fuit. Omnis enim ferme via praeceps, angusta, lubrica erat, ut neque sustinere se a lapsu possent, nec, qui paullulum titubassent, haerere afflicti vestigio suo; aliique super alios, et jumenta, et homines, occiderent.

XXXVI. Ventum deinde ad multo angustiores rupem, atque ita rectis saxis, ut aegre expeditus miles tentabundus, manibusque retinens virgulta ac stirpes circa eminentes, demittere sese posset. Natura locus jam ante praeceps, recenti lapsu terrae in pedum mille admodum altitudinem abruptus erat. Ibi quum, velut ad finem viae, equites constitissent; miranti Hannibali, quae res moraretur agmen, nuntiatur, rupem inviam esse. Digressus deinde ipse ad locum visendum. Haud dubia res visa, quum per invia circa nec trita antea, quamvis longo ambitu, circumdaceret agmen. Ea vero via insuperabilis fuit. Nam quum
super

super veterem nivem intactam nova modicae altitudinis esset, molli nec praealtae nivi facile pedes ingredientium insisterant. Vt vero tot hominum jumentorumque incessu dilapsa est; per nudam infra glaciem fluentemque talem liquescentis nivis ingrediebantur. Tetra ibi luctatio erat. Vt a lubrica glacie, non recipiente vestigium, et in prono citius pedes fallente, et, seu manibus in adsurgendo, seu genu se adjuvissent, ipsis adminiculis prolapsis, iterum corruissent; (nec stirpes circa radiceave, ad quas pede aut manu quisquam eniti posset, erant) ita in levi tantum glacie tabidaque nive volutabantur. Jumenta secabant; interdum etiam, tum infimam ingredientia nivem, et prolapsa jactandis gravius in connitendo ungulis, penitus perfringebant: ut pleraque, velut pedica capta, haerent in durata et alte concreta glacie.

XXXVII. Tandem, nequidquam jumentis atque hominibus fatigatis, castra in jugo posita, aegerrime ad id ipsum loco purgato. Tantum nivis fodiendum atque egerendum fuit. Inde ad rupem muniendam, per quam unam via esse poterat, milites ducti, quum caedendum esset saxum, arboribus circa inmanibus dejectis detruncatisque, struem ingentem lignorum faciunt: eamque (quum et vis venti apta faciendo igni coorta esset) subcendunt, ardentiaque saxa infuso aceto putrefaciunt. Ita torridam incendio rupem ferro pandunt, molliuntque amfractibus modicis clivos, ut non jumenta solum, sed elephanti etiam, deduci possent. Quatriduum circa rupem consumtum, jumentis prope fame absumtis: nuda enim fere cacumina sunt, et, si quid est pabuli, obruunt nives. Inferiora valles et apricos quosdam colles habent, ri-

vos-

vosque prope silvas, et jam humano cultu digniora loca. Ibi jumenta in pabulum missa, et quies muniendo fessis hominibus data tri-duo. Inde ad planum descensum, etiam locis mollioribus et adcolarum ingeniis.

XXXVIII. Hoc maxime modo in Italiam perventum est, quinto mense a Carthagine nova, (ut quidam auctores sunt) quinto decimo die Alpibus superatis. Quantae copiae transgresso in Italiam Hannibali fuerint, nequaquam inter auctores constat. Qui plurimum, centum millia peditum, viginti equitum fuisse scribunt; qui minimum, viginti millia peditum, sex equitum. L. Cincius Alimentus, qui captum se ab Haunibale scribit, maxime auctor me moveret, nisi confunderet numerum, Gallis Liguribusque additis: cum his octoginta millia peditum, decem equitum, adducta in Italiam: (magis adfluxisse verisimile est; et ita quidam auctores sunt) ex ipso autem audisse Hannibale, postquam Rhodanum transierit, triginta sex millia hominum, ingentemque numerum equorum et aliorum jumentorum amisisse, in Taurinis, quae Gallis proximagens erat, in Italiam degressum. Id quum inter omnes constet, eo magis miror ambigi, quam Alpes transierit; et vulgo credere, Penino, atque inde nomen et iugo Alpium inditum, transgressum. Coelius per Cremonis jugum dicit transisse. Qui ambo saltus eum non in Taurinos, sed per Salassos montanos ad Libuos Gallos deduxissent. Nec verisimile est, ea tum ad Galliam paluisse itinera; utique, quae ad Peninum ferunt, obsepta gentibus semigermanis fuissent. Neque, Hercule, montibus his (si quem forte id movet) ab transitu Poenorum ullo Veragri, incolae jugi ejus, norunt nomen inditum; sed ab eo, quem, in sum-

summo sacratum vertice, Peninum montani adpellant.

XXXIX. Peropportune ad principia rerum Taurinis, proximae genti, adversus Insubres motum bellum erat. Sed armare exercitum Hannibal, ut parti alteri auxilio esset, (in reficiendo maxime sentientem contracta ante mala) non poterat. Otium etenim ex labore, copia ex inopia, cultus ex inluvie tabeque, squalida et prope efferata corpora varie movebant. Ea P. Cornelio consuli causa fuit, quum Pisas navibus venisset, exercitu a Manlio Atilioque adcepto tirone, et in novis ignominiiis trepido, ad Padum festinandi; ut cum hoste nondum refecto manum consereret. Sed quum Placentiam consul venit, jam ex stativis moverat Hannibal; Taurinorumque unam urbem, caput gentis ejus, quia violentes in amicitiam non veniebant, vi expugnavit: junxissetque sibi, non metu solum, sed etiam voluntate, Gallos adcolas Padi; nec eos, circumspectantes defectionis tempus, subito adventus consulis obpressisset. Et Hannibal movit ex Taurinis, incertos, quae pars sequenda esset, Gallos praesentem se sequuturos ratus. Jam prope in conspectu erant exercitus, convenerantque duces, sicuti inter se nondum satis noti; ita jam inbutus uterque quadam admiratione alterius. Nam Hannibalis et apud Romanos, jam ante Sagunti excidium, celeberrimum nomen erat: et Scipionem Hannibal eo ipso, quod adversus se dux potissimum lectus esset, praestantem virum credebat. Et auxerant inter se opinionem, Scipio, quod, relictus in Gallia, obvius fuerat in Italiam transgresso Hannibali; Hannibal et conatu tam audaci trajiciendarum Alpium, et effectum. Occupavit tamen Scipio Padum trajicere, et, ad Ti-

Ticinum amnem molis castris, prius, quam educeret in aciem, adhortandorum militum causa, talem orationem exorsus est:

XL. Si cum exercitum, milites, educerem in aciem, quem in Gallia mecum habui, supersedissem loqui apud vos. Quid enim adhortari referret aut eos equites, qui equitatum hostium ad Rhodanum flumen egregie vicissent, aut eas legiones, cum quibus fugientem hunc ipsum hostem sequutus, confessionem cedentis ac detrectantis certamen pro victoria habui? Nunc, quia ille exercitus, Hispaniae provinciae scriptus, ibi cum fratre Cn. Scipione meis auspiciis rem gerit, ubi eum gerere senatus populusque Romanus voluit; ego, ut consulem ducem adversus Hannibalem ac Poenos haberetis, ipse me huic voluntario certamini obtuli: novo imperatori apud novos milites pauca verba facienda sunt. Ne genus belli, neve hostem ignoretis; cum iis est vobis, milites, pugnandum, quos terra marique priore bello vicistis: a quibus stipendium per viginti annos exegistis: a quibus capta belli praemia, Siciliam ac Sardiniam, habetis. Erit igitur in hoc certamine is vobis illisque animus, qui victoribus et victis esse solet. Nec nunc illi, quia audent, sed quia necesse est; pugnaturi sunt: nisi creditis, qui exercitu incolumi pugnam detrectavere, eos, duabus partibus peditum equitumque in transitu Alpium amissis, (quum plures paene perierint, quam supersunt) plus spei nactos esse. At enim pauci quidem sunt, sed vigentes animis corporibusque, quorum robora ac vires vix sustinere vis ulla possit. Effigies, immo umbrae hominum, fame, frigore, inlucie, squalore enecti, contusi ac debilitati inter saxa rupesque. Ad haec, praecussi artus, nive rigentes nervi, membra torrida gelu, quassata fractaque arma, claudi ac debiles equi. Cum hoc

T. Liv. P. II.

D

equi.

equite, cum hoc peditum pugnaturi essis: reliquias extremas hostium, non hostes, habebitis. Ac nihil magis vereor, quam ne, vos quum pugnaveritis, Alpes vicisse Hannibalem videantur. Sed ita forsitan decuit, cum foederum ruptore duce ac populo Deos ipsos, sine ulla humana ope, committere ac profligare bellum: nos, qui secundum Deos violati sumus, commissum ac profligatum conficere.

XLI. Non vereor, ne quis me hoc vestri adhortandi causa magna loqui existimet; ipsum aliter animo adfectum esse. Licuit in Hispaniam, provinciam meam, quo jam profectus eram, cum exercitu ire meo; ubi et fratrem consilii participem ac periculi socium haberem, et Hasdrubalem potius, quam Hannibalem, hostem, et minorem haud dubie molem belli. Tamen, quum praeterveherer navibus Galliae oram, ad famam huius hostis in terram egressus, praemisso equitatu, ad Rhodanum movi castra. Equestri proelio, qua parte copiarum conferendi manum fortuna data est, hostem fudi: peditum agmen, quod in modum fugientium raptim agebatur, quia adsequi terra non poteram, regressus ad naves, quanta maxima celeritate potui, tanto maris terrarumque circuitu, in radicibus Alpium obvius fui. Huic timendo hosti utrum, quum declinarem certamen, inprovvisus incidisse videor, an obcurrere in vestigiis ejus? laceessere ac trahere ad decernendum? Experiri juvat, utrum alios repente Carthaginienses per viginti annos terra ediderit; an iidem sunt, qui ad Aegates pugnaverunt insulas, et quos ab Eryce duodevicens denariis aestimatos emisistis: et utrum Hannibal hic sit aemulus itinerum Herculis, ut ipse fert, an vectigalis stipendiariusque et servus populi Romani a patre relictus: quem
nisi

nisi Saguntinum scelus agitaret, respiceret profecto, si non patriam victam, domum certe patremque et foedera Hamilcaris scripta manu. Qui, jussus a consule nostro, praesidium deduxit ab Eryce: qui graves inpositas victis Carthaginensibus leges fremens moerensque adcepit: qui decedere Sicilia, qui stipendium populo Romano dare pactus est. Itaque vos ego, milites, non eo solum animo, quo adversus alios hostes soletis, pugnare velim; sed cum indignatione quadam atque ira: velut si servos videatis vestros arma repente contra vos ferentes. Licuit ad Erycem clausos, ultimo subplico humanorum, fame interficere: licuit victricem classem in Africam trajicere, atque intra paucos dies sine ullo certamine Carthaginem delere. Veniam dedimus precantibus: emisimus ex obsidione: pacem cum victis fecimus: tutelae deinde nostrae duximus, quum Africo bello urguerentur. Pro his inpartitis, furiosum juvenem sequentes, obpugnatum patriam nostram veniunt. Atque utinam pro decore tantum hoc vobis; et non pro salute, esset certamen. Non de possessione Siciliae ac Sardiniae, de quibus quondam agebatur, sed pro Italia vobis est pugnandum: nec est alius ab tergo exercitus, qui, nisi nos vincimus, hosti obsistat; nec Alpes aliae sunt, quas dum superant, comparari nova possunt praesidia. Hic est obstandum, milites, velut si ante Romana moenia pugnemus. Unusquisque se non corpus suum, sed conjugem ac liberos parvos armis protegere putet: nec domesticas solum agitet curas, sed ideintidem hoc animo reputet, nostras nunc intueri manus senatum populumque Romanum; qualis nostrae virtusque fuerit, talem deinde fortunam illius urbis ac Romani imperii fore.

XLII Haec apud Romanos consul. Hannibal, rebus prius, quam verbis, adhortandos milites ratus, circumdato ad spectaculum exercitu, captivos montanos vinctos in medio statuit; armisque Gallicis ante eorum pedes projectis, interrogare interpretem iussit; ecquis, si vinculis levaretur, armaque et equum victor acciperet, decertare ferro vellet? Quum ad unum omnes ferrum pugnamque poscerent, et dejecta in id fors esset; se quisque enim optabat, quem fortuna in id certamen legeret. Ut cujusque fors exciderat, alacer, inter gratulantes gaudio exultans, cum sui moris tripudiis arma raptim capiebat. Vbi vero dimicarent, is habitus animorum non inter ejusdem modo conditionis homines erat, sed etiam inter spectantes vulgo, ut non vincenlium magis, quam bene morientium, fortuna laudaretur.

XLIII. Quum sic aliquot spectatis paribus adfectos cernisset, concione inde advocata, ita apud eos loquutus fertur: *Si, quem animum in alienae sortis exemplo paullo ante habuistis, eundem mox in aestimanda fortuna vestra habueritis, vicimus, milites. Neque enim spectaculum modo illud, sed quaedam veluti imago vestrae conditionis erat. Ac nescio, an majora vincula majoresque necessitates vobis, quam captivis vestris, fortuna circumdederit. Dextra laevaue duo maria claudunt, nullam, ne ad offugium quidem, navem habentibus: contra Padus amnis, major Padus ac violentior Rhodano: ab tergo Alpes urguit, vix integris vobis ac vigentibus transitae. Hic vincendum aut moriendum, milites, est; ubi primum hosti occurrissetis. Et eadem fortuna, quae necessitatem pugnandi inposuit, praemia vobis ea victoribus proponit, quibus ampliora homines ne ab*

Diis

Diis quidem immortalibus optare solent. Si Siciliam tantum ac Sardiniam, parentibus nostris ereptas, nostra virtute recuperaturi essemus, satis tamen ampla pretia essent. Quidquid Romani tot triumphis partum congestamque possident, id omne vestrum cum ipsis dominis futurum est. In hanc tam opimam mercedem, agite, cum Diis bene iurantibus arma capite. Satis adhuc in vastis Lusitaniae Celtiberiaeque montibus; pecora consectando, nullum emolumentum tot laborum periculorumque vestrorum vidistis. Tempus est jam, opulenta vos ac ditia stipendia facere, et magna operae pretia mereri, tantum itineris per tot montes fluminaque et tot armatas gentes emensos. Hic vobis terminum laborum fortuna dedit: hic dignam mercedem emeritis stipendiis dabit. Nec, quam magni nominis bellum est, tam difficilem existimaritis victoriam fore. Saepe et contemptus hostis cruentum certamen edidit, et incluti populi regesque perlevi momento victi sunt. Nam, demto hoc uno fulgore nominis Romani, quid est, cur illi vobis comparandi sint? Ut viginti annorum militiam vestram cum illa virtute, cum illa fortuna taceam; ab Herculis columnis, ab oceano terminisque ultimis terrarum, per tot ferocissimos Hispaniae et Galliae populos, vincentes huc pervenistis. Pugnabitis cum exercitu tirone, hac ipsa aestate caeso, victo, circumfesso a Gallis, ignoto adhuc duci suo, ignorantique ducem. An me, in praetorio patris, clarissimi imperatoris, prope natum, certe eductum, domitorem Hispaniae Galliaeque, victorem eundem non Alpinarum modo gentium, sed ipsarum, quod multo majus est, Alpium, cum semestri hoc conferam duce, desertore exercitus sui? Cui si quis, demtis signis, Poenos Roma-

nosque hodie ostendat, ignoraturum certum habeo, utrius exercitus sit consul. Non ego illud parvi aestimo, milites, quod nemo vestrum est, cujus non ante oculos ipse saepe militare aliquod ediderim facinus; cui non idem ego, virtutis spectator ac testis, notata temporibus locisque referre sua possum decora. Cum laudatis a me millies donatisque, alumnus prius omnium vestrum, quam imperator, procedam acie adversus ignotos inter se ignorantisque.

XLIV. Quodcumque circumtuli oculos, plena omnia video animorum ac roboris; veteranum peditem, generosissimarum gentium equites frenatos et infrenatos, vos socios fidelissimos fortissimosque, vos Carthaginenses, quum ob patriam, tum ob iram iustissimam, pugnatuuros. Inferimus bellum, infestisque signis descendimus in Italiam, tanto audacius fortiusque pugnaturi, quanto major spes, major est animus inferentis vim, quam arcentis. Adcendit praeterea animos et stimulat dolor, injuria, indignitas. Ad subplicium depoposcerunt me ducem primum, deinde vos omnes, qui Saguntum obpugnassetis: deditos ultimis cruciatibus adfecturi fuerunt. Crudelissima ac superbissima gens sua omnia sui que arbitrii facit. Cum quibus bellum, cum quibus pacem habeamus, se modum inponere aequum censet. Circumscribit includitque nos terminis montium fluminumque, quos ne excedamus: neque eos, quos statuit, terminos observat. Ne transieris Iberum: ne quid rei tibi sit cum Saguntinis. Ad Iberum est Saguntum. Nusquam te vestigio moveris. Parum est, quod veterrimas provincias meas Siciliam et Sardiniam adimis. Etiam Hispanias? et inde cessero, in Africam transcendes. Transcendes autem, dico? duos consules hujus anni, unum in Afri-

Africam, alterum in Hispaniam miserunt. Nihil usquam nobis relictum est, nisi quod armis vindicarimus. Illis timidis et ignavis licet esse, qui respectum habent, quos suus ager, sua terra, per tuta ac parata itinera fugientes, adiciunt: vobis necesse est fortibus viris esse, et, omnibus inter victoriam mortemve certa desperatione abruptis, aut vincere, aut, si fortuna dubitabit, in proelio potius, quam in fuga, mortem obpetere. Si hoc bene fixum omnibus destinaturque in animo est, iterum dicam, vicisti: nullum morte telum ad vincendum homini ab Diis immortalibus acrius datum est.

XLV. His adhortationibus quum utrimque ad certamen accensi militum animi essent, Romani ponte Ticinum jungunt, tulandique pontis causa castellum insuper inponunt. Poenus, opere occupatis hostibus, Maharbalem cum ala Numidarum, equitibus quingentis, ad depopulandos sociorum populi Romani agros mittit. Gallis parci quam maxime jubet, principumque animos sollicitari ad defectionem. Ponte perfecto, traductus Romanus exercitus in agrum Insubrium quinque millia passuum a Victumulis confedit. Ibi Hannibal castra habebat: revocatoque propere Maharbale atque equitibus, quum instare certamen cerneret, nihil umquam satis dictum praemonitumque ad cohortandos milites ratus, vocatis ad concionem certa praemia pronuntiat, in quorum spem pugnarent. Agrum sese daturum esse in Italia, Africa, Hispania, ubi quisque velit, immunem ipsi, qui adcepisset, liberisque: qui pecuniam, quam agrum, maluisset, ei se argento satis facturum: qui sociorum cives Carthaginieneses fieri vellent, potestatem facturum: qui domos redire mallerent, daturum se operam, ne ejus suorum popularium mutatam secum
D 4 for-

fortunam esse vellent. Servis quoque dominos prosequuntis libertatem proponit, binaque pro his mancipia dominis se redditurum. Eaque ut rata scirent fore, agnum laeva manu, dextera silicem retinens, si falleret, Jovem ceterosque precatus Deos, ita se mactarent, quemadmodum ipse agnum mactasset, secundum precationem caput pecudis saxo elisit. Tum vero omnes, velut Diis auctoribus in spem suam quisque adeptis, id morae, quod nondum pugnarent, ad potienda sperata rati, proelium uno animo et voce una poscunt.

XLVI. Apud Romanos haudquaquam tanta alacritas erat, super cetera recentibus etiam territos prodigiis. Nam et lupus intraverat castra, laniatisque obviis ipse intactus evaserat; et examen apum in arbore praetorio imminente confederat. Quibus procuratis, Scipio, cum equitatu jaculatoribusque expeditis profectus ad castra hostium exque propinquo copias, quantae et cuius generis essent, speculandas, obviis fit Hannibali, et ipsi cum equitibus ad exploranda circa loca progresso. Neutri alteros primo cernebant. Denique deinde incessu tot hominum equorumque oriens pulvis signum propinquantium hostium fuit. Constitit utrumque agmen, et proelio sese expediebant. Scipio jaculatores et Gallos equites in fronte locat; Romanos, sociorumque quod roboris fuit, in subsidiis. Hannibal frenatos equites in medium adiecit, cornua Numidis firmat. Vixdum clamore sublato, jaculatores fugerunt inter subsidia ad secundam aciem. Inde equitum certamen erat aliquamdiu anceps; dein, quia turbabant equos pedites intermixti, multis labentibus ex equis, aut desilientibus, ubi suos premi circumventos viderent, jam magna ex parte ad pedes pugnaverant:

ierat: donec Numidae, qui in cornibus erant, circumvecti paullulum, ab tergo se ostenderunt. Is pavor percūlit Romanos, auxitque pavorem consulis vulnus, periculumque intercursum tum primum pubescentis filii propulsatum. Hic erit juvenis, penes quem perfecti hujusce belli laus est, Africanus ob egregiam victoriam de Hannibale Poenisque adpellatus. Fuga tamē effusa jaculatorum maxime fuit, quos primos Numidae invaserunt. Alius confertius equitatus consulem in medium adceptum, non armis modo, sed etiam corporibus suis, protegens, in castra, nusquam trepide neque effuse cedendo, reduxit. Servati consulis decus Coelius ad servum natione Ligurem delegat. Malim equidem de filio verum esse, quod et plures tradidere auctores, et fama obtinuit.

XLVII. Hoc primum cum Hannibale proelium fuit; quo facile adaptuit, et equitatu meliorem Poenum esse, et ob id campos patentes, quales sunt inter Padum Alpesque, bello gerendo Romanis aptos non esse. Itaque proxima nocte, jussis militibus vasa silentio conligere, castra ab Ticino mota, festinatumque ad Padum est; ut ratibus, quibus junxerat flumen, nondum resolutis, sine tumultu atque infectatione hostis, copias trajiceret. Prius Placentiam pervenere, quam satis sciret Hannibal ab Ticino profectos: tamen ad sexcentos moratorum in citiore ripa, segniter ratem solventes, cepit. Transire non potuit pontem, ut extrema resoluta erant, tota rate in secundam aquam labente. Coelius auctor est, Magonem cum equitatu et Hispanis peditibus flumen extemplo transasse; ipsum Hannibalem per superiora Padi vada exercitum traduxisse, elephantis in ordinem ad-

sustinendum inpetum fluminis obpositis. Ea peritis annis ejus vix fidem fecerint. Nam neque equites, armis equisque salvīs, tantam vim fluminis superasse verisimile est, ut jam Hispanos omnes inflati transvexerint utres; et multorum dierum circuitu Padi vada petenda fuerant, qua exercitus gravis impedimentis traduci posset. Potiores apud me auctores sunt, qui biduo vix locum rate iungendo flumini invenium tradunt; ea cum Magone equites Hispanorum expeditos praemissos. Dum Hannibal, circa flumen legationibus Gallorum audiendis moratus, trajicit gravius peditum agmen, interim Mago equitesque ab transitu fluminis diei unius itinere Placentiam ad hostes contendunt. Hannibal paucis post diebus sex millia a Placentia castra communivit, et postero die, in conspectu hostium acie directa, potestatem pugnae fecit.

XLVIII. Insequenti nocte caedes in castris Romanis, tumultu tamen quam re major, ab auxiliariis Gallis facta est. Ad duo millia peditum et ducenti equites, vigilibus ad portas trucidatis, ad Hannibalem transfugiunt: quos Poenus benigne adloquutus, et spe ingentium donorum adcosos, in civitates quemque suas, ad sollicitandos popularium animos dimisit. Scipio, caedem eam signum defectionis omnium Gallorum esse ratus, contactosque eo scelere, velut injecta rabie, ad arma ituros, quamquam gravis adhuc vulnere erat, tamen quarta vigilia noctis insequentis tacito agmine profectus ad Trebiam fluvium, in loca altiora lucosque inpeditiones equiti castra movet. Minus, quam ad Ticinum, fefellit: missisque Hannibal primum Numidis, deinde omni equitatu, turbasset utique novissimum agmen, ni aviditate praedae in vacua Roma-

Romana castra Numidae devertissent. Ibi dum, perscrutantes loca omnia castrorum, nullo satis digno morae pretio tempus terunt, emissus hostis de manibus est: et quum jam transgressos Trebiam Romanos metantesque castra conspexissent, paucos moratorum occiderunt, citra flumen interceptos. Scipio, nec vexationem vulneris in via jactanti ultra patiens, et conlegam (jam enim et revocatum ex Sicilia audierat) ratus expectandum, locum, qui prope flumen tutissimus stativis est visus, delectum communiit. Nec procul inde Hannibal quum confedisset, quantum victoria equestri elatus, tantum anxius inopia, quae per hostium agros euntem, nusquam praeparatis com meatibus, major in dies excipiebat, ad Clastidium vicum, quo magnum frumenti numerum congesserant Romani, mittit. Ibi quum vim pararent, spes facta proditiōis: nec sane magno pretio, numis aureis quadringentis, Dasio Brundusino praefecto praesidii corrupto, traditur Hannibali Clastidium. Id horreum fuit Poenis sedentibus ad Trebiam. In captivos ex tradito praesidio, ut fama clementiae in principio rerum conligeretur, nihil saevitum est.

XLIX. Quum ad Trebiam terrestre constitisset bellum, interim circa Siciliam insulasque Italiae imminentes, et a Sempronio consule, et ante adventum ejus, terra marique res gestae. Viginti quinqueremes, cum mille armatis ad depopulandam oram Italiae a Carthaginensibus missae, novem Liparas, octo insulam Vulcani tenuerunt; tres in fretum avertit aestus. Ad eas conspectas a Messana duodecim naves ab Hierone rege Syracusano missae, qui tum forte Messanae erat, consulem Romanum opperiens, nullo repugnante captas

captas naves Messanam in portum deduxerunt. Cognitum ex captivis, praeter viginti naves, cujus ipsi classis essent, in Italiam missas, quinque et triginta alias quinquereemes Siciliam petere ad sollicitandos veteres socios. Lilybaei obcupandi praecipuam curam esse: credere eadem tempestate, qua ipsi disiecti forent, eam quoque classem ad Aegates insulas dejectam. Haec, sicut audita erant, rex M. Aemilio praetori, cujus Sicilia erat provincia, perferibit, monetque, Lilybaeum firmo teneffet praesidio. Extemplo et circa a praetore ad civitates missi legati tribunique, qui suos ad curam custodiae intenderent: ante omnia Lilybaeum teneri; ad adparatum belli, edicto proposito, ut focii navales decem dierum cocto cibaria ad naves deferrent: ubi signum datum esset, ne quis moram conscendendi faceret; perque omnem oram quidam ex speculis prospicerent adventantem hostium classem. Simul itaque (quamquam de industria morati cursum navium erant Carthaginienses, ut ante lucem adcederent Lilybaeum) praesensum tamen est, quia et luna pernox erat, et sublati armamentis veniebant; extemplo datum e speculis signum, et in oppido ad arma conclamatum est, et in naves conscensum. Pars militum in muris portarumque in stationibus, pars in navibus erant. Et Carthaginienses, quia rem fore haud cum inparatis cernebant, usque ad lucem portu se abstinerunt, demendis armamentis eo tempore aptandaque ad pugnam classe absumto. Vbi inlaxit, recepere classem in altum, ut spatium pugnae esset, exitumque liberum e portu naves hostium haberent. Nec Romani detrectare pugnam, et memoria circa ea ipsa loca gestarum rerum freti, et militum multitudine ac virtute.

L.

L. Vbi in altum eVecti sunt, Romanus conferre pugnam, et ex propinquo vires conferre velle: contra eludere Poenus, et arte, non vi, rem gerere, naviumque, quam viro- rum aut armorum, malle certamen facere. Nam ut sociis navalibus adfatim instructam classem, ita inopem milite habebant: et, sicubi conferta navis esset, haudquaquam par numerus armorum ex ea pugnabat. Quod ubi animadversum est, et Romanis multitudo sua auxit animum, et paucitas illis minuit. Extemplo septem naves Punicae circumventae; fugam ceterae ceperunt. Mille et septingenti fuere in navibus capti, milites nau- taeque; in his tres nobiles Carthaginiensium. Classis Romana incolumis, una tantum perforata navi, sed ea quoque ipsa reduce, in portum rediit. Secundum hanc pugnam, non- dum gnaris ejus, qui Messanae erant, Ti- Sempronius consul Messanam venit. Ei fre- tum intranti rex Hiero classem ornatam ob- viam duxit: transgressusque ex regia in prae- toriam navem, gratulatus hospitem cum exer- citu et navibus advenisse, precatusque prospe- rum ac felicem in Siciliam transitum; statum deinde insulae et Carthaginiensium conata ex- posuit: pollicitusque est, quo animo priore bello populum Romanum juvenis adjuvillet, eo senem adjuturum. Frumentum vestimen- taque sese legionibus consulis sociisque nava- libus gratis praebiturum. Grande periculum Lilybaeo maritimisque civitatibus esse, et qui- busdam volentibus novas res fore. Ob haec consuli nihil cunctandum visum, quin Lily- baeum classe peteret: et rex regiaque classis una profecti. Navigantes inde, pugnatum ad Lilybaeum, fusasque et captas hostium naves, adceperunt.

LI. A Lilybaeo consul, Hierone cum classe regia dimisso, relictoque praetore ad tuendam Siciliae oram, ipse in insulam Melitam, quae a Carthaginiensibus tenebatur, trajecit. Advenienti Hamilcar, Gisgonis filius, praefectus praesidii, cum paullo minus duobus milibus militum, oppidumque cum insula traditur: inde post paucos dies reditum Lilybaeum, captivique et a consule et a praetore, praeter insignes nobilitate viros, sub corona venierunt. Postquam ab ea parte satis tutam Siciliam censebat consul, ad insulas Vulcani (quia fama erat, stare ibi Punicam classem) trajecit. Nec quisquam hostium circa eas insulas inventus. Jam forte transmiserant ad vastandam Italiae oram: depopulatoque Vibonensi agro, urbem etiam terrebant. Repetenti Siciliam consuli exscensio hostium in agrum Vibonensem facta nuntiatur: literaeque ab senatu de transitu in Italiam Hannibalis, et, ut primo quoque tempore conlegae ferret auxilium, missae traduntur. Multis simul anxius curis, exercitum, extemplo in naves inpositum, Ariminum supero mari misit: Sex. Pomponio legato cum viginti quinque longis navibus Vibonensem agrum maritimamque oram Italiae tuendam adtribuit: M. Aemilio praetori quinquaginta navium classem explevit: ipse, compositis Siciliae rebus, decem navibus oram Italiae legens, Ariminum pervenit: inde cum exercitu suo profectus ad Trebiam flumen, conlegae conjungitur.

LII. Jam ambo consules, et quidquid Romanarum virium erat, Hannibali obpositum, aut illis copiis defendi posse Romanum imperium, aut spem nullam aliam esse, satis declarabat. Tamen consul alter, equestri proelio uno et vulnere suo minutus, trahi rem male-

malebat: recentis animi alter, eoque ferocior, nullam dilationem patiebatur. Quod inter Trebiam Padumque agri est, Galli tum incolabant; in duorum praepotentium populorum certamine, per ambiguum favorem, haud dubie gratiam victoris spectantes. Id Romani, ne quid modo moverent, aequo satis, Poenas periniquo animo ferebat, ab Gallis adicitum se verisse ad liberandos eos, dictitans. Ob eam iram, simul ut praeda militem aleret, duo millia peditum, et mille equites, Numidas plerosque, mixtos quosdam et Gallos, populari omnem deinceps agrum usque ad Padi ripas jussit. Egentes ope Galli, quum ad id dubios servassent animos, coacti ab auctoribus injuriae ad vindices futuros declinant: legalisque ad consulem missis, auxilium Romanorum terrae, ob nimiam cultorum fidem in Romanos laboranti, orant. Cornelio nec causa, nec tempus agenda rei placebat: suspectaque ei gens erat, quum ob infida multa facinora, tum, ut alia vetustate obsolevissent, ob recentem Bojorum perfidiam. Sempronius contra, continendis in fide sociis maximum vinculum esse primos, qui eguissent ope, defensos, censebat. Tum, collega cunctante, equitatum suum, mille peditum jaculatoribus ferme admixtis, ad defendendum Gallicum agrum trans Trebiam mittit. Ii, sparsos et incompositos, ad hoc graves praeda plerosque, quum inopinatos invasissent, ingentem terrorem caedemque ac fugam usque ad castra stationesque hostium fecere: unde multitudine effusa pulsi, rursus subsidio suorum proelium restituere. Varia inde pugna sequente, quamquam ad extremum aequallent certamen, major tamen hostium Romanis fama victoriae fuit.

LIII.

LIII. Ceterum nemini omnium major iustiorque, quam ipsi consuli, videri; gaudio efferri, qua parte copiarum alter consul victus foret, ea se vicisse. Reslitutos ac refectos militibus animos: nec quemquam esse, praeter collegam, qui dilatam dimicationem vellet: eum, animo magis, quam corpore, aegrum, memoria vulneris aciem ac tela horrere. Sed non esse eum aegro senescendum. Quid enim ultra differri aut teri tempus? Quem tertium consulem, quem alium exercitum expectari? Castra Carthaginensium in Italia, ac prope in conspectu Urbis esse. Non Siciliam ac Sardiniam, victis adamantas, nec cis Iberum Hispaniam peti, sed solo patrio teraque, in qua geniti forent, pelli Romanos. Quantum ingemiscant, inquit, patres nostri, circa moenia Carthaginis bellare soliti, si videant nos, progeniem suam, duos consules consularesque exercitus, in media Italia paventes intra castra? Poenum, quod inter Alpes Apenninumque agri sit, suae ditionis fecisse? Haec adfidens aegro collegae, haec in praetorio prope concionabundus agere. Stimulabat et tempus propinquum comitiorum, ne in novos consules bellum differetur, et occasio in se unum vertendae gloriae, dum aeger collega erat. Itaque, nequidquam dissentiente Cornelio, parari ad propinquum certamen milites jubet. Hannibal, quum, quid optimum foret hosti, cerneret, vix ullam spem habebat, temere atque improvide quidquam consules acturos, quum alterius ingenium, fama prius, deinde re cognitum, percitum ac ferox sciret esse, ferociusque factum prospero cum praedatoribus suis certamine crederet; adesse gerendae rei fortunam haud diffidebat. Cujus ne quod praemitteret tempus, sollicitus intentusque erat, dum tiro hostium esset miles, dum

dam meliorem ex ducibus inutilem vulnus faceret, dum Gallorum animi vigerent; quorum ingentem multitudinem sciebat segnius sequuturam; quanto longius ab domo traherentur. Quum ob haec taliaque speraret propinquum certamen, et facere, si cessaretur, cuperet, speculatoresque Galli, ad ea exploranda, quae vellet, tutiores, quia in utrisque castris militabant, paratos pugnæ esse Romanos retulissent; locum insidiis circumspectare Poenus coepit.

LIV. Erat in medio rivus, praealtis utrimque clausus ripis, et circa oblitus palustribus herbis et, quibus inculta ferme vestiuntur, virgultis vepribusque. Quem ubi equiti quoque tegendo satis latebrosus locum circumvectus ipse oculis perlustravit: *Hic erit locus*, Magoni fratri ait, *quem teneas. Delige centenos viros ex omni peditum atque equitum; cum quibus ad me vigilia prima venias. Nunc corpora curare tempus est.* Ita praetorium missum. Mox cum delectis Mago aderat. *Robora virorum ærno*, inquit Hannibal. *Sed, ut et numero etiam, non animis modo, valeatis, singulis vobis novenos ex turmis manipulisque vestri similes eligit; Mago locum monstrabit, quem infideatis. Hostem caecum ad has belli artes habebitis.* Ita mille equitibus Magoni, mille peditibus dimissis, Hannibal prima luce Numidas equites, transgressos Trebiam flumen, obequitare jubet hostium portis, jaculandoque in stationes elicere ad pugnam hostem; injecto deinde certamine, cedendo sensim citra flumen pertrahere. Haec mandata Numidis. Ceteris ducibus peditum equitumque praeceptum, ut prandere omnes juberent; armatos deinde, instratisque equis, signum expectare. Sempronius, ad tumultum Numidarum primum

T. Liv. P. II.

E

omnem

omnem equitatum, ferox ea parte virium, deinde sex millia peditum, postremo omnes copias ad destinatum jam ante consilio, avidus certaminis, eduxit. Erat forte brumae tempus et nivalis dies in locis Alpibus Apenninoque interjectis, propinquitatem etiam fluminum ac paludum praegelidis. Ad hoc raptim eductis hominibus atque equis, non capto ante cibo, non ope ulla ad arcendum frigus adhibita, nihil caloris inerat: et quidquid aurae fluminis adpropinquabant, adflabat acrior frigoris vis. Ut vero refugientes Numidas insequentes aquam ingressi sunt, (et erat pectoribus tenuis aucta nocturno imbri) tum utique egressis rigere omnibus corpora, ut vix armorum tenendorum potentia essent, et simul lassitudine, procedente jam die, fame etiam deficere.

LV. Hannibalis interim miles, ignibus ante tentoria factis, oleoque per manipulos, ut mollirent artus, misso, et cibo per otium capto, ubi transgressos flumen hostes nuntiatum est, alacer animis corporibusque arma capit, atque in aciem procedit. Baliares locat ante signa levemque armaturam, octo ferme millia hominum; dein graviores armis peditum, quod virium, quod roboris erat: in cornibus circumfudit decem millia equitum; et ab cornibus in utramque partem divisos elephantos statuit. Consul effusos sequentes equites, quum ab resistentibus subito Numidis incauti exciperentur, signo receptui dato, revocatos circumdedit peditibus. Duodeviginti millia Romani erant, socium nominis Latini viginti; auxilia praeterea Cenomanorum. Ea sola in fide manserat Gallica gens. His copiis concursus est. Proelium a Baliaribus ortum est. Quibus quum majore robore legiones ob-

siste-

asserent, deductae propere in cornua leves armaturae sunt. Quae res effecit, ut equitatus Romanus extemplo urgueretur. Nam quum vix jam per se resisterent decem millibus equitum quatuor millia, et fessi plerisque integris, obruti sunt insuper velut nube jaculorum a Baliaribus coniecta. Ad hoc elephantum, eminentes ab extremis cornibus, (equis maxime non visis modo, sed odore insolito territis) fugam late faciebant. Pedestris pugna par animis magis quam viribus erat; quas recentes Poenus, paullo ante curatis corporibus, in proelium adtulerat: contra jejuna fessaque corpora Romanis et rigentia gelu torpebant. Restitissent tamen animis, si cum peditum solum foret pugnatum. Sed et Baliares, pulso equite, jaculabantur in latera, et elephantum jam in mediam peditum aciem sese tulerant: et Mago Numidaeque, simul latebras eorum improvida praeterlata acies est, exorti ab tergo ingentem tumultum ac terrorem fecere. Tamen in tot circumstantibus malis mansit aliquamdiu inmotae acies, maxime praeter spem omnium adversus elephantos. Eos velites, ad id ipsum locati, verutis coniectis et avertere, et insequuti averfos sub caudis, quae maxime molli cute vulnera adciunt, fodiebant.

LVI. Trepidantes propeque jam in suos consternatos media acie in extremam, ad sinistrum cornu, adversus Gallos auxiliares agi jussit Hannibal. Extemplo haud dubiam fecere fugam. Additus quoque novus terror Romanis, ut fusa auxilia sua viderunt. Itaque, quum jam in orbem pugnarent, decem millia ferme hominum, quum alia evadere nequissent, media Afrorum acie, quae Gallicis auxiliis firmata erat, cum ingenti caede hominum

flumini percurrere. Et quum neque in castra reditus esset flumine interclusis, neque prae-
 imbrui satis decernere possent, qua suis opem
 ferrent, Placentiam recto itinere perrexere.
 Plures deinde in omnes partes eruptiones fa-
 ctas: et, qui flumen petiere, aut gurgilibus
 absumti sunt, aut inter cunctationem ingre-
 diendi ab hostibus obpressi. Qui passim per
 agros fuga sparsi erant, vestigia cedentis se-
 quentes agminis, Placentiam contendere. Aliis
 timor hostium audaciam ingrediendi flumen
 fecit, transgressisque in castra pervenerunt.
 Imber nive mixtus, et intoleranda vis frigoris,
 et homines multos, et iumenta, et elephantos
 prope omnes, absumsit. Finis insequendi ho-
 stis Poenis flumen Trebia fuit: et ita torpentes
 gelu in castra rediere, ut vix laetitiam victo-
 riae sentirent. Itaque nocte insequenti, quum
 praesidium castrorum, et quod reliquum ex
 magna parte militum erat, ratibus Trebiam
 trajicerent, aut nihil sentire, obstrepente plu-
 via; aut, quia jam moveri prae lassitudine
 nequibant ac vulneribus, sentire sese dissi-
 milarunt: quietisque Poenis, tacito agmine ab
 Scipione consule exercitus Placentiam est per-
 ductus: inde Pado trajectus Cremonam, ne
 duorum exercituum hibernis una colonia pre-
 meretur.

LVII Romam tantus terror ex hac clade
 perlatus est, ut jam ad Urbem crederent infe-
 stis signis hostem venturum; nec quidquam
 spei aut auxilii esse, quo portis moenibusque
 vim arcerent. *Uno consule ad Ticinum victo,*
altero ex Sicilia revocato, duobus consulibus,
duobus consultaribus exercitibus victis, quos alios
duces, quas alias legiones esse, quae arcessan-
tur? Ita territis Sempronius consul advenit,
 ingenti periculo per effusos passim ad prae-
 dan-

mandum hostium equites (audacia magis, quam consilio aut spe fallendi resistendo, si non falleret) transgressus, Id quod unum maxime in praesentia desiderabatur, comitiis consularibus habitis, in hiberna rediit. Creati consules Cn. Servilius et C. Flaminius. Ceterum ne hiberna quidem Romanis quiescentes erant, vagantibus passim Numidis equitibus, et, quae his impeditiora erant, Celtiberis Lusitanisque. Omnes igitur clausi undique commeatus erant, nisi quos Pado naves subveherent. Emporium prope Placentiam fuit, et opere magno munitum, et valido firmatum praesidio. Ejus castelli obpugnandi spe cum equitibus ac levi armatura profectus Hannibal, quum plurimum in celando incepto ad effectum spei habuisset, nocte adortus, non fefellit vigilas. Tantus repente clamor est sublatus, ut Placentiae quoque audiretur. Itaque sub lucem cum equitatu consul aderat, iussis quadrato agmine legionibus sequi. Equestre proelium interim commissum: in quo, quia laucius Hannibal pugna excessit, pavore hostibus injecto, defensum egregie praesidium est. Paucorum inde dierum quiete sumta, et vix dum satis percussato vulnere, ad Victumvias ire pergit obpugnandas. Id emporium a Romanis Gallico bello fuerat munitum. Inde locum frequentaverant adcolae mixti undique ex finitimis populis; et tum terror populationum eo plerisque ex agris compulerat. Hujus generis multitudo, fama impigre defensi ad Placentiam praesidii adcesa, armis adreptis obviam Hannibali procedit. Magis agmina, quam acies, in via concurrerunt; et, quum ex altera parte nihil, praeter inconditam turbam, esset, in altera et dux militi, et duci fidens miles, ad triginta quinque millia hominum a paucis fusa.

Postero die, deditione facta, praesidium intra moenia adcepere: jussique arma tradere quum dicto paruissent, signum repente victoribus datur, ut tamquam vi captam urbem diriperent. Neque ulla, quae in tali re memorabilis scribentibus videri solet, praetermissa clades est: adeo omnis libidinis crudelitatisque et inhumanae superbiae editum in miseros est exemplum. Hae fuere hibernae expeditiones Hannibalis.

LVIII. Haud longis inde temporibus, dum intolerabilia frigora erant, quies militi data est: et ad prima ac dubia signa veris profectus ex hibernis, in Etruriam ducit, eam quoque gentem, sicut Gallos Liguresque, aut vi aut voluntate adjuncturus. Transeuntem Apenninum adeo atrox adorta tempestas est, ut Alpium foeditatem prope superaverit. Vento mixtus imber quum ferretur in ipsa ora, primo, quia aut arma omittenda erant, aut contra ententes vortice intorti adfligebantur, constitere: dein, quum jam spiritum includeret, nec reciprocare animam sineret, averſi a vento parumper confedere. Tum vero ingenti sono coelum strepere, et inter horrendos fragores micare ignes. Capti auribus et oculis meſſi omnes torpere. Tandem, effuso imbrey, quum eo magis adcenſa vis venti eſſet, ipſo illo, quo deprehenſi erant, loco caſtra ponere neceſſarium viſum eſt. Id vero laboris velut de integro initium fuit. Nam nec explicare quidquam, nec ſtatuerre poterant; nec, quod ſtatutum eſſet, manebat, omnia perſcindente vento et rapiente. Et mox aqua levata vento, quum ſuper gelida montium juga concreta eſſet, tantum nivofae grandinis deiecit, ut, omnibus omiſſis, procumberent homines, tegminibus ſuis magis obruti, quam tectis. Tanta-

que

que vis frigoris insequuta est, ut, ex illa miserabili hominum jumentorumque strage quum se quisque ad tollere ac levare vellet, diu nequireret, quia, torpentibus rigore nervis, vix flectere artus poterant. Deinde, ut tandem agitando sese movere ac recipere animos, et raris locis ignis fieri est coeptus, ad alienam opem quisque inops tendere. Biduum eo loco, velut obsessi, mansere. Multi homines, multa jumenta, elephanti quoque ex his, qui proelio ad Trebiam facto superfuerant, septem absumti.

LIX. Degressus Apennino retro ad Placentiam castra movit, et ad decem millia progressus confedit. Postero die duodecim millia peditum, quinque equitum adversus hostem ducit. Nec Sempronius consul (jam enim redierat ab Roma) detrectavit certamen: atque eo die tria millia passuum inter hina castra fuere. Postero die ingentibus animis, vario eventu, pugnatum est. Primo concursu adeo res Romana superior fuit, ut non acie vincerent solum, sed pulsos hostes in castra persequerentur; mox castra quoque obpugnarent. Hannibal, paucis propugnatoribus, in vallo portisque positus, ceteros confertos in media castra recepit, intentosque signum ad erumpendum spectare jubet. Jam nona ferme diei hora erat, quum Romanus, nequidquam fatigato milite, postquam nulla spes erat potiundi castris, signum receptui dedit. Quod ubi Hannibal adcepit, laxatamque pugnam et recessum a castris vidit, extemplo equitibus dextra laevaue emissis in hostem, ipse cum peditum robore medius castris erupit. Pugna raro ulla magis saeva et cum utriusque partis pernicie clarior fuisset, si extendi eam dies in longum spatium sivillet. Nox ad censum in-

gentibus animis proelium diremit. Itaque acrior concursus fuit, quam caedes; et, sicut aequata ferme pugna erat, ita clade pari discessum est. Ab neutra parte sexcentis plus peditibus, et dimidium ejus equitum cecidit. Sed major Romanis, quam pro numero, jactura fuit, quia equestris ordinis aliquot, et tribuni militum quinque, et praefecti sociorum tres, sunt interfecti. Secundum eam pugnam Hannibal in Ligures, Sempronius Lucam concessit. Venienti in Ligures Hannibali per insidias intercepti duo quaestores Romani, C. Fulvius et L. Lucretius, cum duobus tribunis militum, et quinque equestris ordinis senatorum ferme liberis, quo magis ratam fore cum his pacem societatemque crederet, traduntur.

LX. Dum haec in Italia geruntur, Cn. Cornelius Scipio, in Hispaniam cum classe et exercitu missus, quum, ab ostio Rhodani profectus, Pyrenaeosque montes circumvectus, Emporiorum adpulisset classem, exposito ibi exercitu, orsus a Lacetanis, omnem oram usque ad Iberum flumen, partim renovandis societatibus, partim novis instituendis, Romanae ditionis fecit. Inde conciliata clementiae fama non ad maritimos modo populos, sed, in mediterraneis quoque ac montanis, ad ferociiores jam gentes valuit: nec pax modo apud eos, sed societas etiam armorum, parata est: validaeque aliquot auxiliorum cohortes ex iis conscriptae sunt. Hannonis cis Iberum provincia erat: eum reliquerat Hannibal ad regionis ejus praesidium. Itaque prius, quam alienarentur omnia, obviam eundem ratus, castris in conspectu hostium positis, in aciem eduxit. Nec Romano differendum certamen visum: quippe qui sciret, cum Hannone et Hasdrubale sibi dimicandum esse; malletque adver-

adversus singulos separatim, quam adversus duos simul, rem gerere. Nec magni certaminis ea dimicatio fuit. Sex millia hostium caesa, duo capta cum praesidio castrorum. Nam et castra expugnata sunt, atque ipse dux cum aliquot principibus capiuntur: et Scissis, propinquum castris oppidum, expugnatur. Ceterum praeda oppidi parvi pretii rerum fuit; supellex barbarica, ac vilium mancipiorum. Castra militem ditavere; non ejus modo exercitus, qui victus erat, sed et ejus, qui cum Hannibale in Italia militabat, omnibus fere caris rebus (ne gravia impedimenta ferentibus essent) citra Pyrenaeum relictis.

LXI. Prius quam certa hujus cladis fama adcideret, transgressus Iberum Hasdrubal cum octo millibus peditum, mille equitum, tamquam ad primum adventum Romanorum obcursurus, postquam perditas res ad Scissim amissaque castra adcepit, iter ad mare convertit. Haud procul Tarracone classici milites navalesque socios, vagos palantesque per agros, (quod ferme fit, ut secundae res negligentiam creent) equite passim dimisso, cum magna caede, majore fuga ad naves compellit. Nec diutius circa ea loca morari ausus, ne a Scipione obprimeretur, trans Iberum sese recepit. Et Scipio, raptim ad famam novorum hostium agmine acto, quum in paucos praefectos navium animadvertisset, praesidio Tarracone modico relicto, Emporias cum classe rediit. Vixdum digresso eo, Hasdrubal aderat: et, Ilergetum populo, qui obsides Scipioni dederat, ad defectionem impulsio, cum eorum ipsorum juventute agros fidelium Romanis sociorum vastat. Excito deinde Scipione hibernis, toto cis Iberum rursus cedit agro. Scipio, relictam ab auctore defectionis Ilergetum

tum gentem quum infesto exercitu invasisset, compulsi omnibus Athanagiam, urbem (quae caput ejus populi erat) circumfedit: intraque dies paucos, pluribus quam ante obsidibus imperatis, Ilergetes, pecunia etiam mulctatos, in jus ditionemque recepit. Inde in Aufetanos prope Iberum, socios et ipsos Poenorum, procedit: atque, urbe eorum obsessa, Lacedaeanos auxilium finitimis ferentes nocte, haud procul jam urbe, quum intrare vellent, ex cepit insidiis. Caesa ad duodecim millia: exuti paene omnes armis, domos passim palantes per agros diffugere; nec obsessos aliâ ulla res, quam iniqua obpugnantibus hiems, tutabatur. Triginta dies obûdio fuit: per quos raro umquam nix minus quatuor pedes alta jacuit: adeoque pluteos ac vineas Romanorum operuerat, ut ea sola, ignibus aliquoties conjectis ab hoste, etiam tutamentum fuerit. Postremo quum Amulius princeps eorum ad Hasdrubalem profugisset, viginti argenti talentis pacti deduntur. Tarraconem in hiberna reditum est.

LXII, Romae aut circa urbem multa ea hieme prodigia facta: aut (quod evenire solet, motis semel in religionem animis) multa nuntiata et temere credita sunt: in quis ingenuum infantem semestrem in foro olitorio triumphum clamasse: et foro boario bovem in tertiam contignationem sua sponte escendisse, atque inde tumultu habitatorum territum sese dejecisse: et navium speciem de coelo adfulsisse, et aedem Spei, quae est in foro olitorio, fulmine ictam: et Lanuvii hastam se commovisse: et corvum in aedem Junonis devolasse, atque in ipso pulvinario confedissee: et in agro Amiternino multis locis hominum specie procul candida veste visos, nec cum ullo congressos: et in Piceno lapidibus pluuisse: et Caere

for-

sortes extenuatas: et in Gallia lupum vigili gladium e vagina raptum abstulisse. Ob cetera prodigia libros adire decemviri iussi. Quod autem lapidibus pluisset in Piceno, novemdiale sacrum editum, et subinde aliis procurandis prope tota civitas operata fuit. Jam primum omnium Vrbs lustrata est, hostiaeque majores, quibus editum est, Diis caesae; et donum ex aur. pondo quadraginta Lanuvium ad Junonis portatum est; et signum aeneum matronae Junoni in Aventino dedicaverunt; et lectisternium Caere, ubi sortes adtenuatae erant, imperatum; et subplicatio Fortunae in Algido; Romae quoque et lectisternium Juventati, et subplicatio ad aedem Herculis nominatim; deinde universo populo circa omnia pulvinaria, indicta; et Genio majores hostiae caesae quinque; et C. Atilius Serranus praetor vota suscipere jussus, si in decem annos res publica eodem stetisset statu. Haec, procurata votaue ex libris Sibyllinis, magna ex parte levaverant religione animos.

LXIII. Consulum designatorum alter Flaminius, cui eae legiones, quae Placentiae hiernabant, sorte evenerant, edictum et literas ad consulem misit, ut is exercitus Idibus Martiis Arimini adesset in castris. Huic in provincia consulatum inire consilium erat, memor veterum certaminum cum Patribus, quae tribunus plebis, et quae postea consul, prius de consulatu, qui abrogabatur, dein de triumpho habuerat; invisus etiam Patribus ob novam legem, quam Q. Claudius tribunus plebis adversus senatum, uno Patrum adjuvante C. Flaminio, tulerat: ne quis senator, cuive senatorius pater fuisset, maritimam navem, quae plus quam trecentarum amphorarum esset, haberet. Id satis habitum ad fructus ex agris

agris vectandos. Quaestus omnis Patribus indecorus visus. Res, per summam contentionem acta, invidiam apud nobilitatem suavori legis Flaminio, favorem apud plebem alterumque inde consulatum, peperit. Ob haec ratus auspiciis ementiendis, Latinarumque feriarum mora, et consularibus aliis impedimentis retenturos se in Urbe, simulato itinere privatus clam in provinciam abiit. Ea res, ubi palam facta est, novam insuper iram infestis jam ante Patribus movit: *Non cum senatu modo, sed jam cum Diis immortalibus, C. Flaminium bellum gerere. Consulem ante inauspicato factum revocantibus ex ipsa acie Diis atque hominibus non paruisse; et nunc conscientia spreto et Capitolium et sollemnem votorum nuncupationem fugisse: ne die initi magistratus Jovis optimi maximi templum adiret: ne senatum, invisus ipse, et sibi uni invisum, videret consuleretque: ne Latinas indiceret, Jovique Latiarum sollemne sacrum in monte faceret: ne, auspicato profectus in Capitolium ad vota nuncupanda, paludatus inde cum lictoribus ad provinciam iret. Lixae modo sine insignibus, sine lictoribus, profectum clam, furtim, haud aliter quam si exilii causa solum vertisset. Magis pro majestate videlicet imperii Arimini, quam Romae, magistratum initurum, et in deversorio hospitali, quam apud penates suos, praetextam sumiturum. Revocandum universi retrahendumque censuerunt; et cogendum omnibus prius praesentem in Deos hominesque fungi officiis, quam ad exercitum et in provinciam iret. In eam legationem (legatos enim mitti placuit) Q. Terentius et M. Antistius profecti, nihilo magis eum moverunt, quam priori consulatu literae moverant ab senatu missae. Paucos post dies magistratum inivit, inmolantique ei vitulus jam ictus*

ietus e manibus sacrificantium sese quum propripuisset, multos circumstantes cruore resperfit. Fuga procul etiam major apud ignaros, quid trepidaretur, et concursatio fuit. Id a plerisque in omen magni terroris adceptum. Legionibus inde duabus a Sempronio priora anni consule, duabus a C. Atilio praetore adceptis, in Etruriam per Apennini tramites exercitus duci est coeptus.

T. LIVII PATAVINI LIBER XXII.

BREVIARIUM.

CAP. 1. Hannibal mutando vestem sese ab insidiis Gallorum munit, maturiusque ex hibernis movet. Servilio cos. magistratum ineunte irvidia redintegratur in Flaminium. Prodigia nuntiantur procuranturque. **2.** Quia Flaminium jam Arretium pervenisse fama est, Hannibal Etruriam petit propiore via per paludes, et, multis jumentis hominibusque amissis, ipse altero oculo capitur. **3.** Tum vastatione agrorum irritat Flaminium, temerarium ducem, qui neque consiliis salutaribus neque prodigiis movetur. **4.** Eundem trahit in insidias, et lacu Trasimeno montibusque Cortonensibus clausum copiis suis circumfundit. **5.** Atrox exoritur proelium, ingen-

gentemque terrae motum nemo pugnantium sensit. 6. Mors Flamini; caedes et fuga Romanorum. 7. Numerus caesorum. Diversa captivorum sors. Ingens terror et tumultus in Urbe. Varii vultus digredientium ab nuntiis, et feminarum praecipue insignia tum gaudia tum luctus.

8. Quatuor millia equitum, cum C. Centurio propraetore a Servilio ad Flaminium missa, a Poenis capiuntur. Prodictatorem populus creat Q. Fabium Maximum et magistrum equitum M. Minucium Rufum. 9. Hannibal frustra obpugnat Spoletum, et Picenum aliosque Italiae agros depopulatur. Servilius ad Urbem iter intendit, et Fabio auctore decemviri libros Sibyllinos adire jubentur. 10. Ver sacrum, ludi magni et aedes voventur. Subplicatio et lectisternium habetur per triduum. 11. Fabius cum duabus legionibus obviam proficiscitur Servilio, qui sine lictoribus ad dictatorem venire et exemplo Ostiam contendere iubetur, ut persequatur hostium classem ac litora Italiae tutetur. 12. Dictator haud procul Arpis in conspectu Poenorum ponit castra, et constanter agmen ducit per loca alta, neque omittens hostem, neque congregiens: quae sana consilia non magis Poeno displicent, quam fenoci magistro equitum. 13. Hannibal ex Hirpinis in Samnium, et, Capuae potiundae spe ipsi facta, in Campaniam transit; a duce autem viae, punica nominum prouuntiatione decepto, Casilinum ducitur, non in agrum Casuatem, quo contendere statuerat, ut ibi occuparet saltum et exitum Romanis ad opem sociis ferendam intercluderet. 14. Falerinus ager colonorumque Sinuessae tecta exuruntur sub oculis militum Fabii, quos seditiosa hinc oratione adcendit Minucius. 15. Dictator obstinatus persistat in cunctatione, et L. Hostilius

Man-

Mancinus, exploratum missus cum CD equitibus, ardorem pugnandi morte luit. 16. Hannibal vallibus includitur, via ad Casidium obsessa, sed arte evadit, 17. frustrans Romanos terrensque adspectu flammae, ex boum, furenter discurrentium, cornibus relucente. 18. Populabundus Samnium, Pelignos et Apuliam peragrat. Fabius sacrorum causa Romam proficiscitur, praemonito magistro equitum, ne cum hoste conflingeret.

19. In Hispania Cn. Scipio in fugam convertit classem Hasdrubalis, naves prope terram exercitumque in litore ducentis. 20. Capit XXV hostium naves, et Honostam, Longunticam Ebusumque insulam diripit. Multi Hispaniae populi legatos mittunt pacem petentes, et amplius CXX civitates se Romanis dedunt. Hasdrubal in Lusitaniam ac propius Oceanum concedit. 21. Mandonius Indibilisque, fratres et reguli Ilergetum, funduntur a Scipione, et Hasdrubal, qui cis Iberum ad socios tutandos redierat, bis a Celtiberis. 22. P. Scipio Proc., in Hispaniam missus, fratri se conjungit et cum eo Iberum transgressus petit Saguntum, ubi obsides totius Hispaniae, Poenis dati, a Boslare custodiebantur. Hi arte Abelucis, nobilis Hispani, in castra perducuntur Scipionum, et ab his remittuntur in civitates suas, quae, tali beneficio obstrictae, mox omnes a Poenis deficiunt.

23. Solers Fabii cunctatio. angit Hannibalem, et damnatur a civibus. Ager ejus, omnibus circa solo aequalis, non violatur ab hoste, ut obculti alicujus pacti ea merces videri possit, sed mox a dictatore venditur, ut pecunia inde redacta captivos redimat. 24. Eo absente Minucius laeto magis quam prospero eventu cum hosti-

hostibus pugnat. 25. Ita augetur invidia Fabii, et M. Metilius tribunus plebis rogationem promulgat de aequando magistris equitum et dictatoris jure. Pridie quam ejus ferendae dies adest, Fabius nocte ad exercitum abit, creato ante consule M. Atilio Regulo. 26. Rogatio illa perfertur, suadente C. Terentio Varrone viro, humili loco orto, qui proclamando pro sordidis hominibus favorem captaverat popularem, et ad magnos jam honores pervenerat. 27. Exercitus inter Fabium et Minucium dividuntur. 28. Minucius mox in aciem descendit, et laborat, insidiatoribus in latera atque ab tergo incurstantibus. 29. Fabiana acies repente, velut coelo demissa, auxilio venit, Poenusque canit receptui. 30. Minucius castra cum Fabio jungit, rogatque, ut magisterium sibi equitum reddatur. Dictator Parens ac milites ejus Patroni salutantur; et nunc ille par gloria est apud cives hostesque.

31. Cn. Servilius Geminus Cos. male rem gerit in Africa, et in Italiam trajicit, aditus literis Fabii, qui ipsi et conlegae ejus, M. Atilio Regulo, exercitum suum, duas utrique legiones, tradit. 32. Consules artibus Fabiannis cum summa inter se concordia bellum gerunt, et Hannibal inopia paene cogitur Galliam repetere. Neapolitani legatos Romam mittunt cum XL pateris aureis, e quibus una tantum eaque ponderis minimi a senatu adcipitur. 33. Speculator Poenus Romae deprehenditur, et servi, qui conjuraverant, in crucem aguntur. Legati mittuntur ad Philippum, qui deposcant Demetrium Pharium, ad Ligures, Poenorum socios, et in Illyrios ad stipendium a Pineo rege postulandum. Aedes Concordiae, biennio ante a L. Manlio vota, in arce facienda locatur, comitiorumque con-

consularium habendorum causa dicitur dictator, eo autem vitio creato, interreges produntur. 34. C. Terentius Varro petit consulatum, cognatusque ejus, Q. Baebius Herennius trib. pl., acerbam oratione in senatum, augures ac nobiles invehitur.

35. C. Terentius Varro et L. Aemilius Paulus II. consules creantur, ac praetoria habentur comitia. 36. Numerus et legionum et militum in illis augetur. Prodigia nuntiantur procuranturque ex libris Sibyllinis. Paestani pateras aureas mittunt, ut paulo ante Neapolitani. 37. Classis Hieronis cum magno comitatu, aurea Victoria, sagittariis ac funditoribus adcedit Ostiam: et ad classem T. Otacili propaetoris in Sicilia XXV quinqueremes adduntur. 38. Milites non sacramento, sed nunc primum jure jurando adiguntur. Conciones consulum, multae ac feroces Varronis, veriores, quam populo gratiores Pauli. 39. Fabius proficiscentem Paulum adloquitur. 40. Hic respondet, et cum collega ad castra contendit. Hannibal adventu consulum mire gaudet ob angustias comitatus, discordiam ducum, temeritatem alterius consulis et multitudinem tironum. 41. Pabulatores Poeni caeduntur, et Hannibal, castris relictis, milites suos trans proximos montes, loco insidiis apto, condit, obpressurus hostes, diripiendis castris occupatos. 42. Solitudine ibi satis compta, milites et consul alter signa profecti jubent. Hic tamen nuntio mali auspicii, et illi, imperio ducum haud parentes, adventu perfugarum, qui hostes in insidiis sedere nuntiant, ad reditum compelluntur. 43. Ob inopiam frumenti milites mercenarii Hannibalis jam de transitione agitant, et ipse de fuga in Galliam. Longius itaque recedit ab hoste et in loca Apuliae

T. Liv. P. II.

F

cali-

calidiora eoque maturiora messibus. Insequuntur eum Romani, refragante Paulo, donec venit Cannas, ubi castra ponit averfa a Vulturno vento. 44. Ibidem consulis bina castra communiunt ad utramque Aufidi amnis ripam, nec quisquam detrectat pugnam praeter Paullum. 45. Numidae fugant aquatores Romanos, et Varro indignatur, conlegam a proelio abhorrerere. Postero autem die, quo penes eum summa est imperii, copias flumen traducit et aciem instruit. 46. Idem facit Hannibal, et sol quidem utrique parti obliquus est, sed ventus, Romanis adversus, pulvere eos obcaecat. 47. Initio pugnae in dextro cornu Rom. pelluntur equites, peditesque, incaute in medium inruentes, ab Afris clauduntur. 48. In sinistro cornu D Numidae ad Romanos transfugiunt, et recepti mox averfam eorum aciem adoriuntur. Hasdrubal autem, dextro cornu fugato, etiam laevum adoritur. 49. Virtus Paulli et mors. Fuga cladesque Romanorum. 50. Ex minoribus castris sexcenti, hortante ac duce P. Sempronio Tuditano trib. mil., in maiora, et inde cum multis aliis Canusium confugiunt. 51. Hannibal, Maharbalo iudice, victoria uti nescit. Postero die spolia leguntur et strages spectatur, miserabilis et foeda etiam hostibus. 52. Bina Romanorum castra victori traduntur. Munificentia Bufae, mulieris Apulae. 53. Canusii ad P. Scipionem summa imperii deferuntur, et ab eo obprimuntur conjuratio nobilium juvenum, qui, suadente L. Caecilio Metello, Italiam deserere decreverant. 54. Fugitivi, qui Venusiam ad Varronem pervenerant, ab eo Canusium traducuntur. Romae tantus pavor tumultusque est, ut verbis exprimi nequeat. 55. Senatus consulitur a praetoribus de custodia Urbis: Fabius autem censet, expe-

expeditos prius equites mittendos, qui certa referant, et quietem silentiumque in Urbe restituendum. 56. Literae a Terentio consule adferuntur, sacrumque anniversarium Cereris intermittitur ob luctum; qui S^Cto diebus XXX finitur, ne alia quoque sacra deferantur. Patribus, post sedatum tumultum in curiam revocatis, nuntiatur ab T. Otacilio propraetore, classe Punica regnum vastari Hieronis, aliamque ad Aegates insulas stare; itaque nova sibi classe opus esse. 57. Vestales duae stupri compertae aliaque prodigia. Q. Fabius Pictor Delphos mittitur sciscitatum de placatione deorum ac belli fine. Interim ex fatalibus libris sacra aliquot extraordinaria sunt: inter quae Gallus et Galla, Graecus et Graeca, in foro boario sub terram vivi demittuntur. M. Claudius Marcellus ab Ostia milites Romam mittit, et cum tertia legione contendit Canusium, ut exercitum ibi a consule accipiat. A M. Junio dictatore scribuntur IV legiones, et octo millia servorum armantur. 58. Hannibal, captivis productis segregatisque, socios sine pretio dimittit, et Romanis redimendi se copiam facit. Ab his decem Romam ad senatum mittuntur, postquam iuraverant se redituros: e quibus unus, velut aliquid oblitus, in castra redit et ante noctem comites adsequitur. 59. Princeps eorum, M. Junius, orationem in senatu habet. 60. T. Manlius Torquatus ostendit, captivos haud dignos esse, qui redimantur. 61. Senatus censet eos non redimendos, et legatum quoque illum, qui fallaci reditu in castra jure jurando se exsolvisset, deducendum ad Hannibalem esse. Alia de his legatis fama. Multi Italiae populi ad Poenos deficiunt. Neque tamen pacis ulla mentio apud Romanos fit; et consuli redeunti omnes obviam

obviam eunt ordines gratiasque agunt, quod de re publica non desperaverit.

I. Jam ver adpetebat, quum Hannibal ex hibernis movit, et nequidquam ante conatus transcendere Apenninum intolerandis frigoribus, et cum ingenti periculo moratus ac metu. Galli, quos praedae populationumque conciverat spes, postquam pro eo, ut ipsi ex alieno agro raperent agerentque, suas terras sedem belli esse, premique utriusque partis exercituum hibernis viderunt; verterunt retro ad Hannibalem ab Romanis odia: petitusque saepe principum insidiis, ipsorum inter se fraude, eadem levitate, qua consenserant, consensum indicantium, servatus erat; et, mutando nunc vestem, nunc legumenta capitiq, errore etiam sese ab insidiis munierat. Ceterum hic quoque ei timor causa fuit maturius movendi ex hibernis. Per idem tempus Cn. Servilius consul Romae Idibus Martiis magistratum iniit. Ibi quum de re publica retulisset, redintegrata in C. Flaminium invidia est. *Duos se consules creasse, unum habere. Quod enim illi iustum imperium, quod auspicium esset? Magistratus id a domo, publicis privatisque penatibus, Latinis feriis actis, sacrificio in monte perfecto, votis rite in Capitolio nuncupatis, secum ferre: nec privatum auspicia sequi, nec sine auspiciis profectum in externo caelo nova atque integra concipere posse.* Augmentabant metum prodigia ex pluribus simul locis nuntiata: in Sicilia militibus aliquot spicula, in Sardinia autem in mpro circumeunti vigi-
lias

lias equiti scipionem, quem manu tenerat,
 arsisse, et litora crebris ignibus fulsisse; et scuta
 duo sanguine sudasse; et milites quosdam
 ictos fulminibus, et solis orbem minus visum;
 et Praeneste ardentem lapides coelo cecidisse;
 et Arpis parmas in coelo visas, pugnantem-
 que cum luna solem, et Capenae duas inter-
 dia lunas ortas; et aquas Caeretes sanguine
 mixtas fluxisse; fontemque ipsum percollis
 cruentis manasse sparsum maculis; et in An-
 tiati metentibus cruentas in coenem spicas cel-
 cidisse; et Faleriis coelum hinc velut magnò
 hiatus visum, quaque patuerit, ingens lumen
 effulxisse; sortes sua sponte hincenuatas, lunam-
 que excidisse, ita scriptam: **MAVORS TELUM**
SUUM CONCUTIT; et per idem tempus Romae
 signum Martis Appia via ad simulacrum Iapo-
 rum sudasse; et Capuae speciem coeli ardentis
 fuisse, lunaeque inter imbrem cadentis.
 Inde minoribus etiam dictu prodigiis fides ha-
 bita: capras lanatas quibusdam factas; et gulf-
 linam in marem; gallum in seminam sese ver-
 tisse. His, sicut erant mutilata, expositis
 auctoribusque in curiam introductis: consil-
 de religione Patres consuluit. Decretum, ut
 ea prodigia, partim maioribus hostiis, partim
 lagentibus, procurarentur; et ut supplicatio
 per triduum ad omnia pulvinaria haberetur.
 Cetera, quum decemviri libros inspexissent,
 ut ita fierent, quemadmodum cordi esse Divi
 carminibus praefarentur. Decemvirorum mo-
 niti decretum est, Jovi primum donum ful-
 men aureum pondo quinquaginta fieret; Ju-
 noni Minervaeque ex argento dona darentur;
 et Junoni Reginae in Aventino, Junonique
 Sospitae Lanavii majoribus hostiis sacrificaretur;
 matronaeque, pecunia conlata, quantum
 conferre cuique commodum esset, donum Ju-
 noni

noni Reginae in Aventinum ferrent, lectisterniumque fieret; quin et libertinae ut ipsae, unde Feroniae donum daretur, pecuniam pro facultatibus suis conferrent. Haec ubi facta, decemviri Ardeae in foro majoribus hostiis sacrificarunt. Postremo Decembri jam mensis ad aedem Saturni Romae inmolatum est, lectisterniumque imperatum, (et eum lectum senatores straverunt) et convivium publicum; ac per Urbem Saturnalia diem ac noctem clamatam, populusque eum diem festum habere ac servare in perpetuum iussus.

II. Dum consul placandis Romae Diis habendoque delectu dat operam, Hannibal, profectus ex hibernis, quia jam Flaminium consulem Arretium pervenisse fama erat, quum aliud longius, ceterum commodius, ostenderetur iter, propiorem viam per paludem petiit, qua fluvius Arnus per eos dies solito magis inundaverat. Hispanos et Afros, (id omne veterani erat robur exercitus) admixtis ipsorum impedimentis, necubi consistere coactis necessaria ad usus deessent, primos ire iussit: sequi Gallos, ut id agminis medium esset; novissimos ire equites: Magonem inde cum expeditis Numidis cogere agmen, maxime Gallos; sed taedio laboris longaeque viae (ut est mollis ad talia gens) dilaberentur aut subsisterent, cohibentem. Primi, qua modo praeirent duces per praealtas fluvii ac profundas voragines, hausti paene limo inmergentesque se, tamen signa sequebantur. Galli neque sustinere se prolapsi, neque adsurgere ex voraginibus poterant; aut corpora animis, aut animos spe sustinebant: alii fessa aegre trahentes membra; alii, ubi semel victis taedio animis procubuissent, inter jumenta, et ipsa jacentia passim, morientes. Maximeque omnium
vigi-

vigiliae conficiebant, per quatrimum jam et tres noctes toleratae. Quum, omnia obtinentibus aquis, nihil, ubi in sicco fessa sternerent corpora, inveniri posset. cumlatis in aquas sarcinis insuper incumbabant. Jumentorum itinere toto prostratorum passim acervi tantum, quod exstaret aqua, quaerentibus ad quietem parvi temporis necessarium cubile dabant. Ipse Hannibal, aeger oculis ex verna primum intemperie variante calores frigoraque, elephanto, qui unus superfuerat, quo altius ab aqua exstaret, vectus; vigiliis tandem et nocturno humore palustrique coelo gravante caput, et quia medendi nec locus nec tempus erat, altero oculo capitur.

III. Multis hominibus jumentisque foede amissis, quum tandem de paludibus emerisset, ubi primum in sicco potuit, castra locat: certumque per praemissos exploratores habuit, exercitum Romanum circa Arretii moenia esse. Consul deinde consilia atque animum, et situm regionum, itineraque, et copias ad commeatu expediendos, et cetera, quae cognosse in rem erat, summa omnia cum cura inquirendo exsequebatur. Regio erat in primis Italiae fertilis, Etrusci campi, qui Faesulas inter Arretiumque jacent, frumenti ac pecoris et omnium copia rerum opulenti. Consul ferox ab consulatu priore, et non modo legum ac Patrum majestatis, sed ne Deorum quidem satis metuens. Hanc insitam ingenio ejus temeritatem fortuna prospero civilibus bellicisque rebus successu aluerat. Itaque satis adparebat, nec Deos nec homines consulentem ferociter omnia ac praepropere acturum. Quoque pronior esset in vitia sua, agitare eum atque irritare Poenus parat: et, laeva relicto hoste, Faesulas petens, medio Etruriae agro

F 4

prae-

praedatum profectus, quantam maximam va-
 litatem potest, caedibus incendiisque consuli
 procul ostendit. Flaminius, qui ne quieto qui-
 dem hoste ipse quieturus erat, tum vero, post-
 quam res sociorum ante oculos prope suos fer-
 ri agique vidit, suum id dedecus ratus, per
 mediam jam Italiam vagari Poenum, atque,
 obistente nullo, ad ipsa Romana moenia ire
 obpugnanda; ceteris omnibus in consilio salu-
 taria magis, quam speciosa, suadentibus, *con-
 legam expectandum, ut conjunctis exercitibus,
 communi animo consilioque, rem gererent; inte-
 rim equitatu auxiliisque levium armorum ab ef-
 fusa praedandi licentia hostem cohibendum; ira-
 tus se ex consilio proripuit; signumque simul
 itineris pugnaeque proposuit. Quin immo Ar-
 retii ante moenia sedeamus, inquit; hic enim pa-
 tria et penates sunt. Hannibal emissus e mani-
 bus perpopuletur Italiam, vastandoque et uren-
 do omnia ad Romana moenia perveniat; nec
 ante nos hinc moverimus, quam, sicut olim Ca-
 millum ab Vejis, C. Flaminium ab Arretio Pa-
 tres advoverint. Haec simul increpans, quum
 ocus signa convelli iuberet, et ipse in equum
 insilisset, equus repente conruit, consulem-
 que labsum super caput effudit. Territis omni-
 bus, qui circa erant, velut foedo omine inci-
 piendae rei, insuper nuntiatur, signum, omni
 vi moliente signifero, convelli nequire. Con-
 versus ad nuntium, Num literas quoque, in-
 quit, ab senatu adfers, quae me rem gerere ve-
 tent? Abi, nuntia, signum effodiant, si ad con-
 vellendum manus prae metu obtorpuerint. In-
 cedere inde agmen coepit; primoribus, super
 quam quod disenserant a consilio, terribis
 etiam duplici prodigio; milite in vulgus laeto
 ferocia ducis, quum spem magis ipsam, quam
 causam spei, intueretur.*

IV.

IV. Hannibal, quod agri est inter Cortonam urbem Trasimenumque lacum, omni clade belli pervastat, quo magis iram hosti ad vindicandas sociorum iniurias acuat. Et jam pervenerant ad loca infidiis nata, ubi maxime montes Cortonenſes Trasimenos subit. Via tantum interest perangusta, velut ad id ipsum de industria relicto spatio: deinde paullo latior patescit campus; inde colles adsurgunt. Ibi castra in aperto locat, ubi ipse cum Afris modo Hispanisque consideret. Baliares ceteraque levem armaturam post montes circumducit: equites ad ipsas fauces saltus, tumultis apte tegentibus, locat; ut, ubi intrassent Romani, objecto equitatu, clausa omnia lacu ac montibus essent. Flaminius quum pridie solis obcasu ad lacum pervenisset, inexplorato, postero die, vix dum satis certa luce, angustissimis superatis, postquam in patentiorem campum pandi agmen coepit, id tantum hostium, quod ex adverso erat, conspexit: ab tergo et super caput decipere insidiae. Poenus ubi, id quod petierat, clausum lacu ac montibus et circumfusum suis copiis habuit hostem, signum omnibus dat simul invadendi. Qui ubi, qua cuique proximum fuit, decucurrere, eo magis Romanis subita atque inprovisa res fuit, quod orta ex lacu nebula campo, quam montibus, densior sederat, agminaque hostium ex pluribus collibus ipsa inter se satis conspecta, eoque magis pariter decucurrerunt. Romanus clamore prius undique orto, quam satis cerneret, se circumventum esse sensit; et ante in frontem lateraque pugnari coeptum est, quam satis instrueretur acies, aut expediri arma stringique gladii possent.

V. Consul, perculsis omnibus, ipse satis, ut in trepida re, inpavidus, turbatos ordines, vertente se quoque ad dissonos clampres, instruit, ut tempus locusque patitur; et, quacumque adire audiriue potest, adhortatur, ac stare et pugnare jubet; *nec enim inde votis aut inploratione Deum, sed vi ac virtute, evadendum esse. Per medias acies ferro viam fieri: et, quo timoris minus sit, eo minus ferme periculi esse.* Ceterum prae strepitu ac tumultu nec consilium nec imperium adcipi poterat. Tantumque aberat, ut sua signa atque ordinem et locum nosceret miles, ut vix ad arma capienda aptandaque pugnae competeret animus: obprimerenturque quidam, onerati magis his, quam tecti: et erat in tanta caligine major usus aurium, quam oculorum. Ad gemitus vulnerum ictusque corporum aut armorum, et mixtos strepentium paventiumque clamores, circumferebant ora oculosque. Alii fugientes pugnantium globo inlati, haerebant; alios redeuntes in pugnam avertebat fugientium agmen. Deinde, ubi in omnes partes nequidquam inpetus capti, et ab lateribus montes ac lacus, a fronte et ab tergo hostium acies claudebat, adparuitque, nullam, nisi in dextra ferroque, salutis spem esse; tum sibi quisque dux adhortatorque factus ad rem gerendam, et nova de integro pugna exorta est; non illa ordinata per principes hastatosque ac triarios, nec ut pro lignis antesignani, post signa alia pugnaret acies; nec ut in sua legione miles, aut cohorte, aut manipulo esset. Fors conglobat, et animus suus cuique ante aut post pugnandi ordinem dabat: tantusque fuit ardor armorum, adeo intentas pugnae animus, ut eum motum terrae, qui multarum urbium Italiae magnas partes prostravit, avertitque

titque cursu rapidos amnes, mare fluminibus in-
vexit, montes labſu ingenti proruit, nemo
pugnantium ſenſerit.

VL Tres ferme horas pugnatum eſt, et
ubique atrociter, Circa conſulem tamen acrior
infeltiorque pugna eſt. Eum et robora viro-
rum ſequabantur, et ipſe, quacumque in par-
te premi ac laborare ſenſerat ſuos, inſigre fe-
rebat opem; inſignemque armis et hoſtes ſum-
ma vi petebant, et tuebantur cives: donec In-
ſuber eques (Ducario nomen erat) facie quo-
que noſcitans, *Conſul, en, inquit, hic eſt, po-
pularibus ſuis, qui legiones noſtras cecidit,
agrosque et urbem eſt depopulatus, jam ego
hanc victimam manibus peremtorum foede ci-
vium dabo:* ſubditisque calcaribus equo, per
confertiſſimam hoſtium turbam inpetum facit;
obtruncatoque prius armigero, qui ſe infeſto
venienti obviam objecerat, conſulem lancea
transfixit. Spoliare cupientem triarii objectis
ſcutis arcuere. Magnae partis fuga inde pri-
mum coepit: et jam nec lacus, nec montes
obſtabant pavori. Per omnia arcta praerupta-
que velut caeci evadunt: armaque et viri ſu-
per alium alii praecipitantur. Pars magna,
ubi locus fugae deeſt, per prima vada paludis
in aquam progreſſi, quoad capitibus humeris-
que exſtare poſſunt, ſeſe inmergunt. Fuere,
quos inconfultus pavor nando etiam capeſſere
fugam impulerit. Quae ubi immenſa ac ſine
ſpe erat, aut deficientibus animis hauriebantur
gurgitibus, aut nequidquam feſſi vada retro
aegerrime repetebant, atque ibi ab ingreſſis
aquam hoſtium equitibus paſſim trucidabantur.
Sex millia ferme primi agminis, per adverſos
hoſtes eruptione inſigre facta, ignari omnium,
quae poſt ſe agerentur, ex ſaltu evaſere. Et,
quum in tumulto quodam conſitiſſent, clamor-
rem

sem modo ac sonum armorum audientes, quae fortuna pugnae esset, neque scire, nec perspicere prae caligine poterant. Inclinata denique re, quum incalcescente sole dispulsa nebula aperuisset diem, tum liquida jam luce montes campique perditas res stratamque ostendere foede Romanam aciem. Itaque, ne in conspectos procul inmitteretur eques, sublati raptim signis, quam citatissimo poterant agmine, sese abriperunt. Postero die, quum super cetera extrema fames etiam instaret, fidem dante Maharbale, qui cum omnibus equestribus copiis nocte consequutus erat, si arma tradidissent, abire cum lingulis vestimentis passurum, sese dederunt. Quae Punica religione servata fides ab Hannibale est, atque in vincula omnes conjecit.

VII. Haec est nobilis ad Trasimenum pugna, atque inter paucas memorata populi Romani clades. Quindecim millia Romanorum in acie caesa sunt; decem millia, sparsa fuga per omnem Etruriam, diversis itineribus Urbem petiere. Mille quingenti hostium in acie; multi postea utrumque ex vulneribus petiere. Multiplex caedes utrimque facta traditur ab aliis. Ego, praeterquam quod nihil haustum ex vano velim, quo nimis inclinant ferme scribentium animi, Fabium aequalem temporibus hujusce belli potissimum auctorem habui. Hannibal, captivorum qui Latini nominis essent, sine pretio dimissis, Romanis in vincula datis, segregata ex hostium coacervatorum cumulis corpora suorum quum sepeliri jussisset, Flaminii quoque corpus, funeris causa magna cum cura inquisitum, non invenit. Romae, ad primum nuntium cladis ejus, cum ingenti terrore ac tumultu concursus in forum populi est factus. Matronae vagae per vias, quae re-

pens

pens clâdes adlata, quæque fortuna exercitus esset, obvios percunctantur. Et quum frequentis concionia modo turba in comitium et curiam versa magistratus vocaret; tandem haud multo ante solis obcasum M. Pomponius praetor, *Pugna*, inquit, *magna victi sumus*: et, quamquam nihil certius ex eo auditum est, tamen aliis ab alio inpleti rumoribus domos referunt, *consulem cum magnâ parte copiarum caesum: superesse paucos, aut fuga passim per Etruriam sparsos, aut captos ab hoste*. Quot casus exercitus victi fuerant, tot in curas dispersiti eorum animi erant, quorum propinqui sub C. Flaminio consule meruerant, ignorantium, quae cujusque suorum fortuna esset. Nec quisquam satis certum habet, quid aut speret, aut timeat. Postero ac deinceps aliquot diebus ad portas major prope mulierum, quam virorum, multitudo stetit, aut suorum aliquem, aut nuntios de his opperiens: circumfundeanturque obviis sciscitantes; neque avelli, utique ab notis, prius, quam ordine omnia inquisissent, poterant. Inde varios vultus digredientium ab nuntiis cerneret, ut cuique aut laeta aut tristia nuntiabantur; gratulantesque aut consolantes redeuntibus domos circumfufos. Feminarum praecipue et gaudia insignia erant, et luctus. Vnam in ipsa porta, hospiti filio repente oblatam, in conspectu ejus exspirasse ferunt; alteram, cui mors filii falso nuntiata erat, moestam sedentem domi, ad primum conspectum redeuntis filii gaudio nimio exanimatam. Senatum praetores per dies aliquot ab orto usque ad occidentem solem in curia retinent, consultantes, quonam duce, aut quibus copiis, resisti victoribus Poenis posset.

VIII.

VIII. Prius quam satis certa consilia essent, repens alia nuntiatur clades: quatuor millia equitum, cum C. Centenio pro praetore missa ad conlegam ab Servilio consule, in Umbria, quo post pugnam ad Trasimenum auditam averterant iter, ab Hannibale circumventa. Ejus rei fama varie homines adfecit. Pars, occupatis majore aegritudine animis, levem, ex comparatione priorum, ducere recentem equitum jacturam: pars non id, quod adcciderat, per se aestimare, sed, ut in adfecto corpore quamvis levis causa magis, quam valido gravior, sentiretur; ita tum aegrae et adfectae civitati quodcumque adversi inciderit, non rerum magnitudine, sed viribus extenuatis, quae nihil, quod adgravaret, pati possent, aestimandum esse. Itaque ad remedium, jam diu neque desideratum nec adhibitum, dictatorem dicendum, civitas confugit; et quia et consul aberat, a quo uno dici posse videbatur, nec per occupatam armis Punicis Italiam facile erat aut nuntium, aut literas mitti, nec dictatorem populus creare poterat, quod nunquam ante eam diem factum erat, praedictatorem populus creavit Q. Fabium Maximum, et magistrum equitum M. Minucium Rufum. Hisque negotium ab senatu datum, ut muros turresque Urbis firmarent, et praesidia disponent, quibus locis viderentur, pontesque rescinderent fluminum: ad penates pro Urbe dimicandum esse, quando Italiam tueri nequissent.

IX. Hannibal recto itinere per Umbriam usque ad Spoletum venit. Inde, quum perpopulato agro urbem obpugnare adortus esset, cum magna caede suorum repulsus, conjectans ex unius coloniae haud nimis prospere tentatae viribus, quanta moles Romanae urbis esset;

set; in agrum Picenum avertit iter, non copia solum omnia generis frugum abundantem, sed refertum praeda, quam effuse avidi atque egentes rapiebant. Ibi per dies aliquot stativa habita: refectusque miles, hibernis itineribus ac palustri via proelioque, magis ad eventum secundo, quam levi aut facili, adfectus. Vbi satis quietis datum praeda ac populationibus magis, quam otio aut requie, gaudentibus; profectus Praetutianum Hadrianumque agrum, Marfos inde Marrucinosque et Pelignos devastat, circaque Arpos et Luceriam proximam Apuliae regionem. Cn. Servilius consul, levibus proeliis cum Gallis actis, et uno oppido ignobili expugnato, postquam de conlegae exercitusque caede audivit, jam moenibus patriae metuens, ne abesset in discrimine extremo, ad Urbem iter intendit. Q. Fabius Maximus dictator iterum, quo die magistratum iniit, vocato senatu, ab Diis orsus, quum edocuisset Patres, plus negligentia ceremoniarum auspiciorumque, quam temeritate atque inficitia, peccatum a C. Flamini consule esse, quaeque piacula irae Deum essent, ipsos Deos consulendos esse; pervicit, ut, quod non ferme decernitur, nisi quum tetra prodigia nuntiata sunt, decemviri libros Sibyllinos adire juberentur. Qui, inspectis fatalibus libris, retulerunt Patribus, *quod ejus belli causa votum Marti foret, id non rite factum, de integro atque amplius faciendum esse: et Jovi ludos magnos, et aedes Veneri Erycinae ac Menti vovendas esse, et supplicationem lectisterniumque habendum, et ver sacrum vovendum, si bellum prospere esset, resque publica in eodem, quae ante bellum fuisset, statu permansisset.* Senatus, quoniam Fabium belli cura occupatura esset, M. Aemilium praectorem, ex conlegii pon-

pontificum sententia, omnia ea ut mature fiant, curare jubet.

X. His senatus consultis perfectis, L. Cornelius Lentulus pontifex maximus, consulente collegio praetorum, omnium primum populum consulendum de vere sacro censet: injussu populi voveri non posse. Rogatus in haec verba populus, *Velitis jubeatisne hoc sic fieri: si res publica populi Romani Quiritium ad quinquennium proximum, sicut velim eam, salva servata erit hisce duellis; (quod duellum populo Romano cum Carthaginiensi est, quaeque duella cum Gallis sunt, qui cis Alpes sunt) datum donum duit populus Romanus Quiritium, quod ver adtulerit ex suillo, ovillo, caprino, bovillo grege, quaeque profana erunt, Jovi fieri, ex qua die senatus populusque jusserit. Qui faciet, quando volet, quaque lege volet, facito: quo modo faxit, probe factum esto. Si id moritur, quod fieri oportebit, profanum esto, neque scelus esto. Si quis rumpet obcidetve insciens, ne fraus esto. Si quis clepsit, ne populo scelus esto, neve cui cleptum erit. Si atro die faxit insciens, probe factum esto. Si nocte sive luce, si servus sive liber faxit, probe factum esto. Si anteidea senatus populusque jusserit fieri, ac faxit, eo populus solutus, liber esto.* Ejusdem rei causa ludi magni voti aeris trecentis tribus millibus, trecentis triginta tribus, triente: praeterea bubus Jovi trecentis, multis aliis Divis bubus albis, atque ceteris hostiis. Votis rite nuncupatis, subplicatio edicta: subplicatumque iere cum conjugibus ac liberis non urbana multitudo tantum, sed agrestium etiam, quos in aliqua sua fortuna publicae quoque contingebat cura. Tum lectisternium per triduum habitum, decemviris sacrorum curantibus. Sex pulvinaria in conspectu

specta fuere: Jovi ac Junoni unum; alterum Neptuno ac Minervae; tertium Marti ac Veneri; quartum Apollini ac Dianae; quintum Vulcano ac Vestae; sextum Mercurio ac Cereri. Tum aedes votae. Veneri Erycinae aedem Q. Fabius Maximus dictator vovit; quia ita ex fatalibus libris editum erat, ut is voveret, cujus maximum imperium in civitate esset. Menti aedem T. Otacilius praetor vovit.

XI. Ita rebus divinis peractis, tum de bello reque de publica dictator retulit, quibus quotve legionibus victori hosti obviam eundum esse Patres censerent. Decretum, ut ab Cn. Servilio consule exercitum adciperet: scriberet praeterea ex civibus sociisque, quantum equitum ac peditum videretur: cetera omnia ageret faceretque, ut e re publica duceret. Fabius duas se legiones adjecturum ad Servilianum exercitum dixit. His, per magistrum equitum scriptis, Tibur diem ad conveniendum edixit. Edictoquo proposito, ut, quibus oppida castellaque immunita essent, uti in loca tuta commigrarent; ex agris quoque demigrarent omnes regionis ejus, qua iturus Hannibal esset: tectis prius incensis ac frugibus corruptis, ne cujus rei copia esset, ipse, via Flaminia profectus obviam consuli exercituique, quum ad Tiberim circa Oriculum propexisset agmen, consulemque cum equitibus ad se prodeuntem, viatorem misit, qui consuli nuntiaret, ut sine lictoribus ad dictatorem veniret. Qui quum dicto paruisset, congressusque eorum ingentem speciem dictaturae apud cives sociosque, vetustate jam prope oblitos ejus imperii, fecisset; literae ab Urbe adlatae sunt, naves onerarias, commeatum ab Ostia in Hispaniam ad exercitum portantes, a classe Punica circa portum Cosanum captas esse.

T. Liv. P. II.

G

esse. Itaque extemplo consul Ostiam proficisci iussus, navibusque, quae ad urbem Romanam aut Ostiae essent, completis milite ac navalibus sociis, persequi hostium classem, ac litora Italiae tutari. Magna vis hominum conscripta Romae erat: libertini etiam, quibus liberi essent et aetas militaris, in verba iuraverant. Ex hoc urbano exercitu, qui minores quinque et triginta annis erant, in naves inpositi: alii, ut Urbis praesiderent, relictii.

XII. Dictator, exercitu consulis adempto a Fulvio Flacco legato, per agrum Sabinum Tibur, quo diem ad conveniendum edixerat novis militibus, venit: inde Praeneste ac transversis limitibus in viam Latinam est egressus: unde, itineribus summa cum cura exploratis, ad hostem ducit; nullo loco, nisi quantum necessitas cogeret, fortunae se committurus. Quo primum die haud procul Arpis in conspectu hostium posuit castra, nulla mora facta, quin Poenus educeret in aciem, copiamque pugnandi faceret: sed ubi quieti omnia apud hostes; nec castra ullo tumultu mota videt; increpans quidem, victos tandem quoque Martios animos Romanis, debellatumque et concessum propalam de virtute ac gloria esse, in castra rediit: ceterum tacita cura animum incensus, quod cum duce, haudquaquam Flaminiio Sempronioque simili; futura sibi res esset; ac tandem edocti malis Romani parem Hannibali ducem quaesissent. Et prudentiam quidem, non vim, dictatoris extemplo timuit. Constantiam haud dum expertus, agitare ac tentare animum moventio crebro castra, populandoque in oculis ejus agros lociorum, coepit. Et modo citato agmine e conspectu abibat, modo repente in aliquo flexu viae, si excipere degressum in aequum posset, obcaltus sub-

subſiſtebat. Fabius per loca alta agmen ducebat, modico ab hoſte intervallo, ut neque omitteret eum, neque congregaretur. Caſtris, niſi quantum uſus neceſſario cogeret, tenebatur miles. Pabulum et ligna nec pauci petebant, nec paſſim. Equitum levisque armaturae ſtatio, compoſita inſtructaque in ſubitos tumultus, et ſuo militi tuta omnia, et inſeſta effuſis hoſtium populatōribus praebebat. Neque univerſo periculo ſumma rerum committebatur: et parva momenta levium certaminum ex tuto coeptorum, finitimo receptū, adſueſciebant territum priſtinis cladibus militem, minus jam tandem aut virtutis, aut fortunae poenitere ſuae. Sed non Hannibalem magis inſeſtum tam ſanis conſiliis habebat, quam magiſtrum equitum; qui nihil aliud, quam quod impar erat imperio, morae ad rem publicam praecipitandam habebat, ferox rapidasque in conſiliis, ac lingua inmodicus. Primo inter paucos, deſin propalam in vulgus, pro cunctatore ſegnem, pro cauto timidum, adſingens vicina virtutibus vitia, compellabat; premendorumque ſuperiorum arte (quae peſſima ars nimis proſperis multorum ſubceſſibus crevit) ſeſe extollebat.

XIII. Hannibal ex Hirpinis in Samnium transit: Beneventanum depopulatur agrum: Teſſam urbem capit: inſultat etiam de induſtria ducem, ſi forte ad cenſum tot indignitatibus cladibusque ſociorum detrahere ad aequum certamen poſſit. Inter multitudinem ſociorum Italiſci generis, qui ad Traſimentum capti ab Hannibale diſmiſſique fuerant, tres Campani equites erant, multis jam tum inſecti donis promiſſisque Hannibalis ad conciliandos popularium animos. Hi nuntiantes, ſi in Campaniam exercitum advenſiſſet, Capuae potiendae co-

piam fore, quum res major, quam auctores, esset, dubium Hannibalem alternisque fidentem ac diffidentem, tamen, ut Campanus ex Samnio peteret, moverunt. Monitos, ut etiam atque etiam promissa rebus adfirmarent, iustosque, cum pluribus et aliquibus principum redire ad se, dimisit. Ipse imperat duci, ut se in agrum Casinatem ducat: edoctus a peritis regionum, si eum saltum occupasset, exitum Romano ad opem ferendam sociis interclusurum. Sed Punicum abhorrens ab Latinorum nominum prolatione, pro Casino Casilinum dux ut adiceret, fecit; aversusque ab suo itinere, per Allifanum Calatinumque et Calenum agrum, in campum Stellatam descendit. Vbi quum montibus fluminibusque clausam regionem circumspexisset, vocatum ducem percunctantur, ubi terrarum esset? Quum is Casilini eo die mansurum eum dixisset, tandem cognitus est error, et Casinum longe inde alia regione esse: virgisque caelo ducere, et ad reliquorum terrorem in crucem sublato, castris eommunitis, Maltarbalem cum equitibus in agrum Falernum praedatum dimisit. Usque ad aquas Sinuessanas populatio ea pervenit. Ingentem cladem, fugam tamen terroremque latius, Numidae fecerunt. Nec tamen is terror, quum omnia bello flagrarent, fide socios dimovit: videlicet quia iusto et moderato regebantur imperio; nec abnebant, quod unum vinculum fidei est, melioribus parere.

XIV. Vt vero ad Vulturnum flumen castra sunt posita, exurebaturque ardens Italiae ager: villaeque passim incendiis fumabant, per juga Maltici montis Fabio ducente, tum prope de integro seditio ab duce seditionis accensa. Quaeperant enim paucos dies:

quia,

quia, quum celerius solito ductum agmen
 fuisset, festinari ad prohibendam populationi-
 bus Campaniam crediderant. Ut vero in ex-
 trema juga Massici montis ventum est, hostes-
 que sub oculis erant, Falerni agri colonorum-
 que Sinuessae tecta urentes, nec ulla erat men-
 tio pugnae. *Spectatumne huc, inquit Minucius,*
ut rem fruendam oculis, sociorum caedes et in-
cendia vanimus? nec si nullius alterius nos, ne
civium quidem horum pudet, quos Sinuessam
colonos patres nostri miserunt, ut ab Samnito
hoste tuta haec ora esset; quam nunc non vici-
nus Samnis urit, sed Poenus advena, ab extre-
mis orbis terrarum terminis, nostra cunctatione
et socordia, jam huc progressus. Tantum (pro!)
degeneramus a parentibus nostris, ut, praeter
quam oram illi Punicas vagari classes, dedecus
esse imperii sui duxerint, eam nos nunc plenam
hostium Numidarumque ac Maurorum jam fa-
ctam videamus? Qui modo, Saguntum obpri-
guari indignando, non homines tantum, sed
foedera et Deos, ciebamus, scandentem moenio
Romanae colorum Hannibalem lenti spectamus.
Fumus ex incendiis villarum agrorumque in ocu-
los atque ora venit; sitepunt aures clamoribus
plorantium sociorum; saepius nos, quam Deo-
rum invocantium opem. Nos hic pecorum mo-
do per aestivos saltus deviasque calles exerci-
tum ducimus, conditi nubibus silvisque. Si hoc
modo peragrando cacumina saltusque M. Fu-
rius recipere a Gallis Urbem voluisset, quo hic
novus Camillus, nobis dictator unicus in rebus
adfectis quaesitus, Italiam ab Hannibale recu-
perare parat; Gallorum Roma esset: quam ve-
reor, ne, sic cunctantibus nobis, Hannibali ac
Poenis toties servaverint majores nostri. Sed
vir, ac vere Romanus, quo die, dictatorem
vum ex auctoritate Patrum jussuque populi di-
 ctum,

ctum, *Veios adlatum est, quum esset satis altum Janiculum, ubi sedens, prospectaret hostem; descendit in aequum: atque illo ipso die inedia in Vrbe, qua nunc busta Gallica sunt; et postero die citra Gabias cecidit Gallorum legiones. Quid? post multos annos, quum ad Furculas Caudinas ab Samnite hoste sub jugum missi sumus, utrum tandem L. Papirius Cursor juga Samnii perlustrando, an Luceriam pervenendo obsidendaque, et laceffendo victorem hostem, depulsum ab Romanis cervicibus jugum superba Samniti inposuit? Modo C. Lutatio quae alia res, quam celeritas, victoriam dedit? quod postero die, quam hostem vidit, classem gravem commeatibus, inpeditam suomet ipsam instrumento atque adparatu, oppressit. Stultitia est, sedendo aut votis debellari credere posse. Armari copias oportet, deducendas in aequum, ut vir cum viro congrediari, Audendo atque agendo res Romanae crevit, non his segnibus consiliis, quae timidi cauta vocant. Haec volut concionanti Minucio circumfundebar tribunorum equitumque Romanorum multitudo, et ad aures quoque militum dicta ferocia volebantur; ac, si militaris subfragii res esset, haud dubie ferebant, Minucium Gabio duci praelaturos.*

XV. Fabius pariter, in suos haud minus quam in hostes intentus, prius ab illius invictum animum praestat. Quamquam probe scit, non in castris modo suis, sed jam etiam Romae infamem suam cunctationem esse; obstinatus tamen eodem consiliorum tenore aestatis reliquum extraxit, ut Hannibal, destitutus ab spe summopere petiti certaminis, jam hibernis locum circumspectaret; quia ea regio praesentis erat copiae, non perpetuae, arbuta vineaeque, et consita omnia magis amoenis,

nis, quam necessariis fructibus. Haec per exploratores relata Fabio. Quum satis sciret, per easdem angustias, quibus intraverat Falernum agrum, rediturum, Calliculam montem et Casilinum obcupat modicis praesidiis; quae urbs, Vulturno flumine diremta, Falernum ac Campanum agros dividit: ipse jugis iisdem exercitum reducit, misso exploratum cum quadringentis equitibus, sociorum L. Hostilio Mancino: qui ex turba juvenum audientium saepe ferociter concionantem magistrum equitum, progressus primo exploratoris modo, ut ex tuto specularetur hostem, ubi vagos passim per vicos Numidas vidit, per occasionem etiam paucos occidit; extemplo obcupatus certamine est animus, excideruntque praecepta dictatoris, qui, quantum tuto posset, progressum prius recipere sese iusserat, quam in conspectum hostium veniret. Numidae, alii atque alii obcursantes refugientesque, ad castra prope ipsum cum fatigatione equorum atque hominum pertraxere. Inde Carthalo, penes quem summa equestris imperii erat, concitatis equis invehit, quum prius, quam ad conjectum teli veniret, avertisset hostem, quinque millia ferme continenti cursu sequutus est fugientes. Mancinus, postquam nec hostem desistere sequi, nec spem vidit effugiendi esse, cohortatus suos in proelium rediit, omni parte virium impar. Itaque ipse et delecti equitum circumventi occiduntur. Ceteri effuso rursus cursu Cales primum, inde prope in viis callibus ad dictatorem perfugerunt. Eo forte die Minucius se conjunxerat Fabio, missus ad firmandum praesidio saltum, qui super Tarracinam, in artas coactus fauces, imminet mari, ne immunito Appiae limite Poenus pervenire in agrum Romanum posset. Coniunctis exerciti-

citibus dictator ac magister equitum castra in viam deferunt, qua Hannibal ducturus erat. Duo inde millia hostes aberant.

XVI. Postero die Poeni, quod viae inter bina castra erat, agmine complevere. Quum Romani sub ipso constitissent vallo, haud dubie aequiore loco, subcessit tamen Poenus cum expeditis equitibus, atque ad lacessendum hostem carptim et procurfando recipiendoque sese pugnare. Restitit suo loco Romana acies. Lenta pugna et ex dictatoris magia, quam Hannibalis, fuit voluntate. Ducenti ab Romanis, octingenti hostium cecidere. Inclusus inde videri Hannibal; via ad Castrinum obfessa: quum Capua et Samnium, et tantum ab tergo divitum sociorum Romanis commeatus subveheret; Poenus contra inter Formiana taxa ac Literni arenas stagnaque perhorrida situ hibernaturus esset. Nec Hannibalem fefellit, suis se artibus peti. Itaque, quum per Castrinum evadere non posset, petendique montes et jugum Calliculae superandam esset, necubi Romanus inclusum vallibus agmen adgrederetur; ludibrium oculorum, specie terribile, ad frustrandum hostem commentus, principio noctis furtim subcedere ad montes statuit. Fallacis consilii talis adparatus fuit. Faces undique ex agris collectae, fascisque virgarum atque arida sarmenta praeligantur cornibus boum, quos domitos indomitosque multos inter ceteram agrestem praedam agebat. Ad duo millia ferme boum effecta: Hasdrubalique negotium datum, ut primis tenebris noctis id armentum adensis cornibus ad montes ageret; maxime, si posset, super saltus ab hoste infessos.

XVII. Primis tenebris silentio mota castra; boves aliquanto ante signa acti. Vbi ad radi-

radices montium viasque angustas ventum est; signum extemplo datur, ut ad census cornibus armenta in adversos concitentur montes. Et metus ipse relucens flammæ ex capite calorque, jam ad vivum ad imaque cornuum adveniens, velut stimulos furore agebat boves. Quo repente discursu, haud secus quam silvis montibusque ad census, omnia circum virgulta ardere; capitumque irrita quassatio, excitans flammam, hominum passim discurrentium speciem præbebat. Qui ad transitum saltus insidendum locati erant, ubi in summis montibus ac super se quosdam ignes conspexerunt, circumventos se esse rati, præsidio excessere, qua minime densæ micabant flammæ, velut tutissimum iter, potentes summa montium iuga; tamen in quosdam boves palatos ab suis gregibus inciderunt. Et primo, quum præcul cernerent, veluti flammæ spirantium miraculo adtoniti constiterunt: deinde, ut humana apparuit fraus, tum vero insidias rati esse, dum majore metu concitant se in fugam, levi quoque armaturæ hostium incurrere. Ceterum nox æquato timore neutros pugnam incipientes ad lucem tenuit. Interea, toto agmine Hannibal transducto per saltum, et quibusdam in ipso saltu hostium obpressis, in agro Allifano posuit castra.

XVIII. Hunc tumultum sensit Fabius. Ceterum et insidias esse ratus, et ab nocturno utique abhorrens certamine, suos munimentis tenuit. Luce prima sub jugo montis proelium fuit; quo interclusam ab suis levem armaturam facile (etenim numero aliquantum præstabant) Romani superassent, nisi Hispanorum cohors, ad id ipsum remissa ab Hannibale, pervenisset. Ea adfuetior montibus, et ad cursandum inter saxa rupesque aptior ac le-

vior, cum velocitate corporum, tum armorum habitu; campestem hostem, gravem armis statariumque, pugnae genere facile elusit. Ita haudquaquam pari certamine digressi, Hispani fere omnes incolumes, Romani, aliquot suis amis, in castra contenderunt. Fabius quoque movit castra: transgressusque saltum super Allifas, loco alto ac munito confedit. Tam, per Samnium Romam se petere similans, Hannibal usque in Pelignos populabundus rediit. Fabius medius inter hostium agmen urbemque Romam jugis ducebat; nec abstinens, nec congregiendi. Ex Pelignis Poenus flexit iter, retroque Apuliam repetens, Geronium pervenit; urbem metu, quia collapsa ruinis pars moenium erat, ab suis desertam. Dictator in Laticine agro castra communiit. Inde sacrorum causa Romam revocatus, non imperio modo, sed consilio etiam, ac prope precibus agens cum magistro equitum, *ut plus consilio, quam fortunae, confidat; et se potius ducem, quam Sempronium, Flaminiūque, imitetur. Ne nihil aatum censeret, extracta prope aestate per ludificationem hostis. Medicos quoque plus interdum quiete, quam movendo atque agendo, proficere. Haud parvam rem esse, ab toties victore hoste vinci desisse, et ab continuis cladibus respirasse* Haec nequidquam praemonito magistro equitum, Romam est profectus.

XIX. Principio aestatis, qua haec gerantur, in Hispania quoque terra marique coeptum bellum est. Hasdrubal ad eum navium numerum, quem a fratre instructum paratumque adceperat, decem adiecit: quadraginta navium classē Himilconi tradidit: atque ita Carthagine profectus navibus prope terram, exercitum in litore ducebat, paratus con-

confligere, quacumque parte copiarum hostis obcurrisset. Cn. Scipioni, postquam movisse ex hibernis hostem audivit, primo idem consilii fuit: deinde, minus terra, propter ingentem famam novorum auxiliorum, concurrere ausus, delecto milite ad naves inposito, quinque et triginta navium classe ire obviam hosti pergit. Altero ab Tarracone die ad stationem, decem millia passuum distantem ab ostio Iberi amnis, pervenit. Inde duae Massiliensium speculatoriae praemissae retulerunt, classem Punicam stare in ostio fluminis, castraque in ripa posita. Itaque, ut improvidos incautosque universo simul effuso terrore obprimeret, sublatis ancoris ad hostem vadit. Multas et locis altis positas turres Hispania habet, quibus et speculis et propugnaculis adversus latrones utuntur. Inde primo, conspectis hostium navibus, datum signum Hasdrubali est; tumultusque prius in terra et castris, quam ad mare et ad naves, est ortus, nondum aut pulsu remorum strepituque alio nautico exaudito, aut aperientibus classem promontoriis; quum repente eques, alius super alium ab Hasdrubale missus, vagos in litore quietosque in tentoriis suis, nihil minus quam hostem aut proelium eo die expectantes, conscendere naves propere atque arma capere jubet. Classem Romanam jam haud procul portu esse. Haec equites dimissi passim imperabant. Mox Hasdrubal ipse cum omni exercitu aderat: varioque omnia tumultu strepunt, ruentibus in naves simul remigibus militibusque, fugientium magis e terra, quam in pugnam euntium modo. Vixdum omnes conscenderant, quum alii resolutis oris in ancoras evolvuntur; alii, ne quid teneat, ancoralia incidunt: raptimque omnia praepropere agendo, mili-

militum adparatu nautica ministeria impediuntur, trepidatione nautarum capere et aptare arma miles prohibetur. Et jam Romanus non adpropinquabat modo, sed direxerat etiam in pugnam naves. Itaque non ab hoste et proelio inagis Poeni, quam suomet ipsi tumultu turbati, tentata verius pugna, quam inita, in fugam averterunt classem. Et quum adversi annis os lato agmine ac tam multis simul venientibus haud sane intrabile esset, in litus passim naves egerunt: atque alii vadis, alii sicco litore excepti, partim armati, partim inermes, ad instructam per litus aciem suorum perfergere. Duæ tamen primo concursu captæ erant Punicæ naves, quatuor suppressæ.

XX. Romani, quamquam terra hostium erat, armatamque aciem toto praetentam in litore cernebant, haud cunctanter insequuti trepidam hostium classem, naves omnes, quæ non aut perfregerant proras litore indisas, aut carinas fixerant vadis, religatas puppibus in altum extraxere. Ad quinque et viginti naves ex quadraginta cepere. Neque id pulcerrimum ejus victoriae fuit, sed quod una levi pugna toto ejus oræ mari potiti erant. Itaque ad Honoscam classe profecti, exscensione ab navibus in terram facta, quum urbem vicepissent, captamque diripuissent, Carthaginem inde petunt: atque, omnem agrum circa depopulati, postremo tecta quoque conjuncta muro portisque incenderunt. Inde jam præda gravis ad Longunticam pervenit classis: ubi vis magna sparti ad rem nauticam congesta ab Hasdrubale. Quod satis in usum fuit, sublato, ceterum omne incensum est. Nec continenti modo projectas oras prætervecta, sed in Ebusum insulam transmissum. Vbi urbe, quæ

quae caput insulae est, biduum nequidquam summo labore obpugnata, ubi in spem irritam frustra teri tempus animadversum est, ad populationem agri versi, directis aliquot incensisque vicis, majore, quam ex continenti, praedae parta, quum in naves se recepissent, ex Baliaribus insulis legati pacem petentes ad Scipionem venerunt. Inde flexa retro classis, reditumque in citeriora provinciae, quo omnium populorum, qui Iberum incolunt, multorum et ultimae Hispaniae legati concurrebant. Sed, qui vero ditionis imperique Romani facti sunt, obsidibus datis, populi amplius fuerunt centum viginti. Igitur terrestribus quoque copiis satis fidens Romanus usque ad saltum Castulonensem est progressus. Hasdrubal in Lusitaniam ac propius oceanum concessit.

XXI. Quietum inde fore videbatur reliquum aestatis tempus, fuissetque per Poenum hostem; sed, praeterquam quod ipsorum Hispanorum inquieta avidaque in novas res sunt ingenia, Mandonius Indibilisque, qui antea Hergetum regulus fuerat, postquam Romani ab saltu recessere ad maritimam oram, concitatis popularibus, in agrum pacatum sociorum Romanorum populandum venerunt. Adversus eos tribunus militum cum expeditis auxiliis, a Scipione missi, levi certamine, ut tumultuariam manum, fudere omnes: obelisis quibusdam captisque, magna pars armis exuta. Hic tamen tumultus cedentem ad oceanum Hasdrubalem cis Iberum ad socios tutandos retraxit. Castra Punica in agro Ileresontensi, castra Romana ad novam classent erant, quum fama repens alio avertit bellum. Celtiberi, qui principes regionis suae legatos miserant, obsidesque dederant Romanis, nuntio

tis misso a Scipione exerciti, arma capiunt, provinciamque Carthaginiensium valido exercitu invadunt: tria oppida vi expugnant. Inde cum ipso Hasdrubale duobus proeliis egregie pugnantes quindecim millia hostium occiderunt, quatuor millia cum multis militaribus signis capiunt.

XXII. Hoc statu rerum in Hispania, P. Scipio in provinciam venit; prorogato post consulatum imperio ab senatu missus, cum viginti longis navibus et octo millibus militum magnoque commeatu advecto. Ea classis ingens agmine onerariarum procul visa, cum magna laetitia civium sociorumque, portum Tarraconis ex alto tenuit. Ibi milite exposito, profectus Scipio fratri se conjungit: ac deinde communi animo consilioque gerebant bellum. Occupatis igitur Carthaginiensibus Celtiberico bello, haud cunctanter liberum transgrediuntur; nec ullo viso hoste, Saguntum pergunt ire, quod ibi obsides totius Hispaniae custodiae traditos ab Hannibale fama erat. medico in arce custodiri praesidio. Id unum pignus inclinatos ad Romanam societatem omnium Hispaniae populorum animos morabatur, ne sanguine liberum suorum culpa defectionis lueretur. Eo vinculo Hispaniam vir unus, solerti magis quam fideli consilio, exsolvit. Abelux erat Sagunti nobilis Hispanus, fidus ante Poenis: tum (qualia plerumque sunt barbarorum ingenia) cum fortuna mutaverat fidem. Ceterum, transfugam, sine magnae rei proditione venientem ad hostes; nihil aliud quam unum vile atque infame corpus esse ratus, id agebat, ut quam maximum emolumentum novis sociis esset. Circumspectis igitur omnibus, quae fortuna potestatis, ejus poterat facere, obsidibus potissimum tradendis

an-

animum adjecit: eam unam rem maxime ratus conciliaturam Romanis principum Hispaniae amicitiam. Sed quum, injussu Hostiaris praefecti, satis sciret, nihil obsidum custodes facturos esse, Hostiarem ipsum arte adgreditur. Castra extra urbem in ipso litore habebat Hostar, ut aditum ea parte intercluderet Romanis. Ibi eum in secretum abductum, velut ignorantem, movet, quo statu sit res: *Metum continuisse ad eam diem Hispanorum animos, quia procul Romani abessent: nunc eis Iberum castra Romana esse, arcem tutam perfugiumque novas volentibus res. Itaque, quos metus non teneat, beneficio et gratia devinciens dos esse.* Miranti Hostari percunctantique, quodnam id subitum tantae rei donum possit esse? *Obsides, inquit, in civitates remitte. Id et privatim parentibus, quorum maximum nomen in civitatibus est suis, et publice populis gratum erit. Vult sibi quisque credi, et habita fides ipsam plerumque obligat fidem. Ministerium restituendorum domos obsidum mihi met deponso ipse, ut opera quoque inpena consilium adjuvem, meum, et rei suapte natura gratae, quantam insuper gratiam possim, adjiciam.* Homini, non ad cetera Punica ingenia callido, ut persuasit, nocte clam progressus ad hostium stationes, conventis quibusdam auxiliariis Hispanis, et ab iis ad Scipionem perductus, quid adferret, expromit. Fide adcepta dataque, ac loco et tempore constituto ad obsides tradendos, Saguntum redit; diem insequentem absumsit cum Hostiare mandatis ad rem agenda adicipiendis. Dimissus, quum se nocte iturum, ut custodias hostium falleret, constituisset, ad compositam cum iis horam excitalis custodibus puerorum profectus, velut ignarus in praeparatas sua fraude insidias ducit.

cit. In castra Romana perducti. Cetera omnia de reddendis obsidibus, sicut cum Bostare constitutum erat, acta per eundem ordinem, quo si Carthaginienſium nomine sic ageretur. Major aliquanto Romanorum gratia fuit in re pari, quam quanta futura Carthaginienſium fuerat. Illos enim, graves superbosque in rebus secundis expertos, fortuna et timor mitigasse videri poterat. Romanus primo adventu, incognitus ante, ab re clementi liberalique initium fecerat: et Abelux, vir prudens, haud frustra videbatur socios mutasse. Itaque ingenti consensu defectionem omnes spectare: armaque extemplo mota forent, ni hiema, quae Romanos quoque et Carthaginienſes concedere in tecta coegit, intervenisset.

XXIII. Haec in Hispania quoque secunda aestate Punici belli gesta, quum in Italia paulum intervalli cladibus Romanis solers cunctatio Fabii fecisset. Quae ut Hannibalem non mediocri sollicitum cura habebat, tandem eum militiae magistrum delegisse Romanos cernentem, qui bellum ratione, non fortuna, gereret; ita contempta erat inter cives, armatos pariter togatosque; utique postquam, absente eo, temeritate magistri equitum, luto verius dixerim, quam prospero eventu, pugnatum fuerat. Adoellerant duae res ad augendam invidiam dictatoris: una fraude ac dolo Hannibalis, quod, quum a perfugis ei monstratus ager dictatoris esset, omnibus circa solo aequatis, ab uno eo ferrum ignemque et vim omnem hostium abstineri iussit, ut obculi alicujus pacti ea merces videri posset: altera ipsius facto, primo forsitan dubio, quia non expectata in eo senatus auctoritas est; ad extremum haud ambigue in maximam laudem verso, in permutandis captivis; quod, sicut pri-

primo Punico bello factum erat, convenerat inter duces Romanum Poenumque, ut, quae pars plus reciperet, quam daret, argenti pondus bina et selibras in militem praestaret. Ducentos quadraginta septem quum plures Romanus, quam Poenus, recepisset, argentumque pro eis debitum, saepe jactata in senatu re, quoniam non consulisset Patres, tardius erogaretur: inviolatum ab hoste agrum, missa Romam Quinto filio, vendidit, fidemque publicam impendio privato exsolvit. Hannibal pro Geronii meritis, cuius urbis, captas atque incensae ab se, in usum horreorum pauca reliquerat tecta, in stativis erat. Inde frumentatum duas exercitus partes mittebat: cum tertia ipse expedita in statione erat, simul castris praesidio, et circumspectans, necunda inpetus in frumentatores fieret.

XXIV. Romanus tunc exercitus in agro Larinati erat. Praeerat Minucius magister equitum, profecto, sicut ante dictum est, ad Urbem dictatore. Ceterum castra, quae in monte alto ac tuto loco posita fuerant, iam in planum deferuntur: agitabanturque pro ingenio ducis consilia calidiora, ut inpetus aut in frumentatores palatos, aut in castra, relicta cum levi praesidio, fieret. Nec Hannibalem fefellit, cum duce mutatam esse belli rationem, et ferocius, quam consultius, rem hostes gesturos. Ipse autem, (quod minime quis crederet) quum hostis propius esset, tertiam partem militum frumentatum, duabus in castris retentis, dimisit: dein castra ipsa propius hostem movit, duo ferme a Geronio millia, in tumulum hosti conspectum; ut intentum sciret esse ad frumentatores, si qua vis fieret, tutandos. Propior inde ei atque ipsis inminens Romanorum castris tumulus adparuit:

T. Liv. P. II.

H.

ad

et quem capiendum salute palam irruit, quia
 haud dubie hostis brevioris via praeveniturus
 erat; nocte clam missi Numidae ceperunt.
 Quos tenentes locum, contempta paucitate,
 Romani postero die quum eiecissent, ipsi co-
 transferant castra. Tum itaque, ut exiguum
 spatii vallam a vallo aberat, et id ipsum to-
 tum prope compleverat Romana acies, simul
 et per averfa castra a castris Hannibalis equi-
 tatus, cum levi armatura emissus in frumen-
 tarios, late caedem fugamque hostium pala-
 torum fecit. Nec acie certare Hannibal au-
 fus; quia tanta paucitate vix castra, si obpu-
 gnarentur, tutari poterat. Jamque artibus
 Publii, (pars exercitus aberat) jam sermo fe-
 dendo et cunctando bellum gerebat, recepe-
 ratque suos in priora castra, quae pro Gerontii
 moenibus erant. Iuxta quoque acie et conla-
 tis signis dimicatum, quidam auctores sunt.
 Primo concursu Poenum usque ad castra fu-
 sum, inde eruptione facta repente versum ter-
 rorem in Romanos. Num. Decimii Samnitis
 deinde interventu proelium restitutum. Hunc,
 principem genere ac divitiis non Boviani mo-
 do, unde erat, sed toto Samnio, jussu dicta-
 toris octo millia peditum et equites quingen-
 tos ducentem in castra, ab tergo quum adpa-
 ruisset Hannibali, speciem parti utrique prae-
 buisse novi praedii, cum Q. Fabio a Roma
 venientis: Hannibalem insidiarum quoque ali-
 quid timentem recepisse suos: Romanum in-
 sequutum, adjuvante Samnite, duo castella eo
 die expugnasse: sex millia hostium caesa. quin-
 que admodum Romanorum tamen in tam pari
 prope clade famam egregiae victoriae cum
 vanioribus literis magistri equitum Romani
 perlata.

XXV. De his rebus pensaepe et in senatu et in concione actum est. Quum, laeta civitate, dictator unns nihil nec famae, nec literis crederet; ut vera omnia essent, secunda se magis, quam adversa, timere diceret: tum M. Metilius tribunus plebis, id enim ferendum esse negat. Non praesentem solum dictatorem obstitisse rei bene gerendae, sed absentem etiam gestae obflare: et in ducendo bello sedulo tempus terere, quo diutius in magistratu sit, solusque et Romae et in exercitu imperium habeat. Quippe consilium alterum in acie cecidisse; alterum, specie classis Punicae persequendae, procul ab Italia ablegatum. Duos praetores Sicilia atque Sardinia occupatos, quorum neutra hoc tempore provincia praetore egeat. M. Minucium magistrum equitum, ne hostem videret, ne quid rei bellicae gereret, prope in custodiam habitum. Itaque, Hercule, non Samnium modo, quo jam, tamquam trans Iberum agro, Poenis concessum sit, et Campanum Calenumque et Falernum agros pervastatos esse, sedente Casilini dictatore, et legionibus populi Romani agrum suum tutante. Exercitum cupientem pugnare, et magistrum equitum, clausos prope intra vallum retentos; tamquam hostibus captivis arma ademta. Tandem, ut abscesserit inde dictator, ut obsidione liberatos, extra vallum egressos fudisse ac fugasse hostes. Quas ob res, si antiquus animus plebi Romanae esset, audaciter se laturum fuisse de abrogando Q. Fabii imperio: nunc modicam rogationem promulgaturum de aequando magistri equitum et dictatoris jure: nec tamen ne ita quidem prius mittendum ad exercitum Q. Fabium, quam consulem in locum C. Flamini subfecisset. Dictator concionibus se abstinuit, in actione minime popularis. Ne in senatu quidem satis aequis auribus

H. 2

audie-

audiebatur, tunc quum hostem verbis extolleret, bienniique clades per temeritatem atque inscientiam ducum adceptas referret: *magistroque equitum, quod contra dictum suum pugnasset, rationem diceret reddendam esse. Si penes se summa imperii consiliique sit, propediam effecturum, ut sciant homines, bono imperatori haud magni fortunam momenti esse: mentem rationemque dominari. Se in tempora et sine ignominia servasse exercitum, quam multa milia hostium occidisse, majorem gloriam esse.* Hujus generis orationibus frustra habitis, et consule creato M. Atilio Regulo, ut praesens de jure imperii dimicaret, pridie quam rogationis ferendae dies adesset, nocte ad exercitum abiit. Luce orta, quum plebis concilium esset, magis tacita invidia dictatoris favorque magistri equitum animos versabat, quam satis audebant homines ad suadendum, quod vulgo placebat, prodire: et, favore superante, auctoritas tamen rogationi deerat. Unus inventus est suavor legis C. Terentius Varro, qui priore anno praetor fuerat, loco non humili solum, sed etiam sordido, ortus. Patrem lanium fuisse ferunt, ipsum institorem mercis, filioque hoc ipso in servilia ejus artis ministeria usum.

XXVI. Is juvenis, ubi ex eo genere quaestus pecunia a patre relicta animos ad spem liberalioris fortunae fecit, togaque et forum placuere, proclamando pro sordidis hominibus causisque adversus rem et famam bonorum, primum in notitiam populi, deinde ad honores pervenit. Quaestura quoque et duabus aedilitatibus, plebeja et curuli, postremo et praetura perfunctus, jam ad consulatus spem quum adtolleret animos, haud parum callide auram favoris popularis ex dictatoria invidia petiit,

petiit, scitque plebis unus gratiam tulit. Omnes eam rogationem, quique Romae quique in exercitu erant, aequi atque iniqui, praeter ipsum dictatorem, in contumeliam ejus latam adceperunt. Ipse, quae gravitas animi criminantes se ad multitudinem inimicos tulerat, eadem et populi in se saevientis injuriam tulit: adceptisque in ipso itinere literis senatus consulti de aequato imperio, satis fideus, haudquaquam cum imperii jure artem imperandi aequatam, cumque invicto ac civibus hostibusque animo ad exercitum rediit.

XXVII. Minucius verò, quum jam ante vix tolerabilis fuisset secundis rebus ac favore vulgi, tum utique inmodice inmodesteque, non Hannibale magis victo ab se, quam Q. Fabio, gloriari: *Illum in rebus asperis unicum ducem ac parem quaesitum Hannibali, majorem minori, dictatorem magistro equitum, quod nulla memoria habeat annalium, jussu populi aequatum in eadem civitate, in qua magistri equitum virgas ac secures dictatoris tremere atque horrere soliti sint. In tantum suam felicitatem virtutemque enituisse. Ergo sequenturum se fortunam suam, si dictator in oratione ac segnitie, Deorum hominumque judicio damnata, perstaret.* Itaque, quo die primum congressus est cum Q. Fabio, statuendum omnium primum, ait, esse, quemadmodum imperio aequato utantur. Se optimum ducere, aut diebus alteris, aut, si majora intervalta placerent, partitis temporibus, alterius summum jus imperiumque esse; ut par hosti non solum consilio, sed viribus etiam esset, si quam occasionem rei gerendae habuisset. Q. Fabio haudquaquam id placere: omnia enim fortunam habituram, quaecumque temeritas conlegae habuisset. Sibi communicatum cum illo, non ademptum, imperium esse.

Itaque se numquam volentem parte, qua posset, rerum consilio gerendarum cessurum: nec se tempore aut dies imperii cum eo, exercitus divisurum, suisque consiliis, quoniam omnia non liceret, quae posset, servaturum. Ita obtinuit, uti legiones, sicut consulibus mos esset, inter se dividerent. Prima et quarta Minucio, secunda et tertia Fabio evenerunt. Item equites pari numero, sociumque et Latini nominis auxilia diviserunt: castris se quoque separari magister equitum voluit.

XXVIII. Duplex inde Hannibali gaudium fuit: (neque enim quidquam eorum, quae apud hostes agerentur, eum fallebat, et per fugis multa indicantibus, et per suos explorantem) nam et liberam Minucii temeritatem sua suo modo captaturum, et solertiae Fabii dimidium virium decessisse. Tumulus erat inter castra Minucii Poenorumque. Eum qui occupasset, haud dubie iniquiorem erat hosti locum facturum. Eum non tam capere sine certamine volebat Hannibal, (quamquam id operae pretium erat) quam causam certaminis cum Minucio, quem semper obcursum ad obstandum satis sciebat, contrahere. Ager omnis medius erat prima specie inutilis insidiatori, quia non modo silvestre quidquam, sed ne vepribus quidem vestitum habebat: re ipsa natus tegendis insidiis, eo magis quod in nuda valle nulla talis fraus timeri poterat. Et erant in amfractibus cavae rupes, ut quaedam earum ducentes armatos possent capere. In has latebras, quot quemque locum apte insidere poterant, quinque millia conduntur peditem equitumque. Necubi tamen aut motus alicujus temere egressi, aut fulgor armorum fraudem in valle tam aperta detegeret; missis paucis prima luce ad capiendum, quem ante dixi-

diximus, tumulum, avertit oculos hostium. Primo statim conspectu contenta patuit: ac sibi quiesque deposcere pellendos inde hostes. Ad locum capiendum dux ipse inter sibilissimos ferocissimosque ad arma vocat; et vanis animis et minis increpat hostem. Principio levem armaturam dimittit, deinde conferto agmine mittit equites: postremo, quum hostibus quoque subsidia mitti videret, instructis legionibus procedit. Et Hannibal, laborantibus suis alia atque alia crescente certamine, mittens auxilia peditum equitumque, jam justam expleverat aciem, ac totis utrimque viribus certabatur. Prima levis armatura Romanorum, praeeoccupatum inferiore loco subcedens tumulum, pulsa detrusaque terrorem in subcedentem intulit equitem, et ad signa legionum refugit. Peditum acies inter percussos inpavida sola erat, videbaturque, si justa aut si recta pugna esset, haudquaquam impar futura. Tantum animorum fecerat prospere ante paucos dies res gesta. Sed exorti repente insidiatores eum tumultum terroremque, in latera utrimque ab tergoque incurstantes, fecerant, ut neque animus ad pugnam, neque ad fugam spes cuiquam inperisset.

XXIX. Tunc Fabius, primo clamore paventium audito, dein conspecta procul turbata acie, *Ita est*, inquit, *non celerius, quam timui, apprehendit fortuna temeritatem. Fabio aequatus imperio Hannibalem et virtute et fortuna superiorem videt. Sed aliud iurgandi subconsendique tempus erit. Nunc signa extra vallum proferte. Victoriam hosti extorqueamus, confessionem erroris civibus.* Jam magna ex parte caesis aliis, aliis circumspectantibus fugam, Fabiana se acies repente, velut coelo demissa, ad auxilium ostendit. Itaque, prius quam ad

conjectum teli veniret, aut manum confere-
ret, et suos a fuga effusa, et ab nimis feroci
pugna hostes continuit. Qui solutis ordinibus
vage dissipati erant, undique confugerunt ad
integram aciem; qui plures simul terga dede-
rant, conversi in hostem volventesque orbem,
nunc sensim referre pedem, nunc conglobati
restare. Ac jam prope una acies facta erat
victi atque integri exercitus, inferebantque
signa in hostem; quum Poenus receptui cecin-
nit, palam ferente Hannibale, ab se Minu-
cium, se a Fabio victum. Ita per variam for-
tunam diei maiore parte exacta, quum in ca-
stra reditum esset; Minucius, convocatis mili-
tibus, *Saepe ego, inquit, audiui, milites, eum
primum esse virum, qui ipse consuat, quid, in
rem sit; secundum eum, qui bene momenti obe-
diat: qui nec ipse consulere, nec alteri parere
sciat, eum extremi ingenii esse. Nobis quoniam
prima animi ingeniique negata sors est, secun-
dam ac mediam teneamus et, dum imperare
discimus, parere prudenti in animum inducamus.
Castra cum Fabio jungamus: ad praetorium
ejus signa quum tulerimus, ubi ego eum paren-
tem adpellavero, quod beneficio ejus erga nos
ac maiestate ejus dignum est; vos, milites, eos,
quorum vos modo arma dexteraeque texerunt,
patronos salutabitis, et, si nihil aliud, grato-
rum certe nobis animorum gloriam dies haec
dederit.*

XXX. Signo dato, conclamatur inde, ut
conligantur vasa. Profecti et agmine, ince-
dentes ad dictatoris castra in admirationem et
ipsum, et omnes, qui circa erant, converte-
runt. Ut constituta sunt ante tribunal signa,
progressus ante alios magister equitum, quum
patrem Fabium adpellasset, circumfususque
militum ejus totum agmen patronos consalu-
tal-

isset, Parentibus, inquit, meis, dictator, (quibus te modo nomine, quo fando possum, aequavi.) vitam tantum debeo: tibi quum meam salutem, tum omnium horum. Itaque plebeiscitum, quo oneratus magis, quam honoratus, sum, primus antiquo abrogoque: et, quod tibi nihilque, quod exercitibusque his tuis, servato ac conservatori, sit felix, sub imperium auspiciumque tuum redeo, et signa haec legionesque restituo. Tu, quaeso, placatus me magisterium equitum, hos ordines suos quemque tenere jubeas. Tum dextrae interjunctae, militesque, concione dimissa, a notis ignotisque benigne atque hospitaliter invitati: laetusque dies ex admodum tristi paullo ante ac prope execrabili factus. Romae, ut est perlata fama rei gestae, dein literis non magis ipsorum imperatorum, quam vulgo militum ex utroque exercitu adfirmata, pro se quisque Maximum laudibus ad coelum ferre. Par gloria apud Hannibalem hostesque Poenos erat: ac tum demum sentire, cum Romanis atque in Italia bellum esse. Nam biennio ante adeo et duces Romanos et milites spreverant, ut vix cum eadem gente bellum esse crederent, cujus terribilem eam famam a patribus adceperant. Hannibalem quoque ex acie redeuntem dixisse ferunt, tandem eam nubem, quae sedere in jugis montium solita sit, cum procella imbrem dedisse.

XXXI. Dum haec geruntur in Italia, Cn. Servilius Geminus consul cum classe centum viginti navium, circumvectus Sardiniae et Corsicae oram, et obsidibus utrimque adceptis, in Africam transmisit; et priusquam in continentem excensiones faceret, Meninge insula vastata, et ab incolentibus Cercinam, ne et ipsorum areretur diripereturque ager, decem talen-

talentis argenti adceptis, ad litora Africae accessit, copiasque exposuit. Inde ad populandum agrum ducti milites, navalesque socii juxta effusi, ac si insulis cultorum egentibus praedarentur. Itaque in insidias temere inlati, quam a frequentibus palantes, ab locorum guaris ignari circumvenirentur, cum multa caede ac foeda fuga retro ad naves compulsi sunt. Ad mille hominum, cum his Sempronio Blaeso quaestore, amissum: classis, a moribus hostium plenis trepide soluta, in Siciliam cursum tenuit, traditaque Lilybaei T. Otacilio praetori, ut ab legato ejus P. Sura Romam reduceretur. Ipse, per Siciliam pedibus profectus, freto in Italiam trajecit, literis Q. Fabii aditus. et ipse, et collega ejus M. Atilius, ut exercitus ab se, exacta jam prope semestri imperio, adceperent. Omnium prope annales Fabium dictatorem adversus Hannibalem rem gessisse tradunt. Coelius etiam eum primum a populo creatum dictatorem scribit. Sed et Coelium et ceteros fugit, uni confusi Cn. Servilio, qui tum procul in Gallia provincia aberat, jus fuisse dicendi dictatoris: quam moram quia expectare territa jam claudere civitas non poterat, eo decursum esse, ut a populo crearetur, qui pro dictatore esset: res inde gestas gloriamque insignem duois et augentes titulum imaginis posteros, ut, qui pro dictatore, dictator diceretur, facile obtinuisse.

XXXII. Consules, Atilius Fabiano, Geminus Servilius Minuciano exercitu adcepto, hibernaculis mature communitis, (extremum auctumni erat) Fabii artibus cum summa inter se concordia bellum gesserunt. Frumentatum exeunti Hannibali diversis locis obportuni aderant, carpentes agmen, palatosque excipientes.

tes. In casum universae dimicationis, quam omnibus artibus petebat hostis, non veniebant. Adeoque inopia est coactus Hannibal, ut, nisi tum fugae speciem abeundo timuisset, Galliam repetiturus fuerit, nulla relicta spe alendi exercitus in eis locis, si insequentes consules eisdem artibus bellum gererent. Quum ad Geronium jam hyeme impediante constitisset bellum, Neapolitani legati Romam venerunt. Ab iis quadraginta paterae aureae magni ponderis in curiam inlatae, atque ita verba facta, ut dicerent: *Scire sese, Romani populi aerarium bello exhauriri: et, quum juxta pro urbibus agrisque sociorum, ac pro capite atque arce Italiae, urbe Romana atque imperio geratur, aequum censuisse Neapolitanos, quod auri sibi quum ad templorum ornatum, tum ad subsidium fortunae a maioribus relictum foret, eo juvare populum Romanum. Si quam opem in sese crederent, eodem studio fuisse oblaturos. Gratum sibi Patres Romanos populumque facturum, si omnes res Neapolitanorum suas duxissent; dignosque judicaverint, ab quibus donum, animo ac voluntate eorum, qui libentes darent, quam re, majus ampliusque, acciperent. Legatis gratiae actae pro munificentia curaque. Paterae, quae ponderis minimi fuit, adceptae.*

XXXIII. Per eosdem dies speculator Carthaginienſis, qui per biennium fefellerat, Romae deprehensus, praecisisque manibus dimissus: et servi quinque et viginti in crucem acti, quod in campo Martio conjurassent. Indici data libertas et aeris gravis viginti millia. Legati et ad Philippum Macedonum regem missi ad deposcendum Demetrium Pharium, qui, bello victus, ad eum fugisset; et alii in Ligures ad exostulandum, quod Poenum opibus auxiliisque suis juvissent; simul ad visendum

ex

ex propinquo, quae in Bojis atque Insubribus gererentur. Ad Pineum quoque regem in Illyrios legati missi ad stipendium, cuius dies exierat, poscendum; aut, si diem proferre vellet, obsides adcipiendos. Adeo, etsi bellum ingens in cervicibus erat, nullius usquam terrarum rei cura Romanos, ne longinquā quidem, effugiebat. In religionem etiam venit, aedem Concordiae, quam per seditionem militarem biennio ante L. Manlius praetor in Gallia vovisset, locatam ad id tempus non esse. Itaque duumviri ad eam rem creati a M. Aemilio praetore Urbis, Cn. Pupius et K. Quinctius Flamininus, aedem in arce faciendam locaverunt. Ab eodem praetore ex senatus consulto literae ad consules missae, ut, si iis videretur, alter eorum ad consules creandos Romam veniret: se in eam diem, quam iussissent, comitia edicturum. Ad haec a consulibus rescriptum, *Sine detrimento rei publicae abscedi non posse ab hoste. Itaque per interregem comitia habenda esse potius, quam consulum alter a bello advocaretur.* Patribus rectius visum est, dictatorem a consule dici comitiarum habendorum causa. Dictus L. Veturius Philo, M. Pomponium Mathonem magistrum equitum dixit. His vitio creatis, iussisque die quarto decimo se magistratu abdicare, ad interregnum res rediit.

XXXIV. Consulibus prorogatum in annum imperium. Interreges proditi a Patribus C. Claudius, Ap. filius, Centho, inde P. Cornelius Asina. In ejus interregno comitia habita magno certamine Patrum ac plebis. C. Terentio Varroni, quem, sui generis hominem, plebei insectatione principum popularibusque artibus conciliatum, ab Q. Fabii opibus et dictatorio imperio concussis aliena invidia

dia splendentem, vulgus et extrahere ad consulatum nitebatur, Patres summa ope obstabant, ne se insectando sibi aequari adfuererent homines. Q. Baebius Herennius tribunus plebis, cognatus C. Terentii, criminando non senatum modo, sed etiam augures, quod dictatorem prohibuissent comitia perficere, per invidiam eorum favorem candidato suo conciliabat. *Ab hominibus nobilibus, per multos annos bellum quaerentibus, Hannibalem in Italiam adductum: ab iisdem, quum debellari posset, fraude id bellum trahi. Cum quatuor militum legionibus universis pugnari posse adparuisse eo, quod M. Minucius, absente Fabio, prospere pugnasset; duas legiones hosti ad caedem obiectas, deinde ex ipsa caede ereptas, ut pater patronusque adpellaretur, qui prius vincere prohibuisset Romanus, quam vinci. Consules deinde Fabianis artibus, quum debellare possent, bellum traxisse. Id foedus inter omnes nobiles ictum: nec finem ante belli habituros, quam consulem vere plebejum, id est, hominem novum, facissent.* • Nam plebejos nobiles jam eisdem initiatos esse sacris, et contemnere plebem, ex quo contemni desierint a Patribus, coepisse. Cui non id adparere, id actum et quaesitum esse, ut interregnum iniretur, ut in Patrum potestate comitia essent? Id consules ambos ad exercitum morando quaesisse: id postea, quia invitis iis dictator esset dictus comitiarum causa, expugnatum esse, ut vitiosus dictator, per augures fieret. Habere igitur interregnum eos. Consulatam, unum certe, plebis Romanae esse: populum liberum habiturum ac datum ei, qui magis vere vincere, quam diu imperare, malit.

XXXV. Quum his orationibus adensa plebs esset, tribus patriciis petentibus, P. Cornelio Merenda, L. Manlio Vulsone, M. Aemilio

millio Lepido, duobus nobilibus jam, familiarum plebei, C. Atilio Serrano et Q. Aelio Paeto, quorum alter pontifex, alter augur erat, C. Terentius consul unus creatur, ut in manu ejus essent comitia rogando conlegae. Tum experta nobilitas, parum fuisse virium in competitoribus, L. Aemilium Paullum, qui cum M. Livio consul fuerat, et damnatione conlegae et sua prope ambustus evaserat, infestum plebei, diu ac multum recusantem, ad petitionem compellit. Is proximo comitali die, concedentibus omnibus, qui cum Varro- ne certaverant, par magis in adversandum, quam conlega, datur consuli. Inde praetoria comitia habita. Creati M. Pomponius Matho et P. Furius Philus. Romae juri dicundo urbana fors Pomponio, inter cives Romanos et peregrinos P. Furio Phlo evenit. Additi duo praetores, M. Claudius Marcellus in Siciliam, L. Postumius Albinus in Galliam. Omnes absentes creati sunt; nec cuiquam eorum, praeter Terentium consulem, mandatus hon- oris, quem jam non antea gessisset, praeteritis aliquot fortibus ac strenuis viris; quia in tali tempore nulli novus magistratus videbatur mandandus.

XXXVI. Exercitus quoque multiplicati sunt. Quantae autem peditum equitumque additae sint copiae, adeo et numero et genere copiarum variant auctores, ut vix quidquam satis certum adfirmare auserim. Decem millia novorum militum alii scripta in subplemen- tum; alii novas quatuor legiones, ut octo le- gionibus rem gererent: numero quoque pedi- tum equitumque legiones auctas, millibus pe- ditum et centenis equitibus, in singulas adje- ctis; ut quina millia peditum, trecenti equites essent; socii duplicem numerum equitum da- rent,

rent, pedites aequarent. Septem et octoginta millia armatorum et ducentos in castris Romanis, quum pugnatum ad Cannas est, quidam auctores sunt. Illud haudquaquam discrepat, majore conatu atque impetu rem actam, quam prioribus annis; quia spem, posse vinci hostem, dictator praeberat. Ceterum, priusquam signa ab Urbe novae legiones moverent, decemviri libros adire atque inspicere iussi propter territos vulgo homines novis prodigiis. Nam, et Romae in Aventino et Ariciae, nuntiatum erat, sub idem tempus lapidibus pluuisse: et multo cruere signa in Sabinis Cereris, aquas e fonte calidas manasse. Id quidem etiam, quod saepius acciderat, magia terrebat. Et in via Cornicata, quae ad Campum erat, aliquot homines de coelo tacti exanimatique fuerant. Ea prodigia ex libris procurata. Legati a Paesto pateras aureas Romam adtulerunt. His, sicut Neapolitanis, gratiae actae: aurum non adceptum.

XXXVII. Per eodem dies ab Hierone classis Ostiam cum magno commeatu adcessit. Legati Syracusani in senatum introducti nuntiarunt: Caedem C. Flamini consulis exercitusque adlatam adeo aegre tulisse regem Hieronem, ut nulla sua propria regnique sui clade moveri magis potnerit. Itaque, quamquam probe sciat, magnitudinem populi Romani admirabiliorem prope adversis rebus, quam secundis, esse; tamen se omniq, quibus a bonis fidelibusque sociis bella juvari soleant, misisse: quae ne accipere abnuant, magna opere se Patres conscriptos orare. Jam omnium primum ominis causa Victoriam auream pondo trecentum viginti adferre sese. Acciperent eam tenerentque, et haberent propriam et perpetuam. Advexisse etiam trecenta millia modium tritici, ducenta hordei,

ne

ne commeatus darentur: et, quantum praeter opus esset, quo jussissent, subvecturas. Milite atque equite scire, nisi Romano Latinique nominis, non uti populum Romanum; levium armorum auxilia etiam externa vidisse in castris Romanis. Itaque misisse mille sagittariorum ac funditorum, aptam manum adversus Baliares ac Mauros, pugnacesque alias missili telo gentes. Ad ea dona consilium quoque addebant, Et praefor, cui provincia Sicilia evenisset, classem in Africam trajiceret; ut et hostes in terra sua bellum haberent, minusque laxamenti daretur iis ad auxilia Hannibali submittenda. Ab senatu ita responsum regi est: Virum bonum egregiumque socium Hieronem esse, atque uno tenore, ex quo in amicitiam populi Romani venerit, fidem coluisse, ac rem Romanam, omni tempore ac loco munifice adjuvisse. Id, perinde ac deberet, gratum populo Romano esse. Aurum et a civitatibus quibusdam adlatum, gratia rei adcepta, non adcepisse populum Romanum. Victoriā omenque accipere; sedēque ei se Divae dare, dicare Capitolium, templum Jovis Optimi Maximi. In ea arce urbis Romanae sacratam, volentem propitiamque, firmam ac stabilem fore populo Romano. Funditores sagittarii que et frumentum traditum consulibus. Quinqueremes ad navium classem, quae cum T. Otacilio propraetore in Sicilia erant, quinque et viginti additae, permissamque est, ut, si ere publica cenferet esse, in Africam trajiceret.

XXXVIII. Delectu perfecto, consules paucos morati dies, dum socii ab nomine Latino venirent. Milites tunc, quod numquam antea factum erat, jure jurando ab tribunis militum adacti, jussu consulum conventuros, neque injussu abituros. Nam ad eam diem nihil

nihil praeter sacramentum fuerat; et, ubi ad decuriatum aut centuriatum convenissent, sua voluntate ipsi inter se equites decuriati, centuriati pedites conjurabant, sese fugae atque formidinis ergo non abituros, neque ex ordine recessuros, nisi teli sumendi, aut petendi, et aut hostis ferendi, aut civis servandi causa. Id ex voluntario inter ipsos foedere a tribunis ad legitimam juris jurandi adactionem translatum. Conciones, prius quam ab Vrbe signa moverentur, consulis Varronis multae ac feroces fuere, denuntiantes, bellum arcessitum in Italiam ab nobilibus, mansurumque in visceribus rei publicae, si plures Fabios imperatores haberet; se, quo die hostem vidisset, perfecturum. Conlegae ejus Paulli una, pridie quam ex Vrbe proficiscerentur, concio fuit verior, quam gratior populo, qua nihil inclementer in Varronem dictum, nisi id modo; *Mirari se, quomodo quis dux, prius quam aut suum, aut hostium exercitum, locorum situm, naturam regionis nosset, jam nunc togatus in Vrbe sciret, quae sibi agenda armato forent; et diem quoque praedicere posset, qua cum hoste signis conlatis esset dimicaturus.* Se, quae consilia magis res dent hominibus, quam homines rebus, ea ante tempus imatura non praecepturum. Optare, ut, quae caute atque consulte gesta essent, satis prospere evenirent. Temeritatem, praeterquam quod stulta sit, infelicem etiam ad id locorum fuisse. Id sua sponte adparebat, tuta eum celeribus consiliis praepositurum: et, quo id constantius perseveraret, Q. Fabius Maximus sic eum proficiscentem adloquutus fertur:

XXXIX. Si aut conlegam (id quod malem) tui similem, L. Aemili, haberes, aut tu conlegae tui similis esses, supervacanea esset oratio

tio mea. Nam et duo boni consules, etiam me
 indicente, omnia de re publica fide vestra facer-
 retis, et mali nec mea verba auribus vestris, nec
 consilia animis adesperetis. Nunc et conlegam
 tuum et te talem virum intuenti mihi tecum omnis
 oratio est; quem video nequidquam et virum bo-
 num et civem fore. Si altera parte claudiet
 res publica, malis consiliis idem ac bonis juris
 et potestatis erit. Erras enim, L. Paulte, si
 tibi minus certaminis cum C. Terentio, quam
 cum Hannibale, futurum censes. Nescio, an
 infestior hic adversarius, quam ille hostis, ma-
 neat. Cum illo in acie tantum, cum hoc omni-
 bus locis ac temporibus certaturus es: et adver-
 sus Hannibalem legionesque ejus tuis equitibus
 ac peditibus pugnandum tibi est: Varro dux
 tuis militibus te est obpugnaturus. Ominis etiam
 tibi causa absit C. Flamini memoria. Tamen
 ille consul demum, et in provincia, et ad exer-
 citum, coepit furere: hic, prius quam peteret
 consulatum, deinde in petendo consulatu; nunc
 quoque consul, prius quam castra videat aut
 hostem, insanit. Et, qui tantas jam nunc pro-
 cellas, proelia atque acies jactando, inter to-
 gatos ciet, quid inter armatam juventutem cen-
 ses facturum, et ubi extemplo verba res sequi-
 tur? Atqui si hic, quod facturum se denuntiat,
 extemplo pugnaverit; aut ego rem militarem,
 belli hoc genus, hostem hunc ignoro, aut nobi-
 lior alius Transmexio locus nostris cladibus erit.
 Nec gloriandi tempus adversus unum est; et ego,
 contemnendo potius, quam adpetendo, gloriam,
 modum excefferim. Sed ita res habet. Una
 ratio belli gerendi adversus Hannibalem est, qua
 ego gessi. Nec eventus modo hoc docet, (stul-
 torum iste magister est) sed eadem ratio, quae
 fuit, futuraque, donec res eadem manebunt,

minu-

*immutabilis est. In Italia bellum gerimus, in sede ac solo nostro. Omnia circa pleni civium ac sociorum sunt. Armis, viris, equis, com-
 meatibus juvant juvabuntque. Id jam fidei do-
 cumentum in adversis rebus nostris dederunt. Meliores, prudentiores, constantiores nos tem-
 pus diesque facit. Hannibal contra in aliena, in hostili est terra, inter omnia inimica infesta-
 que, procul ab domo, procul ab patria. Ne-
 que illi terra, neque mari est pax: nullae eum
 urbes adcipiunt, nulla moenia: nihil usquam sui
 videt: in diem rapto vivit. Partem vix ter-
 tiam exercitus ejus habet, quem Iberum amnem
 trajecit. Plures fames, quam ferrum, absum-
 sit: nec his paucis jam victus subpeditat. Du-
 bitas ergo, quin sedendo superaturi simus eum,
 qui senescat in dies? non commeatus, non sub-
 plementum, non pecuniam habeat? Quam diu
 pro Geronii, castelli Apuliae inopis, tamquam
 pro Carthaginiis moenibus? Sed ne adversus te
 quidem ego gloriabor. Cn. Servilius atque Atili-
 us, proximi consules, vide, quemadmodum
 eum ludificati sint. Haec una salutis est via,
 L. Paule, quam difficilem infestamque cives
 tibi magis, quam hostes, facient. Idem enim
 tui, quod hostium milites, volent; idem Varro,
 consul Romanus, quod Hannibal, Pœnus im-
 perator, cupiet. Duobus ducibus unus resistas,
 oportet: resistes autem, adversus famam rumo-
 resque hominum si satis firmus steteris: si te ne-
 que conlegae vana gloria, neque tua falsa in-
 famia moverit. Veritatem laborare nimis saepe,
 ajunt, extinguere numquam. Gloriam qui
 spreverit, veram habebit. Sine, timidum pro-
 cauto, tardum pro considerato, inbellum pro-
 perito belli vocent. Malo te sapiens hostis me-
 tuat, quam stulti cives laudent. Omnia auden-*

tem contemnet Hannibal; nil temere agentem metuet. Nec ego, ut nihil agatur, moneo; sed ut agentem te ratio ducat, non fortuna: tuae potestatis semper, tuaque omnia sint. Armatus intentusque sis, neque occasione tuae desis, neque suam occasionem hosti des. Omnia non properanti clara certaque erunt. Festinatio impròvida est et caeca.

XL. Adversus ea oratio consulis haud sane laeta fuit, magis fatentis, ea, quae diceret, vera, quam facilia factu, esse. Dictatori magistrum equitum intolerabilem fuisse: quid consuli adversus conlegam seditiosum ac temerarium virium atque auctoritatis fore? Se populare incendium priore consulatu seminum effugisse: optare, ut omnia prospere evenirent. At, si quid adversi caderet, hostium se telis potius, quam subfragiis iratorum civium, caput objecturum. Ab hoc sermone profectum Paulum tradunt, prosequentibus primoribus Patrum. Plebejum consulem sua plebes prosequuta, turba, quam dignitate, conspectior. Ut in castra venerunt, permixto novo exercitu ac vetere, castris bisariam factis, ut nova minora essent propius Hannibalem, in veteribus major pars et omne robur virium esset; tum consulum anni prioris M. Atilium, aetatem excusantem, Romam miserunt; Gerninum Servilium in minoribus castris legioni Romanae et socium peditum equitumque duobus millibus praeficiunt. Hannibal, quamquam parte dimidia auctas hostium copias cernebat, tamen adventu consulum mire gaudere. Non solum enim nihil ex raptis in diem com meatibus superabat, sed ne, unde raperet, quidem quidquam reliquum erat, omni undique frumento, postquam ager parum tutus erat, in urbes munitas conyecto, ut vix decem die-

rum

rum (quod compertum postea est) frumentum superellet, Hispanorumque ob inopiam transi-
tio parata fuerit, si maturitas temporum ex-
spectata foret.

XLI. Ceterum temeritati consulis ac praepropero ingenio materiam etiam fortuna dedit: quod in prohibendis praedatoribus tumultuario proelio, ac procurfu magis militum, quam ex praeparato aut iussu imperatorum, orto, haudquaquam par Poenis dimicatio fuit. Ad mille et septingenti caesi, non plus centum Romanorum lociporumque occisi. Ceterum victoribus effuse sequentibus metu insidiarum obstitit Paullus consul; cuius eo die (nam alternis imperitabant) imperium erat, Varrone indignante ac vociferante, emissum hostem e manibus; debellarique, ni cessatum foret, potuisse. Hannibal id damnum haud aegerrime pati: quin potius credere, velut inescitam temeritatem ferocioris consulis ac novorum maxime militum esse. Et omnia ei hostium, haud secus quam sua, nota erant: dissimiles discordesque imperitare, duas prope partes tironum militum in exercitu esse. Itaque, locum et tempus insidiis aptum se habere ratus, nocte proxima nihil praeter arma ferentes secum milites ducens, castra plena omnis fortunae publicae privataeque relinquit; transque proximos montes laeva pedites instructos condit, dextra equites, impedimenta per convallem, medium agmen, traducit, ut diripiendis velut desertis fuga dominorum castris occupatum ineditumque hostem obprimeret. Crebri relictis in castris ignes, ut fides fieret, dum ipse longius spatium fuga praeciperet; falsa imagine castrorum (sicut Fabium priore anno frustratus esset) tenere in locis consules voluisse.

XLII. Vbi inluxit; subductae primo stationes, deinde propius adeuntibus insolitum silentium admirationem fecit. Jam satis comperta solitudine; in castris concursus fit ad praetoria consulum, nuntiantium fugam hostium adeo trepidam, ut, tabernaculis stantibus, castra reliquerint: quoque fuga obscurior esset, crebros etiam relictos ignes. Clamor inde ortus, ut signa proferri juberent, ducerentque ad persequendos hostes, ac protinus castra diripienda. Et consul alter velut unus turbae militaris erat. Paullus etiam atque etiam dicere, providendum praecavendumque esse. Postremo, quum aliter neque seditionem neque ducem seditionis sustinere posset, Marium Statilium praefectum cum turma Lucana exploratum mittit. Qui, ubi adaequavit portis, subsistere extra munimenta ceteris jussis, ipse cum duobus equitibus vallum intravit: speculatusque omnia cum cura renuntiavit, infidias profecto esse: ignes in parte castrorum, quae vergat in hostem, relictos: tabernacula aperta, et omnia cara in promptu relictas: argentum quibusdam locis temere peritias, velut objectum ad praedam, vidisse. Quae ad deterrendos a cupiditate animos nuntiata erant, ea accenderunt; et, clamore orto a militibus, *ni signum detur, sine ducibus ituros*, haudquaquam dux defuit. Nam extemplo Varro signum dedit proficiscendi. Paulus, quum ei sua sponte cunctanti pulli quoque auspicio non addixissent, obnuntiari jam efferenti porta signa conlegae jussit. Quod quamquam Varro aegre est passus, Flamini tamen recens casus, Claudiique consulis primo Punico bello memorata navalis clades, religionem animo incussit. Dii prope ipsi eo die magis distulere, quam prohibuere, imminentem

tem pestem Romanis. Nam forte ita evenit, ut, quum referri signa in castra iubenti consuli milites non parerent, fervi duo, Formiani unus, alter Sidicini equitis, qui, Servilio atque Atilio consulibus, inter pabulatores excepti a Numidis fuerant, profugerent eo die ad dominos: qui deducti ad consules nuntiant, omnem exercitum Hannibalis trans proximos montes sedere in insidijs. Horum opportunus adventus consules imperii potentes fecit, quum ambitio alterius suam primum apud eos prava indulgentia maiestatem solvisset.

XLIII. Hannibal, postquam motos magis inconsulte Romanos, quam ad ultimum temere evectos, vidit; nequidquam, detecta fraude, in castra rediit. Ibi plures dies propter inopiam frumenti manere nequibat; novaeque consilia in dies non apud milites solum, mixtos ex confluxione omnium gentium, sed etiam apud ipsum ducem, oriebantur. Nam quum initio fremitus, deinde aperta vociferatio fuisset exposcentium stipendium debitum, querentiumque annonam primo, postremo famem; et mercenarios milites, maxime Hispani generis, de transitione cepisse consilium fama esset: ipse etiam interdum Hannibal de fuga in Galliam dicitur agitalle, ita ut, relicto peditatu omni, cum equitibus se proriperet. Quum haec consilia atque hic habitus animorum esset in castris, movere inde statuit, in calidiora atque eo maturiora messibus Apuliae loca; simul ut, quo longius ab hoste recessisset, transfugia in peditiora levibus ingenijs essent. Profectus est nocte, ignibus similiter facis, tabernaculisque paucis in speciem relictis, ut insidiarum par priori metus contineret Romanos. Sed, per eundem Lucanum Statilium, omnibus ultra castra transque montes

exploratis, quum relatum esset, visum procul hostium agmen; tum de insequendo eo consilia agitari coepta. Quum utriusque consulis eadem, quae semper ante, fuisset sententia, ceterum Varroni fere omnes, Paulo nemo, praeter Servilium prioris auni consulem, adsentiretur; maioris partis sententia ad nobilitandas clade Romana Cannas, arguente fato, profecti sunt. Prope eum vicum Hannibal castra posuerat averla a Vulturno vento, qui campis torridis siccitate nubes pulveris vehit. Id quum ipsis castris percommodum fuit, tum salutare praecipue futurum erat, quum aciem dirigerent, ipsi aversi, terga tantum adflante vento, in obcaecatum pulvere effuso hostem pugnaturi.

XLIV. Consules, satis exploratis itineribus, sequentes Poenum, ut ventum ad Cannas est, ubi in conspectu Poenum habebant, bina castra communiant, eodem ferme intervallo, quo ad Geronium, sicut ante, copiis divisis. Ausidus amnis, utrisque castris adfluens, aditum aquatoribus ex sua, cujusque obportunitate haud sine certamine dabat. Ex minoribus tamen castris, quae posita trans Ausidum erant, liberius aquabantur Romani, quia ripa ulterior nullum habebat hostium praesidium. Hannibal spem nactus, locis natis ad equestrem pugnam, qua parte virium invictus erat, facturum copiam pugnandi consules, dirigit aciem, lateffitque Numidarum procurratione hostes. Inde rursus sollicitari seditione militari ac discordia consulum Romana castra: quum Paullus Sempronique et Flamini temeritatem Varreni, Varro speciosum timidis ac segnibus ducibus exemplum Fabium obficeret; testareturque Deos hominesque hic, *nullam penes se culpam esse, quod Hannibal jam*

velut

velut usu pepisset Italiam; se constrictum a conlega teneri; ferrum atque arma iratis et pugnare cupientibus adimi militibus; ille, si quid projectis ac proditis ad inconsultam atque improvidam pugnam legionibus addideret, se omnis culpae exsortem, omnis eventus participem fore diceret. Videret, ut, quibus lingua tam prompta ac temeraria, aequae in pugna vigerent manus.

XLV. Dum altercationibus magis, quam consiliis, tempus teritur; Hannibal ex acie, quam ad multum diei tenuerat instructam, quum in castra ceteras reciperet copias, Numidas ad invadendos ex minoribus castris Romanorum aquatores trans flumen mittit. Quam inconditam turbam quum vixdum in ripam egressi clamore ac tumultu fugassent, in stationem quoque pro vallo locatam atque ipsas prope portas evecti sunt. Id vero indignum visum, ab tumultuario auxilio jam etiam castra Romana terri: ut ea modo una causa, ne extemplo transirent flumen dirigerentque aciem, tenuerit Romanos, quod summa imperii eo die penes Paulum fuerit. Itaque Varro postero die, cui fors ejus diei imperii erat, nihil consulto conlega, signum pugnae proposuit, instructasque copias flumen traduxit, sequente Paulo; quia magis non probare, quam non adjuvare, consilium poterat. Transgressi flumen eas quoque, quas in castris minoribus habuerant, copias suis adiungunt: atque ita instructa acie, in dextro cornu (id erat flumini propius) Romanos equites locant, deinde pedites: laevum cornu extremi equites sociorum, intra pedites, ad medium juncti legionibus Romanis tenuerunt: jaculatores cum ceteris levium armorum auxiliis prima acies facta. Consules cornua tenuerunt; Terentius laevum,

Aemilius dextrum. Geminio Servilio media pugna tuenda data.

XLVI. Hannibal luce prima, Balaribus levique alia armatura praemissa, transgressus flumen, ut quosque traduxerat, ita in acie locabat. Gallos Hispanosque equites prope ripam laevo in cornu advenius Romanum equitatum: dextrum cornu Numidis equitibus datum, media acie peditibus firmata; ita ut Afrorum utraque cornua essent, interponerentur his medii Galli atque Hispani. Afros Romanam magna ex parte crederes aciem: ita armati erant, armis et ad Trebiam, ceterum magna ex parte ad Trasimenum captis. Gallis Hispanisque scuta ejusdem formae fere erant: dispares ac dissimiles gladii: Gallia praelongi ac sine mucronibus: Hispano, punctum magis, quam caesim, adueto petere hostem, brevitate habiles et cum mucronibus. Sane et alius habitus gentium harum tum magnitudine corporum, tum specie terribilis erat. Galli super umbilicum erant nudi: Hispani linteia praetextis purpura tunicis, candore miró fulgentibus, consisterant. Numerus omnium peditum, qui tum steterunt in acie, millium fuit quadraginta, decem equitum. Duces cornibus praeterant: sinistro Hasdrubal, dextro Maharbal: in mediam aciem Hannibal ipse cum fratre Magone tenuit. Sol, seu de industria ita locatus, seu quod forte ita starent, parobportune utrique parti obliquus erat, Romanis in meridiem, Poenis in septentrionem versis. Ventus, (Vulturum incolae regionis vocant) adversus Romanis coartus, multo pulvere in ipsa ora volvendo prospectum ademit.

XLVII. Clamore sublato, procursum ab auxiliis, et pugna levibus, primum armis commissa;

missa: deinde equitum Gallorum Hispanorumque laevum cornu cum dextro Romano concurrît, minime equestris more pugnae. Frontibus enim adversis concurrendum erat, quia, nullo circa ad evagandum relicto spatio, hinc amnis, hinc peditum acies claudebant in directum utrimque nitentes. Stantibus ac confertis postremo turba equis, vir virum amplexus detrahebat equo. Pedestre magna jam ex parte certamen factum erat: acrius tamen, quam diutius, pugnatum est; pulsiue Romani equites terga vertunt. Sub equestris finem certaminis coorta est peditum pugna. Primo et viribus et animis pares constabant ordines Gallis Hispanisque: tandem Romani, diutius saepe connisi, aequa fronte acieque densa impulere hostium cuneum nimis tenuem, eoque parum validum, a cetera prominentem acie. Impulsis deinde ac trepide referentibus pedem insistere: ac tenore uno per praeceps pavore fugientium agmen in mediam primum aciem inlati, postremo, nullo resistente, ad subsidia Afrorum pervenerunt; qui utrimque reductis alis constiterant, media, qua Galli Hispanique steterant, aliquantum prominente acie: qui cuneus ut pulsus aequavit frontem primum, deinde nitendo etiam sinum in medio dedit, Afri circa jam cornua fecerant; incautibusque incaute in medium Romanis, circumdedere alas: mox, cornua extendendo, clausere et ab tergo hostes. Hinc Romani, defuncti nequidquam proelio uno, omissis Gallis Hispanisque, quorum terga ceciderant, et adversus Afros integram pugnam ineunt, non tantum eo iniquam, quod inclusi adversus circumfusus, sed etiam quod fessi cum recentibus ac vegetis pugnabant.

XLVIII.

XLVIII. Jam et sinistro cornu Romanis, ubi sociorum equites adversus Numidas steterant, confertum proelium erat, segne primò, et a Punica coeptum fraude. Quingenti ferme Numidae, praeter solita arma telaque, gladios obcultos sub loricis habentes, specie transfugarum quum ab suis, parmas post terga habentes, adequitassent, repente ex equis desiliunt; parmisque et jaculis ante pedes hostium projectis, in mediam aciem adcepti, aluctique ad ultimos, confidere ab tergo jubentur; ac, dum proelium ab omni parte confertur, quieti manserunt. Postquam omnium animos oculosque occupaverat certamen, tum, adreptis scutis, quae passim inter acervos caesorum corporum strata erant, averfam adoriuntur Romanam aciem; tergaque ferientes ac poplites-caedentes stragem ingentem, ac majorem aliquanto, pavorem ac tumultum, fecerunt. Quum alibi terror ac fuga, alibi pertinax in mala jam spe proelium esset; Hasdrubal, qui ea parte praecerat, subductos ex media acie Numidas, quia segnis eorum cum adversis pugna erat, ad persequendos passim fugientes mittit: Hispanos et Gallos pedites, jam Afris prope fessis, caede magis quam pugna, adjungit.

XLIX. Parte altera pugnae Paullus, quamquam primo statim proelio funda graviter ictus fuerat, tamen et obcurrit saepe cum confertis Hannibali, et aliquot locis proelium restituit, protegentibus eum equitibus Romanis; omnis postremo equis, quia consulem et ad regendum equum vires deficiebant. Tum denuntianti cuidam, jussisse consulem ad pedes descendere equites, dixisse Hannibalem ferunt: *Quam mallet, victos mihi traderet!* Equitum pedestre proelium, quale jam haud dubia

bia hostium victoria, fuit; quum victi, morti in vestigio mallent, quam fugere; victores, morantibus victoriam irati, trucidarent, quos pellere non poterant. Pepulerunt tamen jam paucos superantes, et labore ac vulneribus fessos. Inde dissipati omnes sunt, equosque ad fugam, qui poterant, repetebant. Cn. Lentulus tribunus militum, quum, praetervehens equo, sedentem in saxo cruore oblectum consulem vidisset: *L. Aemili*, inquit, *quem unum in fontem culpae cladis hodiernae Dii respicere debent, cape hunc equum. Dum et tibi virium aliquid superest, comes ego te tollere possum ac protegere. Ne funestam hanc pugnam morte consulis feceris. Etiam sine hoc lacrumarum satis luctusque est. Ad ea consul: Tu quidem, Cn. Corneli, macte virtute esto; sed cave, frustra miserando exiguum tempus e manibus hostium evadendi absumas. Abi, nuntia publice Patribus, urbem Romanam muniant ac prius, quam hostis victor adveniat, praesidiis firment; privatimque Q. Fabio, L. Aemilium praeceptorum ejus memorem et vixisse, et adhuc mori. Me in hac strage militum meorum patere expirare, ne aut reus iterum e consulatu sim, aut adcusator conlegae exsistam, ut alieno crimine innocentiam meam protegam. Haec exigentes prius turba fugientium civium, deinde hostes, obpressere: consulem, ignorantes quis esset, obruere telis: Lentulum inter tumultum abripuit equus. Tum inde effuse fugiunt. Septem millia hominum in minora castra, decem in majora, duo ferme in vicum ipsum Cannas perfugerunt: qui extemplo a Carthagine atque equitibus, nullo munimento tegente vicum, circumventi sunt. Consul alter, seu forte, seu consilio, nulli fugientium insertus agmini, cum septuaginta fere equitibus Venu-*

liam

sam perfugit. Quadraginta quinque millia peditum, duo millia septingenti equites, et tanta prope civium sociorumque pars, caesi dicuntur; in his ambo consulum quaestores L. Atilius et L. Furius Bibaculus; unus et viginti tribuni militum; consulares quidam praetoriarumque et aedilicii: inter eos C. Servilius Geminus et M. Minucius numerant, qui magister equitum priore anno, aliquot ante consul fuerat: octoginta praeterea aut senatores, aut qui eos magistratus gessissent, unde in senatum legi deberent, quum sua voluntate milites in legionibus facti essent. Capta eo proelio tria millia peditum et equites trecenti dicuntur.

L. Haec est pugna Cannensis, Alliensis cladi nobilitate par: ceterum ut illis, quae post pugnam accidere, levior, quia ab hoste cessatum est; sic strage exercitus gravior foediorque. Fuga namque ad Alliam sicut Urbem prodidit, ita exercitum servavit: ad Cannas fugientem consulem vix septuaginta sequuti sunt: alterius morientis prope totus exercitus fuit. Binis in castris quum multitudo semiermis sine ducibus esset, nuntium, qui in majoribus erant, mittunt; *dum proelio, deinde ex laetitia epulis fatigatos quies nocturna hostes premeret, ut ad se transirent: uno agmine Canusium abituros esse.* Eam sententiam alii totam adspernari: *Cur enim illos, qui se arcessant, ipsos non venire, quum aequae coniungi possent? quia videlicet plena hostium omnia in medio essent; et aliorum, quam sua, corpora tanto periculo mallent obicere.* Aliis non tam sententia displicere, quam animus deesse. P. Sempronius Tuditanus tribunus militum, *Capite ergo mavultis, inquit, ab avarissimo et crudelissimo hoste, aestimarique capita vestra, et exqui-*

exquiri pretia ab interrogantibus, Romanis civis sis, an Latinus socius, ut ex tua contumelia et miseria alteri honos quaeratur? Nbn tu; si quidem L. Aemilii consulis, qui se bene mori, quam turpiter vivere, maluit, et tot fortissimorum virorum, qui circa eum cumulati jacent, cives estis. Sed ante, quam obprimit lux, majoraque hostium agmina obsepiunt iter, per hos, qui inordinati atque incompoti obsirepunt portis, erumpamus. Ferro atque audacia via fit, quamvis per confertos hostes. Cuneo quidem hoc laxum atque solutum agmen, ut si nihil obfiet, transibimus. Itaque ite mecum, qui et vobnet ipsos et rem publicam salvam vultis. Haec ubi dicta dedit, stringit gladium, cuneoque facto per medios vadit hostes et quum in latus dextrum, quod patebat, Numidae jacularentur, translatis in dextrum scutis, in majora castra ad sexcentos evaserunt; atque inde protenus, alio magno agmine adjuncto, Canulium incolumes perveniunt. Haec apud victos magis inpetu animorum, quem ingenium suum cuique aut fors dabat, quam ex consilio ipsorum, aut imperio cujusquam, agebantur.

LII. Hannibali victori quum ceteri circumfusi gratularentur, suaderentque, ut, tanto perfunctus bello, diei quod reliquum esset noctisque insequentis quietem et ipse sibi sumeret, et fessis daret militibus; Maharbal, praefectus equitum, minime cessandum ratus, Immo, ut, quid hac pugna sit actum, scias, die quinto, inquit, victor in Capitolio epulaberis. Sequere! cum equite, ut prius venisse, quam venturum, sciant, praecedam. Hannibali nimis laeta res est visa, majorque, quam ut eam statim capere animo posset. Itaque, voluntatem se laudare Maharbalis, ait: ad consilium pensandum temporis opus esse. Tum Ma-

Maharbal, *Npn omnia nimirum eidem Dii dedere. Vintere scis, Hannibal; victoria uti ne scis.* Mora ejus diei satis creditur saluti fuisse Urbi atque imperio. Postero die ubi primum inluxit, ad spolia legenda foedamque etiam hostibus spectandam stragem insunt. Jacebant tot Romanorum millia, pedites passim equitesque, ut quem cuique fors aut pugna junxerat aut fuga. Adsurgentes quidam ex strage media cruenti, quos stricta matutino frigore excitaverant vulnera, ab hoste obpressi sunt. Quosdam et jacentes vivos subocis feminibus poplitibusque invenerunt, nudantes cervicem jugulumque, et reliquum sanguinem jubentes haurire. Inventi sunt quidam meris in effossam terram capitibus, quos sibi ipsos fecisse foveas, obruentesque ora superjecta humo interclusisse spiritum adparebat. Præcipue convertit omnes substratus Numida mortuo superincubanti Romano vivus, naso auribusque laceratis; quum, manibus ad capiendum telum inutilibus, in rabiem ira versus, laniando dentibus hostem exspirasset.

LII. Spoliis ad multum diei lectis, Hannibal ad minora ducit castra obpugnanda, et omnium primum, brachio objecto, flumine eos excludit. Ceterum ab omnibus, labore, vigiliis, vulneribus etiam fessis, maturior ipsius spe deditio est facta. Pacti, ut arma atque equos traderent, in capita Romanæ trecentis nummis quadrigatis, in socios ducentis, in servos centenis, et ut, eo pretio persoluto, cum singulis abirent vestimentis, in castra hostes adceperunt; traditique in custodiam omnes sunt, seorsum cives focique. Dum ibi tempus teritur, interea quum ex majoribus castris, quibus satis virium aut animi fuit, ad quatuor millia hominum et ducenti equites, alii agmine,

ne, alii palati passim per agros, quod haud minus tutum erat, Canusium perfugissent, castra ipsa ab faucibus timidisque eadem condicione, qua altera, tradita hosti. Praeda ingens parta est: et, praeter equos virosque, et liquidum argenti, (quod plurimum in phaleris equorum erat; nam ad vescendum facto perexiguo, utique militantes, utebantur) omnis cetera praeda diripienda data est. Tum sepeliendi causa conferri in unum corpora suorum iussit. Ad octo millia fuisse dicuntur fortissimum virorum. Consulem quoque Romanum conquestum sepultumque, quidam auctores sunt. Eos, qui Canusium perfugerant, mulier Apula, nomine Buba, genere clara ac divitiis, mœnibus tantum tectisque a Canusinis adceptos, frumento, veste, viatico etiam iuvit: pro qua ei munificentia postea, bello perfecto, ab senatu honores habiti sunt.

LIII. Ceterum, quum ibi tribuni militum quatuor essent, Fabius Maximus de legione prima, cuius pater priore anno dictator fuerat, et de legione secunda L. Publicius Bibulus et P. Cornelius Scipio, et de legione tertia Ap. Claudius Pulcher, qui proxime aedilis fuerat; omnium consensu ad P. Scipionem, admodum adolescentem, et ad Ap. Claudium summa imperii delata est. Quibus consultantibus inter paucos de summa rerum nuntiat P. Furius Philus, consularis viri filius, *Nam quidquam eos perditam spem fovere: desperatam comploratamque rem esse publicam. Nobiles juvenes quosdam, quorum principem L. Caecilium Metellum, mare ac naves spectare, ut, deserta Italia, ad regem aliquem transfugiant. Quod malum, praeterquam atrox, super tot clades etiam novum, quum stupore ac miraculo torpidos defixisset, et, qui aderant, con-*

Tit. Liv. P. II.

K

filium

filium advocandum de eo censerent; negat consilii rem esse Scipio juvenis, fatalis dux huiusce belli. *Audendum atque agendum, non consultandum*, ait, *in tanto malo esse. Irent secum extemplo armati, qui rem publicam salvam vellent. Nullo verius, quam ubi ea cogitentur, hostium castra esse.* Pergit ire, sequentibus paucis, in hospitium Metelli; et, quum concilium ibi juvenum, de quibus adlatum erat, invenisset, strieto super capita consultantium gladio, *Ex mei animi sententia*, inquit, *ut ego rem publicam populi Romani non deferam, neque alium civem Romanum deferere patiar. Si sciens fallo, tu me, Jupiter optime maxime, domum, familiam, remque meam pessimo leto adficias! In haec verba, L. Caecili, jures, posulo, ceterique, qui adestis: qui non juraverit, in se hunc gladium strictum esse sciat.* Hand secus pavidi, quam si victorem Hannibalem cernerent, jurant omnes: custodientesque semet ipsos Scipioni tradunt.

LIV. Eo tempore, quo haec Canusii agebantur, Venusiam ad consulem ad quatuor millia peditum equitumque, qui sparsi fuga per agros fuerant, pervenere. Eos omnes Venusini per familias benigne adcipiendos curandosque quum divisissent, in singulos equites togas et tunicas et quadrigatos nummos quinos vicenos, et peditibus denos, et arma, quibus decrant, dederunt. Ceteraque publice ac privatiim hospitaliter facta: certatumque, ne a muliere Canulina populus Venusinus officis vinceretur. Sed gravius onus Busae multitudo faciebat, et jam ad decem millia hominum erant. Appiusque et Scipio, postquam incolumem esse alterum consulem adceperunt, nuntium extemplo mittunt, quantae secum peditum equitumque copiae essent; *Teiscitatum-*

tumque simul, utrum Venusiam adduci exercitum, an manere juberet Canusii? Varro ipse Canusium copias traduxit. Et jam aliqua species consularis exercitus erat; moenibusque se certe, si non armis, ab hoste viderentur defensuri. Romam, ne has quidem reliquias superesse civium sociorumque, sed obsidione obsisos cum duobus exercitibus consules, deletasque omnes copias, adlatum fuerat. Numquam, salva urbe, tantum pavoris tumultusque intra moenia Romana fuit. Itaque subcumbam oneri, neque adgrediar narrare, quae edisertando minora vero fecero. Consule exercituque ad Trasimenum priore anno amisso, non vulnus super vulnus, sed multiplex clades, cum duobus consulibus duo consulares exercitus amissi nuntiabantur: nec ulla jam castra Romana, nec ducem, nec militem esse: Hannibalis Apuliam, Samnium ac jam prope totam Italiam factam. Nulla profecto alia gens tanta mole cladis non obruta esset. Compares cladem ad Aegates insulas Carthaginensium, proelio navali adceptam, qua fracti Sicilia ac Sardinia cessere, hinc vectigales ac stipendiarios fieri se passi sunt; aut pugnam adversam in Africa, cui postea hic ipse Hannibal subcubuit: nulla ex parte comparandae sunt; nisi quod minore animo latae sunt.

LV. P. Furius Philus et M'. Pomponius praetores senatum in curiam Hostiliam vocaverunt, ut de Urbis custodia consulerent. Neque enim dubitabant, deletis exercitibus, hostem ad obpugnandam Romam, quod unum opus belli restaret, venturum. Quum in malis, sicut ingentibus, ita ignotis, ne consilium quidem satis expedirent, obstreperetque clamor lamentantium mulierum, et, nondum palam facto, vivi mortuique per omnes paene domos

domos promiscue complorarentur; tum Q. Fabius Maximus censuit, equites expeditos et Appia et Latina via mittendos, qui obvias percunctando (aliquos profecto ex fuga passim dissipatos fore) referant, quae fortuna consulum atque exercituum sit; et, si quid Dii immortales, miserit imperii, reliquum Romano nomini fecerint, ubi eae copiae sint: quo se Hannibal post proelium contulerit: quid paret, quid agat, acturusque sit. Haec exploranda noscendaque per impigros juvenes esse. Illud per Patres ipsos agendum, quoniam magistratum parum sit, ut tumultum ac trepidationem in Vrbe tollant, matronas publico arceant, continerique intra suum quamque limen cogant: comploratus familiarum coerceant: silentium per Urbem faciant: nuntios rerum omnium ad praetores deducendos curent: suae quisque fortunae domi auctorem expectent, custodesque praeterea ad portas ponant, qui prohibeant, quemquam egredi Urbem; cogantque homines nullam, nisi Vrbe ac moenibus salvis, salutem sperare. Vbi contigerit tumultus, recte tum in curiam Patres revocandos, consulendumque de Urbis custodia esse.

LVI. Quum in hanc sententiam pedibus omnesissent, submotaque foro per magistratus turba, Patres diversi ad sedandos tumultus discessissent; tum demum literae a Terentio consule adlatæ sunt: L. Aemilium consulem exercitumque caesum; sese Canusii esse, reliquias tantæ cladis velut ex naufragio conligentem. Ad decem millia militum ferme esse incompositorum inordinatorumque. Poenum sedere ad Cannas, in captivorum prætiis prædaque alia, nec victoris animo, nec magni ducis more, mundinantem. Tum privatae quoque per

per domos clades vulgatae sunt: adeoque totam Urbem obplevit luctus, ut sacrum anniverfarium Cereris intermissum fit; quia nec lagentibus id facere est fas, nec ulla in illa tempestate matrona expers luctus fuerat. Itaque, ne ob eandem causam alia quoque sacra publica aut privata defererentur, senatus consulto diebus triginta luctus est finitus. Ceterum quum, sedato Urbis tumultu, revocati in curiam Patres essent, aliae insuper ex Sicilia literae adlatæ sunt ab T. Otacilio pro praetore, *Regnum Hieronis classe Punica vastari: cui quum opem imploranti ferre vellet, nuntiatum sibi esse, aliam classem ad Aegates insulas stare, paratam instructamque; ut, ubi se versum ad tuendam Syracusanam oram Poeni sensissent, Lilybacum extemplo provinciamque aliam Romanam adgrederentur. Itaque classe opus esse, si regem socium Siciliamque tueri vellent.*

LVII. Literis consulis propraetorisque lectis, censuerunt M. Claudium, qui classi ad Ostiam stanti praeeset, Canusium ad exercitum mittendum, scribendumque consuli, ut quum praetori exercitum tradidisset, primo quoque tempore, quantum per commodum rei publicae fieri posset, Romam veniret. Terribi etiam super tantas clades, quum ceteris prodigiis, tum quod duae Vestales eo anno, Opimia atque Floronia, stupri compertae, et altera sub terra, ut mos est, ad portam Collinam necata fuerat, altera sibi met ipsa mortem consciverat. L. Cantilius, scriba pontificis, quos nunc minores pontifices adpellant, qui cum Floronia suprum fecerat, a pontifice maximo eo usque virgis in comitio caesus erat, ut inter verbera exspiraret. Hoc nefas quum inter tot, ut fit, clades in prodigium versum esset, decemviri libros adire iussi sunt. Et Q.

Fabius Pictor Delphos ad oraculum missus et sciscitatum, quibus precibus subpliciisque Deos possent placare, et quaenam futura finis tantis cladibus foret. Interim ex fatalibus libris sacrificia aliquot extraordinaria facta; inter quae Gallus et Galla, Graecus et Graeca, in foro boario sub terra vivi demissi sunt in locum saxo conseptum, jam ante hostiis humanis, minime Romano sacro, inbutum. Placatis satis, ut rebantur, Deis, M. Claudius Marcellus ab Ostia mille et quingentos milites, quos in classem scriptos habebat, Romam, ut urbi praesidio essent, mittit; ipse, legione classis (ea tertia legio erat) cum tribunis militum Teanum Sidicinum praemissa, classe tradita P. Furio Philo conlegae, paucos post dies Canusium magnis itineribus contendit. Dictator ex auctoritate Patrum dictus M. Junius, et Ti. Sempronius magister equitum, delectu edicto, juniores ab annis septemdecim et quosdam praetextatos scribunt. Quatuor ex his legiones et mille equites effecti. Item ad socios Latinumque nomen, ad milites ex formula adcipiendos, mittunt. Arma, tela, alia parari jubent: et vetera hostium spolia detrahunt templis porticibusque. Et aliam formam novi delectus inopia liberorum capitum ac necessitas dedit: octo milia juvenum validorum ex servitiis, prius sciscitantes singulos, vellentne militare, emta publice armaverunt. Hic miles magis placuit, quum pretio minore redimendi captivos copia fieret.

LVIII. Namque Hannibal, secundum tam prosperam ad Cannas pugnam, victoris magis, quam bellum gerentis, intentus curis, quum captivis productis segregatisque, socios, sicut ante ad Trebiam Trasimenumque lacum, benigne adloquutus, sine pretio dimisisset; Romanos

manos quoque vocatos (quod nuncquam alias antea) satis miti sermone adloquitur: *Non inter necem sibi esse cum Romanis bellum: de dignitate atque imperio certare. Et patres vir- tuti Romanae cessisse: et se id adniti, ut suas in vicem simul felicitati et virtuti cedatur. Ita- que redimendi se captivis copiam facere. Pre- tium fore in capita, equiti quingenos quadrig- tos nummos, trecenos pediti, servo centenos. Quamquam aliquantum adjiciebatur equitibus ad id pretium, quod pepigerant dedentes se; laeti tamen quaecumque conditionem paci- scendi adceperunt. Placuit subfragio ipsorum decem deligi, qui Romam ad senatum irent. Nec pignus aliud fidei, quam ut jurarent se redituros, adceptum. Missus cum his Car- thalo nobilis Carthaginiensis, qui, si forte ad pacem inclinarent animos, condiciones ferret. Quum egressi castris essent, unus ex iis, mi- nime Romani ingenii homo, velut aliquid oblitus, juris jurandi solvendi causa quum in castra redisset, ante noctem comites adsequi- tur. Vbi eos Romam venire nuntiatum est, Carthalo obviam lictor missus, qui dictator- is verbis nuntianet, ut ante noctem excede- ret finibus Romanis.*

LIX. Legatis captivorum senatus ab di- ctatore datus est. Quorum princeps, M. Ju- nius, *Patres conscripti*, inquit, *nemo nostrum ignorat, nulli umquam civitati viliorae fuisse captivos, quam nostrae. Ceterum, nisi nobis plus justo nostra placet causa, non alii umquam minus neglegendi vobis, quam nos, in hostium potestatem venerunt. Non enim in acie per ti- morem arma tradidimus; sed, quum prope ad noctem superstantes cumulis caesorum corporum proelium extraxissemus, in castra recepimus nos. Disi reliquum ac noctem insequentem, fessi la-*

bore ac vulneribus, vallum sumus tutati. Pa-
 stora die, quum circumfessi ab exercitu victore
 aqua arceremur, nec ulla jam per confertos ho-
 stes erumpendi spes esset, nec esse nefas ducero-
 mus, quinquaginta millibus hominum ex acie
 nostra trucidatis, aliquem ex Cannensi pugna
 Romanum militem restare; tum demum pacti
 sumus pretium, quo redempti dimitteremur: ar-
 ma, in quibus nihil jam auxilii erat, hosti tra-
 didimus. Majores quoque adceperamus se a
 Gallis auro redemisse: et patres vestros, asper-
 vimus illos ad conditionem pacis, legatos tamen
 captivorum redimendorum gratia Tarentum mi-
 sisse. Atque et ad Alliam cum Gallis, et ad
 Heracleam cum Pyrrho, utraque non tam clade
 infamis, quam pavore ac fuga, pugna fuit.
 Cannenses campos acervi Romanorum corporum
 tegunt: nec superfluum pugnae, nisi in quibus
 trucidandis et ferrum et vires hostem defece-
 runt. Sunt etiam de nostris quidam, qui nō in
 acie quidem refugerunt, sed, praesidio castris
 relictis, quum castra traderentur, in potestatem
 hostium venerunt. Haud equidem ullius civis et
 commilitonis fortunae aut conditioni invideo,
 nec promendo alium me extulisse velim: ne illi
 quidem, (nisi pernicietatis pedum et cursus ali-
 quod praemium est) qui plerique inermes ex acie
 fugientes non prius, quam Venusiae aut Canu-
 sii, constiterunt, se nobis merito praetulerint,
 gloriatique sint, in se plus, quam in nobis, prae-
 sidii rei publicae esse. Sed illis et bonis ac for-
 tibus militibus utemini; et nobis etiam prom-
 tioribus pro patria, quod beneficio vestro re-
 demti atque in patriam restituti fuerimus. De-
 lectum ex omni aetate et fortuna habetis: octo
 millia servorum audio armari. Non minor nu-
 merus noster est, nec majore pretio redimi possu-
 mus,

mus, quam hi emuntur. Nam si conferam nos cum illis, injuriam nomini Romano faciam. Illud etiam in tali consilio animadvertendum vobis censeam, Patres conscripti, (si tamen duriores esse velitis, quod nullo nostro merito faciatis) cui nos hosti relicturi sitis; Pyrrho videlicet, qui nos hospitum numero habuit captivos, an barbaro ac Poeno; qui utrum avarior, an crudelior, sit, vix existimari potest. Si videatis catenas, squalorem, deformitatem civium vestrorum, non minus profecto vos ea species moveat, quam si ex altera parte cernatis stratas Cannensibus campis legiones vestras. Intueri potestis sollicitudinem et lacrimas in vestibulo curiae stantium cognatorum nostrorum, expectantiumque responsum vestrum. Quum ii pro nobis proque iis, qui absunt, ita suspensi ac solliciti sunt; quem censetis animum ipsorum esse, quorum in discrimine vita libertasque est? Si, me Deus fidius, ipse in nos mitis Hannibal contra naturam suam esse velit, nihil tamen nobis vita opus esse censeamus, quum indigni, ut a vobis redimeremur, visi sumus. Rediere Romam quandam remissi a Pyrrho sine pretio capti: sed rediere cum legatis, primoribus civitatis, ad redimendos sese missis. Redeam ego in patriam, trecentis nummis non aestimatus civis? Suum quisque habet animum, Patres conscripti. Scio in discrimine esse vitam corpusque meum. Magis me famae periculum movet, ne a vobis dam-nati ac repulsi abeamus. Neque enim vos pretio pepercisse homines credent.

LX, Vbi is finem fecit, extemplo ab ea turba, quae in comitio erat, clamor flebilis est sublatus, manusque ad curiam tendebant orantes, ut sibi liberos, fratres, cognatos redderent. Feminas quoque metus ac necessitas in

foro turbæ huic virorum inmiscuerat. Senatus, submotis arbitris, consuli coeptus. Ibi quum sententiis variaretur, et alii redimendos de publico, alii nullam publice inpenſam faciendam, nec prohibendos ex privato redimi; si, quibus argentum in præſentia deesset, dandam ex aerario pecuniam mutuam, prædibusque ac prædiis cavendum populo, censerent; tum T. Manlius Torquatus, præcæ ac nimis duræ, ut plerisque videbatur, severitatis, interrogatus sententiam, ita loquutus fertur: Si tantummodo postulassent legati pro iis, qui in hostium potestate sunt, ut redimerentur, sine ullius infestatione eorum, brevi sententiam peregiſſem. Quid enim aliud quam admonendi eſſetis, ut morem traditum a patribus, necessario ad rem militarem exemplo, servaretis? Nunc autem quum prope gloriati sunt, quod se hostibus dediderint; præferrique non captis modo in acie ab hostibus, sed etiam iis, qui Venusiam Canusiumque pervenerant, atque ipsi C. Terentio consuli, æquum censerint; nihil vos eorum, Patres conscripti, quæ illic acta sunt, ignorare patiar. Atque utinam hæc, quæ apud vos acturus sum, Canusi apud ipsum exercitum agerem, optimum testem ignaviae ejusque et virtutis: aut unus hic saltem adefset P. Sempronius, quem si isti ducem sequuti eſſent, milites hodie in castris Romanis, non captivi in hostium potestate eſſent! Sed quum, fessis pugnando hostibus, tum victoria lætis, et ipsis plerisque regressis in castra sua, noctem ad erumpendum liberam habuiſſent, et septem armatorum hominum millia perrumpere etiam confertos hostes potuiſſent; neque per se ipsi id facere conati sunt, neque alium sequi voluerunt. Nocte prope tota P. Sempronius Tuditanus non desit.

desistit monere, adhortari eos, dum paucitas hostium circa castra, dum quies ac silentium esset, dum nox inceptum tegeret, se ducem sequerentur: ante lucem pervenire in tuta loca, in sociorum urbes posse. Sicut avorum memoria P. Decius tribunus militum in Samnio; sicut, nobis adolescentibus, priore Punico bello Calpurnius Flamma trecentis voluntariis, quum ad tumulum eos capiendum, situm inter medios hostes, duceret, dixit: Moriamur, milites, et morte nostra eripiamus ex obsidione circumventus legiones. Si hoc P. Sempronius diceret; nec viros quidem, nec Romanos vos duceret, si nemo tantae virtutis exsistisset comes. Viam non ad gloriam magis, quam ad salutem, ferentem demonstrat; reduces in patriam, ad parentes, ad conjuges ac liberos facit. Ut servemini, deest vobis animus? quid, si moriendum pro patria esset, faceretis? Quinquaginta milia civium sociorumque circa vos eo ipso die caesa jacent. Si tibi exempla virtutis non movent, nihil unquam movebit; si tanta clades vilem vitam non fecit, nulla faciet. Liberi atque incolumes desiderate patriam: immo desiderate, dum patria est, dum cives ejus esis. Sero nunc desideratis, deminuti capite, ab alienati jure civium, servi Carthaginiensium facti. Pretio redituri esis eo, unde ignavia ac nequitia abisis? P. Sempronium, civem vestrum, non audistis, arma capere ac sequi se jubentem: Hannibalem post paullo audistis, castra prodi et arma tradi jubentem. Quam ego ignaviam istorum adcusas, quum scelus possim adcusare? Non enim modo sequi recusarunt bene monentem, sed obsistere ac retinere conati sunt, ni strictis gladiis viri fortissimi inertes submovissent. Prius, inquam, P. Sempronio per civium agmen, quam per hostium,

sium, fuit erumpendum. Hos cives patria de-
 sideret? Quorum si ceteri similes fuissent, ne-
 minem hodie ex iis, qui ad Cannas pugnave-
 runt, civem haberet. Ex millibus septem ar-
 matorum sexcenti exstiterunt, qui erumpere au-
 derent, qui in patriam liberi atque armati redi-
 rent: neque iis quadraginta millia hostium ob-
 sistere. Quam tutum iter duarum prope legio-
 num agmini futurum censetis fuisse? Haberetis
 hodie viginti millia armatorum Cannsi, for-
 tium, fidelium, Patres conscripti. Nunc autem
 quemadmodum hi boni fidelesque (nam fortes ne
 ipsi quidem dixerint) cives esse possunt? nisi
 quis credere potest fuisse, ut erumpentibus, quin
 erumperent, obsistere conati sunt: aut non invi-
 dere eos, quum incolumitati, tum gloriae illo-
 rum per virtutem partae, quum sibi timorem
 ignaviamque servitutis ignominiosae causam esse
 sciant. Maluerunt in tentoriis latentes simul lu-
 cem atque hostem expectare, quum silentio no-
 ctis erumpendi occasio esset. At enim ad erum-
 pendum e castris defuit animus; ad tutanda for-
 titur castra animum habuerunt. Dies noctesque
 aliquot obsessi, vallum armis, se ipsi tutati val-
 lo sunt: tandem ultima ausi passique, quum omnia
 subsidia vitae abessent, adfectisque fame viri-
 bus, arma jam sustinere nequirent, necessitati-
 bus magis humanis, quam armis, victi sunt.
 Orto sole hostis ad vallum adcessit: ante secun-
 dam horam, nullam fortunam certaminis exper-
 ti, tradiderunt arma ac se ipsos. Haec vobis
 ipsorum per biduum militia fuit. Quum in acie
 stare ac pugnare decuerat, tum in castra refu-
 gerunt: quum pro vallo pugnandum erat, castra
 tradiderunt, neque in acie neque in castris utiles.
 Vos redimam? Quum erumpere castris oportet,
 cunctamini ac manetis: quum manere, castra
 tuta-

tutari armis necesse est; et castra et arma et vos ipsos traditis hosti. Ego non magis istos redimendos, Patres conscripti, censeo, quam illos dedendos Hannibali, qui per medios hostes, e castris eruperunt, ac per summam virtutem se patriae restituerunt.

LXI. Postquam Maullus dixit, quamquam Patrum quoque plerosque captivi cognatione attingebant, praeter exemplum civitatis minime in captivos jam inde antiquitus indulgentis, pecuniae quoque summa homines movit: quia nec aerarium exhaurire, magna jam summa erogata in servos ad militiam emendos armandosque, nec Hannibalem maxime hujusce rei, ut fama erat, egentem locupletari volebant. Quum triste responsum, non redimi captivos, redditum esset, novusque super veterem luctus tot jactura civium adjectus esset, cum magnis fletibus questibusque legatos ad portam prosequenti sunt. Unus ex iis domum abiit, quod fallaci reditu in castra jure jurando se exsolvisset. Quod ubi innotuit, relatumque ad senatum est, omnes censuerunt, comprehendendum et custodibus publice datis deducendum ad Hannibalem esse. Est et alia de captivis fama, decem primos venisse. De eis quum dubitatum in senatu esset, admitterentur in Urbem, nec ne; ita admissos esse, ne tamen iis senatus daretur. Morantibus deinde longius omnium spe, alios tres insuper legatos venisse, L. Scribonium, et C. Calpurnium, et L. Manlium. Tum demum ab cognato Scribonii tribuno plebis de redimendis captivis relatum esse, nec censuisse redimendos senatum: et novos legatos tres ad Hannibalem revertisse, decem veteres remansisse; quod, per causam recognoscendi nomina captivorum ad Hannibalem ex itinere egressi, reli-

religione sese exsolvisſent. De iis dedendis magna contentione actum in ſenatu eſſe; victosque paucis ſententiis, qui dedendos cenſuerint. Ceterum proximis cenſoribus adeo omnibus notis ignominiiſque confectos eſſe, ut quidam eorum mortem ſibi ipſi extemplo conſciiverint: ceteri non foro ſolum omni deinde vita, ſed prope luce ac publico, caruerint. Mirari magis, adeo diſcrepare inter auctores, quam, quid veri ſit, diſcernere queas. Quanto autem major ea clades ſuperioribus cladi-
bus fuerit, vel ea res indicio eſt, quod, qui ſociorum ad eam diem firmi ſteterant, tum labare coeperunt, nulla profecto alia de re, quam quod desperaverant de imperio. Deſecere autem ad Poenos hi populi: Atellani, Calatiſi, Hirpini, Apulorum pars, Samnites praeter Pentros, Bruttii omnes, Lucani. Praeter hoſ Surrentini, et Graecorum omnis ferme ora, Tarentini, Metapontini, Crotonienſes, Locrique, et Cisalpini omnes Galli. Nec tamen hae clades defectioneſque ſociorum moverunt, ut pacis umquam mentio apud Romanos fieret; neque ante conſulis Romam adventum, nec poſtquam is rediit, renovavitque memoriam adceptae cladis. Quo in tempore ipſo adeo magno animo civitas fuit, ut conſuli, ex tanta clade, cujus ipſe cauſa maxime fuiſſet, redeunti, et obviam itum frequenter ab omnibus ordinibus ſit, et gratiae actae, quod de re publica non desperaſſet: cui, ſi Carthaginienſium ductor fuiſſet, nihil recuſandum ſubpublici foret.

T. LIVII PATAVINI

LIBER XXIII.

BREVIARIUM.

CAP. I. *Compssa in Hirpinis a Statio Trebio traditur Hannibali; qui inde petit Neapolim, sed obpugnare non audet: et Capuam flectit iter. 2. 3. Ibi senatum et sibi et plebi obnoxium fecerat Patruvius Calavius, data populo facultate meliores iustioresque eligendi senatores, qui non facile inveiri poterant. 4. Inde orta obsequium principum, licentia plebis, contemptus legum, magistratum imperique Romanorum: a quibus tamen deficere adhuc dubitant Campani propter comitibus vetusta et multitudinem nobilissimorum, qui apud illos militant. 5. Horum parentes cognatique aegre pervincunt, ut Venusiam mittantur legati ad Varronem cos., qui Romanorum sui que contemptum auget nimis detegendo cladem et Campanorum opem implo-
rando. 6. Vibio Virrio auctore Campani de-
sciscunt a Romanis. 7. Pacem cum Hannibale faciunt, et Romanos comprehendunt cives. De-
cius Magius mirifica constantia adversatur Poe-
nis. 8. 9. Perolla, Calavii filius, Hannibalem Capuae epulantem interficere statuit: sed patris precibus a proposito deterretur. 10. Magius, iussu Poeni comprehensus, in Punica perducitur castra et extemplo in navem impositus Carthagi-
nem*

nem mittitur. Tempestate autem defertur Cyrenas et ad statuam Ptolemaei confugit. Inde deportatur Alexandriam et a rege vinculis liberatur.

11. Dum haec geruntur, Q. Fabius Pictor legatus a Delphis Romam redit. Mago autem, Hamilcaris filius nuntiusque victoriae ad Canas, venit Carthaginem, ibique in senatu res a fratre in Italia gestas exponit. 12. Tum effundi in vestibulo curiae aeternum jubet annulorum aureorum, petitque, ut Hannibali pecunia, frumentum et milites mittantur. Hoc dissuadet Hanno, ab Himilcone increpatus. 13. Mago ejus orationem refutat, et, quae postulaverat, ingenti consensu senatus decernuntur.

14. Romani impigre bellum reparant, et M. Junius Pera dictator servos quoque et capitis reos armat. Hannibal iterum animos Neapolitanorum, partim spe, partim metu, nequidquam tentat, et in agrum Nolanum traducit exercitum. Nola plebs favet Poenis: at senatus simulatione extrahit defectionem in adventum Claudii Marcelli praetoris, qui legatis clam ac propere missis Casilino arcessitur. 15. Hannibal, Nola Neapolique omisis, petit Nuceriam eamque fame captam diripit et incendit. Marcellus Nola timet plebem et ante omnes L. Bantium, fortissimum nobilissimumque equitem, qui prodicionem patriae molitur: hujus tamen animum comitate ac domis prorsus mutat. 16. Nola castra movet Poenus, et, plebe de integro ad defectionem spectante, Marcellus, eruptione facta, hostes vincit fugatque. 17. Hannibal Acerras capit, et exercitum ducit Casilinum, quod D Praenestini et totidem fere Perusini tuentur. 18. Frustra oppidum summa vi obpugnare parat, et ipse, modico in castris praef-

praesidio relicto, in hiberna Capuam concedit; ubi voluptatibus immodicis corpora animique exercitus ejus enervantur. 19. Obsidio tamen continuata Casilinum adducit ad ultimum inopiae, quae a Romanis quidem paululum levatur, doliiis frumenti plenis nucibusque Vulturno amni ad urbem missis, sed tandem obsessos ad eam hostibus tradendam compellit, pacta ante redemptione liberorum capitum. 20. Eodem tempore Petelini, qui uni ex Brutiis manserant in amicitia Romana, a Carthaginiensibus Brutisque ceteris obpugnantur, et, legatis frustra Romam ad praesidium petendum missis, soli fortissime resistunt.

21. In Sicilia Sardiniaque T. Otacilius et A. Cornelius Mammula propraetores ab Hierone et sociis civitatibus adjuvantur. Romae creantur triumviri mansarii et tres pontifices. 22. Ibidem deliberatur de explendo senatu, ejusque legendi causa M. Fabius Buteo ex Scto dictator sine magistro equitum in sex menses dicitur. 23. Is CLXXVII cum ingenti approbatione hominum in Patres legit et extemplo se abdicat magistratu. 24. M. Junius Pera dictator, Romam aditus, comitia edicit, quibus L. Postumius III. absens et Ti. Sempronius Gracchus, magister equitum et aedilis curulis, consules creantur. Sed mox nuntiatur clades Postumii atque exercitus ejus, in Litana sylva a Gallis deletorum. 25. Senatus negotium dat aedilibus, ut Urbi moestitiae publicae speciem demittere jubeant, et, Gallia eo anno omissa; de hoste Poeno legionibusque, per quas id bellum sit gerendum, consultat. Reliquias exercitus Cannensis traduci in Siciliam placet, inde vero duas ad tri regiones et totidem urbanas conscribi.

26. In Hispania Scipiones, Cnaeus terra, Publius mari, prospere rem gerunt: et Carpesii, ab Hasdrubale infestati, duce Galbo hostes animose repellunt. 27. Univerſa quidem haec gens in deditionem venit; ſed ſubiude ab Carthagine adfertur, ut Hasdrubal in Italiam exercitum ducat: quae vulgata res per Hispaniam omnium ferme animos ad Romanos averſit. 28. Himilco Carthagine cum exercitu juſſo auctaque claſſe ad tuendam Hispaniam, mittitur, et Hasdrubal, pecuniis raptim exactis, ad Iberum descendit. Scipiones ei junctis copiis obviam eunt, et mox eodem die velut ex compoſito utrimque ſignum pugnae proponitur. 29. Vincunt Romani, et Hasdrubal cum paucis effugit. 30. Petilia in Bruttis, pertinaciter deſenſa, et Conſentia ab Himilcone, Croto a Bruttis, capiuntur: et Locrenſes ceterique ejus regionis populi, praeter Rheginos, deſciſcunt ad Poenos. Ad eosdem deſcit Gelo, Hieronis filius; qui tamen morte obſortuna abſumitur. Ludi dantur funebres, Romani plebeſique ter inſtaurantur. Praetores ſortiuntur provincias, et M. Marcellus pro conſule imperium adſcipit. 31. Duplex imperatur tributum: et ſenatus decernit, quo et a quibus deducendi ſint exercitus. Equites Campani CCC, ſtipendiis in Sicilia cum fide emeriti, Romam veniunt ſuntque cives Romani. In locum L. Poſtunii primum M. Claudius Marcellus conſul ſubſcitur, ſed, quia is vitio creatus videtur, mox Q. Fabius Maximus III. Prodigia expiantur. 32. Novi magiſtratus ipſique praetores, ad jus dicendum creati, in provincias proficiſcuntur. Carthaginienses autem cum claſſibus copiisque in Hispaniam mittunt Magonem, et Hasdrubalem Calvum in Sardiniam, quo Hampſicora aliique principes legatione clandestina eos vocaverant.

33. Philippus Macedonum rex ad Poenos mittit legatos, qui primum in Romana, deinde in Hannibalis castra perveniunt, foedusque cum eo et amicitiam jungunt. 34. Eisdem cum Gisgone, Boslare et Magone redeuntibus jamque tenentes, altum Romani persequuntur et comprehensos Romam ad senatum mittunt. Q. Mucius Scaevola praetor in Sardinia in longum incidit morbum, et hinc eo T. Manlius Torquatus cum imperio mittitur. Eodem tendit Hasdrubal: sed classis, cui praefectus, foeda tempestate vexata ad Baliares insulas dejicitur. 35. Campani, ut dolo Cumanos suae ditionis faciant, eorum senatum ad commune statumque sacrificium ad Hannam faciendum invitant, nec procul inde in obculto Marius, Alfius medixtuticus cum XIV millibus armatorum confidet. Cumani autem, quibus fraus suspecta est, rem nuntiant Ti. Sempronio Graccho cos., qui circa Liternum flativa habet. Is media nocte Campanos in castris obprimit multosque obtruncat. 36. Castris hostium potius Cumas se propere recipit, et mox ab Hannibale obpugnatur. 37. Poeni eruptione ex oppido facta fugantur, et ad Tifata redeunt infecta re. Iisdem diebus Hanno a Ti. Sempronio Longo ex finibus Lucanis in Bruttios repellitur, et tria Hirpinorum oppida vi recipiuntur a M. Valerio praetore. 38. Philippi Poenorumque legati ducuntur Romam, et classis L navium paratur, quae regem in Macedonia contineat. 39. Legatio alia a Philippo ad Hannibalem mittitur, quae prospere fert ac refert mandata. Fabius tres Campanorum urbes vi capit, et M. Marcellus proc. in praesidium redit Nolam, ubi plebs adhuc novarum rerum et Hannibalis tota est.

40. A T. Manlio in Sardinia primum Hostus, Hampsicorae filius, deinde pater ejus et.

L 2

Haf.

Hasdrubal, qui copias junxerant, vincuntur.
 41. *Hasdrubal, Hanno, auctor rebellionis, et Mago, propinqua cognatione Hannibali junctus, vivi capiuntur; Hiosius in acie cadit; Hampsicora mortem sibi ipse consciscit; Cornus, fugitivorum receptaculum, expugnatur, et aliae civitates sese dedunt. Sardinia sic perdomita Manlius cum navibus praeda onustus Romam redit. Per idem tempus T. Otacilius praetor depopulatur agrum Carthaginiensem, et ex classe Hasdrubalis, Africam repetente, septem capit naves. Bomilcar cum novis militibus Carthagine missis ad Hannonem in Bruttios pervenit. Marcellus autem ab Nola crebras excursions facit in agros Hirpinorum Samnitiumque.*
 42. *Itaque legati ad Hannibalem ex utraque gente mittuntur, praesidium petentes.* 43. *Ille Nolam proficiscitur; eodemque Hanno ex Bruttis venit, qui animos Nolanorum frustra tentat.* 44. *Marcellus erumpit, et imber dirimit pugnantes. Tertio die utrimque in aciem copiae educuntur,* 45. *ac summa vi et duces hortantur, et milites pugnant.* 46. *Poeni in castra compelluntur, et tertio post die MCCLXXII equites, mixti Numidae Hispanique, ad Romanos transfugiunt. Hanno recedit in Bruttios, et Hannibal Apuliae hiberna petit. Quod ut audit Q. Fabius, Capuam propius movet castra.*
 47. *Jubellius Taturea Campanus et Claudius Afellus Romanus, fortissimi equites, in singularem descendunt certamen.*

48. *Scipiones nuntiant, quantas res gesserint in Hispania, sed provinciam retinere posse, nisi pecunia aut certe vestimenta et frumentum mittantur. Senatus itaque populo indicat publicas necessitates, cohortaturque redemptores, ut sumtus necessarios vectario ad tempus com-*

commodent. 49. Privata pecunia res publica administratur, et Scipionibus aequabilis adspirat fortuna. Ex tribus Poenorum ducibus bis ingentem reportant victoriam, et Illiturgi Intibique obsidione liberant: quo facto omnes prope Hispanias populi ad Romanos deficiunt.

Hannibal, post Cannensem pugnam, castra capta ac direpta, confestim ex Apulia in Samnium moverat; aditus in Hirpinos a Statio, pollicente, se Compsam traditurum. Compsanus erat Trebius nobilis inter suos: sed premebat eum Mopthorum factio, familiae per gratiam Romanorum potentis. Post famam Cannensis pugnae, vulgatumque Trebii sermonibus adventum Hannibalis, quum Mopthiani urbem excessissent; sine certamine tradita urbs Poeno praesidiumque adceptum est. Ibi praeda omni atque impedimentis relictis, exercitu partito, Magonem regionis ejus urbes, aut deficientes ab Romanis adcipere, aut detrectantes cogere ad defectionem jubet. Ipse per agrum Campanum mare inferum petit, obpugnaturus Neapolim, ut urbem maritimam haberet. Vbi fines Neapolitanorum intravit, Numidas partim in insidiis, (et pleeraeque cavae sunt viae sinusque obculti) quacumque apte poterat, disposuit: alios, prae se actam praedam ex agris ostentantes, obequitare portis jussit. In quos, quia nec multi et incompoliti videbantur, quum turma equitum erupisset, ab cedentibus consulto tracta in insidias, circumventa est: nec evasisset quisquam, ni mare propinquum et haud procul

cul litore naves, piscatoriae pleraeque, conspectae peritis nandi dedissent effugium. Aliquot tamen eo proelio nobiles juvenes capti caesique sunt: inter quos et Hegeas praefectus equitum, intemperantius cedentes sequutus, cecidit. Ab urbe obpugnanda Poenum absterruere conspecta moenia, haudquaquam prompta obpugnanti.

II. Inde Capuam fleetit iter, luxuriantem longe felicitate atque indulgentia fortunae, maxime tamen, inter corrupta omnia, licentia plebis, sine modo libertatem exercentis. Senatū et sibi et plebi obnoxium Pacuvius Calavius fecerat; nobilis idem ac popularis homo, ceterum malis artibus nactus opes. Is quum eo forte anno, quo res male gesta ad Trasimenum est, in summo magistratu esset, jam diu infestam senatui plebem ratus, per occasionem novandi res, magnum ausuram facinus, ut, si in ea loca Hannibal cum victore exercitu venisset, trucidato senatu traderet Capuam Poenis; improbus homo, sed non ad extremum perditus, quum mallet incolumi, quam everfa, re publica dominari, nullam autem incolumem esse orbatam publico consilio crederet, rationem iniit, qua et senatum servaret, et obnoxium sibi ac plebi faceret. Vocato senatu, quum, *sibi defectionis ab Romanis consilium placiturum nullo modo, nisi necessarium fuisset, praefatus esset; quippe qui liberos ex Ap. Claudii filia haberet, filiamque Romam nuptum Livio dedisset; ceterum majorem multo rem magisque timendam instare. Non enim per defectionem ad tollendum ex civitate senatum plebem spectare, sed per caedem senatus vacuum rem publicam tradere Hannibali ac Poenis velle. Eo se periculo posse liberare eos, si se permittant sibi, et, certaminum in re publi-*

ca

sa obliti, credant. Quum omnes victi metu permitterent; Claudam in curia vos, inquit, et, tamquam et ipse cogitati facinoris particeps, adprobando consilia, quibus nequidquam adversarer, viam saluti vestrae inveniam. In hoc fidem, quam vultis ipsi, adcipite. Fide data egressus, claudi curiam, jubet, praesidiumque in vestibulo reliquit; ne quis adire curiam injussu suo, neve inde egredi possit.

III. Tunc vocato ad concionem populo, Quod saepe, inquit, optastis, Campani, ut subplicii sumendi vobis ex improbo ac detestabili senatu potestas esset; eam nunc, non per tumultum expugnantem domos singulorum, quas praesidiis clientium servorumque tuentur, cum summo vestro periculo, sed tutam habetis ac liberam. Clausos omnes in curiam adcipite, solas, inermes; nec quidquam raptim, aut forte temere egeritis. De singulorum capite vobis jus sententiae dicendae faciam, ut, quas quisque meritus est, poenas pendat. Sed ante omnia ita vos irae indulgere oportet, ut potiore ira salutem atque utilitatem vestram habeatis. Etenim hos (ut opinor) odistis senatores; non senatum omnino habere non vultis. Quippe aut rex, (quod abominandum) aut, quod unum liberae civitatis consilium est, senatus habendus est. Itaque duae res simul agendaе sunt vobis, ut et veterem senatum tollatis, et novum cooptetis. Citari singulos senatores jubebo, de quorum capite vos consulam. Quod de quoque censueritis, fiet. Sed prius in ejus locum virum fortem ac strenuum novum senatorem cooptabitis, quam de noxio subplicium sumatur. Inde confedit, et, nominibus in urnam coniectis, citari, quod primum forte nomen excidit, ipsumque e curia produci iussit. Vbi auditum est nomen, malum et improbum pro se quisque cla-

mare et subplicio dignum. Tum Pacuvius, *Video, quae de hoc sententia sit data. Eligite pro malo atque improbo bonum senatorem et iustum.* Primo silentium erat inopia potioris subjiciundi; deinde, quum aliquis, omitta verecundia, quempiam nominasset, multo major extemplo clamor oriebatur, quum alii negarent nolle; alii nunc probra, nunc humilitatem sordidamque inopiam, et pudendae artis aut quaestus genus, objicerent. Hoc multo magis in secunda ac tertio citato senatore est factum; ut ipsius poenitere homines adpareret, quem autem in ejus substituerent locum, deesse: quia nec eosdem nominari adlinebat, nihil aliud quam ad audienda probra nominatos, et multo humiliores obscurioresque ceteri erant eis, qui primi memoriae obcurrerant. Ita dilabi homines, notissimum quodque malum maxime tolerabile dicentes esse, jubentesque senatum ex custodia dimitti.

IV. Hoc modo Pacuvius quum obnoxium vitae beneficio senatum multo sibi magis, quam plebi, fecisset, sine armis, jam omnibus concedentibus, dominabatur. Hinc senatores, omitta dignitatis libertatisque memoria, plebem adulari, salutare, benigne invitare, adparatis adcipere epulis, eas causas suscipere, ei semper parti adesse, secundum eam litem judices dare, quae magis popularis aptiorque in vulgus favori conciliando esset. Jam vero nihil in senatu actum aliter, quam si plebis sibi esset concilium. Prona semper civitas in luxuriam, non ingeniorum modo vitio, sed adfluente copia voluptatum, et inlecebris omnis amoenitatis maritimae terrestisque; tum vero ita obsequio principum et licentia plebei lascivire, ut nec libidini nec sumptibus modus esset. Ad contemptum legum, magistratum, senatus,

tus, adcessit tum, post Cannensem cladem, ut, cujus aliqua erat verecundia, Romanum quoque imperium spernerent. Id modo erat in mora, ne extemplo deficerent, quod conubium vetustum multas familias claras ac potentes Romanis miscuerat; et quod, quum militarent aliquot apud Romanos, maximum vinculum erant trecenti equites, nobilissimus quisque Campanorum, in praesidia Sicularum urbium delecti ab Romanis ac missi.

V. Horum parentes cognatique aegre per-
vicerunt, ut legati ad consulem Romanum mitterentur. Ii, nondum Canusium profectum, sed Venusiae cum paucis ac semiermibus consulem invenerunt, quam poterat maxime miserabilem bonis sociis; superbis atque infidelibus, ut erant Campani, spernendum. Et auxit rerum suarum suiue contemptum consul nimis detegendo cladem nudandoque. Nam quum legati, aegre ferre senatum populumque Campanum, adversi quidquam evenisse Romanis, nuntiassent, pollicerenturque omnia, quae ad bellum opus essent; *Morem magis, inquit, loquendi cum sociis servastis, Campani, jubentes, quae opus essent ad bellum, imperare, quam convenienter ad praesentem fortunae nostrae statum loquuti estis. Quid enim nobis ad Cannas relictum est, ut, quasi aliquid habeamus, id, quod deest, expleri ab sociis velimus? Pedites vobis imperemus, tamquam equites habeamus? pecuniam deesse dicamus, tamquam ea tantum desit? Nihil, ne quod subpleremus quidem, nobis rellequit fortuna. Legiones, equitatus, arma, signa, equi virique, pecunia, commeatus, aut in acie, aut binis postero die amissis castris perierunt. Itaque non juretis nos in bello oportet, Campani, sed paene bellum pro nobis suscipiatis. Veniat in mentem, ut trepidos*

dos quondam majores vestros intra moenia compulso, nec Samnitum modo hostem, sed etiam Sidicinum paventes, receptos in fidem apud Saticulam defenderimus, coeptumque propter vos cum Samnitibus bellum per centum prope annos, variante fortuna eventum, tulerimus. Adjicite ad haec, quod foedus aequum deditis, quod leges vestras, quod ad extremum (id quod ante Cannensem certe cladem maximum fuit) civitatem nostram magnae parti vestrum dedimus, communicavimusque vobiscum. Itaque communem vos hanc cladem, quae adcepta est, credere, Campani, oportet, communem patriam tuendam arbitrari esse. Non cum Samnite aut Etrusco res est, ut, quod a nobis ablatum sit, in Italia tamen imperium maneat. Poenus hostis ne Africae quidem indigenam, ab ultimis terrarum oris, freto Oceani Herculisque columnis, expertem omnis juris et conditionis et linguae prope humanae, militem trahit. Hunc, natura et moribus inimitem ferumque, insuper dux ipse efferavit, pontibus ac molibus ex humanorum corporum strae faciendis, et (quod proloqui etiam piget) vesci humanis corporibus docendo. Hos, infandis passos epulis, quos contingere etiam nefas sit, videre atque habere dominos, et ex Africa et a Carthagine jura petere, et Italiam Numidarum ac Maurorum pati provinciam esse, cui non, genito modo in Italia, detestabile sit? Pulcrum erit, Campani, prolapsam clade Romanum imperium vestra fide, vestris viribus retentum ac recuperatum esse. Triginta millia peditum, quatuor equitum arbitror ex Campania scribi posse. Jam pecuniae adsatim est frumentique. Si parem fortunae vestrae fidem habetis, nec Hannibal se vicisse sentiet, nec Romani victos esse.

VI. Hac oratione consulis dimissis redeuntibusque domum legatis, unus ex iis, Vibius Virrius, *Tempus venisse*, ait, *quo Campani non agrum solum, ab Romanis quondam per injuriam ademptum, recuperare, sed imperio etiam Italiae potiri possunt. Foedus enim cum Hannibale, quibus velint legibus, facturos. Neque controversiam fore, quin, quum ipse confecto bello Hannibal victor in Africam decedat, exercitumque deportet, Italiae imperium Campanis relinquatur.* Haec Virrio loquenti adfensi omnes, ita renuntiant legationem, uti defectum omnibus videretur nomen Romanum. Extemplo plebes ad defectionem ac pars major senatus spectare. Extracta tamen, auctoritatibus seniorum, per paucos dies est res: postremo vicit sententia plurium, ut iidem legati, qui ad consulem Romanum ierant, ad Hannibalem mitterentur. Quo priusquam iretur, certumque defectionis consilium esset, Romam legatos missos a Campanis, in quibusdam annalibus invenio, postulantes, ut alter consul Campanus fieret, si rem Romanam adjuvari vellent. Indignatione orta, submo- veri a curia iustos esse: missumque lictorem, qui ex Vrbe educeret eos, atque eo die manere extra fines Romanos juberet. Quia nimis compar Latinorum quondam postulatio erat, Coeliusque et alii id, haud sine causa, praetermiserant scriptores, ponere pro certo sum veritas.

VII. Legati ad Hannibalem venerunt, pacemque cum eo conditionibus fecerunt: *Ne quis imperator magistratusve Poenorum jus, ul- lum in civem Campanum haberet, neve civis Campanus invitus militaret, manusve faceret. Ut suae leges, sui magistratus Capuae essent. Ut trecentos ex Romanis captivis Poenus da-*

tes

ret Campanis, quos ipsi elegissent; cum quibus equitum Campanorum, qui in Sicilia stipendia facerent, permutatio fieret. Haec pacta: alia insuper, quam quae pacta erant, facinora Campani ediderunt. Nam praefectos socium civesque Romanos alios, partim aliquo militiae munere occupatos, partim privatis negotiis implicitos, plebs repente omnes comprehensos, velut custodiae causa, balneis includi iussit: ubi, fervore atque aestu anima interclusa, foedum in modum exspirarent. Ea ne fierent, neu legatio mitteretur ad Poenum, summa ope Decius Magius, vir, cui ad summam auctoritatem nihil, praeter sanam civium mentem, defuit, restiterat. Ut vero praesidium mitti ab Hannibale audivit, Pyrrhi superbam dominationem, miserabilemque Tarentinorum servitutem, exempla referens, primo, ne reciperetur praesidium, palam vociferatus est: deinde, ut receptum aut ejiceretur, aut, si malum facinus, quod a vetustissimis lociis consanguineisque defecissent, forti ac memorabili facinore purgare vellent, ut, interfecto Punico praesidio, restituerent se Romanis. Haec (neque enim obculte agebantur) quum relata Hannibali essent, primo misit, qui vocarent Magium ad sese in castra: deinde, quum is ferociter negasset se iturum, (nec enim Hannibali jus esse in civem Campanum) concitatus ira Poenus, apprehendi hominem, vinctumque adtrahi ad se iussit. Veritus deinde, ne quid inter vim tumultus atque ex concitatione animorum inconsulti certaminis oriretur, ipse, praemisso nuntio ad Marium Blossium praetorem Campanum, postero die se Capuae futurum, proficiscitur e castris cum modico praesidio. Marius concione advocata edicit, ut frequentes cum conjugibus

jugibus ac liberis obviam irent Hannibali. Ab universis id non obedienter modo, sed enise, favore etiam vulgi et studio visendi tot jam victoriis clarum imperatorem, factum est. Decius Magius nec obviam egressus est, nec, quo timorem aliquem ex conscientia significare posset, privatim se tenuit: in foro cum filio clientibusque paucis otiose inambulavit, trepidante tota civitate ad excipiendum Poenum visendumque. Hannibal; ingressus urbem, senatum extemplo postulat, precantibusque inde primoribus Campanorum, ne quid eo die feriae rei gereret, diemque ut ipse adventu suo festum laetus ac libens celebraret; quamquam praeceps ingenio in iram erat, tamen, ne quid in principio negaret, visenda urbe magnam diei partem consumpsit.

VIII. Deversatus est apud Ninnios Coe-
res, Stenium Pactiviumque, inclutos nobilitate ac divitiis. Eo Pactivius Calavins, de quo ante dictum est, princeps factionis ejus, quae traxerat rem ad Poenos, filium juvenem adduxit; abstractum a sinu Decii Magii ac latere, cum quo ferocissime pro Romana societate adversus Punicum foedus steterat; nec enim aut inclinata in partem alteram civitas, aut patria majestas sententia depulerat. Huic tamen pater juveni Hannibalem deprecando magis, quam purgando, placavit; virtusque patris precibus lacrimisque etiam ad coenam cum cum patre vocari jussit: cui convivio neminem Campanum, praeterquam hospites Jubelliumque Tauream, insignem bello virum, adhibiturus erat. Coeperunt epulari de die, et convivium non ex more Punico, aut militari disciplina esse, sed, ut in civitate atque etiam domo, diu ad varias omnium voluptatum inlecebras instructa. Vnus haec dominorum invitatio-

tatione, nec ipsius interdum Hannibalis. Calavii filius Perolla vinci potuit; ipse valetudine excusans, patre animi quoque ejus haud mirabilem interturbationem causante. Solis ferme obcasu patrem Calavium, ex convivio egressum, sequutus filius, ubi in secretum (hortus erat posticis aedium partibus) pervenerunt, *Consilium, inquit, adfero, pater, quo non veniam solum peccati, quod defecimus ad Hannibalem. impetraturi ab Romanis, sed in multo majore dignitate et gratia simus Campani, quam unquam fuimus. Quum mirabundus pater, quidnam id esset consilii, quæreretur; toga rejecta ab humero, latus subcinctum gladio nudat: Jam ego, inquit, sanguine Hannibalis sanctiam Romanorum foedus. Te id prius scire volui, si forte abesse, dum facinus patratur, mallet.*

IX. Quae ubi vidit audivitque lenex, velut si jam agendis, quae audiebat, interesset, amens metu, *Per ego te, inquit, fili, quaecumque jura liberos jungunt parentibus, precor quaesoque, ne ante oculos patris facere et pati omnia infanda velis. Paucae horae sunt, intra quas jurantes per quid Deorum est, dextrae dextrae jungentes, fidem obsirinximus, ut sacratas fide manus, digressi ab conloquio, extemplo in eum armaremus? Ab hospitali mensa surgis, ad quam tertius Campanorum adhibitus es ab Hannibale, ut eam ipsam mensam cruentares hospitibus sanguine? Hannibalem pater filio meo patui placare, filium Hannibali non possum? Sed sit nihil sancti, non fides, non religio, non pietas: audeantur infanda, si non perniciem nobis cum scelere adferunt. Unus adgressurus es Hannibalem? Quid illa turba tot liberorum servarumque? quid in unum intenti omnium oculi? quid tot dextrae? torpescunt in amentia illa? Vultum ipsius*

ipsius Hannibalis, quem armati exercitus sustinere nequeunt, quem horret populus Romanus, tu sustinebis? et, alia auxilia desint, me ipsum ferire, corpus meum obponentem pro corpore Hannibalis, sustinebis? Atqui per meum pectus petendus ille tibi transfigendusque est. Detare rerī hic sine te potius, quam illic vinci. Valeant preces apud te meae, sicut pro te hodie valuerunt. Lacrumantem inde juvenem cernens, medium complectitur, atque, osculo haerens, non ante precibus abstinit, quam pervicit, ut gladium poneret, fidemque daret, nihil facturum tale. Tam juvenis, Ego quidem, inquit, quam patriae debeo, pietatem exsolvam patri. Tuam doleo vicem, cui ter proditae patriae sustinendum est orimen; semel, quam defectionis ab Romanis; iterum, quam pacis cum Hannibale fuisti auctor; tertio hodie, quam restituendae Romanis Capuae mora atque impedimentum es. Tu, patria, ferrum, quo pro te armatus hanc arcem hostium inui, quando parens extorquet, recipe. Haec quum dixisset, gladium in publicum trans inaceriam horti abiecit: et, quo minus res suspecta esset, se ipse convivio reddidit.

X. Postero die senatus frequens datus Hannibali. Vbi prima ejus oratio perblanda ac benigna fuit, qua gratias egit Campanis, quod amicitiam suam Romae societati praeposuisent: et inter cetera magnifica promissa pollicitus, brevi caput Italiae omni Capuam fore, juraque inde cum ceteris populis Romanum etiam petiturum. Vnum esse exsortem Punicae amicitiae foederisque secum facti, quem neque esse Campanum, neque dici debere, Magium Decium. Eum postulare, ut sibi dedatur, ac se praesente de eo referatur, senatusque consultum fiat. Omnes in eam sen-

sententiam ierunt: quamquam magnae parti et vir indignus ea calamitate, et haud parvo initio minui videbatur jus libertatis. Egredias curia, in templo magistratus confedit; comprehendique Decium Magium atque ante pedes destitutum causam dicere iussit. Qui quum, manente ferocia animi, negaret lege foederis id cogi posse, tum injectae catenae, ducique ante lictorem in castra est iussus. Quoad capite aperto est ductus, concionabundus incescit, ad circumfusam undique multitudinem vociferans: *Habetis libertatem; Campani, quam petistis. Foro medio, luce clara, videntibus vobis, nulli Campanorum secundus, vinctus ad mortem rapior. Quid violentius Capua capta fieret? Itē obviam Hannibali, exornate urbem, diemque adventus ejus consecrate, ut hunc triumphum de cive vestro spectetis.* Haec vociferanti, quum moveri vulgus videretur, obvolutum caput est, ociusque rapi extra portam iussus. Ita in castra perducitur: extemploque inpositus in navim et Carthaginem missus; ne, motu aliquo Capuae ex indignitate rei orto, senatum quoque poeniteret dediti principis, et, legatione missa ad repetendum eum, ne aut negando rem, quam primum peterent, offendendi sibi novi locii, aut tribuendo, habendus Capuae esset seditio- nis ac barbarum auctor. Navem Cyrenas detulit tempestas, quae tam in ditione regum erant. Ibi quum Magius ad statuum Ptolemaei regis confugisset, deportatus a custodibus Alexandriam ad Ptolemaeum, quum eum docuisset, contra jus foederis vinctum se ab Hannibale esse, vinculis liberatur; permissumque, ut rediret, seu Romam, seu Capuam mallet. *Nec Magius Capuam sibi tutam dicere; et Romam eo tempore, quo inter Romanos Campa-*
nos-

nosque bellum sit, transfugae magis, quam hospitis, fore domicilium. Nusquam malle, quam in regno ejus, vivere, quem vindicem atque auctorem habeat libertatis.

XI. Dum haec geruntur, Q. Fabius Pictor legatus a Delphis Romam rediit, responsumque ex scripto recitavit: Divi quoque in eo erant, quibus quoque modo supplicaretur. Tum, *Si ita faxitis, Romani, vestrae res meliores faciliioresque erunt: magisque ex sententia res publica vestra vobis procedet, victoriaque duelli populi Romani erit. Pythio Apollini, res publica vestra bene gesta servataque, lucris meritis donum mittitote, deque praeda, manubiis, spoliisque honorem habetote, lasciviam a vobis prohibetote.* Haec ubi ex Graeco earmine interpretata recitavit, tum dixit, *se oraculo egressum extemplo his omnibus Divis rem divinam thure ac vino fecisse: jussumque ab templi antistite, sicut coronatus laurea corona ex oraculum adisset et rem divinam fecisset, ita coronatum navim adscendere, nec ante deponere eam, quam Romam pervenisset. Se, quaecumque imperata sunt, cum summa religione ac diligentia exsequutum; coronam Romae in aram Apollinis deposuisse.* Senatus decrevit, ut eae res divinae supplicationesque primo quoque tempore cum cura fierent. Dum haec Romae atque in Italia geruntur, nuntius victoriae ad Cannas Carthaginem venerat Mago Hamilcaris filius; non ex ipsa acie a fratre missus, sed retentus aliquot dies in recipiendis civitatibus Bruttiorum, quaeque deficiebant. Is, quum ei senatus datus esset, res gestas in Italia a fratre exponit: *Cum sex imperatoribus eum, quorum quatuor consules, duo dictator ac magister equitum fuerint, cum sex consularibus exercitibus acie conflixisse: occidisse supra ducenta mil-*

lix hostium: supra quinquaginta millia cepisse. Ex quatuor consiliis duos occidisse; ex duobus saucium alteram; alterum, toto exercitu amisso, vix cum quinquaginta hominibus effugisse. Magistrum equitum, quae consularis potestas sit, fusum fugatumque: dictatorem, quia se in actem nunquam commiserit, unicum haberi imperatorem. Bruttios Apulosque, partim Samnitium ac Lucanorum defecisse ad Poenos. Capuam, quod caput, non Campaniae modo, sed, post adstrictam rem Romanam Cannensem pugnam, Italiae sit, Hannibali se tradidisse. Pro his tantis totque victoriis, verum esse, gratias Deis immortalibus agi haberique.

XII. Ad fidem deinde tam laetarum rerum, effundi in vestibulo curiae iussit annulos aureos, qui tantus acervus fuit, ut, metientibus dimidium super tres modios expleffe, sint quidam auctores. Panna tenuit, quae propior vero est, haud plus fuisse inodio. Adiecit deinde verbis, quo maioris cladis indicium esset, neminem, nisi equitem, atque eorum ipsorum primores; id gerere insigne. Summa fuit orationis, Quo propius spem belli perficiendi sit, eo magis omni ope juvandum Hannibalem esse. Procul enim ab domo militiam esse, in media hostium terra. Magnam vim frumenti, pecuniae, absumi; et tot acies, ut hostium exercitus deleffe, ita victoris etiam copias parte pliqua minuisse. Mittendum igitur subplementum esse, mittendum in stipendium pecuniam frumentumque tam bene meritis de nomine Punico militibus. Secundum haec dicta Magonis laetis omnibus, Himilco, vir factionis Barcinæ, locum Hannonis increpandi esse ratus, Quid est, Hanno? inquit. Etiam nunc poenitet belli suscepti adversus Romanos? Iube dedi Hannibalem veta in tam prosperis rebus gratias

tes Diis immortalibus agi. Audiamus Romanum senatorem in Carthaginiensium curia. Tum Hanno: Tacuissem hodie, Patres conscripti, ne quid in communi omnium gaudio, minus laetum quod esset vobis, loquerer. Nunc interroganti senatori, poeniteatne me adhuc suscepti adversus Romanos belli, si reticeam, aut superbus, aut obnoxius videar: quorum alterum est hominis alienae libertatis obliti; alterum suae. Respondeam igitur Himilconi, non defuisse poenitere me belli, neque desitutum ante invictum vestrum imperatorem iuculare, quam finitum aliqua tolerabili conditione bellum videro: nec mihi pacis antiquae desiderium ulla alia res, quam pax nova finiet. Itaque ista, quae modo Mago jactavit, Himilconi ceterisque Hannibalis satellitibus jam laeta sunt. Mihi possumus laeta esse, quia res bello bene gestae, si volumus fortuna uti, pacem nobis aequiorem dabunt. Nam si praetermittimus hoc tempus, quo magis dare, quam accipere, possumus videri pacem, vereor, ne haec quoque lassitudo luxuriet nobis ac vana evadat. Quae tamen nunc quoque qualis est? Obcidi exercitus hostium: mitte te milites mihi. Quid aliud rogares, si esses victus? Hostium cepi bina castra, praedae videlicet plena et commeatum; frumentum et pecuniam date. Quid aliud, si spoliatus, si exsitus castris esses, peteres? Et, ne omnia ipse mirer, (mihi quoque enim, quoniam respondi Himilconi, interrogare jus fasque est) velim seu Himilco, seu Mago respondeat: quum ad internecionem Romani imperii pugnatum ad Cannas sit, constetque in defectione totam Italiam esse; primum ecquis Latini nominis populus defecerit ad nos? deinde ecquis homo, ex quinque et triginta tribubus, ad Hannibalem transfugerit?

M 2

Quum

Quum utrumque Mago negasset: *Hofius* quidem ergo, inquit, adhuc nimis multum superest. Sed, multatudo ea quid arceamus, quidne spei habeat, scire velim.

XIII. Quum, id nescire, Mago diceret; *Nihil* facilius sciri est, inquit. *Equos* legatos ad *Hannibalem* *Romani* miserunt de pace? cequam denique mentionem pacis *Romae* factam esse, adiatum ad vos est? Quum id quoque negasset, *Belium* igitur, inquit, tam integrum habemus, quam habuimus, qua die *Hannibal* in *Italiam* est transgressus. Quam varia victoria priore *Punico* bello fuerit, plerique, qui meminerimus, supersumus. Numquam terra marique magis prosperae res nostrae visae sunt, quam ante consules *C. Lutatium* et *A. Postumium* fuerunt. *Lutatio* et *Postumio* consulibus, devicti ad *Aegates* insulas sumus. Quod si (id quod *Dii* omen avertant) nunc quoque fortuna aliquid variaverit; tum pacem speratis, quam vincemur, quam nunc, quam vincimus, dat nemo? Ergo, si quis de pace consulat, seu deferenda hostibus, seu adicienda, habeo, quid sententiae dicam: si de iis, quae Mago postulat, refertis, nec victoribus mitti adtinere puto, et frustrantibus nos falsa atque inani spe multo minus censeo mittenda esse. Haud multos movit *Hannonis* oratio. Nam et simulacrum cum familia *Barcina* leviolem auctorem faciebat, et occupati animi praesenti laetitia nihil, quo vanius fieret gaudium suum, auribus admittebant; debellatumque mox fore, si adniti paululum voluissent, rebantur. Itaque ingenti consensu fit senatus consultum, ut *Hannibali* quatuor *Numidarum* millia in subplementum mitterentur, et quadraginta elephanti et argenti multa talenta. Dictatorque cum Magone in *Hispaniam* praemissus est ad conducenda viginti

ginti millia peditum, quatuor equitum, quibus exercitus, qui in Italia, quique in Hispania erant, subplerentur.

XIV. Ceterum haec, ut in secundis rebus, segniter otioseque gesta. Romanos, praeter inlitam industriam animis, fortuna etiam cunctari prohibebat. Nam nec consul ulli rei, quae per eum agenda esset, deerat; et dictator M. Junius Pera, rebus divinis perfectis, latoque, ut solet, ad populum, ut equum ascendere liceret, praeter duas urbanas legiones, quae principio anni a consulibus conscriptae fuerant, et servorum delectum cohortesque ex agro Piceno et Gallico collectas, ad ultimum prope desperatae rei publicae auxilium, quum honesta utilibus cedunt, descendit, edixitque: *Qui capitalem fraudem ausi, quique pecuniae iudicati in vinculis essent, qui eorum apud se milites ficerent, eos noxa pecuniaque sese exsolvi jussurum.* Ea sex millia hominum Gallicis spoliis, quae triumpho C. Flamini translati erant, armavit. Itaque cum viginti quinque millibus armatorum ab Urbe profiscitur. Hannibal, Capua recepta, quum iterum Neapolitanorum animos, partim spe, partim metu, nequidquam tentaret, in agrum Nolanum exercitum traducit; [et] ut non hostiliter statim, quia non desperabat voluntariam deditionem, ita, si morarentur spem, nihil eorum, quae pati, aut timere possent, praetermissurus. Senatus ac maxime primores ejus in societate Romana cum fide perstare; plebs novarum, ut solet, rerum atque Hannibalis tota esse; metuinque agrorum populationis et patienda in obsidione multa gravia indignaque proponere animo. Neque auctores defectionis deerant. Itaque ubi senatum metus cepit, si propalam tenderent, resisti multitudini concitatae

M 5

non

non posse; secunda similando, dilationem mali inveniunt. Placere enim sibi defectionem ad Hannibalem simulant: quibus autem conditionibus in foedus amicitiamque novam trans-eant, parum constare. Ita spatio sumto, legatos propere ad praetorem Romanum Marcellum Claudium, qui Casilini cum exercitu erat, mittunt, docentque, quanto in discrimine sit Nolana res, agrum Hannibalis esse et Poenorum, urbem extemplo futuram, ni subveniatur. Concedendo plebei senatum, ubi velint, defecturos se, ne deficere praefestinent, effecisse. Marcellus, conlaudatis Nolanis, eadem similatione extrahi rem in suum adventum iussit: interim celari, quae secum acta essent, spemque omnem auxilii Romani. Ipse a Casilino Calatiam petit: atque inde, Vulturno amni trajecto, perque agrum Saticulanum Trebianumque super Sueffulam per montes Nolam pervenit.

XV. Subadventum praetoris Romani Poenus agro Nolano excessit, et ad mare proxime Neapolim descendit, cupidus maritimi oppidi potiundi, quo cursus navibus tutus ex Africa esset. Ceterum, postquam Neapolim a praefecto Romano teneri adcepit, (M. Junius Silanus erat, ab ipsis Neapolitanis ad-citus) Neapoli quoque, sicut Nola, omissa, petit Nuceriam. Eam quum aliquamdiu circum-fedisset, saepe vi, saepe sollicitandis nequidquam nunc plebe nunc principibus, fame demum in deditiorem adcepit, pactus, ut inermes cum singulis abirent vestimentis. Deinde, ut qui a principio mitis omnibus Italicis, praeter Romanos, videri vellet, praemia atque honores, qui remanerent ac militare secum voluissent, proposuit. Neo ea spe quemquam tenuit. Dilabsi omnes, quocumque ho-
spi-

spolia aut fortuitus animi impetus tulit, per Campaniae urbes, maxime Nolam Neapolimque. Quum ferme triginta senatores, ac forte primus quisque, Capuam petissent, exclusi inde, quod portas Hannibali clausissent, Cumas se contulerunt. Nuceriae praeda militi data est; urbs direpta atque incensa. Nolam Marcellus non sui magis fiducia praesidii, quam voluntate principum, habebat. Plebes timebatur, et ante omnes L. Bantius, quem consensus adtentatae defectionis ac metus a praetore Romano nunc ad prodicionem patriae, nunc, si ad id fortuna defuisset, ad transfugendum stimulabat. Erat juvenis acer et fortiorum ea tempestate prope nobilissimus eques, Seminecem cum ad Cannas in acervo caesorum corporum inuentum curatumque benigne, etiam cum donis, Hannibal domum remisit. Ob ejus gratiam meriti rem Nolanam in jurisdictionemque dare voluerat Poeno: anxiumque eam et sollicitum cura novandi res praetor cernebat. Ceterum, quum aut poena cohibendus esset, aut beneficio conciliandus, sibi adsumisso, quam hosti ademisse, fortem ac strenuum maluit socium, additamque ad se benigne adpellat: Multos eum invidos inter populares habere, inde existimatu facile esse, quod nemo civis Nolanus sibi indicaverit, quam multa ejus egroga facinora militaria essent. Sed, qui in Romanis militaverit castris, non posse obscuram ejus virtutem esse. Multos sibi, qui cum eo stipendia fecerint, referre, qui vir esset ille, quaeque et quoties pericula pro salute ac dignitate populi Romani adisset: utique Cannensi proelio non prius pugna absiterit, quam prope ex sanguis ruina superincidentium virorum, equorum armorumque sit oppressus. Itaque maiore virtute esto, inquit. Apud me tibi omnis

honoris atque omne praemium erit: et, quo frequentior mecum fueris, senties eam rem tibi dignitati atque emolumento esse. Laetique juveni promissis equum eximium dono dat, bigatosque quingentos quaestorem numerare jubet. lictoribus imperat, ut eum se adire, quoties velit, patiantur.

XVI. Hac comitate Marcelli ferocis juvenis animus adeo est mollitus, ut nemo inde fortiorum rem Romanam fortius ac fidelius juverit. Quum Hannibal ad portas esset, (Nolam enim rursus a Nuceria moverat castra) plebesque Nolana de integro ad defectionem spectaret, Marcellus sub adventum hostium intra muros se recepit; non castris metuens, sed ne prodendae urbis occasionem nimis multis in eam imminentibus daret. Instrui deinde utrimque acies coeptae, Romanorum pro moenibus Nolae, Poenorum ante castra sua. Proelia hinc parva inter urbem castraque, et vario eventu fiebant; quia duces nec prohibere paucos temere provocantes, nec dare signum universae pugnae volebant. In hac continua jam duorum exercituum statione principes Nolanorum nuntiant Marcello, Nocturna colloquia inter plebem ac Poenos fieri; statutumque esse, ut, quum Romana acies egressa portis iret, impedimenta eorum ac sarcinas diriperent, clauderent deinde portas, murosque occuparent, ut, potentes rerum suarum atque urbis, Poenum inde pro Romano adquirent. Haec ubi nuntiata sunt Marcello, conlaudatis senatoribus Nolanis, prius, quam aliquis motus intus oriretur, fortunam pugnae experiri statuit. Ad tres portas in hostes versas tripartito exercitum instruxit: impedimenta subsequi iussit; calones, lixasque et invalidos milites vallum ferre. Media porta robora legionum et Romanos equi-

equites, duabus circa portis novos milites levemque armaturam ac sociorum equites statuit. Nolani muros portasque adire vetiti; subsidiaque destinata impedimentis data, ne, occupatis proelio legionibus, in ea impetus fieret. Ita instructi intra portas stabant. Hannibali, sub signis (id quod per aliquot dies fecerat) ad multum diei in acie stanti, primo miraculo esse, quod nec exercitus Romanus porta egrederetur, nec armatus quisquam in muris esset. Ratus deinde prodita conloquia esse, metuque residues factos, partem militum in castra remittit, iussos propere adparatum omnem obpugnandae urbis in primam aciem adferre; satis fidens, si cunctantibus instaret, tumultum aliquem in urbe plebem moturam. Dum in sua quisque ministeria discursu trepidat ad prima ligna, subceditque ad muros acies, patefacta repente porta, Marcellus signa canere clamoremque tolli, ac pedites primum, deinde equites, quanto maximo possent impetu, in hostem erumpere jubet. Satis terroris tumultusque in aciem mediam intulerant, quum duabus circa portis P. Valerius Flaccus et C. Aurelius legati in cornua hostium erumpere. Addidere clamorem lixae calonesque, et alia turba custodiae impedimentorum adposita, ut paucitatem maxime spectantibus Poenis ingentis repente exercitus speciem fecerint. Vix equidem ausim affirmare, quod quidam auctiores sunt, duo millia et octingentos hostium caesos; non plus quingentos Romanum amisisse. Sive tanta, sive minor victoria fuit, ingens eo die res, ac nescio, an maxima illo bello gesta sit. Non vinci enim ab Hannibale tunc vincentibus difficilius fuit, quam postea vincere.

XVII. Hannibal, spe potiundae Nola^e adeinta, quum Aceras recelisset, Marcellus extemplo, clausis portis custodibusque dispositis, ne quis egrederetur, quaestionem in foro de iis, qui clam in conloquiis hostium fuerant, habuit: supra septuaginta damnatos proditiōis securi percussit, bonaque eorum iussit publica populi Romani esse: et, summa rerum senatui tradita, cum exercitu omni profectus, supra Suessulam castris positis confedit. Poenus, Aceras primum ad voluntariam deditionem conatus perlicere, postquam obstinatos vidit, obsidere inde atque obpugnare parat. Ceterum Acerranis plus animi, quam virium, erat. Itaque, desperata tutela urbis, ut circumvallari moenia viderunt, prius, quam continuarentur hostium opera, per intermissa munimenta neglectasque custodias silentio noctis dilabſi, per vias inviaeque, qua quemque aut consilium aut error tulit, in urbes Campaniae, quas satis certum erat non mutasse fidem, perfugerunt. Hannibal, Aceris direptis atque incensis, quum a Casilino dictatorem Romanum legionesque novas adcirci nuptiasſent, ne quis tam propinquis hostium castris Capuam quoque recurrat, exercitum ad Casilinum ducit. Casilinum eo tempore quingenti Praenestini habebant, cum paucis Romanis Latinique nominis, quos eodem audita Cannensis clades contulerat. Hi, non confecto Praeneste ad diem delectu, serius profecti domo, quum Casilinum ante adversae pugnae famam veniſſent, et aliis adgregarent sese Romanis sociisque, profecti a Casilino eum satis magno agmine irent; avertit eos retro Casilinum nuntius Cannensis pugnae. Ibi quum dies aliquot, suspecti Campanis timentesque, cavendis ac fruendis in vicem insidiis tradu-

xif-

xissent, jamque de Capuae defectione agi, ad-
cipique Hannibalem satis pro certo haberent;
interfectis nocte oppidanis, partem urbis, quae
cis Vulturum est, (eo enim dividitur amni)
obcupavere. Idque praesidium Casilini habe-
bant Romani. Additur et Perusina cohors,
homines quadringenti sexaginta, eodem nun-
tio, quo Praenestini paucos ante dies, Casili-
num compulsi. Et satis ferme armatorum ad
tam exigua moenia, et flumine altera parte
cincta, tuenda erat. Penuria frumenti, ni-
mum etiam ut videretur hominum, efficiebat.

XVIII. Hannibal quum jam inde laud
procul esset, Gaetulos cum praefecto, nomine
Isalca, praemittit: ac primo, si fiat conloqui-
copia, verbis benignis ad portas aperiendas
praesidiumque adcipiendum perlicere jubet;
si in pertinacia persistet, rem gerere ac tenta-
re, si qua parte invadere urbem possit. Vbi
ad moenia adcessere, quia silentium erat, so-
litudine visa, metuque concessum barbarus ra-
tus, moliri portas et claustra refringere parat;
quum, patefactis repente portis, cohortes duae,
ad id ipsum instructae intus, ingenti cum tu-
multu erumpunt, stragemque hostium faciunt.
Ita primis repulsis, Maharbal, cum majore
robore virorum missus, nec ipse eruptionem
cohortium sustinuit. Postremo Hannibal, ca-
stris ante ipsa moenia obpositis, parvam ur-
bem parvumque praesidium summa vi atque
omnibus copiis obpugnare parat; ac, dum in-
stat laeessitque, corona undique circumdatis
moenibus, aliquot milites et promptissimum
quemque, e muro turribusque ictos, amittit.
Semel ultro erumpentes agmine elephantorum
obposito prope intercluit, trepidosque com-
pulsit in urbem, satis multis, ut ex tanta pau-
citate, interfectis. Plures cecidissent, ni non
pro-

proelio intervenisset. Postero die omnium animi ad obpugnandum accenduntur; utique postquam corona aurea muralis proposita est, atque ipse dux castelli, plano loco positi, segnem obpugnationem Sagunti expugnatoribus exprobrabat, Cannarum Trasimenique et Trebiae singulos admonens universosque. Inde vineae quoque coeptae agi cuniculique: nec ad varios conatus hostium aut vis ulla, aut ars deerat. Socii Romanorum propugnacula adversus vineas statuere, transversis cuniculis hostium cuniculos excipere, et palam et clam coeptis obviam ire; donec pudor etiam Hannibalem ab incepto avertit: castrisque communitis ac praesidio modico inposito, ne omnia res videretur, in hiberna Capuam concessit. Ibi partem majorem hiemis exercitum in tectis habuit, adversus omnia humana mala saepe ac diu durantem, bonis inexpertum atque insuetum. Itaque, quos nulla mali vicerat via, perdidere nimia bona ac voluptates inmodicae; et eo impensius, quo avidius ex insolentia in eas se merferant. Somnus enim et vinum et epulae et scorta balineaeque et otium, consuetudine in dies blandius, ita enervaverunt corpora animosque, ut magis deinde praeteritae victoriae eos, quam praesentes tutarentur vires; majusque id peccatum ducis apud peritos artium militarium haberetur, quam quod non ex Cannensi acie profenus ad urbem Romanam duxisset. Illa enim cunctatio distulisse modo victoriam videri potuit; hic error vires ademisse ad vincendum. Itaque, Hercule, velut si cum alio exercitu a Capua exiret, nihil usquam pristinae disciplinae tenuit. Nam et redierunt plerique scortis impliciti: et, ubi primum sub pellibus haberi coepti sunt, viaque, et alius militaris laboris

exce-

excepit, tironum modo corporibus animisque deficiebant: et deinde per omne aestivorum tempus magna pars sine comineatibus ab signis dilabebantur: neque aliae latebrae, quam Capua, desertoribus erant.

XIX. Ceterum, mitescente jam hieme, educto ex hibernis milite, Casilinum redit. Vbi, quamquam ab obpugnatione cessatum erat, obsidio tamen continuata oppidanos praesidiumque ad ultimum inopiae adduxerat. Castris Romanis Ti. Sempronius praecerat, dictatore auspicioꝝ repetendorum causa profecto Romam. Marcellum, et ipsam cupientem ferre auxilium obsessis, et Vulturŭs amnis inflatus aquis, et preces Nolanorum atque Acerranorum, tenebant, Campanos timendum, si praesidium Romanum abscessisset. Gracchus, addidens tantum Casilino, quia praedictum erat dictatoris, ne quid absente eo rei gereret, nihil movebat: quamquam, quae facile omnem patientiam vincerent, nuntiabantur a Casilino. Nam et, praecipitasse se quosdam non tolerantes famem, constabat, et stare inermes in moris, nuda corpora ad missilium telorum ictus praebentes. Ea aegre patiens Gracchus, quum neque pugnam conferere dictatoris injussu auderet, (pugnandum autem esse, si palam frumentum inportaret, videbat) neque clam inportandi spes esset, farre, ex agris circa undique convecto, quum complura dolia compleisset, nuntium ad magistratum Casilinum misit, ut exciperetŭs dolia, quae amnis deferret. Insequenti nocte, intentis omnibus in flumen ac spem ab nuntio Romano factam, dolia medio missa amni defluerunt: aequaliter inter omnes frumentum divisum. Id postero quoque die ac tertio factum est. Nocte et mittebantur et perveniebant: co-

custo-

custodias hostium fallebant. Imbribus deinde continuis citatior solito amnis transverso vortice dolia inpulit ad ripam, quam hostes servabant. Ibi haerentia inter obnata ripis salicta conspiciuntur: nuntiatumque Hannibali est, et deinde intentione custodia cautum, ne quid falleret Vulturno ad urbem missum. Nunces tamen fusae ab Romanis castris, quum medio anni ad Casilinum defluerent, cratibus excipiebantur. Postremo ad id ventum inopiae est, ut lora detractasque scutis pelles, ubi fervida mollissent aqua, mandere couarentur, nec muribus aliove animali abstinerent, et omne herbarum radicumque genus aggeribus infimis muri eruerent; et, quum hostes obarassant, quidquid herbidi terreni extra murum erat, raporum semen iniecerunt, ut Hannibal, *Eone usque, dum ea nascantur, ad Casilinum sessurus sum?* exclamaret: et, qui nullam antea pactionem auribus admiserat, tum demum agi secum est passus de redemptione liberorum capitum. Septunces auri in singulos pretium convenit. Fide adcepta, sese traderunt: donec omne aurum persolutum est, in vinculis habiti: tum remissi Cumas cum fide. Id verius est, quam ab equite in abeuntes immisso interfectos. Praenestini maxima pars fuere. Ex quingentis septuaginta, qui in praesidio fuerunt, minus dimidium ferrum famaeque absumit: ceteri incolumes Praeneste cum praetore suo Manicio (scriba is antea fuerat) redierunt. Statua ejus indicio fuit, Praeneste in foro statuta, loricata, amicta toga, velato capite; et tria signa cum titulo laminae aeneae inscripto, *Manicum pro militibus, qui Casilini in praesidio fuerint, votum vovisse.* Idem titulus tribus signis in aede Fortunae positus fuit subjectus.

XX. Caſilinum oppidum redditum Campanis eſt, firmatum ſeptingentorum militum de exercitu Hannibalis praehidio; ne, ubi Poenus inde abſceſſiſſet, Romani obpugnarent. Praeneſtinis militibus ſenatus Romanus duplex ſtipendium et quinquennii militiae vacationem decrevit. Civitate quum donarentur ob virtutem, non mutaverunt. Peruſinorum caſus obſcurior fama eſt; quia nec ipſorum monumento ullo eſt inluſtratus, nec decreto Romanorum. Eodem tempore Petelinos, qui uni ex Bruttiiſ manſerant in amicitia Romana, non Carthaginienſes modo, qui regionem obtinebant, ſed Bruttii quoque ceteri, ob ſeparata ab ſe conſilia, obpugnabant. Quibus quum obſiſtere malis nequirent Petelini, legatos Romam ad praefidium petendam miſerunt. Quorum preces lacrumaeque (in queſtus enim flebiles, quum ſibimet ipſi conſulere juſſi ſunt, ſeſe in veſtibus curiae profuderunt) ingentem miſericordiam Patribus ac populo moverunt. Conſultique iterum a M'. Pomponio praetore Patres, circumſpectis omnibus imperii viribus, ſateri coacti, nihil jam longinquis ſociis in ſe praefidii eſſe, redire domum, fideque ad ultimum expleta, conſulere ſibimet ipſos in reliquum praefenti fortuna juſſerunt. Haec poſtquam renuntiata legatio Petelinis eſt, tantus repente moeror pavorque ſenatum eorum cepit, ut pars profugiendi, qua quisque poſſet, ac deferendae urbis auctores eſſent; pars, quando deſerti a veteribus ſociis eſſent, adjungendi ſe ceteris Bruttiiſ, ac per eos dedendi Hannibali. Vicit tamen ea pars, quae nihil raptim nec temere agendum conſulendumque de integro conſult. Re laxata poſtero die per minorem trepidationem tenuerunt optimates, ut, convectis omnibus ex agris, urbem ac muros firmarent.

XXI.

XXI. Per idem fere tempus literae ex Sicilia Sardiniaque Romam adlatae. Priores ex Sicilia T. Otacilii propraetoris in senatu recitatae sunt: *P. Furium praetorem cum classe ex Africa Lilybaeum venisse: ipsum graviter saucium in discrimine ultimo vitae esse. Militi et navalibus sociis neque stipendium, neque frumentum ad diem dari; neque, unde detur, esse. Magnopere suadere, ut quam primum ea mittantur; sibi, si ita videatur, ex novis praetoribus subcessorem mittant.* Eademque ferme de stipendio frumentoque ab A. Cornelio Mamula propraetore ex Sardinia scripta. Responsum utrisque, non esse, unde mitteretur. Iussique ipsi classibus atque exercitibus suis consulerent. Otacilius, ad unicum subsidium populi Romani Hieronem legatos quum misisset, in stipendium, quanti argenti opus fuit, et sex mensium frumentum adcepit. Cornelio in Sardinia civitates sociarum benigne contulerunt. Et Romae quoque propter penuriam argenti triumviri mensarii, rogatione M. Minucii tribuni plebis, facti, L. Aemilius Papus, qui consul censorque fuerat, et M. Atilius Regulus, qui bis consul fuerat, et L. Scribonius Libo, qui tum tribunus plebis erat. Et duumviri creati, M. et C. Atilii, aedem Concordiae, quam L. Manlius praetor voverat, dedicaverunt. Et tres pontifices creati, Q. Caecilius Metellus, et Q. Fabius Maximus, et Q. Fulvius Flaccus, in locum P. Scantini demortui, et L. Aemilii Pauli consulis, et Q. Aelii Paeti, qui ceciderant pugna Cannensi.

XXII. Quum cetera, quae continuis cladibus fortuna minuerat, quantum consiliis humanis adsequi poterant, Patres expleissent; tandem se quoque et solitudinem curiae paucitatemque convenientium ad publicum consilium

lium respexerunt. Neque enim post L. Aemilium et C. Flaminius censores senatus lectus fuerat, quum tantum senatorum adversae pugnae, ad hoc sui quemque casus per quinquennium absumpissent. Quum de ea re M. Pomponius praetor, dictatore post Caeslinum amissum profecto jam ad exercitum, expostulentibus cunctis retulisset; tum Sp. Carvilius, quum longa oratione non solum inopiam senatus, sed paucitatem etiam civium, e quibus in Patres legerentur, conquestus esset, explendi senatus causa et jungendi arctius Latini hominis cum populo Romano, magnopere se suadere dixit, ut ex singulis populis Latinorum, binis senatoribus, si Patres Romani censuissent, civitas daretur, atque in demortuorum locum in senatum legerentur. Eam sententiam haud aequioribus animis, quam ipsorum quondam postulatum Latinorum, Patres audierunt: et, quum fremitus indignantium tota curia esset, et praecipue Manlius, *esse etiam nunc stirpis ejus virum, diceret, ex qua quondam in Capitolio consul minatus esset, quem Latinum in curia vidisset, eum sua manu se interfectorum; Q. Fabius Maximus, Numquam rei ullius alieniore tempore mentionem factam in senatu, dixit, quam inter tam suspensos sociorum animos incertamque fidem id tactum, quod insuper sollicitaret eos. Eam unius hominis temerariam vocem silentio omnium extinguendam esse: et, si quid umquam arcani sanctive ad silendum in curia fuerit, id omnium maxime tegendum, obculendum, obliviscendum, pro non dicto habendum esse. Ita ejus rei obpressa mentio est. Dictatorem, qui censor ante fuisset, vetustissimusque ex eis, qui viverent, censoris esset, creari placuit, qui senatum legeret: adcirque C. Terentium consulem ad dictato-*

T. Liv. P. II.

N

rem

rem dicendam jusserunt. Qui quam ex Apulia, relicto ibi praesidio, magnis itineribus Romam redisset, nocte proxima, ut mos erat, M. Fabium Buteonem ex senatus consulto sine magistro equitum dictatorem in sex menses dixit.

XXIII. Is ubi cum lictoribus in Rostra escendit, *neque duos dictatores tempore uno, quod numquam antea factum esset, probare se, dixit: neque dictatorem se sine magistro equitum: nec censoriam vim uni permissam et eidem iterum: nec dictatori, nisi rei gerendae causa creato, in sex menses datum imperium. Quae inmoderata fors, tempus ac necessitas fecerint, iis se modum inpositurum.* Nam neque senatu quemquam moturum ex iis, quos C. Flaminius, L. Aemilius censores in senatum legissent, transcribi tantum recitarique eos jussurum, ne penes unum hominem iudicium arbitriumque de fama ac moribus senatoris fuerit; et ita in demortuorum locum sublecturum, ut ordo ordini, non homo homini praelatus videretur. Recitato veteri senatu, inde primos in demortuorum locum legit, qui post L. Aemilium et C. Flaminium censores curulem magistratum cepissent, necdum in senatum lecti essent; ut quisque eorum primus creatus erat: tum legit, qui aediles, tribuni plebei, quaestoresve fuerant: tum ex iis, qui magistratus cepissent, qui spolia ex hoste fixa domi haberent, aut civicam coronam adcepissent. Ita centum septuaginta septem cum ingenti approbatione hominum in senatum lectis, extemplo se magistratu abdicavit, privatusque de Rostris descendit, lictoribus abire iussis: turbaeque se inmiscuit privatas agentium res, tempus hoc sedulo terens, ne deducendi sui causa populum de foro abduceret. Neque tamen elanguit cura hominum

num ea mora, frequentesque eum domum deduxerunt. Consul nocte insequenti ad exercitum rediit, non facto certiore senatu, ne comitiorum causa in Vrbe retineretur.

XXIV. Postero die consultus a M. Pomponio praetore senatus decrevit, dictatori scribendum, uti, si e re publica censeret esse, ad consules subrogandos veniret cum magistro equitum et praetore M. Marcello, ut ex iis praesentibus noscere Patres possent, quo statu res publica esset, consiliaque ex rebus caperent. Qui aditi erant, omnes venerunt, relictis legatis, qui legionibus praeessent. Dictator, de se pauca ac modice loquutus, in magistrum equitum, Ti. Sempronium Gracchum, magnam partem gloriae vertit; comitiaque edixit, quibus L. Postumius tertium absens, qui tum Galliam provinciam obtinebat; et Ti. Sempronius Gracchus, qui tum magister equitum et aedilis curulis erat, consules crearentur. Praetores inde creati, M. Valerius Laevinus, Ap. Claudius Pulcher, Q. Fulvius Flaccus, Q. Mucius Scaevola. Dictator, creatis magistratibus, Teanum in hiberna ad exercitum rediit, relicto magistro equitum Romae, qui, quum post paucos dies magistratum initurus esset, de exercitibus scribendis comparandisque in annum Patres consuleret. Quum eae res maxime agerentur, nova clades nuntiata, aliam super aliam cumulante in eum annum fortuna; L. Postumium, consulem designatum, in Gallia ipsum atque exercitum deletos. Silva erat vasta, (Litanam Galli vocabant) qua exercitum traducturus erat. Ejus silvae dextra laevaque circa viam Galli arbores ita inciderant, ut inmotae starent, momento levi impulsae obciderent. Legiones duas Romanas habebat Postumius, fo-

ciumque ab supero mari tantum conscripserat, ut viginti quinque millia armatorum in agris hostium induxerit, Galli oram extremae silvae quum circumfledissent, ubi intravit agmen saltum, tum extremas arborum subcisarum impellunt, quae, alia in aliam, instabilem per se ac male haerentem, incidentes, ancipiti strage arma, viros, equos obruerunt, ut vix decem homines effugerent. Nam quum exanimati plerique essent arborum truncis fragmentisque ramorum, ceteram quoque multitudinem, inopinato malo trepidam, Galli, saltum omnem armati circumfledentes, interfecerunt; paucis e tanto numero captis, qui, fluminis pontem petentes, obsessi ante ab hostibus ponte interclusi sunt. Ibi Postumius, omni vi, ne caperetur, dimicans, obcubuit. Spolia corporis caputque ducis praecisum Bojovantes templo, quod sanctissimum est apud eos, intulere: purgato inde capite, ut mos iis est, calvam auro caelavere. Idque sacrum vas iis erat, quo sollempnibus libarent; poculumque idem sacerdoti esse ac templi antistitibus. Praeda quoque haud minor Gallis, quam victoria, fuit. Nam etsi magna pars animalium strage silvae obpressa erat, tamen ceterae res, quia nihil dissipatum fuga est, stratae per omnem jacentis agminis ordinem inventae sunt.

XXV. Hac nuntiata clade, quum per dies multos in tanto pavore fuisset civitas, ut, tabernis clausis, velut nocturna solitudine per urbem acta, senatus aedilibus negotium daret, ut urbem circumirent, apeririue tabernas et moestitiae publicae speciem urbi demijuberent; tum Ti. Sempronius senatum habuit, consolatusque Patres est et adhortatus, *ne, qui Cannensi ruinae non subcubuissent, ad minores calamita-*

mitates animos submitterent. Quod ad Carthaginenses hostes Hannibalemque adinet, prospera modo essent, sicut speraret futura, Gallicum bellum et omitti tuto et differri posse; ultionemque eam fraudis in Deorum ac populi Romani potestate fore. De hoste Poeno exercitibusque, per quos id bellum gereretur, consultandum atque agendum. Ipse primum, quid peditum equitumque, quid civium, quid sociorum in exercitu esset dictatoris, disersuit. Tum Marcellus suarum copiarum summam exposuit. Quid in Apulia cum C. Terentio consule esset, a peritis quaesitum est: nec, unde consulares exercitus satis firmi ad tantum bellum efficerentur, injbatur ratio. Itaque Galliam, quamquam stimulabat iusta ira, omitti eo anno placuit. Exercitus dictatoris consuli decretus est. De exercitu Marcelli, qui eorum ex fuga Cannensi essent, in Siciliam eos traduci, atque ibi militare, donec in Italia bellum esset, placuit: eodem ex dictatoris legionibus rejici militem minimi quemque roboris, nullo praesstituto militiae tempore, nisi qui stipendiorum legitimorum esset. Duae legiones urbanae alteri consuli, qui in locum L. Postumii subfectus esset, decretae sunt: eumque, quum primum salvis auspiciis posset, creari placuit. Legiones praeterea duas primo quoque tempore ex Sicilia adiri: atque inde consul, cui legiones urbanae evenissent, militum sumeret quantum opus esset. C. Terentio consuli propogari in annum imperium: neque de eo exercitu, quem ad praesidium Apuliae haberet, quidquam minui.

XXVI. Dum haec in Italia geruntur adparantorque, nihilo segnus in Hispania bellum erat: sed ad eam diem magis prosperum Romanis. P. et Cn. Scipionibus inter se par-

tilis copias, ut Cnaeus terra, Publius navibus rem gereret; Hasdrubal Poenorum imperator: neutri parti virium satis fidens, procul ab hoste, intervallo ac locis tutus, tenebat se, quoad multum ac diu obtestanti quatuor milia peditum et quingenti equites in subplementum missi ex Africa sunt: Tum, reflecta tandem spe, castra propius hostem movit: classemque et ipse instrui pararique jubet ad insulas maritimamque oram tutandam. In ipso impetu movendarum de integro rerum percussit eum praefectorum navium transitio, qui, post classem ad Iberum per pavorem desertam graviter increpiti, numquam deinde satis fidi aut duci aut Carthaginensium rebus fuerant. Fecerant hi transfugae motum in Carpesiorum gente, desciverantque iis auctoribus urbes aliquot: una etiam ab ipsis vi capta fuerat. In eam gentem versum ab Romanis bellum est; infestoque exercitu Hasdrubal ingressus agrum hostium, pro captae ante dies paucos urbis moenibus, Chalbum, nobilem Carpesiorum ducem, cum valido exercitu castris sese tenentem, adgredi statuit. Praemissa igitur levi armatura, quae eliceret hostes ad certamen, peditum partem ad depopulandum per agros passim dimisit, ut palantes exciperent. Simul et ad castra tumultus erat, et per agros fugaque et caedes; deinde undique diversis itineribus quum in castra se recepissent, adeo repente decessit animis pavor, ut non ad munimenta modo defendenda satis animorum esset; sed etiam ad lacestrandum hostem proelio. Erumpunt igitur agmine e castris, tripudiantes more suo; repentinaque eorum audacia terrorem hosti, paullo ante ultro lacessenti, incussit. Itaque et ipse Hasdrubal in collem satis arduum, tutum flumine etiam obiecto,

tum

tum copias subducit, et praemissam levem armaturam equitesque palatos eodem recipit: nec aut colli aut flumini satis fidens; vallo castra permunit. In hoc alterno pavore certamina aliquot sunt contracta: nec Numida Hispano eques par fuit; nec jaculator Maurus caetrato, velocitate pari, robore animi viriumque aliquantum praestanti.

XXVII. Postquam neque elicere Poenum ad certamen obversati castris poterant, neque castrorum obpugnatio facilis erat; urbem Ascuam, quo, fines hostium ingrediens, Hasdrubal frumentum commeatusque alios convexerat, vi capiunt, omnique circa agro potiuntur. Nec jam, aut in agmine, aut in castris, ullo imperio contineri. Quam ubi neglegentiam ex re (ut fit) bene gesta oriri senserat Hasdrubal, cohortatus milites, ut palatos sine signis hostes adgrederentur, degressus colle, pergit ire acie instructa ad castra. Quem ut adesse tumultuose nuntiavere fugientes ex speculis stationibusque, ad arma conclamatum est. Ut quisque arma ceperat, sine imperio, sine signo, incompoti, inordinati in proelium ruunt. Jam primi conseruerant manus, quum alii catervatim currerent, alii nondum e castris exissent. Tamen primo ipsa audacia terruere hostem. Deinde, rari in confertos inlati, quum paucitas parum tuta esset, respicere alii alios, et undique pulsi coire in orbem; et dum corporibus adplicantur, armaque armis jungunt, in arctum compulsi, quum vix movendis armis satis spatii esset, corona hostium cincti, ad multum diei caeduntur. Exigua pars, eruptione facta, silvas ac montes petit: parique terrore et castra sunt deserta, et universa gens postero die in deditionem venit. Nec diu in pacato mansit. Nam subinde

inde ab Cárthagine adlatum est, ut Hasdrubal primo quodque tempore in Italiam exercitum duceret. Quae vulgata res per Hispaniam omnium ferme animos ad Romanos avertit. Itaque Hasdrubal extemplo literas Carthaginem mittit, indicans, quanto fama profectio-
nis suae damno fuisset. *Si vera inde pergeret, prius, quam Iberum transiret, Romanorum Hispaniam fore. Nam, praeterquam quod nec praesidium, nec ducent haberet, quem relinqueret pro se, eos imperatores esse Romanos, quibus vix aequis viribus resisti possit. Itaque si ulla Hispaniae cura esset, subcessorem sibi cum valido exercitu mitterent: cui, ut omnia prospere evenirent, non tamen otiosam provinciam fore.*

XXVIII. Hae literae quamquam primo admodum moverunt senatum; tamen, quia Italiae cura prior potiorque erat, nihil de Hasdrubale neque de copiis ejus mutatum est. Hmílco cum exercitu iusto et aucta classe, ad retinendam terra marique ac tuendam Hispaniam, est missus; qui, ut pedestres navalesque copias trajecit, castris communitis navibusque subductis et vallo circumdatis, cum equitibus delectis ipse, quantum maxime accelerare poterat, per dubios infestosque populos juxta intentus ad Hasdrubalem pervenit. Quum decreta senatus mandataque exposuisset, atque edidicisset ipse in vicem, quemadmodum tractandum bellum in Hispania foret, retro in sua castra rediit; nulla re, quam celeritate, tutior, quod undique abierat ante quam consentirent. Hasdrubal prius, quam moveret castra, pecunias imperat populis omnibus suae ditionis, satis gnarus, Hannibalem transitus quosdam pretio mercatum: nec auxilia Gallica aliter, quam conducta, habuisse; inopem, tantum
iter

iter ingressum, vix penetraturum ad Alpes fuisse. Pecuniis igitur raptim exactis, ad Iberum descendit. Decreta Carthaginensium et Hasdrubalis iter ubi ad Romanos sunt perlata; omnibus omisis rebus, ambo duces, junctis copiis, ire obviam coeptis atque oblitere parant; rati, si Hannibali, vix per se ipsi tolerando Italiae hosti, Hasdrubal dux atque Hispaniensis exercitus esset junctus, illum Romani finem imperii fore. His anxii curis ad Iberum contrahunt copias; et, transito amne, quum diu consultassent, utrum castra castris conferrent, an satis haberent, sociis Carthaginensium obpugnandis, morari ab itinere proposito hostem, urbem a propinquo flumine Iberam adpellatam, opulentissimam ea tempestate regionis ejus, obpugnare parant. Quod ubi sensit Hasdrubal, pro ope ferenda sociis, pergit ipse ire ad urbem, deditam nuper in fidem Romanorum, obpugnandam. Ita jam coepta obsidio omissa ab Romanis est, et in ipsum Hasdrubalem versum bellum.

XXIX. Quinque millium intervallo castra distantia habuere paucos dies; nec sine levibus proeliis, nec ut in aciem exirent. Tandem uno eodemque die velut ex composito utrimque signum pugnae propositum est, atque omnibus copiis in campum descensum. Triplex stetit Romana acies. Velitum pars inter antesignanos locata, pars post signa adcepta, equites cornua ciuxere. Hasdrubal mediam aciem Hispanis firmat; in cornibus, dextro Poenos locat, laevo Afros mercenariorumque auxilia: equitum Numidas Poenorum peditibus, ceteros Afris pro cornibus adponit. Nec omnes Numidae in dextro locati cornu, sed quibus, desultorum in modum, binos trahentibus equos inter acerrimam saepe pugnam in recentem equum

equum ex fesso armatis transultare mos erat: tanta velocitas ipsis, tamque docile equorum genus est. Quum hoc modo instructi starent, imperatorum utriusque partis haud ferme dispares spes erant. Nam ne multum quidem aut numero, aut genere militum, hi aut illi praestabant. Militibus longe dispar animus erat. Romanis enim, quamquam procul a patria pugnarent, facile persuaserant duces, pro Italia atque urbe Romana eos pugnare. Itaque, velut quibus reditus in patriam eo discrimine pugnae verteretur, obstinaverant animis, vincere aut mori. Minus pertinaces viros habebat altera acies. Nam maxima pars Hispani erant, qui vinci in Hispania, quam victores in Italiam trahi, malebant. Primo igitur concursu, quum vix pila coniecta essent, retulit pedem media acies, inferentibusque sese magno impetu Romanis terga vertit. Nihilo segnius in cornibus proelium fuit. Hinc Poenus, hinc Afer urguet: et velut in circumventos proelio ancipiti pugnant. Sed quum in medium tota jam coisset Romana acies, satis virium ad dimovenda hostium cornua habuit. Itaque duo diversa proelia erant. Vtroque Romani, ut qui, pulsas tandem mediis, et numero et robore virorum praestarent, haud dubie superarunt. Magna vis hominum ibi occisa; et, nisi Hispani vixdum conferto proelio tam effuse fugissent, perpauci ex tota superfuissent acie. Equestris pugna nulla admodum fuit; quia, simul inclinatam mediam aciem Mauri Numidaeque viderunt, exemplo fuga effusa nuda cornua, elephantis quoque prae se actis, deseruere. Et Hasdrubal, usque ad ultimum eventum pugnae moratus, e media caede cum paucis effugit. Castra Romani cepere atque diripere. Ea pugna, si
qua

qua dubia in Hispania erant, Romanis adiunxit: Hasdrubalique non modo in Italiam traducendi exercitus, sed ne manendi quidem satis tuto in Hispania, spem reliquit. Quae postquam literis Scipionum Romae vulgatae sunt; non tam victoria, quam prohibito Hasdrubalis in Italiam transitu, laetabantur.

XXX. Dum haec in Hispania geruntur, Petelia in Brutiis, aliquot post mensibus, quam coepta obpugnari erat, ab Himilcone, praefecto Hannibalis, expugnata est. Multo sanguine ac vulneribus ea Poenis victoria stetit: nec ulla magis vis obsessos, quam fames, expugnavit. Absumtis enim frugum alimentis carnisque omnis generis quadrupedum; sutrinae postremo coriis herbisque et radicibus et corticibus teneris strictisque rubis vivere; nec, antequam vires ad standum in muris ferendaeque arma deerant, expugnati sunt. Recepta Petelia, Poenus ad Consentiam copias traducit; quam, minus pertinaciter defensam, intra paucos dies in deditionem adcepit. Iisdem ferme diebus et Bruttiorum exercitus Crotonem, Graecam urbem, circumsedit, opulentam quondam armis virisque, tum jam adeo multis magnisque cladibus afflictam, ut omnis aetatis minus viginti millia civium superessent. Itaque urbe a defensoribus vasta facile potiti sunt hostes: arx tantum retenta, in quam inter tumultum captae urbis e media caede quidam effugere. Et Locrenses descivere ad Bruttios Poenosque, prodita multitudine a principibus. Rhegini tantummodo regionis ejus et in fide erga Romanos, et potestatis suae ad ultimum manserunt. In Siciliam quoque eadem inclinatio animorum pervenit: et ne domus quidem Hieronis tota ab defectione abstinuit. Namque Gelo maximus
fir-

stirpis, contempta simul senectute patris, simul post Cannensem cladem Romana societate, ad Poenos defecit: movissetque in Sicilia res, nisi mors adeo obportuna, ut patrem quoque suspicione adspiceret, armautem eum multitudinem sollicitantemque socios absumisset. Haec eo anno in Italia, in Africa, in Sicilia, in Hispania vario eventu acta. Exitu anni Q. Fabius Maximus a senatu postulavit, ut aedem Veneris Erycinae, quam dictator vovisset, dedicare liceret. Senatus decrevit, ut Ti. Sempronius consul designatus, quum honorem inisset, ad populum ferret, ut Q. Fabium duumvirum esse juberent aedis dedicandae causa. Et M. Aemilio Lepido, qui bis consul augurque fuerat, filii tres, Lucius, Marcus, Quintus, ludos funebres per triduum et gladiatorum paria duo et viginti per triduum in foro dederunt. Aediles curules, C. Laetorius et Ti. Sempronius Gracchus, consul designatus, qui in aedilitate magister equitum fuerat, ludos Romanos fecerunt, qui per triduum instaurati sunt. Plebeji ludi aedilium M. Aurelii Cottae et M. Claudii Marcelli ter instaurati. Circumacto tertio anno Punici belli, Ti. Sempronius consul Idibus Martiis magistratum inivit. Praetores Q. Fulvius Flaccus, qui ante bis consul censorque fuerat, urbanam; M. Valerius Laevinus peregrinam sortem in juris dictione habuit. Ap. Claudius Pulcher Siciliam, Q. Mucius Scaevola Sardiniam fortiti sunt. M. Marcello pro consule imperium esse populus iussit, quod post Cannensem cladem unus Romanorum imperatorum in Italia prospere rem gessisset.

XXXI. Senatus, quo die primum est in Capitolio consultus, decrevit, ut, quo eo anno duplex tributum imperaretur, simplex con-

festum

festum exigeretur, ex quo stipendium praesens omnibus militibus daretur, praeterquam qui milites ad Cannas fuissent. De exercitibus ita decreverunt, ut duabus legionibus urbanis Ti. Sempronius consul Cales ad conveniendum diem ediceret: inde ut legiones in castra Claudiana supra Suessulam deducerentur. Quae ibi legiones essent, (erant autem Cannensis maxime exercitus) eas Ap. Claudius Pulcher praetor in Siciliam trajiceret; quaeque in Sicilia essent, Romam deportarentur. Ad exercitum, cui ad conveniendum Cales edicta dies erat, M. Claudius Marcellus missus; isque iussus in castra Claudiana deducere urbanas legiones. Ad veterem exercitum adcipiendum deducendumque inde in Siciliam T. Metilius Croto legatus ab Ap. Claudio est missus. Taciti primo expectaverant homines, uti consul comitia conlegae creando haberet. Deinde, ubi ablegatum, velut de industria, M. Marcellum viderunt, quem maxime consulem in eum annum ob egregie in praetura res gestas creari volebant, fremitus in curia est ortus. Quod ubi sensit consul, *Vtrumque*, inquit, *e re publica fuit, Patres conscripti, et M. Claudium ad permutandos exercitus in Campaniam proficisci, et comitia non prius edici, quam is inde, confecto, quod mandatum est, negotio, revertisset; ut vos consulem, quem tempus rei publicae postularet, quem maxime vultis, haberetis.* Ita de comitiis, donec rediit Marcellus, silentium fuit. Interea duumviri creati sunt Q. Fabius Maximus et T. Otacilius Crassus, aedibus dedicandis, Menti Otacilius, Fabius Veneri Erycinae. Vtraque in Capitolio est, canali uno discretae. Et de trecentis equitibus Campanis, qui, in Sicilia cum fide stipendiis emeritis, Romam venerant, dein latum ad

ad populum, ut cives Romani essent; item uti municipes Cumani essent, pridie quam populus Campanus a populo Romano defecisset. Maxime, ut hoc ferretur, moverat, quod, quorum hominum essent, scire se ipsi negabant; vetere patria relicta, in eam, in quam redierant, nondum adsciti. Postquam Marcellus ab exercitu rediit, comitia uni consuli rogando in locum L. Postumii edicuntur. Creatur ingenti consensu Marcellus, qui ex templo magistratum obciperet. Cui ineunti consulatum quum tonuisset, vocati augures vitio creatum videri pronuntiaverunt; vulgoque Patres ita fama ferebant, quod tum primum duo plebeji consules facti essent, id Deis cordi non esse. In locum Marcelli, ubi is se magistratu abdicavit, subfectus Fabius Maximus tertium. Mare arsit eo anno: ad Sinuessam bos equuleum peperit: signa Lanuvii ad Junonis Sospitae cruore manavere, lapidibusque circa id templum pluit. Ob quem imbrem novemdiale, ut adsolet, sacrum fuit: ceteraque prodigia cum cura expiata.

XXXII. Consules exercitus inter sese diviserunt. Fabio exercitus, cui M. Junius dictator praefuerat, evenit; Sempronio volones qui fierent et sociorum viginti quinque millia; M. Valerio praetori legiones, quae ex Sicilia redissent, decretae; M. Claudius proconsul ad eum exercitum, qui supra Sueffulam Nolae praesideret, missus. Praetores in Siciliam ac Sardiniam profecti. Consules edixerunt, quoties in senatum vocassent, uti senatores, quibusque in senatu dicere sententiam liceret, ad portam Capenam convenirent. Praetores, quorum juris dictio erat, tribunalia ad Piscinam publicam posuerunt. Eo vadimonia fieri jusserunt; ibique eo anno jus dictum

etiam est. Interim Carthaginem, unde Mago frater Hannibalis duodecim millia peditum et mille quingentos equites, viginti elephantos, mille argenti talenta in Italiam transmissurus erat cum praesidio sexaginta navium longarum, nuntius adfertur, in Hispania rem male gestam, omnesque ferme ejus provinciae populos ad Romanos defecisse. Erant, qui Magonem cum classe ea copiisque, omissa Italia, in Hispaniam averterent; quum Sardiniae recipiendae repentina spes adfulsit. *Parvum ibi exercitum Romanum esse: veterem praetorem inde, A. Cornelium, provinciae peritum, decedere, novum expectari. Ad hoc, fessos jam animos Sardorum esse diuturnitate imperii: et proximo iis anno acerbe atque avari imperatum. Gravi tributo et conlatione iniqua frumenti pressos. Nihil deesse aliud, quam auctorem, ad quem deficerent.* Haec clandestina legatio per principes missa erat; maxime eam rem moliente Hamplicora, qui tum auctoritate atque opibus longe primus erat. His nuntiis prope uno tempore turbati erectique Magonem cum classe sua copiisque in Hispaniam mittunt. In Sardiniam Hasdrubalem deligunt ducem: et tantum ferme copiarum, quantum Magoni, decernunt. Et Romae consules, transactis rebus, quae in urbe agendaerant, movebant jam sese ad bellum. Ti. Sempronius militibus Sinuessam diem ad conveniendum edixit; et Q. Fabius, consulto prius senatu, ut frumenta omnes ex agris, ante Kalendas Junias primas, in urbes munitas conveherent. *Qui non invexisset; ejus se agrum populaturum, serpos sub hasta venditurum, villas incensurum.* Ne praetoribus quidem, qui ad jus dicendum creati erant, vacatio ab belli administratione data est. Valerium praetorem in Apuliam ire placuit,
ad

ad exercitum a Terentio adcipiendum: quum ex Sicilia legiones venissent, iis potissimum uti ad regionis ejus praesidium: Terentianum mitti cum aliquo legatorum. Et viginti quinque naves M. Valerio datae sunt, quibus oram maritimam inter Brundisium ac Tarentum tutari posset. Par navium numerus Q. Fulvio praetori urbano decretus ad suburbana litora tutanda. C. Terentio proconsuli negotium datum, ut in Piceno agro conquestionem militum haberet, locisque iis praesidio esset. Et T. Otacilius Crassus, postquam aedem Mentis in Capitolio dedicavit, in Siciliam cum imperio, qui classi praeesset, missus.

XXXIII. In hanc dimicationem duorum opulentissimorum in terris populorum omnes reges gentesque animos intenderant. Inter quos Philippus Macedonum rex, eo magis, quod propior Italiae ac mari tantum, Ionio discretus erat. Is ubi primum famam adcepit, Hannibalem Alpes transgressum, ut bello inter Romanos Poenumque orto laetatus erat, ita, utrius populi mallet victoriam esse, incertis adhuc viribus, fluctuatus animo fuerat. Postquam tertia jam pugna, tertia victoria cum Poenis erat, ad fortunam inclinavit, legatosque ad Hannibalem misit: qui, vitantes portus Brundisium Tarentinumque, quia custodiis navium Romanarum tenebantur, ad Laciniae Junonis templum in terram egressi sunt. Inde per Apuliam petentes Capuam, media in praesidia Romana inlati sunt; deductique ad M. Valerium Laevinum praetorem, circa Luceriam castra habentem. Ibi intrepide Xenophanes legationis princeps, a Philippo rege se missum, ait, ad amicitiam societatemque jungendam cum populo Romano; mandata habere ad consules ac senatum populumque Romanum.

manum. Praetor, inter defectiones veterum sociorum nova societate tam clari regis laetus admodum; hostes pro hospitibus comiter accepit. Dat, qui prosequantur, itinera cum cura demonstrent, quae loca quosque saltus aut Romanus aut hostes teneant. Xenophanes per praesidia Romana in Campaniam, inde, qua proximum fuit, in castra Hannibalis pervenit, foedusque cum eo atque amicitiam junxit legibus his: ut *Philippus rex quam maxima classe (ducentas autem naves videbatur effecturus) in Italiam trajiceret, et vastaret maritimam oram: bellum pro parte sua terra marique gereret. Vbi debellatum esset, Italia omnis cum ipsa urbe Roma Carthaginensium atque Hannibalis esset, praedaeque omnis Hannibali cederet. Perdomita Italia, navigarent in Graeciam, bellumque, cum quibus regibus placeret, gererent. Quae civitates continentis, quae insulae ad Macedoniam vergunt, eae Philippi regni que ejus essent.*

XXXIV. In has ferme leges inter Poenum ducem legatosque Macedonum ictum foedus, missique cum iis ad regis ipsius firmandam fidem legati, Gisgo et Bostar et Mago, eodem ad Junonis Lacinae, ubi navis obculta in statione erat, perveniunt: inde profecti, quum jam altum tenerent, conspecti a classe Romana sunt, quae praesidio erat Calabriae litoribus. P. Valerius Flaccus cercuros ad persequendam retrahendamque navem quum misisset, primo fugere regii conati: deinde, ubi celeritate vinci senserunt, tradunt se Romanis, et ad praefectum classis adducti: quum quaereret, *qui, et unde, et quo tenderent cursum?* Xenophanes primo, satis jam semel felix, mendacium struere, *a Philippo se ad Romanos missum, ad M. Valerium, ad quem unum*

iter tutum fuerit, pervenisse. Campaniam superare nequisse, septem hostium praestatis. Deinde ut Punicus cultus habitusque suspectos legatos fecit Hannibalis, interrogatosque sermo prodidit; tum, comitibus eorum seductis ac metu territis, literae quoque ab Hannibale ad Philippum inventae et pacta inter regem Macedonum Poenumque ducem. Quibus satis cognitis, optimum visum est, captivos comitesque eorum Romam ad senatum, aut ad consules, ubicumque essent, quam primum deportare. Ad id eclerrimae quinque naves selectae, ac L. Valerius Antias, qui praeeset, missus: eique mandatum, ut in omnes naves legatos separatim custodiendos divideret, daretque operam, ne quod iis conloquium inter se, neve quae communicatio consilii esset. Per idem tempus Romae quum A. Cornelius Mammula; ex Sardinia provincia decedens, retulisset, qui status rerum in insula esset, bellum ac defectionem omnes spectare; Q. Mucium, qui subcessisset sibi, gravitate coeli aquarumque advenientem exceptum, non tam in periculosum, quam longum, morbum implicatum, diu ad belli vim sustinendam inutilem fore, exercitumque ibi ut satis firmum pacatae provinciae praesidio esse, ita parum bello, quod motum iri videretur: decreverunt Patres, ut Q. Fulvius Flaccus quinque millia peditum, quadringentos equites scriberet, eamque legionem primo quoque tempore in Sardiniam trajiciendam curaret, mitteretque cum imperio, quem ipsi videretur, qui rem gereret, quoad Mucius convalesceret. Ad eam rem missus est T. Manlius Torquatus, qui bis consul cenforque fuerat, subegeratque in consulatione Sardos. Sub idem fere tempus et a Carthagine in Sardiniam classis missa, duce Hadr-

drubale, cui Calvo cognomen erat, foeda tempestate vexata, ad Baliares insulas dejicitur: ibique (adeo non armamenta modo, sed etiam alvei navium quassati erant) subductae naves dum reficiuntur, aliquantum temporis triverunt.

XXXV. In Italia quum post Cannensem pugnam, fractis partis alterius viribus, alterius mollitis animis, segnius bellum esset: Campani per se adorti sunt rem Cumanam suae ditionis facere; primo sollicitantes, ut ab Romanis deficerent. Vbi id parum processit, dolum ad capiendos eos comparant. Campanis omnibus statum sacrificium ad Hammas. Eo senatum Campanum venturum certiores Cumanos fecerunt: petieruntque, ut et Cumanus eo senatus veniret ad consultandum communiter, ut eosdem uterque populus socios hostesque haberet: praesidium ibi armatum sese habituros, ne quid ab Romano Poenove periculi esset. Cumani (quamquam suspecta fraus erat) nihil abnuere; ita tegi fallax consilium posse rati. Interim Ti. Sempronius consul Romanus Sinuessae, quo ad conveniendum diem edixerat, exercitu lustrato, transgressus Vulturum flumen, circa Linternum castra posuit. Ibi, quia otiosa stativa erant, crebro decurrere milites cogebat, ut tirones (ea maxima pars volonum erat) adsuescerent signa sequi, et in acie adnoscere ordines suos. Inter quae maxima inerat cura duci, itaque legatis tribunisque praeceperat, *ne qua exprobratio cuiquam veteris fortunae discordiam inter ordines sereret: vetus miles tironi, liber voloni sese exaequari sineret: omnes satis honestos generososque ducerent, quibus arma sua signaque populus Romanus commisisset. Quae fortuna coegisset ita fieri, eandem cogere tueri factum.*

Ea non majore cura praecepta ab ducibus sunt, quam a militibus observata; brevique tanta concordia coaluerant omnium animi; ut prope in oblivionem veniret, qua ex conditione quisque esset miles factus. Haec agenti Graccho legati Cumani nuntiarunt, quae a Campanis legatio paucos ante dies venisset, et quid iis ipsi respondissent, triduum post eum diem festum esse: non senatum solum omnem ibi faturum, sed castra etiam et exercitum Campanum. Gracchus, iussis Cumanis omnia ex agris in urbem convehere, et manere intra muros, ipse pridie, quam statum sacrificium Campanis esset, Cumas movet castra. Hamae inde tria millia passuum absunt. Jam Campani eo frequentes ex composito convenerant, nec procul inde in obscuro Marius Alfius Medixtutius (summus magistratus erat Campanis) cum quatuordecim millibus armatorum habebat castra, sacrificio adparando et inter id instruendae fraudi aliquanto intentior, quam munientis castris, aut ulli militari operi. Triduum sacrificatum ad Hamas. Nocturnum erat sacrum, ita ut ante mediam noctem compleretur. Hunc Gracchus insidiandum tempori ratus, custodibus ad portas positis, ne quis enuntiare posset coepta, et ab decima diei hora coactis militibus corpora curare somnoque operam dare, ut primis tenebris convenire ad signum possent, vigilia ferme prima tolli iussit signa; silentique profectus agmine, quum ad Hamas media nocte pervenisset, castra Campana, ut in pervigilio neglecta, simul omnibus portis invadit: alios somno stratos, alios perpetrato sacro inermes redeuntes obtruncat. Hominum eo tumultu nocturno caesa plus duo milia, cum ipso duce Mario Alfio. Capta sunt signa militaria quatuor et triginta.

XXXVI.

XXXVI. Gracchus, minus centum militum jactura castris hostium potitus, Cumas se propere recepit, ab Hannibale metuens, qui super Capuam in Tifatis habebat castra. Nec eum provida futuri fefellit opinio. Nam simul Capuam ea clades est nuntiata, ratus Hannibal, ab re bene gesta insolenter laetum exercitum, tironum magna ex parte servorumque, spoliis victos praedasque agentem ad Hamas se inventurum; citatum agmen praeter Capuam rapit, obviosque ex fuga Campanorum dato praesidio Capuam duci, faucios vehiculis portari jubet. Ipse Hamis vacua ab hostibus castra, nec quidquam praeter recentis vestigia caedis strataque passim corpora sociorum invenit. Auctores erant quidam, ut protinus inde Cumas duceret, urbemque obpugnaret. Id quamquam haud modice Hannibal cupiebat, ut, quia Neapolim non potuerat, Cumas saltem, maritimam urbem, haberet; tamen, quia praeter arma nihil secum miles, raptim acto agmine, extulerat, retro in castra supra Tifata se recepit. Inde, fatigatus Campanorum precibus, sequenti die cum omni adparatu obpugnandae urbis Cumas redit: perpopulatoque agro Cumano, mille passus ab urbe castra locat; quum Gracchus magis verecundia in tali necessitate deferendi socios, inplorantes fidem suam populiue Romani, substitisset, quam satis fidens exercitui. Nec alter consul Fabius, qui ad Cales castra habebat, Vulturum flumen traducere audebat exercitum; occupatus primo auspiciis repetendis, dein prodigiis, quae alia super alia nuntiabantur, expiantique ea haud facile litari haruspices respondebant.

XXXVII. Hae causae quum Fabium tenerent, Sempronius in obsidione erat; et jam

operibus obpugnabatur. Adversus ligneam ingentem, admotam urbi, aliam turrem ex ipso muro excitavit consul Romanus, aliquanto altiore: quia muro satis per se alto subjectis validis sublicis pro solo usus erat. Inde primum saxis sudibusque et ceteris missilibus propugnatores moenia atque urbem tuebantur: postremo, ubi promovendo adjunctam muro viderunt turrem, facibus ardentibus plurimum simul ignem conjecerunt. Quo incendio trepida armatorum multitudo quum de turre sese praecipitaret, eruptio ex oppido simul duabus portis stationes hostium fudit fugavitque in castra; ut eo die obfesso, quam obsidenti, similior esset Poenus. Ad mille trecenti Carthaginensium caesi, et undesexaginta vivi capti; qui, circa muros et in stationibus solute ac neglegenter agentes, quum nihil minus, quam eruptionem, timuissent, ex improvviso obpressi fuerant. Gracchus prius, quam se hostes ab repentino pavore conligerent, receptui signum dedit, ac suos intra muros recepit. Postero die Hannibal, laetum secunda re consulem iusto proelio ratus certaturum, aciem inter castra atque urbem instruxit. Ceterum postquam neminem moveri ab solita custodia urbis vidit, nec committi quidquam temerariae spei, ad Tifata redit infecta re. Quibus diebus Cumae liberae sunt obsidione, iisdem diebus et in Lucanis ad Grumentum Ti. Sempronius, cui Longo cognomen erat, cum Hannone Poeno prospere pugnat. Supra duo millia hostium occidit, et ducentos octoginta milites amisit: signa militaria ad quadraginta unum cepit. Pulsus finibus Lucanis Hanno retro in Brutios sese recepit. Et ex Hirpinis oppida tria, quae a populo Romano defecerant, vi recepta per M. Valerium praetorem, Vercellium, Vescel-

Vescellium; Sicilinum: et auctores defectionis securi percussi. Supra mille captivorum sub hasta venierunt: praeda alia militi concessa, exercitus Luceriam reductus.

XXXVIII. Dum haec in Lucanis atque in Hirpinis geruntur, quinque naves, quae Macedonum atque Poenorum captos legatos Romam portabant, ab supero mari ad inferum circumvectae prope omnem Italiae oram, quum praeter Cumas velis ferrentur, neque, helium an sociorum essent, satis sciretur, Graechus obviam ex classe sua naves misit. Quum percunctando in vicem cognitum esset, consulem Cumis esse, naves Cumas adpullae, captivique ad consulem deducti et literae datae. Consul, literis Philippi atque Hannibalis perlectis, consignata omnia ad senatum itinere terrestri misit: navibus devehî legatos iussit. Quum eodem fere die literae legatique Romam venissent, et, percunctatione facta, dicta cum scriptis congruerent, primo gravis cura Patres incescit, cernentes, quanta vix tolerantibus Punicum bellum Macedonici belli moles instaret. Cui tamen adeo non subcubuerunt, ut extemplo agitaretur, quemadmodum ultro inferendo bello averterent ab Italia hostem. Captivis in vincula condi iussis, comitibusque eorum sub hasta venditis, ad naves viginti quinque, quibus P. Valerius Flaccus praefectus praecerat, viginti paratas alias decernunt. His comparatis deductisque, et additis quinque navibus, quae advexerant captivos legatos, triginta naves ab Ostia Tarentum profectae: iussusque P. Valerius, militibus Varronianis, quibus L. Apustius legatus Tarenti praecerat, in naves inpositis, quinquaginta navium classe, non tueri modo Italiae oram, sed explorare de Macedonico bello.

O 4.

Si

Si congruentia literis legatorumque indicibus Philippi consilia essent, ut M. Valerium praetorem literis certiores faceret: isque, L. Apustio legato exercitui praeposito, Tarentum ad classem profectus, primo quoque tempore in Macedoniam transmitteret: daretque operam, ut Philippum in regno contineret. Pecunia ad classem tuendam bellumque Macedonicum ea decreta est, quae Ap. Claudio in Siciliam missa erat, ut redderetur Hieroni regi: ea per L. Apustium legatum Tarentum est devecta. Simul ab Hierone missa ducenta millia modium tritici et hordei centum.

XXXIX. Dum haec Romani parant aguntque, ad Philippum captiva navis, una ex iis, quae Romam missae erant, ex cursu refugit: inde scitum, legatos cum literis captos. Itaque ignarus de iis, quae cum Hannibale legatis suis convenissent, quaeque legati ejus ad se adlatari fuissent, legationem aliam cum eisdem mandatis mittit. Legati ad Hannibalem missi, Heraclitus, cui Scotino cognomen erat, et Crito Beroeaeus et Sositheus Magnes. Hi prospere tulerunt ac retulerunt mandata. Sed prius se aestas circumegit, quam movere ac moliri quidquam rex posset: tantum navis una capta cum legatis momenti fecit ad dilationem imminentis Romanis belli. Et circa Capuam, transgresso Vulturnum Fabio post expiata tandem prodigia, ambo consules rem gerebant. Compulteriam et Trebulam et Saticulam, urbes, quae ad Poenum defecerant, Fabius vi cepit: praesidiaque in iis Hannibalis Campanique permulti capti. Et Nolae, sicut priore anno, senatus Romanorum, plebs Hannibalis erat: consiliaque obculta de caede principum et proditione urbis inibantur. Quibus ne incipia procederent, inter Capuam castraque

- Han-

Hannibalis, quae in Tifatis erant, traducto exercitu, Fabius super Vesuvium in castris Claudianis confedit; inde M. Marcellum proconsulem cum iis copiis, quas habebat, Nolam in praesidium misit.

XL. Et in Sardinia res per T. Manlium praetorem administrari coeptae, quae omissae erant, postquam Q. Mucius praetor gravi morbo est implicatus. Manlius, navibus longis ad Carales subductis navalibusque sociis armatis, ut terra rem gereret, et a praetore exercitu adcepto, duo et viginti millia peditum, mille et ducentos equites confecit. Cum his equitum peditumque copiis profectus in agrum hostium, haud procul ab Hampicorae castris castra posuit. Hampicora tum forte profectus erat in Pellitos Sardos, ad juventutem armandam, qua copias augeret. Filius ejus, nomine Hiothus, castris praerat: is, adolescentia ferox, temere proelio inito fusus fugatusque. Ad tria millia Sardorum eo proelio caesa, octingenti ferme vivi capti. Alius exercitus primo per agros silvasque fuga palatus; dein, quo ducem fugisse fama erat, ad urbem nomine Cornum, caput ejus regionis, confugit. Debellatumque eo proelio in Sardinia esset, ni classis Punica cum duce Hasdrubale, quae tempestate dejecta ad Baliarenses erat, in tempore ad spem rebellandi advenisset. Manlius post famam adpulsaee Punicae classis, Carales se recepit. Ea occasio Hampicorae data Poeno se jungendi. Hasdrubal, copiis in terram expositis, et classe remissa Carthaginem, duce Hampicora ad sociorum populi Romani agrum populandum profectus, Carales perventurus erat, ni Manlius obvio exercitu abeffusa eum populatione continuisset. Primo castra castris modico intervallo sunt objecta,

deinde procurfationes levique certamina vario eventu inita: postremo descensum in aciem, signisque conlatis, iusto proelio per quatuor horas pugnatum. Diu pugnam ancipitem Poeni, Sardis facile vinci aduētis, fecerunt: postremo et ipsi, quum omnia circa strage ac fuga Sardorum repleta essent, fuī. Ceterum terga dantes, circumducto cornu, quo pepulerat Sardos, inclusit Romanus. Caedes inde magis, quam pugna, fuit. Duodecim millia hostium caesa Sardorum simul Poenorumque, ferme tria millia et septingenti capti, et signa militaria septem et viginti.

XLI. Ante omnia claram et memorabilem pugnam fecit Hasdrubal imperator captus, et Hanno, et Mago, nobiles Carthaginenses: Mago ex gente Barcina, propinqua cognatione Hannibali iunctus; Hanno auctor rebellionis Sardis, bellicae ejus haud dubie concitor. Nec Sardorum duces minus nobilem eam pugnam cladibus suis fecerunt. Nam et filius Hampicorae Hioftus in acie cecidit: et Hampicora, cum paucis equitibus fugiens, ut super adflictas res necem quoque filii audivit, nocte, ne cujus interventus coepta inpediret, mortem sibi conscivit. Ceteris urbs Cornus eadem, quae ante, fugae receptaculum fuit. Quam Manlius, victore exercitu adgressus, intra paucos dies recepit. Deinde aliae quoque civitates, quae ad Hampicoram Poenosque defecerant, obsidibus datis, dediderunt sese. Quibus stipendio frumentoque imperato, pro cujusque aut viribus aut delicto, Carales exercitum reduxit. Ibi navibus longis deductis inpositoque, quem secum advexerat, milite, Romam navigat, Sardiniamque perdomitam nuntiat Patribus: et stipendium quaestoribus, frumentum aedilibus, captivosque Ful-

Fulvio praetori tradidit. Per idem tempus T. Otacilius praetor, quinquaginta navium ab Lilybaeo classe in Africam transvectus depulatusque agrum Carthaginiensem, quum Sardiniam inde peteret, quo fama erat Hasdrubalem a Baliaribus nuper trajecisse, classi Africam repetenti obcurrit, levique certamine in alto commisso, septem inde naves cum sociis navalibus cepit: ceteras metus haud secus, quam tempestas, passim disjecit. Per eosdem forte dies et Bomilcar cum militibus, ad supplementum Carthagine missis, elephantisque et commeatu, Locros adcessit. Quem ut incautum obprimeret Ap. Claudius, per simulationem provinciae circumeundae Messanam raptim exercitu ducto, aestu secundo Locros trajecit. Jam inde Bomilcar ad Hannonem in Bruttios profectus erat, et Locrenses portas Romanis clausurunt. Appius magno conatu nulla re gesta, Messanam repetit. Eadem aestate Marcellus ab Nola, quam praesidio obtinebat, crebras excursions in agrum Hirpinum et Samnites Caudinos fecit: adeoque omnia ferro atque igni vastavit, ut antiquarum cladum Samnio memoriam renovaret.

XLII. Itaque extemplo legati, ad Hannibalem missi simul ex utraque gente, ita Poenum adloquuti sunt: *Hostes populi Romani, Hannibal, fuimus primum per nos ipsi, quoad nostra arma, nostrae vires nos tutari poterant. Postquam iis parum fidebamus, Pyrrho regi nos adiunximus; a quo relictis pacem necessariam adcepimus, fuimusque in ea per annos prope quinquaginta, ad id tempus, quo in Italiam venisti. Tua nos non magis virtus fortunaque, quam unica comitas ac benignitas erga cives nostros, quos captos nobis remisisti, ita conciliavit tibi, ut, te salvo atque incolumi amico,*
non

non modo populum Romanum, sed ne Deos quidem iratos (si dici fas est) timeremus. At, Hercule, non solum incolumi et victore, sed praesente te, quum ploratum prope conjugum ac liberorum nostrorum exaudire, et flagrantia tecta posses conspicerere, ita sunt aliquoties haec aestate devastati, ut M. Marcellus, non Hannibal, vicisse ad Cannas videatur; glorianturque Romani, te, ad unum modo ictum vigentem, velut aculeo emissso, torpere. Per centum prope annos cum populo Romano bellum gessimus, nullo externo adjuti nec duce, nec exercitu: nisi quod per biennium Pyrrhus nostro magis milite suas auxit vires, quam suis viribus vos defendit. Non ego secundis rebus nostris gloriabor, duos consules, ac duas consulares exercitus a vobis sub jugum missos, et si qua alia aut laeta aut gloriosa nobis evenerunt. Quae aspera adversaque tunc adceiderunt, minore indignatione referre possumus, quam quae hodie eveniunt. Magni dictatores cum magistris equitum, bini consules cum binis consularibus exercitibus ingrediebantur fines nostros; ante explorato et subsidiis positis et sub signis ad populandum ducebant. Nunc proprii unius et parvi ad tuendam Nolam praesidii praeda sumus. Jam ne manipulatim quidem, sed latronum modo, percurrant totis finibus nostris negligentius, quam si in Romano vagarentur agro. Causa autem haec est, quod neque tu defendis, et nostra juvenis, quae, si domi esset, tutaretur, omnis sub signis militat tuis. Nec te, nec exercitum tuum norim, nisi, a quo tot Romanas acies fustas stratasque esse sciam, ei facile esse ducam obprimere populos nostros vagos, sine signis, palatos, quo quemque trahit, quemvis vanae praedae spes, Numidarum paucorum illi quidem

dem præda erunt; præsidiumque missum nobis et Nolæ ademeris, si modo, quos, ut socios haberes, dignos duxisti, haud indignos judicas, quos in fidem receptos tueris.

XLIII. Ad ea Hannibal respondit: Omnia simul facere. Hirpinos Samnitesque: et indicare clades suas, et petere præsidium, et queri indefensos se neglectosque. Indicandum autem fuisse primum, dein petendum præsidium; postremo, si impetraretur, tum denique querendum, frustra opem imploratam. Exercitum sese non in agrum Hirpinum Samnitumve, ne et ipse oneri esset, sed in proxima loca sociorum populi Romani adducturum, iis populandis et militem suum repleturum se, et metu procul ab iis submoturum hostes. Quod ad bellum Romanum adtineret, si Trasimeni quam Trebias, si Cannarum quam Trasimeni pugna nobilior esset; Cannarum se quoque memoriam obscuram maiore et clariore victoria facturum. Cum hoc responso muneribusque amplis legatos dimisit. Ipse, præsidio modico relieto in Tifatis, profectus cetero exercitu ire Nolam pergit. Eodem Hanno ex Brutiis, cum subplemento Carthagine advecto atque elephantis, venit. Castris haud procul positis, longe alia omnia inquirenti comperta sunt, quam quae a legatis sociorum audierat. Nihil enim Marcellus ita gerebat, ut aut fortunæ, aut temere hosti commissum dici posset. Explorato cum firmis, que præsidii, tuto receptu, praedatum ierat; omniaque, velut adversus praesentem Hannibalem, cauta provisaeque fuerunt. Tum, ubi sensit hostem adventare, copias intra moenia tenuit: per muros inambulare senatores Nolanos iussit, et omnia circa explorare, quae apud hostes fierent. Ex iis Hanno, quum ad murum subcessisset, Herennium Bassum et Herennium

rium Petrium, ad conloquium evocatos permittitque Marcelli egressos, per interpretem adloquitur. Hannibalis virtutem fortunamque extollit: populi Romani obterit senescentem cum viribus majestatem. *Quae si paria essent, ut quondam fuissent, tamen expertis, quam grave Romanum imperium sociis, quanta indulgentia Hannibalis etiam in captivos omnes Italici nominis fuisset, Punicam Romanae societatem atque amicitiam praeoptandam esse. Si ambo consules cum suis exercitibus ad Nolam essent, tamen non magis pares Hannibali futuros, quam ad Cannas fuissent: nedum praetor unus, cum paucis et novis militibus, Nolam tutari possit. Ipsorum, quam Hannibalis, interesse, capta an tradita Nola potiretur. Potiturum enim, ut Capua Nuceriaque potitus esset: sed, quid inter Capuae Nuceriaeque fortunam interesset, ipsos prope in medio sitos Nolanos scire. Nolle omniari, quae captae urbi cessura forent: sed potius spondere, si Marcellum cum praesidio ac Nolam tradidissent, neminem alium, quam ipsos, legem, qua in societatem amicitiamque Hannibalis venirent, dicturum.*

XLIV. Ad ea Herennius Bassus respondit: *Multos annos jam inter Romanum Nolanumque populum amicitiam esse, cujus neutros ad eam diem poenitere; et sibi si cum fortuna mutanda fides fuerat, sero jam esse mutare eam. Deditur se Hannibali non fuisse arcessendum Romanum praesidium: cum iis, qui ad se tuendos venissent, omnia sibi et esse confociata, et ad ultimum fore. Hoc conloquium abstulit spem Hannibali per prodicionem recipiendae Nola. Itaque oppidum corona circumdedit, ut simul ab omni parte moenia adgrederetur. Quem ut subcessisse muris Marcellus vidit, instru-*

instructa intra portam acie, cum magno tumultu erupit. Aliquot primo impetu perculsi caesique sunt; dein, concursu ad pugnantes facto aequalisque viribus, atrox coepit esse pugna. Memorabilisque inter paucas fuisset, ni ingentibus procellis effusus imber diremisset pugnantes. Eo die commisso modico certamine atque irritatis animis, in urbem Romani, Poeni in castra sese receperunt. Tamen Poenorum prima eruptione perculsi ceciderunt haud plus quam triginta, Romanorum nullus. Imber continens per noctem totam usque ad horam tertiam diei insequentis tenuit. Itaque, quamquam utraque pars avidi certaminis erant, eo die tenuerunt sese tamen munimentis. Tertio die Hannibal partem copiarum praedatum in agrum Nolanum misit. Quod ubi animadvertit Marcellus, extemplo in aciem copias eduxit: neque Hannibal detrectavit. Mille fere passuum inter urbem erant castraque. Eo spatio (et sunt omnia campi circa Nola) concurrerunt. Clamor, ex parte utraque sublatus, proximos ex cohortibus iis, quae in agros praedatum exierant, ad proelium jam commissum revocavit. Et Nolani aciem Romanam auxerunt: quos conlaudatos Marcellus in subsidiis stare, et faucios ex acie efferre iussit; pugna abstinere, ni ab se signum adcepissent.

XLV. Proelium erat anceps: summa vi et duces hortabantur, et milites pugnabant. Marcellus victis ante diem tertium, fugatis ante paucos dies a Cumis, pulsus priore anno ab Nola ab eodem se duce, milite alio, instare iubet. *Non omnes esse in acie: praedantes vagari in agro. Sed, qui pugnent, marcere Campana luxuria, vino et scortis omnibusque lustris per totam hiemem confectos. Abisse illam*

lam vim vigoremque, dilabſa eſſe robora corporum animorumque, quibus Pyrenaei Alpiumque ſuperata ſunt iuga. Reliquias illorum virorum, vix arma membraque ſuſtinentes, pugnare, Capuam Hannibali Cannas fuiſſe. Ibi virtutem bellicam, ibi militarem diſciplinam, ibi praetriti temporis famam, ibi ſpem futuri exſtinctionis. Quum haec exprobrando hoſti Marcellas ſuorum militum animos erigeret, Hannibal multo gravioribus probris increpabat: Arma ſignaue eadem ſe noſcere, quae ad Trebtam Traſimenumque, poſtremo ad Cannas videri habueritque. Militem alium profecto ſe in hiberna Capuam duxiſſe, alium inde eduxiſſe. Legatumne Romanum et legionis unius atque alae magno certamine vix toleratis pugnam, quos binæ acies conſulares numquam ſuſtinuerunt? Marcellus, tirone milite ac Nolanis ſubſidiis, inultus nos jam iterum laceſſit? Vbi ille meus miles eſt, qui erepto ex equo C. Flaminio conſuli caput abſtulit? ubi, qui L. Paullum ad Cannas occidit? Ferrum nunc habet? an dextrae torpent? an quid prodigii eſt aliud? Qui pauci plures vincere ſoliti eſtis, nunc paucis plures vix reſtatis. Romam vos expugnaturus; ſz quis duceret, ſortes lingua, jactabatis. Enim minor eſt res. Hic experiri vim virtutemque volo. Expugnate Nolam, campeſtrem urbem, non flumine, non mari ſeptam. Hinc vos ex tam opulenta urbe praeda ſpöliisque onuſtos vel ducam, quo voletis, vel ſequar.

XLVI. Nec bene, nec male dicta profuerunt ad confirmandos animos. Quum omni parte pellerentur, Romanisque creſcerent animi, non duce ſolum adhortante, ſed Nolanis etiam per clamorem, favoris indicem, adcependentibus ardorem pugnae, terga Poeni dederunt, atque in caſtra compulſi ſunt. Quae obpu-

obpugnare cupientes milites Romanos Marcellus Nolam reduxit, cum magno gaudio et gratulatione etiam plebis, quae ante inclinatio ad Poenos fuerat. Hostium plus quinque millia caesa eo die, vivi capti sexcenti et signa militaria undeviginti et duo elephanti: quatuor in acie occisi. Romanorum minus mille interfecti. Posterum diem induciis tacitis, sepeliendo utrimque caesos in acie, consumserunt. Spolia hostium Marcellus, Vulcani votum, cremavit. Tercio post die (ob iram credo aliquam, aut spem liberalioris militiae) mille ducenti septuaginta duo equites, mixti Numidae Hispanique, ad Marcellum transfugerunt. Eorum forti fidelique opera in eo bello usi sunt saepe Romani. Ager Hispanis in Hispania, Numidis in Africa post bellum, virtutis causa, datus est. Hannibal, ab Nola remisso in Bruttios Hannona, cum quibus venerat copiis, ipse Apuliae hiberna petit, circaque Arpos consedit. Q. Fabius, ut profectum in Apuliam Hannibalem audivit, frumento ab Nola Neapolique in ea castra convecto, quae super Suessulam erant, munimentisque firmatis et praesidio, quod per hiberna ad tutandum locum satis esset, relicto, ipse Capuam propius movit castra, agrumque Campanum ferro ignique est depopulatus: donec coacti sunt Campani, nihil admodum viribus suis fidentes, egredi portis, et castra ante urbem in aperto communire. Sex millia armatorum habebant, peditem iubellem: equitatu plus poterant. Itaque equestribus proeliis lacebant hostem. Inter multos nobiles equites Campanos Cerrinus Jubellius erat, cognomine Taurea. Civis indidem erat, longe omnium Campanorum fortissimus eques; adeo ut, quum apud Romanos militaret, unus eum

T. Liv. P. II.

P

Ro-

Romanus Claudius Asellus gloria equestri aequaret. Hunc Taurea quum diu perlustrans oculis obequitasset hostium turmis, tandem facto silentio, *ubi esset Claudius Asellus?* quaesivit, et, *quoviam verbis secum de virtute ambigere solitus esset, cur non ferro decerneret; daretque opima spolia victus, aut victor caperet?*

XLVII. Haec ubi Afello nuntiata sunt in castra, id modo moratus, ut consulem percunctaretur, liceretne extra ordinem ipse provocantem hostem pugnare? permissu ejus arma extemplo cepit: provectusque ante stationes equo, Tauream nomine compellavit, congregique, ubi vellet, iussit. Jam Romani ad spectaculum pugnae ejus frequentes exierant: et Campani non vallum modo castrorum, sed moenia etiam urbis prospectantes repleverant. Quum jam ante ferocibus dictis rem nobilitassent, infestis hastis concitarunt equos. Dein libero spatio inter se ludificantes, sine vulnere pugnam extrahebant. Tum Campanus Romano, *Equorum*, inquit, *hoc, non equitum, erit certamen, nisi e campo in cavam hanc viam demittimus equos. Ibi nullo ad evagandum spatium capinus conferentur manus.* Dicto prope citius equum in viam Claudius dejecit. Taurea, verbis ferocior, quam re, *Minime, sis*, inquit, *cantherium in fossam.* Quae vox in rusticum inde proverbium prodita. Claudius, quum ea via longe perequitallet, nullo obvio hoste in campum rursus eiectus, increpans ignaviam hostis, cum magno gaudio et gratulatione victor in castra redit. Huic pugnae equestri rem (quam vera sit; communis estimatio est) mirabilem certe, adjiciunt quidam annales: quum, refugientem ad urbem Tauream Claudius sequeretur, patenti hostium

portae invectum, per alteram, stupentibus miraculo hostibus, intactum evasisse.

XLVIII. Quieta inde stativa fuere, ac retro etiam consul movit castra, ut sementem Campani facerent: nec ante violavit agrum Campanum, quam jam altae in segetibus herbae pabulum praebere poterant. Id convexit in Claudiana castra super Suessulam; ibique hiberna aedificavit. M. Claudio proconsuli imperavit, ut, retento Nolae necessario ad tuendam urbem praesidio, ceteros milites dimitteret Romam, ne oneri lociis et sumtui rei publicae essent. Et Ti. Gracchus a Cumis Luceriam in Apuliam legiones quum duxisset, M. Valerium inde praetorem Brundisium, cum eo, quem Luceriae habuerat, exercitu misit, tuerique oram agri Sallentini, et providere, quod ad Philippum bellumque Macedonicum adtineret, iussit. Exitu aestatis ejus, qua haec gesta perscripsimus, literae a P. et Cn. Scipionibus venerunt, quantas quamque prosperas in Hispania res gessissent. Sed pecuniam in stipendium, vestimenta et frumentum exercitui, et lociis navalibus omnia deesse. Quod ad stipendium adtineat, si aerarium inops esset, se aliquam rationem inituros, quo modo ab Hispanis sumant. Cetera utique ab Roma mittenda esse: nec aliter aut exercitum aut provinciam adtineri posse. Eiteris recitatis, nemo omnium erat, quin, et vera scribi, et postulari aequa, fateretur: sed obcurrerat animis, quantos exercitus terrestres navalesque tuerentur, quantaque nova classis mox paranda esset, si bellum Macedonicum moveretur. *Siciliam ac Sardiniam, quae ante bellum vectigales fuissent, vix praesides provinciarum exercitus alere: tributo sumtus subpeditari; cum ipsum tributum conferentium*

tum numerum tantis exercituum stragibus, et ad Trasimenum lacum, et ad Cannas, imminutum; qui superessent pauci, si multiplices gravarentur stipendio, alia perituros peste. Itaque, nisi fide staret res publica, opibus non statuerant. Praedandum in concionem Fulvio praetori esse, indicandas populo publicas necessitates, cohortandosque, qui redempturi auxissent patrimonia, ut rei publicae, ex qua crevissent, ad tempus commodarent; conducereque ea lege praebenda, quae ad exercitum Hispaniensem opus essent, ut, quum pecunia in aerario esset, iis primis solveretur. Haec praetor in concione edixit, quae die vestimenta, frumentum, Hispaniensis exercitui praebenda, quaeque alia opus essent navalibus fociis, esset locaturus.

XLIX. Vbi ea dies venit, ad conducendum tres societates aderant hominum undeviginti, quorum duo postulata fuere: unum, ut militia vacarent, dum in eo publico essent: alterum, ut, quae in naves inposuissent, ab hostium tempestatisque vi publico periculo essent. Vtroque inpetrato, conduxerunt, privataque pecunia res publica administrata est. Hi mores eaque caritas patriae per omnes ordines velut tenore uno pertinebat. Quemadmodum conducti omnia magno animo sunt, sic summa fide praebita, nec secus quam si ex opulento aerario, ut quondam, alerentur. Quum hi comitatus venerunt, Illiturgi oppidum ab Hasdrubale ac Magone et Hannibale, Bomilcaris filio, ob defectionem ad Romanos, obpugnabatur. Inter haec trina castra hostium Scipiones, quum in urbem sociorum magno certamine ac strage obsistentium pervenissent, frumentum, cujus inopia erat, advexerunt: cohortatique oppidanos, ut eodem animo moenia

nia tutarentur, quo pro se pugnantes Romanum exercitum vidissent, ad castra maxima obpugnanda, quibus Hasdrubal praeerat, ducunt. Eodem et duo duces et duo exercitus Carthaginiensium, ibi rem summam agi cernentes, convenerunt. Itaque eruptione e castris pugnatum est. Sexaginta hostium millia eo die in pugna fuerunt, sexdecim circiter Romanis. Tamen adeo haud dubia victoria fuit, ut plures numero, quam ipsi erant, Romani hostium occiderint: ceperint amplius tria millia hominum, paullo minus mille equorum, undesexaginta militaria signa, septem elephantos, quinque in proelio occisis. Trinisque castris eo die potiti sunt. Illiturgi obsidione liberato, ad Intibili obpugnandum Punici exercitus traducti, subpletis copiis ex provincia, ut quae maxime omnium belli avida, modo praeda aut merces esset, et tum juventute abundante. Iterum signis conlatis, eadem fortuna utriusque partis pugnatum. Supra tredecim millia hostium caesa, supra duo capta, cum signis duobus et quadraginta, et novem elephantis. Tum vero omnes prope Hispaniae populi ad Romanos defecerunt: multoque majores ea aestate in Hispania, quam in Italia, res gestae.

T. LIVII PATAVINI

LIBER XXIV.

B R E V I A R I U M.

CAP. I. In Brutiis Rhegium frustra tentatur a Poenis: at Locrenses se iis dedunt. 2. Brutii, illorum socii, per se ipsi Crotonem obpugnant, urbemque a plebe, quae in omnibus fere Italiae civitatibus Poenis favebat, sibi traditam capiunt praeter arcem. 3. Eam, a plebe, a Brutiis et Hannone circumfessam, fortiter tuentur optimates; sed mox et hi cedunt seque Locros traduci patiuntur. Levia proelia inter Sempronium cos. Luceriae et Hannibalem haud procul Arpis hibernantem oriuntur.

4. In Sicilia Romanis omnia mutat mors Hieronis regnumque ad Hieronymum, nepotem ejus et filium Gelonis, translatum; puerum, vixdum libertatem, nedum dominationem, modice laturum. Hujus tutores XV, quorum primi sunt Andranodorus et Zoippus, Hieronis generi, deponunt tutelam, hortante ac cogente Andranodoro, qui regimen rerum omnium adfectat. 5. Hieronymus superbe regnat, more Dionysii tyranni; et ex iis, quibus solis aditus in domum ejus familiarior est, Andranodorus et Zoippus suadent Poenorum, Thraso Romanorum societatem. Hic vero mox ad subplicium traditur, quia Theodotus, reus conjurationis, in regis caput

put factae, eum esse auctorem consilii mentitus erat. 6. Thrasone necato legati ad Hannibalem, et ab eo Hippocrates et Epicydes, fratres oriundi ab Syraeufis, ad regem mittuntur. Hi apud tyrannum manent junguntque societatem; quam foedus cum Poenis Carthagine ictum excipit; legati vero Romanorum per ludibrium audiuntur. 7. Sed Hieronymus paullo post Leontinis obtruncatur a conjuratis. Q. Fabius Max. eos. Puteolos communit et Romam venit comitiorum causa. 8. Ibi concione ad populum habita suadet, ut magna cura creentur consules. 9. Ipse quartum et M. Claudius Marcellus tertium consul dicitur ab omnibus centuriis. 10. Prorogatur imperium omnibus, qui ad exercitus sunt, et novis praetoribus discernuntur provinciae. Multa prodigia nuntiantur procuranturque hostiis majoribus et supplicatione omnibus diis, quorum pulvinaria Romae sunt, indicta. 11. Numerus XVII legionum et classis CL longarum navium expletur, sociique navales parantur in pensis privatorum. 12. Hannibal Capuam firmat praefidiis et cum cetero exercitu ad lacum Averni descendit per speciem sacrificandi, re ipsa ut tentet Puteolos. 13. Hoc oppidum frustra obpugnat, et inde procedit ad obprimendas Nolam Tarentumque, quarum urbium tradendarum legati a plebe missi certam esse spem fecerant. 14. Ad Beneventum Hanno ex Bruttis et Tl. Gracchus ab Luceria adcedit, hic primo oppidum intrat, et volonibus acriter pugnaturis promittit libertatem. 15. 16. Postero die acri pugna hostes vincit, omnesque volones, quae magna exercitus pars est, liberos esse jubet. 17. Marcellus obviam it Hannibali, ad Nolam castra moventi, et reddidisset forte ei cladem ad Cannas adceptam, si C. Claudius

Nero, quem noctu circumvehi agmen hostium cum robore equitum jusserat, proelio adfuisse in tempore. 18. Censura severe exercetur Romae a M. Atilio Regulo et P. Furio Philo, inopiaque aerarii sustinetur liberalitate privatorum. 19. Casilinum ab utroque consule obpugnatur capiturque. 20. In Lucanis aliquot cohortes, a Graccho praedatum missi in agros hostium, ab Hannone ad internecionem caeduntur. Marcellus Nolam redit, et Fabius pater vastat Samnium, filius, qui praetor est, Accum capit, Hannibal autem frustra tentat Tarentum, quam M. Livius tuetur, et inde venit Salapiam; unde praedatum Numidas Maurosque per Sallentinum agrum proximosque Apuliae saltus dimittit.

21. Interim Syracusis Andranodorus Insulam et arcem occupat; Theodotus contra ac Sosius omnes ad libertatem atque arma vocant. 22. Concordia restituitur libera et moderata concione Polyaei, quo auctore legati prius ad Andranodorum mittuntur, qui denuntient, ut in potestate senatus ac populi sit: isque in praesentia tempori cedit. 23. Praetores Syracusis creantur, in primis Andranodorus et interfectores tyranni, duo etiam absentes, Sopater ac Dinomenes. Hippocrates et Epicydes, Syracusas reversi, simulant quidem se redire velle ad Hannibalem, ne suspecti obversentur, tamquam rerum novandarum occasionem quaerentes; sed morantur et crimina serunt in senatum optimatesque. 24. Andranodorus, a Damarata uxore instigatus, adfectat tyrannidem, et rem cum Themisto, cui Harmonia Gelonis filia nupta, consociatam Aristoni cuidam tragico actori incaute aperit. Is iudicium ad praetores defert, qui Andranodorum Themistumque curiam ingressi

gressos interficiunt. 25. Sôpatri praetoris oratione incitata multitudo omnem regiam stirpem deleri jubet. Tum missi a praetoribus Damaram primum et Harmoniam jugulant; 26. deinde Heracleam, Zoippi, qui tum Alexandriae apud Ptolemaeum regem erat, uxorem cum duobus filiabus, quae armatis aliquoties se eripiunt tandemque, vulneribus confectae, exanimis conruunt. Caedibus autem vix perpetratis, animi plebis repente mutantur ad misericordiam iramque, et comitia poscuntur praetoria: 27. quibus in locum Andranodori ac Themisti Epicydes et Hippocrates creantur. Per eosdem dies Marcellus, cui Sicilia provincia decreta, in eam venit, et legatos de pace mittit Syracusas. Appius vero classem O navium ad ostium portus Syracusani, admovet. 28. Apollonides principum unus salutare oratione suadet, ut uno animo omnes Syracusani vel ad Poenos vel ad Romanos inclinent, et cum his potius vetus renovetur foedus, quia extemplo aut pax, aut bellum cum iis habendum. Quae res saepe agitur magnis certaminibus, et postremo pacem cum Romanis fieri placet: 29. Ea mox rumpitur ab Hippocrate, qui cum praesidio Leontinos missus provinciam Rom. infestat: et Marcello de perfidia querente, Epicydes et ipse in Leontinos proficiscitur, eosque abalienat a Syracusanis. 30. Hinc et Marcellus et Syracusani exercitum Leontinos ducunt. Ille primo impetu urbem expugnat; hi Herbessum contendunt, quo Hippocrates atque Epicydes perfugerant. 31. Qui tamen callidi fratres fraude et fictis nuntiis primum agmen in duces, deinde plebem ipsumque senatum Syracus. ascendunt in Romanos. 32. Praetores interficiuntur, et in locum eorum creantur Hippocrates atque Epicydes. 33. Hinc

P 5

Mar.

Mareellus castra ad Syracusas movet, et legatis ejus cum superbo Epicydis responso remissis, terra marique simul urbs obpugnatur. 34. Quae obpugnatio eluditur bellicis tormentis operibusque, ab Archimede inventis. 35. Itaque Marecellus obsidere urbem statuit, et vicina capit oppida, quae ad Poenos desciverant. Per idem vero tempus Himilco ad Heracleam Minoam exercitum 28000 hominum exponit receptoque Agrigento castra circa Acrillas ponit; ubi decem millia Syracusanorum, duce Hippocrate noctu urbe egressa, se ei conjungunt. 36. Mox et Bomilcar cum classe in magnum Syracusarum portum, et legio Romana, Panormi exposita, ad Appium pervenit. Sed Poeni, tutum ad Syracusas et munimento et viribus hostem esse cernentes moraque inutili ab suis inopiam adgravari sociorum, nihil audent, et Bomilcar in Africam redit, Himilco Murgantium proficiscitur. 37. Haec et aliae civitates de proditione praesidiorum Rom. paciscuntur cum Poenis; in iis et Henna, ubi L. Pinarius vir acer praesidio praest. 38. 39. Is caesis Hemmensibus oppidum aut malo aut necessario facinore retinet.

40. Bellum cum Philippo Macedonum rege movetur. M. Valerius praetor Oricum, ab eo expugnatum, recipit; et Q. Naevius Crisus Apolloniam, ab eodem obsessam, liberat, Macedonibus noctu obpressis fugatisque; quo facto rex terra in Macedoniam revertitur.

41. In Hispania Scipiones adversus Magonem et Hasdrubales prospere res gerunt, et Illiturgin Bigerramque solvunt obsidione. 42. Ter vincunt Poenos; Saguntum recipiunt, et Turdetanos redigunt in potestatem.

43. Romae censuribus a L. Metello trib. pl. dies dicitur ad populum, consulesque creantur Ti.

Ti. Sempronius Gracchus II. et Q. Fabius Max. consulis filius. 44. Dividuntur provinciae, et prodigia procarantur. Fabius pater filio legatus ad Sueffulam in castra venit, et ab eo descendere equo jubetur. 45. Eodem clam nocte pervenit Dasius Altinius Arpinus, homo dives et ambiguae fidei, qui Arpos olim ad defectionem a Romanis traxerat, et nunc iisdem se proditurum esse promittit. Ipse ab his Cales in custodiam mittitur: Hannibal autem bona ejus possidet et conjugem liberosque vivos comburi jubet. 46. Fabius Arpos castra movet, urbemque noctu ingreditur, sonitu largioris procellae, strépitu effrangentium portam exaudiri prohibente. 47. Pugna ibi orta Arpini Hispanique milites ad Romanos transferunt signa et inpetrant ab iis, ut sine fraude Punicum emittatur praesidium. Cn. Fulvius in fidem adcipit equites CXII nobiles Campanos, qui in castra ejus super Sueffulam venerant: et Sempronius Tuditanus, alter praetor, Aeternum expugnat. Romae saevit incendium.

48. Scipiones amicitiam jungunt cum Syhace, Massaesylorum in Numidia rege: et ex tribus eorum legatis unus, Q. Statorius centurio, apud regem remanet, ut rudem ad pedestria bella Numidarum gentem rei militaris artes doceat; duo in Hispaniam redeunt cum legatis regis, qui et fidem adcipiunt ab imperatoribus Romanis, et Numidas, magnam praesidiorum Punicorum partem, ad transitionem perliciunt. 49. Carthaginenses contra foedus faciunt cum Gala, Massylorum in parte altera Numidiae rege; cujus filius Masinissa Syphacem magno proelio devincit, et deinde in Maurusiis, ubi magnas ille brevi copias armaverat, ingenti gloria adversus eum gerit bellum. Scipiones Celtiberos (pri-

(primum mercenarium militem, quem Romani habuere) eadem mercede, quam pacti cum Poenis erant, ad se perducunt; et nobilissimos Hispanos supra CCG in Italiam mittunt ad sollicitandos populares, qui inter auxilia Hannibalis sunt.

Vt ex Campania in Bruttios reditum est, Hanno, adiutoribus et ducibus Bruttiis, Graecas urbes tentavit, eo facilius in societate manentes Romana, quod Bruttios, quos et oderant, et metuebant, Carthaginensium partis factos cernebant. Rhegium primum tentatum est, diesque aliquot ibi nequidquam absunt. Interim Locrenses frumentum lignaque et cetera necessaria usibus ex agris in urbem rapere, etiam ne quid relictum praedae hostibus esset: et in dies major omnibus poris multitudo effundi. Postremo ii modo relictii in urbe erant, qui reficere muros ac portas, telaque in propugnacula congerere cogebantur. In permixtam omnium aetatum ordinumque multitudinem, et vagantem in agris magna ex parte inermem, Hamilcar Poenus equites emisit; qui, violare quemquam vetiti, tantum, ut excluderent ab urbe fuga dissipatos, turmas objecere. Dux ipse, loco superiore capto, unde agros urbemque posset conspiciere, Bruttiorum cohortem adire muros atque evocare principes Locrensium ad conloquium iussit, et, pollicentes amicitiam Hannibalis, adhortari ad urbem tradendam. Bruttiis in conloquio nullius rei primo fides est: deinde ut Poenus adparuit in collibus, et refugientes pauci aliam omnem

omnem multitudinem in potestate hostium esse adferebant; tum, metu victi, consulturos se populum responderunt. Advocataque exemplo concione, quum et levissimus quisque novas res novamque societatem mallent, et, quorum propinqui extra urbem interclusi ab hostibus erant, velut obsidibus datis, pigneratos haberent animos, pauci magis taciti probarent constantem fidem, quam probatam tueri auderent; haud dubio in speciem consensu sit ad Poenos deditio. L. Atilio praefecto praesidii, quique cum eo milites Romani erant, clam in portum deductis atque inpositis in naves, ut Rhegium deveharentur, Hamilcarem Poenosque ea conditione, ut foedus extemplo aequis legibus fieret, in urbem adceperunt. Cujus rei prope non servata fides deditis est, quum Poenus dolo dimissum Romanum incautaret; Locrenses profugisse ipsum causarentur. Insequati etiam equites sunt, si quo casu in freto aestus morari, aut deferre naves in terram posset. Et eos quidem, quos sequebantur, non sunt adepti: alias a Messana trajicientes freto Rhegium naves conspexerunt. Milites erant Romani, a Claudio praetore missi ad obtinendam urbem praesidio. Itaque Rhegio extemplo abscessum est. Locrensisbus jussu Hannibalis data pax, ut liberi suis legibus viverent: urbs pateret Poenis, portus in potestatem Locrensiun esset: societas eo jure staret, ut Poenus Locrensem Locrensisque Poenum pace ac bello juvaret.

II. Sic a freto Poeni reducti, frementibus Bruttis, quod Rhegium ac Locres, quas urbes direpturos se destinaverant, intactas reliquissent. Itaque per se ipsi, conscriptis armatisque juventutis suae quindecim millibus, ad Crotonem obpugnandum pergunt ire; Graecam

cam et ipsam urbem, et maritimam: plurimum adcessurum opibus, si in ora maris urbem portu ac moenibus validam tenuissent, credentes. Ea cura augebat, quod neque non arcellere ad auxilium Poenos satis audebant, ne quid non pro sociis egisse viderentur; et, si Poenus rursus magis arbiter pacis, quam adiutor belli, fuisset, ne in libertatem Crotonis, sicut ante Locrorum, frustra pugnaretur. Itaque optimum visum est, ad Hannibalem mitti legatos, caverique ab eo, ut receptus Croto Bruttiorum esset. Hannibal quum praesentium eam consultationem esse respondisset, et ad Hannanem eos rejecisset, ab Hannone nihil certi ablatum. Nec enim diripi volebant nobilem atque opulentam urbem: et sperabant, quum Bruttius obpugnaret, Poenos nec probare, nec juvare eam obpugnationem adparet, eo maturius ad se defecturos. Crotone nec consilium unum inter populares, nec voluntas erat. Unus velut morbus, invaserat omnes Italiae civitates, ut plebes ab optimatibus dissentirent: senatus Romanis faveret, plebs ad Poenos rem traheret. Eam disensionem in urbe perfuga nuntiat Bruttiis; Aristomachum esse principem plebis, tradendaeque auctorem urbis: et in vasta urbe lateque omnibus disiectis moenibus raras et stationes custodiasque senatorum esse. Quacumque custodiant plebis homines, ea patere aditum. Auctore ac duce perfuga, Bruttii corona cinxerunt urbem: adceptique a plebe primo inpetu locos omnes, praeter arcem, cepere. Arcem optimates tenebant, praeparato jam ante ad talem casum perfugio. Eodem Aristomachus perfugit; tamquam Poenis, non Bruttiis, auctor urbis tradendae fuisset.

III. Urbs Croto murum in circuitu patentem duodecim millia passuum habuit, ante Pyrrhi in Italiam adventum. Post vastitatem eo bello factam vix pars dimidia habitabatur: flumen, quod medio oppido fluxerat, extra frequentia tectis loca praeterfluebat; et arx procul sis, quae habitabantur. Sex millia aberat ab urbe nobili templum (ipsa urbe erat nobilius) Lacinae Junonis, sanctum omnibus circa populis. Lucus ibi, frequenti sylva et proceris abietis arboribus septus, laeta in medio pascua habuit, ubi omnis generis sacrum Dææ pascebatur pecus sine ullo pastore; separatimque egressi cujusque generis greges nocte remeabant ad stabula, numquam insidiis ferarum, non fraude violati hominum. Magni igitur fructus ex eo pecore capti, columnaque inde aurea solida facta et sacrata est: inclutumque templum, divitiis etiam, non tantum sanctitate, fuit. Ac miracula aliqua adtingunt, ut plerumque tam insignibus locis. Fama est, aram esse in vestibulo templi, cujus cinerem nullus umquam moveat ventus. Sed arx Crotonis, una parte inminens mari, altera, vergente in agrum, situ tantum naturali quondam munita, postea et muro cincta est, qua per averlas rupes ab Dionysio, Siciliae tyranno, per dolum fuerat capta. Eam tum arcem, satis, ut videbatur, tutam, Crotoniatum optimates tenebant, circumfidente cum Bruttii eos etiam, plebe sua. Postremo Bruttii, quum suis viribus inexpugnabilem viderent arcem, coacti necessitate, Hannonis auxilium implorant. Is, conditionibus ad dedicationem compellere Crotoniatas conatus, ut coloniam Bruttiorum eo deduci, antiquamque frequentiam recipere vastam ac desertam bellis urbem paterentur, omnium neminem, praeter

ter Aristomachum, movit. Morituros se adfirmabant citius, quam, inmixti Bruttis, in alienos ritus, mores legesque, ac mox linguam, etiam verterentur. Aristomachus unus, quando nec suadendo ad deditionem satis valebat, nec, sicut urbem prodiderat, locum prodendae arcis inveniebat, transfugit ad Hannonem. Locrenses brevi post legati, quum permissu Hannonis arcem intrassent, persuadent, ut traduci se in Locros paterentur, nec ultima experiri vellent. Jam hoc ut sibi liceret, inpetraverant et ab Hannibale, missis ad ipsum legatis. Ita Crotonem excessum est, deductique Crotonitae ad mare naves conscendunt. Locros omnis multitudo abeunt. In Apulia ne hiems quidem quiete inter Romanos atque Hannibalem erat. Luceriae Sempronius consul, Hannibal haud procul Arpis hibernabat. Inter eos levia proelia ex occasione, aut opportunitate hujus aut illius partis, oriebantur: meliorque eis Romanus, et in dies cautior tutiorque ab insidiis fiebat.

IV. In Sicilia Romanis omnia mutaverat mors Hieronis, regnumque ad Hieronymum nepotem ejus translatum. Puerum, vixdum libertatem, nedum dominationem, modice latarum, et aetas et ingenium et tutores atque amici praecipitandum in omnia vitia adceperunt. Quae ita futura cernens Hiero ultima senectia voluisse dicitur liberas Syracusas relinquere, ne sub dominatu puerili, per ludibrium, bonis artibus partum firmatumque interiret regnum. Huic consilio ejus summa ope obstitere filiae, nomen regium penes puerum futurum ratae, regimen rerum omnium penes se virosque suos, Andranodorum et Zoipum: nam ii tutorum primi relinquebantur. Non facile erat nonagesimum jam agenti annum,

num, circumfesso dies noctesque muliebribus blanditiis, liberare animum, et convertere ad publicam privata curam. Itaque tutores modo quindecim puero reliquit: quos precatus est moriens, ut fidem erga populum Romanum, quinquaginta annos ab se cultam, inviolatam fervarent, juvenemque suis potissimum vestigiis insistere vellent disciplinae, in qua edoctus esset. Haec mandata. Quum expirasset, per tutores testamento prolato pueroque in concionem producto, (erat autem quindecim tunc ferme annorum) paucis, qui per concionem ad excitandos clamores dispositi erant, adprobantibus testamentum, ceteris velut patre amisso in orba civitate omnia timentibus, funus sit regium, magis amore civium et caritate, quam cura suorum, celebre. Deinde ceteros tutores submovet Andrahodorus, juvenem jam esse dictitans Hieronymum ac regni potentem: deponendoque tutelam ipse, quae cum pluribus communis erat, in se unum omnium vires convertit.

V. Vix quidem ulli bono moderatoque regi facilis erat favor apud Syracusanos, subcedenti tantae caritati Hieronis. Verum enim vero Hieronymus, velut suis vitiis desiderabilem efficere vellet avum, primo statim conspectu, omnia quam disparia essent, ostendit. Nam qui per tot annos Hieronem filiumque ejus Gelonem nec vestis habitu, nec alio ullo insigni, differentes a ceteris civibus viderent, conspexere purpuram ac diadema ac satellites armatos, quadrigisque etiam alborum equorum interdum ex regia procedentem, more Dionysii tyranni. Hunc tam superbum adparatum habitumque convenientes sequebantur contentus omnium hominum, superbae aures, contumeliosa dicta, rari aditus, non alienis

T. Liv. P. II.

Q

mo-

modo, sed tutoribus etiam, libidines novae, inhumana crudelitas. Itaque tantus omnes terror invaserat, ut quidam ex tutoribus aut morte voluntaria, aut fuga praeverterent metum subpliciorum. Tres ex iis, quibus solis aditus in domum familiarior erat, Andrastodorus et Zoippus, generi Hieronis, et Thraso quidam, de aliis quidem rebus haud magnopere audiebantur: tendendo autem duo ad Carthaginienses, Thraso ad societatem Romanam, certamine ac studiis interdum in se convertabant animum adolescentis: quum conjuratio, in tyranni caput facta, indicatur per Calonem quemdam, aequalem Hieronymi, et jam inde a puero in omnia familiaria jura adfectum. Index unum ex conjuratis Theodotum, a quo ipse adpellatus erat, nominare potuit. Qui comprehensus extemplo, traditusque Andrastodoro torquendus, de se ipse haud cunctanter fassus, conscios celabat. Postremo, quum omnibus intolerandis patientiae humanae cruciatibus laceraretur, victum malis se similans, avertit ab conscis in infantes indicium, Thrasonem esse auctorem consilii mentitus, nec, nisi tam potenti ducē confisos, rem tantam auros. Ab latere inde eos nominat tyranni, quorum capita vilissima fingenti inter dolores gemitusque obcurrere. Maxime animo tyranni credibile indicium Thraso nominatus fecit. Itaque extemplo traditur ad subplicium: adjectique poenae ceteri juxta infantes. Consciorum nemo, quum diu locus consilii torqueretur, aut latuit, aut fugit. Tantum illis in virtute ac fide Theodoti fiducia fuit: tantumque ipsi Theodoto virium ad arcana occultanda.

VI. Ita, quod unum vinculum cum Romanis societatis erat, Thrasone sublato e medio, extemplo haud dubie ad defectionem rea
spe-

spectabat; legati que ad Hannibalem missi, ac remissi ab eo cum Hannibale, nobili adolescente, Hippocrates et Epicydes, nati Carthagine, sed oriundi ab Syracusis exsule avo, Poeni ipsi materno genere. Per hos juncta societas Hannibali ac Syracusano tyranno: nec invito Hannibale apud tyrannum manserunt. Ap. Claudius praetor, cujus Sicilia provincia erat, ubi ea adceperit, extemplo legatos ad Hieronymum misit: qui, quum sese ad renovandam societatem, quae cum avo fuisset, venisse dicerent, per ludibrium auditi dimissique sunt ab quaerente per jocum Hieronymo, *quae fortuna eis pugnae ad Cannas fuisset? vix credibilia enim legatos Hannibalis narrare. Velle, quid veri sit, scire, ut ex eo, utram spem sequatur, consilium capiat.* Romani, quum serio legationes audire coepisset, redituros se ad eum dicentes esse, monito magis eo, quam rogato, ne fidem temere mutaret, profiscuntur. Hieronymus legatos Carthaginem misit ad foedus ex societate cum Hannibale faciendum. Pacto convenit, ut, quum Romanos Sicilia expulissent, (id autem brevi fore, si naves atque exercitum misissent) Himera amnis, qui ferme insulam dividit, finis regni Syracusani ac Punici imperii esset. Aliam deinde, inflatus adsentationibus eorum, qui eum non Hieronis tantum, sed Pyrrhi etiam regis, materni avi, jubebant meminisse, legationem misit, qua aequum censebat, Sicilia sibi omni cedi: Italiae imperium proprium quaeri Carthaginensi populo. Hanc levitatem ac jactationem animi neque mirabantur in juvene furioso, neque arguebant, dummodo averterent eum ab Romanis.

VII. Sed omnia in eo praecipitia ad exitum fuerunt. Nam quum, praemissis Hip-

Q 2

pocra-

pocrate atque Epicyde cum binis millibus armatorum ad tentandas urbes, quae praesidiis tenebantur Romanis, et ipse in Leontinos cum cetero omni exercitu (erant autem ad quindecim millia peditum equitumque) profectus esset; liberas aedes conjurali (et omnes forte militabant) imminentes viae angustae, qua descendere ad forum rex solebat, sumserunt. Ibi, quum instructi armatique ceteri transitum exspectantes starent, uni ex eis, (Dinomenei fuit nomen) quia custos corporis erat, partes datae sunt, ut, quum adpropinquaret januae rex, per causam aliquam in angustiis sustineret ab tergo agmen. Ita, ut convenerat, factum est. Tamquam laxaret elatum pedem ab stricto nodo, moratus turbam Dinomenes, tantum intervalli fecit, ut, quum in praetereuntem sine armatis regem inpetus fieret, confoderetur aliquot prius vulneribus, quam subcurri posset. Clamore et tumultu audito, in Dinomenem, jam haud dubie obstantem, tela conjiciuntur: inter quae tamen, duobus adceptis vulneribus, evasit. Fuga satellitum, ut jacentem videre regem, facta est. Interfectores pars in forum ad multitudinem laetam libertate, pars Syracusas pergunt, ad praeeoccupanda Andranodori regionumque aliorum consilia. Incerto rerum statu, Ap. Claudius, bellum oriens ex propinquo quum cerneret, senatum literis certiore fecit, Siciliam Carthaginensi populo et Hannibali conciliari. Ipse adversus Syracusana consilia, provinciam regnique fines omnia convertit praesidia. Exitu anni ejus Q. Fabius ex auctoritate senatus Puteolos, per bellum coeptum frequentari emporium, communiit praesidiumque inposuit. Inde Romam comitiorum causa veniens in eum, quem primum diem comitiale habuit, comi-

comitia edixit; atque ex itinere praeter Vrbem in campum descendit. Eo die quum fors praerogativae Anienſi juniorum exiſſet, eaque T. Otacilium, M. Aemilium Regillum conſules diceret, tum Q. Fabius, ſilentio facto, tali oratione eſt uſus:

VIII. *Si aut pacem in Italia, aut bellum cum eo hoſte haberemus, in quo negligentiae laxior locus eſſet, qui veſtris ſtudiis, quae in campum ad mandandos, quibus velitis, honores adferatis, moram ullam obferret, is mihi parum meminiffe videretur veſtrae libertatis. Sed quum in hoc bello, in hoc hoſte, numquam ab nullo duce ſine ingenti noſtra clade erratum ſit, eadem vos cura, qua in aciem armati deſcenditis, inire ſubfragium ad creandos conſules decet, et ſibi ſic quemque dicere: Hannibali imperatori parem conſulem nomino. Hoc anno ad Capuam Jubellio Taureae Campano ſummo equiti provocanti ſummus Romanus eques Aſellus Claudius eſt obpoſitus. Adverſus Gallum, quondam provocantem in ponte Anienſis T. Manlius, fidenter et animo et viribus, miſere majores noſtri. Ob eandem cauſam haud multis annis poſt fuiſſe non negaverim, cur M. Valerio non diſſideretur, adverſus ſimiliter provocantem arma capienti Gallum ad certamen. Quemadmodum pedites equitesque optamus, ut validiores, ſi minus, ut pares hoſti habeamus; ita duci hoſtium parem imperatorem quaeramus. Quum, qui eſt ſummus in civitate dux, eum legerimus; tamen repente lectus, in annum creatus, adverſus veterem ac perpetuum imperatorem comparabitur, nullis neque temporis, neque juris incluſam anguſtiis, quo minus ita omnia gerat adminiſtretque, ut tempora poſtulabunt belli. Nobis autem in adparatu ipſo, ac tantum inchoantibus res, annus circumagitur. Quo-*

Q 3

nam,

nam; quales viros creare vos consules deceat, satis est dictum; restat, ut pauca de eis, in quos praerogativae favor inclinavit, dicam. M. Aemilius Regillus flamen est Quirinalis, quem neque mittere ab sacris, neque retinere possumus, ut non Deum aut belli deferamus curam. Otacilius sororis meae filiam uxorem atque ex ea liberos habet. Ceterum non ea vestra in me majoresque meos merita sunt, ut non potiore privatis necessitudinibus rem publicam habeam. Quilibet nautarum vectorumque tranquillo mari gubernare potest: ubi saeva orta tempestas est ac turbato mari rapitur vento navis, tum viro et gubernatore opus est: Non tranquillo navigamus, sed jam aliquot procellis submersi paensumus. Itaque, quis ad gubernacula sedeat, summa cura providendum ac praecavendum vobis est. In minore te-experti, T. Otacili, rosumus. Haud sane, cur ad moiora tibi fidamus, documentum quidquam dedisti. Classem hoc anno, cui tu praefuisti, trium rerum causa paravimus: ut Africae oram popularetur; ut tuta nobis Italiae litora essent; ante omnia, ne subplementum dum stipendio commeatuque ab Carthagine Hannibali transportaretur. Create consulem T. Otacilium, non dico, si omnia haec, sed si aliquid eorum rei publicae praestitit. Sin autem, te classem obtinente, etiam, velut pacato mari, quaelibet Hannibali tuta atque integra ab domo venerunt; si ora Italiae infestior hoc anno, quam Africae, fuit: quid dicere potes, cur te potissimum ducem Hannibali hosti obponant? Si consul esses, dictatorem dicendum exemplo majorum nostrorum censeremus. Nec tu id indignari posses, aliquem in civitate Romana meliorem bello haberi, quam te. Magis nullius interest, quam tua, T. Otacili, non inponi cervicibus

cibus tuis onus, sub quo concidas. Ego magnopere suadeo, eodem animo, quo, si stantibus vobis in aciem armatis repente delegendi duo imperatores essent, quorum duotu atque auspicio dimicaretis, hodie quoque consules creetis: quibus sacramento liberi vestri dicant, ad quorum edictum conveniant, sub quorum tutela atque cura militent. Lacus Trasimenus et Cannae tristia ad recordationem exempla, sed ad praecavendum simile utilis documento sunt. Praeco, Aniensem juniorum in subfragium revoca.

IX. Quum T. Otacilius ferociter, eum continuare consulatum velle, vociferaretur atque obstreperet, lictores ad eum accedere consul jussit; et, quia in Urbem non inierat, protenus in campum ex itinere profectus, admonuit, cum securibus sibi falces praeferrī. Iterum praerogativa subfragium init; creatique in ea consules Q. Fabius Maximus quartum, M. Marcellus tertium. Eosdem consules ceterae centuriae sine variatione ulla dixerunt. Et praetor unus relictus Q. Fulvius Flaccus: novi alii creati, T. Otacilius Crassus iterum, Q. Fabius consulis filius, qui tum aedilis curulis erat, P. Cornelius Lentulus. Comitibus praetorum perfectis, senatus consultum factum est, ut Q. Fulvio extra ordinem urbana provincia esset; isque potissimus, consulibus ad bellum profectis, Urbis praeesset. Aquae magnae bis eo anno fuerunt; Tiberisque agros inundavit cum magna strage tectorum, pecorumque et hominum pernicie. Quinto anno secundi Punici belli Q. Fabius Maximus quartum, M. Claudius Marcellus tertium, consulatum ineuntes, plus solito converterant in se civitatis animos. Multis enim annis tale consulum par non fuerat. Referebant senes, sic Maximum Rullum cum P. Decio ad bellum

Gallicum, sic postea Papirium Carviliūque adversus Samnites Bruttiosque et Lucanum cum Tarentino populum, consules declaratos. Absens Marcellus consul creatus, quum ad exercitum esset; praesenti Fabio, atque ipso comitia habente, consulatus continuatus. Tempus ac necessitas belli ac discrimen summae rerum faciebant, ne quis aut in exemplum exquireret, aut suspectum cupiditatis imperii consulem haberet. Quin laudabant potius magnitudinem animi, quod, quum summo imperatore esse opus rei publicae sciret, seque eum haud dubie esse, minoris invidiam suam, si qua ex re oriretur, quam utilitatem rei publicae, fecisset.

X. Quo die magistratum inierunt consules, senatus in Capitolio est habitus: decretumque omnium primum, ut consules fortirentur compararentve inter se, uter censoribus creandis comitia haberet prius, quam ad exercitum profisceretur. Prorogatum deinde imperium omnibus, qui ad exercitus erant, iusque in provinciis manere, Ti. Gracchus Luceriae, ubi cum volonum exercitu erat, C. Terentius Varro in agro Piceno, M. Pomponius in Gallico. Ex praetoribus prioris anni pro praetore Q. Mucius obtineret Sardiniam, M. Valerius ad Brundisium orae maritimae, intentus adversus omnes motus Philippi Macedonum regis, praeeset. P. Cornelio Lentulo praetori Sicilia decreta provincia; T. Otacilio classi eadem, quam adversus Carthaginienſes priore anno habuisset. Prodigia eo anno multa nuntiata sunt. Quae quo magis credebant simplices ac religiosi homines, eo plura nuntiabantur: Lanuvii in aede intus Sospitae Junonis corvos nidum fecisse: in Apulia palmam viridem arsisse: Mantuae stagnum effusum Min-
cio

cio anni cruentum visum: et Calibus creta, et Romae in foro boario sanguine pluisse: et in vico Istrico fontem sub terra tanta vi aquarum fluxisse, ut serias doliaque, quae in eo loco erant, provoluta velut in petus torrentis tulerit: tacta de coelo atrium publicum in Capitolio, aedem in campo Vulcani, arcem in Sabinis publicamque viam, murum ac portam Gabiis. Jam alia vulgata miracula erant: hastam Martis Praeneste sua sponte promotam: bovem in Sicilia loquutum: infantem in utero matris in Marrucinis, *Io triumphe!* clamasse: ex muliere Spoleti virum factum: Hadriae aram in coelo speciesque hominum circum eam, cum candida veste, visas esse. Quia Romae quoque in ipsa urbe, secundum apum examen in foro visum, adfirmantes quidam, legiones se armatas in Janiculo videre, concitaverunt civitatem ad arma. Qui tum in Janiculo essent, negarunt, quemquam ibi, praeter adsuetos collis ejus cultores, adparuisse. Haec prodigia hostiis majoribus procurata sunt ex haruspicum responso: et supplicatio omnibus Deis, quorum pulvinaria Romae essent, indicta est.

XII Perpetratis, quae ad pacem Deum pertinebant, de re publica belloque gerendo, et quantum copiarum, et ubi quaeque essent, consules ad senatum retulerunt. Duodeviginti legionibus bellum geri placuit: binas consules sibi sumere: binis Galliam Siciliamque ac Sardiniam obtineri, duabusque Q. Fabium praetorem Apuliae, duabus volonum Ti. Gracchum circa Luceriam praeesse: singulas C. Terentio proconsuli ad Picenum, et M. Valerio ad classem circa Brundisium relinqui, et duas Urbi praesidio esse. Hic ut numerus legionum expleretur, sex novae legiones erant

Q 5

scri-

foribundae. Eas primo quoque tempore consules scribere jussi, et classem parare; ut cum eis navibus, quae pro Calabriae litoribus in statione essent, centum quinquaginta longarum navium classis eo anno expleretur. Delectu habito et centum navibus novis deductis, Q. Fabius comitia censoribus creandis habuit. Creati M. Atilius Regulus et P. Furius Philus. Quum increbresceret rumor, bellum in Sicilia esse, T. Otacilius eo cum classe proficisci iustus est. Quum deessent nautae, consules ex senatus consulto edixerunt, ut, qui, L. Aemilio, C. Flaminio censoribus, millibus aeris quinquaginta ipse aut pater ejus census fuisset usque ad centum millia, aut cui postea res tanta esset facta, nautam unum cum sex mensium stipendio daret: qui supra centum millia usque ad trecenta millia, tres nautas cum stipendio annuo: qui supra trecenta millia usque ad decies aeris, quinque nautas: qui supra decies, septem: senatores octo nautas cum annuo stipendio darent. Ex hoc edicto dati nautae, armati instructique ab dominis, cum triginta dierum coctis cibariis navés conscenderunt. Tum primum est factum, ut classis Romana sociis navalibus, privata impensa paratis, compleretur.

XII. Hic major solito adparatus praecipue conterruit Campanos, ne ab obsidione Capuae bellum ejus anni Romani inciperent. Itaque legatos Hannibalem oratum miserunt, ut Capuam exercitum admoveret. *Ad eam obpugnandam novas exercitus scribi Romae; nec ullius urbis defectioni magis infensos eorum animos esse.* Id quia tam trepidi nuntiabant, maturandum Hannibal ratus, ne praevenirent Romani, profectus Arpis, ad Tifata in veteribus castris super Capuam consedit. Inde, Nu-

Numidis Hispanisque ad praesidium simul castrorum simul Capuae relictis, cum cetero exercitu ad lacum Averni per speciem sacrificandi, re ipsa ut tentaret Puteolos quodque ibi praesidii erat, descendit. Maximus, postquam Hannibalem Arpis profectum, et regredi in Campaniam, adlatum est, nec die nec nocte intermisso itinere, ad exercitum rediit: et Ti. Gracchum ab Luceria Beneventum copias admoveo, Q. Fabium praetorem (is filius consulis erat) Luceriam Graccho subcedere jubet. In Siciliam eodem tempore duo praetores profecti, P. Cornelius ad exercitum, Otacilius, qui maritimae orae rei que navali praeellet; et ceteri in suas quisque provincias profecti: et, quibus prorogatum imperium erat, easdem, quas priore anno, regiones obtinuerunt.

XIII. Ad Hannibalem, quum ad lacum Averni esset, quinque nobiles juvenes ab Tarento venerunt, partim ad Trasimenum lacum, partim ad Cannas capti, dimissique domos cum eadem comitate, qua usus adversus omnes Romanorum socios Poenus fuerat. Ii, memores beneficiorum ejus perpulisse magnam partem se juventutis Tarentinae, referunt, ut Hannibalis amicitiam ac societatem, quam populi Romani, mallet; legatosque ab suis missos rogare Hannibalem, ut exercitum propius Tarentum admoveat. Si signa ejus, si castra conspecta a Tarento sint, haud ullam intercessuram moram, quin urbs dedatur. In potestate juniorum plebem, in manu plebis rem Tarentinam esse. Hannibal conlaudatos eos oneratosque ingentibus promissis domum ad coepta maturanda redire jubet: se in tempore adfuturum esse. Hac cum spe dimissi Tarentini, ipsum ingens cupido incefferat Tarenti portum.

tiundi. Urbem esse videbat, quum opulentam nobilemque, tum maritimam, et in Macedoniam obportune versam: regemque Philippum hunc portum, si transiret in Italiam, quum Brundisium Romani haberent, petiturum. Sacro inde perpetrato, ad quod venerat, et, dum ibi moratur, pervasato agro Cumano usque ad Miseni promontorium, Puteolos repente agmen convertit, ad obprimendum praesidium Romanum. Sex millia hominum erant, et locus munimento quoque, non natura modo, tutus. Triduum ibi moratus Poenus, ab omni parte tentato praesidio; deinde, ut nihil procedebat, ad populandum agrum Neapolitanum, magis ira quam potitundae urbis spe, processit. Adventu ejus in propinquum agrum Nolana mota est plebs, jam diu aversa ab Romanis et infecta senatui suo. Itaque legati ad arcessendum Hannibalem, cum haud dubio promisso tradendae urbis, venerunt. Praevenit inceptum eorum Marcellus consul, a primoribus aditus. Die uno Sueffulam a Calibus, quum Vulturis amnis transigentem moratus esset, contenderat. Inde proxima nocte sex millia peditum equitesque trecentos, qui praesidio senatui essent, Nola intromisit: et, uti a consule omnia impigre facta sunt ad praehocupandam Nola, ita Hannibal tempus terebat; his jam ante nequidquam tentata re, segnior ad credendum Nolanis factus.

XIV. Iisdem diebus et Q. Fabius consul ad Caesilinum tentandum, quod praesidio Punico tenebatur, venit; et ad Beneventum, velut ex composito, parte altera Hanno ex Brutis cum magna peditum equitumque manu, altera Ti. Gracchus ab Luceria adcessit: qui primo oppidum intravit. Deinde, ut Hannonem

nem tria millia ferme ab urbe ad Calorem fluvium castra posuisset et inde agrum populari audivit, et ipse, egressus moenibus, mille ferme passus ab hoste castra locat, ibique concionem militum habuit. Legiones magna ex parte volonum habebat; qui jam alterum annum libertatem tacite mereri, quam postulare palam, inuoluerant. Senserat tamen hibernis egrediens murmur in agmine esse quaerentium, *en umquam liberi militaturi essent?* scripseratque senatui, non tam quid desiderarent, quam quid meruissent: *bona fortique opera eorum se ad eam diem usum; neque ad exemplum iusti militis quidquam eis, praeter libertatem, deesse.* De eo permissum ipsi erat, faceret, quod e re publica duceret esse. Itaque prius, quam cum hoste manum consereret, pronuntiat, *tempus venisse eis libertatis, quam diu sperassent, potiundae.* Postero die signis conlatis dimicaturum puro ac patenti campo, ubi sine ullo insidiarum metu vera virtute geri res posset. Qui caput hostis retulisset, eum se extemplo liberum iussurum esse: qui loco cessisset, in eum servili subplicio animadversurum. Suam cuique fortunam in manu esse: libertatis auctorem eis non se fore solum, sed consulem M. Marcellum et universos Patres; quos, consultos ab se de libertate eorum, sibi permisisse. Literas inde consulis ac senatus consultum recitavit. Ad quae clamor cum ingenti adsensu est sublatus. Pugnam poscebant, signumque ut daret extemplo, ferociter instabant. Gracchus, proelio in posterum diem pronuntiato, concionem dimisit. Milites laeti, praecipue quibus merces navatae in unum diem operae libertas futura erat, armis expediendis quod reliquum consumunt.

XV. Postero die, ubi signa coeperunt canere, primi omnium parati instructique ad praetorium conveniunt. Sole orto, Gracchus in aciem copias educit. Nec hostes moram dimicandi fecerunt. Decem et septem millia peditum erant, maxima ex parte Bruttii ac Lucani: equites mille ducenti; inter quos pauci admodum Italici, ceteri Numidae fere omnes Maurique. Pugnatum est et accriter, et diu. Quatuor horis neutro inclinata est pugna: nec alia magis Romanum inpediebat res, quam capita hostium pretia libertati facta. Nam ut quisque hostem inpigre occiderat, primum capite aegre inter turbam tumultumque abscidendo tempus terebat: deinde, occupata dextra tenendo caput, fortissimus quisque pugnator esse desierat: segnibus ac timidis tradita pugna erat. Quod ubi tribuni militum Graccho nuntiaverunt, *neminem stantem jam vulnerari hostem, carnificari jacentes, et in dextris militum, pro gladiis humana capita esse: signum dari propere iussit, projicerent capita invaderentque hostem. Claram satis et insignem virtutem esse: nec dubiam libertatem futuram strenuis viris.* Tum redintegrata pugna est, et eques etiam in hostem emissus. Quibus quum inpigre Numidae concurrissent, nec segnior equitum, quam peditum, pugna esset, iterum in dubium adducta res. Quum utrimque duces, Romanus Bruttium Lucanumque, toties a maioribus suis victos subactosque: Poenus mancipia Romana et ex ergastulo militem verbis obtineret; postremo pronuntiat Gracchus, *esse nihil, quod de libertate sperarent, nisi eo die fusi fugatique hostes essent.*

XVI. Ea demum vox ita animos accendit, atque renovato clamore, velut alii repente facti, tanta vi se in hostem intulerunt, ut sustineri

neri ultra non possent. Primo antesignani Poenorum, deinde signa perturbata, postremo tota impulsæ acies; inde haud dubiè terga data, rursusque fugientes in castra, adeo pavidi trepidique, ut ne in portis quidem aut vallo quisquam restiterit, ac prope continenti agmine Romani insequuti novum de integro proelium, inclusi hostium vallo, ediderint. Ibi, sicut pugna ineditior in angustiis, ita caedes atrocior fuit: et adjuvare captivi, qui, rapto inter tumultum ferro, conglobati et ab tergo ceciderunt Poenos, et fugam inpedierunt. Itaque minus duo millia hominum ex tanto exercitu, et ea major pars equitum, cum ipso duce effugerunt: alii omnes caesi aut capti. Capta et signa duodequadragenta. Ex victoribus duo millia ferine cecidere. Praeda omnis (praeterquam hominum captorum) militi concessa est: et pecus exceptum est, quod intra dies triginta domini cognovissent. Quum praeda onusti in castra redissent, quatuor millia ferme volonum militum, qui pugnaverant segnius, nec in castra intraverant simul, metu poenae collem haud procul castris ceperunt. Postero die per tribunos militum inde deducti, concione militum advocata a Graccho, superveniunt. Vbi quum proconsul veteres milites primum, prout cujusque virtus atque opera in ea pugna fuerat, militaribus donis donasset, tunc, quod ad volones attineret, omnes, ait, *malle laudatos a se, dignos indignosque, quam quemquam eo die castigatum esse. Quod bonum, faustum, felixque rei publicae ipsisque esset, omnes eos liberos esse jubare.* Ad quam vocem quum clamor ingenti alacritate sublatu esset, ac nunc complexi inter se gratulantesque, nunc manus ad coelum tollentes, bona omnia populo Romano Gracchoque ipsi precantur.

carentur; tum Gracchus: *Priusquam omnes jure libertatis aequassem, inquit, neminem nota strenui aut ignavi militis notasse volui. Nunc, exsoluta jam fide publica, ne discrimen omne virtutis ignaviaeque pereat, nomina eorum, qui, detrectatae pugnae memores, secessionem paullo ante fecerunt, referri ad me jubebo: citatosque singulos jure jurando adigam, nisi queis morbus causa erit, non aliter, quam stantes, cibum portionemque, quoad stipendia facient, capturos esse. Hanc mulctam ita aequo animo feretis, si reputabitis, nulla ignavine nota leviores vos designari potuisse.* Signum deinde conligendi vasa dedit: militesque praedam portantes agentesque, per lasciviam ac jocum, ita ludibundi Beneventum rediere, ut ab epulis per celebrem festumque diem actis, non ex acie, reverti viderentur. Beneventani omnes turba effusa quum obviam ad portas exissent, complecti milites, gratulari, vocare in hospitium. Adparata convivia omnibus in propatulo aedium fuerant: ad ea invitabant, Gracchumque orabant, ut epulari permetteret militibus. Et Gracchus ita permisit, in publico epularentur omnes. Ante suas quibusque fores prolata omnia. Pileati aut lana alba velatis capitibus volones epulati sunt; alii adcubantes, alii stantes, qui simul ministrabant vescebanturque. Digna res visa, ut simulacrum celebrati ejus diei Gracchus, postquam Romam rediit, pingi juberet in aede Libertatis, quam pater ejus in Aventino ex mulctaticia pecunia faciendam curavit dedicavitque.

XVII. Dum haec ad Beneventum geruntur, Hannibal, depopulatus agrum Neapolitanum, ad Nolam castra movet. Quem ubi adventare consul sensit, Pomponio propraetore cum eo exercitu, qui super Suessulam in castris

castris erat, adcito, ire obviam hosti parat nec moram dimicandi facere. C. Claudium Neronem cum robore equitum silentio noctis per averfam maxime ab hoste portam emittit; circumvectumque obculte subsequi sensim agmen hostium jubet, et, quum coortum proelium videret, ab tergo se objicere. Id errore viarum, an exiguitate temporis, Nero exsequi non potuerit, incertum est. Absente eo quum proelium commissum esset, superior quidem haud dubie Romanus erat: sed, quia equites non adfuere in tempore, ratio compositae rei turbata est. Non ausus insequi cedentes Marcellus, vincentibus suis signum receptui dedit. Plus tamen duo millia hostium eo die caesa traduntur: Romani minus quadringentis. Solis fere obcasu Nero, diem noctemque nequidquam fatigatis equis hominibusque, ne viso quidem hoste rediens, adeo graviter est ab consule increpitus, ut per eum stitisse diceret, quo minus adcepta ad Cannas redderetur hosti clades. Postero die Romanus in aciem descendit: Poenus, tacita etiam confessione victus, castris se tenuit. Tertio die silentio noctis, omissa spe Nolaë potiundae, rei numquam prospere tentatae, Tarentum ad certiores spem prodicionis proficiscitur.

XVIII. Nec minore animo res Romana domi, quam militiae, gerebatur. Censores, vacui ab operum locandorum cura, propter inopiam aerarii, ad mores hominum regendos animum adverterunt castigandaque vitia, quae, velut diutinis morbis aegra corpora ex se gignunt, nata bello erant. Primum eos citaverunt, qui post Cannensem pugnam rem publicam deseruisse Italiaque excessisse velle dicebantur. Princeps eorum L. Caecilius Metellus quaestor tum forte erat. Jusso deinde

T. Liv. P. II.

R

eo

eo ceterisque ejusdem noxae reis causam dicere, quum purgari nequissent; pronuntiarunt, verba orationemque eos adversus rem publicam habuisse, quo conjuratio deferendae Italiae causa fieret. Secundum eos citati nimis callidi exsolvendi juris jurandi interpretes; qui captivorum, ex itinere regressi clam in castra Hannibalis, solutum, quod juraverant reddituros, rebantur. His superioribusque illis equi adempti, qui publicum equum habebant; tribuque moti, aerarii omnes facti. Neque senatu modo aut equestri ordine regendo cura se censorum tenuit. Nomina omnium ex juniorum tabulis excerpserunt, qui quadrien-
 nio non militassent, quibus neque vacatio justa militiae, neque morbus causa fuisset. Et ea supra duo millia nominum in aerarios relata, tribuque omnes moti. Additumque inertii censoriae notae triste senatus consultum: ut ii omnes, quos censores notassent, pedibus mererent, mitterenturque in Siciliam ad Cannensis exercitus reliquias, cui militum generi non prius, quam pulsus Italia hostis esset, finitum stipendiorum tempus erat. Quum censores, ob inopiam aerarii, se jam locationibus abstinere aedium sacrarum tuendarum curuliumque equorum praebendorum ac similium his rerum; convenere ad eos frequentes, qui hactae hujus generis adsueverant, hortatique censores, ut omnia perinde agerent, locarent, ac si pecunia in aerario esset: neminem, nisi bello confecto, pecuniam ab aerario petiturum esse. Convenere deinde domini eorum, quos Ti. Sempronius ad Beneventum manu emiserrat: arcessitosque se ab triumviris mensariis esse dixerunt, ut pretia servorum acciperent. Ceterum non ante, quam bello confecto, ad-
 cepturos esse. Quum haec inclinatio animo-
 rum

rum plebis ad sustinendam inopiam aerarii fieret; pecuniae quoque pupillares primo, deinde viduarum, coeptae conferri; nusquam eas tutius sanctiusque deponere credentibus, qui deferebant, quam in publica fide. Inde, si quid emtum paratumque pupillis ac viduis foret, a quaestore perscribebatur. Manavit ea privatorum benignitas ex urbe etiam in castra, ut non eques, non centurio stipendium adci-perent, mercenariumque increpantes voca-rent, qui adceperisset.

XIX Q. Fabius consul ad Caesilinum castra habebat, quod duum millium Campanorum et septingentorum militum Hannibalis tenebatur praesidio. Praeerat Staius Metellus, missus ab Cn. Magio Atellano, qui eo anno Medixtuticus erat, servitiaque et plebem promiscue armabat, ut castra Romana invaderet, intento consule ad Caesilinum obpugnandum. Nihil eorum Fabium fefellit. Itaque Nolam ad conlegam mittit, altero exercitu, dum Caesilinum obpugnatur, opus esse, qui Campanis obponatur. *Vel ipse, relicto Nola praesidio modico, veniret: vel, si eum Nola teneret, et necdum securae res ab Hannibale essent, se Ti. Gracchum proconsulem a Benevento adciturum.* Hoc nuntio Marcellus, duobus militum millibus Nola in praesidio relictis, cum cetero exercitu Caesilinum venit, adventuque ejus Campani, jam moventes sese, quieverunt. Itaque duobus consulibus Caesilinum obpugnari coeptum. Vbi quum multa, subcedentes temere moenibus, Romani milites adci-perent vuln-
 ra, neque satis inceptis subcederet, Fabius, omittendam rem parvam ac juxta magnis difficilem, abscedendumque inde censebat, quum res majores instarent. Marcellus, multa magnis ducibus sicut non adgredienda, ita semel

R. 2

ad-

adgressi non dimittenda esse, dicendo, quia magna famae momenta in utramque partem fierent, tenuit, ne inrito incepto abiretur. Vineae inde omniaque alia operum machinationumque genera quum admoventur, Campanique Fabium orarent, ut abire Capuam tuto liceret; paucis egressis, Marcellus portam, qua egrediebantur, occupavit, caedesque promiscue omnium circa portam primo, deinde, inruptione facta, etiam in urbe fieri coepta est. Quinquaginta fere primo egressi Campanorum, quum ad Fabium confugissent, praesidio ejus Capuam pervenerunt. Casilinum, inter colloquia cunctationemque petentium fidem, per occasionem captum est. Captivi, quique Campanorum, quique Hannibalis militum erant, Romam missi, atque ibi in carcere inclusi sunt: oppidanorum turba per finitimos populos in custodiam divisa.

XX. Quibus diebus a Casilino, re bene gesta, recessum est, eis Gracchus in Lucanis aliquot cohortes, in ea regione conscriptas, cum praefecto sociorum in agros hostium praedatum misit. Eos effuse palatos Hanno adortus, haud multo minorem, quam ad Beneventum adceperat, reddidit hosti cladem, atque in Bruttios raptim, ne Gracchus adsequeretur, concessit. Consules, Marcellus retro, unde venerat, Nolam redit; Fabius in Samnium ad populandos agros recipiendasque armis, quae defecerant, urbes processit. Caudinus Samnis gravius devastatus; perusti late agri, praedae pecudum hominumque actae. Oppida vi capta, Compulteria, Telesia, Compsa, Melae, Fulfulae et Orbitanium. Ex Lucanis Blandae: Apulorum Aecae obpugnatae. Milia hostium in his urbibus viginti quinque capta aut occisa; et recepti perfugae trecenti septua-

septuaginta: quos quum Romam misisset consul, virgis in comitio caesi omnes, ac de saxo dejecti. Haec a Q. Fabio intra paucos dies gesta. Marcellum ab gerundis rebus valetudo adversa Nolae tenuit. Et a praetore Q. Fabio, cui circa Luceriam provincia erat, Accua oppidum per eos dies vi captum: stativaque ad Ardoneas communita. Dum haec aliis locis ab Romanis geruntur, jam Tarentum pervenerat Hannibal, cum maxima omnium, quacumque ierat, clade. In Tarentino demum agro pacatum incedere agmen coepit. Nihil ibi violatum, neque usquam via excessum est; adparebatque, non id modestia militum aut ducis, nisi ad conciliandos Tarentinorum animos, fieri. Ceterum quum propemodo muris adcessisset, nullo ad conspectum primi agminis, ut rebatur, motu facto, castra ab urbe ferme passus mille locat. Tarenti, triduo ante, quam Hannibal ad moenia adcederet, a M. Valerio propraetore, qui classi ad Brundisium praeerat, missus M. Livius, primore conscripta juventute dispositisque ad omnes portas circaque muros, qua res postulabat, stationibus, die ac nocte plurimum intentus, neque hostibus, neque dubiis sociis loci quidquam praebuit ad tentandum. Quare diebus aliquot frustra ibi absumentis, Hannibal, quam eorum nemo, qui ad lacum Avernii adissent, aut ipsi venirent, aut nuntium literasve mitterent, vana promissa se temere sequutum cernens, castra inde movit. Tum quoque, intacto agro Tarentino, (quamquam simulata lenitas nihil dum profuerat, tamen spe labefactandae fidei haud absistens) Salapiam ut venit, frumentum ex agris Metapontino atque Heraclienfi (jam media aestas exacta erat, et hibernis placebat locus) comportat. Praedatum in-

de Numidae Maurique per Sallentinum agrum proximosque Apuliae saltus dimissi. Vnde ceterae praedae haud multum, equorum greges maxime abacti: e quibus ad quatuor millia domanda equitibus divisa.

XXI. Romani, quum bellum nequaquam contempnendum in Sicilia oriretur, morsque tyranni duces magis inpigros dedisset Syracusanis, quam ausam aut animos mutasset, M. Marcello alteri consulum eam provinciam decernunt. Secundum Hieronymi caedem primo tumultuatum in Leontinis apud milites fuerat, vociferatumque ferociter, parentandum regi sanguine conjuratorum esse. Deinde libertatis restitutae dulce auditu nomen crebro usurpatum, spes facta ex pecunia regia largitionis, militiaeque fungendae potioribus ducibus, et melata tyranni foeda scelera foedioresque libidines adeo mutavere animos, ut insepultum jacere corpus paullo ante desiderati regis paterentur. Quum ceteri ex conjuratis ad exercitum obtinendum remansissent, Theodotus et Sosia regiis equis, quanto maximo cursu poterant, ut ignaros omnium regiones obprimerent, Syracusas contendunt. Ceterum praevenerat non fama solum, (qua nihil in talibus rebus est celerius) sed nuntius etiam ex regiis servis. Itaque Andranodorus et Insulam et arcem et alia, quae poterat, quaeque obportuna erant, praefidiis firmarat. Hexapylo Theodotus ac Sosia post solis obcasum jam obscura luce invecti, quum cruentam regiam vestem atque insigne capitis ostentarent, tracti per Tycham, simul ad libertatem, simul ad arma vocantes, in Achradinam convenire jubent. Multitudo pars procurrat in vias, pars in vestibulis stat, pars ex tectis fenestrisque prospectant et, quid rei sit, rogitant. Omnia lumi-

luminibus conlucent, strepituque vario complentur. Armati locis patentibus congregantur. Inermes ex Olympii Jovis templo spolia Gallorum Illyriorumque, dono data Hieroni a populo Romano fixaque ab eo, detrahunt; precantes Jovem, ut volens propitius praebeat sacra arma, pro patria, pro Deum delubris, pro libertate sese armantibus. Haec quoque multitudo, stationibus per principes regionum urbis dispositis, adjungitur. In Insula inter cetera Andranodorus praesidiis firmat horrea publica. Locus, saxo quadrato septus atque arcis in modum emunitus, capitur ab juventute, quae praesidio ejus loci adtributa erat, mittuntque nuntios in Achradinam, horrea frumentumque in senatus potestate esse.

XXII. Luce prima populus omnis armatus inermisque in Achradinam ad curiam convenit. Ibi pro Concordiae ara, quae in eo sita loco erat, ex principibus unus nomine Polyaenus concionem et liberam et moderatam habuit: *Servitudinis indignitatisque homines expertos adversus notum malum irritatos esse. Discordia civilis quas inportet clades, audisse magis a patribus Syracusanos, quam ipsos vidisse. Arma quod impigre ceperint, laudare: magis laudaturum, si non utantur, nisi ultima necessitate coacti. In praesentia legatos ad Andranodorum mitti placere, qui denuntient, ut in potestate senatus ac populi sit, portas Insulae patefaciat, reddat praesidium. Si tutelam alieni regni suum regnum velit facere, eundem se censere, multo acrius ab Andranodoro, quam ab Hieronymo, repeti libertatem. Ab hac concione legati missi sunt. Senatus inde haberi coeptus est. Quod sicut, regnante Hierone, manserat publicum consilium, ita post*
R 4 mor-

mortem ejus, ante eam diem, nulla de re neque convocati, neque consulti fuerant. Ut ventum ad Andranodorum est, ipsum quidem movebat et civium consensus, et quum aliae occupatae urbis partes, tum pars Insulae, velut munitissima, prodita atque alienata. Sed evocatum eum ab legatis Damarata uxor, filia Hieronis, inflata adhuc regiis animis ac muliebri spiritu, admonet saepe usurpatae Dionysii tyranni vocis, qua, *pedibus tractum, non insidentem equo, relinquere tyrannidem, dixerit, debere. Facile esse momento, quo quis velit, cedere possessione magnae fortunae: facere et parare eam, difficile atque arduum esse. Paullum sumeret spatii ad consultandum ab legatis. Eo uteretur ad arcessendos ex Leontinis milites: quibus si pecuniam regiam pollicitus esset, omnia in potestate ejus futura.* Haec muliebria consilia Andranodorus neque tota adspersatus est, neque extemplo adcepit: tutiorem ad opes adfectandas ratus esse viam, si in praesentia tempori cessisset. Itaque legatos renuntiare iussit, futurum se in senatus ac populi potestate. Postero die luce prima, patefactis Insulae portis, in forum Achradinae venit. Ibi in aram Concordiae, ex qua pridie Polyaeus concionatus erat, descendit, orationemque eam orsus est, qua primum cunctationis suae veniam petivit. *Se enim clausas habuisse portas, non separantem suas res a publicis, sed strictis semel gladiis timentem, qui finis caedibus esset futurus: utrum, quod satis libertati foret, contenti nece tyranni essent, an, quicumque aut propinquitate, aut adfinitate, aut aliquibus ministeriis regiam contigissent, alienae culpa rei trucidarentur.* Postquam animadvertit, eos, qui liberaissent patriam, servare etiam liberatam velle, atque undique consuli

Juli in medium; non dubitasse, quin et corpus suum, et cetera omnia, quae suae fidei tutelaeque essent, quoniam eum, qui mandasset, suus furor absumsisset, patriae restitueret. Conversus deinde ad interfectores tyranni, ac nomine adpellans Theodotum ac Solim: *Facinus, inquit, memorabile fecistis. Sed, mihi credite, inchoata vestra gloria, nondum perfecta est; periculumque ingens manet, nisi paci et concordiae consulitis, ne libera efferatur res publica.*

XXIII. Post hanc orationem claves portarum pecuniaeque regiae ante pedes eorum posuit. Atque illo quidem die dimissi ex concione laeti, circa omnia fana Deum supplicaverunt cum conjugibus ac liberis: postero die comitia praetoribus creandis habita. Creatus in primis Andrahodorus; ceteri magna ex parte interfectores tyranni. Duos etiam absentes, Sopatrum ac Dinomenem, fecerunt. Qui, auditis, quae Syraculis acta erant, pecuniam regiam, quae in Leontinis erat, Syraculas devectam, quaestoribus ad id ipsum creatis tradiderunt; et ea, quae in Insula erat et Achradina, tradita est; murique ea pars, quae ab cetera urbe nimis firmo munimento intersepiebat Insulam, consensu omnium dejecta est. Sequuntae et ceterae res hanc inclinationem animorum ad libertatem. Hippocrates atque Epicydes, audita morte tyranni, quam Hippocrates, etiam nuntio interfecto, celare voluerat, deserti a militibus, quia id tutissimum ex praesentibus videbatur, Syraculas rediere. Vbi ne suspecti obversarentur, tamquam novandi res aliquam occasionem quaerentes, praetores primum, dein per eos senatum adeunt. *Ab Hannibale se missos praedicant ad Hieronymum, tamquam amicum ac socium. Paruisse imperia ejus, cujus imperator*

suus voluerit. Velle ad Hannibalem redire. Ceterum, quum iter tutum non sit, vagantibus passim per totam Siciliam Romanis armis, petere, ut praesidii dent aliquid, quo Locros in Italiam perducantur. Gratiam magnam eos parva opera apud Hannibalem inituros. Facile res inpetrata: abire enim duces regios, quum peritos militiae, tum egentes eosdem atque audaces, cupiebant: sed, quod volebant, non, quam maturato opus erat, naviter expediebant. Interim juvenes militares et adsueta militibus, nunc apud eos ipsos, nunc apud transfugas, quorum maxima pars ex navalibus sociis Romanorum erat, nunc etiam apud infimae plebis homines, crimina ferebant in senatum optimatesque: id moliri clam eos atque struere, ut Syracusae per speciem reconciliatae sociotatis in ditione Romanorum sint; dein factio et pauci auctores foederis renovati dominantur.

XXIV. His audiendis credendisque obportuna multitudo, major in dies, Syracusas confluebat: nec Epicydi solum spem novandarum rerum, sed Andranodoro etiam, praebebat. Qui, fessus tandem uxoris vocibus, monentis, *nunc illud esse tempus occupandi res, dum turbata omnia nova atque incondita libertate essent, dum regis stipendiis passus obversaretur miles, dum ab Hannibale missi duces, adsueta militibus, juvare possent incepta*, cum Themisto, cui Gelonis filia nupta, rem confociatam paucos post dies Aristoni cuidam tragico actori, cui et alia arcana committere adfuerat, incaute aperit. Huic et genus et fortuna honesta erant; nec ars, quia nihil tale apud Graecos pudori est, ea deformabat. Itaque, fidem potiore[m] ratus, quam patriae debebat, indicium ad praetores defert. Qui ubi rem

rem haud vanam esse certis indiciis compererunt, consultis senioribus et auctoritate eorum praesidio ad fores posito, ingressos curiam Themistum atque Andranodorum interfecerunt; et quum tumultus ab re in speciem atrociorē, causam aliis ignorantibus, ortus esset, silentio tandem facto, indicem in curiam introduxerunt. Qui quum ordipe omnia edocuisset, et principium conjurationis factum ab Harmoniae Gelonis filiae nuptiis, quibus Themisto juncta esset; Afrorum Hispanorumque auxiliares instructos ad caedem praelorum principumque aliorum; bonaque eorum praedae futura intersectoribus pronuntiatum; jam mercenariorum manum adfuetam imperiis Andranodori paratam fuisse ad Insulam rursus occupandam; singula deinde, quae per quosque agerentur, totamque viris armisque instructam conjurationem ante oculos posuisset: senatui quidem tam jure caesi, quam Hieronymus, videbantur. Ante curiam variae atque incertae rerum multitudinis clamor erat. Quam, ferociter minitantem in vestibulo curiae, corpora conjuratorum eo metu compresferunt, ut silentes integram plebem in concionem sequerentur. Sopatro mandatum ab senatu et ab conlegis, ut verba faceret.

XXV. Is, tamquam reos ageret, ab anteacta vita orsus, quaecumque post Hieronis mortem scelestae atque impie factae essent, Andranodorum ac Themistum arguit fecisse. *Quid enim sua sponte fecisse Hieronymum puerum, ac vixdum pubescentem facere potuisse? Tutores ac magistros ejus sub aliena invidia regnasse. Itaque aut ante Hieronymum, aut certe cum Hieronymo perire eos debuisse. At illos, debitos jam morti destinatosque, alia nova scelera post mortem tyranni molitos: palam primo, quum clau-*

elauſis Andranodorus Inſulae portis hereditatem regni creverit, quaeque procurator tenuerāt, pro domino poſſederit; proditus deinde ab eis, qui in Inſula erant, circumſeſſus ab uniuerſa ciuitate, quae Achradinam tenuerit, nequidquam palam atque aperte petatum regnum clam et dolo adfectare conatus ſit, et ne beneficio quidem atque honore potuerit vinci, quum inter liberatores patriae inſidiator ipſe libertatis creatus eſſet praetor. Sed animos eis regios conjuges regias feciſſe, alteri Hieronis, alteri Gelonis, filias nuptas. Sub hanc vocem ex omnibus partibus toncionis clamor oritur, nullam earum vivere debere, nec quemquam ſuperelle tyrannorum ſtirpis. Haec natura multitudinis eſt; aut ſervit humiliter, aut ſuperbe dominatur: libertatem, quae media eſt, nec ſpernere modice, nec habere ſciunt: et non ferme deſunt irarum indulgentes miniſtri, qui avidos atque intemperantes plebejorum animos ad ſanguinem et aedes inritent, ſicut tum extemplo praetores rogationem promulgarunt: acceptaque paene prius, quam promulgata, eſt, ut omnis regia ſtirps interficeretur. Miſſique a praetoribus Damaratam Hieronis, et Harmoniam Gelonis filias, conjuges Andranodori et Themifti, interfecerunt.

XXVI. Heraclea erat filia Hieronis, uxor Zoippi; qui, legatus ab Hieronymo ad regem Ptolemaeum miſſus, voluntarium conſciverat exilium. Ea quum ad ſe quoque venire praeciſiſſet, in ſacrarium ad penates conſugit cum duabus filiabus virginibus, reſolutis crinibus, miſerabilique alio habitu: et ad ea addidit preces, nunc *per memoriam Hieronis patris Gelonisque fratris, ne ſe innoxiam invidia Hieronymi conflagrare ſinerent. Nihil ſe ex regno illius, praeter exilium viri, habere: neque fortunam*

tunam suam eandem vivo Hieronymo fuisse, quam sororis; neque interfecto eo causam eandem esse. Quid? quod, si Andranodoro consilia processissent, illa cum viro fuerit regnatura; sibi cum ceteris serviendum. Si quis Zoippo nuntiet, interfectum Hieronymum, ac liberatas Syracusas, cui dubium esse, quin extemplo conscensurus sit navim, atque in patriam rediturus? Quantum spes hominum falli! In liberata patria conjugem ejus ac liberos de vita dimicare; quid obstantes libertati, aut legibus? Quod ab se cuiquam periculum, a sola ac prope vidua, et puellis in orbitate degentibus, esse? At enim periculi quidem nihil ab se timeri: invisam tamen regiam stirpem esse. Ablegarent ergo procul ab Syracusis Siciliaque, et abspostari Alexandriam jubereut; ad virum uxorem, ad patrem filias. Averis auribus animisque, casse ne tempus tereretur, ferrum quosdam expedientes ternebat. Tum, omiſſis pro se precibus, puellis ut saltem parcerent, orare institit: a qua aetate etiam hostes iratos abstinere, ne, tyrannos ulciscendo, quae odissent, scelera imitarentur. Inter haec abstractam a penetralibus jugulant: in virgines deinde, resperſas matris cruore, impetum faciunt. Quae, alienata mente simul luctu metuque, velut captae furore, eo cursu se ex sacrario proripuerunt, ut, si effugium patuisset in publicum, inpleturae urbem tumultu fuerint. Tum quoque haud magno aedium spatio, inter medios tot armatos, aliquoties integro corpore evaserunt, tenentibusque, quum tot ac tam validae eluctandae manus essent, sese eripuerunt: tandem, vulneribus confectae, quum omnia repleſſent sanguine, exanimis conruerunt; caedemque per se miserabilem miserabiliorem casus fecit, quod paullo post nuntius venit, mutatis repente ad
mise-

misericordiam animis, ne interficerentur. Tra-
deinde ex misericordia orta, quod adeo festi-
natum ad subplicium, neque locus poenitendi
aut regressus ab ira relictus esset. Itaque fre-
mere multitudo, et in locum Andranodori ac
Themisti (nam ambo praetores fuerant) comi-
tia poscere: quae nequaquam ex sententia prae-
torum futura essent.

XXVII. Statutus est comitiis dies: quo,
nec opinantibus omnibus, unus ex ultima tur-
ba Epicydem nominavit, tum inde alius Hip-
pocratem. Crebriores deinde eae voces et cum
haud dubio adsensu multitudinis esse. Et erat
confusa concio, non populari modo, sed mi-
litari quoque turba, magna ex parte etiam
perfugis, qui omnia novare cupiebant, per-
mixtis. Praetores dissimulare primo et tra-
henda re esse: postremo victi consensu, et se-
ditionem metuentes, pronuntiant eos prae-
tores. Nec illi primo statim creati nudare, quid
vellent: quamquam aegre ferebant, et de in-
duciis dierum decem legatos ille ad Ap. Clau-
dium, et, inpetratis eis, alios, qui de foe-
dere antiquo renovando agerent, missos. Ad
Murgantiam tum classem navium centum Ro-
manus habebat, quoniam evaderent motus ex
caedibus tyrannorum orti Syraculis, quove
eos ageret nova atque insolita libertas, oppre-
riens. Per eosdem dies, quum ad Marcellum,
venientem in Siciliam, legati Syracusani missi
ab Appio essent, auditis conditionibus pacis,
Marcellus, posse rem convenire ratus, et ipse
legatos Syracusas, qui coram cum praetoribus
de renovando foedere agerent, milit. Et jam
ibi nequaquam eadem quies et tranquillitas
erat. Postquam Punicam classem adcessisse
Pachynum adlatum est, demto timore Hippo-
crates et Epicydes, nunc apud mercenarios mili-

milites, nunc apud transfugas, prodi Romano Syracusas, criminabantur. Vt vero Appius naves ad ostium portus, quo aliae partis hominibus animus adcederet, in statione habere coepit, ingens in speciem criminibus vanis adcesserat fides: ac primo etiam tumultuose decurrerat multitudo ad prohibendos, si in terram egrederentur.

XXVIII. In hac turbatione rerum in concionem vocari placuit. Vbi quum alii alio tenderent, nec procul seditione res esset, Apollonides, principum unus, orationem salutarem, ut in tali tempore, habuit, *nec spem salutis, nec perniciem propiorem umquam civitati ulli fuisse.* Si enim uno animo omnes vel ad Romanos, vel ad Carthaginienses inclinent, nullius civitatis solum fortunatiorem beatioremque fore. Si alii alio trahant res, non inter Poenos Romanosque bellum atrocius fore, quam inter ipsos Syracusanos; quum intra eosdem muros pars utraque suos exercitus, sua arma, suos habitura sit duces. Itaque, ut omnes idem sentiant, summa vi agendum esse; utra societas sit utilior, eam longe minorem ac levioris momenti consultationem esse. Sed tamen Hieronis potius, quam Hieronymi, auctoritatem sequendam in sociis legendis, vel quinquaginta annis feliciter expertam amicitiam nunc incognitae, quondam infideli, praefereendam. Esse etiam momenti aliquid ad consilium, quod Carthaginiensibus ita pax negari possit, ut non utique in praesentia bellum cum eis geratur: cum Romanis extemplo aut pacem, aut bellum habendum. Quo minus cupiditatis ac studii visa est oratio habere, eo plus auctoritatis habuit. Adjectum est praetoribus ac delectis senatorum militare etiam consilium. Iussi et duces ordinum praefectique auxiliorum simul consulere. Quum saepe acta
res

res esset magnis certaminibus, postremo, quia belli cum Romanis gerendi ratio nulla adparebat, pacem fieri placuit, mittique cum eis legatos ad rem confirmandam.

XXIX. Dies haud ita multi intercesserunt, quum ex Leontinis legati, praesidium finibus suis orantes, venerunt: quae legatio perobportuna visa ad multitudinem inconditam ac tumultuosam exonerandam ducesque ejus ablegandos. Hippocrates praetor ducere eo transfugas iussus: sequuti multi ex mercenariis auxiliis, quatuor millia armatorum effecerunt. Et mittentibus et missis ea laeta expeditio fuit. Nam et illis, quod jam diu cupiebant, novandi res occasio data est; et hi, sentinam quamdam urbis rati exhaustam, laetabantur. Ceterum levaverunt modo in praesentia velut corpus aegrum, quo mox in graviores morbum recideret. Hippocrates enim finitima provinciae Romanae primo furtivis excursionibus vastare coepit: deinde, quum ad tuendos sociorum agros missum ab Appio praesidium esset, omnibus copiis inpetum in obpositam stationem cum caede multorum fecit. Quae quum essent nuntiata Marcello, legatos extemplo Syracusas misit, qui pacis fidem ruptam esse dicerent: nec belli defuturam umquam causam, nisi Hippocrates atque Epicydes non ab Syracusis modo, sed tota procul Sicilia, ablegarentur. Epicydes, ne aut reus criminis absentis fratris praesens esset, aut deesset pro parte sua concitando bello, profectus et ipse in Leontinos, quia satis eos adversus populum Romanum concitatos cernebat, avertere etiam ab Syracusis coepit. *Nam ita eos pacem pepegisse cum Romanis, ut, quicumque populi sub regibus fuissent, et suae ditionis essent; nec jam libertate contentos esse, nisi etiam regnent*

regnent ac dominantur. Renuntiandum igitur eis esse, Leontinos quoque aequum censere liberos esse; vel quod in solo urbis suae tyrannus ceciderit, vel quod ibi primum conclamatum ad libertatem relictisque regiis ducibus Syracusas sit concursum. Itaque aut eximendum id de foedere esse, aut legem eam foederis non adiciendam. Facile multitudini persuasum: legatisque Syracusanorum, et de caede stationis Romanae querentibus, et Hippocratem atque Epicydem abire seu Locros, seu quo alio mallet, dummodo Sicilia cederent, iubentibus, ferociter responsum est: Neque mandasse sese Syracusanis, ut pacem pro se cum Romanis facerent: neque teneri alienis foederibus. Haec ad Romanos Syracusani delulerunt, abnuentes, Leontinos in sua potestate esse. Itaque integro secum foedere bellum Romanos cum iis gesturos. Neque sese defuturos ei bello; ita ut in potestatem redacti suae rursus ditionis essent, sicut pax convenisset.

XXX. Marcellus cum omni exercitu profectus in Leontinos, Appio quoque adcito, ut altera parte adgrederetur, tanto ardore militum est usus ab ira inter conditiones pacis interfectae stationis, ut primo inpetu urbem expugnarent. Hippocrates atque Epicydes, postquam capi muros refringique portas videre, in arcem sese cum paucis recepere. Inde clam nocte Herbestum perfugiunt. Syracusanis, octo millium armatorum agmine profectis domo, ad Mylam flumen nuntius obcurrit, captam urbem esse; cetera falsa mixta veris ferens: caedem promiscuam militum atque oppidanorum factam, nec quemquam puberem arbitrari superesse: direptam urbem: bona locupletium donata. Ad nuntium tam atrocem constitit agmen; concitatisque omnibus, duces, (erant autem

T. Liv. P. 14.

S

Solia

Sosis ac Dinomenes) quid agerent, consultabant. Terroris speciem haud vanam mendacio prae buerant verberati ac securi percussi transfugae ad duo millia hominum. Ceterum Leontinorum militumque aliorum nemo, post captam urbem, violatus fuerat: suaeque omnia eis, nisi quae primis tumultus captae urbis absumserat, restituebantur. Nec ut Leontinos irent, proditos ad caedem commilitenes querentes, perPELLI potuere, nec ut eodem loco certio rem nuntium exspectarent. Quum ad defectionem inclinatos animos cernerent praetores, sed eum motum haud diuturnum fore, si duces amentiae sublatis essent; exercitum ducunt Megaram. Ipsi cum paucis equitibus Herbestum proficiscuntur, spe, territis omnibus, per proditionem urbis potiundae. Quod ubi frustra eis fuit inceptum, vi agendum rati, postero die Megaris castra movent, ut Herbestum omnibus copiis obpugnarent. Hippocrates et Epicydes, non tam tutum prima specie, quam unum, spe undique abscissa, consilium esse rati, ut se militibus permitterent, et adsuets magna ex parte sibi, et tum fama caedis commilitonum aucensis, obviam agmini procedunt. Prima forte signa sexcentorum Creten sium erant, qui apud Hieronymum meruerant sub eis, et Hannibalis beneficium habebant, capti ad Trasimenum inter Romanorum auxilia dimissique. Quos ubi ex signis armorumque habitu cognovere Hippocrates atque Epicydes, ramos oleae ac velamenta alia subplicum porrigentes, orare, ut reciperent sese receptosque tutarentur, neu proderent Syracusanis, a quibus mox ipsi trucidandi populo Romano dederentur.

XXXI. Enimvero, conclamant, bonum ut animum haberent: omnem se cum illis fortunam subi-

subituros. Inter hoc colloquium signa constiterant, tenebaturque agmen; necdum, quae morae causa foret, pervenerat ad duces. Postquam Hippocraten atque Epicyden adesse pervasit rumor, fremitusque tota agmine erat haud dubie adprobantium adventum eorum; extemplo praetores citatis equis ad prima signa perrexerunt, *Qui mos ille, quae licentia Cretensum esset*, rogitantes, *colloquia ferendi cum hoste, injussuque praetorum miscendi eas agmini suo?* Comprehendi injicique catenas jusserunt Hippocrati. Ad quam vocem tantus extemplo primum a Cretenſibus clamor est ortus, deinde exceptus ab aliis, ut facile, si ultra tenderent, adpareret, eis timendum esse. Solliciti incertique rerum suarum Megaram, unde profecti erant, referri signa jubent, nuntiosque de statu praesenti Syracusas mittunt. Fraudem quoque Hippocrates addit, inclinatis ad omnem suspicionem animis; et, Cretenſum quibusdam ad itinera insidenda missis, velut interceptas literas, quas ipse composuerat, recitat: *Praetores Syracusanſi consuli Marcello.* Secundum salutem, ut adſolet, scriptum erat: *Recte cum atque ordine fecisse, quod in Leontinis nulli peperciſſet.* Sed omnium mercenariorum militum eandem esse causam, nec unquam Syracusas quieturas, donec quidquam externorum auxiliorum aut in urbe aut in exercitu suo esset. Itaque daret operam, ut eos, qui cum suis praetoribus castra ad Megaram haberent, in suam potestatem redigeret, ac subplicio eorum liberaret tandem Syracusas. Haec quum recitata essent, cum tanto clamore ad arma discursum est, ut praetores inter tumultum pavidſ adequitaverint Syracusas. Et ne fuga quidem eorum feditio compressa est, inpetusque in Syracusanos milites fiebat: nec ab ullo

S 2

tem-

temperatum foret, ni Epicydes atque Hippocrates irae multitudinis obviamissent; non a misericordia aut humano consilio, sed ne spem reditus praeciderent sibi, et quum ipsos simul milites fidos haberent, simul obsides, tum cognatos quoque eorum atque amicos tanto merito primum, dein pignere sibi conciliarent: expertique, quam vana aut levi aura mobile vulgus esset, militem nuncti ex eo numero, qui in Leontinis circumfessi erant, subornant, ut Syracusas perferret nuntium convenientem eis, quae ad Mylam falso nuntiata erant, auctoremque se exhibendo, ac velut visâ, quae dubia erant, narrando, concitaret iras hominum.

XXXII. Huic non apud vulgum modo fides fuit, sed senatum quoque in curiam introductus movit. Haud vani quidam homines palam ferre, *perbene detectam in Leontinis esse avaritiam et crudelitatem Romanorum. Eadem, si intrassent Syracusas, aut foediora etiam, quo majus ibi avaritiae praemium esset, facturos fuisse.* Itaque claudendas cuncti portas et custodiendam urbem censere. Sed non ab omnibus omnes timere, nec eosdem odisse. Ad militare genus omne partemque magnam plebis invisum esse nomen Romanum. Praetores optimatumque pauci, quamquam inflati vano nuntio erant, tamen ad propius praesentiusque malum cautiores esse. Et jam ad Hexapylum erant Hippocrates atque Epicydes: serebanturque colloquia per propinquos popularium, qui in exeritu erant, ut portas aperirent, sinerentque communem patriam defendi ab impetu Romanorum. Jam, unis foribus Hexapyli apertis, coepti erant recipi, quum praetores intervenerunt. Et primo imperio minisque, deinde auctoritate, deterren-

do, postremo, ut omnia vana erant, obliti majestatis, precibus agebant, ne proderent patriam tyranni ante satellitibus, et tum corruptoribus exercitus. Sed surdae ad haec omnia aures concitatae multitudinis erant, nec minore intus vi, quam foris, portae effringebantur: effractisque omnibus, totum Hexapylo agmen receptum est. Praetores in Achradinam cum juventute popularium confugiant. Mercenarii milites perfugaeque, et quidquid regionum militum Syraculis erat, agmen hostium augment. Ita Achradina quoque primo impetu capitur, praetoresque, (nisi qui inter tumultum effugerunt) omnes interficiuntur. Nox caedibus finem fecit. Postero die servi ad pileum vocati, et carcere vincti emissi: confusaque haec omnis multitudo Hippocratem atque Epicydem erant praetores: Syracusaeque, quum breve tempus libertas adfulisset, in antiquam servitutem reciderunt.

XXXIII. Haec nuntiata quum essent Romanis, ex Leontinis mota sunt extemplo castra ad Syraculas. Et ab Appio legati per portam missi forte in quinquere mi erant. Praemissa quadriremis, quum intrasset fauces portus, capitur: legati aegre effugerunt. Et jam non modo pacis, sed ne belli quidem iura relicta erant: quum Romanus exercitus ad Olympium (Jovis id templum est) mille et quingentis passibus ab urbe castra posuit. Inde quoque legatos praemitti placuit: quibus, ne intrarent urbem, extra portam Hippocrates atque Epicydes obviam cum suis processerunt. Romanus orator non bellum se Syracusanis, sed opem auxiliumque adferre, ait, et eis, qui, ex media caede elapsi, perfugerint ad se, et eis, qui, metu oppressi, foediorum, non exsilio soluti, sed etiam morte, servitutem patiantur.

S 3

Nec

Nec caedem nefandam sociorum inultam Romanos passuros. Itaque si eis, qui ad se perferint, tutus in patriam reditus patet, caedis auctores dedantur, et libertas legesque Syracusanis restituantur, nihil armis opus esse. Si ea non fiant, quicumque in mora sit, bello persequituros. Ad ea Epicydes, Si qua ad se mandata haberent, responsum eis, ait, se daturos fuisse: quum in eorum, ad quos venerint, manu res Syracusana esset, tum reverterentur. Si bello laceessant, ipsa re intellecturos, nequaquam idem esse Syracusas ac Leontinos obpugnare. Ita legis relictis, portas clausit. Inde terra marique simul coeptae obpugnari Syracusae: terra ab Hexapylo, mari ab Achradina, cuius murus fluctu adluitur. Et quia, sicut Leontinos terrore ac primo inpetu ceperant, non diffidebant, vastam disiectamque spatio urbem parte aliqua se invasuros, omnem adparatum obpugnandarum urbium muris admoverunt.

XXXIV. Et habuisset tanto inpetu coepta res fortunam, nisi unus homo Syraculis ea tempestate fuisset. Archimedes is erat, unicuique spectator coeli siderumque; mirabilior tamen inventor ac machinator bellicorum tormentorum operumque, quibus ea, quae hostes ingenti mole agerent, ipse perlevi momento ludificaretur. Murum per inaequales ductum colles, (pleraque alta et difficilia aditu, submissa quaedam et quae planis vallibus adiri possent) ut cuique aptum visum est loco, ita omnigenere tormentorum instruxit. Achradinae murum, qui, ut ante dictum est, mari adluitur, ex quinqueremibus Marcellus obpugnabat. Ex ceteris navibus sagittarii funditoresque et velites etiam, quorum telum inhabile ad remittendum inperitis est, vix quamquam sine vulnere consistere in muro patiebantur.

bantur. Hi, quia spatio missilibus opus est, procul muro tenebant naves. Junctae aliae binae ad quinquereemes, demtis interioribus remis, ut latus lateri adplicaretur, quum exteriore ordine remorum velut naves agerentur, turres contabulatas machinamentaue alia qualiendis muris portabant. Adversus hunc navalem adparatum Archimedes variae magnitudinis tormenta in muris disposuit. In eas, quae procul erant, naves saxa ingenti pondere mittebat: propiores levioribus, eoque magis crebris, petebat telis: postremo, ut sui vulnere intacti tela in hostem ingererent, murum ab imo ad summum crebris, cubitalibus fere, cavis aperuit; per quae cava pars sagittis, pars scorpionibus modicis ex obscuro petebant hostem. Quae propius quaedam subibant naves, quo interiores ictibus tormentorum essent, in eas tollenone super murum eminente ferrea manus, firmas catenae inligata, quum injecta prorae esset, gravi libramento plumbi recedente ad solum, suspensa prora, navim in puppim statuebat: dein, remissa subito, velut ex muro cadentem navim cum ingenti trepidatione nautarum ita undae adfligebat, ut, etiamsi recta reciderat, aliquantum aquae acciperet. Ita maritima obpugnatio est elusa, omnisque vis est eo versa, ut totis viribus terra adgrederentur. Sed ea quoque pars eodem omni adparatu tormentorum instructa erat, Hieronis impensis curaue per multos annos, Archimedis unica arte. Natura etiam juvabat loci, quod saxum, cui inposita muri fundamenta sunt, magna ex parte ita proclive est, ut non solum missa tormento, sed etiam quae pondere suo provoluta essent, graviter in hostem inciderent. Eadem causa ad subeundum arduum aditum instabilemque ingres-

sum praebebat. Ita, consilio habito, quum omnis conatus ludibrio esset, abstinere oppugnatione atque obsidendo tantum arcere terramarique commeatibus hostem placuit.

XXXV. Interim Marcellus, cum tertia fere parte exercitus ad recipiendas urbes profectus, quae in motu rerum ad Carthaginenses defecerant, Helorum atque Herbestum, deditibus ipsis, recipit. Megara vi capta diruit ac diripuit ad reliquorum, ac maxime Syracusanorum, terrorem. Per idem fere tempus et Himilco, qui ad Pachyni promontorium classem diu tenuerat, ad Heracleam, quam vocant Minoam, quinque et viginti milia peditum, tria equitum, duodecim elephantos exposuit; nequaquam cum quantis copiis ante tenuerat ad Pachynum classem. Sed postquam ab Hippocrate occupatae Syracusae erant, profectus Carthaginem adjutusque ibi et ab legatis Hippocratis literisque Hannibalis, qui venisse tempus agebat Siciliae per summum decus repetendae, et ipse haud vanus praesens monitor facile perpulerat, ut, quantae maximae possent, peditum equitumque copiae in Siciliam trajicerentur. Adveniens Heracleam, intra paucos dies inde Agrigentum recipit: aliarumque civitatum, quae partis Carthaginensium erant, adeo ad censae sunt spes ad pellendos Sicilia Romanos, ut postremo etiam, qui obsidebantur Syracusis, animos sustulerint, et, parte copiarum satis defendi urbem posse rati, ita inter se munera belli partiti sunt, ut Epicydes praeeset custodiae urbis, Hippocrates, Himileoni conjunctus, bellum adversus consulem Romanum gereret. Cum decem milibus peditum, quingentis equitibus nocte per intermissa custodiis loca profectus, castra circa Acrillas urbem ponebat. Munientibus super-

supervenit Marcellus, ab Agrigento jam occupato, quum frustra eo praevenire hostem festinans tetendisset, rediens; nihil minus ratus, quam illo tempore ac loco Syracusanum sibi exercitum obviam fore; sed tamen metu Himilconis Poenorumque (ut quibus nequaquam eis copiis, quas habebat, par esset) quam poterat maxime intentius atque agmine ad omnes casus composito ibat.

XXXVI. Forte ea cura, quae erat adversus Poenos praeparata, adversus Siculos usus fuit. Castris ponendis incompósitos ac dispersos nactus eos et plerosque inermes, quod peditum fuit, circumvenit: eques, levi certamine inito, cum Hippocrate Acras persequitur. Ea pugna deficientes ab Romanis quum prohibuisset Siculos, Marcellus Syracusas rediit: et post paucos dies Himilco, adjuncto Hippocrate, ad flumen Anapum, octo ferme inde millia, castra posuit. Sub idem fere tempus et naves longae quinque et quinquaginta Carthaginensium cum Bomilcare, classis praefecto, in magnum portum Syracusas ex alto decurrere; et Romana item classis, triginta quinquereemes, legionem primam Panormi exposuere; versumque ab Italia bellum (adeo uterque populus in Siciliam intentus) fuisse videri poterat. Legionem Romanam, quae exposita Panormi erat, venientem Syracusas, praedae haud dubie sibi futurum Himilco ratus, via decipitur. Mediterraneo namque Poenus itinere duxit; legio maritimis locis, classe prosequente, ad Ap. Cladium, Pachynum cum parte copiarum obviam progressum, pervenit. Nec diutius Poeni ad Syracusas morati sunt: et Bomilcar, simul parum fidens navibus suis, duplici facile numero classem habentibus Romanis, simul inutili mora cer-

nens nihil aliud ab suis quam inopiam adgravi sociorum, velis in altum datis, in Africam transmissit. Et Himilco, sequutus nequidquam Marcellum Syracusas, si qua, prius quam majoribus copiis jungeretur, occasio pugnandi esset, postquam ea nulla contigerat, tutumque ad Syracusas et munimento et viribus hostem cernebat, ne frustra adsidendo spectandoque obsidionem sociorum tempus terneret, castra inde movit; ut, quocumque vocasset defectionis ab Romanis spes, admoveeret exercitum, ac praelens suas res foventibus adderet animos. Murgantium primum, prodito ab ipsis praesidio Romano, recepit; ubi frumenti magna vis commeatusque omnis generis convecti erant Romanis.

XXXVII. Ad hanc defectionem erecti sunt et aliarum civitatum animi: praesidiaque Romana aut pellebantur arcibus, aut prodita per fraudem obprimebantur. Henna, excelso loco ac praerupto undique sita, quum loco inexpugnabilis erat, tum praesidium in arce validum praefectumque praesidii haud sane obportunum insidiantibus habebat. L. Pinarius erat vir acer, et qui plus in eo, ne posset decipi, quam in fide Siculorum, reponeret. Et tum intenderant eum ad cavendi omnia curam tot auditaeproditiones defectionesque urbium, et clades praesidiorum. Itaque nocte dieque juxta parata instructaque omnia custodiis ac vigiliis erant: nec ab armis aut loco suo miles abscedebat. Quod ubi Hennensium principes, jam pacti cum Himilco de prodicione praesidii, animadverterunt, nulli occasione fraudis Romanum patere, palam rentur agendum. *Urbem arcemque suae potestatis, ajunt, debere esse, si liberi in societatem, non servi in custodiam, traditi essent Romanis. Itaque claves por-*

portarum reddi sibi aequum censent. Bonis sociis fidem suam maximum vinculum esse: et ita sibi populum Romanum senatumque gratias habiturum, si volentes ac non coacti mansissent in amicitia. Ad ea Romanus, Se in praesidio impositum esse, dicere, ab imperatore suo; clavesque portarum et custodiam arcis ab eo adcepisse, quae nec suo nec Hennensium arbitrio haberet, sed ejus, qui commisisset. Praesidio decedere apud Romanos capital esse; et nece liberorum etiam suorum eam legem parentes sauxisse. Consulem Marcellum haud procul esse: ad eum mitterent legatos, cujus juris atque arbitrii esset. Se vero negare illi missuros, testarique, si verbis nihil agerent, vindictam aliquam libertatis suae quaesituros. Tum Pinarius: at illi, si ad consulem gravarentur miltere, sibi saltem darent populi concilium: ut sciretur, utrum paucorum ea denuntiata, an universae civitatis essent. Consensu in posteram diem concio edicitur.

XXXVIII. Postquam ab eo conloquio in arcem sese recepit, convocatis militibus, Credo ego vos audisse, milites, inquit, quemadmodum praesidia Romana ab Siculis circumventa et obpressa sint per hos dies. Eam vos fraudem, Deum primo benignitate, dein vestra ipsi virtute, dies noctesque perslando ac pervigilando in armis, vitastis. Utinam reliquum tempus nec patiundo infanda, nec faciendo, traduci possit! Haec obculta in fraude cautio est, qua usi adhuc sumus: cui quoniam parum subcedit, aperte, ac propalam claves portarum repossunt; quas simul traderimus, Carthaginiensium extemplo Henna erit, foediusque hic trucidabimur, quam Murgantiae praesidium interfectum est. Noctem unam aegre ad consultandum sumus, qua vos certiores periculi instantis

tis facerem. Orta luce concionem habituri sunt ad criminandum me concitandumque in vos populum. Itaque crastino die aut vespro, aut Hennensium sanguine Henna inundabitur. Nec praecipitati spem ullam, nec occupantes periculi quidquam habebitis. Qui prior strinxerit ferrum, ejus victoria erit. Intenti ergo omnes armatique signum expectabitis. Ego in concione ero; et tempus, quoad omnia iussu sunt, loquendo altercandoque traham. Quum toga signum dederō, tum mihi undique clamore sublato turbam invadite, ac sternite omnia ferro; et cavete, quisquam supersit, a quibus aut vis, aut fraus timeri possit. Vos, Ceres mater ac Proserpina, precor, ceteri superi infernique Dii, qui hanc urbem, hos sacros lacus lucosque colitis, ut ita nobis volentes propitii adsitis, si vitandae, non ferendae, fraudis causa hoc consilii capimus. Pluribus vos, milites, hortarer, si cum armatis dimicatio futura esset. Inermes, incautos ad satietatem trucidabitis. Et confusis castra in propinquo sunt, ne quid ab Himilcone et Carthaginiensibus timeri possit.

XXXIX. Ab hac adhortatione dimissi corpora curant. Postero die alii aliis locis, ad obsidenda itinera claudendosque obpositi exitus, pars maxima super theatrum circaque, adsueta et ante spectaculis concionum, consistunt. Productus ad populum a magistratibus praefectus Romanus, quum consulis ea de re ius ac potestatem esse, non suam; et pleraque eadem, quae pridie, dixisset; primo sensim ac plures reddere claves, dein jam una voce id omnes juberent, cunctantique ac differenti ferociter minitarentur, nec viderentur ultimam dilaturi; tum praefectus toga signum, ut convenerat, dedit; militesque intenti dudum ac parati, alii superne in aver-
sam

sam concionem clamore sublato decurrunt, alii ad exitus theatri conferti obstitunt. Caeduntur Hennenses cavea inclusi, coacervanturque, non caede solum, sed etiam fuga; quum alii super aliorum capita ruerent, atque integri sauciis, vivi mortuis incidentes, cumularentur. Inde passim discurritur, et urbis captae modo fugaque et caedes omnia tenet: nihilo remissiore militum ira, quod turbamini mem caedebant, quam si periculum par et ardor certaminis eos irritaret. Ita Henna aut malo, aut necessario facinore retenta. Marcellus nec factum inprobavit, et praedam Hennensium militibus concessit, ratus, timore deterritos temperaturos prodicionibus praesidiorum Siculos. Atque ea clades, ut urbis in media Sicilia sitae claraeque vel ob insignem munimento naturali locum, vel ob sacrata omnia vestigiis raptae quondam Proserpinae, prope uno die omnem Siciliam pervasit. Et quia caede infanda rebantur, non hominum tantum, sed etiam Deorum sedem violatam esse, tum vero, qui etiam ante dubii fuerant, defecere ad Poenos. Hippocrates inde Murgantiam, Himilco Agrigentum sese recepit: quum aditi a proditoribus nequidquam ad Hennam exercitum admovissent. Marcellus retro in Leontinos redit; frumentoque et com meatibus aliis in castra convectis, praesidio modico ibi relicto, ad Syracusas obsidendas venit. Inde Ap. Claudio Romam ad consulatum petendum misso, T. Quinctium Crispinum in ejus locum classi castrisque praeficit veteribus. Ipse hibernacula quinque millia passuum Hexapylo (Leonta vocant locum) communivit aedificavitque. Haec in Sicilia usque ad principium hiemis gesta.

XL. Eadem aestate et cum Philippo rege, quod jam ante suspectum fuerat, motum bellum est. Legati ab Orico ad M. Valerium praetorem venerunt, praesidentem classi Brundisio Calabriaeque circa litoribus, nuntiantes, Philippum primum Apolloniam tentasse, lembis biremibus centum viginti flumine adverso subvectum: deinde, ut ea res tardior spe fiderit, ad Oricum clam nocte exercitum admovisse: eamque urbem, sitam in plano, neque moenibus, neque viris atque armis validam, primo impetu oppressam esse. Haec nuntiantes orabant, ut opem ferret, hostemque haud dubium Romanis terra aut maritimis viribus arceret; qui ob nullam aliam causam, nisi quod imminerent Italiae, peterentur. M. Valerius, praesidio loci ejus relicto P. Valerio legato cum classe instructa parataque, et, quod longae naves militum capere non poterant, in onerarias inpositis, altero die Oricum pervenit; urbemque eam, levi tenente praesidio, quod recedens inde reliquerat Philippus, haud magno certamine recepit. Legati eo ab Apollonia venerunt, nuntiantes, in obsidione sese, quod deficere ab Romanis nollent, esse; neque sustinere ultra vim Macedonum posse, nisi praesidium mittatur Romanum. Facturum se, quae vellent, pollicitus, duo millia delectorum militum navibus longis, mittit ad ostium fluminis cum praefecto socium, Q. Naevio Crista, viro inpigro et perito militiae. Is, expositis in terram militibus navibusque Oricum retro, unde venerat, ad ceteram classem remissis, milites procul a flumine per viam minime ab regiis obsessam duxit, et nocte, ita ut nemo hostium sentiret, urbem est ingressus. Die insequenti quiescere, dum praefectus juventutem Apolloniatum armaque et urbis vires

res inspiceret. Vbi ea visa inspectaque satis animorum fecere, simulque ab exploratoribus comperit, quanta socordia ac negligentia apud hostes esset; silentio noctis ab urbe sine ullo tumultu egressus, castra hostium adeo neglecta atque aperta intravit, ut satis constaret, prius mille hominum vallum intrasse, quam quisquam sentiret, ac, si caede abstinuissent, pervenire ad tabernaculum regium potuisse. Cades proximorum portae excitavit hostes. Inde tantus terror pavorque omnes occupavit, ut non modo alius quisquam arma caperet, aut castris pellere hostem conaretur; sed etiam ipse rex, sicut somno excitus erat, prope seminudus fugiens, militi quoque, nedum regi, vix decore habitu, ad flumen navesque per fugerit. Eodem et alia turba effusa est. Paulo minus tria millia militum in castris aut capta, aut occisa. Plus tamen hominum aliquanto captum, quam caesum est. Castris direptis, Apolloniatae catapultas, ballistas tormentaque alia, quae obpugnandae urbi comparata erant, ad tuenda moenia, si quando si milis fortuna venisset, Apolloniam devexere: cetera omnis praeda castrorum Romanis concessa est. Haec quum Oricum essent nuntiata, M. Valerius classem ex templo ad ostium fluminis duxit, ne navibus capessere fugam rex posset. Itaque Philippus, neque terrestri, neque navali certamine satis fore parem se fidens, subductis aut incensis navibus, terra Macedoniam petiit, magna ex parte inermi exercitu spoliatoque. Romana classis cum M. Valerio Orici hibernavit.

XLI. Eodem anno in Hispania varie res gestae. Nam prius, quam Romani amnem Iberum transirent, ingentes copias Hispanorum

rum Mago et Hasdrubal fuderunt. Defecissetque ab Romanis ulterius Hispauia, ni P. Cornelius, raptim traducto exercitu Iberum, dubiis sociorum animis in tempore advenisset. Primo ad castrum Altum (locus est insignis caede magni Hamilcaris) castra Romani habuerunt. Arx erat munita, et convexerant ante frumentum. Tamen, quia omnia circa hostium plena erant, agmenque Romanum impune incursum ab equitibus hostium fuerat, et ad duo millia, aut moratorum aut palantium per agros, interfecta, cessere inde Romani propius pacata loca, et ad montem Victoriae castra communivere. Eo Cn. Scipio cum omnibus copiis, et Hasdrubal Gisgonis filius, tertius Carthaginiensium dux, cum exercitu iusto advenit: contraque castra Romana trans fluvium omnes confedere. P. Scipio, cum expeditis clam profectus ad loca circa visenda, haud sefellit hostes: obpressissentque eum in patentibus campis, ni tumultum in propinquo cepisset. Ibi quoque circumfessus adventu fratris obsidione eximitur. Castulo, urbs Hispaniae valida ac nobilis, et adeo conjuncta societate Poenis, ut uxor inde Hannibali esset, ad Romanos defecit. Carthaginienses Illiturgi obpugnare adorti, quia praesidium ibi Romanum erat: videbanturque inopia eum locum maxime expugnaturi. Cn. Scipio, ut sociis praesidioque ferret opem, cum legione expedita profectus, inter bina castra cum magna caede hostium urbem est ingressus, et postero die eruptione aequae felici pugnavit. Supra duodecim millia hominum caesa dubbis proeliis: plus mille capti, cum sex et triginta militaribus signis. Ita ab Illiturgi recessum est. Bigerra inde urbs (socia et haec Romanorum erat) a Carthaginiensibus obpugnari coepta

coepta est. Eam obsidionem sine certamine adveniens Cn. Scipio solvit.

XLII. Ad Mundam exinde castra Punica mota: et Romani eo confestim sequuti sunt. Ibi signis coplatis pugnatum per quatuor ferme horas: egregieque vincentibus Romanis signum receptui est. datum, quod Cn. Scipionis femur tragula confixum erat; pavorque circa eum ceperat milites, ne mortiferum esset vulnus. Ceterum haud dubium fuit, quin, nisi ea mora intervenisset, castra eo die Punica capi potuerint. Jam non milites solum, sed elephanti etiam usque ad vallum acti erant, superque ipso novem et triginta elephanti pilis confixi. Hoc quoque proelio ad duodecim millia hominum dicuntur caesa, prope tria capta, cum signis militaribus septem et quinquaginta. Ad Auringen inde urbem Poeni recessere; et, ut territis insisteret, sequutus Romanus. Ibi iterum Scipio lectacula in aciem inlatus conflixit: nec dubia victoria fuit: minus tamen dimidio hostium, quam antea, quia pauciores superfuerant, qui pugnarent, obcisum. Sed gens nata instaurandis reparandisque bellis, Magone ad conquestionem militum fratre misso, brevi replevit exercitum, animosque ad tentandum de integro certamen fecit. Alii plerique milites, sicut pro parte toties intra paucos dies victa, eisdem animis, quibus prius, ita eodem eventu pugnare. Plus octo millia hominum caesa: haud multo minus quam mille captum, et signa militaria quinquaginta octo; et spolia plurima Gallica fuere, aurei torques armillaeque, magnus numerus. Duo etiam insignes reguli Gallorum (Moenicapo et Civismaro nomina erant) eo proelio ceciderunt. Octo elephanti capti, tres obcisi. Quum jam res prosperae in Hispania

T. Liv. P. II,

T

essent,

essent; verecundia Romanos tandem cepit, Saguntum oppidum, quae causa belli esset, octavum jam annum sub hostium potestate esse. Itaque id oppidum, vi pulso praesidio Punico, receperunt, cultoribusque antiquis, quos vis reliquerat belli, restituerunt: et Turdetanos, qui contraxerant eis cum Carthaginien-sibus bellum, in potestatem redactos sub corona vendiderunt, urbemque eorum delevere.

XLIII. Haec in Hispania, Q. Fabio, M. Claudio consulibus, gesta. Romae quum tribuni plebis novi magistratum inissent, exemplo censoribus, P. Furio et M. Atilio, a L. Metello tribuno plebis dies dicta ad populum est. Quaestorem eam proximo anno, adempto equo, tribu moverant atque aerarium fecerant, propter conjurationem deferendae Italiae ad Cannas factam. Sed novem tribunorum auxilio veliti causam in magistratu dicere dimissique fuerant. Ne lustrum perficerent, mors prohibuit P. Furii. M. Atilius magistratu se abdicavit. Consularia comitia habita a Q. Fabio Maximo consule. Creati consules ambo absentes, Q. Fabius Maximus, consulis filius, et Ti. Sempronius Gracchus iterum. Praetores fiunt M. Atilius, et, qui tum aediles curules erant, P. Sempronius Tuditanus et Cn. Fulvius Centumalus et M. Aemilius Lepidus. Ludos scenicos per quadri-dium eo anno primum factos ab curulibus aedilibus, memoriae praeditur. Aedilis Tuditanus hic erat, qui ad Cannas, pavore aliis in tanta clade torpentibus, per medios hostes evasit. Comitii perfectis, auctore Q. Fabio consule, designati consules Romam arcessiti magistratum inierant: senatumque de bello ac provinciis suis praetorumque et de exercitibus, quibus quique praessent, consuluerunt.

XLIV.

XLIV. Itaque provinciae atque exercitus
 divisi. Bellum cum Hannibale consulibus man-
 datum, et exercituum unus, quem ipse Sem-
 pronius habuerat, alter, quem Fabius consul.
 Eae binae erant legiones. M. Aemilius prae-
 tor, cujus peregrina fors erat, juris dictione
 M. Atilio conlegae, praetori urbano, manda-
 ta, Luceriam provinciam haberet, legiones-
 que duas, quibus Q. Fabius, qui tum consul
 erat, praetor praesuerat. P. Sempronio pro-
 vincia Ariminum, Cn. Fulvio Suessula, cum
 binis item legionibus, evenerunt: ut Fulvius
 urbanas legiones duceret, Tuditanus a M.
 Pomponio acciperet. Prorogata impenia pro-
 vinciaeque, M. Claudio Sicilia finibus eis, quib-
 us regnum Hieronis fuisset: Lentulo prae-
 praetori provincia vetus: T. Otacilio classis.
 Exercitus nulli additi novi. M. Valerio Graet-
 cia Macedoniaeque cum legione et classe, quam
 haberet: Q. Mucio cum veteri exercitu (duae
 autem legiones erant) Sardinia: C. Terentio
 legio una, cui jam praeerat, et Picenum.
 Scribi praeterea duae legiones urbanae iussae
 et viginti millia sociorum. His duobus, his
 copiis, adversus multa simul, aut mota aut
 suspecta, bella munierunt Romanum imperium.
 Consules, duabus urbanis legionibus scriptis
 subplementoque in alio facto, prius, quam
 ab Urbe moverent, prodigia procurarant,
 quae nuntiata erant. Murus ac portae tactae,
 et Ariciae etiam Jovis sedes de coelo tactae fue-
 rat. Et alia ludibria oculorum auriumque cre-
 dita pro veris. Navium longarum species in
 flumine Tarracinae, quae nullae erant, visae,
 et in Jovis Vicilini templo, quod in Compla-
 no agro est, arma concrepuisse: et flumen Ame-
 terni creventum fluxisse. His procuratis ex de-
 creto pontificum, profecti consules, Sempro-
 nius

nus in Lucanos, in Apuliam Fabius. Pater filio legatus ad Suesulan in castra venit. Quum obviam filias progredieretur, lictoresque verecundia modestatis ejus taciti anteirent; praeter undecim falces equo praevectus senex, ut consul animadvertere proximam lictorem iussit, et id, ut descenderet ex equo, exclamavit, tum demum deliliens, *Experiri, inquit, vobis, fili, satini scires, consulem te esse.*

XXV. In ea castra Dalius Alpinus Arpinus clara nocte cum tribus servis venit, promittens, si libi praemio foret, se Arpos proditam esse. Quum eam rem ad consilium retulisset Fabius, aliis pro transfuga verberandumque videri, incipitis animi communi hostis, qui post Cannensem cladem, tamquam cum fortuna fidem stare oporteret, ad Hannibatem discessisset, traxissetque ad defectionem Arpos; quumque res Romana contra spem votaquo ejus velut resurgeret, turpis videretur novam referre proditionem proditis olim; quae aliunde fiet semper, aliunde fontiat, insidus socius, varius hostis, ad Faleriorum Pyrrhus proditorum tertium transfugis documentum esset. Contra ea consulis pater Fabius, temporum oblietos homines, in medio ardore belli, tamquam in pace, liberti de quoque arbitrio agere, aiebat: qui, quum illud potius agendam atque ad cogitandum sit, si quo modo fieri possit, ne qui socii a populo Romano desiscant, id non cogitant; documentum autem dicant statui oportere, si quis resipiscat, et antiquam societatem respiciat. Quod si ubi ab Romanis liceat, redire ad eos non liceat; cui dubium esse, quin brevi deserta ab sociis Romana res foederibus Puniois omnia in Italia juncta visura sit. Sed tamen non eum esse, qui Alpinio fidei quidquam confias habendam, sed mediam consequiturum con-

non filio ulam. Neque cum pra hoste, nequa pab
focio in praesentia habitum, libera custodia
haud procul a castris placere in aliqua sua rivi-
tate servari per belli tempus; perpetrato bello,
tum consulendum, utrum defactio prior plus
merita sit poenae, an hic reditus veniae. Fab-
bio adensum est; catenisque ligatus, traditur
et ipse et comites; et auri satis magnum pon-
dus, quod secum tum adtulerat, ei servari ius-
sum. Calibus eum interdum solutum custodes
sequebantur; nocte clausum adservabant. Ara-
pis domi primum desiderari quaerique est coe-
ptus; dein fama, per totam urbem vulgata,
tumultum, ut princeps amisso, fecit: meta-
que rerum novarum extemplo nuntii ad Han-
nibalem missi. Quibus nequaquam obfensus
Poenus, quia et ipsum, ut ambiguae fidei vi-
rum, suspectum jam pridem habebat, et cau-
sam nactus erat tam ditis hominis bona possi-
dendi vendendique; ceterum ut irae magis,
quam avaritiae, datum crederent homines,
crudelitatem quoque gravitati addidit; conju-
gemque ejus ac liberos in castra aditos, quae-
stione prius habita, primum de fuga Altinii
dein quantum auri argentique domi relictum
esset, satis cognitis omnibus, vivos combussit.

XLVI, Fabius, ab Sueffula profectus, Ar-
pos primum institit obpugnare. Vbi quum a
quingentis fere passibus castra posuisset, con-
templatus ex propinquo situm arbis moeniaque,
quae pars tutissima moenibus erat, qua maxi-
me neglectam custodiam vidit, ea potissimum
adgredi statuit. Comparatis omnibus, quae ad
urbes obpugnandas usui sunt, centurionum
roborum ex toto exercitu delegit, tribunosque
viros fortes eis praefecit, et milites sexcentos,
quantum satis visum est, adtribuit: eosque,
ubi quartae vigiliae signum cecinisset, ad eum

T 3

locum

iacuum scalam iussit ferro. Porta ibi humilis et angusta erat, via insequenti per desertam partem urbis. Eam portam scalis prius transgressos ad murum pergere, et ex interiore parte vi claustra refringere iubet, et tementes partem urbis cornu signum dare, ut ceterae copiae admoventur: parata omnia atque instrata sese habiturum. Ea in pigre facta; et, quod impedimentum agentibus fore videbatur, id maxime ad fallendum adjuvit. Imber, ab nocte media coortus, custodes vigilisque dilabros e stationibus, subfugere in tecta coegit; sonituque primo largioris procellae frepitum molientium portam exaudiri prohibuit, lentior deinde aequaliorque accidens aribus magnam partem hominum sopivit. Postquam portam tenuerunt, cornuicines in via paribus intervallis dispositos canere iubent, ut confusum exirent. Id ubi factum ex composito est, signa efferri consul iubet, ac paullo ante lucem per effractam portam urbem ingreditur.

XLVII. Tum demum hostes excitati sunt, jam et imbre conquiescente, et propinqua luce. Praesidium in urbe erat Hannibalis, quinque millia ferme armatorum: et ipsi Arpini tria millia hominum armabant. Eos primos Poeni, ne quid ab tergo fraudis esset, hosti obposuerunt. Pugnatum primo in tenebris angustisque viis est; quum Romani non vias tantum, sed tecta etiam proxima portae, occupassent, ne peti superne ac vulnerari possent. Cogniti inter se quidam Arpinique et Romani; atque inde colloquia coepta fieri, percunctantibus Romanis, quid sibi vellent Arpini; quam ob noxam Romanorum, quod aut meritum Poenorum, pro alienigenis ac barbaris Italici adversus veteres socios Romanos bellum gererent, et vectigalem ac stipen-

dia-

diariam Italiam Africae facerent? Arpinis purgantibus, ignaros omnium se venum a principibus datos Poeno, captos obpressosque a paucis esse. Initio orto, plures cum pluribus conloqui. Postremo praetor Arpinus ab suis ad consulem deductus; fideque data inter signa aciesque, Arpini repente pro Romanis adversus Carthaginiensem arma verterunt. Hispani quoque, paullo minus mille homines, nihil praeterea cum consule pacti, quam ut sine fraude Punicum emitteretur praesidium, ad consulem transtulerunt signa. Carthaginien-sibus portae patefactae, emissisque cum fide incolumes ad Hannibalem Salapiam venerunt. Arpi sine clade ullius, praeterquam unius veteris proditoris, novi perfugae, restituti ad Romanos. Hispanis duplicia cibaria dari iussa; operaque eorum forti ac fideli persaepe res publica usa est. Quum consul alter in Apulia, alter in Lucania esset; equites centum duodecim nobiles Campani, per speciem praedandi ex hostium agro, permisso magistratum ab Capua profecti, ad castra Romana, quae super Suessulam erant, venerunt. Stationi militum, qui essent, dixerunt, conloqui sese cum praetore velle. Cn. Fulvius castris praerat; cui ubi nuntiatum est, decem ex eo numero iussis imperiis deduci ad se, ubi, quae postularent, audit, (nihil autem aliud petebant, quam ut, Capua recepta, bona sibi restituerentur) in fidem omnes adcepti. Et ab altero praetore Sempronio Tuditano oppidum Aternum expugnatum. Amplius septem milia hominum capta, et aeris argentique signati aliquantum. Romae foedum incendium per duas noctes ac diem unum tenuit: solo aequata omnia inter Salinas ac portam Carmentalem, cum Aequimaelio Jugarioque viro. In

templis Fortunae ac matris Matutae et Spei extra portam late vagatus ignis sacra profanaque multa absumsit.

XLVIII. Eodem anno P. et Cn. Cornelii, quum in Hispania res prosperae essent, multosque et veteres reciperent socios, et novos adjicerent, in Africam quoque spem extenderunt. Syphax erat rex Numidarum, subito Carthaginiensibus hostis factus: ad eum centuriones tres legatos miserunt, qui cum eo amicitiam societatemque facerent, et pollicerentur, si perseveraret urgere bello Carthaginienses, gratam eam rem fore senatui populoque Romano; et adnifuros, ut in tempore et bene cumulatam gratiam referant. Grata ea legatio barbaro fuit; conloquutusque cum legatis de ratione belli gerundi, ut veterum militum verba audivit, quam multarum rerum ipse ignarus esset, ex comparatione tam ordinatae disciplinae, animum advertit. Tum, primum ut pro bonis ac fidelibus sociis facerent, oravit, ut *duo legationem referrent ad imperatores suos; unus apud sese magister rei militaris remaneret. Eodem, ad pedestria bella Numidarum gentem esse, equis tantum habilem. Ita jam inde a principiis gentis majores suos bella gessisse, ita se a pueris insuetos; sed habere hostem pedestri fidentem Marte. Cui si aequari robore virium velit, et sibi pedites comparandos esse; et ad id multitudine hominum regnum abundare; sed armandi ornandique et instruendi eos artem ignorare. Omnia, velut forte congregata turba, vasta ac temeraria esse. Facturos se in praesentia, quod vellet, legati responderunt; fide adcepta, ut remitteret ex templo eum, si imperatores sui non comprobassent factum. Q. Statorio nomen fuit, qui ad regem remansit. Cum duobus Romanis reli-*

reliquis Numida legatos in Hispaniam misit ad accipiendam fidem ab imperatoribus Romanis. Iisdem mandavit, ut protenus Numidas, qui intra praesidia Carthaginiensium auxiliares essent, ad transitionem perficerent. Et Statorius ex multa juventute regi pedites conscripsit; ordinatosque proxime morem Romanum instruendo et decurrendo signa sequi et servare ordines docuit; et operi aliisque iustis militaribus ita adsuesecit, ut brevi rex non equitum magis fideret, quam peditum; conlatisque aequo campo signis, iusto proelio Carthaginiensem hostem superaret. Romanis quoque in Hispania legatorum regis adventus magno emolumento fuit. Namque ad famam eorum transitiones crebrae ab Numidis coeptae fieri. Ita cum Syphace Romanis juncta amicitia est. Quod ubi Carthaginienses adceperunt, exemplo ad Galam, in parte altera Numidiae (Masilyli ea gens vocatur) regnantem, legatos mittunt.

XLIX. Filium Gala Masinissam habebat, septem et decem annos natum, ceterum juvenem ea indole, ut jam tum adpareret, latius regnum opulentiussque, quam adceperet, facturum. Legati, quoniam Syphax se Romanis junxisset, ut potentior societate eorum adversus reges populosque Africae esset, docent; melius fore Galae quoque, Carthaginiensibus jungi quam primum, ante quam Syphax in Hispaniam, aut Romani in Africam transeant; obprimi Syphacem, nihil dum praeter nomen ex foedere Romano habentem, posse. Facile persuasum Galae, filio deposcente id bellum, ut exercitum mitteret; qui, Carthaginiensium legionibus conjunctis, magno proelio Syphacem devicit. Triginta millia eo proelio hominum caesa dicuntur. Syphax tam paucis

equitibus in Maurusios ex acie. Numidas (extremi prope oceanum adversus Gades colunt) refugit: affluentibusque ad famam ejus undique barbaris, ingentes brevi copias armavit. Cum quibus antequam in Hispaniam, angusto diremtam freto, trajiceret, Masinissa cum victore exercitu advenit: isque ibi cum Syphace ingenti gloria per se, sine ullis Carthaginensium opibus, gessit bellum. In Hispania nihil memorabile gestum, praeterquam quod Celtiberum juventutem eadem mercede, qua pacta cum Carthaginensibus erat, imperatores Romani ad se perduxerunt: et nobilissimos Hispanos supra trecentos in Italiam ad sollicitandos populares, qui inter auxilia Hannibalis erant, miserunt. Id modo ejus anni in Hispania ad memoriam insigne est, quod mercenarium militem in castris neminem ante, quam tum Celtiberos, Romani habuerunt.

T. LIVII PATAVINI LIBER XXV.

B R E V I A R I U M.

CAP. I. Hannibal in agro Tarentino aestatem consumit; et in Brutiis Consentini ac Thurini in fidem populi Rom. redeunt; sed T. Pomponius Voconius praefectus sociorum ab Hannone

nonè vincitur. Religio externa, novi sacrorum ritus librique vaticini Romae abolentur ab senatu. 2. Sacerdotibus aliquot mortuis alii substituantur, et novi creantur magistratus, in his P. Cornelius Scipio aedilis curulis ante legitimam aetatem. Matronae quaedam ad censantur probri, et ludi Romani diem unum, plebei per biduum instaurantur. 3. Q. Fulvius Flaccus III. et Ap. Claudius Pulcher consulatum ineunt. Praetores sortiuntur provincias, summaque XXIII legionum eo anno efficitur. Carvillii tribuni pl. M. Postumio Pyrgensi aliisque publicanis ob fraudem factam in iis, quae portarentur ad exercitus, dicunt mulctam, et hi in concilium plebis cuneo inrumpunt. 4. Vim eam contra remp. factam decernit senatus, et Carvillii rei capitalis diem dicunt publicanis; qui vel in carcerem conjiciuntur, vel in exsilium abeunt. 5. P. Licinius Crassus juvenis pontifex max. creatur: et ob inopiam juventutis militaris conscribuntur etiam minores XVII annis et ingenui per agros conquisiti. 6. Residui Cannensis exercitus, in veterem quietamque provinciam in Sicilia relegati, ad Marcellum, in nova ibi provincia bellum gerentem, legatos mittunt petentes, ut sub eo militare liceat et pugnando quaerere libertatem. 7. A Marcello ad senatum Rom. et ab hoc ad illum rejiciuntur. Creantur V viri muris turribusque et III viri templis reficendis, aliique III viri sacris conquirendis donisque persignandis. Tempestates foedae et prodigia, Obsides Tarentini Roma aufugiunt; sed comprehensi virgisque caesi de saxo deiciuntur. 8. Propter atrocitatem hujus poenae Tarenti nobiles conjurant juvenes, quorum principes Nico et Philemenus, nocte per speciem venandi urbem egressi, ejus prodendae modum ac tempus cum

Han.

*Hannibale componunt. 9. Is, opera illorum
usus, concubia nocte Tarentum ingreditur. 10.
Praesidium Romanum in arcem confugit, et
Tarentini benigne a Poenis tractantur. 11. Ar-
cem, in pelinsula positam et muro fossaque in-
genti divisam ab urbe, Hannibal alio ab ea mu-
ro ac vallo intersepire, at frustra obpugnare co-
natur. Ut tamen illa et mari et terra obsidea-
tur, Tarentini naves suas, portu inclusus, inde
per mediam urbem ad mare plaustis transve-
hant.*

*12. Religionem novam Romanis objiciunt
duo Marcii vatis carmina, quorum altero cla-
dem canuensem, altero finem belli Punici prae-
dixerat, si quotannis Apollini comiter fierent
ludi, et decemviri Graeco ritu hostiis majoribus
sacra facerent. Vtrumque Patres decernunt;
et haec est origo ludorum Apollinarius, quos
populus spectavit coronatus. 13. Capuam cir-
cumsidere parant consules, eodemque Hanno ex
Bruttiis cum exercitu mittitur, ut frumenti prius
copiam faciat Campanis. Qua de re a Bene-
ventanis certior factus Fulvius consul Boviano
profisciscitur in Campaniam, et castra Hanno-
nis paulo ante lucem adgreditur. 14. Quae,
etsi arduo posita loco, capiuntur, et Hanno cum
paucis in Bruttios redit. 15. Hannibal Campa-
nis duo millia equitum auxilio mittit: Romani
autem Tarentinam arcem frumento praesidioque,
quod Metapontii fuerat, instruunt. Itaque Me-
tapontini, metu, quo tenebantur, liberati, de-
ficiunt ad Hannibalem, eorumque exemplum ea-
dem ora maris et Thurini sequuntur. Consules
Ti. Gracchum ex Lucanis Beneventum venire ju-
bent et inde in Campanum agrum legiones du-
cunt ad Capuam obpugnandam. 16. Gracchus,
prius quam ex Lucanis movet, sacrificans tristi-
ter-*

terretur prodigio, et mox, a Flavio hospite suo Lucano deductus in insidias, a Magone paratus, eum suis perit. 17. Mortis funerisque ejus varia est fama.

18. Consules ad Capuam pugna incaute inita funduntur, et Campanis crescit animus; sed virox minuitur singulari certamine inter Badium Campanum et T. Quinctium Crispinum, perfamiliari hospitio junctos. 19. Hannibal, Capuam profectus, aequa ibi Marte cum Romanis confligit, et Appium consulem, abeuntem in Lucanos, sed alio itinere redeuntem, sequutus obviam venit M. Centenio Penulae, stolido homini et insigni olim inter primi pili centuriones et corporis et animi magnitudine, qui, adceptis a senatu octo hominum millibus et duplicato prope exercitu, conserit pugnam utque cum plerisque suorum cedit. 20. Capua a consulibus iterum summa vi obsidetur: in Lucanis autem volonum exercitus, mortuo Graccho, ab signis discedit; et Hannibal in Apuliam castra movet, oblata nova occasione inscii ducis exercitusque obprimendi. 21. Cn. Fulvius Flaccus praetor, stultitia et temeritate Centenio par, non animo, Poenio adventante, in aciem educit copias, caeco impetu ruentes suoque arbitrio tum consistentes, tum deserentes locum, et, ubi confestim rem inclinatum videt, cum paucis equitibus effugit. 22. Reliquiae duorum exercituum desertioresque de exercitu volonum conquiruntur; et Capua a consulibus ac Claudio Nerone praetore duplici fossa valloque cingitur. Hannibal arcem Tarentinam Brundisiumque frustra tentat, et, precibus legatorum Campanorum adductus, regreditur Capuam.

23. Interea Syracusarum obpugnatio ad finem venit, adjuncta proditiōe intestina et die festo

*festo Dianae, quo oppidani vino somnoque gravantur. Nocte proxima Romani scalis evadunt in murum, 24. et Hexapylon Epipolasque capiunt. Sub lucem Marcellus omnibus clipeis urbem ingreditur, reputansque secum, omnia mox arsurus, inlacrumat. 25. Achradinam murosque Epicydes et transfugae tenent, Euryalumque arcem tuetur Philodemus Argivus: Neapolis vero et Tyche a Romanis diripiuntur. 26. Peste absumuntur multi Romani omnesque fere Poeni cum ipsis ducibus Hippocrate et Himilcone, qui repente advenerant. 27. Bomilcar cum classe Punica ingentique comœatu adven-
tat, et Epicydes navigat ad eum, metuens, ne ob ventos adversos Africam repetat. Sed ubi tendere ad se Romanas naves vident circa Pachynum prom., ille Tarentum, hic Agrigentum petit. 28. Exercitus Siculorum praefectos Epicydis interficiunt, et multitudine ad concionem vocata exponunt, quae pacta jam habeant cum Marcello. 29. Tum ad hunc Syracusani mittunt legatos, omnesque pleni sunt bonae spei, praeter transfugas et mercenarios, qui verentes, ne tradantur Romanis, praetores multosque oves obtruncant, et sex praefectos creant, ut terni praesint Achradinae ac Naso. 30. Unus ex iis, Mericus Hispanus, Achradinam prodit Marcello, et agminibus armatorum eo concurrentibus ab Naso, haec quoque urbis pars a Romanis, navibus ad eam expositis, capitur. 31. Transfugis spatium locusque fugae datur, et Syracusani, omni tandem libertate metu, Marcello se permittunt. Inde urbs diripienda militi datur; in quo tumultu Archimedes perit. Frumentum quoque in tempore Syracusas mittit T. Otacilius, qui agros circa Vticam depopulatus erat.*

32. In Hispania Scipiones bifariam ita dividunt exercitum, ut Publius duas ejus partes adversus Magonam et Hasdrubalem Gisgonis filium, Cnaeus tertiam partem adjunctis XX m. Celtiberis adversus Hasdrubalem Barcinum ducat. 33. Celtiberi, magna mercede a Poenis sollicitati, abeunt domos, et Cn. Scipio, nunc impar propinquo hosti, retro cedit. 34. Par terror periculum majus fratrem urget tum a Masinissa, socio Poenorum, qui cum equitatu Numidarum saepius interdum agmen et noctu castra ejus incursum turbat, tum ab Indibilis, qui Poenis adducit auxilia. Huic obviam it P. Scipio, et primum in pugna superior est; sed, advenientibus Numidis et paullo post ducibus Poenorum, anceps fit proelium, in quo ipse cadit et Romani prostigantur. 35. Tum tres Poeni duces conjungunt se adversus Cn. Scipionem, qui, quantum potest, recedit, 36. et tumultum capit, Is quia nudus nec satis arctius est, Romani cli-
tellos sarcinasque adcumulatos loco valli obiciunt hostibus: at mox pauci ab multis cum ipso duce evaduntur. 37. L. Marcius Septimi filius et T. Fonteius utriusque exercitus reliquias conlegunt junguntque. Ille dux creatur et Hasdrubalem Gisgonis filium a vallo repellit. 38. Neque eo contentus milites ad castra illius ultro obpugnanda adhortatur; 39. et proxima nocte tam haec, tum proxima Poenorum capit castra.

40. Marcellus, captis Syraensis ceterisque in Sicilia magna fide et integritate compositis, ornamenta urbis Romam devehit: unde primum initium mirandi Graecarum artium opera et sacra profanaque spoliandi factum est. Bellum quidem reparatur ab Epicyde, Hamnone et potissimum Mutine Libyphoenice ac fortissimo Numidarum duce, qui totam Siciliam brevi tempore

pore implet nominis sui fama. 41. Hoc tamen absente illi, gloriae ejus obtrectantes, cum Marcelllo committunt pugnam, in qua Numidae sunt quieti, Poenique ingentem adcipiunt cladem. Novi consules praetoresque creantur Romae.

I. Dum haec in Africa atque in Hispania geruntur, Hannibal in agro Tarentino aestatem consumsit, spe per prodicionem urbis Tarentinorum potiundae. Ipsorum interim Sallentinorum ignobiles urbes ad eum defecerunt. Eodem tempore in Brutiis ex duodecim populis, qui anno priore ad Poenos desciverant, Consentini et Thurini in fidem populi Romani redierunt. Et plures rediissent, ni T. Pomponius Vejentanus praefectus socium, prosperis aliquot populationibus in agro Bruttio iustiducis speciem nactus, tumultuario exercitu coacto, cum Hannone conflixisset. Magna ibi vis hominum, sed inconditae turbae agrestium fervorumque, caesa aut capta est: minimumque jacturae fuit, quod praefectus inter ceteros est captus, et tum temerariae pugnae auctor, et ante publicanus, omnibus malis artibus et rei publicae et societatibus infidus damnosusque. Sempronius consul in Lucanis multa proelia parva, haud ullum dignum memoratu, fecit; et ignobilia oppida Lucanorum aliquot expugnavit. Quo diutius trahebatur bellum, et variabant secundae adversaeque res non fortunam magis, quam animos, hominum; tanta religio, et ea magna ex parte externa, civitatem incessit, ut aut homines, aut Dii

Dii repente alii viderentur facti. Nec jam in secreto modo atque intra parietes abolebantur Romani ritus; sed in publico etiam ac foro Capitolioque mulierum turba erat, nec sacrificantium, nec precantium Deos patrio more. Sacrificuli ac vates ceperant hominum mentes: quorum numerum auxit rustica plebs, ex incultis diutino bello infestisque agris egestate et metu in Urbem compulsa, et quaestus ex alieno errore facilis, quem velut ex concessae artis usu exercebant. Primo secretae honorum indignationes exaudiebantur, deinde ad Patres etiam et ad publicam querimoniam excessit res. Inculati graviter ab senatu aediles triumviri-que capitales, quod non prohiberent, quum emovere eam multitudinem e foro, ac disjicere adparatus sacrorum conati essent, haud procul afuit, quin violarentur. Vbi potentius jam esse id malum adparuit, quam ut minores per magistratus sedaretur, M. Atilio praetori Urbis negotium ab senatu datum est, ut his religionibus populum liberaret. Is et in concione senatus consultum recitavit et edixit, *Vt, quicumque libros vaticinos precationesve aut artem sacrificandi conscriptam haberet, eos libros omnes literasque ad se ante Calendas Apriles deferret: neu quis, in publico sacrove loco, novo aut externo ritu sacrificaret.*

II. Et aliquot publici sacerdotes mortui eo anno sunt: L. Cornelius Lentulus pontifex maximus, et C. Papirius C. F. Maso pontifex, et P. Furius Philus augur, et C. Papirius L. F. Maso decemvir sacrorum. In Lentuli locum M. Cornelius Cethegus, in Papirii Cn. Servilius Caepio, pontifices subiecti sunt. Augur creatus L. Quinctius Flamininus, decemvir sacrorum L. Cornelius Lentulus. Comitiorum consularium jam adpetebat tempus;

L. L. P. II.

U

sed,

fed, quia confules a bello intentos avocare non placebat; Ti. Sempronius consul comitiorum causa dictatorem dixit C. Claudium Centhonem. Ab eo magifter equitum eft dictus Q. Fulvius Flaccus. Dictator primo comitiali die creavit confules Q. Fulvium Flaccum, magiftrum equitum, et Ap. Claudium Pulchrum, cui Sicilia provincia in praetura fuerat. Tum praetores creati Cn. Fulvius Flaccus, C. Claudius Nero, M. Junius Silanus, P. Cornelius Sulla. Comitibus perfectis, dictator magiftratu abiit. Aedilis curulis fuit eo anno cum M. Cornelio Cethego P. Cornelius Scipio, cui poft Africano fuit cognomen. Huic petenti aedilitatem quum obfifterent tribuni plebis, negantes rationem ejus habendam efle, quod nondum ad petendum legitima aetas eflet: *Si me, inquit, omnes Quirites aedilem facere volunt, fatis annorum habeo.* Tanto inde favore ad fubfragium ferendum in tribus difcurfum eft, ut tribuni repente incepto defiterint. Aedilitia largitio haec fuit: ludi Romani protemporis illius copiis magnifice facti et diem unum inftaurati, et congii olei in vicos fingulos dati. L. Villius Tappulus et M. Fundanius Fundulus, aediles plebeji, aliquot matronas apud populum probri adcuſarunt; quasdam ex eis damnatas in exilium egerunt. Ludi plebeji per biduum inftaurati: et Jovis epulum fuit ludorum cauſa.

III. Q. Fulvius Flaccus tertium, Ap. Claudius confulatam ineunt. Et praetores provincias fortiti ſunt; P. Cornelius Sulla urbanam et peregrinam, quae duorum ante fors fuerat, Cn. Fulvius Flaccus Apuliam, C. Claudius Nero Sueſſulam, M. Junius Silanus Tufcos. Confulibus bellum cum Hannibale et binae legiones decretae: alter a Q. Fabio ſuper-

rio-

rioris anni consule, alter a Fulvio Centumalo adciperet. Praetorum, Fulvii Flacci, quae Luceriae sub Aemilio praetore; Neronis Claudii, quae in Piceno sub C. Terentio fuissent, legiones essent. Supplementum in eas quisque scriberet sibi. M. Junio in Tuscos legiones urbanae prioris anni datae. Ti. Sempronio Graccho et P. Sempronio Tuditano imperium provinciaeque Lucani et Galliae cum suis exercitibus prorogatae: item P. Lentulo, qua vetus provincia in Sicilia esset; M. Marcello Syracusae, et qua Hieronis regnum fuisset: T. Otacilio classis; Graecia M. Valerio: Sardinia Q. Mucio Scaevolae: Hispaniae P. et Cn. Corneliis. Ad veteres exercitus duae urbanae legiones a consulibus scriptae, summaque trium et viginti legionum eo anno effecta est. Delectum consulum M. Postumij Pyrgensis cum magno prope motu rerum factum impedit. Publicanus erat Postumius, qui multis annis parem fraude avaritiaeque neminem in civitate habuerat, praeter T. Pomponium Vejentanum, quem, populantem temere agros in Lucanis, ductu Hannonis prioris anno ceperant Carthaginenses. Hi, quia publicum periculum erat a vi tempestatis in his, quae portarentur ad exercitus, et ementiti erant falsa naufragia, et ea ipsa, quae vera renuntiaverant, fraude ipsorum facta erant, non casu. In veteres quassasque naves paucis et parvi pretii rebus inpositis, quum miserissent eas in alto, exceptis in praeparatas scaphas nautis, multiplices fuisse merces ementiebantur. Ea fraus indicata M. Atilio praetori prioris anno fuerat, ac per eum ad senatum delata, nec tamen ullo senatus consulto notata; quia Patres ordinem publicanorum in tali tempore offensum nolebant. Populus severior

vindex fraudis erat excitatque tandem duo tribuni plebis Sp. et L. Carvili, quum rem invisam infamemque cernerent, ducentum millium aeris muletam M. Postumio dixerunt. Cui certandae quum dies advenisset, conciliumque tam frequens plebis adesset, ut multitudinem area Capitolii vix oaperet; perorata causa, spes una videbatur esse, si C. Servilius Casca tribunus plebis, qui propinquus cognatusque Postumio erat, prius, quam ad subfragium tribus vocarentur, intercessisset. Testibus datis, tribuni populum submoverunt; stelloque adlata est, ut sortirentur, ubi Latini subfragium ferrent. Interim publicani Cascae instare, ut concilio diem eximeret. Populus reclamare: et forte in cornu primus sedebat Casca, cui simul metus pudorque animum verfabat. Quum in eo parum praesidii esset, turbandae rei causa publicani per vacuum in submoto locum cuneo intruperunt, iurgantes simul cum populo tribunisque. Nec procul dimicatione res erat, quum Fulvius consul tribunis, *Nonne videtis, inquit, vos in ordinem coactos esse, et rem ad seditionem spectare, ni prope dimittitis plebis concilium?*

IV. Plebe dimissa, senatus vocatur, et consules referunt de concilio plebis turbato viatque audacia publicanorum. *M. Furium Camillum, cujus exsilium ruina Urbis sequuta fuerit, damnari se ab iratis civibus passum esse. Decemviros ante eum, quorum legibus ad eam diem viverent, multos postea principes civitatis, iudicium de se populi passos. Postumium Pyrgensem subfragium populo Romano extorsisse, concilium plebis sustulisse, tribunos in ordinem coegisse, contra populum Romanum aciem instruxisse, locum occupasse, ut tribunos a plebe intercluderet, tribus in subfragium vocari prohibere.*

hiberet. Nihil aliud a caede ac dimicatione continuisse homines, nisi patientiam magistratum, quod cesserint in praesentia furori atque audaciae paucorum, vincique se ac populum Romanum passi sint: et comitia, quae reus vi atque armis prohibiturus erat, ne causa quaerentibus dimicationem daretur, voluntate ipsius sustulerint. Haec quum ab optimo quoque pro atrocitate rei acta essent; vimque eam contra rem publicam et pernicioso exemplo factam, senatus decreisset; confestim Carvili tribuni plebis, omitta mulctae certatione, rei capitalis diem Postumio dixerunt; ac, ni vades daret, prehendi a viatore atque in carcerem duci iusserant. Postumius, vadibus datis, non adfuit. Tribuni plebem rogaverunt, plebesque ita scivit: *Si M. Postumius ante Calendas Majas non prodisset citatusque eo die non respondisset neque excusatus esset; videri eum in exsilio esse, bonaque ejus venire, ipsi aqua et igni placere interdicti.* Singulis deinde eorum, qui turbae ac tumultus concitatores fuerant, rei capitalis diem dicere ac vades poscere coeperunt. Primo non dantes, deinde etiam eos, qui dare possent, in carcerem conficiebant; cujus rei periculum vitantes plerique in exsiliū abierunt.

V. Hunc fraus publicanorum, deinde fraudem audacia protegens, exitum habuit. Comitia inde pontifici maximo creando sunt habita. Ea comitia novus pontifex M. Cornelius Cethegus habuit. Tres ingenti certamine petierunt: Q. Fulvius Flaccus consul, qui et ante bis consul et censor fuerat; et T. Manlius Torquatus, et ipse duobus consulatibus et censura insignis; et P. Licinius Crassus, qui et aedilitatem curulem petiturus erat. Hic senes honoratosque juvenis in eo certamine vicit.

Ante hunc, intra centum annos et viginti, nemo praeter P. Cornelium Caluſſam, pontifex maximus creatus fuerat, qui ſella curuli non ſediſſet. Conſules quum aegre delectum conficerent, quod inopia juniorum non facile in utrumque, ut et novae urbanae legiones, et ſubplementum veteribus ſcriberetur, ſubſciebat; ſenatus *abſiſtere* eas incepto vetuit, et triumphos binos creari juſſit: alteros, qui citra, alteros, qui ultra quinquageſimum lapidem in pagis forisque et conciliabulis omnem copiam ingenuorum inſpicerent, et, ſi qui roboris ſatis ad ferenda arma habere viderentur, etiamſi nondum militari aetate eſſent, milites facerent. Tribuni plebis, ſi iis videretur, ad populum ferrent, ut, qui minores ſeptem et decem annis ſacramento dixiſſent, iis perinde ſtipendia procederent, ac ſi ſeptem et decem annorum, aut majores, milites facti eſſent. Ex hoc ſenatus conſulto creati triumphiri bini conquiſitionem ingenuorum per agros habuerunt. Eodem tempore ex Sicilia literae M. Marcelli de poſtulationis militum, qui cum P. Lentulo militabant, in ſenatu recitatae ſunt. Cannenſis reliquiae cladis hic exercitus erat, relegatus in Siciliam, ſicut ante dictum eſt, ne ante Punici belli finem in Italiam reportaretur.

VI. Hi permiſſu Lentuli primores equitum centurionumque et robora ex legionibus peditum legatos in hiberna ad M. Marcellum miſerunt, e quibus unus, poteſtate dicendi facta, Conſulem, inquit, te, M. Marcelle, in Italiam adiſſemus, quum primum de nobis, et ſi non iniquum, certe triſte ſenatus conſultum factum eſt, niſi hoc ſperaviſſemus, in provinciam nos morte regum turbatam ad grave bellum adverſus Siculos ſimul Paenosque mitti, et ſanguine noſtro vulneribusque nos ſenatui ſatis facturos

ros

ros esse; sicut patrum memoria, qui capti a Pyrrho ad Heracleam erant, adversus Pyrrhum ipsum pugnantes satis fecerunt. Quamquam quod ob meritum nostrum subcensuistis, Patres conscripti, nobis, aut subcensetis? Amba mihi consules et universum senatum intueri videor, quum te, M. Marcelle, intueor: quem si ad Cannas consulem habuissemus, melior et rei publicae et nostra fortuna esset. Sine, quaeso, prius quam de conditione nostra queror, noxam, cujus arguimur, nos purgare. Si non Deum ira, nec fato, ejus lege immobilis rerum humanarum ordo feritur, sed culpa perimus ad Cannas, ejus tandem ea culpa fuit? militum, an imperatorum? Equidem miles nihil umquam dicam de imperatore meo, cui praesertim gratias sciam ab senatu actas, quod non desperaverit de re publica; cui post fugam ab Cannis per omnes annos prorogatum imperium. Ceteros, item ex reliquiis cladis ejus, quos tribunos militum habuimus, honores petere et gerere, et provincias obtinere audivimus. An vobis vestrisque liberis ignoscitis facile, Patres conscripti, in haec vilia capita saevitis? et consuli primoribusque aliis civitatis fugere, quum spes alia nulla esset, turpe non fuit; milites utique mortuos in aciem misistis? Ad Alliam prope omnis exercitus fugit: ad Furculos Caudinas, ne expertus quidem certamen, arma tradidit hosti, ut alias pudendas clades exercituum taceam: tamen tantum afuit ab eo, ut ulla ignominia iis exercitibus quaereretur, ut et urbs Roma per eum exercitum, qui ab Allia Veios transfugerat, reciperaretur; et Caudinae legiones, quas sine armis redierant Romam, armatae remissae in Samnium, eundem illum hostem sub jugum miserint, qui hac sua ignominia latus fuerat.

U 4

Cau-

Cannensem vero quisquam exercitum fugae aut
 pavoris infimulare potest, ubi plus quinquaginta
 millia hominum ceciderunt? unde consul cum
 equitibus septuaginta fugit? unde nemo superest,
 nisi quem hostis caedendo fessus reliquit? Quum
 captivis redemptio negabatur, nos vulgo homines
 laudabant, quod rei publicae nos reservassemus;
 quod ad consulem Venusiam redissemus, et spe-
 ciem iusti exercitus fecissemus. Nunc deteriore
 conditione sumus, quam apud patres nostros
 fuerant captivi. Quippe illis arma tantum at-
 que ordo militandi, locusque, in quo tenderent
 in castris, est mutatus: quae tamen, semel na-
 vata rei publicae opera, et uno felici proelio,
 recuperarunt. Nemo eorum relegatus in exsi-
 lium est: nemini spes emerendi stipendia adema-
 ta: hostis denique est datus, cum quo dimican-
 tes, aut vitam semel, aut ignominiam finirent.
 Nos, quibus, nisi quod commisimus, ut quis-
 quam ex Cannensi acie miles Romanus superes-
 set, nihil objici potest, non solum a patria pro-
 cul Italiaque, sed ab hoste etiam, relegati su-
 mus; ubi senescamus in exsilio, ne qua spes, ne
 qua occasio abolendae ignominiae, ne qua pla-
 candae civium irae, ne qua denique bene mo-
 riendi sit. Neque ignominiae finem, nec virtu-
 tis praemium petimus; modo experiri animum
 et virtutem exercere liceat. Laborem et pericu-
 lum petimus, ut virarum, ut militum officio fun-
 gamur. Bellum in Sicilia jam alterum annum
 ingenti dimicatione geritur: urbes alias Poenus,
 alias Romanus expugnat: peditum, equitum
 acies concurrunt; ad Syracusas terra marique
 res geritur: clamorem pugnantium crepituque
 armorum exaudimus, residues ipsi ac segnes, tam-
 quam nec manus, nec arma habeamus. Servo-
 tum legionibus Ti. Sempronius consul toties jam
 cum

cum hoste signis conlatis pugnavit. Operae pretium habent, libertatem civitatemque, Pro servis saltem ad hoc bellum emtis vobis sumus. Congredi cum hoste liceat, et pugnando quaerere libertatem. Vis tu mari, vis terra, vis acie, vis urbibus obpugnandis experiri virtutem? Asperrima quaeque ad laborem periculumque deposcimus, ut, quod ad Cannas faciendum fuit, quam primum fiat; quoniam, quidquid poslea viximus, id omne destinatum ignominiae est.

VII. Sub haec dicta ad genua Marcelli procubuerunt. Marcellus id nec juris, nec potestatis suae esse dixit. Senatui scripturum se, omniaque de sententia Patrum facturum esse. Hae literae ad novos consules adlatæ ac per eos in senatu recitatae sunt: consultusque de his literis ita decrevit senatus: *Millibus, qui ad Cannas commilitones suos pugnantes deseruissent, senatum nihil videre, cur res publica committenda sit. Si M. Claudio proconsuli aliter videretur, fateret, quod e re publica fideque sua duceret; dum ne quis eorum munere vacaret, neu dono militari virtutis ergo donaretur, neu in Italiam reportaretur, donec hostis in terra Italia esset.* Comitia deinde a praetore urbano de senatus sententia plebisque scita sunt habita: quibus creati sunt quinqueviri muris turribusque reficiendis, et triumviri bini; uni sacris conquirendis donisque persignandis; alteri reficiendis aedibus Fortunae et matris Matutae intra portam Carmentalem, sed et Spei extra portam, quae priore anno incendio consumtae fuerant. Tempestates foedae fuere. In Albano monte biduum continenter lapidibus pluit. Tacta de coelo multa: duae in Capitolio aedes: vallum in castris multis locis supra Suessulam, et duo vigiles exanimati. Murus turresque quaedam

Cum is non ictae modo fulminibus, sed etiam decussae. Reate saxum ingens visum volitare: sol rubere solito magis sanguineoque similis. Horum prodigiorum causa diem unum supplicatio fuit, et per aliquot dies consules rebus divinis operam dederunt; et per eosdem dies sacrum novemdiale fuit. Quum Tarentinorum defectio jam diu et in ipse Hannibali, et in suspicione Romanis esset, causa forte extrinsecus maturandae ejus intervenit. Phileas Tarentinus, diu jam per speciem legationis Romae quum esset, vir inquieti animi, et minime otium, quo tum diutino fenescere videbatur, patientis, aditum sibi ad obsides Tarentinos invenit. Custodiebantur in atrio Libertatis minore cura, quia nec ipsis, nec civitati eorum fallere Romanos expediebat. Hos, crebris colloquiis sollicitatos, corruptis aeditu duobus, quum primis tenebris custodia eduxisset, ipse comes obculi itineris factus profugit. Luce prima vulgata per urbem fuga est: missique, qui sequerentur, ab Tarraquina comprehensos omnes retraxerant. Deducti in comitio, virgisque, adprobante populo, caesi de saxo dejiciuntur.

VIII. Hujus atrocitas poenae duarum nobilissimarum in Italia Graecarum civitatum animos irritavit, quum publice, tum etiam singulos privatim, ut quisque tam foede interemptos aut propinquitatem, aut amicitiam contingebat. Ex iis tredecim fere nobiles juvenes Tarentini conjuraverunt, quorum principes Nico et Philemenus erant. Hi, prius, quam aliquid moverent, colloquendum cum Hannibale rati, nocte per speciem venandi urbem egressi, ad eum proficiscuntur: et, quum haud procul castris abessent, ceteri silva prope viam sese obculuerunt; Nico et Philemenus, pro-

gressi

gressi ad stationes comprehensique, ultro id petentes, ad Hannibalem deducti sunt. Qui quum et causas consilii sui, et quid pararent, exposuissent; conlaudati oneratique promissis jubentur, ut fidem popularibus facerent, praedandi causa se urbem egressos, pecora Carthaginienſium, quae pactum propulsa essent, ad urbem agere. Tuto ac sine certamine id facturos, promissum est. Conspecta ea praeda juvenum est; minusque, iterum ac saepius id eos addere, miraculo fuit. Congressi cum Hannibale rursus, fide sanxerunt, liberos Tarentinos leges suaeque omnia habituros, neque ullum vectigal Poeno pensuros, praesidiumve invitos recepturos: prodita praelidia Carthaginienſium fore. Haec ubi convenerunt, tunc vero Philomenus consuetudinem nocte egrediendi redeundique in urbem frequentioſiorem facere (et erat venandi studio insignis) canesque et alius adparatus sequebatur; captumque ferme aliquid, aut ab hoste ex praeparato ablatum reportando, donabat aut praefecto, aut custodibus portarum. Nocte maxime commeari propter metum hostium, credebant. Vbi, jam eo consuetudinis adducta res est, ut, quocumque noctis tempore sibilo dedisset signum, porta aperiretur, tempus agenda rei Hannibali visum est. Tridui viam aberat: ubi, quominus mirum esset, uno eodemque loco stativa eum tamdiu habere, aegrum simulabat. Romanis quoque, qui in praesidio Tarenti erant, suspecta esse jam segnis mora ejus desierat.

IX. Ceterum postquam Tarentum ire constituit, decem millibus peditum atque equitum, quos in expeditione velocitate corporum ac levitate armorum aptissimos esse ratus est, electis, quarta vigilia noctis signa movit: praemisſisque octoginta fere Numidis equitibus praef-

praecepit, ut discurrerent circa vias perlustrarentque omnia oculis, ne quis agrestium procul spectator agminis falleret, praegressos retraherent, obvios occiderent, ut praedonum magis, quam exercitus, adcolis species esset. Ipse, raptim agmine acto, quindecim ferme millium spatio castra ab Tarento posuit; et, ne ibi quidem nuntiato, quo pergerent, tantum convocatos milites monuit, via omnes irent, nec deverti quemquam, aut excedere ordinem agminis paterentur, et in primis intenti ad imperia adcipienda essent, neu quid nisi ducum jussu facerent; se in tempore editurum, quae vellet agi. Eadem ferme hora Tarentum fama pervenerat, Numidas equites paucos populari agros, terroremque late agrestibus injecisse. Ad quem nuntium nihil ultra motus praefectus Romanus, quam ut partem equitum postero die luce prima juberet exire ad arcendum populationibus hostem. In cetera adeo nihil ob id intenta cura est, ut contra pro argumento fuerit illa procuratio Numidarum, Hannibalem exercitumque castris non movisse. Hannibal concubia nocte movit. Dux Philemenus erat, cum solito captae venerationis onere. Ceteri proditores ea, quae composita erant, expectabant. Convenerat autem, ut Philemenus, portula adsueta ventionem inferens; armatos induceret: parte alia portam Temenida adiret Hannibal. Ea mediterranea regione orientem spectabat. Aliquantum intra moenia includuntur. Quum portae adpropinquaret, editus ex composito ignis ab Hannibale est refulsitque. Idem redditum ab Nicone signum; extinctae deinde utrimque flammae sunt. Hannibal silentio ducebat ad portam. Nico ex inprovise adortus sopitos vigiles in cubilibus suis obtruncat, portamque aperit.

aperit. Hannibal cum peditum agmine ingreditur, equites subistere jubet; ut, quo res posset, obcurrere libero campo possent. Et Philemenus portulae parte alia, qua commearere adsuerat, adpropinquabat. Nota vox ejus et familiare jam signum quum excitasset vigilem, dicenti, vix sustinere grandis bestiae onus, portula aperitur. Inferentes aprum duos juvenes sequutus ipse cum expedito venatore, vigilem, incautius miraculo magnitudinis in eos, qui ferebant, versum, venabulo trajicit. Ingressi deinde triginta fere armati ceteros vigiles obtruncant, refringuntque portam proximam: et agmen sub signis confestim inrupit. Inde cum silentio in forum ducti, Hannibali sese conjunxerunt. Cum duobus millibus Gallorum Poenus, in tres divisas partes, per urbem dimittit Tarentinos, et itinera quam maxime frequentia occupare jubet; tumultu orto, Romanos passim caedi, oppidanis parci. Sed, ut fieri id posset, praecipit juvenibus Tarentinis, ut, ubi quem suorum procul vidissent, quiescere et silere ac bono animo esse juberent.

X. Jam tumultus erat clamorque, qualis esse in capta urbe solet: sed, quid rei esset, nemo satis pro certo scire. Tarentini Romanos ad diripiendam urbem credere coortos: Romanis seditio aliqua cum fraude videri ab oppidanis mota. Praefectus primo excitatus tumultu, in portum effugit: inde, adceptus scapha, in arcem circumvehitur. Terrorem et tuba audita ex theatro faciebat. Nam et Romana erat, a proditoribus ad hoc ipsum praeparata; et inscieniter a Graeco inflata, quis, aut quibus signum daret, incertum efficiebat. Vbi inluxit, et Romanis Punica et Gallica arma cognita, tum dubitationem exmerunt;

merunt; et Graeci, Romanos passim caede stratos cernentes, ab Hannibale captam urbem senserunt. Postquam lux certior erat, et Romani, qui caedibus superfuerant, in arcem confugerant, conticescebatque paullatim tumultus; tum Hannibal Tarentinos sine armis convocare jubet. Convenere omnes, praeterquam qui, cedentes in artem, Romanos ad omnem aëundam simul fortunam prosequuti fuerant. Ibi Hannibal, benigne adloquutus Tarentinos testatusque, quae praestitisset civibus eorum, quos ad Traimenum aut ad Cannas cepisset, simul in dominationem superbam Romanorum invectus, recipere se in domos suas quemque iussit, et foribus nomen suum inscribere: se domos eas, quae inscriptae non essent, signo extemplo dato, diripi iussurum. Si quis in hospitio civis Romani (vacuas autem tenebant domos) nomen inscripisset, eum se pro hoste habiturum. Concione dimissa, quum titulis notatae fores discrimen pacatae ab hostili domo fecissent, signo dato, ad diripienda hospitia Romana passim discursus est: et fuit praedae aliquantum.

XI. Postero die ad obpugnandam arcem ducit. Quam quum et mari, quo in peninsulae modum pars major circumluitur, praealtis rupibus, et ab ipsa urbe muro et fossa ingenti septam videret, eoque nec vi, nec operibus expugnabilem esse; ne aut se ipsum cura tuendi Tarentinos a majoribus rebus moraretur, aut in relictos sine valido praesidio Tarentinos inpetum ex arce, quum vellent, Romani facerent, vallo urbem ab arce intersepire statuit: non sine illa etiam spe, cum prohibentibus opus Romanis manum posse conseri, et, si ferocius procucurrissent, magna caede ita adtenuari praesidii vires, ut facile per

per se ipsi Tarentini urbem ab iis tueri possent. Vbi coeptum opus est, patefacta repente porta, in munientes inpetum fecerunt Romani: pellicque se statio palla est, quae pro opere erat, ut subcessu crelceret audacia, pluresque et longius pulsos persequerentur. Tum signo dato coorti undique Poeni sunt, quos instructos ad hoc Hannibal tenuerat; nec sustinere inpetum Romani, sed ab effusa fuga loci angustiae eos, inpeditaque alia opere jam coepto, alia adparatu operis, morabantur. Plurimi in fossam praecipitavere, obcisque sunt plures in fuga, quam in pugna. Inde et opus nullo prohibente fieri coeptum. Fossa ingens ducta, et vallum intra eam erigitur: modicoque post intervallo murum etiam eadem regione addere parat, ut vel sine praesidio tueri se adversus Romanos possent. Reliquit tamen modicum praesidium, ut simul in faciendo muro adjuvaret. Ipse, profectus cum ceteris copiis, ad Galaesum flumen (quinque millia ab urbe abest) posuit castra. Ex iis stativis regressus ad inspiciendum opus (quod aliquantum opinione ejus celerius creverat) spem cepit, etiam arcem expugnari posse. Et est non alititudine, ut cetera, tuta, sed loco plano posita, et ab urbe muro tantum ac fossa divisa. Quum jam machinationum omni genere et operibus obpugnaretur, missum a Metaponto praesidium Romanis fecit animum, ut nocte ex improviso opera hostium invaderent. Alia disjecerunt, alia igni conruperunt. Isque finis Hannibali fuit ea parte arcem obpugnandi. Reliqua erat in obsidione spes, nec ea satis efficax, quia arcem tenentes, quae in peninsula posita imminet faucibus portus, mare liberum habebant; urbs contra-exclusa maritimis commeatibus, propiusque inopiam erant obsidentes, quam

quam obfessi. Hannibal, convocatis principibus Tarentinorum, omnes praesentes difficultates exposuit: neque arcis tam munitae expugnandae viam cernere, neque in obsidione quidquam habere spei, donec mari potiantur hostes. Quod si naves sunt, quibus commeatus invehi prohibeant, extemplo, aut abscessuros, aut dedituros se hostes. Adsentiebantur Tarentini; ceterum ei, qui consilium adferret, opem quoque in eam rem adferendam esse, censebant. *Punicas enim naves ex Sicilia aditas id posse facere: suas, quae sunt exiguo intus inclusae essent, quum claustra portus hostis haberet, ecquem ad modum inde in apertum mare evasuras? Evadent, inquit Hannibal. Multa, quae impedita natura sunt, consilio expediuntur. Urbem in campo sitam habetis. Planae et satis latae viae patent in omnes partes. Via, quae in portum per mediam urbem ad mare transmissa est, plaustis transveham naves haud magna mole. Et mare nostrum erit, quo nunc hostes potiuntur; et illinc mari, hinc terra circumfidebimus arcem. Immo brevi aut relictam ab hostibus, aut cum ipsis hostibus capiemus.* Haec oratio non spem modo effectus, sed ingentem etiam ducis admirationem fecit. Contracta extemplo undique plastra iunctaque inter se; et machinae ad subducendas naves admotae, munitumque iter, quo faciliora plastra minorque moles in transitu esset. Jumenta inde et homines contracti, et opus in pigre coeptum: paucosque post dies classis instructa ac parata circumvehitur arcem, et ante os ipsum portus ancoras jactat. Hunc statum rerum Hannibal Tarenti reliquit, regressus ipse in hiberna. Ceterum defectio Tarentinorum utrum priore anno, an hoc, facta sit, in diversum auctores trahunt. Plures propioresque

quæ ætate memoriae rerum hoc anno tradunt factam.

XII. Romæ consules prætoresque usque ante diem quintum Calendas Majas Latinae tenuerunt. Eo die perpetrato sacro in monte, in suas quisque provincias profiscuntur. Religio deinde nova objecta est ex carminibus Marcianis. Vates hic Marcius inlustris fuerat, et, quum conquisitio priore anno ex senatus consulto talium librorum fieret, in M. Atilii prætoris urbani, qui eam rem agebat, manus venerant. Is protenus novo prætori Sullae tradiderat. Ex hujus Marcii duobus carminibus, alterius post rem actam editi cum rato auctoritas eventu, alteri quoque, cujus nondum tempus venerat, adferebat fidem. Priore carmine Cannensis prædicta clades in hæc ferme verba erat: *Annem Trojugena Cannam Romane fugè: ne te alienigenae cogant in campo Diomedis conferere manus. Sed neque credes tu mihi, donec complevis sanguine campum; multaque millia obcisa tua deferat annis in pontum magnum ex terra frugifera; piscibus atque avibus ferisque, quæ incolunt terras, iis fuit esca caro tua. Nam mihi ita Jupiter fatus est.* Et Diomedis Argivi campos et Cannam flumen, qui militaverant in iis locis, juxta atque ipsam cladem adgnoscebant. Tum alterum carmen recitatum, non eo tantum obscurius, quia incertiora futura præteritis sunt, sed perplexius etiam scripturae genere. *Hostem, Romani, si expellere vultis vomitæque, quæ gentium venit longe, Apollini vovendos censeo ludos, qui quotannis comiter Apollini fiant: quum populus dederit ex publico partem, privati uti conferant pro se suisque. Iis ludis faciendis præerit prætor is, qui jus populo plebeique dabit summum.* *Dacemviri*

T. Liv. P. II.

X.

Grae-

Graeco ritu hostiis sacra faciant. Haec si recte faxitis, gaudebitis semper, fietque res vestra melior. Nam is Divus exstinguet perduelles vestros, qui vestros campos pascunt placide. Ad id carmen explanandum diem unum sumserunt. Postero die senatus consultum factum est, ut decemviri libros, de ludis Apollini reque divina faciunda, inspicerent. Ea quum inspecta relataque ad senatum essent, censuerunt Patres: Apollini ludos votendos faciendosque; et, quando ludi facti essent, duodecim millia aeris praetori ad rem divinam et duas hostias majores dandas. Alterum senatus consultum factum est, Vt decemviri sacra Graeco ritu facerent iisque hostiis, Apollini bove aurato et capris duabus albis auratis, Latonae bove femina aurata. Ludos praetor in circo maximo quum facturus esset, edixit, ut populus per eos ludos stipem Apollini, quantam commodum esset, conferret. Haec est origo ludorum Apollinariū, victoriae, non valetudinis, ergo, ut plerique rentur, votorum factorumque. Populus coronatus spectavit: matronae subplicavere: vulgo apertis januis in propatulis epulati sunt, celebrerque dies omni ceremoniarum genere fuit.

XIII. Quum Hannibal circa Tarentum, consules ambo in Samnio essent, sed circumfessuri Capuam viderentur; quod malum diuturnae obsidionis esse solet, jam famem Campani sentiebant, quia sementem facere prohibuerant eos Romani exercitus. Itaque legatos ad Hannibalem miserunt, orantes, ut prius, quam consules in agros suos educerent legiones, viaeque omnes hostium praesidiis infiderentur, frumentum ex propinquis locis conveyi juberet Capuam. Hannibal, Hannonem ex Bruttiiis cum exercitu in Campaniam trans-

ire,

ire; et dare operam, ut frumenti copia fieret Campanis, iussit. Hanno, ex Brutiis profectus cum exercitu, vitabundus castra hostium consulesque, qui in Samnio erant: quum Benevento jam adpropinquaret, tria passuum millia ab ipsa urbe loco edito castra posuit. Inde ex sociis circa populis, quo aestate comportatum erat, devehi frumentum in castra iussit; praesidiis datis, quae commeatus eos prosequerentur. Capuam inde nuntium misit, qua die in castris ad adcipiendum frumentum praesto essent, omni undique genere vehiculorum jumentorumque ex agris contracto. Id pro cetera socordia neglegentiaque, a Campanis actum. Paulo plus quadringenta vehicula missa, et pauca praeterea iumenta. Ob id castigatis ab Hannone, quod ne fames quidem, quae mutas adcenderet bestias, curam eorum stimulare posset, alia prodicta dies ad frumentum maiore adparatu petendum. Ea omnia, sicut acta erant, quum enuntiata Beneventanis essent, legatos decem ex templo ad consules (circa Bovianum castra Romanorum erant) miserunt. Qui quum, auditis, quae ad Capuam agerentur, inter se comparassent, ut alter in Campaniam exercitum duceret; Fulvius, cui ea provincia obvenerat, profectus, nocte Beneventi moenia est ingressus. Expropinquo cognoscit, Hannonem cum exercitu parte profectum frumentatum: per quae-storem Campanis datum frumentum: duo millia plaustrorum, inconditam inermemque aliam turbam, advenisse: per tumultum ac trepidationem omnia agi, castrorumque formam et militarem ordinem, inmixtis agrestibus iis ex terris, sublatum. His satis compertis, consul militibus edicit, signa tantum armaque in proximam noctem expedirent: castra Punica ob-

pugnanda esse. Quarta vigilia profecti, facinosis omnibus impedimentisque Beneventi relictis, paullo ante lucem quum ad castra pervenissent, tantum pavoris injecerunt, ut, si in plano castra posita essent, haud dubie primo impetu capi potuerint. Altitudo loci et munimenta defenderunt, quae nulla ex parte adiri, nisi arduo ac difficili adscensu, poterant. Luce prima proelium ingens adcensum est: nec vallum modo tutantur Poeni, sed, ut quibus locus aequior esset, deturbant nitentes per ardua hostes.

XIV. Vicit tamen omnia pertinax virtus, et aliquot simul partibus ad vallum ac fossas perventum est; sed cum multis vulneribus ac militum pernicie. Itaque convocatis tribunis militum consul, *absistendum temerario incepto*, ait: *tutius sibi videri, reduci eo die exercitum Beneventum: dein postero castris se hostium jungi, ne exire inde Campani, neve Hanno regredi posset. Id quo facilius obtineatur, conlegam quoque et exercitum ejus se adciturum, totumque eo versuros bellum.* Haec consilia ducis, quum jam receptui caneret, clamor militum adspersantium tam segne imperium disjecit. Proxima portae hostium erat cohors Peligna; cujus praefectus Vibius Accuaens adreptum vexillum trans vallum hostium trajecit. Exsecratus inde seque et cohortem, si ejus vexilli hostes potiti essent, princeps ipse per fossam vallumque in castra inrumpit. Jamque intra vallum Peligni pugnabant; quum altera parte, Valerio Flacco tribuno militum tertiae legionis exprobrante Romanis ignaviam, qui sociis captorum castrorum concederent decus, T. Pedanius, princeps primus centurio, quum signifero signum ademisset, *Jam hoc signum et hic centurio*, inquit, *intra vallum hostium erit.*
Sequan-

Sequantur, qui capi signum ab hoste prohibetur sunt. Manipulares sui primum transscendentem fossam, dein legio tota sequuta est. Jam et consul, ad conspectum transgredientium vallum mutato consilio, ab revocanda ad incitandos hortandosque versus milites, ostendere, in quanto discrimine ac periculo fortissima cohors sociorum et civium legio esset. Itaque pro se quisque omnes per aequa atque iniqua loca, quum undique tela conjicerentur, armaque et corpora hostes objicerent, pervadunt inrumpuntque. Multi vulnerati, etiam quos vires sanguisque defereret, ut intra vallum hostium caderent, nitebantur. Capta itaque memento temporis, velut in plano sita nec permanentia castra. Caedes inde, non jam pugna erat, omnibus intra vallum permixtis. Supra sex millia hostium occisa, supra septem millia capitum, cum frumentatoribus Campanis omnique plaustrorum et jumentorum apparatu, capta; et alia ingens praeda fuit, quam Hanno, populubundus passim quum esset, ex sociorum populi Romani agris traxerat. Inde, dejectis hostium castris, Beneventum reditum est, praedamque ibi ambo consules (nam et Ap. Claudius eo post paucos dies venit) vendiderunt diviseruntque. Et donatis, quorum opera castra hostium capta erant; ante alios Accuaeus Pelignus, et E. Pedanius princeps tertiae legionis. Hanno ab Cominio Cerito, quo nuntiata castrorum clades est, cum paucis frumentatoribus, quos forte secum habuerat, fugae magis, quam itineris, modo in Bruttios rediit.

XV. Et Campani, audita sua pariter sociorumque clade, legatos ad Hannibalem miserunt, qui nuntiarent, *duos consules ad Beneventum esse, dici iter a Cornia; tantum non ad*

portas et muros bellum esse. Ni properè subve-
 niat, celerius Capuam, quam Arpos, in pote-
 statem hostium venturam. Ne Tarentum qui-
 dem, non modo arcem, tanti debere esse, ut
 Capuam, quam Carthagini aequare sit solitus,
 desertam indefensamque populo Romano tradat.
 Hannibal, curae sibi fore rem Campanam pol-
 licitus, in praesentia duo millia equitum cum
 legatis mittit, quo praesidio agros populatio-
 nibus possent prohibere. Romanis interim,
 sicut aliarum rerum, arcis Tarentinae praesi-
 diique, quod ibi obsideretur, cura esse. C.
 Servilius legatus, ex auctoritate Patrum a P.
 Cornelio praetore in Etruriam ad frumentum
 coemendum missus, cum aliquot navibus on-
 stis in portum Tarentinum inter hostium cu-
 stodias pervenit. Cujus adventu, qui ante, in
 exigua spe, vocati saepe ad transitionem ab
 hostibus per colloquia erant, ultro ad trans-
 eundum hostes vocabant sollicitabantque. Et
 erat satis validum praesidium, traductis ad ar-
 cem Tarenti tuendam, qui Metaponti erant,
 militibus. Itaque Metapontini exemplo, me-
 tu, quo tenebantur, liberati, ad Hannibalem
 defecerunt. Hoc idem eadem ora maris et Thu-
 rini fecerunt. Movit eos non Tarentinorum
 magis defectio Metapontinorumque, quibus,
 indidem ex Achaja oriundi, etiam cognatione
 juncti erant, quam ira in Romanos propter
 obsides nuper interfectos. Eorum amici cogn-
 atique literas ac nuntios ad Hannibalem Mago-
 nemque, qui in propinquo in Bruttis erant,
 miserunt, si exercitum ad moenia admovissent,
 se in potestatem eorum urbem tradituros esse.
 M. Atinius Thuriis cum modico praesidio prae-
 erat. Quem facile elici ad certamen temere
 incundum rebantur posse; non militum, quos
 perpauca habebat, fiducia, quam juvenitus
 Thu-

Thurinae. Eam ex industria centuriaverat armaveratque ad tales casus. Divisis copiis inter se, duces Poeni quum agrum Thurinum ingressi essent, Hanno cum peditum agmine infestis signis ire ad urbem pergit. Mago cum equitatu, tectus collibus, ad tegendas insidias obpositis, subsistit. Atimius, peditum tantum agmine per exploratores comperto, in aciem copias educit, et fraudis intestinae, et hostium insidiarum ignarus. Pedestre proelium fuit persegne, paucis in prima acie pugnantibus Romanis; Thurinise expectantibus magis, quam adjuvantibus, eventum: et Carthaginiensium acies de industria pedem referebat, ut ad terga collis ab equite suo inflessi hostem incautum pertraheret. Quo ubi ventum est, coorti cum clamore equites prope inconditam Thurinorum turbam, nec satis fido animo, unde pugnat, stantem, extemplo in fugam averterunt. Romani, quamquam circumventos hinc pedes, hinc eques urgebat, tamen aliquamdiu pugnam traxerunt. Postremo et ipsi terga vertunt, atque ad urbem fugiunt. Ibi proditores conglobati, quum popularium agmen patentibus portis adcepissent, ubi Romanos fusos ad urbem ferri viderunt, conclamant, *instare Poenum, permixtosque et hostes urbem invasuros, ni propere portas claudant.* Ita excludos Romanos praebuere hosti ad caedem. Atimius tamen cum paucis receptus. Seditio inde paullisper tenuit; quum alii urbem tuendam, iade alii cedendum fortunae, et tradendam urbem victoribus censerent. Ceterum, ut plerumque, fortuna et consilia mala vicerunt: Atinio cum suis ad mare ac naves deducto, magis quia ipsi, ob imperium in se mite ac iustum, consultum volebant, quam respectu Romanorum, Carthaginienses in urbem

bem adcipiunt. Consules a Benevento in Campanum agrum legiones ducunt, non ad frumenta modo, quae jam in hibernis erant, conrumpenda, sed ad Capuam obpugnandam; nobilem se consulatum tam opulentae urbis excidio rati facturos, simul et ingens flagitium imperio demturos, quod urbi tam propinquae tertium annum inpunita defectio esset. Ceterum, ne Beneventum sine praesidio esset, et ut ad subita belli, si Hannibal (quod facturum haud dubitabant) ad opem ferendam sociis Capuam venisset, equites vim sustinere possent, Ti. Gracchum ex Lucanis cum equitatu ac levi armatura Beneventum venire jubent: legionibus stativisque ad obtinendas res in Lucanis aliquem praeficeret.

XVI. Graccho, prius quam ex Lucanis moveret, sacrificanti triste prodigium factum est. Ad exta, sacrificio perpetrato, angues duo ex obculto adlabi, edere jecur, conspectique repente ex oculis abierunt. Id quum haruspicum monitu sacrificium instauraretur, atque intentius exta reserata servarentur; iterum ac tertium venisse tradunt, libatoque jecinore intactos angues abiisse. Quum haruspices, ad imperatorem id pertinere prodigium, praemonuissent, et ab obcultis cavendum hominibus consultisque; nulla tamen providentia fatum imminens moveri potuit. Flavius Lucanus fuit, caput partis ejus Lucanorum, quum pars ad Hannibalem defecisset, quae cum Romanis stabat: et jam anno in magistratu erat; ab eisdem illis creatus praetor. Is, mutata repente voluntate, locum gratiae apud Poenum quaerens, neque transire ipse, neque trahere ad defectionem Lucanos satis habuit, nisi imperatoris et ejusdem hospitis proditi capite ac sanguine foedus cum hostibus

bus sanxisset. Ad Magonem, qui in Brutiis praeerat, clam in colloquium venit, fideque ab eo adcepta, si Romanum iis imperatorem tradidisset, liberos cum suis legibus venturos in amicitiam Lucanos; deducit Poenum in locum, quo erat cum paucis Gracchum adducturus. Magonem ibi pedites equitesque armare, et capere eas latebras, ubi ingentem numerum obculeret, jubet. Loco satis inspecto atque undique explorato, dies composita gerendae rei est. Flavius ad Romanum imperatorem venit: *Rem se, ait, magnam inchoasse, ad quam perficiendam ipsius Gracchi opera opus esse. Omnium populorum praetoribus, qui ad Poenum in illo communi Italiae motu descissent, persuasisse, ut redirent in amicitiam Romanorum; quando res quoque Romana, quae prope exitium clade Cannensi venisset, in dies melior atque auctior fieret; Hannibalis vis senesceret, ac prope ad nihilum venisset. Veteri delicto haud implacabiles fore Romanos: nullam unquam gentem magis exorabilem, promtoremque veniae dandae fuisse. Quoties rebellionem etiam majorum suorum ignotum? Haec ab se, ait, dicta; ceterum ab ipso Graccho eadem haec audire malle eos, praesentisque contingere dextram: id pignus fidei secum ferre. Locum se consiliis dixisse a conspectu amotum, haud procul a castris Romanis. Ibi paucis verbis transigi rem posse, ut omne nomen Lucanum in fide ac societate Romana sit. Gracchus, fraudem et sermoni et rei abesse ratus, ac similitudine veri captus, cum lictoribus ac turma equitum e castris profectus, duce hospite in insidias praecipitatur. Hostes subito exortitur, ne dubia proditio esset, Flavius his se adiungit. Tela undique in Gracchum atque equites conjiciuntur. Gracchus ex equo dehilit.*

Idem ceteros facere jubet, hortaturque, *Pt, quod unum reliquum fortuna fecerit, id cohonestent virtute. Reliquum autem quid esse paucis, a multitudine in valle, silva ac montibus septa, circumventis, praeter mortem? Id referre, utrum praebentes corpora pecorum modo inulti trucidentur, an, toto animo a patiendo expectandoque eventu in inpetum atque iram verſo, agentes audentesque, perfuſi hoſitum craore, inter expirantiam inimicorum cumulata armaque et corpora cadant. Lucanum proditorem ac transfugam omnes peterent. Qui eam victimam praese ad inferos miſſet, eum deus eximium egregiumque ſolatium ſuae morti inventurum. Inter haec dicta, paludamento circum laevum brachium intorto, (nam ne ſcuta quidem ſecum extulerant) in hoſtes inpetum fecit. Major, quam pro numero hominum, editur pugna. Jaculis maxime aperta corpora Romanorum, et, quum undique ex altioribus locis in cavam vallem conjectus eſſet, tranſiguntur. Gracchum, jam nudatum praefidio, vivum capere Poeni nituntur. Ceterum ille, conſpicatus Lucanum hoſitem inter hoſtes, adeo infeſtus confertos invaſit, ut parci ei ſine multorum pernecie non poſſet. Exanimem eum Magus extemplo ad Hannibalem miſit, poni-que cum captis ſimal faſcibus ante tribunal imperatoris juſſit. Haec vera ſatna eſt. Gracchus in Lucanis ad campos, qui Veteres vocantur, perit.*

XVII. Sunt, qui in agro Beneventano, prope Calorem fluvium, oſtendant a caſtris cum lictoribus ac tribus ſervis lavandi cauſa progreſſum, quum forte inter ſalicta innata ripis laterent hoſtes, nudum atque inermem, ſaxisque, quae volvit amnis, propugnantem, interfectum. Sunt, qui haruſpicum monitu

quin-

quingentos passus a castris progressum, uti loco puro ea, quae antedicta prodigia sunt, procuraret, ab insidentibus sorte locum duabus turmis Numidarum circumventum scribant. Adeo nec locus, nec ratio mortis in viro tam claro et insigni constat. Funeris quoque Gracchi varia est fama. Alii in castris Romanis sepultum ab suis, alii ab Hannibale (et ea vulgatiores fama est) tradunt in vestibulo Punicorum castrorum rogam exstructum esse: armatum exercitum deducturisse cum tripudiis Hispanorum motibusque armorum et corporum, suae cuique genti assuetis, ipso Hannibale omni rerum verborumque honore exsequias celebrante. Haec tradunt, qui in Lucanis rei gestae auctores sunt. Si illis, qui ad Calorem fluvium interfectum memorant, credere velis, capitis tantum Gracchi hostes potiti sunt. Eo delato ad Hannibalem, missus ab eo confestim Carthalo, qui in castra Romana ad Cn. Cornelium quaestorem deferret. Is funus imperatoris in castris, celebrantibus cum exercitu Beneventanis, fecit:

XVIII. Consules, agrum Campanum ingressi, quum passim popularentur, eruptione oppidanorum et Magonis cum equitatu territi et trepidi, ad signa milites palatos passim revocarunt; et, vixdum instructa acie fusi, supra mille et quingentos milites amiserunt. Inde ingens ferocia superbæ suopte ingenio genti crevit, multisque proeliis lacelebant Romanos. Sed intentiores ad cavendum consules una pugna fecerat, incaute atque inconsulte inita. Restituit tamen his animos et illis minuit audaciam parva una res. Sed in bello nihil tam leve est, quod non magnae interdum rei momentum faciat. T. Quinctio Crispino Badius Campanus hospes erat, perfamiliari
hospiti-

hospitio junctus. Creverat consuetudo, quod aeger Romae apud Crispinum Badius ante de-
 sectionem Campanam liberaliter comiterque
 curatus fuerat. Tum Badius, progressus ante
 stationes, quae pro porta stabant, vocari Cri-
 spinum iussit. Quod ubi est Crispino nuntia-
 tum, ratus conloquium amicum ac familiare
 quaeri, manente memoria, etiam in discidio
 publicorum foederum, privati iuris, paullum
 a ceteris processit. Postquam in conspectum
 venere, *Provoco te*, inquit, *ad pugnam*, *Cri-
 spine*, Badius; *conscendamus equos, submotis-
 que aliis, uter bello melior sit, decernamus*. Ad
 ea Crispinus, *nec sibi, neo illi*, ait, *hostes de-
 esse, in quibus virtutem ostendant: se, etiamsi
 in acie occurrat, declinaturum; ne hospitali cae-
 de dextram violet, conversusque abibat*. Enim-
 vero ferocius tum Campanus increpare molli-
 tiem ignaviamque, et se digna probra in in-
 fontem jacere, *hospitalem hostem* adpellans,
*similantemque parcere, cui sciat parem se non
 esse*. Si parum publicis foederibus ruptis di-
 remta simul et privata jura esse putet, Badium
 Campanum T. Quinctio Crispino Romano pa-
 lam, duobus exercitibus audientibus, renuntia-
 re hospitium. *Nihil sibi cum eo consociatum,
 nihil foederatum hosti cum hoste, cujus patriam
 ac penates publicos privatosque obpugnatum ve-
 nisset*. Si vir esset, *congrederetur*. Diu cun-
 ctantem Crispinum perpulere turmales, ne in-
 pune insultare Campanum pateretur. Itaque
 tantum moratus, dum imperatores consularet,
 permitterentne sibi extra ordinem in provo-
 cantem hostem pugnare, permisso eorum arma
 cepit equumque conscendit, et Badium, no-
 mine compellans, ad pugnam evocavit. Nul-
 la mora a Campano facta est. Infestis equis
 concurrerunt. Crispinus supra scutum lini-
 strum

strum humerum Badio hasta transfixit, superque delabsum cum vulnere ex equo desiluit, ut pedes jacentum conficeret. Badius, prius quam obprimeretur, parma atque equo relicto, ad suos aufugit. Crispinus, equum armaque capta et oruentam cuspidem insignis spoliis ostentans, cum magna laude et gratulatione militum, ad consules est deductus, laudatusque ibi magnifice et donis donatus.

XIX. Hannibal ex agro Beneventano castra ad Capuam quum movisset, tertio post die, quam venit, copias in aciem eduxit; haudquaquam dubius, quod Campanis, absente se, paucos ante dies secunda fuisset pugna, quin multo minus se suumque toties victorem exercitum sustinere Romani possent. Ceterum, postquam pugnari coeptum est, equitum maxime incurso, quum jaculis obrueretur, laborabat Romana acies; donec signum equitibus datum est, ut in hostem admitterent equos. Ita equestre proelium erat, quum procul visus Sempronianus exercitus, cui Cn. Cornelius quaestor praeerat, utrique parti parem metum praebuit, ne hostes novi adventarent. Velut ex composito utrimque signum receptui datum; reductique in castra prope aeque Marte discesserunt. Plures tamen ab Romanis primo incurso equitum ceciderunt. Inde consules, ut averterent Capua Hannibalem, nocte, quae sequuta est, diversi, Fulvius in agrum Cumanum, Claudius in Lucanos abiit. Postero die, quum vacua castra esse Romanorum nuntiatum Hannibali esset, et duobus agminibus diversos abiisse; incertus primo, utrum sequeretur, Appium institit sequi. Ille, circumducto hoste, qua voluit, alio itinere ad Capuam rediit. Hannibali alia in his locis bene gerendae rei fortuna oblata est. M. Centenius fuit cognomine
Pe-

Penula, insignis inter principili centuriones et magnitudine corporis et animo. Is, perfunctus militia, per P. Cornelium Sullam praetorem in senatum introductus, petit a Patribus, uti sibi quinque millia militum darentur. *Se, peritum et hostis et regionum, brevi operae pretium facturum; et, quibus artibus ad id locorum nostri et duces et exercitus capti forent, iis adversus inventorem usum.* Id non promissum magis stolide, quam stolide creditum: tamquam caedem militares et imperatoriae artes essent. Data, pro quinque, octo millia militum; pars dimidia cives, pars socii: et ipse aliquantum voluntariorum itinere in agris concivit, ac, prope duplicato exercitu, in Lucanos pervenit; ubi Hannibal, nequidquam sequutus Claudium, substiterat. Haud dubia res est, quippe inter Hannibalem ducem et centurionem, exercitusque, alterum vincendo veteranum, alterum novum totum, magna ex parte etiam tumultuarium ac semiermem. Ut conspecta inter se agmina sunt, et neutra pars detrectavit pugnam, extemplo instructae acies. Pugnatum tamen, ut in nulla pari re, duas amplius horas, concitata et, donec dux stetisset, Romana acie. Postquam is, non pro veteri fama solum, sed etiam metu futuri dedecoris, si sua temeritate contractae cladi superesset, objectans se hostium telis, cecidit; fusa extemplo est Romana acies. Sed adeo ne fugae quidem iter patuit, omnibus viis ab equite infestis, ut ex tanta multitudine vix mille evaserint; ceteri passim, alii alia peste, absumti sunt.

XX. Capua a consulibus iterum summa vi obsideri coepta est, quaeque in eam rem opus erant, comportabantur parabanturque. Casilinum frumentum convectum: ad Vulturii ostium,

ostium, ubi nunc urbs est, castellum commun-
nitum: (ante Fabius Maximus munierat) prae-
sidium inpositum, ut mare proximum et flu-
men in potestate essent. In ea dua maritima
castella frumentum, quod ex Sardinia nuper
missum erat, quodque M. Junius praetor ex
Etruria coemerat, ab Ostia convectum est, ut
exercitui per hiemem copia esset. Ceterum
super eam cladem, quae in Lucanis adcepta
erat, volonum quoque exercitus, qui, vivo
Graccho, summa fide stipendia fecerat, velut
exactoratus morte ducis, ab signis discessit.
Hannibal non Capuam neglectam, neque, ut
tanto discrimine, desertos volebat socios; sed,
prospero ex temeritate unius Romani ducis
subcessu, in alterius ducis exercitusque obpri-
mendi occasionem imminebat. Cn. Fulvium
praetorem Apuli legati nuntiabant, primo,
dum urbes quasdam Apulorum, quae ad Han-
nibalem descivissent, obpugnaret, intentius
rem egisse; postea nimio subcessu et ipsum et
milites, praeda inpletos, in tantam licentiam
sacordiamque effulos, ut nulla disciplina mili-
tiae esset. Quum saepe alias, tum paucis die-
bus ante expertus, qualis sub incerto duce exer-
citus esset, in Apuliam castra movit.

XXI. Circa Herdoniam Romanae legio-
nes et praetor Fulvius erant. Quo ubi adla-
tum est, hostes adventare, prope est factum,
ut injussu praetoris signis convulsis in aciem
exirent. Nec res ulla magis tenuit, quam
spes haud dubia, suo id arbitrio, ubi vellent,
acturos. Nocte insequenti Hannibal, quum
tumultuatum in castris et plerosque ferociter,
signum ut daret, institisse duci ad arma vo-
cantes sciret, haud dubius prosperae pugnae
occasionem dari, tria millia expeditorum mi-
litum in villis circa vepribusque et silvis dispo-
nit,

nit, qui, signo dato, simul omnes e latebris existerent; et Magonem ac duo ferme millia equitum, qua fugam inclinaturam credebat, omnia itinera insidere jubet. His nocte prae-paratis, prima luce in aciem copias educit. Nec Fulvius est cunctatus, non tam sua ulla spe, quam militum inpetu fortuito tractus. Itaque eadem temeritate, qua processum in aciem est, instruitur ipsa acies ad libidinem militum forte procurrentium consistentiumque, quo loco ipsorum tulisset animus, deinde per libidinem aut metum deferentium locum. Prima legio et sinistra ala in primo instructae, et in longitudinem porrecta acies. Clamantibus tribunis, *nihil introrsus roboris ac virium esse, et, quacumque inpetum fecisset hostis, perrupturos; nihil, quod salutare esset, non modo ad animum, sed ne ad aures quidem admittebant.* Et Hannibal, haudquaquam similis dux, neque simili exercitu, neque ita instructo aderat. Ergo ne clamorem quidem atque inpetum primum eorum Romani sustinere. Dux, stultitia et temeritate Centenio par, animo nequaquam comparandus, ubi rem inclinatham ac trepidantes suos vidit, equo adrepto cum ducentis ferme equitibus effugit: cetera a fronte pulsa, a tergo atque alis circumventa, acies eo usque est caesa, ut ex duodeviginti millibus hominum duo millia haud amplius evaserint. Castris hostes potiti sunt.

XXII. Hae clades, super aliam alia, Romanam quum essent nuntiatae, ingens quidem et luctus et pavor civitatem cepit. Sed tamen, quia consules, ubi summa rerum esset, ad id locorum prospere rem gererent, minus his cladibus commovebantur. Legatos ad consules mittunt C. Laetorium, M. Metilium, qui
nun-

nuntiarent, ut reliquias duorum exercituum cum cura conlegerent, darentque operam, ne per metum ac desperationem hosti se dederent, (id quod post Cannensem accidisset cladem) et ut desertores de exercitu volonum conquirerent. Idem negotii P. Cornelio datum, cui et delectus mandatus erat: isque per fora conciliabulaque edixit, ut conquisitio volonum fieret, iique ad signa reducerentur. Haec omnia intentissima cura acta. Ap. Claudius consul, D. Junio ad ostium Vulturni, M. Aurelio Cotta Puteolis praeposito, qui, ut quaeque naves ex Etruria ac Sardinia adcessissent, ex templo in castra mitterent frumentum, ipse ad Capuam regressus, Q. Fulvium conlegam invenit Casilini, omnia inde portantem molientemque ad obpugnandam Capuam. Tum ambo circumfoderunt urbem, et Claudium Neronem praetorem ab Sueffula ex Claudianis castris exciaverunt. Is quoque, modico ibi praesidio ad tenendum locum relicto, ceteris omnibus copiis ad Capuam descendit. Ita tria praetoria circa Capuam erecta, tres et exercitus, diversis partibus opus adgressi, fossa valloque circumdare urbem parant, et castella excitant modicis intervallis; multisque simul locis cum prohibentibus opera Campanis eo eventu pugnant, ut postremo portis muroque se contineret Campanus. Prius tamen, quam haec continuarentur opera, legati ad Hannibalem missi, qui quererentur, desertam ab eo Capuam, ac prope redditam Romanis; obtestarenturque, ut tunc saltem opem non circumfessis modo, sed etiam circumvallatis, ferret. Consulibus literae a P. Cornelio praetore missae, *Ut, prius quam clauderent Capuam operibus, potestatem Campanis facerent, ut, qui eorum vellent, exirent ab Capua, suasque*

T. Liv. P. II.

Y

res

res secum auferrent. Liberos fore suaque omnia habituros, qui ante Idus Martias exissent. Post eam diem, quique exissent, quique ibi mansissent, hostium futuros numero. Ea pronuntiata Campanis, atque ita spreta, ut ultro dicerent contumelias minarenturque. Hannibal ab Herdonea Tarentum duxerat legiones; spe, aut vi, aut dolo, arcis Tarentinae potiundae. Quod ubi parum processit, ad Brundisium flexit iter, prodi id oppidum ratus. Ibi quoque quum frustra tereret tempus, legati Campani ad eum venerunt, querentes simul orantesque. Quibus Hannibal magnifice respondit, et antea solvillae obsidionem, et nunc adventum suum consules non latuos. Cum hac spe dimissi legati vix regredi Capuam, jam duplici fossa valloque cinctam, potuerunt.

XXIII. Quum maxime Capua circumvalaretur, Syracusarum obpugnatio ad finem venit, praeterquam vi ac virtute ducis exercitusque, intestina etiam prodicione adjuta. Namque Marcellus initio veris incertus, utrum Agrigentum ad Himilconem et Hippocraten verteret bellum, an obsidione Syraculas premeret, quamquam nec vi capi videbat posse inexpugnabilem terrestri ac maritimo situ urbem, nec fame, quam prope liberi ab Carthagine commeatus alerent, tamen, ne quid inexpertum relinqueret, transfugas Syracusanos (erant autem apud Romanos aliqui nobilissimi viri, inter defectionem ab Romanis, quia ab novis consiliis abhorrebant, pulsi) conloquiis suae partis tentare hominum animos iussit, et fidem dare, si traditae forent Syracusae, liberos eos ac suis legibus victuros esse. Non erat conloqui copia, quia multorum animi suspecti omnium curam oculosque converterant, ne quid falleret tale admissum.

Servus

vus tunc exsulum, pro transfuga intermissus
 in urbem, conventis paucis, initium confor-
 quendi de tali re fecit. Deinde in piscatoria
 quidam navi, retibus operi, circumvestique
 ita ad castra Romana, conloquuntque cum trans-
 fugis: et idem saepius eodem modo alii atque
 alii. Postremo ad octoginta facti. Et, quum
 jam composita omnia ad prodicionem essent,
 indicio delato ad Epicyden per Attalum quem-
 dam, indignantem sibi rem creditam non esse,
 necati omnes cum cruciatu sunt. Alia subinde
 spes, postquam haec vana evaserat, excepit.
 Damippus quidam Lacedaemonius, missus ab
 Syraculis ad Philippum regem, captus ab Ro-
 manis navibus erat. Hujus utique redimendi
 et Epicydae cura erat ingens; nec abnu-
 it Marcellus, jam tum Aetolorum, cujus gentis
 loci Lacedaemonii erant, amicitiam adfectan-
 tibus Romanis. Ad conloquium de redem-
 tione ejus missis, medius maxime atque utris-
 que opportunus locus, ad portum Trogilio-
 rum, propter turrum, quam vocant Galeagram,
 est vilus. Quo quum saepius commearent,
 unus ex Romanis, ex propinquo murum con-
 templatus, numerando lapides aestimandoque
 ipse secum, quid in fronte paterent singuli,
 altitudinem muri, quantum proxime conje-
 ctura poterat, permensus, humilioremque ali-
 quanto pristina opinione sua et ceterorum
 omnium ratus esse et vel mediooribus scalis
 superabilem, ad Marcellum rem desert. Haud
 spernenda visa. Sed, quum adiri locus, qui
 ob id ipsum intentius custodiebatur, non pos-
 set, occasio quaerebatur: quam obtulit trans-
 fuga, nuntians, diem festum Dianae per tri-
 dum agi, et, quia alia in obsidione desunt,
 vino largius epulas celebrari, et ab Epicyde
 praebito univarsas plebei, et per tribus a prin-
 cipi-

cipibus diviso. Id ubi adcepit Marcellus, cum
 paucis tribunorum militum conloquutus, ele-
 ctisque per eos ad rem tantam agendam au-
 dendamque idoneis centurionibus militibusque
 et scalis in obsculto comparatis, ceteris signum
 dari jubet, ut mature corpora curarent quie-
 tique darent. nocte in expeditionem eundum
 esse. Inde ubi id temporis visum, quo de die
 epulatis jam vini satias principiumque somni
 esset, signi unids milites ferre scalas iussit; et
 ad mille fere armati tenui agmine per silen-
 tium eo deducti. Vbi sine strepitu ac tumultu
 primi evaserunt in murum, sequenti ordine
 alii; quum priorum audacia dubiis etiam ani-
 mum faceret.

XXIV. Jam mille armatorum ceperant
 partem, quum ceterae admotae, pluribusque
 scalis in murum evadabant, signo ab Hexapy-
 lo dato; quo per ingentem solitudinem erat
 perventum, quia magna pars, in turribus epu-
 lati, aut sopiti vino erant, aut semigraves po-
 tabant. Paucos tamen eorum obpressos in cu-
 bilibus interfecerunt. Prope Hexapylon est
 portula magna vi refringi coepta; et e muro
 ex composito tuba datum signum erat. Et jam
 undique, non furtim, sed vi aperta, gereba-
 tur res. Quippe ad Epipolas, frequentem
 custodiis locum, perventum erat, terrendique
 magis hostes erant, quam fallendi; sicut ter-
 riti sunt. Nam simul ac tubarum est auditus
 cantus, clamorque tenentium muros partem-
 que urbis; omnia teneri custodes rati, alii per
 murum fugere, alii salire de muro praecipi-
 tarique turba paventium. Magna pars tamen
 ignara tanti mali erat, et gravatis omnibus vi-
 no somnoque, et, in vastae magnitudinis ur-
 be, pattium sensa non satis pertinente in
 omnia. Sub luce, Hexapylon effracto, Mar-
 cell-

cellus, omnibus copiis urbem ingressus, excitavit convertitque omnes ad arma capienda opemque, si quam possent, jam captæ prope urbi ferendam, Epicydes, ab Insula, quam ipsi Nalon vocant, citato profectus agmine, haud dubius, quin paucos, per negligentiam custodum transgressos murum, expulsiurus foret, obcurrentibus pavidis, tumultum augere eos, dictitans, et majora ac terribiora verbis adferre, postquam conspexit omnia circa Eppolas armis completa, lacescito tantum hoste paucis missilibus, retrò in Achradinam agmina convertit, non tam vim multitudinemque hostium metuens, quam ne qua intestina fraus per occasionem oriretur, clausasque interitum Achradinae atque Insulae inveniret portas. Marcellus, ut, moenia ingressus, ex superioribus locis urbem, omnium ferme illa tempestate pulcerrimam, subjectam oculis vidit, in lacrumasse dicitur, partim gaudio tantae perpetratae rei, partim velusta gloria urbis. Atheniensium classes demersae et duo urgentes exercitus cum duobus clarissimis ducibus deleti obcurrerant, et tot bella cum Carthaginensibus tanto cum discrimine gesta, tot tam opulenti tyranni regesque, praeter ceteros Hiero, quum recentissimae memoriae rex, tum ante omnia, quae virtus ei fortunaque sua dederat, beneficiis in populum Romanum insignis. Ea quum universa obcurrerent animo subiretque cogitatio, jam illa momento horae arsurum omnia et ad cineres reditura, prius quam signa Achradinam admoveret, praemitit Syracusanos, qui intra praesidia Romana, ut ante dictum est, fuerant, ut adloquio leni perlicerent hostes ad dedendam urbem.

XXV. Tenebant Achradinae portas murosque maxime transfugae, quibus nulla erat

per conditiones veniae spes. Ille nec adire muros, nec adloqui quemquam passus. Itaque Marcellus, postquam id inceptum irritum fuit, ad Euryalum signa referri iussit. Tumulus est in extrema parte urbis versus a mari viasque imminens serenti in agros mediteraneasque insulae, percommode situs ad commensus excipiendos. Praeerat huic arci Philodemus Argivus, ab Epicyde inpositus, ad quem missus a Marcello Sosus, unus ex intersectoribus tyranni, quum, longo sermone habito, dilatus per frustrationem esset, retulit Marcello, tempus eum ad deliberandum sumsisse. Quum is diem de die differret, dum Hippocrates atque Himilco admoverent castra legionesque, haud dubius, si in arcem adcepisset eos, deleri Romanum exercitum inclusam muris posse; Marcellus, ut Euryalum neque tradi, neque capi vidit posse, inter Neapolim et Tycham (nomina partium urbis et instar urbium sunt) posuit castra, timens, ne, si frequentia intrasset loca, contineri ab discursu miles avidus praedae non posset. Legati eo ab Tycha et Neapoli cum infulis et velamentis venerunt, precantes, ut a caedibus et ab incendiis parceretur. De quorum precibus, quam postulatis, magis consilio habito, Marcellus ex omnium sententia edixit militibus, *ne quis liberum corpus violaret. Cetera praedae futura.* Castraque tectis parietum pro muro septa. Portis regione platearum patentibus stationes praesidiaque disposuit, ne quis in discursu militum inpetus in castra fieri posset. Inde, signo dato, milites discurrerunt: refractisque foribus, quum omnia terrore ac tumultu streperent, a caedibus tamen temperatum est. Rapinis nullus ante modus fuit, quam omnia diuturna felicitate cumque

cumulata bona egressere. Inter haec et Philodemus; quum spes auxilii nulla esset, fide adcepta, ut inviolatus ad Epicyden rediret, deducto praesidio, tradidit tumultum Romanis. Aversis omnibus ad tumultum ex parte captae urbis, Bomilcar, noctem eam nactus, quia propter vim tempestatis stare ad ancoram in lalo Romana classis non posset, cum triginta quinque navibus ex portu Syracusano profectus, libero mari vela in altum dedit, quinque et quinquaginta navibus Epicydae et Syracusanis relictis; edoctisque Carthaginiensibus, in quanto res Syracusana discrimine esset, cum centum navibus post paucos dies redit, multis (ut fama est) donis ex Hieronis gaza ab Epicyde donatus.

XXVI. Marcellus, Euryalo recepto praesidioque addito, una cura erat liber, ne qua ab tergo vis hostium in arcem adcepta inclusos impeditosque moenibus suos turbaret. Achradinam inde, trinis castris per idonea dispositis loca, spe ad inopiam omnium rerum inclusos redacturum, circumfedit. Quum per aliquot dies quietae stationes utrimque fuissent, repente adventus Hippocratis et Himilconis, ut ultro undique abpugnarentur Romani, fecit. Nam et Hippocrates, castris ad magnum portum communis, signoque iis dato, qui Achradinam tenebant, castra vetera Romanorum adortus est, quibus Crispinus praeerat; et Epicydes eruptionem in stationes Marcelli fecit; et classis Punica litori, quod inter urbem et castra Romana erat, adpulsa est, ne quid praesidii Crispino submitti a Marcello posset. Tumultum tamen majorem hostes praebuerunt, quam certamen. Nam et Crispinus Hippocraten non repulit tantum munimentis, sed insequutus etiam est trepide
 Y 4 fu-

fugientem, et Epideyden Marcellus in urbem compulit: fatisque jam etiam in posterum videbatur provisum, ne quid ab repentinis eorum excursionibus periculi foret. Adcessit et pestilentia, commune malum, quod facile utroque animos averteret a belli consiliis. Nam tempore auctumni et locis natura gravibus, multo tamen magis extra urbem, quam in urbe, intoleranda vis aestus per utraque castra omnium ferme corpora movit. Et primo temporis ac loci vitio et aegri erant, et moriebantur: postea curatio ipsa et contactus aegrorum vulgabat morbos; ut aut neglecti desertique, qui incidissent, morerentur, aut adsidentes curantesque eadem vi morbi repletos secum traherent; quotidianaque funera et mors ob oculos esset, et undique dies noctesque ploratus audirentur. Postremo ita adsuétude mali efferaverant animos, ut non modo lacrumis iustoque comploratu prosequerentur mortuos, sed ne efferrent quidem, aut sepelirent, jacerentque strata exanima corpora in conspectu similem mortem expectantium; mortuique aegros, aegri validos, cum metu, tum tabe ac pestifero odore corporum, conficerent. Et, ut ferro potius morerentur, quidam invadebant soli hostium stationes. Multo tamen vis major pestis Poenorum castra, quam Romana, (diu circumsedendo Syracusas, coelo aquisque adsuerant magis) adfecerat. Ex hostium exercitu Siculi, ut primum videre ex gravitate loci vulgari morbos, in suas quisque propinquas urbes dilabii sunt. At Carthaginienfes, quibus nusquam receptus erat, cum ipsis ducibus Hippocrate atque Himilcone, ad internecionem omnes perierunt. Marcellus, ut tanta vis ingruerat mali, traduxerat in urbem suos; infirmaque corpora tecta et umbrae recreaverant.

rant. Multi tamen ex Romano exercitu eadem peste absunti sunt.

XXVII. Deleto terrestri Punico exercitu, Siculi, qui Hippocratis milites fuerant, in haud magna oppida, ceterum et situ et munitis tuta, (tria millia alterum ab Syracusis, alterum quindecim abest) eo et commeatus civitatibus suis comportabant, et auxilia arcescebant. Interea Bomilcar, iterum cum classe profectus Carthaginem, ita exposita fortuna sociorum, ut spem faceret, non ipsis modo salutarem opem ferri posse, sed Romanos quoque in capta quodammodo urbe capi, perpulit, ut onerarias naves quam plurimas omni copia rerum onustas secum mitterent classemque suam augerent. Igitur, centum triginta navibus longis et septingentis onerariis profectus a Carthagine, satis prosperos ventos ad trajiciendum in Siciliam habuit. Sed iidem venti superare eum Pachynum prohibebant. Bomilcaris adventus, fama primo, dein praeter spem mora, quum gaudium et metum in vicem Romanis Syracusanisque praeuisset; Epicydes metuens, ne, si pergerent iidem, qui tum tenebant, ab ortu solis stare per dies plures venti, classis Punica Africam repeteret, tradita Achradina mercenariorum militum ducibus, ad Bomilcarem navigat. Classem in statione versa in Africam habentem, atque timentem navale proelium, non tam quod inpar viribus aut numero navium esset, (quippe etiam plures habebat) quam quod venti aptiores Romanae, quam suae, classi flarent, perpulit tandem, ut fortunam navalis certaminis experiri vellet. Et Marcellus, quum et Siculum exercitum ex tota insula conciri videret, et cum ingenti commeatu classem Punicam adventare, ne simul terra mari-

que inclusas urbe hostium urgeretur, quamquam impar numero navium erat, prohibere aditu Syracusarum Bomilcarem constituit. Duas classes infestae circa promontorium Pachynum stabant, ubi prima tranquillitas maris in altum evexillet, concursurae. Itaque, cadente jam Euro, qui per dies aliquot saevierat, prior Bomilcar movit: cuius prima classis petere altum visa est, quo facilius superaret promontorium. Ceterum, postquam tendere ad se Romanas naves vidit, incertum quae subita territus re, Bomilcar vela in altum dedit, missisque nuntiis Heracleam, qui onerarias retro in Africam repetere juberent, ipse, Siciliam praetervectus, Tarentum petit. Epicydes, a tanta repente destitutus spe, ne in obsidionem magna ex parte captae urbis rediret, Agrigentum navigat, expectaturus magis eventum, quam inde quidquam moturus.

XXVIII. Quae ubi in castra Siculorum sunt nuntiata, Epicyden Syracusis excessisse, a Carthaginensibus relictam insulam, et prope iterum Romanis traditam; legatos de conditionibus defendendae urbis, explorata prius per colloquia voluntate eorum, qui obsidebantur, ad Marcellum mittunt. Quum haud ferme discreparet, quin, quae ubique regum fuissent, Romanorum essent, Siculis cetera cum libertate ac legibus suis servarentur; evocatis ad colloquium his, quibus ab Epicyde creditae res erant, *missos se simul ad Marcellum, simul ad eos ab exercitu Siculorum, ajunt, ut una omnium, qui obsiderentur quique extra obsidionem essent, fortuna esset; neve alteri proprio sibi paciscerentur quidquam.* Recepti deinde ab iis, ut necessarios hospitesque adloquerentur, expositis, quae pacta jam cum Marcello haberent, oblata spe salutis perperere

lere eos, ut secum praefectos Epicydis, Poly-
clitum et Philistionem et Epicyden, cui Sin-
don cognomen erat, adgrederentur. Interfe-
ctis iis et multitudine ad concionem vocata, et
inopiam, qua ipsi inter se fremere obculite so-
liti erant, conquesti, *quamquam tot mala ur-
guerent, negarunt, fortunam adcusandam esse,
quod in ipsorum esset potestate, quamdiu ea pa-
terentur. Romanis causam obpugnandi Syracu-
sas fuisse caritatem Syracusanorum, non odium;*
nam, ut occupatas res ab satellitibus Hanniba-
lis, deinde Hieronymi, Hippocrate atque Epi-
cyde audierint, tum bellum movisse, et obsidere
urbem coepisse, ut crudeles tyrannos ejus, non
ut ipsam urbem, expugnarent. Hippocrate ve-
ro interempto, Epicyde intercluso ab Syracusis,
et praefectis ejus occisis, Carthaginienfibus omni
possessione Siciliae terra marique pulsus, quam
superesse causam Romanis, cur non, perinde ac
si Hiero ipse viveret, unicus Romanae amici-
tiae cultor, incotumes Syracusus esse velint?
Itaque nec urbi nec hominibus aliud periculum,
quam ab semet ipsis, esse, si occasionem recon-
ciliandi se Romanis praetermisissent, (eam au-
tem, qualis illo momento horae fit, nullam de-
inde fore) simul libertas ab impotentibus tyran-
nis adparuisset.

XXIX. Omnium ingenti adfensu audita
ea oratio est. Praetores tamen prius creari,
quam legatos nominari, placuit. Ex ipsorum
deinde praetorum numero missi oratores ad
Marcellum. Quorum princeps, *Neque primo,*
inquit, *Syracusani a vobis defecimus, sed Hie-
ronymus, nequaquam tam in vos superius, quam*
in nos; nec postea pacem, tyranni caede com-
positam, Syracusanus quisquam, sed satellites
regii Hippocrates atque Epicydes, obpressis no-
bis hinc metu, hinc fraude, turbaverunt. Nec
quis-

quisquam dicere potest, aliquando nobis libertatis tempus fuisse, quod pacis vobiscum non fuerit. Nunc certe caede eorum, qui obpressas tenebant Syracusas, quum primum nostri arbitrii esse coepimus, extemplo venimus ad tradenda arma; dedendos nos, urbem, moenia; nullam recusandam fortunam, quae inposita a vobis fuerit. Gloriam captae nobilissimae pulcherri-maeque urbis Graecarum Dei tibi dederunt, Marcello. Quidquid umquam terra marique memorandum gessimus, id tui triumphi titulo adcedit. Famae ut credi velis, quanta urbs a te capta sit, quam posteris quoque eam spectaculo esse, (quod quisque terra, quisque mari venerit, nunc nostra de Atheniensibus Carthaginiensibusque trapaea, nunc tua de nobis ostendat) incolumesque Syracusas familiae vestrae sub clientela nominis Marcellorum tutelaeque habendas tradas. Ne plus apud vos Hieronymi, quam Hieronis, memoria momenti faciat. Diutius ille multo amicus fuit, quam hic hostis: et illius etiam benefacta persensistis; hujus amentia ad perniciem tantum ipsius valuit. Omnia et impetrabilia et tuta erant apud Romanos. Inter ipsos plus belli ac periculi erat. Namque transfugae, tradi se Romanis rati, mercenariorum quoque militum auxilia in eundem compulere metum; adreptisque armis praetores primum obruncant, inde ad eandem Syracusanorum discurrunt, quosque fors obtulit, irati interfecere, atque omnia, quae in promptu erant, diripuerunt. Tum, ne sine ducibus essent, sex praefectos creaverunt, ut terni Achradinae ac Naso praeessent. Sedato tandem tumultu, exsequentibus sciscitando mercenariis, quae acta cum Romanis essent, dilucere, id quod erat, coepit; aliam suam ac perfugarum causam esse.

XXX.

XXX. In tempore legati a Marcello redierunt, falsa eos suspitione incitatos memorantes, nec causam expetendae poenae eorum ullam Romanis esse. Erat ex tribus Achradinae praefectis Hispanus, Mericus nomine. Ad eum inter comites legatorum de industria unus ex Hispanorum auxiliariis est missus; qui, sine arbitris Mericum nactus, primum, quo in statu reliquisset Hispaniam, (et nuper inde venerat) exponit. *Omnib. Romanis ibi obtineri armis. Possesse eum, si operae pretium faciat, principem popularium esse, seu militare cum Romanis, seu in patriam reverti libeat. Contra, si malle obsideri pergat, quam spem esse terra marique clauso?* Motus his Mericus, quum legatos ad Marcellum mitti placuisset, fratrem inter eos mittit; qui, per eundem illum Hispanum secretus ab aliis ad Marcellum deductus, quum fidem adcepisset composuissetque agenda rei ordinem, Achradinam redit. Tum Mericus, ut ab suspitione proditoris averteret omnium animos, negat sibi placere, legatos commicare ultro citroque, neque recipiendum quemquam, neque mittendum; et, quo intentius custodiae servantur, obportuna dividenda praefectis esse, ut suae quisque partis tutandae reus sit. Omnes adfensum partibus dividendis: ipsi regio evenit ab Arethusa fonte usque ad ostium magni portus. Id ut scirent Romani, fecit. Itaque Marcellus nocte navem onerariam cum armatis remulco quadriremis trahi ad Achradinam iussit, exponitque milites regione portae, quae prope fontem Arethusam est. Hoc quum quarta vigilia factum esset, expositosque milites porta, ut convenerat, recepisset Mericus; luce prima Marcellus omnibus copiis moenia Achradinae adgreditur, ita ut non eos solum, qui

qui Achradinam tenebant, in se converteret; sed ab Naso etiam agmina armatorum concurrerent, relictis stationibus suis, ad vim et impetum Romanorum arcendum. In hoc tumultu actuariae naves, instructae jam ante circumvectaeque, ad Nasum armatos exponunt, qui, improvise adorti semiplenas stationes et adaperas fores portae, qua paullo ante excurrerant armati, haud magno certamine Nasum cepere, desertam trepidatione et fuga custodum: neque ullis minus praesidii aut pertinaciae ad manendum, quam transfugis, fuit, quia, ne suis quidem satis credentes se, medio certamine effugerunt. Marcellus ut captam esse Nasum didicit, et Achradinae regionem unam teneri Mericumque cum praesidio suis adjunctum, receptui cecinit; ne regiae opes, quarum fama major, quam res, erat, diriperentur.

XXXI. Subpresso impetu militum, et iis, qui in Achradina erant, transfugis spatium locusque fugae datus est; et Syracusani, tandem liberi metu, portis Achradinae apertis, oratores ad Marcellum mittunt, nihil petentes aliud, quam incolumitatem sibi liberisque suis, Marcellus, consilio advocato et adhibitis etiam Syracusanis, qui per seditiones pulsi ab domo intra praesidia Romana erant, respondit: non plura per annos quinquaginta benefacta Hieronis, quam paucis his annis maleficia eorum, qui Syracusas tenuerint, erga populum Romanum esse. Sed pleraque eorum, quo debuerint, reddisse; foederumque ruptorum ipsos ab se graviores multo, quam populus Romanus voluerit, poenas exegisse. Se quidem tertium annum circumfedere Syracusas: non ut populus Romanus servam civitatem haberet, sed ut transfugarum
duces

duces captam et obpressam tenerent. Quid poterint Syracusani facere, extemplo vel eos Syracusanorum esse, qui intra praesidia Romana fuerint, vel Hispanum ducem Mericum, qui praesidium tradiderit, vel ipsorum Syracusanorum posiremo, serum quidem, sed forte consilium. Omnium sibi laborum, periculorumque, circa moenia Syracusana terra marique tam diu exhaustorum, nequaquam tantum fructum esse, quam capere Syracusas potuisse. Inde quaelor cum praesidio ad Nasum ad adiciendam pecuniam regiam custodiendamque missus. Urbs diripienda militi data est, custodibus divisae per domos eorum, qui intra praesidia Romana fuerant. Quum multa irae, multa avaritiae, foeda exempla ederentur, Archimeden, memoriae proditum est, in tanto tumultu, quantum capta urbs in discursu diripientium militum ciere poterat, intentum formis, quas in pulvere descriplerat, ab ignaro milite, quis esset, interfectum; aegre id Marcellum tulisse, sepulturaeque curam habitam; et propinquis etiam inquisitis honori praesidioque nomen ac memoriam ejus fuisse. Hoc maxime modo Syracusae captae: in quibus praedae tantum fuit, quantum vix capta Carthagine tum fuisset, cum qua viribus aequis certabatur. Paucis ante diebus, quam Syracusae caperentur, T. Otacilius cum quinquere milibus octoginta Vticam ab Lilybaeo transmisit, et, quum ante lucem portum intrasset, onerarias frumento onustas cepit; egressusque in terram, depopulatus est aliquantum agri circa Vticam, praedamque omnis generis retro ad naves egit. Lilybaeum tertio die, quam inde profectus erat, cum centum triginta onerariis navibus frumento praedaeque onustis rediit; idque frumentum extemplo Syracusas misit. Quod ni
tam

tam in tempore subvenisset, victoribus victisque pariter pernicioſa fames inſtabat.

XXXII. Eadem aetate in Hispania, quum biennio ſerme nihil admodum memorabile factum eſſet, conſiliisque magis, quam armis, bellum gereretur, Romani imperatores egreſſi hibernis copias conjunxerunt. Ibi conſilium advocatum, omniumque in unum congruerunt ſententiae: quando ad id locorum id modo actum eſſet, ut Haſdrubalem tendentem in Italiam retinerent, tempus eſſe id jam agi, ut bellum in Hispania finiretur: et ſatis ad id virium credebant adceſſiſſe, viginti millia Celtiberorum ea hyeme ad arma excitata. Tres exercitus erant. Haſdrubal Giſgonis filius et Mago, conjunctis caſtris, quinque ſerme dierum iter ab Romanis aberant. Propior erat Hamilcaris filius Haſdrubal, vetus in Hispania imperator. Ad urbem nomine Anitorgin exercitum habebat. Eum volebant prius obprimi duces Romani: et ſpes erat ſatis ſuperque ad id virium eſſe. Illa reſtabat cura, ne, fuſo eo perculſi, alter Haſdrubal et Mago, in avios ſaltus montesque recipientes ſeſe, bellum extraherent. Optimum igitur rati, diſiſis biſariam copiis, totius ſimul Hispaniae amplecti bellum, ita inter ſe diſiſerunt, ut P. Cornelius duas partes exercitus Romanorum ſociorumque adverſus Magonem duceret atque Haſdrubalem; Cn. Cornelius cum tertia parte veteris exercitus, Celtiberis adjunctis, cum Haſdrubale Barcino bellum gereret. Vna proſecti ambo duces exercitusque, Celtiberis praegredientibus, ad urbem Anitorgin in conſpectu hoſtium, dirimente amni, ponunt caſtra. Ibi Cn. Scipio, cum quibus ante dictum eſt copiis, ſubſtitit, et P. Scipio proſectus ad deſtinatam belli partem.

XXXIII.

XXXIII. Hasdrubal postquam animadvertit, exiguum Romanum exercitum in castris, et spem omnem in Celtiberorum auxiliis esse; peritus omnis barbaricae et praecipue omnium earum gentium, in quibus per tot annos militabat, perfidiae, facili linguae commercio, quum utraque castra plena Hispanorum essent, per obculta conloquia paciscitur magna mercede cum Celtiberorum principibus, ut copias inde abducant. Nec atrox visum facinus. Non enim, ut in Romanos verterent arma, agebatur; et merces, quanta vel pro bello satis esset, dabatur, ne bellum gererent; et quum quies ipsa, tum reditus domum fructusque videndi suos suaque, grata valgo erant. Itaque non ducibus facilius, quam multitudini, persuasum est: simul ne metus quidem ab Romanis erat, quippe tam paucis, si vi retinerent. Id quidem cavendum semper Romanis ducibus erit, exemplaque haec vere pro documentis habenda, ne ita externis credant auxiliis, ut non plus sui roboris suarumque proprie virium in castris habeant. Signis repente sublati, Celtiberi abeunt, nihil aliud quaerentibus causam obtestantibusque, ut manerent, Romanis respondentes, quam domestico se avocari bello. Scipio, postquam socii nec precibus, nec vi retineri poterant, nec se aut parem sine illis hosti esse, aut fratri rursus conjungi vidit posse, nec ullum aliud salutare consilium in promptu esse, retro, quantum pollet, cedere statuit; in id omni cura intentus, necubi hosti aequo se committeret loco; qui, transgressus flumen, prope vestigiis abeuntium insistebat.

XXXIV. Per eosdem dies P. Scipionem par terror, periculum majus ab novo hoste, urgebat. Masinissa erat juvenis, eo tempore

T. Liv. P. II.

Z

focius

socius Carthaginienſium, quem deinde clarum potentemque Romana fecit amicitia. Is tum cum equitatu Numidarum et advenienti P. Scipioni obcurrit, et deinde adſidue dies noctesque infeſtus aderat, ut non vagos tantum, procul a caſtris lignatum pabulatumque progreſſos, exciperet, ſed iſſis obequitaret caſtris, invecuſque in medias ſaepe ſtationes omnia ingenti tumultu turbaret. Noctibus quoque ſaepe incurſu repentino in portis valloque trepidatum eſt; nec aut locus, aut tempus illud vacuum a metu ac ſollicitudine erat Romanis: compulſisque intra vallum, adempto rerum omnium uſu, quum prope juſta obſidio eſſet, futuramque arctiorem eam adpareret, ſi ſe Indibilis, quem cum ſeptem millibus et quingentis Sueſſetanorum adventare fama erat, Poenis conjunxiſſet; dux cautus et providens Scipio, victus neceſſitatibus, temerarium capit conſilium, ut nocte Indibili obviam iret, et, quocumque obcurriſſet loco, proelium conſereret. Relicto igitur modico praefidio in caſtris, praepoſitoque T. Fontejo legato, media nocte profectus, cum obviis hoſtibus manus conſeruit. Agmina magis, quam acies, pugnabant: ſuperior tamen, ut in tumultuaria pugna, Romanus erat. Ceterum et equites Numidae repente, quos ſeſelliſſe ſe dux ratus erat, ab lateribus circumfuſi, magnum terrorem intulere. Contracto adverſus Numidas certamine novo, tertius inſuper advenit hoſtis, duces Poeni, adſequuti ab tergo jam pugnantes; ancepsque proelium Romanos circumſteterat, incertos in quem potiffimum hoſtem, quamve in partem conferti eruptionem facerent. Pugnanti hortantique imperatori et obferenti ſe, ubi plurimus labor erat, latus dextrum lancea trajicitur: cuneusque iſ hoſtium,

sium, qui in confertos circa ducem inpetum fecerat, ut exanimem labentem ex equo Scipionem vidit, alacres gaudio cum clamore per totam aciem nuntiantes discurrent, imperatorem Romanum cecidisse. Haec pervagata passim vox, ut et hostes haud dubie pro victoribus, et Romani pro victis essent, fecit. Fuga confestim ex acie, duce amisso, fieri coepta est. Ceterum ut ad erumpendum inter Numidas leviumque armorum alia auxilia haud difficilis erat; ita effugere tantum equitum aequantiumque equos velocitate peditum vix poterant; caesique prope plures in fuga, quam in pugna, sunt. Nec superfuisset quisquam, ni praecipiti jam ad vesperum die nox intervenisset.

XXXV. Haud segniter inde duces Poeni fortuna usi, confestim e proelio, vix necessaria quiete data militibus, ad Hasdrubalem Hamilcaris citatum agmen rapiunt, non dubia spe, quam conjunxissent, debellari posse. Quo ubi est ventum, inter exercitus ducisque, victoria recenti laetos, gratulatio ingens facta, imperatore tanto cum omni exercitu deleta, et alteram pro haud dubia parem victoriam expectantes. Ad Romanos nondum quidem fama tantae cladis pervenerat, sed moestum quoddam silentium erat et tacita divinatio; qualis jam praefagientibus animis imminenti mali esse solet, Imperator ipse, praeterquam quod ab fociis se desertum, hostium tantum auctas copias sentiebat, conjectura etiam et ratione ad suspicionem adceptae cladis, quam ad ullam bonam spem, prior erat. *Quonam modo enim Hasdrubalem ac Magonem, nisi defunctos suo bello, sine certamine adducere exercitum potuisse? Quomodo autem non obstitisse, aut ab tergo sequutum fratrem?*

Z 2

ut,

ut, si prohibere, quò minus in unum coirent et duces et exercitus hostium, non posset, ipse certe cum fratre conjungeret copias. His anxius curis id modo esse salutare in praesens credebatur, cedere inde, quantum posset: et inde una nocte, ignaris hostibus et ob id quietis, aliquantum emensus est iter. Luce, ut senserunt profectos hostes, praemissis Numidis, quam poterant maxime citato agmine sequi coeperunt: ante noctem adsequuti Numidae, nunc ab tergo, nunc in latera incurstantes. Consistere coeperunt, ac tutari agmen, quantum possent; tamen, tuto ut simul pugnarent procederentque, Scipio hortabatur, prius quam pedestres copiae adsequerentur.

XXXVI. Ceterum nunc agendo nunc sustinendo agmen quum aliquamdiu haud multum procederetur, et nox jam instaret, revocat e proelio suos Scipio; et conlectos in tumultum quemdam, non quidem satis tutum, (praesertim agmini perculso) editiorem tamen, quam cetera circa erant, subducit. Ibi primo, impedimentis et equitatu in medium receptis, circumdati pedites haud difficulter in pelus incurstantium Numidarum arcebant: dein, postquam toto agmine tres imperatores cum tribus iustis exercitibus aderant, adparebatque, parum armis ad tuendum locum sine munimento valituros esse; circumspectare atque agitare dux coepit, si quo modo posset vallum circuminijicere. Sed erat adeo nudus tumultus et asperi soli, ut nec virgulta vallo caedendo, nec terra cespiti faciendo aut duenda fossae ullive ulli operi apta inveniri posset: nec natura quidquam latis arduum aut abscissum erat, quod hosti aditum adscensumve difficilem praeberet; omnia fastigio leni subvexa. Vt tamen aliquam imaginem valli ob-

jice-

jicerent, clitellas inligatas oneribus, velut struentes ad altitudinem solitam, circumdabant; cumulo sarcinarum omnis generis obiecto, ubi ad molendum clitellae defuerant. Punici exercitus postquam advenere, in tumultum quidem perfacile agmen erexere, munitiōnis vero facies nova primo eos velut miraculo quodam tenuit, quum duces undique vociferarentur, *Quid starent? et non ludibrium illud, vix feminis puerisque morandis satis validum, distraherent diriperentque? Captum hostem teneri, lateantem post sarcinas.* Haec contemtim duces increpabant. Ceterum, neque transilire, neque moliri onera objecta, nec caedere stipatas clitellas ipsisque obrutas sarcinis, facile erat. Tardatis diu quum amolita objecta onera armatis dedissent viam, pluribusque idem partibus fieret, capta jam undique castra erant: pauci ab multis perculsi que a victoribus passim caedebantur. Magna pars tamen militum, quum in propinquas refugisset sylvas, in castra P. Scipionis, quibus T. Fonteius legatus praeerat, perfugerunt. Cn. Scipionem alii in tumulto primo inpetu hostium caelum tradunt: alii cum paucis in propinquam castris turrim perfugisse: hanc igni circumdatam: atque ita exustis foribus, quas nulla moliri potuerunt vi, captam; omnesque intus cum ipso imperatore occisos. Anno octavo, postquam in Hispaniam venerat, Cn. Scipio, undetrigesimo die post fratris mortem, est interfectus. Luctus ex morte eorum non Romae major, quam per totam Hispaniam, fuit. Quin apud cives partem doloris et exercitus amissi et alienata provincia et publica trahebat clades. Hispaniae ipsos lugebant desiderabantque duces: Cnaeum tamen magis, quo diutius praes fuerat iis, priorque et favo-

rem occupaverat, et specimen justitiae temperantiaeque Romanae primus dederat.

XXXVII. Quum deletus exercitus amissaeque Hispaniae viderentur, vir unus, es perditas restituit. Erat in exercitu L. Marcius Septimi filius, eques Romanus, inpiger juvenis animique et ingenii aliquanto, quam pro fortuna, in qua erat natus, majoris. Ad summam indolem adcefferat Cn. Scipionis disciplina: sub qua per tot annos omnes militiae artes edoctus fuerat. Hic, et ex fuga collectis militibus, et quibusdam de praesidiis deductis, haud contemnendum exercitum fecerat, junxeratque cum T. Fontejo P. Scipionis legato. Sed tantum praestitit eques Romanus auctoritate inter milites atque honore, ut, castris citra Iberum communitis, quum ducem exercituum comitiis militaribus creari placuisset, subeuntes alii aliis in custodiam valli stationesque, donec per omnes subfragium iret, ad L. Marcium cuncti summam imperii detulerint. Omne inde tempus (exiguum id fuit) muniendis castris convehendisque comitatiis consumtum; et omnia imperia milites, quum inpigre, tum haudquaquam abjecto animo, exsequebantur. Ceterum postquam Hasdrubalem Gisgonis, venientem ad reliquias belli delendas, transisse Iberum et adpropinquare adlatum est, signumque pugnae propositum ab novo duce milites viderunt; recordati, quos paullo ante imperatores habuissent, quibusque et ducibus et copiis freti prodire ad pugnam soliti essent, flere omnes repente et obfensare capita; et alii manus ad coelum tendere, Deos incusantes, alii, strati humi, suum quisque nominatim ducem inplorare: neque sedari lamentatio poterat, excitantibus centurionibus manipulares, et ipso mulcente et incre-

crepante Marcio, *quid in muliebres et inutiles se projecissent stetus potius, quam ad tutandos semet ipsos et rem publicam secum acuerent animos? et ne inultos imperatores suos jacere sinerent*: quum subito clamor tubarumque sonus (jam enim prope vallum hostes erant) exauditur. Inde, verso repente in iram luctu, discurrere ad arma, ac, velut adcesi rabie, discurrunt ad portas, et in hostem, neglegenter atque incomposite venientem, incurrunt. Ex templo inprovvisa res pavorem incutit Poenis; mirabundique, unde tot hostes tam subito exorti prope deleto exercitu forent, unde tanta audacia, tanta fiducia sui victis ac fugatis, quis imperator duobus Scipionibus caesis exstitisset, quis castris praecesset, quis signum dedisset pugnae, ad haec tot tam necopinata, primo omnium incerti stupentesque referunt pedem; dein, valida inpressione pulsi, terga vertunt. Et aut fugientium caedes foeda fuisset, aut temerarius periculosusque sequentium inpetus, ni Marcius propere receptui dedisset signum, obstitensque ad prima signa, quosdam et ipse retinens, concitatam repressisset aciem. Inde in castra avidos adhuc caedisque et sanguinis reduxit. Carthaginienses, trepide primo ab hostium vallo acti, postquam neminem insequi viderunt, metu substitisse rati, contemtim rursus et sedato gradu in castra abeunt. Par neglegentia in castris custodiendis fuit. Nam, ethi propinquus hostis erat, tamen reliquias eum esse duorum exercituum ante paucos dies deletorum subcurrebat. Ob hoc quum omnia neglecta apud hostes essent, exploratis iis, Marcius ad consilium, prima specie temerarium magis, quam audax, animum adiecit, ut ultro castra hostium obpugnaret: facilius esse ratus, unius Haldrubalis expugnari castra,

Z 4

quam,

quam, si se rursus tres exercitus ac tres duces junxissent, sua defendi: simul aut, si successisset coeptis, recepturum se adflictas res; aut, si pulsus esset, tamen ultro inferendo arma, contentum sui demturum.

XXXVIII. Ne tamen subita res et nocturnus terror etiam non suae fortunae consilium perturbaret, adloquendos adhortandosque sibi milites ratus, concione advocata ila diseruit: *Vel mea erga imperatores nostros vivos mortuosque pietas, vel praesens omnium nostrum, milites, fortuna fidem cuius facere potest, mihi hoc imperium, ut amplum iudicio vestro, ita re ipsa grave ac sollicitum esse. Quo enim tempore, nisi metus moerorem obstupesceret, vix ita compos mei essem, ut aliqua solatia invenire aegro animo possem; cogor vestram omnium vicem (quod difficillimum in luctu est) unus consulere: et ne tam quidem, ubi, quoniam modo has reliquias duorum exercituum patriae conservare possim, cogitanda est, avertere animum ab adflicto moerore libet. Praesto est enim acerba memoria, et Scipiones me ambo dies noctesque curis insomniisque agitant et excitant saepe somno; neu se, neu invictos per octo annos in his terris milites suos, commilitones vestros, neu rem publicam patiar inultam, et suam disciplinam suaeque instituta sequi iubent; et, ut imperiis vivorum nemo obedientior me uno fuerit, ita post mortem suam, quod quaque in re facturos illos fuisse maxime censeam, id optimum ducere. Vos quoque velim, milites, non lamenti lacrimisque tamquam extinctos prosequi, (vivunt vigentque fama rerum gestarum) sed, quotiescumque obcurrat memoria illorum, velut si adhortantes signumque dantes videatis eos, ita proelia inire. Nec alia profecto species, hesterno die oculis animisque vestris*

vestris oblata, memorabile illud edidit proelium; quo documentum dedistis hostibus, non cum Scipionibus extinctum esse nomen Romanum, et, cujus populi vis atque virtus non obruta sit Cannensi clade, ex omni profecto saevitia fortunae emerguram esse. Nunc, quia tantum ausi estis sponte vestra, experiri libet, quantum audeatis ducē vestro auctore. Non enim hesterno die, quum signum receptui dedi sequentibus effuse vobis turbatum hostem, frangere audaciam vestram, sed differre in maiorem gloriam atque opportunitatem, volui; ut postmodo praeparati incautos, armati inermes, atque etiam sopitos, per occasionem adgredi possetis. Nec huius occasionis spem, milites, forte temere, sed ex re ipsa conceptam habeo. A vobis quaque profecto si quis quaerat, quonam modo pauci a multis, victi a victoribus castra tutati sitis; nihil aliud respondeatis, quam id ipsum timentes vos omnia et operibus firmata habuisse, et ipsos paratos instructosque fuisse. Et ita se res habet: ad id, quod, ne timeatur, fortuna facit, minime tuti sunt homines; quia, quod neglexeris, incautum atque apertum habeas. Nihil omnium nunc minus metuunt hostes, quam ne obsessi modo ipsi atque obpugnati castra sua ultro obpugnemus. Audeamus, quod credi non potest auros nos. Eo ipso, quod difficillimum videtur, facillimum erit. Tertia vigilia noctis silenti agmine ducam vos. Exploratum habeo, non vigiliarum ordinem, non stationes iustas esse. Clamor in portis auditus et primus impetus castra cepit. Tum inter torpidos somno paventesque ad necopinatum tumultum, et inermes in cubilibus suis obpressos, illa caedes odatur, a qua vos hesterno die revocatos aegre ferebatis. Scio, audax videri consilium: sed in rebus aspe-

ris et tenui spe fortissima quaeque consilia tutissima sunt; quia, si in occasionis momento, cujus praetervolat obportunitas, cunctatus paulum fueris, nequidquam mox omissam quaeras. Unus exercitus in propinquo est: duo haud procul absunt. Nunc adgredientibus spes aliqua est: et jam tentastis vestras atque illorum vires. Si diem proferimus, et hesternae eruptionis fama contemni desierimus; periculum est, ne omnes duces, omnes copiae convenient. Tres deinde duces, tres exercitus sustinebimus hostium, quos Cn. Scipio incolumi exercitu non sustinuit? Ut dividendo copias periere duces nostri, ita separati ac divisi obprimi possunt hostes. Alia belli gerendi via nulla est. Proinde nihil, praeter noctis proximae obportunitatem, expectemus. Ite, Deis bene juvantibus, corpora curate, ut integri vigentesque eodem animo in castra hostium inrumpatis, quo vestra tutati estis. Laeti et audire ab novo duce novum consilium, et, quo audacius erat, magis placebat. Reliquum diei expediendis armis et curatione corporum consumtum: et major pars noctis quieti data est. Quarta vigilia movere.

XXXIX. Erant ultra proxima castra sex millium intervallo distantes aliae copiae Poenorum. Vallis cava intererat, condensa arboribus. In hujus silvae medio ferme spatio cohors Romana arte Punica abditur et equites. Ita medio itinere intercepto, ceterae copiae silenti agmine ad proximos hostes ductae; et, quum statio nulla pro portis, neque in vallo custodiae essent, velut in sua castra, nullo usquam obsistente, penetravere. Inde signa canunt, et tollitur clamor. Pars semisomnos hostes caedunt: pars ignes casis, stramento arido tectis, injiciunt: pars portas occupant, ut fugam intercludant. Hostes simul ignis, clamor,

mor, caedes, velut alienatos sensibus, nec audire, nec providere quidquam sinunt. Incidunt inermes inter catervas armatorum: alii ruunt ad portas, alii obseptis itineribus super vallum saliant; et, ut quisque evaserat, protenus ad castra altera fugiunt: ubi ab cohorte et equitibus ex obculto procurrentibus circumventi caesique ad unum omnes sunt: quamquam, etiam si quis ex ea caede effugisset, adeo raptim captis propioribus castris in altera transcursum castra ab Romanis est, ut praevenire nuntius cladis non posset. Ibi vero, quo longius ab hoste aberant, et quia sub lucem pabulatum, lignatum et praedatum quidam dilabsi fuerant, neglecta magis omnia ac soluta invenere: arma tantum in stationibus posita: milites inermes, aut humi sedentes ad cubantesque, aut obambulantes ante vallum portasque. Cum his tam securis solutisque Romani, calentes adhuc ab recenti pugna ferocesque victoria, proelium ineunt. Itaque nequaquam resisti in portis potuit. Intra portas, concursu ex totis castris ad primum clamorem et tumultum facto, atrox proelium oritur; diuque tenuisset, ni cruenta scuta Romanorum visa, indicium alterius cladis Poenis, atque inde pavorem injecissent. Hic terror in fugam avertit omnes; effusique, qua iter est, nisi quos caedes obpressit, exuuntur castris. Ita nocte ac die bina castra hostium expugnata ductu L. Marcii. Ad triginta septem millia hostium caesa, auctor est Claudius, qui annales Acilianos ex Graeco in Latinum sermonem vertit: captos ad mille octingentos triginta: praedam ingentem partam. In ea fuisse clipeum argenteum pondo centum triginta octo, cum imagine Barcini Hasdrubalis. Valerius Antias una castra Magonis capta tradit,

dit, septem millia caesa hostium: altero proelio, eruptione pugnatum cum Hasdrubale: decem millia occisa, quatuor millia trecentos triginta captos. Piso quinque millia hominum, quum Mago cedentes nostros effuse sequeretur, caesa ex insidiis scribit. Apud omnes magnum nomen Marci ducis est. Et verae gloriae ejus etiam miracula addunt: flammam ei concionanti fusam e capite, sine ipsius sensu, cum magno pavore circumstantium militum. Monimentumque victoriae ejus de Poenis, usque ad incensum Capitolium, fuisse in templo clipeum, Marcium adpellatum, cum imagine Hasdrubalis. Quietae deinde aliquamdiu in Hispania res fuere, utrisque, post tantas adceptas in vicem inlatasque clades, cunctantibus periculum summae rerum facere.

XL. Dum haec in Hispania geruntur, Marcellus captis Syraculis, quum cetera in Sicilia tanta fide atque integritate composuisset, ut non modo suam gloriam, sed etiam majestatem populi Romani, augeret, ornamenta urbis, ligna, tabulasque, quibus abundabant Syracusae, Romam devexit. Hostium quidem illa spolia et parta belli jure; ceterum inde primum initium mirandi Graecarum artium opera licentiaeque huic sacra profanaque omnia vulgo spoliandi factum est: quae postremo in Romanos Deos, templum id ipsum primum, quod a Marcello eximie ornatum est, vertit. Visebantur enim ab externis ad portam Capenam dedicata a Marcello templa, propter excellentiam ejus generis ornamenta, quorum perexigua pars comparet. Legationes omnium ferme civitatum Siciliae ad eum conveniebant. Dispar ut causa earum, ita conditio erat. Qui ante captas Syraculas aut non desciverant, aut redierant in amicitiam, ut socii fideles adscripti

cultique; quos metus post captas Syracusas dediderat, ut victi a victore leges adceperunt. Erant tamen haud parvae reliquiae belli circa Agrigentum Romanis; Epicydes et Hanno duces reliqui prioris belli, et tertius novus ab Hannibale in locum Hippocratis missus, Libyphoenicum generis Hipponiates, (Mutinem populares vocabant), vir inpiger et sub Hannibale magistro omnes belli artes edoctus. Huic ab Epicyde et Hannone Numidae dati auxiliares: cum quibus ita pervagatus est hostium agros, ita facios, ad retinendos in fide animos eorum ferendumque in tempore cuique auxilium, adiit, ut brevi tempore totam Siciliam impleret nominis sui, nec spes alia major apud faventes rebus Carthaginiensium esset. Itaque inclusi ad tempus moenibus Agrigenti dux Poenus Syracusanusque, non consilio Mutinis, quam fiducia, magis ausi egredi extra muros, ad Himeram amnem posuerunt castra. Quod ubi perlatum ad Marcellum est; extemplo copias movit, et ab hoste quatuor ferme millium intervallo confedit, quid agerent pararentve expectaturus. Sed nullum neque locum, neque tempus cunctationi consiliove dedit Mutines, transgressus amnem ac stationibus hostium, cum ingenti terrore ac tumultu invectus. Postero die prope iusto proelio compulsi hostem intra munimenta. Inde revocatus seditione Numidarum in castris facta, quum trecenti ferme eorum Heracleam Minoam concessissent, ad mitigandos revocandosque eos profectus, magnopere monuisse duces dicitur, ne absente se cum hoste manus confererent. Id ambo aegre passi duces, magis Hanno, jam ante anxius gloria ejus: *Mutinem sibi modum facere, degenerem Afrum imperatori Carthaginiensi, misso ab senatu populoque.* Is perpulsi cunctan-

stantem Epicyden, ut, transgressi flumen, in aciem exirent. Nam si Mutinam opperirentur et secunda pugnae fortuna evenisset, haud dubie Mutinis gloriam fore.

XLI. Enimvero indignum ratus Marcellus, se, qui Hannibalem subnifum victoria Cannensi ab Nola repulisset, his terra marique victis ab se hostibus cedere, arma pro opere capere milites et efferri signa jubet. Instruenti exercitum decem effusis equis advolant ex hostium acie Numidae, nuntiantes, populares suos, primum ea seditione motos, qua trecenti ex numero suo concesserint Heracleam, dein quod praefectum suum ab obtrectantibus ducibus gloriae ejus sub ipsam certaminis diem ablegatum videant, quieturos in pugna. Gens fallax promissi fidem praestitit. Itaque et Romanis crevit animus, nuntio celeri per ordines misso, destitutum ab equite hostem esse, quem maxime timuerant: et territi hostes, praeterquam quod maxima parte virium suarum non juvabantur, timore etiam incusso, ne ab suo et ipsi equite obpugnarentur. Itaque haud magni certaminis fuit. Primus clamor atque inpetus rem decrevit. Numidae, quum in concursu quieti stetissent in cornibus, ut terga dantes suos viderunt, fugae tantum parumper comites facti, postquam omnes Agrigentum trepido agmine petentes viderunt, ipsi metu obsidionis passim in civitates proximas dilabii. Multa millia hominum caesa captaque et octo elephantii. Haec ultima in Sicilia Marcelli pugna fuit. Victor inde Syracusas rediit. Jam ferme in exitu annus erat. Itaque senatus Romae decrevit, ut P. Cornelius praetor literas Capuam ad consules mitteret: dum Hannibal procul abesset, nec ulla magni discriminis res ad Capuam gereretur, alter eorum.

fi

si ita videretur, ad magistratus subrogandos Romam veniret. Literis adceptis, inter se consules compararunt, ut Claudius comitia perficeret, Fulvius ad Capuam maneret. Consules Claudius creavit Cn. Fulvium Centumalum et P. Sulpicium Servii filium Galbam, qui nullum antea curulem magistratum gessisset. Praetores deinde creati, L. Cornelius Lentulus, M. Cornelius Cethegus, C. Sulpicius, C. Calpurnius Piso. Pisoni juris dictio urbana, Sulpicio Sicilia, Cethego Apulia, Lentulo Sardinia evenit. Consulibus prorogatum in annum imperium est.

T. LIVII PATAVINI LIBER XXVI.

BREVIARIUM.

CAP. I. Dividuntur provinciae et XXIII legiones. 2. L. Marcus summo Proprætoris titulo offendit Patres, et hi cum tribunis plebis agunt, ut ad plebem ferant, quem cum imperio mitti placeat in Hispaniam. Sed plebis animos occupat certamen, a C. Sempronio Blaeso trib. pl. motum, qui Cn. Fulvio diem dicit ob exercitum in Apulia amissum. 3. Reus frustra ab se culpam in milites transfert, et perduellionis indicatus exsulatum Tarquinius abit.

4. Ca-

4. Capua acrius obsidetur, et equitatu quoque superior est Romana res, ex quo, auctore Q. Navio centurione, equitibus inmiscentur pedites, vehentes post illos signoque dato equis perneciter deficientes. 5. Romanorum duces et Navius fortiter pugnant cum Campanis et Hannibale, qui iis auxilio venerat. 6. Tandem obfessi Poenique fugantur: et ultimum hoc proelium ante deditionem Capuae, huiusque ultimus est medixtuticus Seppius Lesius, homo obscurus, qui summum magistratum, ab omnibus spreum, ceperat. 7. Hannibal castra movere a Capua statuit Romamque petere, ut duces Romani ad defendendam hanc urbem ab obpugnanda illa abstrahantur. 8. Eodem cum electis militibus tendit Q. Fulvius Flaccus proconsul, Scito aditus, conlegamque Appium Claudium ex vulnere aegrum in castris ad Capuam positum relinquit. 9. Iter utriusque describitur et ingens terror, quem nuntius Fregellanus Romam adfert. 10. Fulvius Romam ingreditur et Hannibal, stativis ad Anienem fluvium, tria millia passuum ab Urbe, positus, cum duobus equitum millibus moenia situmque Romae obequitans contempletur: sed submovetur ab equitibus, a Fulvio inmissis, multique tumultus, temere excitati, comprimuntur. 11. Acies Poenorum Romanorumque bis instructae tempestatibus dirimuntur. Quo omine aliisque causis motus Hannibal ad Tutiam fl. castra refert, et templum Feroniae omnibus spoliis donis. 12. Inde celeri cursu in Bruttium agrum contendit, et Fulvius redit Capuam: ubi principes domibus inclusi patriae occasum in dies expectant, praefectique praesidii Punici, Bostar et Hanno, literas, aspere ad Hannibalem conscriptas, perferendos tradunt Numidis, qui specie quidem transfugarum in

in castra Romana veniant, ut inde abeant tempore capto, sed a muliere Campana prodicti comprehenduntur et mulcati virgis manibusque praecisis rediguntur Capuam. 13. Major jam senatus pars legatos de pace mittendos censet, nequidquam refragante Vibio Virrio, defectionis ab Romanis auctore, qui suadet, ut morte honesta ac leni cruciatus effugiant. 14. Senatores XXVII cum Virrio epulantes exemplo ejus venenum hauriunt, et portae aperiuntur hostibus. Tum reliqui comprehenduntur senatores, et XXV Cales in custodiam, XXVIII Teanum mittuntur. 15. De eorum subplicio Appius per literas senatum Rom. consulit: at Q. Fulvius illos virgis caedi securique percuti jubet, et sumto demum subplicio literas legit Roma adlatas. Eandem mortem postulat Taurea Jubellius Campanus, eaque negata se gladio ipse transfigit. 16. Atella et Calatia in deditiorem adcipiuntur, et severe animadvertitur in Campanos maxime noxios: Capuam vero ipsam servari placet, et praefectum eo ad jura reddenda quotannis ab Roma mitti.

17. C. Nero cum electis militibus in Hispaniam mittitur, ubi exercitum ab T. Fontejo ad L. Marcio adcipit et Hasdrubalem claudit quidem saltu, sed dolo ejus captus emittit. 18. Comitia habentur proconsuli creando in Hispaniam, et, nemine nomen profiteri audente, imperium hoc petit omnibusque subfrangiis adcipit P. Cornelius Scipio, Publii, qui in Hispania ceciderat, filius XXIV ferme annos natus. 19. Hic juvenis, qui virtutibus easque ostentandi arte mirabilis erat et divinae stirpis esse credebatur, in Hispaniam proficiscitur cum novo exercitu et M. Junio Silano propræto, qui adjutor ei ad res gerendas datus erat. 20. Terra

conem concedit et civitates sociorum veterisque exercitus hiberna adit. Interea classis Punica, ex Sicilia Tarentum adcita, claudit quidem omnes ad arcem et mari aditus, sed mox dimittitur, quia arctiorem focis annonam facit quam hosti.

21. M. Marcellus, ex Sicilia reversus, triumphat in monte Albano et inde Urbem ovans init. Post ejus profectionem militum in provincia illa relictorum animi inclinant ad seditionem, et civitates aliquot deficiunt ad Poenos et Numidas, qui duce Mutine sociorum Rom. agros urunt: sed res adflictas restituit M. Cornelius praetor.

22. In comitiis consularibus praerogativa centuria, quae T. Otacilium et T. Manlium Torquatum declaraverat, hoc postulante redit in subfragium atque M. Claudium Marcellum et M. Valerium Laevinum consules dicit. 23. Praetoria habentur comitia: ludi Apollinares in perpetuum voventur: procurantur prodigia, et sacerdotibus demortuis novi subsiciuntur.

24. M. Valerius Laevinus cum Scopa et Dorimacho, principibus Aetolorum, facit foedus bellumque prospere movet adversus Philip-pum et Acarnanas. 25. Res a Philippo gestae et conjuratio Acarnanum. 26. Laevinus Anticyram expugnat et diuturno ibi morbo implicatus serius spe omnium Romam venit: eo vero absente Marcellus conlega nihil se de re publica aut provinciis acturum profitetur. 27. Incendium Romae oritur conflatum a Campanis juvenibus, quorum parentes et Q. Fulvio securi erant percussi. Campanorum Siculorumque legati Romam veniunt questuri de Fulvii et Marcelli crudelitate. 28. Novis magistratibus provinciae legionesque decernuntur. 29. Sicilia Marcello et Italia Laevino evenit; sed consules

les permutant provincias, moti querelis Siculo-
rum. 30. Hi in senatu adCUSant Marcellum.
31. Is respondet. 32. Illi benigne ab hoc Patri-
busque adpellantur et dimittuntur. 33. Campa-
norum oratio in senatu miserabilior durisque
causa. 34. Ob decreta senatus in familias sin-
gulas facta moestiores aliquanto, quam Roman
venere, discedunt. 35. Quoniam pecuniae ni-
hil est in aerario, privati ex censu ordinibusque
remiges dare cum stipendio cibariisque jubentur;
quod aegerrime ferunt homines; 36. sed Patrum
exemplo incitati certatim aurum, argentum et
aes in publicum conferunt.

37. Poenorum Romanorumque anceps spes
ac metus, adversa secundis aequante fortuna.
38. Avaritia et crudelitate Hannibalis abalie-
nantur ab eo sociorum animi; et Salapia cum
praesidio Punico Marcello proditur a Blattio,
Dasio nequidquam repugnante. 39. Classis Ro-
mana ab Rhegio profecta fugatur a Tarentina:
ad Tarentum vero C. Persius, a M. Livio ex
arce emissus, passim caedit hostes per agros pa-
lantes. 40. Laevinus Syracusis componit res,
et plurima Siciliae oppida in ditionem Rom. re-
didit, in his Agrigentum, traditum ei a Muti-
ne, Numidarum duce, cui Hanno invidabat glo-
riam belli injuriamque intulerat.

41. In Hispania P. Scipio oratione adcen-
dit militum animos. 42. Tum copias trajicit
Iberum, et Carthaginem Novam obpugnare sta-
tuit, urbem in tumulto ad sinum maris sitam.
43. Ejus potiundae spem cohortando militibus
facit. 44. 45. Romani, exemplo et hortatione
ducis incitati, summa illam vi, sed frustra ad-
grediuntur terra. 46. At per stagnum sine cer-
tamine intratur, et mox tum ipsa, tum arx, a
Magone dedita, capitur. 47. Victores praeda
Aa 2 ingen-

ingenti omnis generis potiuntur. 48. Milites, prout cuique meritum virtusque fuit, donantur. 49. Scipio obsides civitatum Hispaniae suis restituit, precibusque uxoris Mandonii motus curam feminarum committit viro spectatae integritatis. 50. Reddit sponsam Allucio, principi Celtiberorum, qui laetus domum dimissus mox cum delecta equitum manu revertit. 51. Copiae ejus navales pedestresque exercentur, et captae urbis muri reficiuntur, armamentaria autem, officinae et navalia strepunt adparatu belli. His ordinatis dispositisque praesidiis Scipio Tarracoenem redit, quo legationibus sociisque edixerat conveniunt.

1. **C**n. Fulvius Centumalus, P. Sulpicius Galba consules, quum idibus Martiis magistratum inissent, senatu in Capitolium vocato, de re publica, de administratione belli, de provinciis exercitibusque Patres consuluerunt. Q. Fulvio, Ap. Claudio, prioris anni consulibus, prorogatum imperium est, atque exercitus, quos habebant, decreti; adjectumque, ne a Capua, quam obsidebant, abscederent, prius, quam expugnassent. Ea tum cura maxime intentos habebat Romanos; non ab ira tantum, quae in nullam umquam civitatem justior fuit, quam quod urbs tam nobilis ac potens, sicut defectione sua traxerat aliquot populos, ita recepta inclinatura rursus animos videbatur ad veteris imperii respectum. Et praetoribus prioris anni, M. Junio in Etruria, P. Sempromio in Gallia, cum binis legionibus, quas habuerant, prorogatum est imperium. Pro-

roga-

rogatum et M. Marcello, ut pro consule in Sicilia reliqua belli perficeret eo exercitu, quem haberet. Si subplemento opus esset, subpleret de legionibus, quibus P. Cornelius propraetor in Sicilia praeesset, dum ne quem militem legeret ex eo numero, quibus senatus missionem reditumque in patriam negasset ante belli finem. C. Sulpicio, cui Sicilia evenerat, duae legiones, quas P. Cornelius habuisset, decretae, et subplementum de exercitu Cn. Fulvii, qui priore anno in Apulia foede caesus fugatusque erat. Hic generi militum senatus eundem, quem Cannensibus, finem statuerat militiae: additum etiam utrorumque ignominiae est, ne in oppidis hibernarent, neve hiberna propius ullam urbem decem millibus passuum aedificarent. L. Cornelio in Sardinia duae legiones datae, quibus Q. Mucius praefuerat. Subplementum, si opus esset, consules scribere iussi. T. Otacilio et M. Valerio Siciliae Graeciaeque ora cum legionibus classibusque, quibus praecerant, decretae. Quingenta Graeci cum legione una, centum Siculi cum duabus legionibus habebant naves. Tribus et viginti legionibus Romanis eo anno bellum terra marique est gestum.

II. Principio ejus anni quum de literis L. Marci referretur, res gestae magnificae senatui visae: titulus honoris (quod, imperio non populi jussu, non ex auctoritate Patrum dato, *Propraetor senatui*, scripserat) magnam partem hominum offendebat. Rem mali exempli esse, imperatores legi ab exercitibus, et sollemne auspicatorum comitiorum in castra et provincias, procul ab legibus magistratibusque, ad militarem temeritatem transferri. Et, quum quidam referendum ad senatum censerent, melius visum differri eam consultationem,

nem, donec proficiscerentur equites, qui ab Marcio literas adtulerant. Rescribi de frumento et vestimentis exercitus placuit: *eam utramque rem curae fore senatui*. Adscribi autem, Propraetori L. Marcio, non placuit; ne id ipsum, quod consultationi reliquerant, pro praepudicato ferret. Dimissis equitibus, de nulla re prius consules retulerunt, omniumque in unum sententiae congruebant, agendum cum tribunis plebis esse, primo quoque tempore ad plebem ferrent, quem cum imperio mitti placeret in Hispaniam ad eum exercitum, cui Cn. Scipio imperator praefuisset. Ea res cum tribunis acta promulgataque est. Sed aliud certamen occupaverat animos. C. Sempronius Blaesus die dicta Cn. Fulvium, ob exercitum in Apulia amissum, in concionibus vexabat: *multos imperatores temeritate atque inscientia exercitum in locum praecipitem perdixisse dictitans: neminem, praeter Cn. Fulvium, ante corrupisse omnibus vitiis legiones suas, quam proderet*. Itaque vere dici posse, prius eos perisse, quam viderent hostem; nec ab Hannibale, sed ab imperatore suo, victos esse. Neminem, quum subfragium ineat, satis cernere, cui imperium, cui exercitum permittat. Quid interfuisse inter Ti. Sempronium? Quum ei servorum exercitus datus esset, brevi effecisse disciplina atque imperio, ut nemo eorum generis ac sanguinis sui memor in acie esset, praesidio sociis, hostibus terrori essent. Cumas, Beneventum aliasque urbes eos velut e faucibus Hannibalis ereptas populo Romano restituisse. Cn. Fulvium Quiritium Romanorum exercitum, honeste genitos, liberaliter educatos, servilibus vitiis inbuisse. Ergo effecisse, ut feroces et inquieti inter socios, ignavi et inbelles inter hostes essent, nec inpetum modo Poenorum, sed ne clamorem qui-

quidem sustinere possent. Nec Heroule mirum esse, milites in acie non stetisse, quum primus omnium imperator fugeret. Magis mirari se, aliquos stantes cecidisse, et non omnes comites Cn. Fulvii fuisse pavoris ac fugae. C. Flaminium, L. Paullum, L. Postumium, Cn. ac P. Scipiones cadere in acie maluisse, quam deserere circumventos exercitus. Cn. Fulvium prope unum nuntium deleti exercitus Romam redisse. Facinus indignum esse, Cannensem exercitum, quod ex acie fugerit, in Siciliam deportatum, ne prius inde dimittatur, quam hostis ex Italia decesserit, et hoc idem in Cn. Fulvii legionibus nuper decretum: Cn. Fulvio fugam ex proelio, ipsius temeritate commisso, impunitam esse; et eum in ganea lustrisque, ubi juventam egerit, senectutem acturum: milites, qui nihil aliud peccaverint, quam quod imperatoris similes fuerint, relegatos prope in exilium, ignominiosam pati militiam. Adeo inparem libertatem Romae diti ac pauperi, honorato atque inhonorato esse.

III. Reus ab se culpam in milites transferbat: Eos ferociter pugnam poscentes productos in aciem, non eo, quo voluerint, (quia serum diei fuerit) sed postero die, et tempore et loco aequo instructos, seu famam, seu vim hostium non sustinuisse. Quum effuse omnes fugerent, se quoque turba ablatum; ut Varronem Cannensi pugna, ut multos alios imperatores. Qui autem solum se resistentem prodesse rei publicae, nisi si mors sua remedio publicis cladibus futura esset, potuisset? Non se inopia comiectus, non in loca iniqua incaute deductum, non agmine inexplorato euntem insidiis circumventum. Vi aperta, armis, acie victum; nec suorum animos, nec hostium, in potestate habuisse, suum cuique ingenium audaciam aut pavorem

Aa 4

face.

facere. Bis est adcusatus, pecuniaque anquistum. Tertio, testibus datis, quum, praeterquam quod omnibus probris onerabatur, iurati permulti dicerent, fugae pavorisque initium a praetore ortum; ab eo desertos milites, quum haud vanum timorem ducis crederent, terga dedisse: tanta ira accensa est, ut capite anquirendum concio subclamaret. De eo quoque novum certamen ortum. Nam, quum tribunus bis pecunia anquillisset, tertio capitis se anquirere diceret; tribuni plebis adpellati, *conlegae*, negarunt, *se in mora esse, quo minus, quod ei more majorum permillum esset, seu legibus, seu moribus mallet, anquireret, quoad vel capitis, vel pecuniae iudicasset privato.* Tum Sempronius, *perduellionis se iudicare Cn. Fulvio*, dixit, diemque comitiis ab C. Calpurnio praetore Urbis petit. Inde alia spes ab reo tentata est: si adesse in iudicio Q. Fulvius frater posset, florens tum et fama rerum gestarum, et propinqua spe Capuae potiundae. Id quum per literas miserabiliter pro fratris capite scriptas petisset Fulvius, negassentque Patres e re publica esse, abscedi a Capua; postquam dies comitiorum aderat, Cn. Fulvius exsulatum Tarquinius abiit. Id ei iustum exilium esse, scivit plebs.

IV. Inter haec vis omnis belli versa in Capuam erat. Obsidebatur tamen acrius, quam obpugnabatur: nec aut famem tolerare servitia ac plebs poterant, aut mittere nuntios ad Hannibalem per custodias tam arctas. Inventus est Numida, qui, adceptis literis, evasurum se professus, ut promissum praestaret, per media Romana castra nocte egressus, spem accendit Campanis, dum aliquid virium superesset, ab omni parte eruptionem tentandi. Ceterum in multis certaminibus equestria proelia

lia ferme prospera faciebant: pedites superabantur. Sed nequaquam tam laetum vincere, quam triste vinci ulla parte erat ab oblesso et prope expugnato hoste. Inita tandem ratio est, ut, quod viribus deerat, arte aequaretur. Ex omnibus legionibus electi sunt juvenes, maxime vigore ac levitate corporum veloces: eis parmae breviores, quam equestres, et septena jacula quaternos longa pedes data, praefixa ferro, quale hastis velitaribus inest. Eos singulos in equos suos adcipientes equites adfuerant, et vehi post sese, et desilire perniciousiter, ubi signum datum esset. Postquam adfuerant cotidiana satis intrepide visum est fieri, in campum, qui medius inter castra murumque erat, adversus instructos Campanorum equites processerunt; et, ubi ad conjectum teli ventum est, signo dato velites desiliunt. Pedestris inde acies ex equitatu repente in hostium equites incurrit, jaculaque cum inpetu alia super alia emittunt. Quibus plurimis in equos virosque passim conjectis permultos vulneraverunt: pavoris tamen plus ex re nova atque inopinata injectum est, et in perculsum hostem equites inveci fugam stragemque eorum usque ad portas fecerunt. Inde equitatu quoque superior Romana res fuit. Institutum, ut velites in legionibus essent. Auctorem peditem equiti inmiscendorum centurionem Q. Navium ferunt; honorique id ei apud imperatorem fuisse.

V. Quum in hoc statu ad Capuam res essent, Hannibalem diversam Tarentinae arcis potiundae Capuaeque retinendae trahebant curae. Vicit tamen respectus Capuae, in quam omnium sociorum hostiumque conversos videbat animos; documento futurae, qualemcumque eventum defectio ab Romanis habuisset.

Aa 5

Igi-

Igitur magna parte impedimentorum relicta in Bruttiiis et omni graviore armatu, cum delectis peditum equitumque, quam poterat aptissimis ad maturandum iter, in Campaniam contendit. Sequenti tamen tam raptim euntem tres et triginta elephantii. In valle obculta post Tifata montem imminentem Capuae confedit. Adveniens quum castellum Galatiam, praesidio vi pulso, cepisset, in circumfidentes Capuam se vertit. Praemissis ante nuntiis Capuam, quo tempore castra Romana adgressurus esset, ut eodem et illi, ad eruptionem parati, portis omnibus sese effunderent, ingentem praebuit terrorem. Nam alia parte ipse adortus est; alia Campani omnes, pedites equitesque, et cum iis Punicum praesidium, cui Bostar et Hanno praecerant, erupit. Romani, ut in re trepida, ne ad unam concurrendo partem aliquid indefensi relinquerent, ita inter se copias partiti sunt. Ap. Claudius Campanis, Fulvius Hannibali est obpositus. C. Nero propraetor cum equitibus sextae legionis via, quae Suessulam fert; C. Fulvius Flaccus legatus cum sociali equitatu constitit e regione Vulturii amnis. Proelium non solito modo clamore ac tumultu est coeptum, sed ad alium virorum, equorum armorumque sonum, disposita in muris Campanorum inbellis multitudo tantum cum aeris crepitu, qualis in defectu lunae silenti nocte cieri solet, edidit clamorem, ut averteret etiam pugnantium animos. Campanos facile a vallo Appius arcebat. Major vis ab altera parte Fulvium, Hannibal et Poeni, urgebant. Legio ibi sexta loco cessit: quae pulsa, cohors Hispanorum cum tribus elephantis usque ad vallum pervasit; ruperatque mediam aciem Romanorum, et in ancipiti spe ac periculo erat, utrum in castra perumperet,

ret, an intercluderetur a suis. Quem pavorem legionis periculumque castrorum Fulvius ubi vidit, Q. Navium primoresque alios centurionum hortatur, ut cohortem hostium sub vallo pugnantes invadant. In summo discrimine rem verti: aut viam dandam iis esse, et minore conatu, quam condensam aciem inrupissent, in castra inrupturos; aut conficiendos sub vallo esse. Nec magni certaminis rem fore: paucos esse ab suis interclusos; et quae, dum paveat Romanus, interrupta acies videatur, eam, si se utrimque in hostem vertat, ancipiti pugna medios circumventuram. Navius ubi haec imperatoris dicta adcepit, secundi hastati signum ademtum signifero in hostes infert; jacturum in medios eos minitans, ni se propere sequantur milites, et partem capebant pugnae. Ingens corpus erat, et arma honestabant; et sublatum alte signum converterat ad spectaculum cives hostesque. Ceterum, postquam jam ad signa pervenerat Hispanorum, tum undique in eum tragulae conjectae, et prope tota in unum acies versa: sed neque hostium multitudo, neque telorum vis arcere inpetum ejus viri potuerunt.

VI. Et M. Atilius legatus, primi principis ex eadem legione signum inferri in cohortem Hispanorum, coegit; et, qui castris praerant; L. Porcius Licinus et T. Popillius legati pro vallo acriter propugnant, elephantosque transgredientes in ipso vallo conficiunt. Quorum corporibus quum obpleta esset fossa, velut aggere aut ponte injecto, transitum hostibus dedit. Ibi per stragem jacentium elephantorum atrox edita caedes. Altera in parte castrorum jam impulsus erant Campani Punicumque praesidium, et sub ipsa porta Capuae, quae Vulturum fert, pugnabatur: neque tam

arma-

armati inrumpentibus Romanis resistebant, quam quod porta, ballistis scorpionibusque instructa, missilibus procul hostes arcebat. Et subpressit inpetum Romanorum vulnus imperatoris Ap. Claudii, cui, suos ante prima signa adhortanti, sub laevo humero summum pectusq; gaeso ictum est. Magna tamen vis hostium ante portam est caesa: ceteri trepidi in urbem compulsi. Et Hannibal, postquam cohortis Hispanorum stragem vidit, summaque vi castra hostium defendi, omissa obpugnatione, recipere signa et convertere agmen pedatum, objecto a tergo equitatu, ne hostis instaret, coepit. Legionum ardor ingens ad hostem insequendum fuit: sed Flaccus receptui cani iussit; satis ad utrumque profectum ratus, ut et Campani, quam haud multum in Hannibale praesidii esset, et ipse Hannibal sentiret. Caesa eo die, qui hujus pugnae auctores sunt, octo millia hominum de Hannibalis exercitu, tria ex Campanis tradunt; signaque Carthaginienfibus quindecim ademta, duodeviginti Campanis. Apud alios nequaquam tantam molem pugnae inveni, plusque pavoris, quam certaminis, fuisse; quum inopinato in castra Romana Numidae Hispanique cum elephantis inrupissent; elephantis, per media castra vadentes, stragem tabernaculorum ingenti sonitu ac fugam abrumpentium vincula jumentorum facerent: fraudem quoque super tumultum adjectam, iussis ab Hannibale, qui (habuit aliquot) gnari Latinae linguae juberent consulum verbis, quoniam amissa castra essent, pro se quemque militum in proximos montes fugere: sed eam celeriter cognitam fraudem obpressamque magna caede hostium; elephantos igni e castris exactos. Hoc ultimum (utcumque initum finitumque est) ante

te deditionem Capuae proelium fuit. Medintuticus, qui summus magistratus apud Campanos est, eo anno Seppius Lesius erat, loco obscuro tenuique fortuna ortus. Matrem ejus quondam, pro pupillo eo procurantem familiare ostentum, quum respondisset haruspex, summum quod esset imperium Capuae, perventurum ad eum puerum, nihil ad eam spem adnoscentem, dixisse ferunt, *Nae tu perditas res Campanorum narras, ubi summus honos ad filium meum perveniet!* Ea ludificatio veri, et ipsa in verum vertit. Nam quum fame ferroque urguerentur, nec spes ulla superesset, his, qui nati in spem honorum erant, honores detrectantibus; Lesius, querendo desertam ac proditam a primoribus Capuam, summum magistratum ultimus omnium Campanorum cepit.

VII. Ceterum Hannibal, ut nec hostes elici amplius ad pugnam vidit, nec per castra eorum perrumpi ad Capuam posse, ne sua quoque commeatus intercluderent novi consules, abscedere inrito incepto et movere a Capua statuit castra. Multa secum, quo jam inde ire pergeret, volventi subiit animum inpetus, caput ipsam belli Romam petendi: cujus rei semper cupitae praetermissam occasionem post Cannensem pugnam et alii vulgo fremebant, et ipse non dissimilabat. *Necopinato pavora ac tumultu, non esse desperandum, aliquam partem urbis occupari posse; et, si Roma in discrimine esset, Capuam extemplo omisso, ut ambobus imperatores Romanos, aut alterum ex iis, et, si divisissent copias, utrumque infirmiores, factum aut sibi, aut Campanis, bene gerendae rei fortunam daturus esse.* Una ea cura agebat, ne, ubi abscelisset, extemplo dederentur Campani. Numidam promptum ad omnia audenda donis perlicit, ut, literis adceptis, spe-

cie transfugae castra Romana ingressus, altera parte Capuam clam pervadat. Literae autem erant adhortatione plenae. *Profectionem suam, quae salutaris illis foret, abstracturam ad defendendam Romam ab obpugnanda Capua duces atque exercitus Romanos. Ne desponderent animos: tolerando paucos dies totam soluturos obsidionem.* Inde naves in flumine Vulturno comprehensas subigi ad id, quod jam ante praesidii causa fecerat, castellum iussit. Quorum ubi tantam copiam esse, ut una nocte trajici posset exercitus, adlatum est, cibariis decem dierum praeparatis, deductas nocte ad fluvium legiones ante lucem trajecit.

VIII. Id prius quam fieret, ita futurum compertum ex transfugis, Fulvius Flaccus senatui Romam quum scripisset, varie hominum animi pro cujusque ingenio adfecti sunt. Ut in re tam trepida, senatu extemplo vocato, P. Cornelius, cui Asinae cognomen erat, omnes duces exercitusque ex tota Italia, neque Capuae, neque ullius alterius rei memor, ad Urbis praesidium revocabat. Fabius Maximus, abscedi a Capua terrerique et circumagi ad nuntius comminationesque Hannibalis, flagitiosum dicebat. *Qui ad Cannas victor ire tamen ad Urbem ausus non esset, cum, a Capua repulsum, spem potiundae urbis Romae cepisset? Non ad Romam obsidendam, sed ad Capuae liberandam obsidionem, ire. Romam cum eo exercitu, qui ad urbem esset, Jovem, foederum ruptorum ab Hannibale testem, Deosque alios defensuros esse.* Has diversas sententias media sententia P. Valerii Flacci vicit; qui, utriusque rei memor, imperatoribus, qui ad Capuam essent, scribendum censuit: *Quid ad Urbem praesidii esset, quantas autem Hannibal copias duceret, aut quanto exercitu ad Capuam obsi-*

obsidendam opus esset, ipsos scire. Si et Romam e ducebatur, et exercitus pars mitti posset, ut ab reliquo et duce et exercitu Capua recte obsideretur; inter se compararent Claudius Fulviusque, utri obsidenda Capua, utri, ad prohibendam obsidione patriam, Romam veniendum esset. Hoc senatus consulto Capuam perlato, Q. Fulvius proconsul, cui, conlega ex vulnere aegro, eundem Romam erat, e tribus exercitibus milite electo, ad quindecim millia peditum, mille equites, Vulturum trahit. Inde quum Hannibalem Latina via iturum satis comperisset, ipse per Appiae municipia, quaeque propter eam viam sunt, Setia, Coram, Lanuvium praemisit, ut commeatus paratos et in urbibus haberent, et ex agris devii in viam proferrent, praesidiaque in urbes contraherent, ut sua cuique res publica in manu esset.

IX. Hannibal, quo die Vulturum est transgressus, haud procul a flumine castra posuit. Postero die praeter Cales in agrum Sidicinum pervenit. Ibi diem unum populando moratus, per Suessulam Allifanumque et Casertinam agrum via Latina ducit. Sub Casinum biduo stativa habita et passim populationes factae. Inde, praeter Interamnam Aquinumque, in Fregellanum agrum ad Lirim fluvium ventum: ubi intercisum pontem a Fregellanis morandi itineris causa invenit. Et Fulvium Vulturum tenuerat amnis, navibus ab Hannibale incensis, rates ad trajiciendum exercitum, in magna inopia materiae, aegre comparantem. Trajecto ratibus exercitu, reliquum Fulvio expeditum iter, non per urbes modo, sed circa viam, expositis benigne commeatibus, erat: alacresque milites alius alium, ut adderet gradum, memor ad defendendam ire patriam,

triam, hortabantur. Romam Fregellanus nuntius, diem noctemque itinere continuato, ingentem adtulit terrorem. Tumultuosius, quam adlatum erat, cursus hominum, adfingentium vana auditis, totam urbem conciverat. Ploratus mulierum non ex privatis solum domibus exaudiebatur; sed undique matronae, in publicum effusae, circa Deum delubra discurrunt, crimibus passis aras verrentes, nixae genibus, supinas manus ad coelum ac Deos tendentes, orantesque, ut urbem Romanam e manibus hostium eriperent, matresque Romanas et liberos parvos inviolatos servarent. Senatus magistratibus in foro praesto est, si quid consulere velint. Alii accipiunt imperia, disceduntque ad suas quisque officiorum partes: alii obferunt se, si quo usus operae sit. Praesidia in arce, in Capitolio, in muris, circa urbem, in monte etiam Albano atque arce Aesulana ponuntur. Inter hunc tumultum Q. Fulvium proconsulem profectum cum exercitu a Capua adfertur: cui ne minueretur imperium, si in Urbem venisset, decernit senatus, ut Q. Fulvio par cum consulibus imperium esset. Hannibal, infestius perpopulato agro Fregellano propter intercisos pontes, per Frusinatem Ferentinatamque et Anagninum agrum in Lavicanum venit. Inde Algidum Tusculum petiit: nec receptus moenibus, infra Tusculum dextrorsus Gabios descendit. Inde in Pupiniam exercitu demisso, octo milia passuum ab Roma posuit castra. Quo propius hostis adcedebat, eo major caedes fiebat fugientium, praecedentibus Numidis: pluresque omnium generum atque aetatum capiebantur.

X. In hoc tumultu Fulvius Flaccus, porta Capena cum exercitu Romam ingressus, media

dia urbe per Carinas Esquilias contendit. Inde egressus, inter Esquilinam Collinamque portam posuit castra. Aediles plebis com meatum eo comportarant. Consules senatusque in castra venerunt. Ibi de summa re publica consultatum. Placuit, consules circa portas Collinam Esquilinamque ponere castra: C. Calpurnium praetorem urbanum Capitolio atque arci praeesse: et senatum frequentem in foro contineri, si quid in tam subitis rebus consulto opus esset. Inter haec Hannibal ad Anienem fluvium, tria millia passuum ab Urbe, castra admovit. Ibi stativis positis, ipse cum duobus millibus equitum a porta Collina usque ad Herculis templum est progressus; atque, unde proxime poterat, moenia situmque Urbis obequitans contemplabatur. Id eam tam licenter atque otiose facere, Flacco indignum visum est. Itaque innisit equites, submoverique atque in castra redigi hostium equitatum iussit. Quam commissum proelium esset, consules transfugas Numidarum, qui tum in Aventino ad mille et ducentos erant, media urbe transire Esquilias jusserunt; nullos aptiores, inter convalles tectaque hortorum et sepulera aut cavas undique vias, ad pugnandum futuros rati. Quos quam ex arce Capitolioque clivo Publicio in equis decurrentes quidam vidissent, captum Aventinum conclamaverunt. Ea res tantum tumultum ac fugam praebuit, ut, nisi castra Punica extra Urbem fuissent, effutura se omnis pavida multitudo fuerit. Tunc in domos atque in tecta refugiebant, vagosque in viis suos pro hostibus lapidibus telisque incessabant. Nec comprimi tumultus aperiri error poterat, referis itineribus agrestium turba pecorumque, quae repentinus pavor in urbem compulerat. Equestre pro-

lium secundum fuit, submotique hostes sunt; et, quia multis locis comprimendi tumultus erant, qui temere oriebantur, placuit, omnes, qui dictatores, consules censoresve fuissent, cum imperio esse, donec recessisset a muris hostis. Et diei quod reliquum fuit, et nocte insequenti, multi temere excitati tumultus sunt compressique.

XI. Postero die transgressus Anienem Hannibal in aciem omnes copias eduxit; nec Flaccus consulesque certamen detrectavere. Instructis utrimque exercitibus in ejus pugnae casum, in qua urbs Roma victori praemium esset, imber ingens grandine mixtus ita utramque aciem turbavit, ut vix armis retentis in castra sese receperint, nullius rei minore, quam hostium, metu. Et postero die eodem loco acies instructas eadem tempestas diremit. Vbi recepissent se in castra, mira serenitas cum tranquillitate oriebatur. In religionem ea res apud Poenos versa est; auditaque vox Hannibalis fertur, *Potiusdā sibi urbis Romae modo mentem, non dari, modo fortunam.* Minuere etiam spem ejus aliae, parva magnaque, res: magna illa, quod, quum ipse ad moenia urbis Romae armatus sederet, milites sub vexillis in supplementum Hispaniae profectos audivit; parva autem, quod per eos dies eum forte agrum, in quo ipse castra haberet, venisse, nihil ob id de minuto pretio, cognitum ex quodam captivo est. Id vero adeo superbum atque indignum visum, ejus soli, quod ipse bello captum possideret haberetque, inventum Romae emptorem, ut, extemplo vocato praecone, tabernas argentarias, quae circa forum Romanum tunc essent, jussit venire. His motus ad Tutiam fluvium castra retulit, sex millia passuum ab Urbe. Inde ad lucum

lucum Feroniae pergit ire, templum ea tempestate inclytum divitiis. Capenates aliqui adcolae ejus erant; primitias frugum eo donaque alia pro copia portantes, multo auro argentoque id exornatum habebant. His omnibus donis tum spoliatum templum. Aeris acervi, quum rudera milites religione inducti jacerent, post profectionem Hannibalis magni inventi. Hujus populatio templi haud dubie inter scriptores est. Coelius, Romam euntem ab Ereto devertisse eo Hannibalem, tradit; iterque ejus ab Reate Cutilisque et ab Amiterno orditur. Ex Campania in Samnium, inde in Pelignos pervenisse; praeterque oppidum Sulmonem in Marrucinos transisse; inde Albenſi agro in Marſos, hinc Amiternum Forumque vicum venisse. Neque ibi error est, quod tanti exercitus vestigia intra tam brevis aevi memoriam potuerint confundi. Isse enim ea constat. Tantum id interest, veneritne eo itinere ad Urbem, an ab Urbe in Campaniam redierit.

XII. Ceterum non quantum pertinaciae ad premendam obsidione Capuam Romanis fuit, tantum ad defendendam Hannibali. Namque ex Lacanis in Bruttium agrum, ad fretum vero ac Rhegium eo cursu contendit, ut prope repentino adventu incautos obpresserit. Capua etsi nihilo segnius obsessa per eos dies fuerat, tamen adventum Flacci sensit; et admiratio orta est, non simul regressum Hannibalem. Inde per colloquia intellexerunt, relictos se desertosque, et ipem Capuae retinendae deploratam apud Poenos esse. Adcessit edictum proconsulis ex senatus consulto propositum vulgatumque apud hostes: *ut, qui civis Campanus ante certam diem transisset, sine fraude esset.* Nec ulla facta est transitio, metu

magis eos, quam fide, continente; quia majora in defectione deliquerant, quam quibus ignosci posset. Ceterum quemadmodum nemo privato consilio ad hostem transibat, ita nihil salutare in medium consulebatur. Nobilitas rem publicam deseruerat, neque in senatum cogi poterant. In magistratu autem erat, qui non sibi honorem adiecisset, sed indignitate sua vim ac jus magistratui, quem gerebat, demisset. Jam ne in foro quidem, aut publico loco, principum quisquam adparebat: domibus inclusi patriae occasum cum suo exitio in dies expectabant. Summa curae omnis in Bostarē Hannōnemque praefectos praesidii Punici versa erat, suo, non sociorum, periculo sollicitos. Hi, conscriptis ad Hannibalem literis, non libere modo, sed etiam aspere, quibus, non Capuam solam traditam in manum hostibus, sed se quoque et praesidium in omnes cruciatus proditos, inculabant: abiisse eum in Bruttios, velut avertentem sese, ne Capua in oculis ejus caperetur. At Hercule Romanos non obpugnatione quidem urbis Romanae abstrahi ab Capua obsidenda potuisse. Tanto confidentiorem inimicum Romanum, quam amicum Poenum esse. Si redeat Capuam bellumque omne revertat, et se et Campanos paratos eruptioni fore. Non cum Rheginis neque Tarentinis bellum gesturos transisse Alpes. Vbi Romanae legiones sunt, ibi et Carthaginiensium exercitus debere esse. Sic ad Cannas, sic ad Trasimenum rem bene gestam, eocundo, conferendo cum hoste castra, fortunam tentando. In hanc sententiam literae conscriptae Numidis, proposita mercede jam professis operam, dantur. Hi specie transfugarum quum ad Blaccum in castra venissent, ut inde tempore capto abirent, famesque, quae tam diu Capuae erat, nulli non

non probabilem causam transitionis faceret; mulier repente Campana in castra venit, scortum transfugarum unius, indicatque imperatori Romano, Numidas fraude composita transisse literasque ad Hannibalem ferre. Id unum ex iis, qui sibi rem aperuisset, arguere sese paratam esse. Productus primo satis constanter ignorare se mulierem similitabat: paulatim dein convictus veris, quum tormenta posci et parari videret, fassus id ita esse. Litteraeque prolatae; et additum etiam indicio, quod celebratur, et alios specie transfugarum Numidas vagari in castris Romanis. Hi supra septuaginta comprehensi, et cum transfugis novis mulcati virgis manibusque praecisis Capuam rediguntur. Conspectum tam triste subplicium fregit animos Campanorum.

XIII. Concursum ad curiam populi factus coegit Lesum senatum vocare; et primoribus, qui jam diu publicis consiliis aberant, propalam minabantur, nisi venirent in senatum, circa domos eorum ituros se, et in publicum omnes vi extracturos esse. Is timor frequentem senatum magistratui praebeuit. Ibi quum ceteri de legatis mittendis ad imperatores Romanos agerent, Vibius Virrius, qui defectionis ab Romanis auctor fuerat, interrogatus sententiam, negat, eos, qui de legatis et de pace ac deditione loquantur, meminisse, nec quid facturi fuerint, si Romanos in potestate habuissent; nec quid ipsis patiendum sit. Quid? vos, inquit, eam deditionem fore censetis, qua quondam, ut adversus Samnites auxilium impetraremus, nos nostraque omnia Romanis dedidimus? Jam et memoria excessit, quo tempore, et in qua fortuna a populo Romano defecerimus? jam, quemadmodum in defectione praesidium, quod poterat emitte, per cruciatum et ad contumeliam

necarimus? quoties in obsidentes, quam inimice eruperimus, castra obpugnarimus? Hannibalem vocaverimus ad obprimendos eos? hoc quod recentissimum est, ad obpugnandam Romam hinc eum miserimus? Age contra, quae illi infesle in nos fecerint, repetite; ut ex eo, quid speretis, habeatis. Quum hostis alienigena in Italia esset et Hannibal hostis, et cuncta bello arderent, omissis omnibus, omisso ipso Hannibale, ambo consules et duo consulares exercitus ad Capuam obpugnandam miserunt. Alterum annum circumvallatos inclusosque nos fame macerant, et ipsi nobiscum ultima pericula ac gravissimos labores perpeffi, circa vallum ac fossas saepe trucidati, et prope ad extremum castris exsuti. Sed omitto haec. Vetus atque usitata res est, in obpugnanda hostium urbe labores ac pericula pati. Illud irae atque odii execrabilis indicium est. Hannibal ingentibus copiis peditum equitumque castra obpugnavit, et ex parte cepit: tanto periculo nihil moti sunt ab obsidione. Profectus trans Vulturum perussit Calenum agrum: nihil tanta sociorum clade advocati sunt. Ad ipsam urbem Romam infesta signa ferri iussit. Eam quoque tempestatem imminentem spreperunt. Transgressus Anienem, tria millia passuum ab Urbe castra posuit: postremo ad moenia ipsa et ad portas adcessit. Romam se ademturum eis, nisi omitterent Capuam, ostendit. Non omiserunt. Feras bestias, caeco inpetu ac rabie concitatas, si ad cubilia et catulos earum ire pergas, ad opem suis ferendam avertas. Romanos Roma circumfessa, conjuges, liberi, quorum ploratus hinc prope exaudiebantur, arae, foci, Deum delubra, sepulcra majorum temerata ac violata, a Capua non averterunt: tanta aviditas supplicii expetendi, tanta sanguinis nostri

hau-

hauriendi est sitis. Nec injuria forsitam, Nos quoque idem fecissemus, si data fortuna esset. Itaque quando aliter Diis immortalibus visum est, quum mortem ne recusare quidem debeam; cruciatus contumeliasque, quas sperat hostis, dum liber, dum mei potens sum, effugere morte, praeterquam honesta, etiam leui, possum. Non videbo Ap. Claudium et Q. Fulvium, victoria insolenti subnifos, neque vinctus per urbem Romanam triumphi spectaculum trahar, ne deinde in carcere, aut ad palum deligatus, lacerato virgis tergo, cervicem securi Romanae subjiciam: nec dirui incendiique patriam videbo: nec rapi ad stuprum matres Campanas virginesque et ingenuos pueros. Albam, unde ipsi oriundi erant, a fundamentis proruerunt, ne stirpis, ne memoria originum suarum exstaret: nedum eos Capuae parsuros credam, cui infiores, quam Carthagini, sunt. Itaque quibus vestrum ante fato cedere, quam haec tot tam acerba videant, in animo est, iis apud me hodie epulae instructae parataeque sunt. Satiatis vino ciboque poculum idem, quod mihi datum fuerit, circumferetur; ea potio corpus ab cruciatu, animum a contumeliis, oculos, a videntibus audiendisque omnibus acerbis indignisque, quae manent victos, vindicabit. Parati erunt, qui magno rogo in propatulo aedium adceso corpora exanima injiciant. Haec una via et honesta et libera ad mortem. Et ipsi virtutem mirabuntur hostes, et Hannibal fortes socios sciet ab se desertos ac proditos esse.

XIV. Hanc orationem Virrii plures audierunt cum adsensu, quam forti animo id, quod probabant, exsequi potuerunt. Major pars senatus, multis saepe bellis expertam populi Romani clementiam haud diffidentes sibi quoque placabilem fore, legatos ad dedendam

Romanis Capuam detreverunt miseruntque. Vibium Virrium septem et viginti ferme senatores domum sequuti sunt epulatique cum eo; et, quantum facere potuerant, alienatis mentibus vino ab imminenti sensu mali, venenum omnes sumserunt: inde misso convivio, dextris inter se datis ultimoque complexu, conlacrymantes suum patriaeque casum, alii, ut eodem rogo cremarentur, manserunt, alii domos digressi sunt. Inpletas cibus vinoque venae minus efficacem in maturanda morte vim veneni fecerunt. Itaque noctem totam plerique eorum et diei insequentis partem quum animam egissent; omnes tamen, prius quam aperirentur hostibus portae, exspirarunt. Postero die porta Jovis, quae adversus castra Romana erat, jussu proconsulis aperta est. Ea intromissa legio una et duae alae cum C. Fulvio legato. Is quum omnium primum arma telaeque, quae Capuae erant, ad se conferenda curasset, custodiis ad omnes portas dispositis, ne quis exire aut emitti posset, praesidium Punicum comprehendit, senatum Campanum ire in castra ad imperatores Romanos iussit. Quo quum venissent, extemplo his omnibus catenae injectae, iussique ad quaestores deferre, quod auri argentique haberent. Auripondo septuaginta fuit, argenti tria millia pondo et ducenta. Senatores quinque et viginti Cales in custodiam, duodeviginti Teanum missi: quorum de sententia maxime descitum ab Romanis constabat.

XV. De subpicio Campani senatus, haudquaquam inter Fulvium Claudiumque conveniebat. Facilis inpetrandae veniae Claudius, Fulvio durior sententia erat. Itaque Appius Romam ad senatum arbitrium ejus rei totum rejiciebat: percunctandi etiam aequum esse pote-

potestatem fieri Patribus, num communicassent consilia cum aliquibus sociorum Latini nominis municipiorum; et num ope eorum in bello forent et municipiorum adjuti. *Id vero minime committendum esse*, Fulvius dicere, *ut sollicitarentur criminibus dubiis sociorum fidelium animi, et subjicerentur indicibus, quæis, neque quid facerent, neque quid dicerent, quidquam umquam pensi fuisset.* Itaque se eam quaestionem obpressurum exstincturumque. Ab hoc sermone quum digressi essent, et Appius, quamvis ferociter loquentem, conlegam, non dubitaret, tamen literas super tanta re ab Roma exspectaturum; Fulvius, ne id ipsum impedimentum incepto foret, dimittens praetorium, tribunis militum ac praefectis socium imperavit, uti duobus millibus equitum delectis denuntiarent, ut ad tertiam buccinam praesto essent. Cum hoc equitatu nocte Teanum profectus, prima luce portam intravit, atque in forum perrexit: concursuque ad primum equitum ingressum facto, magistratum Sidicinum citari iussit, imperavitque, ut produceret Campanos, quos in custodia haberet. Producti omnes virgisque caesi ac securi percussi. Inde citato equo Cales percurret: ubi quum in tribunali confedisset, productique Campani deligarentur ad palum, eques citus ab Roma venit, literasque a C. Calpurnio praetore Fulvio et senatus consultum tradidit. Murmur ab tribunali totam concionem pervasit, differri rem integram ad Patres de Campanis; et Fulvius, id ita esse ratus, adceptas literas neque resolutas quum in gremio reposuisset, praeconi imperavit, ut lictorem lege agere juberet. Ita de iis quoque, qui Calibus erant, sumtum subplicium. Tum literae lectae senatusque consultum, ferum ad inpediendam

Bb 5

rem

rem actam; quae summa ope adproperata erat, ne inpediri posset. Confurgentem jam Fulvium Taurea Jubellius Campanus, per mediam vadens urbem turbamque, nomine inclamavit, et, quum, mirabundus quidnam se se vellet, resedisset Flaccus, *Me quoque, inquit, jube occidi, ut gloriari possis, multo fortio- rem, quam ipse es, virum abs te occisum esse.* Quum Flaccus negaret, *profecto satis compotem mentis esse, modo, prohiberi etiam se, si id vellet, senatus consulto, diceret: tum* Jubellius, *Quandoquidem, inquit, capta patria, propinquis amicisque amissis, quum ipse manu mea conjugem liberosque interfecerim, ne quid indigni paterentur, mihi ne mortis quidem copia eadem est, quae his civibus meis; petatur a virtute invidiae hujus vitae vindicta.* Atque ita gladio, quem veste texerat, per adversum pectus transfixus, ante pedes imperatoris moribundus procubuit.

XVI. Quia et quod ad subplicium adinet Campanorum, et pleraque alia de Flacci unius sententia acta erant; mortuum Ap. Claudium sub deditionem Capuae, quidam tradunt: hunc quoque ipsum Tauream neque sua sponte venisse Cales, neque sua manu interfectum; sed, dum inter ceteros ad palum deligatur, quia parum inter strepitus exaudiri possent, quae vociferabatur, silentium fieri Flaccum jussisse; tum Tauream illa, quae arte memorata sunt, dixisse, *utrum se fortissimum ab nequaquam pari ad virtutem occidi,* sub haec dicta jussu proconsulis praeconem ita pronuntiasse; *Lictor, viro forti adde virgas, et in eum primum lege age.* Lectum quoque senatus consultum, prius quam securi feriret, quidam auctores sunt; sed, quia adscriptum in senatus consulto fuerit, *si ei videretur, integram rem ad senatum* reji-

rejiceret, interpretatum esse, quid magis e re publica duceret, aestimationem sibi permissam. Capuam a Calibus reditum est, Atellaque et Calatia in deditionem adceptae. Ibi quoque in eos, qui capita rerum erant, animadversum. Ita ad septuaginta principes senatus interfecti; trecenti ferme nobiles Campani in carcerem conditi: alii, per sociorum Latini nominis urbes in custodias dati, variis casibus interierunt: multitudo alia civium Campanorum venum data. De urbe agroque reliqua consultatio fuit, quibusdam delendam consentibus urbem praevalidam, propinquam, inimicam. Ceterum praesens utilitas vicit. Nam propter agrum, quem omni fertilitate terrae satis constabat primum in Italia esse, urbs servata est, ut esset aliqua aratorum sedes. Vrbi frequentandae multitudo incolarum libertinorumque et institutorum opificumque retenta: ager omnis et tecta publica populi Romani facta. Ceterum habitari tantum, tamquam urbem, Capuam frequentarique placuit: corpus nullum civitatis, nec senatus, nec plebs concilium, nec magistratus esse. Sine consilio publico, sine imperio multitudinem, nullius rei inter se sociam, ad consensum inhabilem fore. Praefectum ad jura reddenda ab Roma quotannis missuros. Ita ad Capuam res compositae, consilio ab omni parte laudabili. Severe et celeriter in maxime noxios animadversum: multitudo civium dissipata in nullam spem reditus: non saevitum incendiis ruinisque in tecta innoxia murosque: et cum emolumento quaesita etiam apud socios lenitatis species incolumitate urbis nobilissimae opulentissimaeque, cujus ruinis omnis Campania, omnes, qui Campaniam circa adcolunt, populi ingemissent: confessio expressa hosti, quanta vis in
Ro-

Romanis ad expetendas poenas ab infidelibus focis, et quam nihil in Hannibale auxilii ad receptos in fidem tuendos esset.

XVII. Romani Patres, perfuncti, quod ad Capuam adtinebat, cura, C. Neroni ex iis duabus legionibus, quas ad Capuam habuerat, sex millia peditum et trecentos equites, quos ipse legisset, et socium Latini nominis peditum numerum parem et octingentos equites decernunt. Eum exercitum Puteolis in naves inpositum Nero in Hispaniam transportavit. Quum Tarraconem navibus venisset, expositisque ibi copiis et navibus subductis, socios quoque navales multitudinis augendae causa armasset; profectus ad Iberum flumen, exercitum ab T. Fontejo et L. Marcio adcepit. Inde pergit ad hostes ire. Hasdrubal Hamilcaris ad Lapidem atros castra habebat in Aufetania. Is locus est inter oppida Illiturgin et Mentissam. Hujus saltus fauces Nero occupavit. Hasdrubal, ne in arcto res esset, caduceatorem militi, qui promitteret, si inde missus foret, se omnem exercitum ex Hispania deportaturum. Quam rem quum laeto animo Romanus adcepisset, diem posterum Hasdrubal conloquio petivit, ut Romani leges conferberent de tradendis arcibus urbium dieque statuenda, ad quam praesidia deducerentur, suaeque omnia sine fraude Poeni deportarent. Quod ubi inpetravit, extemplo primis tenebris atque inde tota nocte, quod gravissimum exercitus erat, Hasdrubal, quacumque posset, evadere e saltu jussit. Data sedulo opera est, ne multi ea nocte exirent, ut ipsa paucitas quum ad hostem silentio fallendum aptior, tum ad evadendum per arctas semitas, ac difficiles esset. Ventum insequenti die ad conloquium est: sed loquendo plura scribendoque, dedi-

dedita opera, quae in rem non essent, die consumpto, in posterum dilatum est. Addita insequens nox spatium dedit et alios emittendi; nec postero die res finem invenit. Ita aliquot dies disceptando palam de legibus, noctesque emittendis clam e castris Carthaginiensibus, absumptae; et, postquam major pars emissa exercitus erat, jam ne iis quidem, quae ultra dicta erant, stabatur, minusque ac minus (cum timore simul fide decrescente) conveniebat. Jam ferme pedestres omnes copiae evaserant et saltu; quum prima luce densa nebula saltum omnem camposque circa intexit. Quod ubi sensit Hasdrubal, mittit ad Neronem, qui in posterum diem colloquium differret. Illi diem religiosum Carthaginiensibus ad agendum quidquam rei seriae esse. Ne tum quidem suspecta fraus. Quum data esset venia ejus diei, extemplo Hasdrubal, cum equitatu elephantisque castris egressus, sine ullo tumultu in tutum evasit. Hora ferme quarta dispulsa sole nebula aperuit diem, vacuaque hostium castra conspexerunt Romani. Tum demum Claudius, Punicam fraudem adnosceus, ut se dolo captum sensit, proficiscentem institit sequi, paratus configere acie: sed hostis detrectabat pugnam; levia tamen proelia inter extremum Punicum agmen praecursoresque Romanorum fiebant.

XVIII. Inter haec Hispaniae populi, nec qui post cladem adceptam defecerant, redibant ad Romanos, nec ulli novi deficiebant. Et Romae sanatus populoque, post receptam Campaniam, non Italiae jam major, quam Hispaniae, curaverat: et exercitum augeri, et imperatorem mitti placebat. Nec tamen, quem mitterent, satis constabat, quam illud, ubi duo summi imperatores intra dies triginta cecidissent.

cidissent, qui in locum duorum subcederet, extraordinaria cura delegendum esse. Quum alii alium nominarent, postremum eo decursum est, ut populus proconsuli creando in Hispaniam comitia haberet; diemque comitiis consules edixerunt. Primo exspectaverant, ut, qui se tanto imperi dignos crederent, nomina profiterentur. Quae ut destituta exspectatio est, redintegratus luctus adceptae cladis desideriumque imperatorum amissorum. Moesta itaque civitas, prope inops consilii, comitiorum die tamen in campum descendit; atque in magistratus versi circumspectant ora principum, aliorum alios intuentium, fremuntque, adeo perditas res desperatumque de re publica esse, ut nemo audeat in Hispaniam imperium adcipere: quum subito P. Cornelius, illius, qui in Hispania ceciderat, filius, quatuor et viginti ferme annos natus, professus se petere, in superiore, unde conspici posset, loco constitit. In quem postquam omnium ora conversa sunt, clamore ac favore ominati extemplo sunt felix faustumque imperium. Iussi deinde inire confusum subfragium, ad unum omnes non centuriae modo, sed etiam homines, P. Scipioni imperium esse in Hispania jusserunt. Ceterum post rem actam, ut jam resederat inpetus animorum ardorque, silentium subito ortum et tacita cogitatio, quidnam egissent? num favor plus valuisset, quam ratio? Aetatis maxime poenitebat: quidam fortunam etiam domas horrebant nomenque ex funestis duabus familiis in eas provincias, ubi inter sepulcra patris patruisque res gerendae essent, proficiscentis.

XIX. Quam ubi ab re tanto inpetu acta solitudinem curamque hominum animadvertit, advocata concione, ita de aetate sua imperio-

perioque mandato et bello, quod gerendum esset, magno elatoque animo disseruit, ut ardorem eum, qui resederat, excitaret rursus novaretque; et inpleret homines certioris spei, quam quantam fides promissi humani aut ratio ex fiducia rerum subjicere solet. Fuit enim Scipio non veris tantum virtutibus mirabilis, sed arte quoque quadam ab juventute in ostentationem earum compositus: pleraque apud multitudinem, aut per nocturnas visa species, aut velut divinitus mente monita, agens; sive et ipse capti quadam superstitione animi, sive ut imperia consiliaque, velut sorte oraculi missa, sine cunctatione adsequeretur. Ad hoc jam iade ab initio praeparans animos, ex quo togam virilem sumisit, nullo die prius ullam publicam privatamque rem egit, quam in Capitolium iret ingressusque aedem consideret, et plerumque solus in secreto ibi tempus tereret. Hic mos, per omnem vitam servatus, seu consulto, seu temere, vulgatae opinioni fidem apud quosdam fecit, stirpis eum divinae virum esse; retulitque famam, in Alexandro Magno prius vulgatam, et vanitate et fabula parem, anguis inhumanis concubitu conceptum, et in cubiculo matris ejus per saepe visam prodigii ejus speciem, interventuque hominum evolutam repente atque ex oculis elapsam. His miraculis numquam ab ipso elusa fides est: quin potius aucta arte quadam, nec abnuendi tale quidquam, nec palam adfirmandi. Multa alia ejusdem generis, alia vera, alia adsimilata, admirationis humanae in eo juvene exercebant modum: quibus freta tunc civitas aetati haudquaquam maturae tantam molem rerum tantumque imperium permisit. Ad eas copias, quas ex vetere exercitu Hispania habebat, quaeque a Puteolis cum C. Nerone trajectae erant, decem

decem millia militum et mille equites adduntur: et M. Junius Silanus praepositor adiutor ad res gerendas datus est. Ita cum triginta navium classe (omnes autem quinqueres erant) ostiis Tiberinis profectus praetor oram Tusci maris, Alpes atque Gallicum sinum, et deinde Pyrenaei circumvectus promontorium, Emporj urbe Graeca (oriundi et ipsi a Phocaea sunt) copias exposuit: inde sequi navibus jussis, Tarraconem pedibus profectus, conventum omnium sociorum (etenim legationes ad famam adventus ejus ex omni se provincia effuderant) habuit. Naves ibi subduci jussit, remissis quatuor triremibus Massiliensium, quae officii causa ab domo prosequutae fuerant. Responsa inde legationibus suspensis varietate tot casuum dare coepit, ita elato ab ingenti virtutum suarum fiducia animo, ut nullum ferox verbum excideret, ingensque omnibus, quae diceret, quum majestas inesset, tum fides.

XX. Profectus ab Tarracone, et civitates sociorum et hiberna exercitus adiit; conlaudavitque milites, quod, duabus tantis cladibus deinceps icti, provinciam obtinuissent, nec fructum secundarum rerum sentire hostes passi, omni cis Iberum agro eos arcuissent, locosque cum fide tutati essent. Marcium seum habebat cum tanto honore, ut facile adpareret, nihil minus, quam vereri, ne quis obstaret gloriae suae. Subcessit inde Neroni Silanus, et in hiberna novi milites deducti. Scipio, omnibus, quae adeunda agendaque erant, mature aditis peractisque, Tarraconem concessit. Nihilo minor fama apud hostes Scipionis erat, quam apud cives sociosque, et divinatio quaedam futuri, quo minus ratio timoris reddi poterat oborti temere, majorem inferens metum. In hiberna diversi concesserant:

rant: Hasdrubal Gisgonis usque ad oceanum et Gades: Mago in mediterranea, maxime supra Castulonensem saltum: Hasdrubal Hamilcaris filius proximus Ibera circa Saguntum hibernavit. Aestatis ejus extremo, qua capta est Capua, et Scipio in Hispaniam venit, Punica classis, ex Sicilia Tarentum adcita ad arcendos commeatus praesidii Romani, quod in arce Tarentina erat, clauserat quidem omnes ad arcem a mari aditus; sed adsidendo diutius arctiorem annonam sociis, quam hosti, fatiebat. Non enim tantum subvehi oppidanis per pacata litora apertosque portus praesidio navium Punicarum poterat, quantum frumenti classis ipsa turba navali mixta ex omni genere hominum absumebat; ut arcis praesidium etiam sine invecto (quia pauci erant) ex ante praeparato sustentari posset; Tarentinis classique ne invectum quidem subficeret. Tandem majore gratia, quam venerat, classis dimissa est, Annona haud multum laxaverat, quia, remoto maritimo praesidio, subvehi frumentum non poterat.

XXI. Ejusdem aestatis exitu M. Marcellus ex Sicilia provincia quum ad Urbem venisset, a C. Calpurnio praetore senatus ei ad sedem Bellonae datus est. Ibi quum de rebus a se gestis disseruisset, questus leniter non suam magis, quam militum, vicem, quod provincia confecta exercitum deportare non licuisset, postulavit, ut triumphanti Urbem inire liceret. Id non inpetravit. Quum multis verbis actum esset, utrum minus conveniret, cujus nomine absentis, ob res prospere ductu ejus gestas, supplicatio decreta foret et Diis immortalibus habitus honos, ei praesenti negare triumphum; an, quem tradere exercitum successori jussissent, (quod, nisi manente in provincia bello,

T. Liv. P. II.

Co

non

non decerneretur) eum quasi debellato triumphare, quum exercitus, testis meriti atque inmeriti triumphi, abesset: medium visum, ut ovans Urbem iniret. Tribuni plebis ex auctoritate senatus ad populum tulerunt, ut M. Marcello, quo die Urbem ovans iniret, imperium esset. Pridie, quam Urbem iniret, in monte Albano triumphavit. Inde ovans multam prae se praedam in Urbem intulit. Cum Amulacro captarum Syracusarum catapultae ballistaeque et alia omnia instrumenta belli lata, et pacis diuturnae regiaeque opulentiae ornamenta, argenti aerisque fabrefacti vis, alia supellex pretiosaeque vestis et multa nobilia signa, quibus inter primas Graeciae urbes Syracusae ornatae fuerant. Punicae quoque victoriae signum, octo ducti elephanti. Et non minimum fuit spectaculum cum coronis aureis praecedentes Sosia Syracusanus et Mericus Hispanus; quorum altero duce nocturno Syracusas introitum erat, alter Nasum, quodque ibi praesidii erat, prodiderat. His ambobus civitas data et quingena jugera agri. Sosidi in agro Syracusano, qui aut regius, aut hostium populi Romani fuisset, et aedes Syracusis cuius vellet eorum, in quos belli jure animadversum esset: Merico Hispanisque, qui cum eo transierant, urbs agerque in Sicilia ex iis, qui a populo Romano defecissent, iussa dari. Id M. Cornelio mandatum, ut, ubi ei videretur, urbem agrumque eis assignaret. In eodem agro Belligeni, per quem inlectas ad transitionem Mericus erat, quadringenta jugera agri decreta. Post profectionem ex Sicilia Marcelli, Punica classis octo millia pedatum, tria Numidarum equitum exposuit. Ad eos Murgantinae desciverunt terrae. Sequuntur defectionem earum-Hybla et Macella sunt et

et ignobiliores quaedam aliae. Et Numidae; praefecto Mutinae, vagi per totam Siciliam, sociorum populi Romani agros urebant. Super haec exercitus Romanus iratus; partim quod cum imperatore non devectus ex provincia esset, partim quod in oppidis hibernare vetiti erant, fegni fungebantur militia: magisque eis auctor ad seditionem, quam annus, deerat. Inter has difficultates M. Cornelius praetor et militum animos, nunc consolando, nunc castigando, sedavit, et civitates omnes, quae defecerant, in ditionem redegit; atque ex his Murgantiam Hispanis, quibus urbs agerque debebatur, ex senatus consulto adtribuit.

XXII. Consules, quum ambo Apuliam provinciam haberent minusque jam terroris a Poenis et Hannibale esset, fortiri iussi Apuliam Macedoniamque provincias. Sulpicio Macedonia evenit, isque Laevino subcessit. Fulvius, Romam comitiorum causa arcessitus, quum comitia consulibus rogandis haberet, praerogativa Veturia juniorum declaravit T. Manlium Torquatum et T. Otacilium. Manlius, qui praefens erat, gratulandi causa quum turba coiret, nec dubius esset consensus populi, magna circumfusus turba ad tribunal consulis venit, petitque, ut pauca sua verba audiret, centuriamque, quae tulisset subfragium, revocari juberet. Erectis omnibus expectatione, quidnam postulaturus esset, oculorum valetudinem excusavit. *Impudentem et gubernatorem et imperatorem esse, qui, quum alienis oculis ei omnia agenda sint, postulet sibi aliorum capita ac fortunas committi. Proinde, si videretur, et redire in subfragium Veturiam juniorum juberet, et meminisset in consulibus creandis belli, quod in Italia sit, temporumque rei publicae.* *Vixit dum requiescere aures a strepitu et tumultu.*

tumultu hostili, quo paucos ante menses adfe-
derunt prope moenia Romana. Post hæc, cum
centuria frequens sublamasset; nihil se mutare
sententiae, eosdemque consules dicturos esse;
tum Torquatus, - Neque ego desiròs, inquit,
maiores consul ferre poterò, neque vos imperium
meum. Redite in subfragium, et cogitate bel-
lum Punicum in Italia et hostium ducem Hanni-
balem esse. Tum centuria, et auctoritatis mota
viri, et admirantium circa fremitu, petit a
consule, ut Veturiam seniorum citaret: *Velle
se cum maioribus natu colloqui, et ex auctori-
tate eorum consules dicere.* Citatis Veturiae
senioribus, datum secreto in Ovili cum his
colloquendi tempus. Seniores de tribus con-
sulendum dixerunt esse, duobus jam plenis
honorum, Q. Fabio et M. Marcello, et, si
utique novum aliquem adversus Poenos con-
sulem creari vellent, M. Valerium Laevinum
egregie adversus Philippum regem terra ma-
ritimae res gessisse. Ita de tribus consultatione
data, senioribus dimissis, juniores subfragium
ineunt. M. Claudium Marcellum, fulgentem
tum Siciliam domita, et M. Valerium absentes
consules dixerunt. Auctoritatem praeerogati-
vae omnes centuriae sequutae sunt. Eludant
nunc antiqua mirantes. Non equidem, si qua
sit sapientium civitas, quam docti fingunt ma-
gis, quam norunt, aut principes graviore
temperantioresque a cupidine imperii, aut
multitudinem melius moratam, censeam fieri
posse. Centuriam vero juniorum, seniores con-
sulere voluisse, quibus imperium subfragio
mandaret, vix ut verisimile sit, parentum quo-
que hoc saeculo vilis levisque apud liberos
auctoritas fecit.

XXIII. Praetoria inde comitia habita.
P. Manlius Vulso et L. Manlius Acidinus et C.
Lae-

Laetorius et L. Cincius Alimentus creati sunt. Forte ita incidit, ut comitiis perfectis nuntiaretur, T. Otacilium, quem T. Manlio, nisi interpellatus ordo comitiorum esset, conlegam absentem daturus fuisse videbatur populus, mortuum in Sicilia esse. Ludi Apollinares et priore anno fuerant, et, eo anno ut fierent, referente Calpurnio praetore, senatus decrevit, ut in perpetuum voverentur. Eodem anno prodigia aliquot visa nuntiataque sunt. In aede Concordiae Victoria, quae in culmine erat, fulmine icta decussaque, ad Victorias, quae in antefixis erant, haesit, neque inde procidit. Et Anagnia et Fregellis nuntiaturum est; murum portasque de coelo tactas; et in foro Subertano sanguinis rivos per diem totum fluxisse, et Ereti lapidibus pluuisse, et Beate mulam peperisse. Haec prodigia hostia marjohas sunt procurata, et obsecratio in unum diem populo indicta et novemelale sacrum. Sacerdotes publici aliquot eo anno demortui sunt novique subfecti. In locum M. Aemilii Numidae decemviri sacrosum M. Aemilius Lepidus: in locum M. Pomponii Mathonis pontificis C. Livius: in locum Sp. Carvili Maximi anguris M. Sarrvilius: et T. Otacilius Crassus pontifex quia exacto anno mortuus erat, ideo nominatio in locum ejus non effecta. C. Claudius flamen Dialis, quod extra perperam dederat, flaminio abiit.

XXIV. Per idem tempus M. Valerius Laevinus, tentatis prius per secreta colloquia principum animis, ad indicium ante ad id ipsum concilium Aetolorum classe expedita venit. Vbi quum Syracusas Capuamque captas, in fidem in Sicilia Italiaque rerum secundarum, ostentasset, adjecissetque, jam inde a majoribus traditum morem Romanis colendi sa-

olos, ex quibus alios in civitatem atque aequum
 secum jus adecessissent, alios in ea fortuna ha-
 berent, ut socii esse, quam cives, mallent.
 Aetolos eo in majore futuros honore, quod gen-
 tium transmarinarum in amicitiam primi venis-
 sent. Philippum eis et Macedonas graves ad-
 eas esse, quorum se vim ac spiritus et jam fre-
 gisse, et eo redacturum esse, ut non his modo
 urbibus, quas per vim ademissent Aetolis, ex-
 cedant, sed ipsam Macedoniam infestam ha-
 beant. Et Acarnanas, quos aegre ferrent Ae-
 toli a corpore suo diremtos, restitutum se in
 antiquam formulam jurisque ac ditionis eorum.
 Haec, dicta promissaque ab Romano impe-
 ratore, Scopas, qui tum praetor gentis erat,
 et Dorimachus, princeps Aetolorum, adfir-
 maverunt auctoritate sua, minore cum vere-
 cundia et majore cum fide vim majestatemque
 populi Romani extollescentes. Maxime tamen
 ipse polliandae movebat Acarnaniae. Igitur
 conscriptae conditiones, quibus in amicitiam
 societatemque populi Romani venirent, addi-
 tumque, ut, si placeret vellenteque, eodem jure
 amicitiae Elee, Lacedaemonique et Attalus et
 Pleuratus et Socrdilaedus essent. (Asiae, Atta-
 lus, hi Thracum et Illyriorum reges.) Bel-
 lum ut ex tempore Aetoli cum Philippo terra ge-
 rerent. Navibus non minus viginti quinque remi-
 bus adjuvaret Romanum. Urbium Gordyras te-
 nus ab Aetolia incipienti solum tectaque et muri
 cum agris Aetolorum, alia omnis praeda populi
 Romani esset. Darentque operam Romani, ut
 Acarnaniam Aetoli haberent. Si Aetoli pacem
 cum Philippo facerent, foederi adscriberent,
 ita ratam eorum pacem, si Philippus arma ab
 Romanis sociisque, quique eorum ditionis essent,
 abstinuisset. Item, si populus Romanus foe-
 dere jungeretur regi, ut caveret, ne jus ei belli
 infe-

inferendi Aetolis sociisque eorum esset. Haec convenerunt, conscriptaque biennio post Olympiae ab Aetolis, in Capitolio ab Romanis, ut testata sacris monumentis essent, sunt posita, Morae causa fuerant retenti Romae diutius legati Aetolorum, Nec tamen inpedimento id rebus gerendis fuit. Et Aetoli extemplo moverunt adversus Philippum bellum, et Laevinus Zacynthum (parva insula est propinqua Aetoliae: urbem unam eodem, quo ipsa est, nomine habet) eam praeter arcem vi cepit, et Oeniadas Nasumque Acarnanum captas Aetolis contribuit. Philippum quoque satis implicatum bello finitimo ratus, ne Italiam Poenosque et pacta cum Hannibale posset respicere, Corcyram ipse se recepit.

XXV. Philippo Aetolorum defectio Peloponnesi adlata est. Itaque, quia primo vere moturus exercitum in Graeciam erat, Illyrios finitimasque eis urbes alterno metu quietas ut Macedonia haberet, expeditionem subitam in Oricinorum atque Apolloniatarum fines fecit, egressosque Apolloniatas cum magno terrore atque pavore compulit intra muros. Vastatis proximis Illyrici, in Peloponnesum eadem celeritate vertit iter: inde Dardanorum urbem, sitam in Macedonia, transitum Dardanis facturam, cepit. His raptim actis, memor Aetolici iunctique cum eo Romani belli, per Peloponnesum et Lyncum et Bottiaeam in Thessaliam descendit. Ad bellum secum adversus Aetolos capeffendum incitari posse homines credebat; et, relicto ad fauces Thessaliae Perseo cum quatuor millibus armatorum ad arcendos aditu Aetolos, ipse, prius quam majoribus occuparetur rebus, in Macedoniam atque inde in Thraciam exercitum ac Maedos duxit. Incurrere ea gens in

Macedoniam solita erat, ubi regem occupatum externo bello ac sine praesidio esse regnum sensisset. Ad Phragandas igitur vastare agros, et urbem Jamphorinam, caput arcemque Maedicae, obpugnare coepit. Scopas, ubi profectum in Thraciam regem occupatumque ibi bello audivit, armata omni juventute Aetolorum, bellum inferre Acarnaniae parat. Adversus quos Acarnanum gens et viribus inpar, et jam Oeniadas Nasumque amissa cernens Romanaque insuper arma ingruere, ira magis instruit, quam consilio, bellum. Conjugibus liberisque et senioribus supra sexaginta annos in propinquam Epirum missis, ab quindecim ad sexaginta annos conjurant, nisi victores, se non redituros. Qui victus acie excessisset, eum ne quis urbe, tecto, mensa, lare reciperet, diram execrationem in populares, obtestationem quam sanctissimam potuerunt adversus hospites, composuerunt. Precatique simul Epirotas sunt, ut, qui suorum in acie cecidissent, eos uno tumultu contegerent, adhiberentque humatis titulum: HIC SITI SVNT ACARNANES, QVI, ADVERSVS VIM ATQVE INIURIAM AETOLQVVM PRO PATRIA PVGNANTES, MORTEM OBCVBVERVNT. Per haec incitatis animis, castra in extremis finibus suis obvia hosti posuerunt. Nuntiis ad Philippum missis, quanto res in discrimine esset, omittere Philippum id, quod in manibus erat, coegerunt bellum, Jamphorina per deditionem recepta, et prospero alio successu rerum, Aetolorum inpetum tardaverat primo conjurationis fama Acarnanicae; deinde auditus Philippi adventus regredi etiam in intimos coegit fines. Nec Philippus, quamquam, ne obprimebantur Acarnanes, itineribus magnis ierat, ultra Dium est progressus. Inde, quum audisset reditum

tam Aetolorum ex Acarnania, et ipse Pel-
lam rediit.

XXVI. Laevinus, veris principio a Cor-
cyra profectus navibus, superato Leucata pro-
montorio, quum venisset Naupactum, Anti-
cyram inde se petiturum edixit, ut praesto ibi
Scopas Aetolique essent. Sita Anticyra est in
Locride laeva parte sinum Corinthiacum in-
trantibus. Breve terra iter eo, brevis naviga-
tio ab Naupacto est. Tertio ferme post die
utrimque obpugnari coepta est. Gravior a
mari obpugnatio erat; quia et tormenta ma-
chinaeque omnis generis in navibus erant, et
Romani inde obpugnabant. Itaque intra pau-
cos dies recepta urbs per deditionem Aetolis
traditur, praeda ex pacto Romanis cessit. Li-
terae Laevino redditae, consulem eum absen-
tem declaratum, et subcessorem venire P. Sul-
picium. Ceterum, diuturno ibi morbo impli-
citus, serius spe omnium Romam venit. M.
Marcellus, quum Idibus Martiis consulatum
inisset, senatum eo die, moris modo causa,
habuit, professus, nihil se, absente collega, ne-
que de re publica, neque de provinciis, actu-
rum. Scire se, frequentes Siculos prope Urbem
in villis obrectatorum suorum esse. Quibus,
tantum abesse, ut per se non liceat palam Ro-
mae crimina edita fictaque ab inimicis vulgare,
ut, ni simlarent, aliquem sibi timorem, ab-
sente collega, dicendi de consule esse, ipse eis
exemplo daturus senatum fuerit. Vbi quidem
collega venisset, non passurum quidquam prius
agi, quam ut Siculi in senatum introducantur,
Delectum prope a M. Cornelio per totam Sici-
liam habitum, ut quam plurimi quesiunt de se
Romam venirent. Eundem literis falsis Urbem
inplesse, bellum in Sicilia esse, ut suam laudem
minuat. Moderati animi gloriam eo die adep-
tus

tus consul, senatum dimisit; ac prope iustitium omnium rerum futuram videbatur, donec alter consul ad Urbem venisset. Otium, ut solet, excitavit plebis rumores: *belli diuturnitate et vastatos agros circa Urbem, qua infestio agmine esset Hannibal, et exhaustam delectibus Italiani, et prope quotannis exercitus saepos querebantur; et consules bellicosos ambo, viros acres nimis et feroces, creatos, qui vel in pace tranquilla bellum excitare possent, nedum in bello respirare civitatem forent passuri.*

XXVII. Interrupit hos sermones nocte, quae pridie Quinquatrus fuit, pluribus simul locis circa forum incendium ortum. Eodem tempore septem tabernae, quae postea quinque, et argentariae, quae nunc novae adpellantur, arsero. Comprehensa postea privata aedificia; neque enim tum basilicae erant: comprehensae lautumiae forumque piscatorium et atrium regium. Aedes Vestae vix defensa est tredecim maxime servorum opera, qui in publicum redempti ac manumissi sunt. Nocte ac die continuatum incendium fuit. Nec ulli dubium erat, humana id fraude factum esse, quod pluribus simul locis et iis diversis ignea coorti essent. Itaque consul ex auctoritate senatus pro concione edixit, qui, quorum opera id conflatum incendium, profiteretur, praemium fore, libero peduniam, servo libertatem. Eo praemio inductis Campanorum Calaviorum servus (Mannus ei nomen erat) indicavit, dominos et quinque praeterea juvenes nobiles Campanos, quorum parentes a Q. Fulvio securi percussi erant, id incendium fecisse; vulgoque facturos alia, ni comprehendantur. Comprehensi ipsi familiaeque eorum. Et primo elevabatur index indiciumque: pridie cum verberibus castigatum ab dominis discessisse, per iram ac levitiam

vitalem ex re fortuita crimen, commentum. Ceterum ut coram coarguebantur, et quaestio ex ministris facinoris foro medio haberi coepta est, falsi omnes, atque in dominos servosque conficiis animadversum est. Indici libertas data et viginti millia aeris. Consuli Laevino Capuam praetereunti circumfusa multitudo Campanorum est, obsecrantium cum lacrymis, ut sibi Romam ad senatum ire liceret, oratum, si qua misericordia tandem fleoti possent, ne se ad ultimum perditum irent nomenque Campanorum a Q. Flacco deleri sinerent. Flaccus, sibi privatam simultatem cum Campanis, negare, nullam esse: publicas inimicitias et hostiles esse et futuras, quoad eo animo esse erga populum Romanum scirat. Nullam enim in terris gentem esse, nullum infestiorum populum nomini Romano. Ideo se moenibus inclusos tenere eos, quia, si qui evasissent aliqua, velut feras bestias per agros vagari et laniare et trucidare, quodcumque obvium datur. Alios ad Hannibalem transfugisse, alios ad Romam incendendam profectos. Inventurum in semiusto foro consulis vestigia sceleris Campanorum. Vestiae aedem petitam et aeternos ignes et conditum in penetrali fatale pignus imperii Romani. Se minime censere tutum esse, Campanis potestatem intrandi Romana moenia fieri. Laevinus Campanos, jure jurando a Flacco adactos, quinto die, quam ab senatu responsum adceperant, Capuam redituros, sequi se Romam iussit. Hac circumfusus multitudo, simul Siculis obviam egressis Aetolisque, Romam praeivit, clarissimarum urbium excidio celeberrimis viris victos bello adculpatores in Vubem adducens. De re publica tamen primum ac de provinciis ambo consules ad senatum retulere.

XXVIII. Ibi Laevinus, quo statu Macedonia et Graecia, Aetoli, Acarnanes Locrique essent, quasque ibi res ipse egisset terramarique, exposuit: *Philippum, inferentem bellum Aetolis, in Macedoniam retro ab se compulsum, ad intima penitus regni abisse, legionemque inde deduci posse: classem satis esse ad arcendum Italia regem.* Haec de se deque provincia, cui praefuerat. Consulum de provinciis communis relatio fuit. Decrevit Patres, *Vt alteri consulum Italia bellumque cum Hannibale provincia esset; alter classem, cui T. Otacilius praefuisset, Siciliamque provinciam cum L. Cincio praetore obtineret.* Exercitus eis duo decreti, qui in Etruria Galliaque essent. Eae quatuor erant legiones. Urbanae duae superioris anni in Etruriam; duae, quibus Suspicius consul praefuisset, in Galliam mitterentur. Galliae et legionibus praefect, quem consul, cuius Italia provincia esset, praefecisset. In Etruriam C. Calpurnius, post praeturam prorogato in annum imperio, missus; et Q. Fulvio Capua provincia decreta prorogatumque in annum imperium. Exercitus civium sociorumque minui iussus, ut ex duabus legionibus una legio, quinque millia peditum et trecenti equites essent; dimissis, qui plurima stipendia haberent: et sociorum septem millia peditum et trecenti equites relinquerentur, eadem ratione stipendiorum habitum in veteribus militibus dimittendis. Cn. Fulvio consuli superioris anni nec de provincia Apulia, nec de exercitu, quem habuerat, quidquam mutatum. Tantum in annum prorogatum imperium est. P. Sulpicius collega eius omnem exercitum, praeter socios navales, iussus dimittere est. Item ex Sicilia exercitus, cui M. Cornelius praefect, ubi consul

in

in provinciam venisset, dimitti iussus. L. Cincio praetori ad obtinendam Siciliam Campanenses milites dati, duarum instar legionum. Totidem legiones in Sardiniam P. Manlio Vulturni praetori decretae, quibus L. Cornelius in eadem provincia priore anno praefuerat. Urbanas legiones ita scribere consules iussi, ne quem militem facerent, qui in exercitu M. Claudii, M. Valerii, Q. Fulvii, fuisset; neve eo anno plures, quam una et viginti, Romanae legiones essent.

XXIX. His senatus consultis perfectis, sortiri provincias consules. Sicilia et classis Marcellae, Italia cum bello adversus Hannibalem Laevino evenit. Quae fors, velut iterum captis Syracusis, ita exanimavit Siculos, expectatione sortis in consulum conspectu stantes, ut comploratio eorum flebilesque voces et extemplo oculos hominum converterent, et postmodo sermones praebuerint. Circumstant enim senatum cum veste sordida, adfirmantes, se non modo suam quisque patriam, sed totam Siciliam, relicturos, si eo Marcellus iterum cum imperio redisset. Nullo suo merito cum ante implacabilem in se fuisset: quid iratum, quod Romam de se questum venisse Siculos sciat, facturum? Obrui Aetnae ignibus, aut mergi freto, satius illi insulae esse, quam velut dedi noxae inimico. Hae Siculorum querelae, domos primum nobilium circumlatae celebrataeque sermonibus, quos partim misericordia Siculorum, partim invidia Marcelli excitabat, in senatum etiam pervenerunt. Postulatum a consulibus est, ut de permutandis provinciis senatum consulerent. Marcellus, si jam auditi ab senatu Siculi essent, aliam forsitan futuram fuisse sententiam suam, dicere. Nunc, ne quis timore frenari eos dicere pos-

posset, quo minus de eo libere querantur, in
 ejus potestate mox futuri sint, si collegae ni-
 hil intersit, mutare se provinciam paratum esse.
 Deprecari senatus praesidium; nam quam ex-
 tra sortem collegae optionem dari provinciae
 iniquum fuerit, quanto majorem injuriam, im-
 mo contumeliam esse, sortem suam ad eum trans-
 ferri? Ita senatus, quum, quid placeret, ma-
 gis ostendisset, quam decreisset, dimittitur.
 Inter ipsos consules permutatio provinciarum,
 rapiente fato Marcellum ad Hannibalem, fa-
 cta est; ut, ex quo primus adversae pugnae
 gloriam ceperat, in ejus laudem postremus
 Romanorum imperatorum, prosperis tum ma-
 xime bellicis rebus, caderet.

XXX. Permutatis provinciis, Siculi, in
 senatum introducti, multa de Hieronis regis
 fide perpetua erga populum Romanum verba
 fecerunt, in gratiam publicam avertentes,
 Hieronymum ac postea Hippocratem et Epicy-
 den tyrannos, quum ob alia, tum propter defe-
 ctionem ab Romanis ad Hannibalem, invisos
 fuisse sibi. Ob eam causam et Hieronymum a
 principibus juventutis prope publico consilio in-
 terfectum, et in Epicydis Hippocratisque cas-
 dem septuaginta nobilissimorum juvenum conju-
 rationem factam; quos, Marcelli mora desitu-
 tos, quia ad praedictum tempus exercitum ad
 Syracusas non admovisset, indicio facto, omnes
 ab tyrannis interfectos. Eam quoque Hippocra-
 tis atque Epicydis tyrannidem Marcellum exci-
 tasse, Leontinis crudeliter direptis. Numquam
 deinde principes Syracusanorum desisse ad Mar-
 cellum transire pollicerique, se urbem, quum vel-
 let, ei tradituros. Sed eum primo vi capere
 maluisse: dein, quum id neque terra, neque na-
 vi; omnia expertus, potuisset, auctores tradita-
 rum Syracusarum, fabrum aerarium Solum et
 Meri-

Mettant Hispanum, quam principes Syracusanorum habere, toties id nequidquam ultro obferentes, praeoptasse: quo scilicet iustiores de causa vetustissimos socios populi Romani trucidaret ac diriperet. Si non Hieronymus ad Hamibalem defecisset, sed populus Syracusanus et senatus, si portas Marcello Syracusani publice, et non, oppressis Syracusanis, tyranni eorum Hippocrates et Epicydes, clausissent, si Carthaginensium animis bellum cum populo Romano gessissent; quid ultra, quam quod fecerit, nisi ut deleret Syracusas, facere hostiliter Marcellum potuisset? Certe praeter moenia et tecta exhausa urbis et refracta ac spoliata Deum delubra, Diis ipsis ornamentisque eorum ablati, nihil relictum Syracusis esse. Bona quoque multis adempta, ita ut ne nudo quidem solo reliquiis direptae fortunae alere sese ac suos possent. Orare se Patres conscriptos, ut, si nequeant omnia, saltem, quae compareant cognoscerique possunt, restitui dominis jubeant. Talia conquestos quam excedere ex templo, ut de populatis eorum Patres consuli possent, Laevinus iussisset, Maneant immo, inquit Marcellus, ut coram his respondeam, quando ea conditione pro vobis, Patres conscripti, bella gerimus, ut victos armis adusatores habeamus. Duae captae hoc anno urbes Capua Fulvium reum, Marcellum Syracusae habeant.

XXXI. Reductis in curiam legatis, tum consul, *Non adeo majestatis, inquit, populi Romani imperiique hujus oblitus sum, Patres conscripti, ut, si de meo crimine ambigeretur, consul dicturus causam, adusantibus Graecis, fuerim. Sed non, quid ego fecerim, in disquisitionem venit, quam quid isti pati debuerint. Qui si non fuerint hostes, nihil interest, nunc, an vivo Hierone, Syracusas violaverim. Sin*
autem

autem deſciverunt, legatos noſtros ferro atque armis petierunt, urbem ac moenia clauſerunt, exercituque Carthaginienſium adverſus nos tu-
tati ſunt; quis paſſos eſſe hoſtilia, quum fece-
rint, indignatur? Tradentes urbem principes Syracuſanorum averſatus ſum: Sofim et Meri-
cum Hiſpanum, quibus tantum crederem, po-
tiores habui. Non eſtis extremi Syracuſanorum,
quippe qui aliis humilitatem objiciatis. Quis eſt
veſtrum, qui ſe mihi portas aperturum, qui ar-
matos milites meos in urbem adcepturum promi-
ſerit? Odiftis et exſecramini eos, qui fecerunt,
et ne hic quidem contumeliis in eos dicendis par-
citis: tantum abeſt, ut et ipſi tale quidquam
facturi fueritis. Ipſa humilitas eorum, Patres
conſcripti, quam iſti objiciunt, maximo argu-
mento eſt, ne neminem, qui navatam operam
rei publicae noſtrae velit, averſatum eſſe. Et
ante quam obſiderem Syracuſas, nunc legatis
mittendis, nunc ad conloquium eundo, tentavi
pacem; et, poſtquam neque legatos violandi ve-
recundia erat, nec mihi ipſi congreſſo ad portas
cum principibus reſponſum dabatur, multis ter-
ra marique exhaustis laboribus, tandem vi at-
que armis Syracuſas cepi. Quae captis adcida-
rint, apud Hannibalem et Carthaginienſes vi-
ctosque juſtius, quam apud victoris populi ſe-
natum, quererentur. Ego, Patres conſcripti,
Syracuſas ſpoliatas ſi negaturus eſſem, numquam
ſpoliis earum urbem Romam exornarem. Quae
autem ſingulis victor aut ademi, aut dedi, quum
belli jure, tum ex cujuſque merito, ſatis ſcio me
feciffe. Ea vos rata habeatis, Patres conſcripti,
nae magis rei publicae intereſt, quam mea.
Mea quippe fides exſoluta eſt: ad rem publicam
pertinet, ne acta mea reſcindendo alios in poſte-
rum ſeguioreſ, duceſ faciat. Et quoniam co-
ram

ram et Sicularum et mea verba audistis, Patres conscripti, simul templo excedemus, ut, me absente, liberius consuli senatus possit. Ita dimissis Siculis, et ipse in Capitolium ad delictum discessit.

XXXII. Consul alter de postulatis Sicularum ad Patres retulit. Ibi quum diu de sententiis, certatum esset, et magna pars senatus, principem ejus sententiae T. Manlio Torquato, cum tyrannis bellum gerendum fuisse, censerent, hostibus et Syracusanorum et populi Romani; et urbem recipi, non capi; et receptam legibus antiquis et libertate stabiliri, non fessam miserranda servitute bello adfligi. Inter tyrannorum et duces Romani certamina praemium victoris in medio positam urbem pulcerrimam ac nobilissimam peruisse, horreum atque aerarium quondam populi Romani, cujus munificentia ac donis multis tempestatibus, hoc denique ipso Punico bello, adjuncta ornataque res publica esset. Si ab inferis exsistat rex Hiero, fidissimus imperii Romani cultor, quo ore aut Syracusas, aut Romam ei ostendi posse? quum, ubi semirutam ac spoliatam patriam respexisset, ingrediens Romam in vestibulo urbis, prope in porta, spolia patriae suae visurus sit? Haec taliaque quum ad invidiam consulis miserationemque Sicularum dicerentur, mitius tamen decreverunt Patres causam Marcelli: Quae is gerens bellum victorque egisset, rata habenda esse. In reliquum curae senatui fore rem Syracusanam, mandatu-rosque consuli Laevino, quod sine jactura rei publicae fieri posset, Fortunis ejus civitatis consuleret. Missis duobus senatoribus in Capitolium ad consulem, uti rediret in curiam, et introductis Siculis, senatus consultum recitatum est: legati-que, benigne appellati ac dimissi, ad genua se Marcelli consulis projece-
T. Liv. P. II. Dd runt,

runt, obsecrantes, ut, quae deplorandae ac levandae calamitatis causa dixissent, veniam eis daret, et in fidem clientelamque se urbemque Syracusas adciperet. Post haec consul clementer adpellatos dimisit.

XXXIII. Campanis deinde senatus datus est, quorum oratio miserabilior, causa durior erat. Neque enim meritas poenas negare poterant, nec tyranni erant, in quos culpam conferrent: sed satis pensum poenarum, tot veneno absumtis, tot securi percussis senatoribus, credebant. *Paucos nobilium supersites esse, quos nec sua conscientia, ut quidquam de se gravius consulere, impulerit, nec victoris ira capitis damnaverit; eos libertatem sibi suisque et bonorum aliquam partem orare, cives Romanos, adfinitatibus plerosque et propinquis jam cognationibus ex connubio vetusto junctos.* Submotis deinde e templo, paullisper dubitatum, an arcessendus a Capua Q. Fulvius esset, (mortuus enim post captam Claudius consul erat) ut eorum imperatore, qui res gessisset, sicut inter Marcellum Siculosque disceptatum fuerat, disceptaretur: dein, quum M. Atilium, C. Fulvium fratrem Flacci, legatos ejus, ac Q. Minucium et L. Veturium Philonem, item Claudii legatos, qui omnibus gerendis rebus adfuerant, in senatu viderent, nec Fulvium avocari a Capua, nec differri Campanos vellet; interrogatus sententiam M. Atilius Regulus, cujus ex iis, qui ad Capuam fuerant, maxima auctoritas erat, *In consilio, inquit, arbitror me fuisse consulibus, Capua capta, quum quaereretur, ecquis Campanorum de re publica nostra bene meritus esset: duas mulieres compertum est, Vestiam Oppiam Atellanam Capuae habitantem et Fauculam Cluviam, quae quondam quaestum corpore fecisset; illam, quoti-*
die

die sacrificasse pro salute et victoria populi Romani; hanc captivis egentibus alimenta olim subpeditasse. Ceterorum omnium Campanorum eundem erga nos animum, quem Carthaginien-
 sum, fuisse; securique percussos a Q. Fulvio esse magis, quorum dignitas inter alios, quam quorum culpa eminebat. Per senatum agi de Campanis, qui cives Romani sunt, injussu populi non video posse. Idque et apud majores nostros in Satricanis factum est, quum defecissent, ut M. Antistius tribunus plebis prius rogationem ferret, sciretque plebs, uti senatui de Satricanis sententiae dicendae jus esset. Itaque censeo, cum tribunis plebis agendum esse, ut eorum unus pluresve rogationem ferant ad plebem, qua nobis statuendi de Campanis jus fiat. L. Atilius tribunus plebis ex auctoritate senatus plebem in haec verba rogavit: Omnes Campani, Atellani, Calatini, Sabatini, qui se dediderunt in arbitrium ditionemque populi Romani Fulvio proconsuli, quaeque una secum dediderunt, agrum urbemque, divina humanaque utensiliaque, sive quid aliud dediderunt; de iis rebus quid fieri velitis, vos rogo, Quirites. Plebes sic iussit: Quod senatus juratus, maxima pars, censeat, qui adsident, id volumus jubemusque.

XXXIV. Ex hoc plebeiscito senatus consultus Oppiae Cluviaeque primum bona ac libertatem restituit. Si qua alia praemia petere ab senatu vellent, venire eas Romam. Campanis in familias singulas decreta facta, quae non operae prelium est omnia enumerare. Aliorum bona publicanda: ipsos liberosque eorum et conjuges vendendas, extra filias, quae enupsissent prius, quam in populi Romani potestatem venirent. Alios in vincula condendos, ac de his postertus consulendum. Aliorum Campanorum summam etiam census distinxerunt, publicanda

Dd 2

necne

neque bona essent; pecua captiva, praeter equos, et mancipia, praeter puberes virilis sexus, et omnia, quae solo non continerentur, restituenda, censuerunt, dominis. Campanos omnes, Atellanos, Calatinos, Sabatinos, extra quam qui eorum, aut ipsi aut parentes eorum, apud hostes essent, liberos esse, iusserunt, ita ut nemo eorum civis Romanus aut Latini nominis esset; neve quis eorum, qui Capuae fuissent, dum portae clausae essent, in urbe agro Campano intra certam diem maneret. Locus, ubi habitarent, trans Tiberim, qui non contingeret Tiberim, daretur. Qui nec Capuae, nec in urbe Campana, quae a populo Romano defecisset, per bellum fuissent, eos ois Lirim amnem Romanam versus; qui ad Romanos transissent prius, quam Hannibal Capuam veniret, cis Vulturnum emovendos, censuerunt. Ne quis eorum propius mare quindecim milibus passuum agrum aedificiumve haberet. Qui eorum trans Tiberim emoti essent, ne ipsi posterive eorum uspiam pararent haberentve, nisi in Veiente aut Sutri- no Nepefino agro; dum ne cui major, quam quinquaginta iugerum, agri modus esset. Senatorum omnium, quique magistratus Capuae, Atellae, Calatiae gessissent, bona venire Capuae, iusserunt. Libera corpora, quae venum dari placuerat, Romam mitti ac Romae venire. Signa, statuas aeneas, quae capta de hostibus dicerentur, quae eorum sacra ac profana essent, ad pontificum conlegium rejecerunt. Ob haec decreta moestiores aliquanto, quam Romam venerant, Campanos dimiserunt. Nec jam Q. Fulvii saevitiam in sese, sed iniquitatem Deum atque execrabilem fortunam suam incusabant.

XXXV. Dimissis Siculis Campanisque, delectus habitus. Scripto deinde exercitu, de remi-

remigum subplemento agi coeptum. In quam rem quum neque hominum fatis, nec, ex qua pararentur stipendiumque acciperent, pecuniae quidquam ea tempestate in publico esset, edixerunt consules, ut privati ex censu ordinibusque, sicut antea, remiges darent cum stipendio cibariisque dierum triginta. Ad id edictum tantus fremitus hominum, tanta indignatio fuit, ut magis dux, quam materia, seditioni deesset. Secundum Siculos Campanosque plebem Romanam perdendam lacerandamque sibi consules sumsisse. Per tot annos tributo exhaustos nil reliqui, praeter terram nudam ac vastam, habere. Tecta hostes incendisse, servos agri cultores rem publicam abduxisse, nunc ad militiam parvo aere emendo, nunc remiges imperando. Si quid cui argenti aerisve fuerit, stipendio remigum et tributis annuis ablatum. Se, ut dent, quod non habeant, nulla vi, nullo imperio cogi posse. Bona sua venderent: in corpora, quae reliqua essent, saevirent. Ne unde redimantur quidem quidquam superesse. Haec non in obculto, sed propalam in foro atque oculis ipsorum consulum ingens turba circumfusi fremebant: nec eos sedare consules, nunc castigando, nunc consolando, poterant. Spatium deinde his tridui se dare ad cogitandum dixerunt: quo ipsi ad rem inspiciendam expediendamque usi sunt. Senaturn postero die habuerant de remigum subplemento. Vbi quum multa disserpissent, cur aequa plebis recusatio esset, verterunt orationem eo, ut dicerent, *Privatis id, seu aequum, seu iniquum, onus injungendum esse. Nam unde, quum pecunia in aerario non esset, paraturos navales socios? Quomodo autem sine classibus aut Siciliam obtineri, aut Italia Philippum arceri posse, aut tuta Italia citiora esse.*

XXXVI. Quum in hac difficultate rerum consilium haereret, ac prope torpor quidam occupasset hominum mentes, tum Laevinus consul, *Magistratus senatui et senatum populo, sicut honore praesent, ita ad omnia, quae dura atque aspera essent, subeunda duces debere esse. Si quid injungere inferiori velis, id prius in te ac tuos si ipse juris statueris, facilius omnes obedientes habeas. Nec inpena gravis est, quum ex ea plus quam pro virili parte sibi quemque capere principum vident. Itaque classes habere atque ornare volumus populum Romanum? privatos sine recusatione remiges dare? nobismet ipsis primum imperemus. Aurum, argentum, aes signatum omne senatores crastino die in publicum conferamus; ita ut annulos sibi quisque et conjugum et liberis, et filio bullam, et, quibus uxor filioeve sunt, singulas uncias pondo auri relinquunt; argenti, qui curuli sella sederunt, equi ornamenta et libras pondo, ut salinum patellamque Deorum causa habere possint: ceteri senatores libram argenti tantum, aeris signati quina millia in singulos patres familiae relinquamus. Ceterum omne aurum, argentum, aes signatum, ad triumphos mensarios extemplo deferamus, nullo ante senatus consulto facto; ut voluntaria conlatio et certamen adjuvandae rei publicae excitet ad aemulandum animos primum equestris ordinis, dein reliquae plebis. Hanc unam viam, multa inter nos conloquuti, consules invenimus. Ingredimini, Diis bene juvenibus. Res publica incolumis et privatas res facile salvas praestat. Publica prodendo, tu nequidquam serves. In haec tanto animo consensus est, ut gratiae ultro consulibus agerentur. Senatu inde misse, pro se quisque aurum, argentum et aes in publicum conferunt, tanto certamine injecto, ut prima inter primos nomina*

mina sua vellent in publicis tabulis esse; ut nec triumviri adscripiendo, nec scribae referendo subficerent. Hunc consensum senatus equester ordo est sequutus; equestris ordinis plebes. Ita sine edicto, sine coercitione magistratus, nec remige in subplementum, nec stipendio res publica eguit; paratisque omnibus ad bellum, consules in provincias profecti sunt.

XXXVII. Neque aliud magis tempus belli fuit, quo Carthaginieneses Romanique pariter variis casibus inmixtis magis in ancipiti spe ac metu fuerint. Nam Romanis et in provinciis, hinc in Hispania adversae res, hinc prosperae in Sicilia, luctum et laetitiam miscuerant: et in Italia, quum Tarentum amissum damno et dolori, tum arx cum praesidio retenta praeter spem gaudio fuit: et terrorem subitum pavoremque urbis Romae obsessae et obpugnatae Capua post dies paucos capta in laetitiam vertit. Transmarinae quoque res quadam vice pensatae. Philippus hostis tempore haud satis obportuno factus; Aetoli novi adsciti socii Attalusque Asiae rex, jam velut despondente fortuna Romanis imperium orientis. Carthaginieneses quoque Capuam amissam et Tarentum captum aequabant; et, ut ad moenia urbis Romanae nullo prohibente se pervenisse in gloria ponebant, ita pigebat inriti incepti, pudebatque adeo se spreto, ut, sedentibus ipsis ad Romana moenia, alia porta exercitus Romanus in Hispaniam duceretur. Ipsae quoque Hispaniae quo propius spem venerant, tantis duobus ducibus exercitibusque caesis, debellatum ibi ac pullos inde Romanos esse; eo plus, ab L. Marcio tumultuario duce ad vanum et inritum victoriam redactam esse, indignationis praebebat. Ita aequante

Dd 4

for-

fortuna, suspenſa omnia utrimque erant, integra ſpe, integro metu, velut illo tempore pſimum bellum inciperent.

XXXVIII. Hannibalem ante omnia angebat, quod Capua, pertinacius obpugnata ab Romanis, quam deſenſa ab ſe, multorum Italiae populorum animos averterat: quos neque omnes tenere praefidiis, niſi vellet in multas parvasque partes carpere exercitum, quod minime tum expediebat, poterat; nec, deductis praefidiis, ſpei liberam vel obnoxiam timori lociorum relinquere fidem. Praeceptis in avaritiam et crudelitatem animus ad ſpolianda, quae tueri nequibat, ut vaſtata hoſti relinquerentur; inclinavit. Id foedum conſilium quum incepto, tum etiam exitu fuit. Neque enim indigna patientium modo abalienabantur animi, ſed ceterorum etiam. Quippe ad plures exemplum, quam calamitas; pertinebat. Nec conſul Romanus tentandiſ urbibus, ſicunde ſpes aliqua ſe oſtendiſſet, deerat. Salapiae principes erant Daſius et Blattius. Daſius Hannibali amicus; Blattius, quantum ex tuto poterat, rem Romanam fovebat, et per obſcultos nuntios ſpem proditiſ fecerat Marcello; ſed ſine adiutore Daſio res tranſigi non poterat. Multum ac diu cunctatus, et tum quoque magis inopia conſilii potioriſ, quam ſpe effectus, Daſium adpellabat. At ille, quum ab re averſus, tum aemulo potentatus inimicus, rem Hannibali aperit. Arcenſito utroque, Hannibal quum pro tribunali quaedam ageret, mox de Blattio cogniturus, ſtarentque ſubmoto populo adcuſator et reus: Blattius de proditiſ Daſium adpellabat. *Enimvero*, ille, velut in manifeſta re, exclamat, *ſub oculis Hannibaliſ ſecum de proditiſ agi*. Hannibali atque eiſ, qui aderant, quo audacior res erat,

erat, minus similis veri visa est. *Aemulationem profecto atque odium esse; et id crimen adferri, quod, quia testem habere non posset, liberius fingenti sit.* Ita inde dimissi sunt. Nec Blattius ante abstulit tamen tam audaci incepto, quam idem obtundendo docendoque, quam ea res ipsis patriaeque salutaris esset, pervicit, ut praesidium Punicum (quingenti autem Numidae erant) Salapiaque traderetur Marcello. Nec sine caede multa tradi potuit. Longe fortissimi equitum toto Punico exercitu erant. Itaque quamquam inprovisa res fuit, nec usus equorum in urbe erat, tamen, armis inter tumultum captis, et eruptionem tentarunt, et, quum evadere nequirent, pugnantes ad ultimum obcubuerunt: nec plus quinquaginta ex his in potestatem hostium vivi venerunt. Plusque aliquanto damni haec ala equitum amissa Hannibali, quam Salapia, fuit: nec deinde umquam Poenus (quo longe plurimum valuerat) equitatu superior fuit.

XXXIX. Per idem tempus, quum in arce Tarentina vix inopia tolerabilis esset, spem omnem praesidium, quod ibi erat, Romanum praefectusque praesidii atque arcis M. Livius in com meatibus ab Sicilia missis habebant. Qui ut tuto praeterveherentur oram Italiae, classis viginti ferme navium Rhegii stabat. Praeerat classi com meatibusque D. Quinctius, obscuro genere ortus, ceterum multis fortibus factis gloria militari inlustris. Primo quinque naves, quarum maximae duae triremes a Marcello ei traditae erant, habuit: postea rem impigre saepe gerenti tres additae quinqueres: postremo ipse, a sociis Rheginisque et a Velia et a Paesto debitas ex foedere exigendo, classem viginti navium, sicut ante dictum est, effecit. Huic ab Rhegio profectae classis Demo-

crates cum pari classe navium Tarentinarum numero, quindecim millia ferme ab urbe, ad Sacriportum obvius fuit. Velis tum forte, inprovidus futuri certaminis, Romanus veniebat. Sed circa Crotonem Sybarimque subpleverat remigio naves, instructamque et armatam egregie pro magnitudine navium classem habebat: et tum forte sub idem fere tempus et venti vis omnis cecidit, et hostes in conspectu fuere, ut ad componenda armamenta expediendumque remigem ac militem ad imminens certamen satis temporis esset. Raro alias tantis animis iustae concurrerunt classes: quippe quum in majoris discrimen rei, quam ipsae erant, pugnarent; Tarentini, ut, recuperata urbe ab Romanis post centesimum prope annum, arcem etiam liberarent; spe comineatus quoque hostibus, si navali proelio possessionem maris ademissent, interclusuros: Romani, ut, retenta possessione arcis, ostenderent, non vi aut virtute, sed proditione ac furto, Tarentum amissum. Itaque ex utraque parte signo dato quum rostris concurrissent, neque retro navem inhiherent, nec dirimi ab se hostem paterentur, quam quis indeptus navem erat, ferrea injecta manu; ita conferebant ex propinquo pugnam, ut non missilibus tantum, sed gladiis etiam prope conlato pede gereretur res. Prorae inter se junctae haerebant, puppes alieno remigio circumagebantur. Ita in arcto stipatae erant naves, ut vix ullum telum in mari vanum intercideret. Frontibus velut pedestris acies urgebant, perviaeque naves pugnantibus erant. Insignis tamen inter ceteras pugna fuit duarum, quae primae agminis concurrerant inter se. In Romana nave ipse Quinctius erat, in Tarentina Nico, cui Perconi fuit cognomen, non publico modo,

do, sed privato etiam odio invisus atque infestus Romanis; quod ejus factionis erat, quae Tarentum Hannibali prodiderat. Hic Quintium, simul pugnantes hortantesque suos, incautum hasta transfigit. Ille atque praecipuus cum armis procidit ante proram. Victor Tarentinus, in turbatam duce amisso navem impigre transgressus, quum submovisset hostes, et proa jam Tarentinorum esset, puppim male conglobati tuerentur Romani; repente et alia a puppi triremis hostium adparuit. Ita in medio circumventa Romana navis capitur. Hinc ceteris terror injectus, ut praetoriam navem captam videre; fugientesque passim, aliae in alto mersae, aliae in terram remis abreptae, mox praedae fuere Thurinis Metapontinisque. Ex onerariis, quae cum comITU sequebantur, perpaucae in potestatem hostium venere: aliae, ad incertos ventos hinc atque illinc obliqua transferentes vela, in altum evectae sunt. Nequaquam pari fortuna per eos dies Tarenti res gesta. Nam ad quatuor millia hominum frumentatum egressa, quum in agris passim vagarentur; Livius, qui arci praesidioque Romano praecerat, intentus in omnes occasiones gerendae rei, G. Persium, inpigrum virum, cum duobus millibus armatorum ex arce emisit. Qui, vage effusos per agros palatosque adortus, quum diu passim cecidisset, paucos ex multis, trepida fuga incidentes semiapertis portarum foribus, in urbem compulit, ne urbs eodem impetu caperetur. Ita aequatae res ad Tarentum; Romanis victoribus terra, Tarentinis mari. Frumenti spes, quae in oculis fuerat, utrosque frustrata pariter.

XL. Per idem tempus Laevinus consul, jam magna parte anni circumacta, in Siciliam, vete-

veteribus novisque sociis expectatus, quum venisset, primum ac potissimum omnium ratus, Syracusis nova pace inconditas componere res Agrigentum inde (quod belli reliquum erat, tenebaturque a Carthaginiensium valido praefidio) duxit legiones: et adfuit fortuna incepto. Hanno erat imperator Carthaginiensium, sed omnem in Mutine Numidisque spem repositam habebant. Per totam Siciliam vagus praedas agebat ex sociis Romanorum: neque intercludi ab Agrigento vi aut arte ulla, nec, quin erumperet, ubi vellet, prohiberi poterat. Haec ejus gloria, quia jam imperatoris quoque famae obficiebat, postremo in invidiam vertit; ut ne bene gestae quidem res jam Hannoni propter auctorem satis laetae essent. Propter quae postremo praefecturam ejus filio suo dedit, ratus, cum imperio auctoritatem quoque ei inter Numidas erepturum. Quod longe aliter evenit. Nam veterem favorem ejus sua insuper invidia auxit. Neque ille indignitatem injuriae tulit, confestimque ad Laevimum obcultos nuntios misit de tradendo Agrigento. Per quos ut est facta fides compositusque rei gerendae modus, portam ad mare ferentem Numidae quum occupassent; pulsas inde custodibus aut caesis, Romanos ad id ipsum missos in urbem adceperunt. Et quum agmine jam in media urbis ac forum magno tumultu iretur, ratus Hanno non aliud, quam tumultum ac successionem (id quod et ante acciderat) Numidarum esse, ad comprimendam seditionem processit. Atque ille, quum ei multitudo major, quam Numidarum, procul visa, et clamor Romanus haudquaquam ignotus ad aures accidisset, prius, quam ad ictum teli veniret, cepit fugam. Per aversam portam emissus, adsumto comite Epicyde,

de, cum paucis ad mare pervenit; nactique obportune parvum navigium, relicta hostibus Sicilia, de qua per tot annos certatum erat, in Africam trajecerunt. Alia multitudo Poenorum Siculorumque, ne tentato quidem certamine, quam caeci in fugam ruerent clausique exitus essent, circa portas caesa. Oppido recepto Laevinus, qui capita rerum Agrigenti erant, virgis caesos securi percussit: ceteros praedamque vendidit. Omnem pecuniam Romam misit. Fama Agrigentinerum cladis Siciliam quum pervasisset, omnia repente ad Romanos inclinaverunt. Proclita brevi sunt viginti oppida: sex vi capta: voluntaria deditione in fidem venerunt ad quadraginta. Quarum civitatum principibus quum pro cuiusque merito consul pretia poenasque exsolvisset, coegissetque Siculos, positis tandem armis, ad agrum colendum animos convertere, ut esset non incolarum modo alimentis frugifera insula, sed urbis Romae atque Italiae (id quod multis saepe tempestatibus fecerat) annonam levaret; ab Agathyrna inconditam multitudinem secum in Italiam transvexit. Quatuor millia hominum erant, mixti ex omni confluxione exsules, obaerati, capitalia ausi plerique, et quum in civitatibus suis ac sub legibus vixerant, et postquam eos ex variis causis fortunam similis conglobaverat Agathyrnam, per latrocinia ac rapinam tolerantes vitam. Hos neque relinquere Laevinus in insula, tum primum nova pace coalescente, velut materiam novandis rebus, satis tutum ratus est: et Rheginis usui futuri erant ad populandum Bruttium agrum, adfuetam latrociniiis quaerentibus manum. Et, quod ad Siciliam adinet, eo anno debellatum est.

XLI. In Hispania principio veris P. Scipio, navibus deductis evocatisque edicto Tarraconem sociorum auxiliis, classem onerariasque ostium inde Iberi fluminis petere jubet. Eodem legiones ex hibernis convenire quum jussisset; ipse cum quinque millibus sociorum ab Tarracone profectus ad exercitum est. Quo quum venisset, adloquendos maxime veteres milites, qui tantis superfuerant cladibus, ratus, concione advocata, ita diseruit: *Nemo ante me novus imperator militibus suis prius, quam opera eorum usus esset, gratias agere jure ac merito potuit. Me vobis prius, quam provinciam aut castra viderem, obligavit fortuna: primum, quod ea pietate erga patrem patrumque meum vivos mortuosque fuistis: deinde, quod amissam tanta clade provinciae possessionem integram, et populo Romano et successori mihi, virtute vestra obtinuistis. Sed quum jam benignitate Deum id paremus atque agamus, non ut ipsi maneamus in Hispania, sed ne Poeni mancant, nec ut pro ripa Iberi stantes arceamus transitum hostis, sed ut ultro transeamus transferamusque bellum; vereor, ne cui vestrum majus id audaciusque consilium, quam aut pro memoria cladum nuper adceptarum, aut pro aetate mea, videatur. Adversae pugnae in Hispania nullius in animo, quam meo, minus obliterari possunt; quippe cui pater et patruus intra triginta dierum spatium, ut aliud super aliud cumlaretur familiae nostrae funus, interfecti sunt. Sed ut familiaris paene orbitas ac solitudo frangit animum; ita publica quum fortuna tum virtus desperare, de summa rerum prohibet. Ea fato quodam data nobis sors est, ut magnis omnibus bellis victi vicerimus. Vetera omitto, Porcenam, Gallos, Samnites: a Punicis bellis incipiam. Quot classes, quot duces, quot exercitus*

citus priore bello amissi sunt? Jam quid hoc bello memorem? Omnibus aut ipse adfui cladibus; aut, quibus afui, maxime unus omnium eas sensi. Trebia, Trasimenus, Cannae, quid aliud sunt, quam monumenta occisorum exercituum consulumque Romanorum? Adde defectionem Italiae, Siciliae majoris partis, Sardiniae. Adde ultimum terrorem ac pavorem, castra Punica inter Anienem et moenia Romana posita, et visum prope in portis victorem Hannibalem. In hac ruina rerum stetit una integra atque immobilis virtus populi Romani. Haec omnia strata humi erexit ac sustulit. Vos omnium primi, milites, post Cannensem cladem vadenti Hasdrubali ad Alpes Italiamque — qui si se cum fratre conjunxisset, nullum jam nomen esset populi Romani — ducti, auspicioque patris mei obstitistis. Et hae secundae res illas adversas sustinuerunt. Nunc, benignitate Deum, omnia secunda, prospera, in dies laetiora ac meliora in Italia Siciliaeque geruntur. In Sicilia Syracusae, Agrigentum captum, pulsi tota insula hostes, receptaque provincia in ditione populi Romani est. In Italia Arpi recepti, Capua capta. Iter omne ab urbe Roma trepida fuga emensus Hannibal, in extremum angulum agri Bruttii compulsus, nihil jam majus precatur Deos, quam ut incolumi cedere atque abire ex hostium terra liceat. Quid igitur minus conveniat, milites, quam, quum aliae super alias clades cumularentur ac Dii prope ipsi cum Hannibale starent, vos hic cum parentibus meis (aequantur enim etiam honore nominis) sustinuisse labantem fortunam populi Romani; nunc eosdem, quia illic omnia secunda laetaeque sunt, animis deficere? Nuper quoque quae ad ciderunt, utinam tam sine meo luctu, quam vestro, transissent! Nunc Dii

inmor-

immortales imperii Romani praesides, qui centuriis omnibus, ut mihi imperium juberent dari, fuere auctores, iidem auguriis auspiciisque et per nocturnos etiam visus omnia laeta ac prospera portendunt. Animus quoque meus, maximus mihi ad hoc tempus vates, praesagit, nostram Hispaniam esse: brevi extorre hinc omne Punicum nomen maria terrasque foeda fuga impleturum. Quod mens sua sponte divinat, idem subjicit ratio haud fallax. Vexati ab iis socii nostram fidem per legatos, inplorant. Tres duces discrepantes, prope ut defecerint alii ab aliis, trifariam exercitum in diversissimas regiones distraxere. Eadem in illos ingruit fortuna, quae nuper nos adflixit. Nam et deseruntur ab sociis, ut prius ab Celtiberis nos, et diduxerunt exercitus; quae patri patruoque meo causa exitii fuit. Nec discordia intestina coire eos in unum sinet, neque singuli nobis resistere poterunt. Vos modo, milites, favete nomini Scipionum, soboli imperatorum vestrorum, velut adcisis recrescenti stirpibus. Agite, milites veteres, novum exercitum novumque ducem traducite Iberum, traducite in terras cum multis fortibus factis saepe a vobis peragratas. Brevi faciam, ut, quemadmodum nunc noscitis in me patris patruique similitudinem oris vultusque et lineamenta corporis, ita ingenii, fidei virtutisque ad exemplum expressam effigiem vobis reddam, ut revixisse aut renatum sibi quisque Scipionem imperatorem dicat.

XLII. Hac oratione adensis militum animis, relicto ad praesidium regionis ejus M. Silano cum tribus millibus peditum et trecentis equitibus, ceteras omnes copias (erant autem viginti quinque millia peditum, duo millia et quingenti equites) Iberum trajecit. Ibi qui-

quibusdam suadentibus, ut, quoniam in tres tam diversas regiones discessissent Punici exercitus, proximum adgrederetur; periculum esse ratus, ne eo facto in unum omnes contraheret, nec par esset unus tot exercitibus, Carthaginem Novam interim obpugnare statuit; urbem quum ipsam opulentam suis opibus, tum hostium, omni bellico adparatu plenam; (ibi arma, ibi pecunia; ibi totius Hispaniae obsides erant) sitam praeterea quum obportune ad trajiciendum in Africam, tum super portum satis amplum quantaevs classi, et nescio an unum in Hispaniae ora, qua nostro adjacet mari. Nemo omnium, quo iretur, sciebat, praeter C. Laelium. Is, classe circummissus, ita moderari cursum navium jussus erat, ut eodem tempore exercitus ostenderetur, et classis portum intraret. Septimo die ab Ibero Carthaginem ventum est simul terra marique. Castra ab regione urbis, qua in septemtrionem versa est, posita: his ab tergo (nam frons natura tuta erat) vallum objectum. Ceterum sita Carthago sic est. Sinus est maris media fere Hispaniae ora, maxime Africo vento obpositus, et quingentos passus introrsus retractus, paululo plus passuum in latitudinem patens. Hujus in ostio sinus parva insula objecta ab alto portum ab omnibus ventis, praeterquam Africo, tutum facit. Ab intimo sinu peninsula excurrit, tumultus is ipse, in quo condita urbs est, ab ortu solis et a meridie cincta mari: ab occasu stagnum claudit, paulum et ad septemtrionem fusum; incertae altitudinis, utrumque axaestuatur aut deficit mare. Continenti urbem jugum ducentes fere et quinquaginta passus patens conjungit. Vnde quum tam parvi operis munitio esset, non objecit vallum imperator Romanus: seu fiduciam ho-

si superbe ostentans, sive ut subeunti saepe ad moenia urbis recursus pateret.

XLIII. Cetera, quae munienda erant, quum perfecisset, naves etiam in portu, velut maritimam quoque ostentans obsidionem, instruxit; circumvectusque classem, quum monuisset praefectos navium, ut vigilias nocturnas intenti servarent, omnia ubique primo obsessum hostem conari; regressus in castra, ut consilii sui rationem, quod ab urbe potissimum obpugnanda bellum orsus esset, militibus ostenderet et spem potiundae cohortando faceret, concione advocata ita disseruit: *Ad urbem unam obpugnandum si quis vos adductos credit, is magis operis vestri, quam emolumentum rationem exuctam, milites, habet. Obpugnabitur enim vere moenia unius urbis, sed in una urbe universam ceperitis Hispaniam. Hic sunt obsides omnium nobilium regum populorumque: qui, simul in potestate vestra erunt, ex templo omnia, quae nunc sub Carthaginensibus sunt, in ditionem tradent. Hic pecunia omnis hostium, sine qua neque illi gerere bellum possunt, quippe qui mercenarios exercitus alant, et quae nobis maximo usui ad conciliandos animos barbarorum erit. Hic tormenta, arma, armamenta et omnis adparatus belli est, qui simul et vos instruet, et hostes nudabit. Potiemur praeterea quum pulcerrima opulentissimaque urbe, tum obportunissima portu egregio, unde terra marique, quae belli usus poscunt, subpeditentur. Quae quum magna ipsi habebimus, tum demserimus hostibus multo maiora. Haec illis arx, hoc horreum, aerarium, armamentarium, hoc omnium rerum receptaculum est. Hinc rectus in Africam cursus est: haec una inter Pyrenaeum et Gades statio: hinc omni Hispaniae imminet Africa. Sed, quoniam vos instru-*

structos et ordinatos cognosco, ad Carthaginem novam obpugnandam totis viribus et bono animo transeamus. Quumque omnes una voce, *hoc faciendum*, subclamarent, eos Carthaginem duxit. Tum terra marique eam obpugnari jubet.

XLIV. Contra Mago Poenorum dux, quum terra marique instrui obpugnationem videret, et ipse copias ita disponit. Oppidanorum duo millia ab ea parte, qua castra Romana erant, obponit: quingentis militibus arcem infedit: quingentos tumulo urbis in orientem verso inponit: multitudinem aliam, quo clamor, quo subita vocasset res, intentam ad omnia obcurrere jubet. Patefacta deinde porta, eos, quos in via ferente ad castra hostium instruxerat, mittit. Romani, duce ipso praecipiente, parumper cessere, ut propiores subsidii in certamine ipso submittendis essent. Et primo haud inpari stare acie: subsidia deinde, idemtidem submissa e castris, non averterunt solum in fugam hostes, sed adeo effusis institerunt, ut, nisi receptui cecinisset, permixti fugientibus inrupturi fuisse in urbem viderentur. Trepidatio vero non in proelio major, quam tota urbe fuit. Multae stationes pavore atque fuga desertae sunt, relictique muri, quum, qua cuique erat proximum, desiluissent. Quod ubi egressus Scipio in tumultum, quem Mercurii vocant, animadvertit, multis partibus nudata defensoribus moenia esse; omnes castris excitos ire ad obpugnandam urbem et ferre scalas jubet. Ipse, triumphum prae se juvenum validorum scutis obpositis, (ingens enim jam vis omnis generis telorum e muris volabat) ad urbem subcedit, hortatur, imperat, quae in rem sunt; quodque plurimum ad accendendos militum animos inter-

E e 2

erat,

erat, testis spectatorque virtutis atque ignaviae cujusque adest. Itaque in vulnera ac tela ruunt; neque illos muri, neque superstantes armati arcere queunt, quin certatim adscendant. Et ab navibus eodem tempore ea, quae mari adluitur, pars urbis obpugnari coepta est. Ceterum tumultus inde major, quam vis, adhiberi poterat. Dum adplicant, dum partim exponunt scalas militesque, dum, qua cuique proximum est, in terram evadere properant, ipsa festinatione et certamine alii alios inpediunt.

XLV. Inter haec repleverat jam Poenus armatis muros, et vis magna, ex ingenti copia congesta, telorum subpeditabat. Sed neque vis, nec tela, nec quidquam aliud aequae, quam moenia ipsa sese, defendebant. Rarae enim scalae altitudini aequari poterant, et, quo quaeque altiores, eo infirmiores erant. Itaque, quum summus quisque evadere non posset, subirent tamen alii, onere ipso frangebantur. Quidam, stantibus scalis, quum altitudo caliginem oculis obfudisset, ad terram delati sunt. Et quum passim homines scalaeque ruerent, et ipso subcessu audacia atque alacritas hostium cresceret, signum receptui datum est: quod spem non praesentis modo ab tanto certamine ac labore quietis obsessis, sed etiam in posterum dedit, scalis et corona capi urbem non posse. Opera et difficilia esse, et tempus datura, ad ferendam opem, imperatoribus suis. Vix prior tumultus conticuerat, quum Scipio ab obsessis jam vulneratisque recentes integrosque alios adcipere scalas jubet, et vi majore adgredi urbem. Ipse, ut ei nuntiatum est, aestum decedere, quod per pisces Tarraconenses, nunc levibus cymbis, nunc, ubi eae fiderent, vadis pervagatos stagnum,

num, compertum habebat, facilem pedibus ad murum transitum dari, eo secum armatos duxit. Medium ferme diei erat; et ad id, quod sua sponte cedente in mare aestu trahebatur aqua, acer etiam septemtrio ortus inclinatum stagnum eodem, quo aestus, ferebat, et adeo nudaverat vada, ut alibi umbilico tenuis aqua esset, alibi genua vix superaret. Hoc, cura ac ratione compertum, in prodigium ac Deos vertens Scipio, qui ad transitum Romanis mare verterent et stagno auferrent, viasque antequam initas humano vestigio aperirent, Neptunum jubebat ducem itineris sequi, ac medio stagno evadere ad moenia.

XLVI. Ab terra ingens labor subcedentibus erat; nec altitudine tantum moenium impediabantur, sed quod euntes ad ancipites utrimque ictus subjectos habebant Romanos; ut latera infestiora subeuntibus, quam adversa corpora, essent. At parte in alia quingentis et per stagnum facilis transitus, et in murum adscensus inde fuit. Nam neque opere emunitus erat, ut ubi ipsius loci ac stagni praesidio satis creditum foret; nec ulla armatorum statio aut eustodia obposita, intentis omnibus ad opem [eo] ferendam, unde periculum ostendebatur. Vbi urbem sine certamine intravere, pergunt inde, quanto maximo cursu poterant, ad eam portam, circa quam omne contractum certamen erat. In quod adeo intenti omnium non animi solum fuere, sed etiam oculi auresque pugnantium spectantiumque et adhortantium pugnantes, ut nemo ante ab tergo senserit captam urbem, quam tela in aversos inciderunt, et utrimque ancipitem hostem habebant. Tunc, turbatis defensoribus metu, et moenia capta, et porta intus forisque pariter refringi coepta; et mox caedendo confecta

E e 5

ctia

btis ac distractis, ne iter inpediretur, foribus, armati inpetum fecerunt. Magna multitudo et muros transcendebat; sed hi passim ad caedem oppidanorum versi. Illa, quae portam ingressa erat, iusta acies, cum ducibus, cum ordinibus, media urbe in forum processit. Inde quum duobus itineribus fugientes videret hostes, alios ad tumulum in orientem versum, qui tenebatur quingentorum militum praesidio, alios in arcem, in quam et ipse Mago cum omnibus fere armatis, qui muris pulsati fuerant, refugerat; partim copiarum ad tumulum expugnandum mittit, partim ipse ad arcem ducit. Et tumulus primo inpetu est captus, et Mago, arcem conatus defendere, quum omnia hostium plena videret, neque spem ullam esse, se arcemque et praesidium dedit. Quoad dedita arx est, caedes tota urbe passim factae; nec ulli puberum, qui obviis fuit, parcebatur. Tum, signo dato, caedibus finis factus. Ad praedam victores versi, quae ingens omnis generis fuit.

XLVII. Liberorum capitum virile secus ad decem millia capta. Inde, qui cives Novae Carthagini erant, dimisit; urbemque et sua omnia, quae reliqua eis bellum fecerat, restituit. Opifices ad duo millia hominum erant: eos publicos fore populi Romani edixit, cum spe propinqua libertatis, si ad ministeria belli ense operam navassent. Ceteram multitudinem incolarum juvenum ac validorum fervorum in classem ad subplementum remigum dedit. Et auxerat navibus octo captivis classem. Extra hanc multitudinem Hispanorum obsides erant; quorum perinde, ac si sociorum liberi essent, cura habita. Captus et adparatus ingens belli; catapultae maximae formae centum viginti, minores ducentae octo.

octoginta et una: ballistae majores viginti tres, minores quinquaginta duae: scorpionum majorum minorumque et armorum telorumque ingens numerus: signa militaria septuaginta quatuor. Et auri argentique relata ad imperatorem magna vis: paterae aureae fuerunt ducentae septuaginta sex, libras ferme omnes pondo: argenti facti signatique decem et octo millia et trecenta pondo: vasorum argenteorum magnus numerus. Haec omnia C. Flaminio quaestori adpenſa adnumerataque sunt. Tritici quadraginta millia modium, hordei ducenta septuaginta. Naves onerariae sexaginta tres in portu expugnatae captaeque: quaedam cum suis oneribus, frumento, armis, aere praeterea ferroque et linteis et sparto et navali alia materia ad classem aedificandam: ut minimum omnium, inter tantas opes belli captas, Carthago ipsa fuerit.

XLVIII. Eo die Scipio; C. Laelio cum sociis navalibus urbem custodire jussu, ipse in castra legiones reduxit, fessosque milites omnibus uno die belli operibus (quippe qui et acie dimicassent, et capienda urbe tantum laboris periculique adissent, et capta, cum iis, qui in arcem confugerant, iniquo etiam loco pugnassent) curare corpora jussit. Postero die, militibus navalibusque sociis convocatis, primum Diis immortalibus laudesque et grates egit, qui se non urbis solum opulentissimae omnium in Hispania uno die compotem fecissent, sed ante eo congestissent omnis paene Africae atque Hispaniae opes; ut neque hostibus quidquam relinqueretur, et sibi ac suis omnia superessent. Militum deinde virtutem conlaudavit, quod eos non eruptio hostium, non altitudo moenium, non inexplorata stagni vada, non castellum in alto tumultu situm, non

Ee 4

mu-

munitissima arx deterruisset, quo minus trans-
 scenderent omnia perrumperentque. Itaque,
 quamquam omnibus omnia deberet, praeci-
 puum muralis coronae decus ejus esse, qui
 primus murum adscendisset. Profiteretur, qui
 se dignum eo duceret dono. Duo professi sunt,
 Q. Trebellius centurio legionis quartae et Sex.
 Digitius socius navalis; nec ipsi tam inter se
 acriter contendebant, quam studia excitaverant
 uterque sui corporis hominum. Sociis C. Lae-
 lius praefectus classis; legionariis M. Sempro-
 nius Tuditanus aderat. Ea contentio quum
 prope seditionem veperet, Scipio tres recupe-
 ratores quum se datarum pronuntiasset, qui,
 cognita causa testibusque auditis, judicarent,
 uter prior in oppidum transcendisset, C. Lae-
 lio et M. Sempronio, advocatis partis utrius-
 que, P. Cornelium Caudinum de medio adje-
 cit, eosque tres recuperatores confidere et cau-
 sam cognoscere jussit. Quum res eo majore
 ageretur certamine, quod amoti tantae digni-
 tatis non tam advocati, quam moderatores stu-
 diorum fuerant; C. Laelius, relicto consilio,
 ad tribunal ad Scipionem adcedit, eumque do-
 cet, *rem sine modo ac modestia agi, ac prope
 esse, ut manus inter se conserant. Ceterum,
 etiamsi vis absit, nihilominus detestabili exem-
 plo rem agi; quippe ubi fraude ac perjurio de-
 us petatur virtutis. Stare hinc legionarios
 milites, hinc classicos, per omnes Deos paratos
 jurare, magis quae velint, quam quae sciant,
 vera esse, et obstringere perjurio non se solum
 suumque caput, sed signa militaria et aquilas
 sacramentique religionem. Haec se ad eum de
 sententia P. Corneli et M. Sempronii deferre.*
 Scipio, conlaudato Laelio, ad concionem ad-
 vocavit, pronuntiavitque, *Se satis compertum
 habere, Q. Trebellium et Sex. Digitium pariter in*

in murum ascendisse; seque eos ambos virtutis causa coronis muralibus donare. Tum reliquos, prout cuique meritum virtusque erat, donavit. Ante omnes C. Laelium praefectum classis et omni genere laudis sibi ipse aequavit, et corona aurea ac triginta bubus donavit.

XLIX. Tum oblides civitatum Hispaniae vocari iussit: quorum quantus numerus fuerit, piget scribere, quippe quum alibi trecentos ferme, alibi septingentos viginti quinque fuisse inveniam. Aequae et alia inter auctores discrepant. Praesidium Punicum alius decem, alius septem, alius haud plus quam duum millium fuisse scribit. Capta alibi decem millia capitum, alibi supra quinque et viginti invenias. Scorpiones majores minoresque ad sexaginta captos scripserim, si auctorem Graecum sequar Silenum: si Valerium Antiatem, majorum scorpionum sex millia, minorum tredecim. Adeo nullus mentiendi modus est. Ne de ducibus quidem convenit. Plerique Laelium praefuisse classi; sunt, qui M. Junium Silanum dicant. Arinem praefuisse Punico praesidio deditumque Romanis, Antias Valerius; Magonem alii scriptores tradunt. Non de numero navium captarum, non de pondere auri atque argenti et redactae pecuniae, convenit. Si aliquibus adsentiri necesse est, media simillima veris sunt. Ceterum Scipio, vocatis obsidibus, primum universos bonum animum habere iussit. *Venisse eos in populi Romani potestatem, qui beneficio, quam metu, obligare homines malit, exterarumque gentes fide ac societate junctas habere, quam tristi subjectas servitio.* Deinde, adceptis nominibus civitatum, recensuit captivos, quot cujusque populi essent; et nuntios domum misit, ut ad suos quisque recipiendos veniret. *Si*

quarum forte civitatum legati aderant, eis praesentibus suos restituit; ceterorum curam benigne tuendorum C. Flaminio quaestori adtribuit. Inter haec e media turba obsidum mulier magno natu, Mandonii uxor, qui frater Indibilis, Ilergetum reguli erat, flens ad pedes imperatoris procubuit, obtestarique coepit, ut curam cultumque feminarum impensius custodibus commendaret. Quum Scipio, *nihil profecto defuturum*, diceret; tum rursus mulier, *Haud magni ista facimus*, inquit: *quid enim huic fortunae non satis est? Alia me cura, aetatem harum intuentem, (nam ipsa jam extra periculum injuriae muliebris sum) stimulat.* Aetate ac forma florentes circa erant Indibilis filiae aliaeque nobilitate pari, quae omnes eam pro parente colebant. Tum Scipio, *Meae populiue Romani disciplinae causa facerem*, inquit, *ne quid, quod sanctum usquam esset, apud nos violaretur.* Nunc, *ut id curem impensius, vestra quoque virtus dignitasque facit, quae ne in malis quidem oblitae decoris matronalis estis.* Spectatae deinde integritatis viro tradidit eas, tuerique haud secus verecunde ac modeste, quam hospitum conjuges ac matres, iussit.

L. Captiva deinde a militibus adducitur ad eum adulta virgo, adeo eximia forma, ut, quacumque incedebat, converteret omnium oculos. Scipio, percunctatus patriam parentesque, inter cetera adcepit, desponsam eam principi Celtiberorum adolescenti: Allucio nomen erat. Extemplo igitur parentibus sponseque ab domo adcitis, quam interim audiret, deperire eum sponsae amore, ubi primum venit, adcuratiore eum sermone, quam parentes, adloquitur. *Juvenis*, inquit, *juvenem adpello, quo minor sit inter nos hujus sermonis verecundia.* Ego, quum sponsa tua capta
a mi-

a militibus nostris ad me ducta esset, audiremque, eam tibi cordi esse, et forma faceret fidem, quia ipse, si frui liceret ludo aetatis, (praesertim recto et legitimo amore) et non res publica animum nostrum occupasset, veniam mihi dari sponsam inpensius amanti vellem; tuo, cujus possum, amori faveo. Fuit sponsa tua apud me eadem, quae apud soceros tuos parentesque suos, veretundia: servata tibi est, ut inviolatum et dignum me deque dari tibi donum posset. Hanc mercedem unam pro eo munere paciscor: amicus populo Romano sis. Et, si me virum bonum credis esse, quales patrem patruumque meum jam ante hae gentes norant, scitis multos nostri similes in civitate Romana esse; nec ullum in terris populum hodie dici posse, quem minus tibi hostem tuisque esse velis, aut amicum malis. Adolescens, simul pudore et gaudio perfusus, dextram Scipionis tenens, Deos omnes invocare ad gratiam illi pro se referendam, quoniam sibi nequaquam satis facultatis, pro suo animo atque illius erga se merito, esset. Parentes inde cognatique virginis adpellati. Qui, quoniam gratis sibi redderetur virgo, ad quam redimendam satis magnum adtulissent auri pondus, orare Scipionem, ut id ab se donum acciperet, coeperunt; haud minorem ejus rei apud se gratiam futuram esse, adfirmantes, quam redditae inviolatae foret virginis. Scipio, quando tanto opere peterent, adcepturum se pollicitus, poni ante pedes jussit, vocatoque ad se Allucio, Super dotem, inquit, quam adcepturus a socero es, haec tibi a me dotalia dona adcedent; aurumque tollere ac sibi habere jussit. His laetus donis honoribusque dimissus domum inplevit populares laudibus meritis Scipionis: Venisse Diis simillimum juvenem, vincentem omnia quum armis, tum benignitate

ac beneficiis. Itaque, delectu clientium habito, cum delectis mille et quadringentis equitibus intra paucos dies ad Scipionem revertit.

LI. Scipio retentum secum Laelium, dum captivos oblidesque et praedam ex consilio ejus disposeret, satis omnibus compositis, data quinquere, captivisque, Magone et quindecim fere senatoribus, qui simul cum eo capti erant, in navem inpositis, nuntium victoriae Romam mittit. Ipse paucos dies, quibus morari Carthagine statuerat, exercendis navali-
bus pedestribusque copiis absumsit. Primo die legiones in armis quatuor millium spatio decurrerunt: secundo die arma curare et tergere ante tentoria jussit: tertio die rudibus inter se in modum justae pugnae concurrerunt, praepilatisque missilibus jaculati sunt: quarto die quies data: quinto iterum in armis decursum est. Hunc ordinem laboris quietisque, quoad Carthagine morati sunt, servarunt. Remigium classisque milites, tranquillo in altum eVecti, agilitatem navium simulacris navalis pugnae experiebantur. Haec extra urbem terra marique corpora simul animosque ad bellum acuebant. Urbs ipsa strepebat adparatu belli, fabris omnium generum in publica officina inclusis. Dux cuncta pari cura obibat. Nunc in classe ac navali erat: nunc cum legionibus decurrebat; nunc operibus adspiciendis tempus dabat, quaeque in officinis, quaeque in armamentario ac navalibus fabrorum multitudo plurima in singulos dies certamine ingenti faciebat. His ita inchoatis, reffectisque, qua quassi erant, muris, dispositisque praefidiis ad custodiam urbis, Tarraconem est profectus, a multis legationibus protenus in via aditus. Quas partim dato responso ex itinere dimisit, partim distulit Tarraconem, quo
omni-

omnibus novis veteribusque sociis edixerat conventum. Et cuncti fere, qui cis Iberum incolunt, populi, multi etiam ulterioris provinciae convenerunt. Carthaginiensium duces primo ex industria famam captae Carthaginiis compresserunt: deinde, ut elarior res erat, quam ut tegi ac dissimulari posset, elevabant verbis. *Necopinato adventu ac prope furto unius diei urbem unam Hispaniae interceptam. Cujus rei tam parvae praemio elatum insolentem juvenem inmodico gaudio speciem magnae victoriae inposuisse. At, ubi adpropinquare tres duces, tres victores hostium exercitus audisset, obcursum ei extemplo domesticorum funerum memoriam.* Haec in vulgus jactabant, haudquaquam ipsi ignari, quantum sibi ad omnia virium, Carthagine amissa, decessisset.

T. LIVII PATAVINI LIBER XXVII.

BREVIARIUM.

CAP. I. *Marcellus consul tria Samnii oppida capit: at Cn. Fulvius Centumalus ad Herdoneam, ut biennio ante Cn. Fulvius Flaccus praetor, ab Hannibale devincitur. 2. Quam Poeno laetitiam brevem faciunt secunda Marcelli cum eo proelia ad Numistrum in Lucanis et ad Venu-*

Venusiam in Apulia. 3. Conjunctio Capuae a Blostis aliisque facta obprimitur: et Atellani Calatiam traducuntur, Nucerini Atellam. 4. Legati a Syphace Romam et a Romanis Alexandriam ad Ptolemaeum Cleopatramque reges mittuntur ad petendam renovandamque amicitiam. Multa nuntiantur prodigia. 5. Comitiorum habendorum causa M. Valerius Laevinus consul ex Sicilia revocatur, sed, quia ob trepidos nuntios ex Africa adlatos in provinciam extemplo redire jubetur, eo invito et ex plebiscito a Marcello dictator dicitur Q. Fulvius Flaccus. 6. Idem Fulvius, tribunis nequidquam intercedentibus, et Q. Fabius Maximus creantur consules. Classis Punica, in Sardiniam trajecta, cum praeda omnis generis in Africam redit. Sacerdotes aliquot Romae mortui et alter censorum. Ludi Romani et plebei. 7. C. Laelius, P. Scipionis legatus, Romam venit, Patresque certiores facit de rebus in Hispania gestis et de Hasdrubalis transitu in Italiam. Provinciae et imperia exercituum partita. 8. Primus ex plebe creatur curio maximus, et C. Valerius Flaccus flamen Dialis tum invitus inauguratur, tum jus priscum in senatum veniendi usurpat. Legiones in Italia subpletae, et praefidia Siciliae partim minuta, partim aucta. 9. Legati XII coloniarum in Latio Romam missi negant esse, unde milites pecuniamque dent. 10. Reliquarum XVIII coloniarum legatis citatis et milites ex formula paratos subsidiumque omne pollicentibus gratiae aguntur; illis nihil respondetur. Aurum promittitur vicesimarium, quod in sanctiore aerario ad ultimos casus servatur. 11. Prodigia procurata. Senatus principisque ejus lectio et notae censoriae.

12. Consules ad bellum proficiscuntur; et Marcellus ad Canusium bis cum Hannibale, Mar-

Marte primum aequo et postero die adversa fortuna, pugnat. 13. Milites, acerbe ab eo increpiti ignominiaque notati, orant, ut iterum educantur in aciem, 14. et egregiam, nec tamen incruentam, ab hoste victoriam reportant. 15. Fulvio se dedunt Hirpini, Lucani et Volcentes. Fabius, Manduria in Sallentinis vi capta, Tarentam obsidet; quam prodit ei praefectus praesidii, captus amore mulierculae, cujus frater est in exercitu Fabiano. 16. Ab caede ad diripiendam urbem discurretur; et Hannibal frustra tum ad opem ferendam festinat, tum insidias, struit Fabio.

17. In Hispania multi populi ac principes, in his Edesco, Mandomius et Indibilis, ad Romanos deficiunt. 18. P. Scipio prope Baeculum vincit Hasdrubalen Hamilcaris filium. 19. Respuit nomen regium, quo ab Hispanis, quos captos deditosque sine pretio omnes dimittit domum, ingenti consensu salutatur; et ex Afris captivis vendi iussis Massivam, adultum regii generis puerum, Masinissae avunculo cum donis remittit. 20. Duces Poenorum in Hispania consilio de bello habito decernunt, ut Hasdrubal Hamilcaris filius in Italiam, Hasdrubal Gisgonis in Lusitaniam, Mago ad conducendam mercede auxilia in Baliares, et Masinissa cum equitibus in citeriorem Hispaniam abeat. Scipio Tarentum, Marcellus vero et Fulvius, hic comitiorum causa, ille ad deprecandam ignominiam rogationemque C. Publicii Bibuli, trib. pl. de imperio ejus abrogando, Romam redeunt.

21. M. Claudius Marcellus V. et T. Quinctius Crispinus consules creantur. Comititia praetoria. Defectio Etruriae obpressa. Ludi Romani et plebeji. Aediles. 22. Provinciae et XXI legiones divisae. 23. Prodigia. Ludi Apol-

*Apollinares, in perpetuum in flatam diem voti pestilentiae causa. 24. Ob metum Etrusci tumultus Arretio obsides, senatorum liberi, deducuntur Romam, ibique legio relinquitur in praefidio. 25. De Tarentinis et M. Livio, praefecto arcis magna contentione in senatu agitur coram Fabio. Aedes Honoris et Virtutis. Consules copias conjungunt in Apulia, Inter Venu-
 sian Bantiamque, quo et Hannibal redit. 26. Ipsi cum paucis equitibus exploratum eunt tumulum inter Punica et Romana castra. 27. Praecipitant in insidias, et Marcellus perit, Crispinus, graviter saucius, cum perpauca ef-
 fugit. 28. Hannibal frustra utitur annulo Marcelli in fraudem Salapitanorum, et adven-
 tu suo Locrorum obsidionem solvit. 29. Crispi-
 nus Capuam et inde Tarentum proficiscitur, et M. Marcellus patris exercitum Venusiam abdu-
 cit. M. Valerius cum classe G navium ex Sici-
 lia in Africam transmittit, agrumque Clupeen-
 sem latevaslat. 30. Philippus in Graecia Achaeis
 adversus Aetolos horumque socios, Machani-
 dam, Attalum et Romanos, auxilium fert, et
 a concilio frustra Aegii de pace habito Argos
 redit, ubi curatio Heraeorum Nemeorumque ad-
 eum delata erat, quia se Macedonum reges ex
 ea civitate oriundos referunt. 31. Romanos,
 duce P. Sulpicio agrum inter Sicyonem et Co-
 rinthum effuso vastantes, compellit in naves, et
 ingenti inde gaudio, sed et foedae libidini in-
 dulget. 32. Paulo post a Sulpicio Aetolisque
 ad Elim vincitur, et Macedoniam, ab Eropo
 et Dardanis infestam, repetit. 33. Achaei
 cum Aetolis Eleisque haud procul Messene pro-
 speram faciunt pugnam, et Attalus Sulpicius-
 que Aeginae hibernant. Crispinus ex vulnere
 moritur, dicto ante comitiorum ludorumque
 magno-*

magnorum faciendorum causa dictatore T. Manlio Torquato.

34. Cum C. Claudio Nerone invitatus consul creatur M. Livius Salinator, multis ante annis ex consulatu populi judicio damnatus et semper inde memor ignominiae adceptae. 35. Praetorum comitia. L. Manlius trans mare legatus it in Graeciam. Consules in conlegio ponunt veteres inimicitias, et diversae iis decernuntur provinciae extremis Italiae finibus, Neroni adversus Hannibalem Bruttii et Lucani, Livio Gallia adversus Hasdrubalem, jam Alpibus adpropinquantem. 36. Sacerdotes creati. Lustrum conditum, et numerus civium (137108) aliquanto minor, quam ante Pun. bellum Comitium tectum. Ludi Romani plebeisque. Provinciae divisae et per eas XXIII legiones. 37. Prædigia eorumque procuratio. 38. Ob inopiam juventutis majoremque belliterrorem coloni etiam maritimi, qui sacrosanctam vacationem dicebantur habere, et volones scribuntur milites. 39. Hasdrubal sua et aliorum spe oclerius transit Alpes, sed tempus perdit obpugnatione Placentiae. 40. Homines auxilii curis digredientes in provincias consules prosequuntur. Hannibal e Sallentinis in Bruttios repellitur a C. Hostilio Tubulo et Q. Claudio. 41. Vincitur a Nerone cons. ad Grumentum in Lucanis, 42. et iterum in Apulia haud procul Venusia. 43. Hasdrubalis litterae fratri scriptae intercipiuntur a Romanis, iisque lectis Nero robur exercitus sui clam hoste et quam primum ad conlegam ducere statuit. 44. Maxima hinc Romae trepidatio, variaque hominum judicia de tam audaci conatu consulis. 45. Is in itinere denuum militibus detegit consilium suum, et, qua eos ducit, ex agris et urbibus, quaecumque ipsis jumentisque usui esse possunt,

T. Liv. P. II.

ff

in

in viam deferuntur. 46. Nocte clam ingreditur castra conlegae, ad Senam Metaurumque fl. posita, quibus et L. Porcius Licinus praetor sua iungit; et Nerone auctore confestim signum pugnae proponitur. 47. Hasdrubal vero, suspicatus, duos adesse consules, et variis anxius curis, detrectat proelium, castraque movet vigilia prima; sed desertus a fraudulentis viae ducibus per tortuosi amnis flexus haud multum procedit. 48. 49. Atrox conferitur pugna, in qua ipse cedit, et LVI millia Poenorum, VIII Romanorum occiduntur. 50. Celerrimus Neronis, ad stativa sua reditus, habitusque animorum, quem Romae incerta primum expectatio eventus et prima deinde victoriae fama effecit. 51. Publica laetitia et subplicatio post adventum legatorum, a consulibus missarum. Nero caput Hasdrubalis projici ante stationes hostium captivosque quosdam ire ad fratrem ejus jubet. Hannibal, aduascere se fortunam Carthagini, fertur dixisse, omniaque auxilia, latius diffusa, in Bruttium agrum, extremum Italiae angulum, contrahit.

I. Hic status rerum Hispaniae erat. In Italia consul Marcellus, Salapia per prodicionem recepta, Maroneam et Meles de Samnitibus vi cepit. Ad tria millia militum ibi Hannibalis, quae praesidii causa relicta erant, obpressa. Praeda (et aliquantum ejus fuit) militi concessa. Tritici quoque ducenta quadraginta millia modium, et centum decem millia hordei inventa. Ceterum nequaquam inde tantum gaudium fuit, quanta clades intra pau-

cos

cos dies adcepta est, haud procul ab Herdonea urbe. Castra ibi Cn. Fulvius proconsul habebat, spe recipiendae Herdoneae, quas post Cannensem cladem ab Romanis defecerat, nec loco satis tuto posita, nec praesidiis firmata. Neglegentiam insitam ingenio ducis augebat spes ea, quod labare iis adversus Poenum fidem senserat, postquam, Salapia amissa, excessisse his locis in Bruttios Hannibalem auditum est. Ea omnia, ab Herdonea, per obcultos nuntios delata Hannibali, simul curam sociae retinendae urbis, et spem fecere incautum hostem adgrediendi. Exercitu expedito, ita, ut famam prope praeveniret, magnis itineribus ad Herdoneam contendit, et, quo plus terroris hosti objiceret, acie instructa adcessit. Par audacia Romanus, consilio et viribus inpar, copiis raptim eductis, conflixit. Quinta legio et sinistra ala acriter pugnam inierunt. Ceterum Hannibal, signo equitibus dato, ut, quum pedestres acies occupassent praesenti certamine oculos animosque, circumvecti, pars castra hostium, pars terga trepidantium invaderent, ipse in Fulvii similitudinem nominis, quod Cn. Fulvium praetorem biennio ante in eisdem devicerat locis, increpans, similem eventum pugnae fore adfirmabat. Neque ea spes vana fuit. Nam quum cominus acie et peditum certamine multi cecidissent Romanorum, starent tamen ordines signaque, equestris a tergo tumultus, simul a castris clamor hostilis auditus, sextam ante legionem, quae, in secunda acie posita, prior ab Numidis turbata est; quintam deinde atque eos, qui ad prima signa erant, avertit. Pars in fugam effusa, pars in medio caesi: ubi et ipse Cn. Fulvius cum undecim tribunis militum cecidit. Romanorum sociorumque quot caesa in proelio

Ff 2 mil-

millia sint, quis pro certo adfirmet? quum tredecim millia alibi, alibi haud plus, quam septem, inveniam. Castris praedaeque victor potitur. Herdoneam, quia et defecturam fuisse ad Romanos comperit, nec mansuram in fide, si inde abscessisset, multitudine omni Metapontum ac Therios traducta, incendit: occidit principes, qui cum Fulvio colloquia obculta habuisse comperti sunt. Romani, qui ex tanta clade evaserant, diversis itineribus semerme ad Marcellum consulem in Samnium perfugerunt.

II. Marcellus, nihil admodum tanta clade territus, literas Romam ad senatum de duce et exercitu ad Herdoneam amisso scribit. *Ceterum eundem se, qui post Cannensem pugnam ferocem victoria Hannibalem contuditset, ire adversus eum, brevem illi laetitiam, qua exsultet, facturum.* Et Romae quidem quum laetus ingens ex praeterito, tum timor in futurum erat. Consul, ex Samnio in Lucanos transgressus, ad Numistronem in conspectu Hannibalis loco plano, quum Poenus collem teneret, posuit castra. Addidit et aliam fidentis speciem, quod prior in aciem eduxit. Nec detrectavit Hannibal, ut signa portis efferrividerit. Ita tamen aciem instruxerunt, ut Poenus dextrum cornu in collem erigeret, Romani sinistrum ad oppidum applicarent. Ab hora tertia quum ad noctem pugnam extendissent, fessaeque pugnando primae acies essent, ab Romanis prima legio et dextera ala, ab Hannibale Hispani milites et funditor Baliares, elephanti quoque, commisso jam certamine, in proelium acti. Diu pugna neutro inclinata stetit. Primae legioni tertia, dexteræ alae sinistra subiit, et apud hostes integri a fessis pugnam adaeperere. Novum atque atrox proelium

lium ex tam legni repente exarsit, recentibus animis corporibusque: sed nox incerta victoria diremit pugnantes. Postero die Romani ab sole orto in multum diei stetero in acie. Vbi nemo hostium adversus prodiit; spolia per otium legere, et congestos in unum locum cremare suos. Nocte insequenti Hannibal silentio movit castra, et in Apuliam abiit; Marcellus, ubi lax fugam hostium aperuit, sauciis cum praesidio modico Numistrone relictis praepositoque his L. Furio Purpureone tribuno militum, vestigiis institit sequi. Ad Venusiam adeptus eum est. Ibi per dies aliquot quum ab stationibus procurfaretur, mixta equitum peditumque tumultuosa magis proelia, quam magna, et ferme omnia Romanis secunda fuerunt. Inde per Apuliam ducti exercitus sine ullo memorando certamine; quum Hannibal nocte signa moveret, locum infidiis quaerens; Marcellus, nisi certa luce, et explorato ante, non sequeretur.

III. Capuae interim Flaccus dum bonis principum vendendis, agro, qui publicatus fuerat, locando (locavit autem omnem frumento) tempus terit; ne deesset materia in Campanos saeviendi, novum in obscuro gliscens per indicium protractum est facinus. Milites aedificiis emotos, simul ut cum agro tecta urbis fruenda locarentur, simul metuens, ne suum quoque exercitum, sicut Hannibalis, nimia urbis amoenitas emolliret, in portis murisque sibi met ipsos tecta militariter coegerat aedificare. Erant autem pleraque ex cratibus aut tabulis facta, alia arundine texta, stramento intacta omnia, velut de industria, alimentis ignis. Haec noctis una hora ut omnia incenderent, centum septuaginta Campani, principibus fratribus Blossiis, conjuraverant. Indi-

cio ejus rei ex familia Blofiorum facto, portis repente juffu proconfulis claufis, quum ad arma figno dato milites concurriffent; comprehenfi omnes, qui in noxa erant, et, quaefitione acriter habita, damnati necatique: indicibus libertas et aeris dena millia data. Nucerinof et Acerranos querentes, ubi habitarent, non effe, Acerris ex parte incenfis, Nuceria deleta, Romam Fulvius ad fenatum miffit. Acerranis permiffum, ut aedificarent, quae incenfa erant: Nucerini Atellam, quia id maluerant, (Atellanis Calatiam migrare juffis) traducti. Inter multas magnasque res, quae, nunc fecundae, nunc adverfae, occupabant cogitationes hominum, ne Tarentinae quidem arcis excidit memoria. M. Ogulnius et P. Aquillius in Etruriam legati ad frumentum coemendum, quod Tarentum portaretur, profecti; et mille milites de exercitu urbano, par numerus Romanorum fociorumque, eodem in praefidium cum frumento miffi funt.

IV. Jam aestas in exitu erat, comitiorumque confularium infabat tempus. Sed literae Marcelli, negantis e re publica effe, veftigium abfcedi ab Hannibale, cui cedenti certamenque abnuenti gravis ipfe infaret, curam injecerant, ne aut confulem, tum maxime res agentem, a bello avocarent, aut in annum confules deeffent. Optimum vifum effe, quamquam extra Italiam effet, Valerium potius confulem ex Sicilia revocari. Ad eum literae juffu fenatus ab L. Manlio praetore Urbis miffae cum literis confulis M. Marcelli; ut ex iis nosceret, quae caufa Patribus eum potius, quam conlegam, revocandi ex provincia effet. Eo fere tempore legati ab rege Syphace Romanam venerunt, quae is profpera proelia cum Carthaginienfibus feciffet, memorantes. *Regem*

gem nec inimiciorem ulli populo, quam Carthaginiensi, nec amiciorem, quam Romano, adfirmabant esse. Misisse eum antea legatos in Hispaniam ad Cn. et P. Cornelios, imperatores Romanos. Nunc ab ipso velut fonte petere Romanam amicitiam voluisse. Senatus non legatis modo benigne respondit, sed et ipse legatos cum donis ad regem misit, L. Genucium, P. Poetelium, P. Popillium. Dona tulere, togam et tunicam purpuream, sellam eburneam, pateram ex quinque pondó auri factam. Protenus et alios Africae regulos iussi adire. Lis quoque quae darentur, portata, togae praetextae et terna pondó paterae aureae. Et Alexandriam ad Ptolemæum Cleopatramque reges M. Atilius et M. Acilius legati, ad commemorandam renovandamque amicitiam missi, dona tulere, regi togam et tunicam purpuream cum sella eburnea, reginae pallam pictam cum amiculo purpureo. Multa ea aestate, qua haec facta sunt, ex propinquis urbibus agrisque nuntiata sunt prodigia; Tusculi agnum cum ubere lactenti natum; Jovis aedis culmen fulmine ictum ac propè omni tecto nudatum; iisdem ferme diebus Anagninae terram, ante portam ictam, diem ac noctem sine ullo ignis alimento arsisse; et aves, ad compitum Anagninum, in luco Dianae nidos in arboribus reliquisse; Tarracinae in mari haud procul portu angues magnitudinis mirae lascivientium piscium modo exultasse; Tarquiniiis porcum cum ore humano genitum; et in agro Capenate, ad lucum Feroniae, quatuor signa sanguine multo diem ac noctem sudasse. Haec prodigia hostiis majoribus procurata decreto pontificum, et supplicatio diem unum Romae ad omnia pulvinaria, alterum, in Capenate agro, ad Feroniae lucum, indicta.

V. M. Valerius consul literis excitus, provincia exercituque mandato Cincio praetori, M. Valerio Messalla praefecto classis cum parte navium in Africam praedatum simul peculatumque, quae populus Carthaginiensis ageret pararetque, misso, ipse decem navibus Romam profectus, quum prospere pervenisset, senatum extemplo habuit. Ibi de suis rebus gestis commemoravit. *Quum annos prope sexaginta in Sicilia terra marique saepe magnis cladibus bellatum esset, se eam provinciam confecisse. Neminem Carthaginiensem in Sicilia esse: neminem Siculum, qui metu inde fugati afuerint, non esse: omnes in urbes, in agros suos reductos, arare, serere: desertam recolitandam terram, frugiferam ipsis cultoribus, populoque Romano pace ac bello fidissimum annonae subsidium.* Exin Mutine, et si quorum aliorum merita erga populum Romanum erant, in senatum introductis, honores omnibus, ad exsolvendam fidem a consule, habiti. Mutines etiam civis Romanus factus, rogatione ab tribuno plebis, ex auctoritate Patrum, ad plebem lata. Dum haec Romae geruntur, M. Valerius Messalla quinquaginta navibus quum ante lucem ad Africam adcessisset, improvise in agrum Uticensem exsensionem fecit; eumque late depopulatus, multis mortalibus cum alia omnis generis praeda captis, ad nares rediit, atque in Siciliam transmisit; tertiodécimo die, quam profectus inde erat, Lilybaeum relictus. Ex captivis, quaestione habita, haec comperta, consulique Laevino omnia ordine perscripta, ut sciret, quo in statu res Africae essent: *Quinque millia Numidarum cum Massinissa, Galae filio, acerrimo juvene, Carthagine esse; et alios per totam Africam milites mercede conducti, qui in Hispaniam ad Hasdrubalem tra-*

trajicerentur, ut is, quam maximo exercitu primo quoque tempore in Italiam transgressus, jungeret se Hannibali. In eo positam victoriam credere Carthaginenses. Classem praeterea ingentem adparari ad Siciliam repetendam, eamque se credere brevi trajecturam. Haec recitata a consule ita movere senatum, ut non expectari a comitia consuli censerent, sed dictatorem comitiorum habendorum causa dici, et extemplo in provinciam redeundum. Illa disceptatio tenebat, quod consul in Sicilia se M. Valerium Messallam, qui tum classi praeesset, dictatorem dicturum esse aiebat: Patres extra Romanum agrum (eum autem in Italia terminari) negabant dictatorem dici posse. M. Lucretius tribunus plebis quum de ea re consuleret, ita decrevit senatus, *Vt consul prius, quam ab Vrbe discederet, populum rogaret, quem dictatorem dici placeret; eumque, quem populus jussisset, diceret dictatorem. Si consul nolisset, praetor populum rogaret: si ne is quidem vellet, tum tribuni ad plebem ferrent.* Quum consul se populum rogaturum negasset, quod suae potestatis esset, praetoremque vetuisset rogare; tribuni plebis rogarunt, plebesque coivit, ut Q. Fulvius, qui tum ad Capuam erat, dictator diceretur. Sed, quo die id plebis concilium futurum erat, consul clam nocte in Siciliam abiit; destitutique Patres literas ad M. Claudium mittendas censuerunt, ut desertae ab conlega rei publicae subveniret, diceretque, quem populus jussisset, dictatorem. Ita a M. Claudio consule Q. Fulvius dictator dictus, et ex eodem plebiscito et ab Q. Fulvio dictatore P. Licinius Crassus pontifex maximus magister equitum dictus.

VI. Dictator postquam Romam venit, Cn. Sempronium Blaesium legatum, quem ad Capuam,

quam habuerat, in Etruriam provinciam ad exercitum misit, in locum C. Calpurnii praetoris; quem, ut Capuae exercituique suo praeesset, literis excivit. Ipse comitia, in quem diem primum potuit, edixit; quae, certamine inter tribunos dictatoremque injecto, perfici non potuerunt. Galeria juniorum, quae sorte praerogativa erat, Q. Fulvium et Q. Fabium consules dixerat, eodemque jure vocatae inclinassent, nisi tribuni plebis C. et L. Arennii se interposuissent, qui, *neque magistratum continuari satis civile esse*, ajebant, *et multo foedioris exempli, eum ipsum creari, qui comitia haberet. Itaque, si suum nomen dictator adci-peret, se comitis intercessuros: si aliorum, praeterquam ipsius, ratio haberetur, comitiis se moram non facere.* Dictator causam comitiorum auctoritate senatus, plebiscito, exemplis tulabatur. Namque, *Ca. Servilio consule, quum C. Flaminius alter consul ad Trasimenum cecidisset, ex auctoritate Patrum ad plebem latum, plebemque scivisse, ut, quoad bellum in Italia esset, ex iis, qui consules fuissent, quos et quoties vellet, reficiendi consules populo jus esset; exemplumque eam in rem se habere vetus L. Postumii Megelli, qui interrex iis comitiis, quae ipse habuisset, consul cum C. Junio Bubulco creatus esset; reens Q. Fabii, qui sibi continuari consulatum, nisi id bono publico fieret, profecto numquam siviisset.* His orationibus quum diu certatum eilet, postremo ita inter dictatorem ac tribunos convenit, ut eo, quod censuisset senatus, staretur. Patribus id tempus rei publicae visum est, ut per veteres et expertos bellicae peritos imperatores res publica gereretur. Itaque moram fieri comitiis non placere. Concedentibus tribunis, comitia habita. Declarati consules Q. Fabius Maximus quintum,

tum, Q. Fulvius Flaccus quartum. Praetores inde creati, L. Veturius Philo, T. Quinctius Crispinus, C. Hostilius Tubulus, C. Aurrunculeus. Magistratibus in annum creatis, Q. Fulvius dictatura se abdicavit. Extremo aestatis hujus classis Punica navium quadraginta, cum praefecto Hamilcare in Sardiniam trajecta, Olbiensem primo, dein, postquam ibi P. Manlius Vulso praetor cum exercitu adparuit, circumacta inde ad alterum insulae latus, Caralitannum agrum vastavit, et cum praeda omnis generis in Africam rediit. Sacerdotes Romani eo anno mortui aliquot subfectique. C. Servilius Pontifex, factus in locum T. Otacilii Crassi. Ti. Sempronius Ti. F. Longus augur factus in locum T. Otacilii Crassi. Decemvir item sacris faciundis in locum Ti. Sempronii C. F. Longi Ti. Sempronius Ti. F. Longus subfectus. M. Marcius rex sacrorum mortuus est, et M. Aemilius Papus maximus curio. Neque in eorum locum sacerdotes eo anno subfecti. Et censores hic annus habuit L. Veturium Philonem et P. Licinium Crassum, maximum pontificem. Crassus Licinius nec consul, nec praetor ante fuerat, quam censor est factus. Ex aedilitate gradum ad censuram fecit. Sed hi censores neque senatum legērunt, nec quidquam publicae rei egerunt: mors diremit L. Veturii. Inde et Licinius censura se abdicavit. Aediles curules L. Veturius et P. Licinius Varus ludos Romanos diem unum instaurarunt. Aediles plebis Q. Catius et L. Porcius Licinus ex mulctalicio argento signa aenea ad Cereris dedere, et ludos, pro temporis ejus copia, magnifici adparatus fecerunt.

VII. Exitu anni hujus, die quarto et tricesimo, quam ab Tarracene profectus erat, C. Lae-

C. Laelius legatus Scipionis Romam venit; isque, cum agmine captivorum ingressus Urbem, magnum concursum hominum fecit. Postero die in senatum introductus, captam Carthaginem, caput Hispaniae, uno die, receptasque aliquot urbes, quae defecissent, novaeque in societatem adscitas, exposuit. Ex captivis comperta his fere congruentia, quae in literis fuerant M. Valerii Messallae. Maxime movit Patres Hasdrubalis transitus in Italiam, vix Hannibali atque ejus armis sustentem. Productus et in concionem Laelius eadem edisseruit. Senatus ob res feliciter a P. Scipione gestas subplicationem in unum diem decrevit. C. Laelium primo quoque tempore, cum quibus venerat navibus, redire in Hispaniam iussit. Carthaginis expugnationem in hunc annum contuli, multis auctoribus; haud nescius, quosdam esse, qui anno insequenti captam tradiderint: quod mihi minus simile veri visum est, annum integrum Scipionem nihil gerendo in Hispania consummasse. Q. Fabio Maximo quintum, Q. Fulvio Flacco quartum consulibus, Idibus Martiis, quo die magistratum inierunt, Italia ambobus provincia decreta; regionibus tamen partitum imperium: Fabius ad Tarentum, Fulvius in Lucanis ac Brutiis rem gereret. M. Claudio prorogatum in annum imperium. Praetores sortiti provincias: C. Hostilius Tubulus urbanam, L. Veturius Philo peregrinam cum Gallia, T. Quinctius Crispinus Capuam, C. Aurunculejus Sardiniam. Exercitus ita per provincias divisi. Fulvio duae legiones, quas in Sicilia M. Valerius Laevinus haberet: Q. Fabio, quibus in Etruria C. Calpurnius praefuisset, decretae. Exercitus urbanus ut in Etruriam subcederet: C. Calpurnius eidem praefectus provin-

vinciae exercituique; Capuam exercitumque, quem Q. Fulvius habuisset, T. Quinctius obtineret. C. Hostilius ab C. Laetorio praetore provinciam exercitumque, qui tum [jam] Arimini erat, acciperet. M. Marcello, qui consul bene rem gesserat, legiones decretae. M. Valerio cum L. Cincio (his quoque est enim prorogatum in Sicilia imperium) Cannensis exercitus datus; eumque subplere ex militibus, qui ex legionibus Cn. Fulvii superessent, iussi. Conquistos eos consules in Siciliam miserunt; additaeque eadem militiae ignominia, sub qua Cannenses militabant quippe ex praetoris Cn. Fulvii exercitu, ob similis iram fugae, missi eo ab senatu fuerant. C. Aurunculejo eadem in Sardinia legiones, quibus P. Manlius Vulso eam provinciam obtinuerat, decretae. P. Sulpicio, eadem legione eademque classe Macedoniam obtinere iusso, prorogatum in annum imperium. Triginta quinqueres ex Sicilia Tarentum ad Q. Fabium consulem mitti iussae: cetera classe praedatum in Africam aut ipsum M. Valerium Laevinum trajicere, aut mittere, seu L. Cincium, seu M. Valerium Messallam. Nec de Hispania quidquam mutatum, nisi quod non in annum Scipioni Silanoque, sed donec revocati ab senatu forent, prorogatum imperium est. Ita provinciae exercitumque in eum annum partita imperia.

VIII. Inter majorum rerum curas comitia maximi curionis, quum in locum M. Aemilii sacerdos crearetur, vetus excitaverunt certamen; patriciis negantibus C. Mamili Viti, qui unus ex plebe petebat, habendam rationem esse, quia nemo ante eum, nisi ex Patribus, id sacerdotium habuisset. Tribuni appellati ad senatum rejecerunt. Senatus populi pote-

potestatem fecit. Ita primus ex plebe creatus maximus curio C. Mamilius Vitulus. Et flaminem Dialem invitum inaugurari coegit P. Licinius pontifex maximus C. Valerium Flaccum. Decemvir sacris faciundis creatus in locum Q. Mucii Scaevolae demortui C. Laetorius. Causam inaugurari coacti flaminis libens reticuissem, ni ex mala fama in bonam vertisset. Ob adolescentiam negligentem luxuriosamque C. Flaccus flamen captus a P. Licinio pontifice maximo erat, L. Flacco fratri germano cognatisque aliis ob eadem vitia invisus. Is, ut animum ejus cura sacrorum et caeremoniarum cepit, ita repente exsinit antiquos mores, ut nemo tota juventute haberetur prior, nec probatior primoribus Patrum, suis pariter alienisque, esset. Hujus famae consensu elatus ad justam fiduciam sui, rem intermissam per multos annos ob indignitatem flaminum priorum repetivit, ut in senatum introiret. Ingressum eum curiam quum L. Licinius praetor inde eduxisset, tribunos plebis adpellavit flamen. Vetustum jus sacerdotii repetebat: datum id cum toga praetexta et sella curuli et flaminio esse. Praetor, non exoletis vetustate annalium exemplis stare jus, sed recentissimae cujusque consuetudinis usu, volebat: nec patrum, nec avorum memoria Dialem quinquam id jus usurpasse. Tribuni, rem inertia flaminum oblitteratam ipsis, non sacerdotio, damno fuisse, quum aequum censuissent, ne ipso quidem contra tendente praetore, magno adsensu Patrum plebisque, flaminem in senatum introduxerunt; omnibus ita existimantibus, magis sanctitate vitae, quam sacerdotii jure, rem eam flaminem obtinuisse. Consules prius, quam in provincias irent, duas urbanas legiones, in subplementum, quantum

tam opus erat ceteris exercitibus militum, scripserunt. Urbanum veterem exercitum Fulvius consul C. Fulvio Flacco legato (frater hic consulis erat) in Etruriam dedit ducendum, et legiones, quae in Etruria erant, Romanam deducendas. Et Fabius consul reliquias exercitus Fulviani conquistas (fuere autem ad tria millia trecenti triginta sex) Q. Maximum filium ducere in Siciliam ad M. Valerium proconsulem iussit, atque ab eo duas legiones et triginta quinqueremes accipere. Nihil haeceductae ex insula legiones minuerunt nec viribus nec specie ejus provinciae praesidium. Nam quum, praeter egregie subpletas duas veteres legiones, transfugarum etiam Numidarum equitum peditumque magnam vim haberet, Siculos quoque, qui in exercitu Epicydis aut Poenorum fuerant, belli peritos viros, milites scripsit. Ea externa auxilia quum singulis Romanis legionibus adjunxisset, duorum speciem exercituum servavit: altero L. Cincium partem insulae, qua regnum Hieronis fuerat, tueri iussit; altero ipse ceteram insulam tuebatur, divisam quondam Romani Punicique imperii finibus; classe quoque navium septuaginta partita, ut omni ambitu litorum praesidia orae maritimae essent. Ipse cum Mutinis equitatu provinciam peragrabat, ut videret agros cultaque ab incultis notaret, et perinde dominos laudaret castigaretque. Ita tantum ea cura frumenti provenit, ut et Romam mitteret, et Catanam conveheret, unde exercitui, qui ad Tarentum aetiva acturus esset, posset praebere.

IX. Ceterum transportati milites in Siciliam (et erant major pars Latini nominis sociorumque) prope magni motus causa fuere: adeo ex parvis saepe magnarum momenta rerum pen-

pendent. Fremitus enim inter Latinos socios-
 que in conciliis ortus: *Decimum annum delecti-*
bus, stipendiis exhaustos esse. Quotannis fer-
me clade magna pugnare. Alios in acie occidi,
alias morbo absumi: magis perire sibi civem,
qui ab Romano miles lectus sit, quam qui a Poe-
no captus. Quippe ab hoste gratis remitti in
patriam; ab Romanis extra Italiam in exsilium
verius, quam in militiam, ablegari. Octavum
jam ibi annum senescere Cannensem militem,
moriturum ante, quam Italia hostis (quippe
nunc quum maxime florens viribus) excedat. Si
veteres milites non redeant in patriam, novi le-
gantur, brevi neminem superfuturum. Itaque,
quod propediem res ipsa negatura sit, prius quam
ad ultimam solitudinem atque egestatem perve-
niant, negandum populo Romano esse. Si con-
sentientes in hoc socios videant Romani, profo-
cto de pace cum Carthaginensibus jungenda co-
gitaturos. Aliter numquam, vivo Hannibale,
sine bello Italiam fore. Haec acta in conciliis.
 Triginta tum coloniae populi Romani erant.
 Ex iis duodecim, quum omnium legationes
 Romae essent, negaverunt consulibus esse, un-
 de milites pecuniamque darent. Eae fuere Ar-
 dea, Nepes, Sutrium, Alba, Carseoli, Ca-
 ra, Suella, Circeji, Setia, Cales, Narnia,
 Interamna. Nova re consules icti, quum abs-
 terrere eos a tam detestabili consilio vellent,
 castigando increpandoque plus, quam leniter
 agendo, profecturos rati, eos ausos esse consu-
 libus dicere, ajebant, quod consules, in senatu
 ut pronuntiarent, in animum inducere non pos-
 sent. Non enim detrectationem eam munerum
 militiae, sed apertam defectionem a populo Ro-
 mano esse. Redirent itaque prope in colonias,
 et, tamquam integra re, loquuti magis, quam
 cussi, tantum nefas, cum suis consulerent. Ad-
 monit-

monerent, non Campanos, neque Tarentinos eos esse, sed Romanos; inde oriundos, inde in colonias atque in agrum bello captum stirpis augendae causa missos: quae liberi parentibus deberent, ea illos Romanis debere, si ulla pietas, si memoria antiquae patriae esset. Consularent igitur de integro. Nam, tum quidem quae temere agitassent, ea prodendi imperii Romani, tradendae Hannibali victoriae esse. Quum alterius haec consules diu jactassent, nihil moti legati, neque se, quod domum renuntiarent, habere, dixerunt, neque senatum suum, quid novi consuleret, ubi nec miles, qui legeretur, nec pecunia, quae daretur in stipendium, esset. Quum obstinatos eos viderent consules, rem ad senatum detulerunt. Vbi tantus pavor animis omnium est injectus, ut magna pars, actum de imperio, diceret. Idem alias colonias facturam, idem socios consensisse omnes, ad prodendam Hannibali urbem Romanam.

X. Consules hortari et consolari senatum, et dicere, *Alias colonias in fide atque officio pristino fore, eas quoque ipsas, quae officio decessissent, si legati circa eas colonias mittantur, qui castigent, non qui precentur, verecundiam imperii habituras esse.* Permissum ab senatu iis quum esset, agerent, [facerentque] ut e re publica ducerent; pertentatis prius aliarum coloniarum animis, citaverunt legatos, quae viveruntque ab iis, *ecquid milites ex formula paratos haberent?* Pro duodeviginti coloniis M. Sextilius Fregellanus respondit: *et milites ex formula paratos esse, et, si pluribus opus esset, plures daturus, et, quidquid aliud imperaret velletque populus Romanus, enise facturos.* Ad id sibi neque opes deesse, animum etiam superesse. Consules, sibi parum videri, praefati, pro merito eorum, sua voce conlaudari

eos, nisi universi Patres iis in curia gratias egissent, sequi in senatum iusserunt. Senatus, quam poterat honoratissimo decreto adloquutus eos, mandat consulibus, ut ad populum quoque eos producerent, et inter multa alia praeclara, quae ipsis maioribusque suis praestitissent, recens etiam meritum eorum in rem publicam commemorarent. Ne nunc quidem post tot saecula sileantur, fraudenturve laude sua. Signini tuere et Norbani Saticulanique et Brundisini et Fregellani et Lucerini et Venusini et Hadriani et Firmiani et Ariminenses, et ab altero mari Pontiani et Paestani et Cosaeni, et mediterranei Beneventani et Aesernini et Spoletini et Placentini et Cremonenses. Harum coloniarum subsidio tum imperium populi Romani stetit; iisque gratiae et in senatu, et ad populum actae. Duodecim aliarum coloniarum, quae detraxerunt imperium, mentionem fieri Patres vetuerunt, neque illos dimitti, neque retineri, neque appellari a consulibus. Ea tacita castigatio maxime ex dignitate populi Romani visa est. Cetera expedientibus, quae ad bellum opus erant, consulibus, aurum vicesimarium, quod in sanctiore aerario ad ultimos casus servabatur, promi placuit. Prompta ad quatuor millia pondo auri. Inde quingena pondo data consulibus et M. Marcellō et P. Sulpicio proconsulibus et L. Veturio praetori, qui Galliam provinciam sortitus erat; additumque Fabio consuli centum pondo auri praecipuum, quod in arcem Tarentinam portaretur. Cetero usi sunt ad vestimenta praesenti pecunia locanda exercitui, qui in Hispania bellum secunda sua fama ducisque gerebat.

XI. Prodigia quoque, prius quam ab Urbe consules profiscerentur, procurari placuit.

cuit. In Albano monte tacta de coelo erant signum Jovis arborque templo propinqua, et Ostiae lacus, et Capuae murus Fortunaeque aedes, et Sinuessae murus portaque. Haec de coelo tacta. Cruentam etiam fluxisse aquam Albanam, quidam auctores erant. Et Romae intus cellam aedis Fortis Fortunae de capite signum, quod in corona erat, in manus sponte sua prolapsum. Et Priverni satis constabat bovem loquutum, volturiumque frequenti foro in tabernam devolasse, et Sinuessae natum ambiguo inter marem ac feminam sexu infantem; quos androgynos vulgus (ut pleraque, faciliore ad duplicanda verba Graeco sermone) adpellat: et lacte pluuisse, et cum elephantis capite puerum natum. Ea prodigia hostiis majoribus procurata, et supplicatio circa omnia pulvinaria et obsecratio in unum diem indicta; et decretum, ut C. Hostilius praetor ludos Apollini, sicut his annis voti factique erant, voveret faceretque. Per eos dies et censoribus creandis Q. Fulvius consul comitia habuit. Creati censores, ambo qui nondum consules fuerant, M. Cornelius Cethegus, P. Sempronius Tuditanus. Hi censores ut agrum Campanum fruendum locarent, ex auctoritate Patrum latum in plebem est plebesque scivit. Senatus lectionem contentio inter censores de principe legendo tenuit. Sempronii lectio erat: ceterum Cornelius *morem traditum a patribus sequendum* agebat; ut, qui primus censor ex iis, qui viverent, fuisset, eum principemlegerent: is T. Manlius Torquatus erat. Sempronius, cui *Dii sortem legendi dedissent, ei ius liberum eosdem dedisse Deos. Se id suo arbitrio facturum, lecturumque Q. Fabium Maximum, quem tum principem Romanae civitatis esse, vel Hannibale iudice, victurus esset.* Quam diu

diu certatum verbis esset, concedente conlega, lectus a Sempronio princeps in senatu Q. Fabius Maximus consul: inde alius lectus senatus, octo praeteritis, inter quos L. Caecilius Metellus erat, infamis auctor deferendae Italiae post Cannensem cladem. In equestribus quoque notis eadem servata causa. Sed erant perpauci, quos ea infamia adtingeret. Illis omnibus (et multi erant) ademti equi, qui Cannensium legionum equites in Sicilia erant. Addiderunt acerbitati etiam tempus, ne praeterita stipendia procederent iis, quae equo publico emeruerant, sed dena stipendia equis privatis facerent. Magnum praeterea numerum eorum acquisiverunt, qui equo merere deberent, atque ex iis, qui principio ejus belli septemdecim annos nati fuerant, neque militaverant, omnes aerarios fecerunt. Locaverunt inde reficienda, quae circa forum incendio consumpta erant, septem tabernas, macellum, atrium regium.

XII. Transactis omnibus, quae Romae agenda erant, consules ad bellum profecti. Prior Fulvius praegressus Capuam. Post paucos dies consequutus Fabius; qui et conlegam coram obtestatus, et per literas Marcellum, ut quam acerrimo bello detinerent Hannibalem, dum ipse Tarentum obpugnaret: ea urbe adempta hosti jam undique pulso, nec ubi confisteret, nec quid fidum respiceret habenti, ne remorandi quidem causam in Italia fore. Rhegium etiam nuntium mittit ad praefectum praesidii, quod ab Laevino consule adversus Brutios ibi locatum erat, octo millia hominum: pars maxima ab Agathyrna (sicut antea dictum est) ex Sicilia traducta, rapto vivere hominum adueltorum. Additi erant Bruttiorum indidem perfugas, et audacia et audendi omnia neces-

necessitatibus pares. Hanc manum ad Brutium primum agrum depopulandum duci iussit, inde ad Cauloniam urbem obpugnandam. Imperata non inpigre solum, sed etiam avidè, exsequuti, direptis fugatisque cultoribus agri, summa vi urbem obpugnabant. Marcellus, et consulis literis excitus, et quia ita in animum induxerat, neminem ducem Romanorum tam parem Hannibali, quam se, esse, ubi primum in agris pabuli copia fuit, ex hibernis profectus, ad Canusium Hannibali obcurrit. Sollicitabat ad defectionem Canusinos Poenus. Ceterum, ut adpropinquare Marcellum audivit, castra inde movit. Aperta erat regio, sine ullis ad insidias latebris; itaque in loca saltuosa cedere inde coepit. Marcellus vestigiis instabat, castraque castris conferebat, et, opere perfecto, extemplo in aciem legiones educebat. Hannibal, turmatim per equites peditumque jaculatores levia certamina serans, casum universae pugnae non necessarium dicebat. Tractus est tamen ad id, quod vitabat, certamen. Nocte praegressum adsequitur locis planis ac patentibus Marcellus. Castra inde ponentem, pugnando undique in munitiores, operibus prohibet. Ita signa conlata, pugnatumque totis copiis, et, quum jam nox instaret, Marte aequo discessum est. Castra, exiguo distantia spatio, raptim ante noctem permunita. Postero die luce prima Marcellus in aciem copias eduxit. Nec Hannibal detrectavit certamen, multis verbis adhortatus milites, ut, memores Trasimeni Cannatumque, contunderent ferociam hostis. *Vrguere atque instare eum. Non iter quietos facere, non castra ponere pati, non respirare aut circumspicere. Quotidie simul orientem solem et Romanam aciem in campis videndam esse. Si uno*

proelio haud incruentus abeat, quietius deinde tranquilliusque cum bellaturum. His iritati adhortationibus simulque taedio ferociae hostium quotidi- instantium laceffentiumque acriter proelium ineunt. Pugnatum amplius duabus horis est. Cedere inde ab Romanis dextra ala et extraordinarii coepere. Quod ubi Marcellus vidit, duodevicelimum legionem in primam aciem inducit. Dum alii trepidi cedunt, alii segniter subeunt, turbata tota acies est, dein prorsus fusa; et, vincente pudorem metu, terga dabant. Cecidere in pugna fugaeque ad duo millia et septingenti civium sociorumque: in his quatuor Romani centuriones, duo tribuni militum, M. Licinius et M. Helvius. Signa militaria quatuor de ala, prima quae fugit; duo de legione, quae cedentibus sociis subcesserat, amissa.

XIII. Marcellus, postquam in castra reditum est, concionem adeo saevam atque acerbam apud milites habuit, ut proelio, per diem totum infelicitate tolerato, tristior iis irati ducis oratio esset. *Diis immortalibus, ut in tali re, laudes gratesque, inquit, ago, quod victor hostis, cum tanto pavore incidentibus vobis in vallum portasque, non ipsa castra est adgressus. Deservissetis profecto eodem terrore castra, quo omisistis pugnam. Qui pavor hic, qui terror, quae repente, qui, et cum quibus pugnaretis, oblitio animos cepit? Nempe iidem sunt hi hostes, quos vincendo et victos sequendo priorem aestatem absumsistis; quibus dies noctesque fugiantibus per hos dies insitistis; quos levibus proeliis fatigastis; quos hesterno die nec iter facere, nec castra ponere passi estis. Omitto ea, quibus gloriari potestis: cuius et ipsius pudere ac poenitere vos oportet, referam. Nempe, aequis manibus hesterno die diremistis pugnam.* Quid

Quid haec nox, quid hic dies adtulit? vestrae his copiae imminutae sunt, an illorum auctae? Non equidem mihi cum exercitu meo loqui videor, nec cum Romanis militibus. Corpora tantum atque arma eadem sunt. An, si eosdem animos habuissetis, terga vestra vidisset hostis? signa alicui manipulo aut cohorti abstulisset? Adhuc caesis Romanis legionibus gloriabatur. Vos illi hodierno die primum fugati exercitus dedistis decus. Clamor inde ortus, ut veniam ejus diei daret; ubi vellet, deinde experiretur militum suorum animos. Ego vero experiar, inquit, milites, et vos crastino die in aciem educam; ut victores potius, quam victi, veniam impetretis, quam petitis. Cohortibus, quae signa amiserant, hordeum dari iussit, centurionesque manipulorum, quorum signa amissa fuerant, destrietis gladiis discinctos destituit; et, ut postero die omnes, equites, pedites, armati adessent, edixit. Ita concio dimissa fatentium, jure ac merito sese increpitos; neque illo die virum quemquam in acie Romana fuisse, praeter unum ducem; cui aut morte satis faciendum, aut egregia victoria esset. Postero die ornati armatique ad edictum aderant. Imperator eos conlaudat, pronuntiatque, a quibus orta pridie fuga esset, cohortesque, quae signa amississent, se in primam aciem inducturum. Edicere jam sese, omnibus pugnandum ac vincendum esse; et adnitendum singulis universisque, ne prius hesternae fugae, quam hodiernae victoriae, fama Romam perveniat. Inde cibo corpora firmare iussi, ut, si longior pugna esset, viribus subficerent. Vbi omnia dicta factaque sunt, quibus excitarentur animi militum, in aciem procedunt.

XIV. Quod ubi Hannibali nuntiatum est: Cum eo nimirum, inquit, hoste res est, qui

G g 4

nec

nec bonam, nec malam ferro fortunam potest.
Seu vicit, ferociter insiat victis; seu victus est,
insinuat cum victoribus certamen. Signa inde
 canere iussit, copias educit. Pugnatum utrim-
 que aliquanto, quam pridie, acrius est: Poe-
 nis ad obtinendum hesternum decus adniten-
 tibus, Romanis ad demendam ignominiam.
 Sinistra ala ab Romanis et cohortes, quae ami-
 serant signa, in prima acie pugnabant, et lo-
 gio vicesima ab dextro cornu instructa. L.
 Cornelius Lentulus et C. Claudius Nero legati
 cornibus praeebant; Marcellus mediam aciem,
 hortator telisque praefens, firmabat. Ab Han-
 nibale Hispani primam obtinebant frontem,
 et id reboris in omni exercitu erat. Quum
 anceps diu pugna esset, Hannibal elephantos
 in primam aciem induci iussit, si quem inji-
 cere ea res tumultum ac pavorem posset. Et
 primo turbarant signa ordinesque, et partim
 obculcatis, partim dissipatis terrore, qui circa
 erant, nudaverant una parte aciem: latiusque
 fuga manasset, ni C. Decimius Flavus tribu-
 nus militum, signo adrepto primi hastati, ma-
 nipulum ejus signi se sequi iussisset. Duxit,
 ubi maxime tumultum conglobatae belluae fa-
 ciebant, pilaque in eas conjici iussit. Haesere
 omnia tela haud difficili ex propinquo in tan-
 ta corpora ictu et tam conferta turba. Sed
 ut non omnes vulnerati sunt; ita, in quorum
 tergis infixae steterunt pila, (ut est genus anceps)
 in fugam versi etiam integros avertere. Tum
 jam non unus manipulus, sed pro se quisque
 miles, qui modo adsequi agmen fugientium,
 elephantorum poterat, pila conjicere. Eo ma-
 gis ruere in suos belluae; tantoque majorem
 stragem edere, quam inter hostes ediderant,
 quanto acrius pavor consternatam agit, quam
 insidentis magistri imperio regitur. In per-
 tur-

turbatam transcurſu belluarum aciem ſigna inferunt Romani pedites, et haud magno certamine diſſipatos trepidantesque avertunt. Tum in fugientes equitatum inmittit Marcellus, nec ante finis ſequendi eſt factus, quam in caſtra paventes compulſi ſunt. Nam ſuper alia, quae terrorem trepidationemque facerent, elephanti quoque duo in ipſa porta conruerant, coactique erant milites per ſoſſam vaſſumque ruere in caſtra. Ibi maxima hoſtium caedes facta: caeſa ad octo millia hominum, quinque elephanti. Nec Romanis inoruenta victoria fuit. Mille ferme et ſeptingenti de duabus legionibus, et ſociorum ſupra mille et trecentos occiſi: vulnerati permulti civium ſociorumque. Hannibal nocte proxima caſtra movit. Cupientem inſequi Marcellum prohibuit multitudo ſauciorum.

XV. Speculatores, qui proſequerentur agmen, miſſi, poſtero die retulerunt, Brutios Hannibalem petere. Iiſdem fere diebus et ad Q. Fulyium conſulem Hirpini et Lucani et Volcentes, traditis praefidiis Hannibalis, quae in urbibus habebant, dediderunt ſeſe, clementerque a conſule, cum verborum tantum caſtigatione ob errorem praeteritum, adcepti. Et Brutiis ſimilis ſpes veniae facta eſt, quum ab iis Vibius et Pactius fratres, longe nobiliſſimi gentis ejus, eandem, quae data Lucanis erat, conditionem deditiois petentes veniſſent. Q. Fabius conſul oppidum in Salentinis Manduriam vi cepit. Ibi ad quatuor millia hominum capta et ceterae praedae aliquantam. Inde Tarentum proſectus, in ipſis ſancibus portus poſuit caſtra. Naves, quas Livius tutandis com meatibus habuerat, partim machinationibus onerat adparatuque moenium obpugnandorum, partim tormentis et ſaxis

G g 5

omni-

omnique missilium telorum genere instruit, onerarias quoque, non eas solum, quae remis agerentur; ut alii machinas scalasque ad muros ferrent, alii procul ex navibus vulnerarent moenium propugnatores. Eae naves, ab aperto mari ut urbem adgrederentur, instructae parataeque sunt. Et erat liberum mare, classe Punica, quum Philippus obpugnare Aetolos pararet, Corcyram transmissa. In Bruttis interim Caulonis obpugnatores, sub adventum Hannibalis, ne obprimerentur, in tumultum, a praesenti impetu tutum, se recipere. Fabium, Tarentum obsidentem, leve dictu momentum ad rem ingentem potiundam adjovit. Praesidium Bruttiorum datum ab Hannibale Tarentini habebant. Ejus praesidii praefectus deperibat amore mulierculae, cujus frater in exercitu Fabii consulis erat. Is, certior literis sororis factus de nova consuetudine advenae, locupletis, atque inter populares tam honorati, spem nactus per sororem quolibet impelli amantem posse, quid speraret, ad consulem detulit. Quae quum haud vana cogitatio visa esset, pro perfuga jussus Tarentum transire, ac per sororem praefecto conciliatus, primo occulte animum ejus tentando, dein, satis explorata levitate, blanditiis muliebribus perpulit eum ad proditionem custodiae loci, cui praepositus erat. Vbi et ratio agenda rei, et tempus convenit, miles, nocte per intervalla stationum clam ex urbe emissus, ea, quae acta erant, quaeque ut agerentur, convenerat, ad consulem refert. Fabius vigilia prima, dato signo iis, qui in arce erant, quique custodiam portus habebant, ipse circuito portu ab regione urbis in orientem versa occultus confedit. Canere inde tubas simul ab arce, simul a portu et ab navibus, quae.

quae ab aperto mari adpulsae erant; clamorque undique cum ingenti tumultu, unde minimum periculi erat, de industria ortus. Consul interim silentio continebat suos. Igitur Democrates, qui praefectus antea classis fuerat, forte illo loco praepositus, postquam quieta omnia circa se vidit, alias partes eo tumultu personare, ut captae urbis interdum excitaretur clamor, veritus ne inter cunctationem suam consul aliquam vim faceret signaque inferret, praesidium ad arcem, unde maxime terribilis adcidebat sonus, traducit. Fabius, quum et ex temporis spatio et ex silentio ipso (quod, ubi paullo ante strepebant excitantes vocantesque ad arma, inde nulla adcidebat vox) deductas custodias sensisset; ferri scalas ad eam partem muri, qua Bruttiorum cohortem praesidium agitare prodicionis conciliator nuntiaverat, jubet. Ea primum est captus murus, adjuvantibus recipientibusque Brutiis, et transscensum in urbem est. Inde et proxima refracta porta, ut frequenti agmine signa inferrentur. Tum, clamore sublato, sub ortum ferme lucis, nullo obvio armato, in forum perveniunt; omnesque undique, qui ad arcem portumque pugnabant, in se converterunt.

XVI. Proelium in aditu fori majore impetu, quam perseverantia, commissum est. Non animo, non armis, non arte belli, non vigore aut viribus corporis, par Romano Tarentinus erat. Igitur, pilis tantum coniectis, prius paene, quam conferrent manus, terga dederunt, dilabique per nota urbis itinera in suas amicorumque domos. Duo ex ducibus Nico et Democrates fortiter pugnantes cecidere. Philemenus, qui prodicionis ad Hannibalem auctor fuerat, quum citato equo ex proe-

proelio avectus esset; vagus paullo post equus errans per urbem cognitus; corpus nusquam inventum est. Creditum vulgo est, in puteum apertum ex equo praecipitalle. Carthalonem autem, praefectum praesidii Punici, eum commemoratione paterni hospitii, positis armis, venientem ad consulem, miles obviis obtruncat. Alii alios passim sine discrimine armatos, inermes, caedunt, Carthaginienes Tarentinosque pariter. Bruttii quoque multi interfecti, seu per errorem, seu vetere in eos infuso odio, seu ad proditionis famam (ut vi potius atque armis captum Tarentum videretur) extinguendam. Tum ab caede ad diripiendam urbem discursum. Millia triginta servilium capitum dicuntur capti; argenti vis ingens facti signatique; auri octoginta tria millia pondo; signa tabulaeque, prope ut Syracusarum ornamenta aequaverint. Sed maiore animo generis ejus praeda abstinuit Fabius, quam Marcellus; qui interroganti scribae, quid fieri signis vellet, (ingentis magnitudinis Dii sunt, suo quisque habitu in modum pugnantium formati) *Deos iratos Tarentinis relinquit* iussit. Murus inde, qui urbem ab arce dirimebat, dirutus est ac disiectus. Dum haec Tarenti aguntur, Hannibal iis, qui Cauloniam obsidebant, in deditionem adceptis, audita obpugnatione Tarenti, dies noctesque cursim agmine acto, quum, festinans ad opem ferendam, captam urbem audisset; *Et Romani*, inquit, *suum Hannibalem habent. Eadem, qua ceperamus, arte Tarentum amisimus.* Ne tamen fugientis modo convertisse agmen videretur, quo constituerat loco, quinque millia ferme ab urbe posuit castra. Ibi paucos moratus dies, Metapontum sese recepit. Inde duos Metapontinos cum literis principum ejus civi-

ciuitatis ad Fabium Tarentum mittit, fidem ab consule adcepturos, inpromissa iis priora fore, si Metapontum ei cum praesidio Punico prodidissent. Fabius, vera, quae adferrent, esse ratus, diem, qua adcellurus esset Metapontum, constituit; literasque ad principes dedit, quae ad Hannibalem delatae sunt. Enimvero laetus subcessu fraudis, si ne Fabius quidem dolo inuictus fuisset, haud procul Metaponto insidias ponit. Fabio auspicanti prius, quam egrederetur ab Tarento, aves semel atque iterum non addixerunt. Hostia quoque caesa consulenti Deos haruspex, cavendum a fraude hostili et ab insidiis, praedixit. Metapontini, postquam ad constitutam non venerat diem, remissi, ut cunctantem hortarentur, repente comprehensi, metu gravioris quaestionis, detegunt insidias.

XVII. Aestatis ejus principio, qua haec agebantur, P. Scipio in Hispania quum hie mem totam reconciliandis barbarorum animis, partim donis, partim remissione obsidum captivorumque, absumsisset; Edelco ad eum, clarus inter duces Hispanos, venit. Erant conjux liberique ejus apud Romanos. Sed praeter eam causam etiam velut fortuita inclinatio animorum, quae Hispaniam omnem averterat ad Romanam a Punico imperio, traxit eum. Eadem causa Indibili Mandonioque fuit, haud dubie omnis Hispaniae principibus, cum omni popularium manu, relicto Hasdrubale, secedendi in imminentes castris ejus tumulos, unde per continentia juga tutus receptus ad Romanos esset. Hasdrubal, quum hostium res tantis augescere incrementis cerneret, suas inminui, ac fore, ut, nisi audendo aliquid moveret, qua coepissent, fluerent, dimicare quam primum statuit. Scipio avidior

dior etiam certaminis erat, quum a spe, quam subcessus rerum augebat, tum quod prius, quam jungerentur hostium exercitus, cum uno dimicare dure exercituque, quam simul cum universis, malebat. Ceterum etiam, si cum pluribus pariter dimicandum foret, arte quadam copias auxerat. Nam quum videret, nullum esse navium usum, quia vacua omnis Hispaniae ora classibus Punicis erat, subductis navibus Tarracone, navales socios terrestribus copiis addidit. Et armorum adfatim erat, captorum Carthagine, et quae post captam eam fecerat, tanto opificum numero incluso. Cum iis copiis Scipio veris principio ab Tarracone egressus, (jam enim et Laelius redierat ab Roma, sine quo nihil majoris rei motum volebat) ducere ad hostem pergit. Per omnia pacata eunti, ut cujusque populi fines transiret, prosequentibus excipientibusque sociis, Indibilis et Mandonius cum suis copiis obcurrerunt. Indibilis pro utroque loquutus, haudquaquam ut barbarus stolide incauteque, sed potius cum verecunda gravitate, propiorque excusanti transitionem ut necessariam, quam glorianti eam velut primam occasionem raptam. *Scire enim se, transfugae nomen execrabile veteribus sociis, novis suspectum esse. Neque eum se reprehendere morem hominum, si tamen anceps odium causa, non nomen, faciat.* Merita inde sua in duces Carthaginienles commemoravit, avaritiam contra eorum superbiamque et omnis generis injurias in se atque populares. *Itaque corpus dumtaxat suum ad id tempus apud eos fuisse; animum jam pridem ibi esse, ubi jus ac fas crederent coli. Ad Deos quoque confugere subplices, qui nequeant hominum vim atque injurias pati. Se id Scipionem orare, ut transitio sibi nec fraudi apud eum,*
nec

nec honori sit, Quales ex hac die experiundo cognorit, perinde operae eorum pretium faceret. Ita prorsus respondet facturum Romanus; nec pro transfugis habiturum, qui non duxerint societatem ratam, ubi nec divini quidquam, nec humani sanctum esset. Productae deinde in conspectum iis conjuges liberique lacrymantibus gaudio redduntur, atque eo die in hospitium abducti. Postero die foedere accepta fides, dimissique ad copias adducendas. Iisdem deinde castris tendebant, donec ducibus iis ad hostem perventum est.

XVIII. Proximus Carthaginiensium exercitus Hasdrubalis prope urbem Baeculam erat. Pro castris equitum stationes habebat. In eas velites antesignanique et qui primi agminis erant, advenientes ex itinere, prius quam castris locum caperent, adeo contemtim inpetum fecerunt, ut facile adpareret, quid utrique parti animorum esset. In castra trepida fuga compulsi equites sunt, signaque Romana portis prope ipsis inlata. Atque illo quidem die, inritatis tantum ad certamen animis, castra Romani posuerunt. Nocte Hasdrubal in tumultum copias recipit, plano campo in summo patentem: fluvius ab tergo; ante circaque velut ripa praeceps oram ejus omnem cingebat. Suberat et altera inferior submissa fastigio planities. Eam quoque altera crepido haud facilior in adscensum ambibat. In hunc inferiorem campum postero die Hasdrubal, postquam stantem pro castris hostium aciem vidit, equites Numidas leviumque armorum Baliares et Afros demisit. Scipio, circumvectus ordines signaque, ostendebat, *hostem, praedamnata spe aequo dimicandi campo, captantem tumulos, loci fiducia, non virtutis armorumque, stare in conspectu. Sed altiora moenia*

nia habuisse Carthaginem, quae transcendisset miles Romanus. Nec tumulos, nec arcem, ne mare quidem armis obsitisse suis. Ad id fore altitudines, quas cepissent hostes, ut per praecipitia et praerupta salientes fugerent. Eam quoque se illis fugam clausurum. Cohortesque duas, alteram tenere fauces vallis, per quam deferretur amnis, jubet; alteram, viam insidere, quae ab urbe per tumuli obliqua in agros ferret. Ipse expeditos, qui pridie stationes hostium pepulerant, ad levem armaturam, infimo stantem supercilio, ducit. Per aspreta primo, nihil aliud quam via inpediti, iere. Deinde, ut sub ictum venerunt, telorum primo omnis generis vis ingens effusa est in eos: ipsi contra, saxa, quae locus strata passim, omnia ferme missilia, praebet, ingerere, non milites solum, sed etiam turba colonum inmixta armatis. Ceterum, quamquam adscensus difficilis erat, et prope obruebantur telis faxisque, adfuetudine tamen subcedendi muros et pertiracia animi subierunt primi. Qui, simul cepere aliquid aequi loci, ubi firmo consisterent gradu, levem et concursatorem hostem atque intervallo tutum, quum procul missilibus pugna eluditur, instabilem eundem ad eominus conferendas manus, expulerunt loco, et cum caede magna in aciem altiori superstantem tumulo inpegere. Inde Scipio, jussis adversus mediam evadere aciem victoribus, ceteras copias cum Laelio divinit, atque eum parte dextra tumuli circumire, donec mollioris adscensus viam inveniret, jubet. Ipse ab laeva, circuitu haud magno, in transversos hostes incurrit. Inde primo turbata acies est, dum ad circumsonantem undique clamorem flectere cornua et obvertere ordines volunt. Hoc tamantu et Laelius subiit, et, dum pedem

pedem referunt, ne ab tergo vulnerarentur, laxata prima acies, locusque ad evadendum et mediis datus est; qui per tam iniquum locum, stantibus integris ordinibus, elephantisque ante signa locatis, numquam evassent. Quum ab omni parte caedes fieret, Scipio, qui laevo cornu in dextrum incucurrerat, maxime in nuda hostium latera pugnabat. Et jam ne fugae quidem patebat locus. Nam et stationes utrimque Romanae dextra laevaue infederant vias, et portam castrorum ducis principumque fuga clauserat; addita trepidatione elephantorum, quos terribiles aequae atque hostes timebant. Caesa igitur ad octo millia hominum.

XIX. Hasdrubal, jam ante, quam dimicaret, pecunia rapta elephantisque praemissis, quam plurimos poterat, de fuga excipiens, praeter Tagum flumen ad Pyrenaeum tendit. Scipio, castris hostium potitus, quum praeter libera capita omnem praedam militibus concessisset, in recensendis captivis decem millia peditum, duo millia equitum invenit. Ex iis Hispanos sine pretio omnes domum dimisit; Afros vendere quaestorem iussit. Circumfusa inde multitudo Hispanorum, et ante deditorum, et pridie captorum, REGEM eum ingenti consensu adpellavit. Tum Scipio, silentio per praeconem facto, *sibi maximum nomen imperatoris esse, dixit, quo se milites sui adpellassent. Regium nomen alibi magnum, Romanae intolerabile esse. Regalem animum in se esse, si id in hominis ingenio amplissimum ducerent, tacite judicarent; vocis usurpatione abstinerent.* Sensere etiam barbari magnitudinem animi, cujus miraculo nominis alii mortales stuperent, id ex tam alto fastigio adspersantis. Dona inde regulis principibusque

T. Liv. p. 11.

Hh

Hispa-

Hispanorum divisa, et ex magna copia captorum equorum trecentos, quos vellet, eligere Indibilem iussit. Quum Afros venderet iussu imperatoris quaestor, puerum aduultum inter eos forma insigni, quum audisset regi generis esse, ad Scipionem milit. Quem quum percontaretur Scipio, *quis et cujus et cur id actatis in castris fuisset?* Numidam esse, ait, Massinam populares vocare. Orbem a patre relictum, apud matrem avum Galam, regem Numidarum, eductum, cum avunculo Masinissa, qui nuper cum equitatu subsidio Carthaginiensibus venisset, in Hispaniam trajecisse. Prohibitum propter aetatem a Masinissa, numquam ante proelium iniisse. Eo die, quo pugnatum cum Romanis esset, in scia avunculo, clam armis equoque sumto, in aciem exisse; ibi, prolabso equo effusum in praecipit, captum ab Romanis esse. Scipio, quum adservari Numidam iussisset, quae pro tribunali agenda erant, peragit. Inde, quum se in praetorium recepisset, vocatum eum interrogat, *velletne ad Masinissam reverti?* Quum, effusis gaudio lacrymis, cupere vero, diceret; tum puero anulum aureum, tunicam lato clavo, cum Hispano sagulo et aurea fibula, equumque ornatum donat, iussisque prosequi, quoad vellet, equitibus dimisit.

XX. De bello inde consilium habitum; et, auctoribus quibusdam, ut confestim Hasdrubalem consequeretur, anceps id ratus, ne Mago atque Hasdrubal cum eo jungerent copias, praesidio tantum ad insidendum Pyrenaeum misso, ipsa reliquum aestatis recipiendis in fidem Hispaniae populis absumpsit. Paucis post proelium factum ad Baetulam diebus, quum Scipio, rediens jam Tarracoenem, saltu Castellonenfi excessisset, Hasdrubal Gisgonis filius

filias et Mago imperatores ex ulteriore Hispania ad Hasdrubalem venire, serum post male gestam rem auxilium; consilio in cetera exsequenda belli haud parum obportuni. Ibi conferentibus, quid in cuiusque provinciae regione animorum Hispanis esset, unus Hasdrubal Gisgonis, ultimam Hispaniae oram, quae ad Oceanum et Gades vergit, ignaram adhuc Romanorum esse eoque Carthaginienfibus satis fidam, censebat. Inter Hasdrubalem alterum et Magonem constabat, *beneficiis Scipionis occupatos omnium animos publice privatimque esse; nec transitionibus finem ante fore, quam omnes Hispani milites aut in ultima Hispaniae amoti, aut traducti in Galliam forent.* Itaque, etiamsi senatus Carthaginienfium non censuisset, eundem tamen Hasdrubali fuisse in Italiam, ubi belli caput rerumque summa esset; simul ut Hispanos omnes procul ab nomine Scipionis ex Hispania abduceret. Exercitum ejus, cum transitionibus, tum adverso proelio imminutum, Hispanis repleri militibus. Et Magonem, Hasdrubali, Gisgonis filio, tradito exercitu, ipsum cum grandi pecunia ad conducenda mercede auxilia in Baliares trajicere. Hasdrubalem Gisgonis cum exercitu penitus in Lusitaniam abire, nec cum Romanis manus conferre. Masinissae ex omni equitatu, quod roboris esset, tria millia equitum expleri; eumque vagum per citeriorem Hispaniam sociis opem ferre, hostium oppida atque agros populari. His decretis, ad exsequenda, quae statuerant, duces digressi. Haec eo anno in Hispania acta. Romae fama Scipionis in dies crescere. Fabio Tarentum captum astu magis, quam virtute, gloriae tamen esse. Fulvii senescere fama. Marcellus etiam adverso rumore esse, super quam quod primo male pugnaverat, quia,

Hh 2

vagan-

vagante per Italiam Hannibale, media aestate Venusiam in tecta milites abduxisset. Inimicus erat ei C. Publicius Bibulus tribunus plebis. Is jam a prima pugna, quae adversa fuerat, assiduus concionibus infamem invisumque plebei Claudium fecerat, et jam de imperio abrogando ejus agebat; quum tamen necessarii Claudii obtinuerunt, ut, relicto Venusiae legato, Marcellus Romam rediret ad purganda ea, quae inimici decernerent, nec de imperio ejus abrogando, absente ipso, ageretur. Forte sub idem tempus et Marcellus ad deprecandam ignominiam, et Q. Fulvius consul comitiorum causa Romam venit.

XXI. Actum de imperio Marcelli in circo Flamini est ingenti concursu plebisque et omnium ordinum; accusavitque tribunus plebis non Marcellum modo, sed omnem nobilitatem. *Fraude eorum et cunctatione fieri, ut Hannibal decimum jam annum Italiam provinciam habeat; diutius ibi, quam Carthagine, vixerit. Habere fructum imperii prorogati Marcellum populum Romanum: bis caesum exercitum ejus aestiva Venusiae sub tectis agere.* Hanc tribuni orationem ita obruit Marcellus commemoratione rerum suarum, ut non rogatio solum de imperio ejus abrogando antiquaretur, sed postero die consulem eum ingenti consensu centuriae omnes crearent. Additur collega T. Quinctius Crispinus, qui tum praetor erat. Postero die praetores creati P. Licinius Crassus Dives, pontifex maximus, P. Licinius Varus, Sex. Julius Caesar, Q. Claudius Flamen. Comitiorum ipsorum diebus sollicita civitas de Etruriae defectione fuit. Principium ejus rei ab Arretinis fieri, C. Calpurnius scripserat, qui eam provinciam pro praetore obtinebat. Itaque confestim eo missus Mar-

Marcellus, consul designatus, qui rem inspicere, ac, si digna videretur, exercitu adcito, bellum ex Apulia in Etruriam transferret. Eo metu compressi Etrusci quieverunt. Tarentinorum legatis pacem petentibus cum libertate ac legibus suis responsum ab senatu est, ut redirent, quum Fabius consul Romam venisset. Ludi et Romani et plebeji eo anno in singulos dies instaurati. Aediles curules fuere L. Cornelius Caudinus et Ser. Sulpicius Galba: plebeji C. Servilius et Q. Caecilius Metellus. Servilium negabant jure aut tribunum plebis fuisse, aut aedilem esse; quod patrem ejus, quem triumvirum agrarium occisum a Bojis circa Mutinam esse opinio per decem annos fuerat, vivere atque in hostium potestate esse satis constabat.

XXII. Undecimo anno Punici belli consulatum inierunt M. Marcellus quintum (ut numeretur consulatus, quem vitio creatus non gessit) et T. Quinctius Crispinus. Vtrisque consulibus Italia decreta provincia est et duo consulares prioris anni exercitus; (tertius tum erat Venusiae, cui M. Marcellus praefuerat) ita ut ex tribus eligerent duo, quos vellent; tertius ei traderetur, cui Tarentum et Salentinum provincia evenisset. Ceterae provinciae ita divisae praetoribus. P. Licinio Varo urbana, P. Licinio Crasso pontifici maximo peregrina, et quo senatus censuisset; Sex. Julio Caesari Sicilia, Q. Claudio Flamini Tarentum. Prorogatum imperium in annum est Q. Fulvio Flacco, ut provinciam Capuam, quae T. Quinctii praetoris fuerat, cum una legione obtineret. Prorogatum et C. Hostilio Tubulo est, ut pro praetore in Etruriam ad duas legiones subcederet C. Calpurnio: prorogatum et L. Veturio Philoni est, ut pro praetore Gal-

liam eandem provinciam cum iisdem duabus legionibus obtineret, quibus praetor obtinisset. Quod in L. Veturio, idem in C. Arunculejo decretum ab senatu, latumque de prorogando imperio ad populum est, qui praetor Sardiniam provinciam cum duabus legionibus obtinuerat. Additae ei ad praesidium provinciae quinquaginta naves, quas P. Scipio ex Hispania misisset. Et P. Scipioni et M. Silano suae Hispaniae suique exercitus in annum decreti. Scipio ex octoginta navibus, quas aut secum ex Italia adductas aut captas Carthagine habebat, quinquaginta in Sardiniam transmittere iussus, quia fama erat, magnum navalem adparatum eo anno Carthagine esse; ducentis navibus omnem oram Italiae Siciliaeque ac Sardiniae impleturos. Et in Sicilia ita divisa res est. Sex. Caesari exercitus Cannensis est datus. M. Valerius Laevinus (ei quoque enim prorogatum imperium est) classem, quae ad Siciliam erat, navium septuaginta obtineret. Adderet eo triginta naves, quae ad Tarentum priore anno fuerant. Cum ea centum navium classe, si videretur ei, praedatum in Africam trajiceret. Et P. Sulpicio, ut eadem classe Macedoniam Graeciamque provinciam haberet, prorogatum in annum imperium est. De duabus, quae ad urbem Romanam fuerant, legionibus nihil mutatum. Subplementum, quo opus esset, scriberent consules, permissum. Una et viginti legionibus eo anno defensum imperium Romanum est. Et P. Licinio Varo praetori Urbis negotium datum, ut naves longas triginta veteres reficeret, quae Ostiae erant, et viginti novas naves sociis navalibus impletet; ut quinquaginta navium classe oram maris vicinam urbi Romano tueri posset. C. Calpurnius vetitus ab Arretio mo-
vere

vere exercitum, nisi quum suboessor venisset. Idem et Tubulo imperatum, ut inde praecipue caveret, ne qua nova consilia caperentur.

XXIII. Praetores in provincias profecti, Consules religio tenebat, quod, prodigiis aliquot nuntiatis, non facile litabant. Et ex Campania nuntiata erant, Capuae duas aedes, Fortunae et Martis, et sepulera aliquot de coelo tacta. Cumis (adeo minimis etiam rebus prava religio inserit Deos) mures in aede Jovis atrum rosisse. Casini examen apium ingens in foro confedisse. Et Ostiae murum portamque de coelo tactam. Caere vulturium volasse in aede Jovis. Volturni sanguine lacum manasse. Horum prodigiorum causa diebus unum supplicatio fuit. Per dies aliquot hostiae majores sine litatione caesa, diuque non inpetrata pax Deum. In capita consulum, re publica incolumi, exitiabilis prodigiorum eventus vertit. Ludi Apollinares, Q. Fulvio, Ap. Claudio consulibus, a P. Cornelio Sulla praetore Urbis primum facti erant. Inde omnes deinceps praetores urbani fecerant; sed in unum annum volebant, diuque incerta faciebant. Eo anno pestilentia gravis incidit in Urbem agrosque; quae tamen magis in longos thorhos, quam in perniciales, evasit. Ejus pestilentiae causa et supplicatum per compita tota urbe est, et P. Licinius Varus praetor Urbis legem ferre ad populum jussus, ut hi ludi in perpetuum in statam diem voverentur. Ipse primus ita vovit, fecitque ante diem tertium Nonas Quinctiles. Is dies deinde sollemnis servatus.

XXIV. De Arretinis et fama in dies gravior, et cura crescere Patribus. Itaque C. Horatio scriptum est, ne differret obsides ab Arretinis accipere; et, cui traderet Romam deducen-

ducendos. C. Terentius Varro cum imperio missus. Qui ut advenit, extemplo Hostilius legionem unam; quae ante urbem castra habebat, signa in urbem ferre iussit, praesidiaque locis idoneis disposuit; tum in foro citatis senatoribus obsides imperavit. Quum senatus biduum ad considerandum peteret tempus, aut ipsos extemplo dare, aut se postero die senatorum omnes liberos sumtum, edixit. Inde portas custodire iussit tribuni militum praefectique socium et centuriones, ne quis nocte urbe exiret. Id segnius negligentiusque factum. Septem principes senatus, prius quam custodiae in portis locarentur, ante noctem cum liberis evaserunt. Postero die luce prima, quum senatus in forum citari coeptus esset, desiderati, bonaque eorum venierunt. A ceteris senatoribus centum viginti obsides, liberi ipsorum, adcepti, traditique C. Terentio Romam deducendi. Is omnia suspensioniora, quam antea fuerant, in senatu fecit. Itaque, tamquam imminente Etrusco tumultu, legionem alteram ex urbanis Arretium ducere iussus ipse C. Terentius, eamque habere in praesidio urbis. C. Hostilium cum cetero exercitu placet totam provinciam peragraré, et cavere, ne qua occasio novare cupientibus res daretur. C. Terentius, ut Arretium cum legione venit, claves portarum quum magistratus poposcisset, negantibus iis comparere, fraude amotas magis ratus, quam negligentia intercidisse, ipse alias claves omnibus portis inposuit; cavitque cum cura, ut omnia in potestate sua essent. Hostilium intentius monuit, ut in eo spem, non moturos quidquam Etruscos, poneret, si, ne quid moveri posset, cavisset.

XXV. De Tarentinis inde magna contentione in senatu actum coram Fabio, defenden-

dente ipso, quos ceperat asinia, aliis intentis, et plerisque aequantibus eos Campanorum noxae poenaeque. Senatus consultum in sententiam M. Aemilii factum est, ut oppidum praefidio custodiretur, Tarentinique omnes intra moenia continerentur: res integra postea referretur, quum tranquillior status Italiae esset. Et de M. Livio, praefecto arcis Tarentinae, haud minore certamine actum est, aliis senatus consulto notantibus praefectum, quod ejus socordia Tarentum proditum hosti esset; aliis praemia decernentibus, quod per quinquennium arcem tutatus esset, maximeque unius ejus opera receptum Tarentum foret; mediis ad censores, non ad senatum, notationem de eo pertinere dicentibus, cujus sententiae et Fabius fuit. Adjecit tamen, *fateri se, opera Livii Tarentum receptum, quod amici ejus vulgo in senatu jactassent; neque enim recipiundum fuisse, nisi amissum foret.* Consul alter T. Quinctius Crispinus ad exercitum, quem Q. Fulvius Flaccus habuerat, cum subplemento in Lucanos est profectus. Marcellum aliae atque aliae objectae animo religiones tenebant. In quibus, quod, quum bello Gallico ad Clastidium aedem Honori et Virtuti vovisset, dedicatio ejus a pontificibus impediabatur; quod negabant, unam cellam duobus recte dedicari, quia, si de coelo tacta, aut prodigii aliquid in ea factum esset, difficilis procuratio foret; quod, utri Deo res divina fieret, sciri non posset: neque enim duobus, nisi certis, Deis rite una hostia fieri. Ita addita Virtutis aedes adproperato opere: neque tamen ab ipso aedes eae dedicatae sunt. Tum demum ad exercitum, quem priore anno Venusiae reliquerat, cum subplemento proficiscitur. Locros in Brutiis Crispinus ob-

Hh 3

pugna

pugnare conatus, quia magnam famam adtulisse Fabio Tarentum rebatur, omne genus tormentorum machinarumque ex Sicilia accesserat; et naves indidem adcitae erant, quae vergentem ad mare partem urbis obpugnarent. Ea omnia obpugnatio est, quia Lacinium Hannibal admovent copias; et conlegam eduxisse jam ab Venusia exercitum fama erat, cui conjungi volebat. Itaque in Apuliam ex Brutiis reditum, et iater Venusiam Bantiamque, minus trium millium passuum intervallo, consules binis castris confederant. In eandem regionem et Hannibal rediit, averso ab Locris bello. Ibi ambo consules, ingenio feroces, prope quotidie in aciem exire; haud dubia spe, si duobus exercitibus consularibus junctis commisisset sese hostis, debellari posse.

XXVI. Hannibal quia cum Marcello his priore anno congressus vicerat victusque erat, ut, cum eodem si dimicandum foret, nec spem, nec metum ex vano haberet; ita duobus consulibus haudquaquam sese parem futurum credebat. Itaque, totus in suas artes versus, insidiis locum quaerebat. Levia tamen proelia inter bina castra vario eventu fiebant. Quibus quum extrahi aestatem posse consules crederent, nihilominus obpugnari Locros posse rati, L. Cincio, ut ex Sicilia Locros cum classe trajiceret, scribunt: et, ut ab terra quoque obpugnari moenia possent, ab Tarento partem exercitus, qui in praesidio erat, duci eo jusserunt. Ea ita futura per quosdam Thurinos compertum Hannibali quum esset, mittit ad insidendam ab Tarento viam. Ibi sub tumultu Peteliae tria millia equitum, peditum duo in obscuro locata: in quo inexplorato euntes Romani quum incidissent, ad duo milia

lia armatorum caesa, mille et quingenti ferme vivi capti. Alii dissipati fuga per agros saltusque Tarentum rediere. Tumulus erat sylvestris inter Punica et Romana castra, ab neutris primo occupatus; quia Romani, quales pars ejus, quae vergeret ad hostium castra, esset, ignorabant; Hannibal insidiis, quam castris, aptiorem eum crediderat. Itaque nocte ad id mittas aliquot Numidarum turmas medio in saltu condiderat, quorum interdiu nemo ab statione movebatur, ne aut arma, aut ipsi procul conspicerentur. Fremebant vulgo in castris Romanis, occupandum eum tumulum esse et castelle firmandum; ne, si occupatus ab Hannibale foret, velut in cervicibus haberent hostem. Movit ea res Marcellum, et conlegae, *quin imus*, inquit, *ipsi cum equitibus paucis exploratum? Subjecta res oculis nostris certius dabit consilium.* Consentiente Crispino, cum equitibus ducentis et viginti, ex quibus quadraginta Fregellani, ceteri Etrusci erant, proficiscuntur. Sequenti M. Marcellus, consulis filius, et A. Manlius, tribunus militum; simul et duo praefecti socium, L. Arennius et M. Aulius. Inmolasse eo die quidam memoriae prodidere consulem Marcellum, et, prima hostia caesa, jecur sine capite inventum; in secunda omnia comparuisse, quae adsolent, auctum etiam visum in capite; nec id sane haruspici placuisse, quod secundum trunca et turpia exta nimis laeta adparuissent.

XXVII. Ceterum consulem Marcellum tantâ cupiditas tenebat dimicandi cum Hannibale, ut numquam satis castra castris conlata crederet. Tum quoque vallo egrediens signum dedit, ut ad locum miles esset paratus, ut, si collis, in quem speculatum irent, placuisset, vasa conligerent ac sequerentur. Exiguam-

cam-

campi ante castra erat: inde in collem aperta undique et conspecta ferebat via. Numidis speculator, nequaquam in spem tantae rei positus, sed si quos vagos, pabuli aut lignorum causa longius a castris progressos, possent excipere, lignum dat, ut pariter ab suis quisque latebris exorirentur. Non ante adparuere, quibus obvius ab jugo ipso confurgendum erat, quam circumiere, qui a tergo includerent viam. Tum undique omnes exorti, et clamore sublato inpetum fecere. Quum in ea valle consules essent, ut neque evadere possent in jugum occupatum ab hoste, nec receptum ab tergo circumventi haberent; extrahi tamen citius certamen potuisset, ni coepta ab Etruscis fuga pavorem ceteris iniecisset. Non tamen omisere pugnam deserti ab Etruscis Fregellani, donec integri consules hortando ipsique ex parte pugnando rem sustinebant. Sed postquam vulneratos ambo consules, Marcellum etiam transfixum lancea prolabentem ex equo moribundum videre, tum et ipsi (perpauci autem supererant) cum Crispino consule, duobus jaculis icto, et Marcello adolescente, faucio et ipso, effugerunt. Interfectus A. Manlius tribunus militum, et ex duobus praefectis socium M'. Aulius occisus, L. Arennius captus. Et lictores consulum quinque vivi in hostium potestatem venerunt: ceteri aut interfecti, aut cum consule effugerunt. Equites tres et quadraginta, aut in proelio, aut in fuga, ceciderunt, duodeviginti vivi capti. Tumultuatum et in castris fuerat, ut consulibus irent subsidio; quum consulem et filium alterius consulis faucios exiguasque infelicitis expeditionis reliquias ad castra venientes cernunt. Mors Marcelli quum alioqui miserabilis fuit, tum quod nec pro aetate, (major jam enim

enim sexaginta annis erat) neque pro veteris prudentia ducis; tam improvide se conlegamque et prope totam rem publicam in praeceptis dederat. Multos circa unam rem ambitus fecerim, si, quae de Marcelli morte variant auctores, omnia exsequi velim. Vt omittam alios, L. Coelius triplicem rei gestae ordinem edit: unam traditam fama; alteram scriptam laudatione filii, qui rei gestae interfuerit; tertiam, quam ipse pro inquisita ac sibi comperta adfert. Ceterum ita fama variat, ut tamen plerique loci speculandi causa castris egressum; omnes infidiis circumventum tradant.

XXVIII. Hannibal, magnum terrorem hostibus, morte consulis unius, vulnere alterius, injectum esse ratus, ne cui deesset occasione, castra in tumultum, in quo pugnatum erat, extemplo transfert. Ibi inventum Marcelli corpus sepelit. Crispinus, et morte conlegae, et suo vulnere territus, silentio infrequentis noctis profectus, quos proximos nactus est montes, in his loco alto et tuto undique castra posuit. Ibi duo duces sagaciter moti sunt, alter ad inferendam, alter ad cavendam fraudem. Annulo Marcelli simul cum corpore Hannibal potitus erat. Ejus signi errore ne cui dolus necteretur a Poeno, metuens Crispinus, circa civitates proximas miserat nuntios: occisum conlegam esse, annuloque ejus hostem potitum: ne quibus literis crederent nomine Marcelli compositis. Paulo ante hic nuntius consulis Salapiam venerat, quum literae ab Hannibale adlatae sunt, Marcelli nomine compositae: *se nocte, quae diem illum sequutura esset, Salapiam venturum. Parati milites essent, qui in praesidio erant, si quo opera eorum opus esset.* Sensere Salapitani fraudem, et ab ira, non defectionis modo, sed

sed etiam equitum interfectorum, ratâ occasionem supplicii peti, remisso retro nuntio, (perfuga autem Romanus erat) ut sine arbitro milites, quae vellent, agerent, oppidanos per muros urbisque opportuna loca in stationibus disponunt; custodias vigiliasque in eam noctem intentius instruunt. Circa portam, qua venturum hostem rebantur, quod roboris in praefidio erat, obponunt. Hannibal quarta vigilia ferme ad urbem adcessit. Primi agminis erant perfugae Romanorum, et arma Romana habebant. Ii, ubi ad portam est ventum, Latine omnes loquentes excitant vigiles, aperiri que portam jubent: consulem adesse. Vigiles, velut ad vocem eorum excitati, tumultuari, trepidare, meliri portam. Cataracta dejecta clausa erat. Eam partim vectibus levant, partim funibus subducunt in tantum altitudinis, ut subire recti possent. Vix dum satis patebat iter; quum perfugae certatim ruunt per portam; et quum sexcenti ferme intrassent, remisso fune, quo suspensa erat, cataracta magno sonitu cecidit. Salapitani alii perfugas neglegenter ex itinere suspensa humeris, ut inter pacatos, gerentes arma, invadunt; alii e turri ejus portae murisque saxis, sudibus, pilis, absterrent hostem. Ita inde Hannibal suamet ipse fraude captus abiit; profectusque ad Locrorum solvendam obsidionem, quam Cincius summa vi, operibus tormentorumque omni genere ex Sicilia advecto, obpugnabat. Magoni, jam haud ferme fidenti retenturum defensurumque se urbem, prima spes, morte nuntiata Marcelli, adfulsit. Sequutus inde nuntius, Hannibalem, Numidarum equitatu praemisso, ipsam, quantum accelerare posset, cum peditum agmine sequi. Itaque ubi primum Numidas edito e speculis signo

signo adventare sensit, et ipse, patefacta repente porta, ferox in hostes erumpit. Et primo, magis quia improvise id fecerat, quam quod par viribus esset, anceps certamen erat. Deinde, ut supervenere Numidae, tantus pavor Romanis est injectus, ut passim ad mare ac naves fugerent; relictis operibus machinisque, quibus muros quatiebant. Ita adventu Hannibalis soluta Locrorum obsidio est.

XXIX. Crispinus, postquam in Bruttios profectum Hannibalem sensit, exercitum, cui conlega praefuerat, M. Marcellum tribunum militum Venusiam abducere iussit. Ipse, cum legionibus suis Capuam profectus, vix lecticae agitationem prae gravitate vulneryum patiens, Romam literas de morte conlegae scripsit, quantoque ipse in discrimine esset. *Se comitiorum causa non posse Romam venire, quia nec viae laborem passurus videretur, et de Tarento sollicitus esset, ne ex Brutiis Hannibal converteret agmen. Legatos opus esse ad se mitti, viros prudentes, cum quibus, quae vellet, de re publica loqueretur.* Hae literae recitatae magnum et luctum morte alterius consulis, et metum de altero fecerunt. Itaque et Q. Fabium filium ad exercitum Venusiam miserunt, et ad consulem tres legati missi, Sext. Julius Caesar, L. Licinius Pollio, L. Cincius Alimentus, quum paucis ante diebus ex Sicilia redisset. Hi nuntiare consuli iussi, ut, si ad comitia ipse Romam venire non posset, dictatorem in agro Romano diceret comitiorum causa. Si consul Tarentum profectus esset, Q. Claudium praetorem placere in eam regionem inde abducere legiones, in qua plurimas sociorum urbes tueri posset. Eadem aestate M. Valerius cum classe centum navium ex Sicilia in Africam transmisit, et, ad Clupeam

peam urbem exlensione facta, agrum late, nullo ferme obvio armato, vastabat. Inde ad naves raptim praedatores recepti, quia repente fama addidit, classem Panicam adventare. Octoginta erant et tres naves. Cum iis haud procul Clupea prospere pugnat Romanus. Decem et octo navibus captis, fugatis aliis, cum magna terrestri navatique praeda Lilybaeum rediit. Eadem aestate et Philippus inplorantibus Achaeis auxilium tulit; quos et Machanidas tyrannus Lacedaemoniorum finitimo bello urebat; et Aetoli, navibus per fretum, quod Naupactum et Patras interfluit, (Rhion incolae vocant) exercitu trajecto, depopulati erant. Attalum quoque regem Asiae, quia Aetoli summum gentis suae magistratum ad eum proximo concilio detulerant, fama erat in Europam trajecturum.

XXX. Ob haec Philippo in Graeciam descendenti ad Lamiam urbem Aetoli, duce Pyrrhia, qui praetor in eum annum cum absente Attalo creatus erat, obcurrerunt. Habebant et ab Attalo auxilia secum, et mille ferme ex Romana classe; a P. Sulpicio missos. Adversus hunc ducem atque has copias Philippus bis prospero eventu pugnavit: nullo admodum hostium utraque pugna occidit. Inde quum Aetoli metu compulsi Lamiae urbis moenibus tenerent sese, Philippus ad Phalara exercitum reduxit. In Masiaco sinu is locus est, quondam frequenter habitatus propter egregium portum tutasque circa stationes et aliam obportunitatem maritimam terrestremque. Eo legati ab rege Aegypti Ptolemaeo Rhodiisque et Atheniensibus et Chiis venerunt ad dirimendum inter Philippum atque Aetolos bellum. Adhibitus ab Aetolis et ex finitimis pacificator Amyntander, rex Athamanum. Omnium autem

autem non tanta pro Aetolis cura erat, ferocioribus quam pro ingeniis Graecorum gentis, quam ne Philippus regnumque ejus, grave libertati futurum, rebus Graeciae inmisceretur. De pace dilata consultatio est in concilium Achaeorum; concilioque ei et locus et dies certa indicta. Interim triginta dierum induciae inpetratae. Profectus inde rex per Thessaliam Boeotiamque, Chalcidem Euboeae venit, ut Attalum, quem classe Euboeam petiturum audierat, portibus et litorum adpulsu arceret. Inde, praesidio relicto adversus Attalum, si forte interim trajecisset, profectus ipse cum paucis equitum levisque armaturae, Argos venit. Ibi curatione Heraeorum Nemeorumque subfragilis populi ad eum delata, quia se Macedonum reges ex ea civitate oriundos referunt, Heraeis peractis, ab ipso ludicro extemplo Aegium profectus est, ad indictum multo ante sociorum concilium. Ibi de Aetolico finiendo bello actum, ne causa aut Romanis, aut Attalo intrandi Graeciam esset. Sed ea omnia, vixdum induciarum tempore circumacto, Aetoli turbavere, postquam et Attalum Aeginam venisse, et Romanam classem stare ad Naupactum audivere. Vocati enim in concilium Achaeorum, in quo eadem legationes erant, quae ad Phalara egerant de pace, primum questi sunt quaedam parva contra fidem conventionis tempore induciarum facta; postremo negarunt dirimi bellum posse, nisi Messeniis Achaei Pylum redderent, Romanis restitueretur Atintania, Scerdilaedo et Pleurato Ardjaci. Enimvero indignum ratus Philippus, victos victori sibi ultro condiciones ferre: *ne antea quidem se aut de pace audisse, aut inducias pepigisse, dixit, spem ullam habentem quieturos Aetolos; sed ut*

T. Liv. l. II.

Ii

omnes

omnes socios testes haberet, se pacis, illos belli causam quaesisse. Ita infecta pace concilium dimisit, quatuor millibus armatorum relictis ad praesidium Achaeorum, et quinque longis navibus adceptis. Quas si adjecisset missas nuper ad se classi Carthaginiensium et ex Bithynia ab rege. Prusia venientibus navibus; statuerat navali proelio lacerare Romanos, iam diu in ea regione potentes maris. Ipse ab eo concilio Argos regressus: iam enim Nemeorum adpetebat tempus; quae celebrari volebat praesentia sua.

XXXI. Occupato rege adparatu ludorum, et per dies festos licentius, quam inter belli tempora, remittente animum, P. Sulpicius, ab Naupacto profectus, classem adpulit inter Sicyonem et Corinthum, agrumque nobilissimae fertilitatis effuse vastavit. Fama ejus rei Philippum ab ludis excivit; raptimque cum equitatu profectus, jussis subsequi peditibus, palatos passim per agros gravesque praeda (ut qui nihil tale metuerent) adortus Romanos, compulit in naves. Classis Romana, handquaquam laeta praeda, Naupactum rediit. Philippo quoque ludorum, qui reliqui erant, celebritatem quantaecumque, de Romanis tamen, victoriae parvae fama auxerat, laetitiaque ingenti celebrati festi dies; eo magis etiam, quod, populariter demto capitis insigni purpuraque atque alio regio habitu, aequaverat ceteris se in speciem; quo nihil gratius est civitatibus liberis. Praebuissetque haud dubiam eo facto spem libertatis, nisi omnia intoleranda libidine foeda ac deformia effecisset. Vagabatur enim cum uno aut altero comite per maritas domos dies noctesque, et, submittendo se in privatum fastigium, quo minus conspectus, eo solutior erat; et libertatem quum
aliis

aliis vanam offendisset, totam in suam licentiam verterat. Neque enim omnia emebat aut eblandiebatur, sed vim etiam flagitiis adhibebat; periculosumque et viris et parentibus erat, moram incommoda severitate libidini regiae fecisse. Vni etiam principi Achaeorum Arato adempta uxor nomine Polykratja, ac spe regiarum nuptiarum in Macedoniam absportata fuerat. Per haec flagitia sollemni Nemeorum peracto paucisque additis diebus, Dymas est profectus, ad praesidium Aetolorum, quod ab Eleis adcitum adceptumque in urbem erat, ejiciendum. Cycliadas (penes eum summa imperii erat) Achaeique ad Dymas regi obcurrere, et Eleorum adcesi odio, quod a ceteris Achaeis dissentirent, et infensi Aetolis, quos Romanum quoque adversus se movisse bellum credebant. Profecti ab Dymis conjuncto exercitu transeunt Larisum amnem, qui Eleum agrum ab Dymaeo dirimit.

XXXII. Primum diem, quo fines hostium ingressi sunt, populando absumserunt. Postero die acie instructa ad urbem adcesserunt, praemissis equitibus, qui, obequitando portis, promptum ad excursiones genus lacefferent Aetolorum. Ignorabant, Sulpicium cum quindecim navibus ab Naupacto Cyllenen trajecisse, et, expositis in terram quatuor millibus armatorum, silentio noctis, ne conspicuum agmen posset, intrasse Elim. Itaque improvisa res ingentem injecit terrorem, postquam inter Aetolos Eleosque Romana lingua atque arma cognovere. Et primo recipere suos voluerat rex; dein, contracto jam inter Aetolos et Trallos (Illyriorum id est genus) certamine, quum urgueri videret suos, et ipse rex cum equitatu in cohortem Romanam incurrit. Ibi

li 2

equus

equus pſo trajectis quum prolapſum per caput regem effuſiſſet, atrox pugna utrimque adcenſa eſt, et ab Romanis iupetu in regem facto, et protegentibus regiis. Inſignis et ipſius pugna fuit, quum pedes inter equites coactus eſſet proelium inire. Deia, quum jam impar certamen eſſet, caderentque circa eum multi et vulnerarentur, raptus ab ſuis atque alteri equo injectus, fugit. Eo die caſtra quinque millia paſſuum ab urbe Eleorum poſuit. Poſtero ad caſtellum (Pyrgum vocant) copias omnes eduxit; quo agreſtium multitudinem cum pecoribus metu populationum compulſam audierat. Eam inconditam inermemque multitudinem primo ſtatim terrore adveniens cepit; compenſaveratque ea praeda, quod ignominiae ad Elim adceptum fuerat. Dividenti praedam captivosque (fuerant autem quatuor millia hominum, pecoris omnis generis ad millia viginti) nuntius ex Macedonia venit, Eropum quemdam, corrupto arcis praefidiique praefecto, Lychnidum cepiſſe; tenere et Daſſaretiorum quosdam vicos, et Dardanos etiam concire. Omiſſo igitur Achaeo bello, relictis tamen duobus millibus et quingentis omnis generis armatorum cum Menippo et Polyphanta ducibus ad praefidium ſociorum, proſectus ab Dymis, per Achajam Boeotiamque et Euboeam decimis caſtris Demetriadem in Theſſaliam pervenit.

XXXIII. Ibi alii, majorem adferentes tumultum, nuntii obcurrunt, Dardanos, in Macedoniam effuſos, Oreſtidem jam tenere, ac deſcendiſſe in Argeſtneum campum; ſamamque inter barbaros celebrem eſſe, Philippum occiſum. Expeditione ea, qua cum populatoribus agri ad Sicyonem pugnavit, in arborem inlatus inpetu equi, ad eminentem ramum

mum cornu alterum galeae praefregit. Id inventum ab Aetolo quodam perlatumque in Aesoliam ad Scerdilaedum, cui notum erat insigne galeae, famam interfecti regis divulgavit. Post profectionem ex Achaja regis Sulpicius, Aeginam classe profectus, cum Attalo sese conjunxit. Achaei cum Aetolis Eleisque haud procul Messene prosperam pugnam fecerunt. Attalus rex et P. Sulpicius Aeginam hibernarunt. Exitu hujus anni T. Quinctius Crispinus consul, dictatore comitiorum ludorumque faciendorum causa dicto T. Manlio Torquato, ex vulnere moritur. Alii Tarenti, alii in Campania mortuum tradunt. Id quod nullo ante bello adciderat, duo consules, sine memorando proelio interfecti, velut orbam rem publicam reliquerant. Dictator Manlius magistrum equitum C. Servilium (tum aedilis curulis erat) dixit. Senatus, quo die primum est habitus, ludos magnos facere dictatorem iussit, quos M. Aemilius praetor urbis, C. Flaminio, Cn. Servilio consulibus, fecerat, et in quinquennium voverat. Tum dictator et ludos fecit, et in insequens lustrum vovit. Ceterum, quum duo consulares exercitus tam prope hostem sine ducibus essent, omnibus aliis omissis, una praecipua cura Patres populumque incessit, consules primo quoque tempore creandi, et ut eos potissimum crearent, quorum virtus satis tuta a fraude Punica esset: quum toto eo bello damnosa praepropera ac fervida ingenia imperatorum fuissent, tum eo ipso anno consules, nimia cupiditate conferendi cum hoste manum, in necopinatam fraudem lapsos esse. Ceterum Deos immortales, miseritos nominis Romani, pepercisse innoxiiis exercitibus: temeritatem consulum ipsorum capitibus damnavisse.

XXXIV. Quum circumspicerent Patres, quosnam consules facerent, longe ante alios eminebat C. Claudius Nero. Ei conlega quaerebatur, et virum quidem eum egregium ducebant, sed promtiorē acrioremque, quam tempora belli postulerent, aut hostis Hannibal: temperandum acre ejus ingenium moderato et prudenti viro adjuncto conlega censebant. M. Livius erat, multis ante annis ex consulatu populi judicio damnatus. Quam ignominiam adeo aegre tulerat, ut et rus migraret, et per multos annos et Vrbe et omni coetu careret hominum. Octavo ferme post damnationem anno M. Claudius Marcellus et M. Valerius Laevinus consules reduxerant eum in Urbem: sed erat veste obsoleta capilloque et barba promissa, praefereus in vultu habituque insignem memoriam ignominiae adceptae. L. Veturius et P. Licinius censores eum tonderi, et squalorem deponere, et in senatum venire, fungique aliis publicis muneribus coegerunt. Sed tum quoque aut verbo adsentiebatur, aut pedibus in sententiam ibat, donec cognati hominis eum causa, M. Livii Macati, quum fama ejus ageretur, stantem coegit in senatu sententiam dicere. Tum ex tanto intervallo auditis convertit ora hominum in se, causamque sermonibus praebuit, indigno injuriam a populo factam, magnoque id damno fuisse, quod tam gravi bello nec opera, nec consilio talis viri-usa res publica esset. C. Neroni neque Q. Fabium, neque M. Valerium Laevinum dari conlegas posse, quia duos patricios creari non liceret. Eandem causam in T. Manlio esse, praeterquam quod recusasset delatum consulatum recusaturusque esset. Egregium par consulum fore, si M. Livium C. Claudio conlegam adjunxissent. Nec populus mentionem ejus

eius rei ortam a Patribus est adspersus. Unus eam rem in civitate is, cui deferrebat honor, abnuebat, levitatem civitatis adcurans. *Sordidati rei non miseritos, candidam togam invito obferre: eodem honores poenasque congeri. Si bonum virum ducerent, quid ita pro malo ac noxio damnassent? si noxium comperissent, quid ita, male credito priore consulatu, alterum crederent?* Haec taliaque arguentem et querentem castigabant Patres, et M. Furium, memorantes, revocatum de exilio, patriam pulsam sede sua restituisse. *Ut parentum saevitiam, sic patriae, patiundo ac ferendo leniendam esse.* Adnisi omnes cum C. Claudio M. Livium consulem fecerunt.

XXXV. Post diem tertium eius diei praetorum comitia habita. Praetores creati L. Porcius Licinus, C. Mamilius, A. et C. Hostilii Catones, Comitibus perfectis ludisque factis, dictator et magister equitum magistratu abierunt. C. Terentius Varro in Etruriam propraetor missus, ut ex ea provincia C. Hostilius Tarentum ad eum exercitum iret, quem T. Quinctius consul habuerat. Et L. Manlius trans mare legatus iret, viseretque, quae res ibi gererentur: simul, quod Olympiae ludicrum ea aestate futurum erat, quod maximo coetu Graeciae celebraretur, ut, si tuto per hostem posset, adiret id concilium: ut, qui Siculi bello ibi profugi, aut Tarentini cives relegati ab Hannibale essent, domos redirent, scirentque, sua omnia, quae ante bellum habuissent, reddere populum Romanum. Quia periculosissimus annus imminere videbatur, neque consules in re publica erant, in consules designatos omnes versi, quam primum eos sortiri provincias, et praesciscere, quam quisque eorum provinciam, quem hostem haberet,

volebant. De reconciliatione etiam gratiae eorum in senatu actum est, principio facto a Q. Fabio Maximo. Inimicitiae autem nobiles inter eos erant, et acerbiores eas indignioresque Livio sua calamitas fecerat, quod spre-tum se in ea fortuna credebat. Itaque is magis inplacabilis erat, et, *nihil opus esse reconciliatione*, agebat. *Acrius et intentius omnia gestiuros, timentes ne crescendi ex se inimico collegae potestas fieret.* Vicit tamen auctoritas senatus, ut, positis simultatibus, communi animo consilioque administrarent rem publicam. Provinciae iis non permixtae regionibus, sicut superioribus annis, sed diversae extremis Italiae finibus, alteri adversus Hannibalem Brut-tii, Lucani; alteri Gallia adversus Hasdruba-lem (quem jam Alpibus adpropinquare fama erat) decreta. Exercitum ex duobus; qui in Gallia quique in Etruria essent, addito urbano, eligeret, quem mallet, qui Galliam esset for-titus. Cui Bruttii provincia evenisset, novis legionibus urbanis scriptis, utrius mallet con-sulum prioris anni, exercitum sumeret. Re-lictum a consule exercitum Q. Fulvius pro-consul acciperet; eique in annum imperium esset. Et C. Hostilio, cui pro Etruria Taren-tum mutaverant provinciam, pro Tarento Capuam mutaverunt. Legio una data, cui Fulvius proximo anno praefuerat.

XXXVI. De Hasdrubalis adventu in Ita-liam cura in dies crescebat. Massiliensium primum legati nuntiaverant, eum in Galliam transgressum, erectosque adventu ejus, quia magnum pondus auri adtulisse diceretur ad mercède auxilia conducenda, Gallorum ani-mos. Missi deinde cum iis legati ab Roma Sex. Antistius et M. Raecius ad rem inspiciendam retu-

retulerant, misisse se cum Massiliensibus ducibus, qui per hospites eorum, principes Gallorum, omnia explorata referrent. Pro comperto habere, Hasdrubalem ingenti jam coacto exercitu proximo vere Alpes trajecturum; nec tum eum quidquam aliud morari, nisi quod clausae hyeme Alpes essent. In locum M. Marcelli P. Aelius Paetus augur creatus inauguratusque; et Cn. Cornelius Dolabella rex sacrorum inauguratus est in locum M. Marci, qui biennio ante mortuus erat. Hoc eodem anno et lustrum conditum est a censoribus P. Sempronio Tuditano et M. Cornelio Cethego. Censura civium capita centum triginta septem millia centum et octo: minor aliquanto numerus, quam qui ante bellum fuerat. Eo anno primum, ex quo Hannibal in Italiam venisset, comitium tectum esse, memoriae proditum est, et ludos Romanos semel instauratos ab aedilibus curulibus Q. Metello et C. Servilio. Et plebejis ludis biduum instauratum ab Q. Mamilio et M. Caecilio Metello aedilibus plebis. Et tria signa ad Cereris iidem dederunt: et Jovis epulum fuit ludorum causa. Consulatum inde ineunt C. Claudius Nero et M. Livius iterum. Qui, quia jam designati provincias sortiti erant, praetores sortiri iusserunt. C. Hostilio urbana evenit: addita et peregrina, ut tres in provincias exire possent. A. Hostilio Sardinia, C. Mamilio Sicilia, L. Porcio Gallia evenit. Summa legionum trium et viginti ita per provincias divisa, ut binæ consulum essent, quatuor Hispania haberet, tres praetores binas, in Sicilia, in Sardinia et Gallia, duas C. Terentius in Etruria, duas Q. Fulvius in Brutiis, duas Q. Claudius circa Tarentum et Salentinis, unam C. Hostilius Tubulus Capuae; duae urbanae ut scriberentur.

tur. Primis quatuor legionibus populus tribunos creavit: in ceteras consules miserunt.

XXXVII. Prius quam consules proficiscerentur, novemdiale sacrum fuit, quia Vejis de coelo lapidaverat. Sub unius prodigii (ut fit) mentionem alia quoque nuntiata; Minurnis aedem Jovis et, lucum Maricae, item Atellae murum et portam de caelo tacta. Minurnenses, terribilius quod esset, adjiciebant, sanguinis rivum in porta fluxisse. Et Capuae lupus, nocte portam ingressus, vigilem lanaverat. Haec procurata hostiis majoribus prodigia, et supplicatio diem unum fuit ex decreto pontificum. Inde iterum novemdiale instauratum, quod in Armilustro lapidibus visum pluere. Liberatas religione mentes turbavit rursus nuntiatum, Frustrone infantem natum esse quadrimo parem; nec magnitudine tam mirandum, quam quod is quoque, ut Sinuessae biennio ante, incertus, mas an femina esset, natus erat. Id vero haruspices, ex Etruria aditi, foedum ac turpe prodigium dicere, Extorrem agro Romano, procul terrae contactu, alto mergendum. Vivum in arcam condidere, provectumque in mare projecerunt. Decrevere item pontifices, ut virgines ter novenae, per Urbem euntes, carmen canerent. Id quum in Jovis Statoris aede discerent, conditum ab Livio poeta, carmen, tacta de coelo aedes in Aventino Junonis Reginae: prodigiumque id ad matronas pertinere, haruspices quum respondissent, donoque Divam placandam esse; aedilium curulium edicto in Capitolium convocatae, quibus in urbe Romana intraque decimum lapidem ab Urbe domicilia essent, ipsae inter se quinque et viginti delegerunt, ad quas ex dotibus stipem conferrent. Inde donum pelvis aurea facta, lata-

Iataque in Aventinum, pureque et caste a matronis sacrificatum. Confestim ad aliud sacrificium eidem Divae ab decemviris edicta dies, cujus ordo talis fuit: ab aede Apollinis boves feminae albae duae porta Carmentali in Urbem ductae. Post eas duo signa cupressæ Junonis Reginae portabantur. Tum septem et viginti virgines, longam indutae vestem, carmen in Junonem Reginam canentes ibant; illa tempestate forsitan laudabile rudibus ingeniis, nunc abhorrens et inconditum, si referatur. Virginum ordinem sequebantur decemviri coronati laurea praetextatique. A porta Jugario vico in forum venerunt. In foro pompa constitit; et, per manus recte data, virgines sonum vocis pulsu pedum modulantes incesse-
runt. Inde vico Tusco Velabroque, per Boarium forum, in clivum Publicium atque aedem Junonis Reginae perrectum. Ibi duae hostiae ab decemviris immolatae, et simulacra cupressæ in aedem inlata.

XXXVIII. Diis rite placatis, delectum consules habebant acrius intentiusque, quam prioribus annis quisquam meminerat habitum. Nam et belli terror duplicatus novi hostis in Italiam adventu; et minus juventutis erat, unde scriberent milites. Itaque colonos etiam maritimos, qui sacrosanc-
tam vacationem dicebantur habere, dare milites cgebant. Quibus recusantibus, edixere in diem certam, ut, quo quisque jure vacationem haberet, ad senatum deferret. Ea die hi populi ad senatum venerunt: Ostiensis, Albiensis, Antias, Anxuras, Minturnensis, Sinuessanus, et ab supero mari Senensis. Quum vacationes suas quisque populus recitaret; nullius, quum in Italia hostis esset, praeter Antiatem Ostien-
sinque, vacatio observata est, et earum colo-
nia-

niarum juniores jure jurando adacti, supra dies triginta non pernoctaturos se esse extra moenia coloniae suae, donec hostis in Italia esset. Quum omnes censerent, primo quoque tempore consulibus eundum ad bellum, (nam et Hasdrubali obcurrendum esse descendenti ab Alpibus, ne Gallos Cisalpinos, neve Etruriam, erectam in spem rerum novarum, sollicitaret; et Hannibalem suo proprio occupandum bello, ne emergere ex Brutiis atque obviam fratri ire posset) Livius cunctabatur, parum fidens suarum provinciarum exercitibus: conlegam ex duobus consularibus egregiis exercitibus et tertio, cui Q. Claudius Tarenti praeesset, electionem habere. Intuleratque mentionem de volonibus revocandis ad signa. Senatus liberam potestatem consulibus fecit, et supplendi unde vellent, et eligendi de omnibus exercitibus, quos vellent, permutandique, et ex provinciis, quos e re publica censerent esse, traducendi. Ea omnia cum summa concordia consulum acta. Volones in undevicesimam et vicesimam legiones scripti. Magni roboris auxilia ex Hispania quoque a P. Scipione M. Livio missa quidam ad id bellum auctores sunt; octo millia Hispanorum Gallo- rumque, et duo millia de legione militum, equitum mille, mixtos Numidas Hispanosque. M. Lucretium has copias navibus adduxisse; et sagittariorum funditorumque ad quatuor millia ex Sicilia C. Mamilium misisse.

XXXIX. Auxerunt Romae tumultum literae ex Gallia adlatae ab L. Porcio praetore: *Hasdrubalem movisse ex hibernis, et jam Alpes transire; octo millia Ligurum conscripta armataque conjunctura se transgresso in Italiam esse, nisi mitteretur in Ligures, qui eos bello occuparet. Se cum invalido exercitu, quoad tutum puta-*

putaret, progressurum. Hae literae consules, raptim confecto delectu, maturius, quam constituerant, exire in provincias coegerunt, ea mente, ut uterque hostem in sua provincia contineret, neque conjungi, aut conferre in unum vires pateretur. Plurimum in eam rem adjuvit opinio Hannibalis, quod, etsi ea aestate transiturum in Italiam fratrem crediderat, recordando quae ipse in transitu nunc Rhodani, nunc Alpium, cum hominibus locisque pugnando per quinque menses exhausisset, haudquaquam tam facilem maturumque transitum exspectabat. Ea tardius movendi ex hibernis causa fuit. Ceterum Hasdrubali et sua et aliorum spe omnia celeriora atque expeditiora fuere. Non enim receperunt modo Arverni eum deincepsque aliae Gallicae atque Alpinae gentes, sed etiam sequitae sunt ad bellum; et quum per munita pleraque transitu fratris, quae antea invia fuerant, ducebat, tum etiam, duodecim annorum adsuétude perviis Alpibus factis, inter mitiora jam hominum transibat ingenia. Invisitati namque antea alienigenis, nec videre ipsi advenam in sua terra adjecti, omni generi humano inso-ciabiles erant. Et primo ignari, quo Poenus pergeret, suas rupes suaeque castella et pecorum hominumque praedam peti crediderant: fama deinde Punici belli, quo duodecimum annum Italia urebatur, satis edocuerat, viam tantum Alpes esse; duas praevalidas urbes, magno inter se maris terrarumque spatio discretas, de imperio et opibus certare. Hae causae aperuerant Alpes Hasdrubali. Ceterum quod celeritate itineris profectam erat, id mora ad Placentiam; dum frustra obsidet magis, quam obpugnat, corrupit. Crediderat campestris oppidi facilem expugnationem esse; et nobi-

nobilitas coloniae induxerat eum, magnum se excidio ejus urbis terrorem ceteris raturum injecturum. Non ipsum solum ea obpugnatio impediit, sed Hannibalem post famam transitus ejus, tanto spe sua celeriores, jam moventem ex hibernis, continnerat; quippe reputantem, non solum quam lenta urbium obpugnatio esset, sed etiam quam ipse frustra eandem illam coloniam, ab Trebia victor regressus, tentasset.

XL. Consules, diversis itineribus profecti ab Urbe, velut in duo pariter bella distenderant curas hominum, simul recordantium, quas primus adventus Hannibalis intulisset Italiae clades, simul, quum illa angeret cura, quos tam propitios Urbi atque imperio fore Deos, ut eodem tempore utrobique res publica prospere gereretur? Adhuc adversa secundis pensando rem ad id tempus extractam esse. Quum in Italia ad Trasimenum et Cannas praecipitasset Romana res, prospera bella in Hispania prolabantur eam erexisse. Postea quam in Hispania alia super aliam clades, duobus egregiis ducibus amissis, duos exercitus ex parte dedisset multa, secunda in Italia Siciliaque gesta quassatam rem publicam excepisset et ipsum intervallum loci, quod in ultimis terrarum oris alterum bellum gereretur, spatium dedisse ad respirandum. Nunc duo bella in Italiam accepta, duo celeberrimi nominis duces circumflare urbem Romanam, et unum in locum totam periculi molem, omne onus incubuisse. Qui eorum prior vicisset, intra paucos dies castra cum altero juncturum. Terrebat et proximus annus lugubris duorum consulum funeribus. His anxii curis homines digredientes in provincias consules prosequuti sunt. Memoriae proditum est, plenum adhuc irae in cives M. Livium,

vium; ad bellum proficiscentem, monanti Q. Fabio, *ne prius, quam genus hostium cognosset, temere manum consereret*, respondisse: *Vbi primum hostium agmen conspexisset, pugnaturum*. Quum quaereretur, quae causa festinandi esset? *Aut ex hoste egregiam gloriam, inquit, aut ex civibus victis gaudium, meritum certe, etsi non honestum, capiam*. Prius quam Claudius consul in provinciam perveniret, per extremum finem agri Larinatis ducentem in Sallentinos exercitum Hannibalem cum expeditis cohortibus adortus C. Hostilius Tubulus incompósito agmini terribilem tumultum intulit. Ad quatuor millia hominum occidit, novem signa militaria cepit. Moverat ex hibernis ad famam hostis Q. Claudius, qui per urbes agri Sallentini castra disposita habebat. Itaque, ne cum duobus exercitibus simul conflingeret, Hannibal nocte castra ex agro Tarentino movit, atque in Bruttios concessit. Claudius in Sallentinos agmen convertit. Hostilius, Capuam petens, obvius ad Venusiam fit consuli Claudio. Ibi ex utroque exercitu electa peditum quadraginta millia, duo millia et quingenti equites, quibus consul adversus Hannibalem rem gereret: reliquas copias Hostilius Capuam ducere jussus, ut Q. Fulvio proconsuli traderet.

XLI. Hannibal, undique contracto exercitu, quem in hibernis aut in praesidiis agri Bruttii habuerat, in Lucanos ad Grumentum venit, spe recipiendi oppida, quae per metum ad Romanos defecissent. Eodem a Venusia consul Romanus exploratis itineribus contendit, et mille fere et quingentos passus castra ab hoste locat. Grumentum moenibus prope inunctum videbatur Poenorum vallum. Quingenti passus intererant, Castra Punica ac Romana

mana inter jacebat campus; colles imminebant nudi sinistro lateri Carthaginiensium, dextro Romanorum, neutris suspecti, quod nihil sylvae neque ad insidias latebrarum habebant. In medio campo ab stationibus procurstantes certamina, haud satis digna dictu, ferebant. Id modo Romanum quaerere adparebat, ne abire hostem pateretur. Hannibal, inde evadere cupiens, totis viribus in aciem descendebat. Tum consul, ingenio hostis usus, quo minus in tam apertis collibus timori insidiae poterant, quinque cohortes, additis quinque manipulis, nocte jugum superare, et in aversis vallibus confidere jubet. Tempus exsurgendi ex insidiis et adgrediendi hostem Ti. Claudium Asellum tribunum militum et P. Claudium praefectum socium edocet, quos cum iis mittebat. Ipse luce prima copias omnes peditum equitumque in aciem eduxit. Paulo post et ab Hannibale signum pugnae propositum est, clamorque in castris ad arma discurrentium est sublatu. Inde eques pedesque certatim portis ruere, ac palati per campum properare ad hostes. Quos ubi effusos consul videt, tribuno militum tertiae legionis C. Atrunculejo imperat, ut equites legionis, quanto maximo inpetu possit, in hostem emitat. Ita pecorum modo incompósitos toto passim campo se fuisse, ut sterni obterique, prius quam instruantur, possint.

XLII. Nondum Hannibal e castris exierat, quum pignantium clamorem audivit. Itaque, excitus tumultu, raptim ad hostem copias agit. Jam primos occupaverat equester terror. Peditum etiam prima legio et dextra ala proelium inibant. Incompósitos hostes, ut quemque aut pediti, aut equiti casus obtulit, ita conferunt manus. Crescit pugna subsidiis,

et

et procurentium ad certamen numero auge-
tur; pugnaeque (quod nisi in vetere exer-
citu et duci veteri haud facile est) inter tu-
multum ac terrorem instruxisset Hannibal, in
cohortium ac manipulorum decurrentium per
colles clamor, ab tergo auditus; metum, ne
intercluderentur a castris, iniecit. Inde
pavor incussus, et fuga passim fieri coepta est.
Minorque caedes fuit, quia propinquitas ca-
strorum brevior fugam perculsis fecit. Equi-
tes enim tergo inhaerebant; in transversa la-
tera invaserant cohortes, secundis collibus via
nuda ac facili decurrentes. Tamen supra octo
millia hominum occisa, supra septingentos
capti, signa militaria novem ademta; elephan-
ti etiam, quorum nullus usus in repentina ac
tumultuaria pugna fuerat, quatuor occisi, duo
capti. Circa quingentos Romanorum socio-
rumque victores ceciderunt. Postero die Poe-
nus quievit. Romanus, in aciem copiis edu-
ctis, postquam neminem signa contra efferre
vidit, spolia legi caesorum hostium, et suorum
corpora conlata in unum sepeliri iussit. Inde
insequentibus continuis diebus aliquot ita in-
stitit portis, ut prope inferre signa videretur;
donec Hannibal tertia vigilia, crebris ignibus
tabernaculisque, quae pars castrorum ad ho-
stes vergebat, et Numidis paucis, qui in vallo
portisque se ostenderent, relictis, profectus
Apuliam petere intendit. Vbi inluxit, sub-
cessit vallo Romana acies; et Numidae ex
composito paullisper in portis se valloque
ostentare, frustratique aliquamdiu hostes,
citatis equis agmen suorum adsequuntur. Con-
sul, ubi silentium in castris, et ne paucos qui-
dem, qui prima luce obambulaverant, parte
ulla cernebat, duobus equitibus speculatum in
castra praemissis, postquam satis tuta omnia

esse exploratum est; inferri signa iussit; tantumque ibi moratus, dum milites ad praedam discurrant, receptui deinde cecinit, multoque ante noctem copias reduxit. Postero die prima luce profectus, magnis itineribus fatham et vestigia agminis sequens, haud procul Venusiam hostem adsequitur. Ibi quoque tumultuaria pugna fuit. Supra duo millia Poenorum caesa. Inde nocturnis montanisque itineribus Poenus, ne locum pugnandi daret, Metapontum petiit. Hanno inde (is enim praesidio ejus loci praefuerat) in Bruttios cum paucis ad exercitum novum comparandum missus. Hannibal, copiis ejus ad suas additis; Venusiam retro, quibus venerat itineribus, repetit, atque inde Canusium procedit. Numquam Nero vestigiis hostis abstiterat; et Q. Fulvium, quum Metapontum ipse proficisceretur, in Lucanos, ne regio ea sine praesidio esset, arcessierat.

XLIII. Inter haec, ab Hasdrubale, postquam a Placentiae obsidione abscessit, quatuor Galli equites, duo Numidae, cum literis ad Hannibalem missi; quum per medios hostes totam ferme longitudinem Italiae emensi essent, dum Metapontum cedentem Hannibalem sequuntur, incertis itineribus Tarentum delati, a vagis per agros pabulatoribus Romanis ad Q. Claudium propraetorem deducuntur. Eum primo incertis implicantibus responsis, ut metus tormentorum admotus fateri vera coegit, edocuerunt; literas se ab Hasdrubale ad Hannibalem ferre. Cum iis literis, sicut erant, signatis, L. Virginio tribuito militum ducendi ad Claudium consulem tradantur. Duae simul turmae Samnitium praesidii causam missae. Qui ubi ad consulem pervenerunt, literaeque lectae per interpretem sunt; et ex captivis per-

percunctatio facta; tum Claudius, non id tempus esse rei publicae ratus, quo consiliis ordinariis provinciae suae quisque finibus per exercitus suos cum hoste destinato ab senatu bellum gereret, audendum aliquid inprovisum, inopinatum, quod coeptum non minorem apud cives, quam hostes terrorem faceret, perpetratum in magnam laetitiam ex magno metu verteret; literis Hasdrubalis Romam ad senatum missa, simul et ipse Patres conscriptos, quid pararet, edocet, ut, quum in Umbria se obcursurum Hasdrubal fratri scribat, legionem a Capua Romam arcessant; delectum Romae habeant; exercitum urbanum ad Narniam hosti obponant. Haec senatui scripta. Praemissi item per agrum Larinatem, Marrucinum, Frentanum, Praetutianum, qua exercitum ducturus erat, ut omnes ex agris urbibusque comineatus paratos militi ad vescendum in viam deferrent, equos jumentaue alia producerent, ut vehiculorum fessia copia esset. Ipse de toto exercitu civium sociorumque, quod roboris erat, delegit, sex millia pedum, mille equites; pronuntiat, occupare se in Lucanis proximam urbem Punicumque in ea praesidium velle; ut ad iter parati omnes essent. Profectus nocte flexit in Picenum; et consul quidem, quantis maximis itineribus poterat, ad conlegam ducebat, relicto Q. Catio legato, qui castris praeesset.

XLIV. Romae haud minus terroris ac tumultus erat, quam fuerat biennio ante, quum castra Punica objecta Romanis moenibus portisque fuerant; neque satis constabat animis, tam audax iter consulis laudarent vituperarentne. Adparebat (quo nihil iniquius est) ex eventu famam habiturum. *Castra prope Hannibalem hostem relicta sine duce cum exercitu,*

XLIV

rut

cui detractum foret omne, quod roboris, quod floris fuerit; et consulem in Lucanos ostendisse iter, quum Picenum et Galliam peteret, castra relinquentem nulla alia re tutiora, quam errore hostis, qui ducem inde atque exercitus partem abesse ignoraret. Quid futurum, si id palam fiat, et aut insequat Neronem, cum sex millibus armatorum profectum, Hannibal toto exercitu velit, aut castra invadere, praedae relictæ, sine viribus, sine imperio, sine auspicio? Veteres ejus bellii clades, duo consules proximo ando interfecti terrebant. Et ea omnia accidisse, quia unus imperator, unus exercitus hostium in Italia esset: nunc duo bella Puniæ facta, duos ingentes exercitus, duos prope Hannibales in Italia esse. Quippe et Hasdrubalem, patre eodem Hamilcare genitum, aequè inpigrum ducem, per tot in Hispania annos Romano exercitatum bello, gemina victoria insignem, duobus exercitibus cum clarissimis ducibus abletis. Nam itineris quidem celeritate ex Hispania et concitatis ad arma Gallicis gentibus multo magis, quam Hannibalem ipsum, gloriari posse. Quippe in iis locis hunc coegisse exercitum, quibus ille majorem partem militum fame ac frigore, quæ miserrima mortis genera sunt, amisisset. Adjiciebant etiam periti rerum Hispaniæ, haud cum ignoto duce C. Nerone congressurum; sed quem in saltu inpedito deprehensus forte, haud secus quam puerum, conscribendis fallacibus conditionibus pacis frustratus elusisset. Omnia majora etiam verò praesidia hostium, minora sua, metu interprete, semper in deteriora inclinato, ducebant.

XLV. Nero, postquam jam tantum intervalli ab hoste fecerat, ut detegi consilium satis tutum esset, paucis milites adloquitur. Negat ullius consilium imperatoris in speciem audacius,

alius, re ipsa tutius fuisse, quam sum. Ad cer-
 tam eos se victoriam ducere. Quippe ad quod
 bellum conlega non ante, quam ad satietatem,
 ipsius peditum atque equitum datae ab senatu
 copiae fuissent majores iustioresque, quam
 si adversus ipsum Hannibalem iret, profectus
 sit, eo ipsos, quantumcumque virium momen-
 tum addiderint, rem omnem inclinatu-
 ros. Audito modo in acie, (nam, ne ante audiretur,
 daturum operam) alterum consulem et alterum
 exercitum advenisse, haud dubiam victoriam
 facturum. Famam bellum conficere, et parva
 momenta in spem metumque impellere animas.
 Gloriam quidem ex re bene gesta partem fructum
 prope omnem ipsos laturos. Semper, quod
 postremum adjectum sit, id rem totam videri
 traxisse. Cernere ipsos, quo concursu, qua ad-
 miratione, quo favore hominum iter suum cele-
 bretur. Et, Hercule, per instructa omnia or-
 dinibus virorum mulierumque, undique ex
 agris effusorum, inter vota et preces et laudes
 ibant: illos praesidia rei publicae, vindices
 urbis Romae imperique adpellabant: in illo-
 rum armis dextrisque suam liberumque suo-
 rum salutem ac libertatem repositam esse. Deos
 omnes Deasque precabantur, ut illis faustum
 iter, felixque pugna, natura ex hostibus vi-
 ctoria esset, dampnarenturque ipsi votorum,
 quae pro iis suscepissent; ut, quemadmodum
 nunc solliciti prosequerentur eos, ita paucos
 post dies laeti ovantibus victoria obviam irent.
 Invitare inde pro se quisque et obferre et fa-
 tigare precibus, ut, quae ipsis jumentisque
 usui essent, ab se potissimum sumerent. Be-
 nigne omnia cumulata dare. Modestia certare
 milites, ne quid ultra usum necessarium su-
 merent: nihil morari, nec ab signis abstinere
 cibum capientes: diem ac noctem ire: vix,

Kk 5

quod

quod satis ad naturale desiderium corporum esset, quieti dare. Et ad conlegam praemissi erant, qui nuntiarent adventum, percunctarenturque, clam an palam, interdum an noctu, venire sese vellet, iisdem an aliis confidere castris. Nocte clam ingredi melius visum est.

XLVI. Tessera per castra ab Livio consule data erat, ut tribunum tribunus, centurio centurionem, eques equitem, pedes peditem acciperet. Neque enim dilatari castra opus esse, ne hostis adventum alterius consulis sentiret; et coarctatio plurium in angusto tendentium faciliior futura erat, quod Claudianus exercitus nihil ferme, praeter arma, secum in expeditionem tulerat. Ceterum in ipso itinere auctum voluntariis agmen erat; obferentibus sese ultro et veteribus militibus perfunctis iam militia, et juvenibus, quos certatim nomina dantes, si quorum corporis species roburque virium aptum militiae videbatur, conscripserat. Ad Senam castra alterius consulis erant; et quingentos inde ferme passus Hasdrubal aberat. Itaque quum jam adpropinquaret, tectus montibus substitit Nero, ne ante noctem castra ingrederetur. Silentio ingressi, ab sui quisque ordinis hominibus in tentoria abducti, cum summa omnium laetitia hospitaliter excipiuntur. Postero die consilium habitum, cui et L. Porcius Licinus praetor affuit. Castra juncia consulum castris habebat, et ante adventum eorum, per loca alta ducendo exercitum, quum modo insideret angustos saltus, ut transitum clauderet, modo ab latere aut ab tergo carperet agmen, ludificatus hostem omnibus artibus belli fuerat. Is tum in consilio aderat. Multorum eo inclinant sententiae, ut, dum fessum via ac vigiliis reficeret militem Nero, simul et ad noscendum

dum hostem paucos sibi fumeret dies, tempus pugnae differretur. Nero non suadere modo, sed summa ope orare institit, ne consilium suum, quod tutum celeritas fecisset, temerarium morando facerent. Errore (qui non diuturnus futurus esset) velut tarpentem Hannibalem nec castra sua sine duce relictâ adgredi, nec ad sequendum se iter intendisse. Antequam se moveat, deleri exercitum Hasdrubalis posse, rediriue in Apuliam. Qui prolatando spatium hosti det, eum et illa castra prodeus Hannibali, et aperire in Galliam iter, ut per otium, ubi velit, Hasdrubali conjungatur. Extemplo signum dandum, et excursum in aciem, abutendumque errore hostium absentium, praesentiumque, dum neque illi sciant cum paucioribus, nec hi cum pluribus et validioribus rem esse. Consilio dimisso, signum pugnae proponitur, confestimque in aciem procedunt.

XLVII. Jam hostes ante castra instructi stabant. Moram pugnae adtulit, quod Hasdrubal, provectus ante signa cum paucis equitibus, scuta vetera hostium notavit, quae ante non viderat, et strigiosiores equos. Multitudo quoque major solita visa est. Suspiciens enim id, quod erat, receptui propere cecidit, ac misit ad flumen, unde aquabantur, ubi et excipi aliqui possent, et notari oculis, si qui forte adustioris coloris, ut ex recenti via, essent; simul circumvehi procul castra jubet specularique, num auctum aliqua parte sit vallum, et ut adtendant, semel bisne signum canat in castris. Ea quum ordine omnia relata essent, castra nihil aucta errorem faciebant. Bina erant, sicut ante adventum consulis alterius fuerant, una M. Livii, altera L. Porcii; neutris quidquam, quo latius tenderetur, ad munimenta adjectum. Illud veterem

ducem adsuetumque Romano hosti movit; quod semel in praetoriis castris signum, bis in consularibus referebant cecinisse. Duos profecto consules esse; et, quonam modo alter ab Hannibale abscéssisset, cura angebat. Minime id, quod erat, suspicari poterat, tantae rei frustratione Hannibalem elusum, ut, ubi dux, ubi exercitus esset, cum quo castra conlata haberet, igni raret. Profecto haud mediocri clade absterritum insequi non ausum. Magnopere vereri, ne perditis rebus serum ipse auxilium venisset, Romanisque eadem jam fortuna in Italia, quae in Hispania, esset. Interdum, literas suas ad eum non pervenisse, credere, interceptisque iis, consulem ad sese obptimendum adcelerasse. His anxius curis, extinctis ignibus, vigilia prima dato signo, ut taciti vasa conligerent, signa ferri iussit. In trepidatione et nocturno tumultu duces parum intente adservati, alter in destinatis jam ante animo latebris subsedit, alter per vada nota Metaurum flumen tranavit. Ita desertum a ducibus agmen primo per agros palatur; fessique aliquot somno ac vigiliis sternunt corpora passim, atque infrequentia relinquunt signa. Hasdrubal, dum lux viam ostenderet, ripa fluminis signa ferri iubet; et per tortuosi amnis sinus flexusque errorem volvens haud multum processit, ubi prima lux transitum opportunum ostendisset, transiturus. Sed quum, quantum mare abscedebat, tanto altioribus coercentibus amnem ripis, non inveniret vada, diem terendo spatium dedit ad insequendum sese hosti.

XLVIII. Nero primum cum omni equitatu advenit. Porcius deinde adsequutus cum levi armatura. Qui quum fessum agmen carperent ab omni parte incursarentque, et jam,

omis-

omisso itinere, quod fugae simile erat, castra metari Poenus in tumultu super fluminis ripam vellet; advenit Livius peditum omnibus copiis, non itineris modo, sed ad conferendum extemplo proelium instructis armatisque. Sed ubi omnes copias conjunxerunt, directaque acies est, Claudius dextro in cornu, Livius ab sinistro pugnam instruit: media acies praetori tuenda datur. Hasdrubal, ommissa munitione castrorum, postquam pugnandum vidit, in prima acie ante signa elephantos collocat. Circa eos laevo in cornu adversus Claudium Gallos obponit, haud tantum eis fidens, quantum ab hoste timeri eos credebatur. Ipse dextrum cornu adversus M. Livium sibi atque Hispanis (et ibi maxime in vetere milite spem habebat) sumit. Ligures in medio post elephantos positi; sed longior, quam latior, acies erat. Gallos prominens collis tegebat. Ea frons, quam Hispani tenebant, cum sinistro Romanorum cornu concurrat. Dextra omnis acies extra proelium eminens cessabat. Collis obpositus arcebat, ne aut a fronte, aut ab latere adgrederentur. Inter Livium Hasdrubalemque ingens contractum certamen erat, atroxque caedes utrinque edebatur. Ibi duces ambo, ibi pars major peditum equitumque Romanorum; ibi Hispani, vetus miles peritusque Romanae pugnae, et Ligures, durum in armis genus. Eodem versi elephantis, qui primo impetu turbaverant antesignanos, et jam signa moverant loco; deinde crescente certamine et clamore, inpotentius jam regi, et inter duas acies versari, velut incerti quorum essent; haud dissimiliter navibus sine gubernaculo vagis. Claudius, *Quid ergo praecipiti cursu tam longum iter emensi sumus?* clamitans militibus, quum in adversum collem frustra

signa erigere conatus esset, postquam ea regione penetrari ad hostem non videbat posse; cohortes aliquot subductas a dextro cornu, ubi stationem magis segnem, quam pugnam, futuram cernebat, post aciem circumducit: et, non hostibus modo, sed etiam suis inopinantibus, in sinistram hostium latus incurrit; tantaque celeritas fuit, ut, quum ostendissent se ab latere, mox in terga iam pugnarent. Ita ex omnibus partibus, ab fronte, ab latere, ab tergo, irruunt Hispani Liguresque; et ad Gallos iam caedes pervenerat. Ibi minimum certaminis fuit. Nam et pars magna ab signis aberant, nocte dilabii stratique somno passim per agros; et, qui aderant, itinere ac vigiliis fessi, intolerantissima laboris corpora, vix arma humeris gestabant. Et iam diei medium erat, sitisque et calor hiantes caedendos capiendosque adfatis praebat.

XLIX. Elephanti plures ab ipsis rectoribus, quam ab hoste, interfecti. Fabrilis scalprum cum malleo habebant: id, ubi saevire belluae ac ruere in suos coeperant, magister super aures positum, ipso in articulo, quo iungitur capiti cervix, quanto maximo poterat ictu, adigebat. Ea celerrima via mortis in tantae molis bellua inventa erat, ubi regendi spem vicissent: primusque id Hasdrubal instituerat, dux quum saepe alias memorabilis, tum illa praecipue pugna. Ille pugnautes hortando, pariterque obeundo pericula, sustinuit: ille fessos abnuentesque taedio et labore, nunc precando, nunc castigando, adcendit: ille fugientes revocavit, omissamque pugnam aliquot locis restituit. Postremo, quum haud dubie fortuna hostium esset, ne superesset tanto exercitui suum nomen sequuto, concitato equo se in cohortem Romanam inmisit. Ibi, ut patres Hamil-

Hamilcare et Hannibale fratre dignam erat, pugnans cecidit. Numquam eo bello una acie tantum hostium interfectum est, redditaque aequa Cannensi elades, vel ducis, vel exercitus interitu, videbatur. Quinquaginta sex millia hostium occisa: capta quinque millia et quadringenti: praeda alia magna tum omnis generis, tum auri etiam argentique. Civium etiam Romanorum, qui capti apud hostes erant, supra tria millia capitum recepta. Id solatii fuit pro amissis eo proelio militibus. Nam haudquaquam incruentia victoria fuit; octo ferme millia Romanorum sociorumque occisa. Adeoque etiam victores sanguinis caedisque ceperat satietas, ut postero die, quum esset nuntiatum Livio consuli, Gallos Cisalpinos Liguresque, qui aut proelio non adfuissent, aut inter caedem effugissent; uno agmine abire sipe cetero duce, siue signis, siue ordine ullo, aut imperio; posse; si una equitum ala mittatur, omnes deleri; *Superfuit, inquit, aliqui nuntii et hostium cladis, et nostrae virtutis.*

L. Nero ea nocte, quae sequuta est pugnam, citatiore, quam inde venerat, agmine die sexto ad stativa sua atque ad hostem pervenit. Iter ejus frequentia minore, quia nemo praecesserat nuntius, laetitia vero tanta, celebratum est. Nam Romae neuter animi habitus satis dici enarrarique potest, nec quo incerta expectatione eventus civitas fuerat, nec quo victoriae famam adeepit. Numquam per omnes dies, ex quo Claudium consulem profectum fama adtulit, ab orto sole ad occidentem, aut senator quisquam a curia atque ab magistratibus abscessit, aut populus e foro, Matronae, quia nihil in ipsis opus erat, in pra-

ces

ces obsecrationesque versas, per omnia delubra vagas supplicis votisque fatigare Deos. Tam sollicitae ac suspensae civitati fama incerta primo abcidit, duos Narnienses equites in castra, quae in faucibus Umbriae obposita erant, venisse ex proelio, nuntiantes caecos hostes. Et primo magis auribus, quam animis, id adceptum erat, ut majus laetiusque, quam quod mente capere, aut satis credere possent; et ipsa celeritas fidem impediebat, quod biduo ante pugnatum dicebatur. Literae deinde ab L. Manlio Acidino missae ex castris adferuntur de Narniensium equitum adventu. Eae literae, per forum ad tribunal praetoris latae, senatum curia exiverunt; tantoque certamine ac tumultu populi ad fores curiae concursum est, ut adire nuntius non posset, trahereturque a percontantibus vociferantibusque, ut in Rostris prius, quam in senatu, literae recitarentur. Tandem submoti et coerciti a magistratibus, dispensarique laetitia inter impotentes ejus animos potuit. In senatu primum, deinde in concione, literae recitatae sunt; et, pro cuiusque ingenio, aliis jam certum gaudium, aliis nulla ante futura fides erat, quam legatos consulumve literas audissent.

LL. Ipsos deinde adpropinquare legatos adlatum est. Tum enimvero omnis aetas currere obvii, primus quisque oculis auribusque haurire tantum gaudium cupientes. Ad Mulvium usque pontem continens agmen pervenit. Legati (erant L. Veturius Philo, P. Licinius Varns, Q. Caecilius Metellus) circumfusi omnis generis hominum frequentia in forum pervenerunt, quum alii ipsos, alii comites eorum, quae acta essent, percunctarentur, et ut quisque audierat, exercitum hostium im-

pera-

peratoremque occisum, legiones Romanas incolumes, salvos consules esse, extemplo aliis porro inpertiebant gaudium suum. Quum aegre in euriam perventum esset; multo aegrius submota turba, ne Patribus misceretur, literae in senatu recitatae sunt. Inde producti in concionem legati. L. Veturius, literis recitatis, ipse planius omnia, quae acta erant, exposuit cum ingenti adsensu, postremo etiam clamore universae concionis, quum vix gaudium animis caperent. Discursum inde ab aliis circa templa Deum, ut grates agerent; ab aliis domos, ut conjugibus liberisque tam laetum nuntium inpertirent. Senatus, quod M. Livius et C. Claudius consules, incolumi exercitu, ducem hostium legionesque occidissent, supplicationem in triduum decrevit. Eam supplicationem C. Hostilius praetor pro concione edixit, celebrataque a viris feminisque est. Omnia templa per totum triduum aequalem turbam habuere; quum matronae amplissima veste cum liberis, perinde ac si debellatum foret, omni solutae metu, Deis immortalibus grates agerent. Statum quoque civitatis ea victoria movit, ut jam inde, haud secus quam in pace, res inter se contrahere, vendendo, emendo, mutuum dando, argentum creditum solvendo, auderent. C. Claudius consul quum in castra redisset, caput Hadrubalis, quod servatum cum cura attulerat, projici ante hostium stationes, captivosque Afros vinctos, ut erant, ostendi, duos etiam ex iis solutos ire ad Hannibalem, et expromere, quae acta essent, iussit. Hannibal, tanto simul publico familiarique ictus luctu, *adnoscere se fortunam Carthagini*, fertur dixisse: castrisque inde motis, ut omnia auxilia, quae diffusa latius tueri non poterat, in extremum Italiae

Italiae angulum Bruttios contraheret, et Metapontinos, civitatem universam, excitos sedibus suis, et Lucanorum qui suae ditionis erant, in Bruttium agrum traduxit.

T. LIVII PATAVINI

LIBER XXVIII.

B R E V I A R I V M .

CAP. 1. In Hispania Hasdrubal, Gisgonis filius, concesserat Gades; Magonis autem exercitus multis copiis, tum ex Africa ab Hannone adductis, tum in Celtiberia conscriptis, auctus erat. Adversus eum mittitur M. Silanus. 2. Multis hostibus caesis Hanno vivus capitur, et Mago ad Hasdrubalem, Celtiberi domos diffugiunt. Itaque Scipio spem debellandi nactus adversus Hasdrubalem pergit, qui exercitum omnem passim dividit in civitates. 3. Hinc Scipio ipse retro vertit iter, et L. Scipio, frater ejus, in his locis relictus, Origin expugnat. 4. Tum Scipio omnes suas copias in hiberna citerioris Hispaniae reducit, et ipse concedit Tarraconem. Eodem anno classis Romana, cum M. Valerio Laevino proc. ex Sicilia in Africam transmissa, in Uticensi Carthaginiensique agrolate populationes facit, et repetens Siciliam fugat Punicam classem.

5. Ea-

5. Eadem aestate P. Sulpicius praec. et Attalus rex, Aetolorum socii, una cum his continuant bellum adversus Philippum, Achaeos, Acarnantas, Boeotos et Euboeos. 6. In Eubora capiunt Oreum, et Chalcidem obpugnant. 7. Attalus Opuntem diripit; sed agmine hostium obpressus in naves compellitur regnumque suum repetit, a Prusia infestatum. Sulpicius Aegium recipit classem, et Philippus, captis compluribus Graeciae oppidis, Aegium se ad concilium Athæcorum recipit. 8. Inde Anticyram, Erythras, Corinthum, Chalcidem, Oreum, Demetriadem trajicit, latoque sociis laborantibus auxilio concedit retro in regnum, ut Dardanis bellum inferat.

9. M. Livius et C. Claudius Nero coss. simul triumphant. 10. L. Veturius Philo et Q. Caecilius Metellus creantur consules, amboque jubentur in Bruttis cum Hannibale bellum gerere. Ludi Romani plebeiique. Comitia praetorum. Provinciae exercituumque divisio. 11. Prodigia et supplicationes. Ignis in aede Vestae exstinguitur crediturque flagris virgo Vestalis. Magna plebis Rom. pars in vastatos agros, et Placentini Cremonensesque cives in colonias, ab incolis Gallis incurساتas desertasque, reducuntur. Consules proficiscuntur in Lucanos. 12. Hannibal, mirabilior adversis quam secundis rebus, hoc anno neque laesse Romanos, neque ab iis laessitur, et nullus in castris ejus fit motus. In Hispania ulteriore Hasdrubal et Mago magnum comparant exercitum et ad Silpiani confident. 13. Hinc Scipio ab Tarracoe ad Baeculam progreditur, funditque Magonem et Masinissam, qui castra Rom. cum omni equitatu adgressi erant. 14. 15. Paulo post in atroci pugna vincuntur Poeni,

tur-

turbati inopinata aciei Rom. mutatione et rap-
tim in proelium educti, prius quam cibo corpora
firmassent. 16. Duces eorum Gades perfugiant,
et Masinissa, cum Silano clam congregitur. Ita
debellato pulsisque Hispania Poenis, Scipio Tar-
raconem redit. 17. Mox Scipio et Hasdrubal
eodem fere tempore in Africam trajiciunt, ut
amicitiam cum Syphace, Masaesylorum rege,
firment. 18. Ibi Scipio et hospitem et Hasdru-
balem, quocum eodem in lecto adcumbit, mira
comitate facundiaque sibi conciliat, et foedus
facit cum rege. 19. 20. Illiturgi et Castulo,
quae civitates ad Poenos defecerant, expugnan-
tur a Scipione. 21. Ab eodem Carthagine No-
va in honorem patris patruisque eduntur ludi fu-
nebres et munus gladiatorum, in quo omnes,
qui ferro certant, sponte et aemulatione ducti
vel in gratiam ducis Rom. pugnant, neque
obscuri tantum generis homines, sed clari etiam
indulstresque, in his Corbis et Orfua, patruales
fratres, de principatu Ibis, civitatis suae, am-
bigrantes. 22. 23. Astapa capitur a L. Marcio
ignique absumitur, ab ipsis oppidanis adcenso,
quorum alii fortiter pugnantes perierant, alii
uxoribus liberisque obtruncatis rogo se exstructo
injecerant. 24. Gravis morbus Scipionis gra-
viorque fama magnas excitat procellas, defe-
ctionem Mandonii et Indibilis seditionemque mi-
litum in castris ad Sueronem positis, in quibus
imperium desertur ad gregarios milites, C. Al-
bium Calenum et C. Atrium Vmbrum. 25. Sci-
pio convalescit et leniter agendum ratus tribu-
nos mittit, qui milites placido permulceant ser-
mone, et ad stipendium, quod non datum ad
diem questi erant, petendum Carthaginem No-
vam convenire jubeant. 26. Auctores seditionis
XXXV, per idoneos homines perducti in hospi-
tia,

tis, vincuntur, et reliquæ multitudini, ad con-
 cionem vocatæ, armati circumfunduntur ab ter-
 go. 27 - 29. Oratio Scipionis et poena damna-
 torum in consilio. 30. L. Marcius et C. Lae-
 lius terra marique Gades petunt, spe a perfugis
 ostendita hanc urbem proditione recipiendi; 31,
 sed ea patefacta redeunt Carthaginem; et ad
 horum discessum non modo respirat Mago, sed
 etiam spem recuperandæ Hispaniæ nanciscitur,
 audita Ilergetum rebellionem, quorum principes,
 Mandonius et Indibilis, jam defectionis poenam
 metuentes, in Sedetano agro castra ponunt. 32.
 Scipio multis verbis in perfidiam rebellantium
 regulorum invehitur indicitque expéditionem.
 33. Victoria ejus gloriosa, sed non incruenta ob-
 taci angustias. 34. Mandonium supplicem di-
 mittit eleventar, et pecuniam tantummodo im-
 perat. 35. Masinissæ cum eo colloquium. 36.
 Mago in Italiam trajicere jubetur, et ad Car-
 thaginem Novam adpellit classem. 37. Punit
 Gaditanos, qui pontus redeunti elauferant, et
 inde ad Pitynsam Baliaresque insulas trajicit.
 38. Scipio Romam reuersus magis tentat trium-
 phi spem, quam petit pertinaciter, et consul
 creatur cum P. Licinio Crasso pontifice maxi-
 mo. Prætoria comitia et provinciae. 39. Le-
 gationes Saguntinorum aliorumque populorum
 in senatu auditæ. 40 - 42. Scipioni Africam
 provinciam petenti contradicit adversaturque
 Q. Fabius Maximus. 43. 44. Hujus orationem
 illa refutat. 45. Altercatione Patrum inde orta
 tribunisque plebis intercedentibus, quo minus de
 ea re feratur ad populum, Scipioni decernitur
 Sicilia, permittiturque, ut inde trajiciat in Afri-
 cam, si id e re publica esse censeat. Idem Sci-
 pio ludos edit in Hispania votos, et tum volun-
 tarios scribit milites, tum sociorum impensis

XXX naves longas instruit armatque. 46. Tum ille in Siciliam, collega in Bruttios, praetoresque in suas quisque provincias proficiscuntur; et, quia ad bellum deest pecunia, quaestores jubentur vendere partem agrum Campani. Mago classem adpellit ad oram Ligurum; et LXXX naves Poenorum onerariae circa Sardiniam ab Cn. Octavio capiuntur. In Bruttis Romanos Poenosque pestilentia; et hos super morbum etiam fames adficit.

I. Quum transitu Hasdrubalis, quantum in Italiam declinaverat belli, tantum levatae Hispaniae viderentur; renatum ibi subito prioris bellum est. Hispanias ea tempestate sic habebant Romani Poenique. Hasdrubal, Gisgonis filius, ad oceanum penitus Gadesque concesserat. Nostri maris ora omnisque ferme Hispania, qua in orientem vergit, Scipionis ac Romanae ditionis erat. Novus imperator Hanno, in locum Barcini Hasdrubalis rove cum exercitu ex Africa transgressus Magonique junctus, quum in Celtiberia, quae media inter duo maria est, brevi magnum hominum numerum armasset; Scipio adversus eum M. Silanum cum decem haud plus millibus militum; equitibus quingentis, misit. Silanus, quantis maximis potuit itineribus, (impediabant autem et asperitates viarum, et angustiae saltibus orebris, ut pleraque Hispaniae sunt, inclusae) tamen non solum inuptios, sed etiam famam adventus sui praegrassus, ducibus indidem ex Celtiberia transfugis, ad hostem pervenit. Eisdem auctoribus compertum est, quum

quam decem circiter millia ab hoste abessent, bina castra circa viam, qua irent, esse: laeva Celtiberos, novum exercitum, supra novem millia hominum, dextra Punica tenere castra. Haec stationibus, vigiliis, omni iusta militari custodia tuta et firma esse: illa altera soluta neglectaque, ut barbarorum et tironum et minus timentium, quod in sua terra essent. Ea prius adgredienda ratus Silanus, signa quam maxime ad laevam jubebat ferri, necunde ab stationibus Punicis conspiceretur. Ipse, praemissis speculatoribus, citato agmine ad hostem pergit.

II. Tria millia ferme aberat, quum haud dum quisquam hostium senserat. Confragosa loca et obrita virgultis tenebant colles. Ibi in cava valle atque ob id obsculta confidere militem, et cibum capere jubet. Interim speculatores, transfugarum dicta adfirmantes, venerunt. Tum, sarcinis in medium coniectis, arma Romani capiunt, acieque iusta in pugnam vadunt. Mille passuum aberant, quum ab hoste conspecti sunt, trepidarique repente coeptum. Et Mago ex castris citato equo ad primum clamorem et tumultum advehitur. Erant autem in Celtibero exercitu quatuor millia scutati et ducenti equites; hanc iustam legionem (et id ferme roboris erat) in prima acie locat; ceteros, levem armaturam, in subsidiiis posuit. Quum ita instructos educeret castris, vixdum in egressos vallo Romani pile conjecerunt. Subsidunt Hispani adversus emissam tela ab hoste; inde ad mittenda ipsi consurgunt. Quae quum Romani conferti, ut solent, densatis exceperint scutis; tum pes cum pede conlatus, et gladiis geri res coepta est. Ceterum asperitas locorum et Celtiberis, quibus in proelio concursare mos est, velocitatem

inutilem faciebat, et haud iniqua eadem erat Romanis stabili pugnae adfuetis; nisi quod angustiae et internata virgulta ordines dirimebant, et singuli binique, velut cum paribus, conferere pugnam cogeantur. Quod ad fugam impedimento hostibus erat, id ad caedem eos, velut vinclos, praebat. Et jam, ferme omnibus scutatis Celtiberorum interfectis, levis armatura et Carthaginienſes, qui ex alteris castris subsidio venerant, perculsi caedebantur. Duo haud amplius millia peditum et equitatus omnis, vix inito proelio, cum Magone effugerunt. Hanno, alter imperator, cum eis, qui postremi jam profligato proelio, advenerant, vivus capitur. Magonem fugientem equitatus ferme omnis et quod veterum peditum erat sequuti, decimo die in Gaditanam provinciam ad Hasdrubalem pervenerunt. Celtiberi, novus miles, in proximas dilabſi ſylvas, inde domos diffugerunt. Perobportuna victoria nequaquam tantum jam conflatum bellum, quanta futuri materia belli (ſi licuiſſet eis, Celtiberorum gente excita, et balios ad arma ſolicitare populos) obpreſſa erat. Itaque, conlaudato benigne Silano, Scipio ſpem debellandi, ſi nihil eam ipſe cunctando amoretus eſſet, nactus, ad id, quod reliquum belli erat, in ultiam Hispaniam adverſus Hasdrubalem pergit. Poenus, quum caſtrum forte ad ſociorum animos in Baetica continendos in fide haberet, ſignis repente ſublatis, fugae magis, quam itineris modo, penitus ad oceanum et Gades ducit. Ceterum, quoad continuiſſet exercitum, propoſitum bello ſe fore ratus, antequam freto Gades trajiceret, exercitum omnem paſſim in civitates diviſit, ut et muſis ſe ipſi, et armis muros tarentur.

III.

III. Scipio ubi animadvertit, dissipat non passim bellum, et circumferre ad singulas urbes arma diutini magis, quam magui, esse operis, retro vertit iter. Ne tamen hostibus eam reliqueret regionem; L. Scipionem fratrem cum ducenti millibus peditum et mille equitum ad obpugnandam opulentissimam in iis locis urbem, Oringin barbari adpellabant, mittit. Sitae in Melessum finibus est Hispaniae gentis. Ager frugifer. Argentum etiam incolae fodiunt. Ea arx fuit Hasdrubali ad excursiones circa in mediterraneos populos faciendas. Scipio, castris prope urbem positisi prius quam circumvallaret urbem, misit ad portas, qui ex propinquo adloquios animos tentarent, suaderentque, ut amicitiam potius quam vim, experirentur Romanorum. Vbi nihil pacati respondebatur, fossa duplicique vallo circumdata urbe, in tres partes exercitum dividit; ut una semper pars, quietis interim duabus, obpugnaret. Prima pars quum adorta obpugnare est, atrox sane et anceps proelium fuit: non subire, non scalas ferre ad muros prae incidentibus telis facile erat; et iam, qui erexerant ad murum scalas, alii furcis ad id ipsam factis detrudebantur, in alios lupi superne ferrei injecti, ut in periculo essent, ne suspensi in murum extraherentur. Quod ubi animadvertit Scipio, nimia paucitate suorum exaequatum certamen esse, et iam eo superare hostem, quod ex muro pugnaret, duabus simul partibus, prima recepta, urbem est adgressus. Quae res tantum pavoris iniecit fessis jam cum primis pugnando, ut et oppidani moenia repentina fuga defererent, et Punicum praesidium metu, ne prodita urbs esset, relictis stationibus in unum se conligeret. Timor inde oppidanos incescit, ne, si

hostis urbem intrasset, sine discrimine, Poenus an Hispanus esset, obvii passim caederentur. Itaque, patefacta repente porta, frequentes ex oppido sese ejecerunt, scuta prae se tenentes, ne tela procul conjicerentur; dexteras nudas ostentantes, ut gladios abjecisse adpareret. Id utrum parum ex intervallo sit conspectum, an dolus aliquis suspectus fuerit, incertum est. Impetus hostilis in transfugas factus; nec secus, quam adversa acies, caesi. Eademque porta signa infesta in urbem inlata; et aliis partibus securibus dolabrisque caedebantur [et refringebantur] portae, et, ut quisque intraverat eques, ad forum occupandum (ita enim praeceptum erat) citato equo pergebat. Additum erat et triariorum equiti praefidium. Legionarii ceteras partes pervadunt: direptione et caede obviorum, nisi qui armis se tuebantur, abstinerant. Carthaginienses omnes in custodiam dati sunt: oppidanorum quoque trecenti ferme, qui clauserant portas. Ceteris traditum oppidum, suae redditae res. Cecidere in urbis ejus obpugnatione hostium duo millia ferme; Romanorum haud amplius nonaginta.

IV. Laeta et ipsis, qui rem gessere, urbis ejus expugnatio fuit, et imperatori ceteroque exercitui; et speciosum adventum suum, ingentem turbam captivorum prae se agentes, fecerunt. Scipio, conlaudato fratre, quum, quanto poterat verborum honore, Carthagini ab se captae captam ab eo Oringiu aequasset, quia et hyems instabat, ut nec tentare Gades, nec disiectum passim per provinciam exercitum Hasdrubalis confectari posset, in citeriorem Hispaniam omnes suas copias reduxit: dimissisque in hiberna legionibus, L. Scipione fratre Romam misso et Hannone hostium impera-

peratore ceterisque nobilibus captivis, ipse Tarraconem concessit. Eodem anno classis Romana, cum M. Valerio Laevino proconsule ex Sicilia in Africam transmissa, in Uticensi Carthaginiensique agro late populationes fecit. Extremis finibus Carthaginiensium circa ipsa moenia Uticae praedae actae sunt. Repetentibus Siciliam classis Punica (septuaginta erant longae naves) obcurrit. Decem et septem naves ex iis captae sunt, quatuor in alto mersae. Cetera fusa ac fugata classis. Terra marique victor Romanus cum magna omnis generis praeda Lilybaeum repetit. Toto inde mari pulsus hostium navibus, magni commeatus frumenti Romam subvecti.

V. Principio aestatis ejus, qua haec sunt gesta, P. Sulpicius proconsul et Attalus rex quum Aeginae (sicut ante dictum est) hibernassent, Lemnum inde, classe juncta, Romanae quinque et viginti quinqueres, regiae quinque et triginta, trans miserunt. Et Philippus, ut, seu terra seu mari obviam eundem hosti foret, paratus ad omnes conatus esset, ipse Demetriadem ad mare descendit. Larissam diem ad conveniendum exercitui edixit. Undique ab sociis legationes Demetriadem ad famam regis convenerunt. Sustulerant enim animos Aetoli, quum ab Romana societate, tum post Attali adventum, finitimosque depulabantur. Nec Acarnanes solum Boeotique et qui Euboeam incolunt in magno metuerant; sed Achaei quoque, quos super Aetolicum bellum Machanidas etiam Lacedaemonius tyrannus, haud procul Argivorum sine positis castris, terrebat. Hi omnes suis quisque urbibus, quae pericula terra marique portendebantur, memorantes, auxilia regem orabant. Ne ex regno quidem ipsius tranquillae nun-

tiabantur res: et Scerdilaedum Pleuratunque
 motos esse, et Thracum maxime Maedos, si
 quod longinquum bellum regem occupasset,
 proxima Macedoniae incurfuros. Boeoti qui-
 dem et interiores Graeciae populi, Thermb-
 pylarum saltum, ubi angustae fauces coarctant
 iter, fossa valloque intercludi ab Aetolis, nun-
 tiabant, ne transitum ad sociorum urbes tuen-
 das Philippo darent. Vel segnem ducem tot
 excitare tumultus circumfusi poterant. Lega-
 tiones dimittit, pollicitus, prout tempus ac
 res se daret, omnibus laturum se auxilium.
 In praesentia, quae maxime urgebat res, Pe-
 parethum praesidium urbi mittit; unde adla-
 tum erat, Attalum, ab Lemno classe trans-
 missa, omnem circa urbem agrum depopula-
 tam. Polyphantam cum modica manu in
 Boeotiam, Menippum item quemdam ex re-
 giis ducibus cum mille peltastis (pelta caetrae
 haud dissimilis est) Chalcidem mittit. Additi
 quingenti Agrianum, ut omnes insulae partes
 tueri possent. Ipse Scotussam est profectus;
 eodemque ab Larissa Macedonum copias tra-
 duci iussit. Eo nuntiatum est, concilium Ae-
 tolis Heracleam indictum, regemque Attalum,
 ad consultandum de summa belli, venturum.
 Hunc conventum ut turbaret subito adventu,
 magnis itineribus Heracleam duxit. Et con-
 cilio quidem dimisso jam venit: segetibus ta-
 men, quae prope maturitatem erant, maximo
 in sinu Aenianum vastatis, Scotussam copias
 reducit. Ibi exercitu omni relicto, cum co-
 horte regia Demetriadem sese recipit. Inde
 ut ad omnes hostium motus posset obcurrere,
 in Phocidem atque Euboeam et Peparethum
 mittit, qui loca alta eligerent, unde editi ignes
 adparerent. Ipse in Tifaeo (mons est in altitu-
 dinem ingentem cacuminis editi) speculam po-
 suit,

fuit, ut ignibus procul sublatis signum, ubi quid molirentur hostes, momento temporis adciperet. Romanus imperator et Attalus rex a Peparetho Nicaeam trajecerunt. Inde classem in Euboeam ad urbem Oreum transmittunt, quae ab Demetriaco sinu Chalcidem et Euripum petenti ad laevam prima urbium Euboeae posita est. Ita inter Attalum ac Sulpicium convenit, ut Romani a mari, regii a terra obpugnarent.

VI. Quatriduo post, quam adpulsa classis est, urbem adgressi sunt. Id tempus occultis cum Platore, qui a Philippo praepositus urbi erat, colloquiis absumentum est. Duas arcēs urbs habet, unam imminentem mari, altera urbis media est. Caniculo inde via ad mare ducit, quam a mari turris quinque tabulatorum, egregium propugnaculum, clauderat. Ibi primo atrocissimum contractum est certamen, et turre instructa omni genere telorum, et tormentis machinisque ad obpugnandam eam ex navibus expositis. Quum omnium animos oculosque id certamen avertisset, porta maritimae arvis Plator Romanos adcepit, momentoque arx occupata est. Oppidani, pulsi inde in mediam urbem, ad alteram tendere arcem. Et ibi positi erant, qui fores portae objicerent. Ita exclusi in medio caeduntur capienturque. Macedonum praesidium conglobatum sub archi muro stetit; nec fuga effuse petita, nec pertinaciter proelio inito. Eos Plator, venia a Sulpicio impetrata, in naves inpositos ad Demetrium Phthiotidis exposuit: ipse ad Attalum se recepit. Sulpicius, tam facili ad Oreum successu elatus, Chalcidem inde protenus victrici classe petit. Vbi haudquaquam ad spectum eventus respondit. Ex patenti utrinque coactum in angustias mare speciem intuenti pri-

mo gemini portus in ora duo versi praeberit: sed haud facile alia infestior classi statio est. Nam et venti ab utriusque terrae praecaltis montibus subiti ac procellosi se dejiciunt, et fretum ipsum Euripi non septies die, sicut fama fert, temporibus statis reciprocat; sed temere in modum venti, nunc huc, nunc illic verso mari, velut monte praecipiti devolutus torrens rapitur. Ita nec nocte, nec die quies navibus datur. Quum classem tam infesta statio adcepit, tum et oppidum, alia parte clausum mari, alia ab terra egregie munitum praesidioque valido firmatum, et praecipue fide praefectorum principumque, quae fluxa et vana apud Oreum fuerat, stabile atque inexpugnabile fuit. Id prudenter, ut in temere suscepta re, Romanus fecit, quod, circumspectis difficultatibus, ne frustra tempus terneret, celeriter abstulit incepto, classemque inde ad Cynum Locridis (emporium id est urbis Opuntiorum mille passuum a mari sitae) trajecit.

VII. Philippum et ignes ab Oreo editi moverant, sed serius Platoris fraude e specula elati: et impari maritimis viribus haud facilis erat in insulam classi adcessus. Ita res per cunctationem omissa. Ad Chalcidis auxilium, ubi signum adcepit, impigre est motus. Nam et ipsa Chalcis, quamquam ejusdem insulae urbs est, tamen adeo arcto interosciinditur freto, ut ponte continenti jungatur, terraque aditum faciliorem, quam mari, habeat. Igitur Philippus, dejecto praesidio fufisque Aetolia, qui saltum Thermopylarum insidebant, quum ab Demetriade Scotusiam, inde de tertia vigilia profectus, trepidos hostes Heracleam compulisset, ipse uno die Phocidis Elatiam millia amplius sexaginta contendit. Eodem ferme die ab Attala rege Opuntiorum urbs capta diri-

diripiebatur. Concesserat eam praedam regi Sulpicius, quia Oreni paucos ante dies ab Romado milite, expertibus regiis, direptum fuerat. Quum Romana classis eo se recepisset, Attalus, ignarus adventus Philippi, pecuniis a principibus exigendis terebat tempus. Adeoque improvisa res fuit, ut, nisi Cretensum quidam, forte pabulatum, ab urbe longius progressi, agmen hostium procul conspexissent, obprimi potuerit. Attalus inermis atque incompositus cursu effuso mare ac paves pelitis et inolientibus ab terra naves Philippus supervenit, tumultumque etiam ex terra nauticis praebeuit. Inde Opuntem rediit, Deos hominesque adcusans, quod tantae rei fortunam ex oculis prope raptam amisisset. Opuntii quoque ab eadem ira increpiti, quod, quum trahere obsidionem in adventum suum potuissent, viso statim hoste, prope in voluntariam dedicationem concessissent. Compositis circa Opuntem rebus, Toronem est profectus. Et Attalus primo Oreum se recepit. Inde, quum fama accidisset, Prusiam Bithyniae regem in fines regni sui transgressum, omissis rebus atque Aetolico bello, in Asiam trajecit. Et Sulpicius Aeginam classem recepit, unde initio veris profectus erat. Haud maiore certamine, quam Opuntem Attalus ceperat, Philippus Toronem cepit. Incolebant urbem eam profugi ab Thebis Phthioticis. Urbe sua capta a Philippo, quum in fidem Aetolorum perfugissent, sedem eis Aetoli eam dederant urbis vastatae ac desertae priore ejusdem Philippi bello. Tum ab Torone, sicut paullo ante dictum est, recepta profectus, Tritonon et Drymas, Doridis parva atque ignobilia oppida, cepit. Inde Elatiam, jussis ibi se opperiri Ptolemaei Rhodiorumque legatis, venit. Vbi quum

quum de finiendis Aetolico bello ageretur, (adfuissent enim legati nuper Heracleae concilio Romanorum Aetolorumque) nuntius adfertur, Machanidam Olympiorum sollemne iudicium parantes Eleos adgredi statuisse. Praeventendum id ratus, legatis cum benigno responso dimissis, *se neque causam ejus belli fuisse, nec moram (si modo aequa et honesta conditione licent) pati facturum cum expedito agmine profectus per Boeotiam, Megara atque inde Corinthum descendit; unde, commoentibus sumtis, Phliunta Pheneumque petit. Et jam, quum Heraeam venisset, audito, Machanidam, fama adventus sui territum, refugisse Lacedaemonem, Aegium se ad concilium Arhaeorum recepit: simul classem Punicam, ut mari quoque aliquid posset, adcitam, ibi ratus se inventurum. Paucis ante diebus in Phoeas trajecerant Poeni; inde portus Acarnanum petierant, quum ab Oreo profectum Attalum Romanosque audissent, veriti ne ad se iretur, et intra Rhium (fauces eae sunt Corinthii sinus) obprimerentur.*

VIII. Philippus moerebat quidem et agebatur, quum ad omnia ipse raptim isset, nulli tamen se rei in tempore obcurrisse, et rapientem omnia ex oculis elapsisse celeritatem suam fortunam. In concilio autem, dissimulans aegritudinem, elato animo disseruit, testatus Deos hominesque, *se nullo loco, nec tempore defuisse; quin, ubi hostium arma concrepuissent, eo, quanta maxima posset celeritate, tenderet: sed vix rationem iniri posse, utrum ab se audacius, an fugacius ab hostibus geratur bellum. Sic ab Opunte Attalum, sic Sulpicium a Chalcide, sic eis ipsis diebus Machanidam e manibus suis elapsam. Sed non semper felicem esse fugam: neo pro difficili id bellum habendum,*

dum, in quo, si modo congressus cum hostibus
 sis, viceris. Quod primum esset, confessionem
 se hostium habere, nequaquam pares esse sibi?
 brevi et victoriam habita dubiam habiturum, nec
 meliore eventu eos secum, quam spe, pugnatu-
 ros. Laeti regem socii audierunt. Addidit
 inde Achaeis Heraeam et Triphyliam. Ali-
 pheram autem Megalopolitis, quod suorum
 fuisse finium, satis probabant, restituit. Inde,
 navibus adceptis ab Achaeis, (erant autem tres
 quadriremes et biremes totidem) Anticyram
 trajecit. Inde quinquereuib; septem et lem-
 bis viginti amplius, quos, ut adjungeret Car-
 thaginiensium classi, miserat in Corinthium
 finem, profectus ad Frythras Aetolorum, quae
 prope Eupalium sunt, excursionem fecit.
 Haud fessellit Aetolos: nam hominum quod
 aut in agris, aut in propinquis castellis Poti-
 daniae atque Apolloniae fuit, in sylvas mon-
 tesque refugit. Pecora, quae inter festinatio-
 nem abigi nequierant, sunt direpta et in naves
 compulsa. Cum his ceteraque praeda, Nioxi
 praetore Achaeorum Aegium misso, quum
 Corinthum petisset, pedestres inde copias per
 Boeotiam terra duci iussit. Ipse, ab Cenchreis
 praeter terram Atticam super Sinium navi-
 gans, inter medias prope hostium classes,
 Chalcidem pervenit. Inde, conlaudata fide
 ac virtute, quod neque timor, neque spes fle-
 xissent eorum animos, hortatusque in postea-
 rum, ut eadem constantia permanerent in so-
 cietate, si suam, quam Oritaeorum atque Opun-
 tiorum, fortunam mallent, ab Chalcide Oreum
 navigat, principumque iis, qui fugere capta
 urbe, quam se Romanis tradere, maluerant,
 summa rerum et custodia urbis permessa, ipse
 Demetriadem ab Euboea, unde primo ad opem
 ferendam sociis profectus erat, trajecit. Cal-
 san-

sandreae deinde centum navium longarum carinis positis, contractaque ad effectum ejus operis multitudine fabrorum navalium, quia res in Graecia tranquillas et profectio Altali fecerat, et in tempore laborantibus focis latum ab se auxilium, retro in regnum concessit, ut Dardanis bellum inferret.

IX. Extremo aestatis ejus, qua haec in Graecia gesta sunt, quum Q. Fabius Maximus filius legatus ab M. Livio consule Romam ad senatum nuntiasset, consulem satis praesidii Galliae provinciae credere L. Porcium cum suis legionibus esse, decedere se inde ac deduci exercitum consularem posse, Patres non M. Livium tantum redire ad Urbem, sed conlegam quoque ejus C. Claudium jusserunt. Id modo in decreto interfuit, quod M. Livii exercitum reduci, Neronis legiones Hannibali obpositas manere in provincia jusserunt. Inter consules ita per literas convenit, ut, quemadmodum uno animo rem publicam gessissent, ita, quamquam ex diversis regionibus convenirent, uno tempore ad Urbem accederent. Praeneste qui prior venisset, conlegam ibi opperiri jussus. Forte ita evenit, ut eodem die ambo Praeneste venirent. Inde praemisso edicto, ut triduo post frequens senatus ad aedem Bellonae adesset, omni multitudine obviam effusa, ad Urbem adcessere. Non salutabant modo universi circumfusi, sed, contingere pro se quisque victrices dextras consulum cupientes, alii gratulabantur, alii gratias agebant, quod eorum opera incolumis res publica esset. In senatu quum more omnium imperatorum, expositis rebus ab se gestis, postulassent, ut pro re publica fortiter feliciterque administrata et Diis immortalibus haberetur honor, et ipsis triumphantibus Urbem inire liceret; Se vero ea quae

quæ postularent, discernere, Patres, merito Deorum primum, dein, secundum Deos, consulum, responderunt; et supplicatione amborum nomine et triumpho utrique decreto, inter ipsos, ne, quum bellum communi animo gessissent, triumphum separent, ita convenit, ut, quoniam et in provincia M. Livii res gesta esset, et eo die, quo pugnatum foret, ejus sorte anspicium fuisset, et exercitus Livianus deductus Romam venisset, Neronis deducti non potuisset de provincia, ut M. Livium, quadrigis Urbem incuntem, milites sequerentur, C. Claudius equo sine militibus invehetur. Ita consociatus triumphus, quum utrique, tum magis ei, qui, quantum merito anteibat, tantum honore conlegæ cesserat, gloriam auxit illum equitem agebant sex dierum spatio transcurrisse longitudinem Italiae, et eo die cum Hasdrubale in Gallia signis conlatis pugnasse, quo eum castra adversus sese in Apulia posita habere Hannibal credidisset. Ita unum consulem pro utraque parte Italiae adversus duos duces, duos imperatores, hinc consilium suum, hinc corpus obposuisse. Nomen Neronis satis fuisse ad continendum castris Hannibalem: Hasdrubalem vero, qua alia re, quam adventu ejus, obrutum atque exstinctum esse? Itaque iret alter consul sublimis curru multijugis, si vellet, equis. Vno equo per Urbem verum triumphum vehi; Neronemque, etiam si pedes incedat, vel parta eo bello, vel spreta eo triumpho gloria, memorabilem fore. Hi sermones spectantium Neronem usque in Capitolium prosequuti sunt. Pecuniam in aerarium tulerunt sestertium tricies, octoginta millia aeris. Militibus M. Livius quinquagenos fenos asses divisit. Tantumdem C. Claudius absentibus militibus suis est pollicitus, quum ad exercitum redisset. Notatum;

eo die plura carmina militaribus jocis in C. Claudium, quam in consulem suum, jactata: equites L. Veturium et Q. Caecilium legatos magnis tulisse laudibus, hortatosque esse plebem, ut eos consules in proximum annum crearent: adjecisse equitum praerogativae auctoritatem consules, postero die in concione, quam forti fidelique duorum praecipue legatorum opera usi essent, commemorantes.

X. Quum comitiorum tempus adpeteret, et per dictatorem comitia haberi placuisset, C. Claudius consul M. Livium conlegam dictatorem dixit; Livius Q. Caecilium magistrum equitum. A M. Livio dictatore creati consules L. Veturius, Q. Caecilius; is ipse, qui tum erat magister equitum. Inde praetorum comitia habita. Creati C. Servilius, M. Caecilius Metellus, Ti. Claudius Asellus, Q. Mamilius Turinus, qui tum aedilis plebis erat. Comitibus perfectis, dictator, magistratu abdicato dimissoque exercitu, in Etruriam provinciam ex senatus consulto est profectus ad quaestiones habendas, qui Etruscorum Umbro- rumve populi defectionis ab Romanis ad Hasdrubalem sub adventum ejus consilia agitas- sent, quique eum auxiliis, aut com meatu, aut ope aliqua juvissent. Haec eo anno domi- militiaeque gesta. Ludi Romani ter toti in- staurati ab aedilibus curulibus, Gn. Servilio Caepione, Ser. Cornelio Lentulo. Item ludi plebei semel toti instaurati ab aedilibus plebis, M. Pomponio Mathone, et Q. Mamilio Tu- rino. Tertiodecimo anno Punici belli, L. Veturio Philone et Q. Caecilio Metello con- sulibus, Brutii ambobus, ut cum Hannibale bellum gererent, provincia decreta. Praeto- res exinde sortiti sunt, M. Caecilius Metellus urbanam, Q. Mamilius peregrinam, C. Ser- vilius

villus Siciliam, Ti. Claudius Sardiniam. Exercitus ita divisi: consulum alteri, quem C. Claudius prioris anni consul, alteri, quem Q. Claudius praetor (eae binae legiones erant) habuisset exercitum. In Etruria duas volonim legiones a C. Terentio praetore M. Livius proconsul, cui prorogatum in annum imperium erat, adiceret: et Q. Mamilius, ut, conlegae juris dictione tradita, Galliam cum exercitu, cui L. Porcius praetor praefuerat, obtineret, decretum est; iussusque populari agros Gallorum, qui ad Poenos sub adventum Hasdrubalis defecerant: C. Servilio cum Cannensibus duabus legionibus, sicut C. Mamilius tenuerat, Sicilia tuenda data. Ex Sardinia vetus exercitus, cui A. Hostilius praefuerat, deportatus. Novam legionem, quam Ti. Claudius trajiceret secum, consules conscripserunt. Q. Claudio, ut Tarentum, C. Hostilio Tubulo, ut Capuam provinciam haberet, prorogatum in annum imperium est; M. Valerius proconsul, qui tuendae circa Siciliam maritimae orae praefuerat, triginta navibus C. Servilio praebitis, cum cetera omni classe redire ad Urbem iussus.

XI. In civitate tanto discrimine belli sollicita, quum omnium secundorum adversorumque causas in Deos verterent, multa prodigia nuntiabantur; Tarracinae Jovis aedem, Satrici Matris Matutae de coelo tactam. Satricanos haud minus terrebant in aedem Jovis foribus ipsis duo perlapsi angues. Ab Antio nuntiatum est, cruentas spicas metentibus visas esse. Caere porcus biceps et agnus mas idemque femina natus erat. Et Albae duo soles visos referebant: et nocte Fregellis lucem obortam. Et bos in agro Romano loquutus, et ara Neptuni multe sudore manasse in circo.

T. Liv. P. II.

Mm

Fla-

Flamini dicebatur; et aedes Cereis, Salustis, Quirini de coelo tactae. Prodigia consulibus hostilibus majoribus procurare iussi, et supplicationem unum diem habere. Ea ex senatus consulto facta. Pluribus omnibus aut nuntiatis peregre, aut visis domi prodigiis terruit animos hominum ignis in aede Vestae extinctus, caesaque flagro est Vestalis, cuius custodia noctis ejus fuerat, iussu P. Licinii pontificis. Id quamquam, nihil portendentibus Deis, ceterum negligentia humana adcciderat, tamen et hostilibus majoribus procurari, et supplicationem ad Vestae haberi placuit. Prius quam proficiscerentur consules ad bellum, moniti ab senatu sunt, ut in agros reducendae plebis curam haberent. Deum benignitate submotum bellum ab urbe Romana et Latia esse, et posse sine metu in agris habitari. Minime convenire, Siciliae, quam Italiae, colendae majorem curam esse. Sed res haudquaquam erat populo facilis, et liberis cultoribus bello absuntis, et inopia servitorum, et pecore direpto villisque dirutis aut incensis. Magna tamen pars auctoritate consulum compulsae in agros remigravit. Moverant autem hujusce rei mentionem Placentinorum et Cremonensium legati, querentes, agrum suum ab adeolis Gallis incurfari ac vastari, magnamque partem colonorum suorum dilapsam esse, et infrequentes se urbes, agrum vastum ac desertum habere. Mamulio praetori mandatum, ut colonos ab hoste tueretur. Consules ex senatus consulto edixerunt, ut, qui oves Cremonenses atque Placentini essent, ante certam diem in colonias reverterentur. Principio deinde veris et ipsi ad bellum profecti sunt. Q. Caecilius consul exercitum ab C. Nerone, L. Veturius ab Q. Claudio praepatore adepti, novisque militibus,

bus, quos ipse conscripserat, subplevit. In Consentinum agrum consules exercitum duxerunt; passimque depopulati, quum agmen jam grave praeda esset, in saltu angusto a Bruttiiis jaculatoribusque Numidis turbati sunt, ita ut non praeda, sed armati quoque in periculo fuerint. Major tamen tumultus, quam pugna, fuit; et praemissa praeda, incolumes et legiones in loca tuta evasere. Inde in Lucanos profecti. Ea sine certamine tota gens in ditionem populi Romani rediit.

XII. Cum Hannibale nihil eo anno rei gestum est. Nam neque ipse se obtulit in tam recenti vulnere publico privatoque, neque lacerassent quietum Romani. Tantam ineffabilem vim, etsi omnia alia circa eum ruèrent, in uno illo duce censebant. Ac nescio, an mirabilior adversis, quam secundis rebus, fuerit, quippe qui, quum et in hostium terra per annos tredecim, tam procul ab domo, varia fortuna bellum gereret exercitu non suo civili, sed mixto ex conluvione omnium gentium, quibus non lex, non mos, non lingua communis, alius habitus, alia vestis, alia arma, alii ritus, alia sacra, alii prope Dei essent; ita quodam uno vinculo copulaverit eos, ut nulla nec inter ipsos, nec adversus ducem seditio existerit; quum et pecunia saepe in stipendium, et commeatus in hostium agro deessent: quorum inopia priore Punico bello multa infanda inter duces militesque commissa fuerant. Post Hasdrubalis vero exercitum cum duce, in quibus spes omnis reposita victoriae fuerat, deletum, cedendoque in angulum Bruttium cetera Italia concessum, cui non videatur mirabile, nullum motum in castris factum? Nam ad cetera id quoque adcesserat, ut ne alendi quidem exercitus, nisi ex Bruttio agro, spes esset; qui,

M m 2

ut

ut omnis coleretur, exiguus tamen tanto alendo exercitus erat. Tum magnam partem juventutis abstractam a cultu agrorum bellum occupaverat, et mos vitio etiam infusus genti per latrocinia militiam exercendi. Nec ab domo quidquam mittebatur, de Hispania retinenda sollicitis, tamquam omnia prospera in Italia essent. In Hispania res quadam ex parte eandem fortunam, quadam longo disparem habebant eandem, quod proelio victi Carthaginieneses, duce amisso, in ultimam Hispaniae oram usque ad Oceanum compulsi erant; disparem autem, quod Hispania, non quam Italia modo, sed quam ulla pars terrarum, bello reparando aptior erat, locorum hominumque ingeniis. Itaque ergo prima Romana inita provinciarum, quae quidem continens sint, postrema omnium, nostra demum aetate, ductu auspicioque Augusti Caesaris, perdomita est. Ibi tum Hasdrubal Gisgonis, maximus clarissimusque eo bello secundum Barcinos dux, regressus ab Gadibus, rebellandi spem adjuvante Magone Hamilcaris filio, delectibus per ulteriorem Hispaniam habitis, ad quinquaginta millia peditum et quatuor millia et quingentos equites armavit. De equestribus copiis ferme inter auctores convenit: peditum septuaginta millia quidam adducta ad Silpian urbem scribunt. Ibi super campos patentes, duo duces Poeni ea mente, ne detrectarent certamen, confederunt.

XIII. Scipio, quum ad eum fama tantum comparati exercitus perlata esset, neque Romanis legionibus tantae se parem fore multitudini ratus, ut non in speciem saltem obpingerentur barbarorum auxilia, neque in iis tantum virium ponendum, ut mutanda fides, quae cladis causa fuisset patri patruo-

que,

que, magnum momentum facerent, praemisso Silano ad Colcham, duodetriginta oppidis regnantem, ut equites peditesque ab eo, quos se per hyemem conscripturum pollicitus erat, acciperet, ipse ab Tarracone profectus, protenus ab sociis, qui adcolunt viam, modica contrahendo auxilia, Castulonem pervenit. Eo adducta ab Silano auxilia, tria millia peditum et quingenti equites. Inde ad Baeculam urbem progressus omni exercitu civium, sociorum, peditum equitumque quinque et quadraginta millibus. Castra ponentes eos Mago et Masinissa cum omni equitatu adgressi sunt; turbassentque munientes, ni abditum post tumultum, obportune ad id positum, ab Scipione equites inprovise in effusos incurrissent. Hi promissimum quemque, et proxime valium atque in ipsos munilores primum inventum, vixdum proelio inito, fuderunt: cum ceteris, qui sub signis atque ordine agminis incesserant, longior et diu ambigua pugna fuit. Sed quum ab stationibus primum expeditae cohortes, deinde ex opere deducti milites atque arma capere iussi plures et integri fessis, magnumque jam agmen armatorum a castris in proelium rueret, terga haud dubie versunt Poeni Numidaeque. Et primo turmatim abibant, nihil propter pavorem festinationemve confusis ordinibus: dein, postquam acrius ultimis incidebat Romanus, neque sustineri impetus poterat, nihil jam ordinum memores, passim, qua cuique proximum fuit, in fugam effunduntur. Et quamquam eo proelio aliquantum et Romanis aucti et deminuti hostibus animi erant, tamen numquam aliquot insequentes dies ab excursionibus equitum levique armaturae cessatum est.

XIV. Vbi satis tentatae per haec levia certamina vires sunt, prior Hasdrubal in aciem copias eduxit: deinde et Romani processere. Sed utraque acies pro vallo stetit instructa; et quum ab neutris pugna coepta esset, jam die ad occasum inclinante, a Poeno prius, deinde ab Romano in castra copiae reductae. Hoc idem per dies aliquot factum. Prior semper Poenus copias castris educebat; prior fessis stando signum receptui dabat. Ab neutra parte procursum, telumve missum, aut vox ulla orta. Mediam aciem hinc Romani, illinc Carthaginenses mixti Afris, cornua focii tenebant: erant autem utrimque Hispani pro cornibus. Ante Punicam aciem elephantum castrorum procul speciem praebebant. Jam hoc in utrisque castris sermone erat, ita, ut instructi stetissent, pugnatuuros; medias acies Romanum Poenumque, quos inter belli causa esset, pari robore animorum armorumque concursuros. Scipio ubi haec obstinate credita animadvertit, omnia de industria in eum diem, quo pugnaturus erat, mutavit. Tesseram vespere per castra dedit, ut ante lucem viri equique curati et pransi essent; armatus eques frenatos instratosque teneret equos. Vix dum satis certa luce, equitatum omnem cum levi armatura in stationes Punicas inmisit: inde confestim ipse cum gravi agmine legionum procedit, praeter opinionem destinatam suorum hostiumque, Romano milite cornibus firmatis, fociiis in mediam aciem adceptis. Hasdrubal, clamore equitum excitatus, ut ex tabernaculo profilit, tumultumque ante vallum et trepidationem suorum et procul signa legionum fulgentia plenosque hostium campos vidit, equitatum omnem ex templo in equites emittit. Ipse cum peditum agmi-

agmine castris egreditur; nec ex ordine solito quidquam acie instruenda mutat. Equitum jam diu anceps pugna erat; nec ipsa per se decerni poterat, quia pulsus (quod prope in vicem fiebat) in aciem peditum tutus receptus erat. Sed ubi jam haud plus quingentos passus acies inter sese aberant, signo receptui dato, Scipio, patefactisque ordinibus, equitatum omnem levemque armaturam, in medium adceptam divisamque in partes duas, in subsidiis post cornua locat. Inde, ubi incipiendae jam pugnae tempus erat, Hispanos (ea media acies fuit) presso gradu incedere jubet. Ipse a dextro cornu (ibi namque praeerat) nuntium ad Silanum et Marclum mittit, ut cornu extenderent in sinistra parte, quemadmodum tendentem a dextra vidissent, et cum expeditis peditum equitumque prius pugnam conferrent cum hoste, quam coire inter se mediae acies possent. Ita diductis cornibus cum terminis peditum cohortibus ternisque equitum turmis, ad hoc velitibus, citato gradu in hostem ducebant, sequentibus in obliquum alijs. Sinus in medio erat, quia segnius Hispanorum signa incedebant. Et jam conflixerant cornua, quum, quod roboris in acie hostium erat, Poeni veterani Afrigae nondum ad teli conjectum venissent, neque in cornua, ut adjuvarent pugnantes, discurrere auderent, ne aperirent mediani aciem venienti ex adverso hosti. Cornua ancipiti proelio urgebantur: eques levisque armatura et velites, circumductis alis in latera incurrebant; cohortes a fronte urgebant, ut abrumperent cornua a cetera acie.

XV. Et quum ab omni parte haudquam par pugna erat, tum quod turba Ballaricum tironumque Hispanorum Romano Latinoque militi objecta erat, et, procedente jam

Mm 4

die,

die, vires etiam deficere Hasdrubalis exercitum coeperant, obpressos matutino tumultu coactosque, prius quam cibo corpora firmerent, raptim in aciem exire. Ad id sedulo diem extraxerat Scipio, ut sera pugna esset. Nam ab septima demum hora peditum signa cornibus incurrerunt. Ad medias acies aliquanto serius pervenit pugna; ita ut prius aestus a meridiano sole laborque standi sub armis et simul fames sitisque corpora adficerent, quam manus cum hoste conferrent. Itaque steterunt scutis innisi. Nam super cetera elephantum etiam, tumultuoso genere pugnae equitum velutumque et levis armaturae consternati, e cornibus in mediam aciem sese intulerant. Fessi igitur corporibus animisque retulere pedem, ordines tamen servantes, haud secus, quam si imperio ducis cederet integra acies. Sed quum eo ipso acrius, ubi inclinatam sentire rem, victores se undique inveharent, nec facile inpetus sustineri posset; quamquam retinebat obsistebatque cedentibus Hasdrubal, *ab tergo esse colles tutumque receptum, si modice se reciperent*, clamitans, tamen, vincente verecundiam metu, (quum proximus quisque hostem cederet) terga extemplo data, atque in fugam sese omnes effuderunt. Ac primo consistere signa in radicibus collium, ac revocare in ordines militem coeperant, cunctantibus in adversum collem erigere aciem Romanis. Inde ut inferri in pigre signa viderunt, integrata fuga, in castra pavidi compelluntur. Nec procul vallo Romanus aberat, cepissetque tanto inpetu castra, ni se ex vehementi sole, qualis inter graves imbre nubes effulget, tanta vis aquae deiecisset, ut vix in castra sua receperint se victores; quosdam etiam religio cepit ulterius quidquam eo die conandi. Carthagi-

nien-

nientes, quamquam fessos labore ac vulneribus nox imberque ad necessariam quietem vocabat, tamen, quia metus et periculum cessandi non dabat tempus, prima luce obpugnaturis hostibus castra, saxis undique circa ex propinquis vallibus congestis augment vallum, munimento sese, quando in armis parum praesidii foret, defensuri. Sed transitio sociorum, fuga ut tutior mora videretur, fecit. Principium defectionis ab Attane regulo Turdetanorum factum est. Is cum magna popularium manu transfugit. Inde duo munita oppida cum praesidiis tradita a praefectis Romano. Et ne latius, inclinatis semel ad defectionem animis, serperet res, silentio proximae noctis Hasdrubal castra movet.

XVI. Scipio, ut prima luce, qui in stationibus erant, retulerunt, profectos hostes, praemisso equitatu signa ferri jubet; adeoque citato agmine ducti sunt, ut, si via recta vestigia sequentes essent, haud dubie adsequunturi fuerint. Ducibus est creditum, brevius aliud esse iter ad Baetim fluvium, ut transeuntes adgrederentur. Hasdrubal, clauso transitu fluminis, ad oceanum flectit. Et jam inde fugientium modo effusi abibant; idque ab legionibus Romanis aliquantum intervalli fecit. Eques levisque armatura, nunc ab tergo, nunc ab lateribus obcurrando; fatigabat morabaturque: sed quum ad crebros tumultus signa consisterent, et nunc equestria, nunc cum velitis auxiliisque peditum proelia conferent, supervenerunt legiones. Inde non jam pugna, sed trucidatio velut pecorum fieri; donec ipse dux, fugae auctor, in proximos colles cum sex millibus ferme semiermum evasit. Ceteri caesi captique: castra tumultuaria raptim Poeni tumultu editissimo communierunt, atque

M m 5

inde,

inde, quum hostis nequidquam subire iniquo adscensu conatus esset, haud difficulter sese tutati sunt. Sed obsidio in loco nudo atque inopi vix in paucos dies tolerabilis erat. Itaque transitiones ad hostem fiebant. Postremo dux ipse, navibus adceptis, (nec procul inde aberat mare) nocte relicto exercitu, Gades perfugit. Scipio, fuga ducis hostium audita, decem millia peditum, mille equites relinquit Silano ad castrorum obsidionem. Ipse cum ceteris copiis, septuagesimis castris, protenus causis regulorum civitatumque cognoscendis, ut praemia ad veram meritorum aestimationem tribui possent, Tarraconem rediit. Post profectionem ejus Masinissa, cum Silano clam congressus, ut ad nova consilia gentem quoque suam obedientem haberet, cum paucis popularibus in Africam trajecit; non tam evidenti eo tempore subitae mutationis causa, quam documento post id tempus constantissimae ad ultimam senectam fidel, ne tum quidem eum sine probabili causa fecisse. Mago inde, remissis ab Hasdrubale navibus, Gades petit. Ceteri, deserti ab ducibus, pars transitione, pars fuga, dissipati per proximas civitates sunt. Nulla manus numero aut viribus insignis. Hoc maxime modo, ductu atque auspicio P. Scipionis, pulsi Hispania Carthaginenses sunt; tertio decimo anno post bellum initum, quinto, quam P. Scipio provinciam et exercitum adcepit. Haud multo post Silanus, debellatum referens, Tarraconem ad Scipionem rediit.

XVII. L. Scipio cum multis nobilibus captivis nuntius receptae Hispaniae Romam est missus: et quum ceteri laetitia gloriaque ingenti eam rem vulgo ferrent, unus, qui gesserat, inexplabilis virtutis veraeque laudis, par-

parvum instar ebrum, quae spe ac magnitudine animi concepisset, receptas Hispanias ducebat. Jam Africam magnamque Carthaginem et in suum decus nomenque velut consummatam ejus belli gloriam spectabat. Itaque, praemoliendas sibi ratus jam res conciliandosque regum gentiumque animos, Syphacem primum regem statuit tentare. Masaesylorum is rex erat. Masaesyli, gens affinis Mauris, in regionem Hispaniae, maxime qua sita Nova Carthago est, spectant. Foedus ea tempestate regi cum Carthaginensibus erat. Quod haud gravius ei sanctiusque, quam vulgo barbaris, quibus ex fortuna pendet fides, ratus fore, oratorem ad eum C. Laelium cum donis mittit. Quibus barbarus laetus, et quia res tum prosperae ubique Romanis, Poenis in Italia, adversae, in Hispania nullae jam erant, amicitiam se Romanorum adcipere adnuit; firmandae ejus fidem nec dare, nec adcipere, nisi cum ipso coram duce Romano. Ita Laelius, in id modo fide ab rege adcepta, tutum adventum fore, ad Scipionem rediit. Magnum in omnia momentum Syphax adfectanti res Africae erat, opulentissimus ejus terrae rex, bello jam expertus ipsos Carthaginenses, finibus etiam regni apte ad Hispaniam, quod freto exiguo dirimuntur, positus. Dignam itaque rem Scipio ratus, quae, quoniam non aliter posset, magno periculo peteretur, L. Marcio Tarracone, M. Silano Carthaginense Nova, quo pedibus ab Tarracone itineribus magnis ierat, ad praesidium Hispaniae relictis, ipse cum C. Laelio duabus quinqueremibus ab Carthagine profectus tranquillo mari plurimum remis, interdum et leni adjuvante vento, in Africam trajecit. Forte ita incidit, ut eo ipso tempore Hasdrubal pulsus Hispa-

Hispania, septem triremibus portum invectis, ancoris positis terrae adplicaret naves; quum conspectae duae quinqueres haud eniquam dubio, quin hostium essent, obprimique a pluribus, prius quam portum intrarent, possent, nihil aliud, quam tumultum ac trepidationem simul militum ac nautarum, nequidquam armaque et naves expedientium, fecerunt. Percussa enim ex alto vela paullo acriori vento prius in portum intulerunt quinqueres, quam Poeni ancoras molirentur. Nec ultra tumultum ciere quisquam in regio portu audebat. Itaque prior in terram Hasdrubal, mox Scipio et Laelius egressi, ad regem pergunt.

XVIII. Magnificumque id Syphaci (nec erat aliter) visum; duorum opulentissimorum ea tempestate duces populorum uno die suam pacem amicitiamque petentes venisse. Vtrumque in hospitium invitat, et, quoniam fors eos sub uno tecto esse atque ad eosdem penates voluisset, contrahere ad colloquium dirimendarum simulationum causa est conatus; Scipione abnuente, aut privatim sibi ullum cum Poeno odium esse, quod colloquendo finiret, aut de re publica se cum hoste agere quidquam injussu senatus posse. Illud magno opere tendente rege, ne alter hospitum exclusus mensa videretur, ut in animum induceret, ad easdem venire epulas, haud abnuvit. Coenatumque simul apud regem est; et eodem etiam lecto Scipio atque Hasdrubal (quia ita cordi erat regi) adcubuerunt. Tanta autem inerat comitas Scipioni, atque ad omnia naturalis ingenii dexteritas, ut non Syphacem modo, barbarum insuetumque moribus Romanis, sed hostem etiam infestissimum, facunde adloquendo sibi conciliaret; *mirabilioremque sibi cum vi-*
rum

rum congresso coram visum prae se ferebat, quam bello rebus gessis. Nec dubitare, quin Syphax regnumque ejus jam in Romanorum essent potestate. Eam artem illi viro ad conciliandos animos esse. Itaque non, quo modo Hispaniae amissae sint, quaerendam magis Carthaginensibus esse, quam, quo modo Africam retineant, cogitandum. Non peregrinandum, neque circa amoenas oras vagantem tantum ducem Romanum, relictis provinciis novae ditioris, relictis exercitibus, duabus navibus in Africam trajecisse sese in hostilem terram, regiam in fidem expertam; sed potiundae Africae spem adfectantem. Hoc cum jam pridem volutare in animo, hoc palam fremere, quod non, quemadmodum Hannibal in Italia, sic Scipio in Africa bellum gereret. Scipio, foedere icto cum Syphace, profectus ex Africa, dubiisque et plerumque saevis in alto jactatus ventis, die quarto Novae Carthaginis portum tenuit.

XIX. Hispaniae sicut a bello Punico quietae erant, ita quasdam civitates, propter conscientiam culpae, metu magis, quam fide, quietas esse adparebat: quarum maxime Illiturgi et Castulo erant. Castulo, quum prosperis rebus loci fuissent, post caesos cum exercitibus Scipiones defecerant ad Poenos. Illiturgitani prodendis, qui ex illa clade ad eos perfugerant, interficiendisque scelus etiam defectioni addiderant. In eos populos primo adventu, quum dubiae Hispaniae essent, merito magis, quam utiliter, saevitum foret. Tunc, jam tranquillis rebus, quia tempus expetendae poenae videbatur venisse, aditum ab Tarracone L. Marcium cum tertia parte copiarum ad Castulonem obpugnandum mittit: ipse cum cetero exercitu quintis ferme ad Illiturgin castris pervenit.

venit. Clausae erant portae, omniaque instructa et parata ad obpugnationem arcendam: adeo conscientia, quid se meritos scirent, pro indicto eis bello fuerat. Hinc et hortari milites Scipio orsus est: *Ipsos claudendis portis indicasse Hispanos, quid, ut timerent, meriti essent. Itaque multo infestioribus animis cum iis, quam cum Carthaginiensibus, bellum gerendum esse. Quippe cum illis prope sine ira de imperio et gloria certari; ab his perfidiae et crudelitatis et sceleris poenas expetendas esse. Venisse tempus, quo et nefandam commilitonum necem, et in semet ipsos, si eodem fuga delati forent, instructam fraudem ulciscerentur; et in omne tempus gravi documento sancirent, ne quis unquam Romanum civem militemve in ulla fortuna obportunum injuriae duceret. Ab hac cohortatione ducis incitati scalas electis per manipulos viris dividunt, partitoque exercitu, ita ut parti alteri Laelius praeesset legatus, duobus simul locis ancipiti terrore urbem adgrediuntur. Non dux unus aut plures principes oppidanos, sed suis ipsorum ex conscientia culpae metas ad defendendam impigre urbem hortatur. Et meminerant, et admonerant alii alios, subplicium ex se, non victoriam, peti. Vbi quisque mortem obpeteret, id referre; utrum in pugna et in acie, ubi Mars communis et victum saepe erigeret et adfligeret victorem, an postmodo, aremata et diruta urbe, ante ora captarum conjugum liberorumque, inter verbera et vincula, omnia foeda atque indigna passi, exspirarent. Igitur non militaris modo aetas, aut viri tantum, sed feminae puerique supra animi corporisque vires adfunt; propugnantibus tela ministrant, saxa in muros munientibus gerunt. Non libertas solum agebatur, quae virorum fortium tantum pectera*
acuit;

acuit; sed ultima omnium sapientia et foeda mors ob oculos erat. Adcendebantur animi et certamine laboris ac periculi atque ipso inter se conspectu. Itaque tanto ardore certamen initum est, ut domitor ille totius Hispaniae exercitus, ab unius oppidi juventute saepe repulsus a muris, haud satis decoro proelio trepidaret. Id ubi vidit Scipio, veritus, ne vanis cotatibus suorum et hostibus cresceret animus, et segnior miles fieret, sibimet conandum ac partem periculi capeffendam effaratus, increpita ignavia militum, ferri scalas jubet: se ipsum, si ceteri cunctentur, escensurum minatur. Jam subierat haud mediocri periculo moenia, quum clamor undique ab sollicitis vicem imperatoris militibus sublatus, scalaeque multis simul partibus erigi coepit. Et ex altera parte Laelius instat. Tam victa oppidanorum vis, dejectisque propugnatoribus occupantur muri. Arx etiam ab ea parte, qua inexpugnabilis videbatur, inter tumultum capta est.

XX. Transfugae Afri, qui tam inter auxilia Romani erant, et oppidanis in ea tuenda, unde periculum vitabatur, versis, et Romanis subeuntibus, qua adire poterant, conspexerunt editissimam urbis partem, quia rupe praeculta tegebatur, neque opere ullo munitam, et ab defensoribus vacuum. Levium corporum homines, et multa exercitatione pernicium, clavos secum ferreos portantes, qua per inaequaliter eminentia rapis poterant, scandunt. Sicubi nimis arduum et leve saxum obcurreret, clavos per modica intervalla figentes, quum velut gradus fecissent, prius sequentes extrahentes manu, postremi sublevantes eos, qui praerent, in summum evadant. Inde decurrunt cum clamore in urbem

hem jam captam ab Romanis. Tum vero apparuit, ab ira et ab odio urbem obpugnatam esse. Nemo capiendi vivos, nemo, patentibus ad direptionem omnibus, praedae memor est. Trucidant inermes juxta atque armatos, feminas pariter ac viros: usque ad infantium caedem ira crudelis pervenit. Ignem deinde tectis injiciunt, ac diruunt, quas incendio absumi nequeunt: adeo vestigia quoque urbis extinguere, ac delere memoriam hostium sedis, cordi est. Castulonem inde Scipio exercitum ducit: quam urbem non Hispani modo convenae, sed Punici etiam exercitus ex dissipata passim fuga reliquiae tutabantur. Sed adventum Scipionis praevenerat fama cladis Illiturgitanorum, terrorque inde ac desperatio invaserat; et in diversis causis, quum sibi quisque consultum sine alterius respectu vellet, primo tacita suspicio, deinde aperta discordia secessionem inter Carthaginienses atque Hispanos fecit. His Cerdubellus propalam deditionis auctor. Himilco Punici auxiliariis praeerat; quos urbemque, clam fide accepta, Cerdubellus Romano prodit. Mitior ea victoria fuit. Nec tantumdem noxae admissum erat, et aliquantum irae lenierat voluntaria deditio.

XXI, Marcius inde in barbaros, si qui nondum perdomiti erant, sub jus ditionemque redigendos missus. Scipio Carthaginem, ad vota solvenda Diis munusque gladiatorium, quod mortis causa patris patruique paraverat, edendum, rediit. Gladiatorium spectaculum fuit non ex eo genere hominum, ex quo lanistis comparare mos est, servorum quive venalem sanguinem habent. Voluntaria omnis et gratuita opera pugnantium fuit. Nam alii missi ab regibus sunt ad speciem infitae genti

vir-

virtutis ostendendum: alii ipsi professi, se pugnaturos in gratiam ducis: alios aemulatio et certamen, ut provocarent provocatique haud abnuerent, traxit. Quidam, quas disceptando controversias finire nequiverant aut noluerant, pacto inter se, ut victorem res sequeretur, ferro decreverunt. Neque obscuri generis homines, sed clari inlustresque, Corbis et Orsua patruales fratres, de principatu civitatis, quam Ithem vocabant, ambigentes, ferro se certaturos professi sunt. Corbis major erat aetate. Orsuae pater princeps proxime fuerat, a fratre majore post mortem ejus principatu adcepto. Quum verbis disceptare Scipio vellet, ac sedare iras, negatum id ambo dicere communibus cognatis, nec alium Deorum hominumve, quam Martem, se judicem habituros esse. Robore major, minor flore aetatis ferox, mortem in certamine, quam ut alter alterius imperio subjiceretur, praeoptantes, quum dirimi ab tanta rabie nequirent, insigne spectaculum exercitui praebuere documentumque, quantum cupiditas imperii malum inter mortales esset. Major usu armorum et astu facile stolidas vires minoris superavit. Hunc gladiatorum spectaculo ludi funebres additi pro copia et provinciali et castrensi adparatu.

XXII. Res interim nihilominus ab legalis gerebantur. Marcius, superato Baete anni, quem incolae Certum adpellant, duas opulentas civitates sine certamine in deditionem adcipit. Astapa urbs erat, Carthaginensium semper partis: neque id tam dignum ira erat, quam quod, extra necessitates belli, praecipuum in Romanos gerebant odium. Nec urbem aut situ aut munimento tutam habebant, quae ferociores iis animos faceret: sed inge-

nia incolarum latrocinio laeta, ut excursions in finitimum agrum sociorum populi Romani facerent, inpulerant, et vagos milites Romanos lixasque et mercatores exciperent. Magnum etiam comitatum, quia paucis parum tutum fuerat, transgredientem fines, positus insidiis circumventum, iniquo loco interfecerunt. Ad hanc urbem obpugnandam, quum admotus exercitus esset, oppidani conscientia scelerum, quia nec deditio tuta ad tam infestos videbatur, nec spes moenibus aut armis tuendae salutis erat, facinus in se ac suos fodum ac ferum consciscunt. Locum in foro destinant, quo pretiosissima rerum suarum congererent. Super eum cumulum conjuges ac liberos consilere quum jussissent, ligna circa exstruunt, fascisque virgultorum conjiciunt. Quinquaginta deinde armatis juvenibus praecipiant, ut, donec incertus eventus pugnae esset, praesidium eo loco fortunarum suarum corporumque, quae cariora fortunis essent, servarent. Si rem inclinatum viderent, atque in eo jam esse, ut urbs caperetur; scirent omnes, quos tantes in proelium cernerent, mortem in ipsa pugna obituros. Illos se per Deos superos inferosque orare, ut memores libertatis, quae illo die aut morte honesta, aut servitute infami finienda esset, nihil relinquerent, in quod saevire iratus hostis posset. Ferrum ignemque in manibus esse. Amicae ac fideles potius ea, quae peritura essent, absumerent manus, quam insultarent superbo ludibrio hostes. His adhortationibus execratio dira adjecta, si quem a proposito spes mollitiave animi flexisset. Inde concitato agmine patentibus portis ingenti tumultu erumpunt. Neque erat ulla satis firma statio obposita; quia nihil minus, quam ut egredi moenibus auderent, timeri poterat. Perpau-

cae

cae equitum turmae levisque armatura, repente e castris ad id ipsum emissa, obcurrit. Acrior impetu atque animis, quam compositior ullo ordine, pugna fuit. Itaque pulsus eques, qui primus hosti se obtulerat, terrorem intulit levi armaturae; pugnatumque sub ipso vallo foret, ni robur legionum; perexiguo ad instruendum dato tempore, aciem direxisset. Ibi quoque trepidatum parumper circa signa est, quum caeci furore in vulnera ac ferrum vecordi audacia ruerent. Dein vetus miles, adversus temerarios impetus pertinax, caede primorum insequentes subprelit. Conatus paullo post ultro inferre pedem, ut neminem cedere, atque obstinatos mori in vestigio quemque suo vidit, patefacta acie (quod ut facere posset, multitudo armatorum facile subpeditabat) cornua hostium amplexus, in orbem pugnantes ad unum omnes occidit.

XXIII. Atque haec tamen hostium iratorum ac tum maxime dimicantium jure belli in armatos repugnantesque edebantur. Foedior alia in urbe trucidatio erat, quum turbam feminarum puerorumque inbellem iterumque cives sui caederent, et in subconsummorum feminae pleraque injicerent corpora, rivique sanguinis flammam orientem restinguere: postremo ipsi, caede miseranda suorum fatigati, cum armis medio se incendio injecerunt. Jam caedi perpetratae victores Romani supervenerunt. Ac primo conspectu tam foedae rei mirabundi parumper obstupuerunt. Dein quum aurum argentumque, cumulo rerum aliarum interfulgens, aviditate ingenii humani, rapere ex igne vellent, conrepti alii flamma sunt, alii ambusti adflatu vaporis: quum receptus primis, urgente ingenti turba, non esset. Ita Astapa, sine praeda militum,

N a 2

ferro

ferro ignique absumta est. Marcus, ceteris ejus regionis metu in deditionem adceptis, victorem exercitum Carthaginem ad Scipionem reduxit. Per eos ipsos dies perfugae a Gadibus venerunt, pollicentes, urbem Punicamque praesidium, quod in ea urbe esset, et imperatorem praesidii cum classe prodituros esse. Mago ibi ex fuga substiterat, navibusque in oceano conlectis, aliquantum auxiliorum et trans fretum ex Africa ora, et ex proximis Hispaniae locis per Hannonem praefectum coegerat. Fide adcepta dataque perfugis, et Marcus eo cum expeditis cohortibus, et Laelius cum septem triremibus, quinquere mi una, est missus, ut terra marique communi consilio rem gererent.

XXIV. Scipio ipse gravi morbo implicatus, graviore tamen fama, quum ad id quisque, quod audierat, (instita hominum libidine alendi de industria rumores) adjiceret aliquid, provinciam omnem ac maxime longinqua ejus turbavit: adparuitque, quantam excitatura molem vera fuisset clades, quum vanus rumor tantas procellas excivisset. Non focii in fide, non exercitus in officio mansit. Mandonius et Indibilis, quibus (quia regnum sibi Hispaniae, pulsus inde Carthaginienfibus, destinarent animis) nihil pro spe contigerat, concitatis popularibus (Iacetani autem erant) et juventute Celtiberorum excita, agrum Saefetanum Sedetanumque sociorum populi Romani hostiliter depopulati sunt. Civilis alius furor in castris ad Sacronem ortus. Octo ibi millia militum erant; praesidium gentibus, quae cis Iberum incolunt, inpositum. Motae autem eorum mentes sunt non tum primum, quum de vita imperatoris dubii adlati nuntii, sed jam ante, licentia ex diutino, ut sit, otio conlecta, et

et nonnihil, quod in hostico laxius rapto fuerat vivere arctiores in pace res erant. Ac primo sermones tantum obculti ferebantur, *si bellum in provincia esset, quid sese inter pacatos facere? si debellatum jam et confecta provincia esset, cur in Italiam non revelli?* Flagitatum quoque stipendium procacius, quam ex more et modestia militari erat; et ab custodibus probra in circumeuntes vigilias tribunos jacta; et noctu quidam praedatum in agrum circa pacatum iterant; postremo interdum ac propalam fine commeatu ab signis abibant. Omnia libidine ac licentia militum, nihil instituto ac disciplina militiae, aut imperio eorum, qui praerant, gerebatur. Forma tamen Romanorum castrorum constabat una ea spe, quod tribunos ex contagione furoris haud expertes seditionis defectionisque rati fore, et jura reddere in principibus sinebant, et signum ab eis petebant, et in stationes ac vigilias in ordinem ibant; et, ut vim imperii abstulerant, ita speciem dicto parentum, ultro sibi imperantes, servabant. Erupit deinde seditio, postquam reprehendere atque improbare tribunos ea, quae fierent, et conari obviam ire, et propalam abnuere, furoris eorum se futuros socios, senserunt. Fugatis itaque ex principibus ac post paullo e castris tribunis, ad principes seditionis, gregarios milites, C. Albium Calenum et C. Atrium Vnbra, delatum omnium consensu imperium est; qui, nequaquam tribuniciis contenti ornamentis, insignia etiam summi imperii, fascos securesque, adirectare ausi; neque venit in mentem, suis tergis suisque cervicibus virgas illas securesque imminere, quas ad metum aliorum praeferrent. Mors Scipionis falso credita obcaecabat animos; sub cujus vulgatum mox funem non dubitabant totam Hispaniam

niam arsuram bello: in eo tumultu et fociis pecunias imperari, et diripi propinquas urbes posse; et, turbatis rebus, quum omnia omnes auderent, minus insignia fore, quae ipsi fecissent.

XXV. Quum alios subinde recentes nuntios, non mortis modo, sed etiam funeris, expectarent, neque superveniret quisquam, evanesceretque temere ortus rumor; tum primi auctores requiri coepti, et, subtrahente se quoque, ut credidisse potius temere, quam finxisse, rem talem videri posset, destituti duces jam sua ipsi insignia, et pro vana imagine imperii, quod gererent, veram justamque mox in se versuram potestatem horrebant. Stupente ita seditione, quum vivere primo, mox etiam valere Scipionem, certi auctores adferrent, tribuni militum septem ab ipso Scipione missi sunt. Ad quorum primum adventum exasperati animi; mox, ipsis placido sermone permulcentibus notos, cum quibus congressi erant, leniti sunt. Circumeuntes enim tentoria primo, deinde in principiis praetorioque, ubi sermones inter se ferentium circulos vidissent, adloquebantur, percunctantes magis, quae causa irae consternationisque subitae foret, quam factum adculantes. Vulgo stipendium non datum ad diem jactabatur, et, quum eodem tempore, quo scelus Illiturgitanorum exstitisset, post duorum imperatorum duorumque exercituum stragem, sua virtute defensum nomen Romanum ac retenta provincia esset: Illiturgitanos poenam noxae meritam habere; suis recte factis gratiam qui exsolvat, non esse. Talia querentes aequa orare, seque ea relatu-ros ad imperatorem, respondebant. Laetari, quod nihil tristius, nec insanabilius esset; et P. Scipionem Deum benignitate, et rem publicam esse gra-

gratiae referendae. Scipionem bellis adsuetum, ad seditionum procellas rudem, sollicitum habebat res, ne aut exercitus peccando, aut ipse puniendo, modum excederet. In praesentia, ut coepisset, leniter agi placuit, et, missis circa stipendiarias civitates exactoribus, stipendii spem propinquam facere. Edictum subinde propositum, ut ad stipendium petendum convenirent Carthaginem, seu captivam partem, seu universi mallent. Tranquillam seditionem, jam per se languescentem, repentina quies rebellantium Hispanorum fecit. Redierant enim in fines, omisso incepto, Mandonius et Indibilis, postquam vivere Scipionem adlatum est. Nec jam erat aut civis, aut externus, cum quo furorem suum confociarent. Omnia circumspectantes consilia nihil reliqui habebant, praeter non tutissimum a malis consiliis receptum, ut imperatoris vel justae irae, vel non desperandae clementiae sese committerent. Etiam hostibus eum ignovisse, cum quibus ferro dimicasset. Suam seditionem sine vulnere, sine sanguine fuisse, nec ipsam atrocem, nec atroci poena dignam; ut ingenia humana sunt ad suam cuique levandam culpam nimio plus facunda. Illa dubitatio erat, singulae cohortes, an universae, ad stipendium petendum irent. Inclinauit sententia, quod tutius censebant, universos ire.

XXVI. Per eosdem dies, quibus haec illi consultabant, consilium de iis Carthagini erat; certabaturque sententiis, utrum in auctores tantum seditionis (erant autem hi numero haud plus, quam quinque et triginta) animadvertetur, an plurium subpicio vindicanda tam foedi exempli defectio magis, quam seditio, esset. Vicit sententia lenior, ut, unde orta culpa esset, ibi poena consisteret. Ad multi-

tudinem castigationem satis esse. Consilio dimisso, ut id actum videretur, expeditio adversus Mandonium Indibilemque edicitur exercitui, qui Carthagine erat, et cibaria dierum aliquot parare jubentur. Tribunis septem, qui et antea Sucronem ad leniendam seditionem ierant, obviam exercitui missis, quina nomina principum seditionis edita sunt; ut eos, per idoneos homines benigno vultu ac sermone in hospitium invitatos sopitosque vino, vincirent. Haud procul jam Carthagine aberant, quum ex obviis auditum, postero die omnem exercitum cum M. Silano in Lactanos proficisci, non metu modo omni, qui tacitus infidebat animis, liberavit eos, sed laetitiam ingentem fecit; quod magis habituri solum imperatorem, quam ipsi futuri in potestate ejus essent. Sub occasum solis urbem ingressi sunt, exercitumque alterum parantem omnia ad iter viderunt. Excepti sermonibus de industria compositis, *laetum opportunumque adventum eorum imperatori esse, quod sub ipsam profectionem alterius exercitus venissent*, corpora curant. A tribunis sine ullo tumultu auctores seditionis, per idoneos homines perducti in hospitia, comprehensi ac vincti sunt. Vigilia quarta impedimenta exercitus, ejus similabatur iter, proficisci coepere. Sub lucem signa mota, et ad portam reuertum agmen, custodesque circa omnes portas missi, ne quis urbe egrederetur. Vocati deinde ad concionem, qui pridie venerant, ferociter in forum ad tribunal imperatoris, ut ultro tetruturi subclamationibus, concurrunt. Simul et imperator in tribunal escendit, et reducti armati a portis inermi se concioni ab tergo circumfuderunt. Tum omnis ferocia concidit, et, ut postea fatebantur, nihil aequae eos terruit, quam

quam praeter spem robur et color imperatoris, quem adfectum visuros crediderant, vultusque, qualem ne in acie quidem aiebant meminisse. Sedit tacitus paulisper, donec nuntiatum est, deductos in forum auctores seditionis, et parata jam omnia esse.

XXVII. Tum, silentio per praekonem facto, ita coepit: *Numquam mihi defuturam orationem, qua exercitum meum adloquerer, credidi; non quo verba umquam potius, quam res, exercuerim, sed quia prope a pueritia in castris habitus, adfueram militaribus ingeniis. Ad vos quemadmodum loquar, nec consilium, nec oratio subpeditat: quos ne quo nomine quidem appellare debeam, scio. Cives? qui a patria vestra desertistis: an milites? qui imperium auspiciumque abunxistis, sacramenti religionem rupistis. Hostes? corpora, ora, vestitum, habitum civium adnosco: facta, dicta, consilia, animos hostium video. Quid enim vos, nisi quod Ilergetas et Lacetani, aut optastis aliud, aut sperastis? Et illi tamen Mandonium atque Indibilem, regiae nobilitatis viros, duces furoris sequuti sunt: vos auspicium et imperium ad Umbrum Atrium et Calenum Albium detulistis. Negate, vos id omnes fecisse, aut factum voluisse, milites: paucorum eum furorem atque amentiam esse, libenter credam negantibus. Nec enim ea sunt commissa, quae vulgata in omnem exercitum sine piaculis ingentibus expiari possint. Invitus ea, tamquam vulnera, adtingo. Sed nisi taeta tractataque sanari non possunt. Equidem, pulsus Hispania Carthaginiensibus, nullum locum tota provincia, nullos homines credebam esse, ubi vita invisa esset mea. Sic me non solum adversus socios gesseram, sed etiam adversus hostes. In castris eni meis (quantum me opinio fefellit?) fama mortis meae non ad-*

cepta solum, sed etiam expectata est. Non quod ego vulgari facinus per omnes velim, (equidem si totum exercitum meum mortem mihi optasso oredere, hic statim ante oculos vestros morerer; nec me vita juvaret, invisa civibus et militibus meis) sed multitudo omnis, sicut natura maris, per se immobilis est; venti et aurae eient; ita aut tranquillum, aut procellae in vobis sunt; et causa atque origo omnis furoris penes auctores est: vos contagione insansistis; qui mihi nō hodie quidem scire videmini, quo amentiae progressi sitis, quid facinoris in me, quid in patriam parentesque ac liberos vestros, quid in Deos, sacramenti testes, quid adversus aspiciā, sub quibus militatis, quid adversus morem militiae disciplinamque majorum, quid adversus summi imperii majestatem ausi sitis. De me ipso taceo. Temere potius, quam avide, credideritis. Denique ego sim, ejus imperii tacere exercitum minime mirandum sit. Patria quid de vobis meruerat, quam cum Mandonio et Indibili confociando consilia prodebatis? Quid populus Romanus, quum imperium, ablatum ab tribunis subfragio populi creatis, ad homines privatos detulistis? quum, eo ipso non contenti, si pro tribunis illos haberetis, fasces imperatoris vestri ad eos, quibus servus, cui imperarent, numquam fuerat, Romanus exercitus detulistis. In praetorio tetenderunt Albius et Atrius: classicum apud eos cecinit: signum ab iis petatum est: sederunt in tribunali P. Scipionis: liotor adparuit: submoto incesseant: fasces cum securibus praelati sunt. Lapides pluerē, et fulmina jaci de coelo, et infuetos fetus animalia edere; vos portenta esse putatis: hoc est portentum, quod nullis hostiis, nullis supplicationibus, sine sanguine eorum, qui tantum facinus ausi sunt, expiari possit.

XXVIII.

XXVIII. *Atque ego (quamquam nullum scelus rationem habet) tamen, ut in re nefaria, quae mens, quod consilium vestrum fuerit, scire velim. Rhegium quondam in praesidium missa legio, interfectis per scelus principibus civitatis, urbem opulentam per decem annos tenuit. Propter quod facinus tota legio, millia hominum quatuor, in foro Romae securi percussi sunt. Sed illi primum non Atrium Umbrum familiam, nominis etiam abominandi ducem, sed Decium Jubellium tribunum militum sequuti sunt; nec cum Pyrrho, nec cum Samnitibus aut Lucanis, hostibus populi Romani, se conjunxerunt. Vos cum Mandonio et Indibili consilia communicastis, et arma consociaturi fuistis. Illi, sicut Campani Capuam, Tuscis veteribus cultoribus ademptam, Mamertini in Sicilia Messanam, sic Rhegium habituri perpetuam sedem erant; nec populum Romanum, nec socios populi Romani ultro lacessituri bello. Suckouemne vos domicilium habituri eratis? ubi si vos decedens confecta provincia imperator relinquerem, Deum hominumque fidem implorare debatis, quod non rediretis ad conjuges liberosque vestros. Sed horum quoque memoriam, sicut patriae meae, ejeceritis ex animis vestris. Viam consilii scelerati, sed non ad ultimum demeritis, exsequi volo. Mene vivo et cetero incolumi exercitu, cum quo ego die uno Carthaginem cepi, cum quo quatuor imperatores, quatuor exercitus Carthaginensium fudi, fugavi, Hispania expuli, vos octo millia hominum, minoris certe omnes pretil, quam Albius et Atrius sunt, quibus vos subjecistis, Hispaniam provinciam populo Romano erepturi eratis? Amolior et amoveo nomen meum. Nihil ultra facile creditam mortem meam a vobis violatus sum. Quid?*

fi

si ego moreretur, mecum expiratura res publica, mecum casurum imperium populi Romani erat? ne istuc Jupiter optimus maximus sinit, Urbem, auspiciato Diis auctoribus in aeternum conditam, fragili huic et mortali corpori aequalem esse. Flaminio, Paulo, Graccho, Postumio Albino, M. Marcello, T. Quinctio Crispina, Cn. Fulvio, Scipionibus meis, tot tam praeclaris imperatoribus uno bello absumtis, superstes est populus Romanus, eritque; mille aliis nunc ferro, nunc morbo morientibus. Meo unius funere elata populi Romani esset res publica? Vos ipsi hic in Hispania, patre et patruo meo, duobus imperatoribus, interfectis, Septimum Marcium ducem vobis adversus exsultantes recenti victoria Poenos delegistis. Et sic loquor, tamquam sine duce Hispaniae futurae fuerint. M. Silanus, eodem jure, eodem imperio mecum in provinciam missus, L. Scipio frater meus et C. Laelius, legati, vindicas majestatis imperii deessent? Vtrum exercitus exercitui, an duces ducibus, an dignitas, an causa comparari poterat? quibus si omnibus superiores essetis, arma cum Poenis contra patriam, contra cives vestros ferretis? Africam Italiae, Carthaginem urbi Romanae imperare velletis? Quam ob noxam patriae?

XXIX. Cariolanum quondam damnatio injusta, miserum et indignum exsilium, ut iret ad oppugnandam patriam, impulit; revocavit tamen a publico parricidio privata pietas. Vos qui dolor, quae ira incitavit? Stipendiumque diu paucis imperatore aegro serius numeratum satis digna causa fuit, cur patriae indicoretis bellum? cur ad Hergetes descisceretis, et populo Romano? cur nihil divinarum humanarumque rerum inviolatum vobis esset? Insanistis profecto,

cto, milites: nec major in corpus meum vis morbi, quam in vestras mentes, invasit. Horret animus referre, quid crediderint homines, quid speraverint, quid optaverint. Auferat omnia irrita oblivio, si potest: si non, ut cumque silentium tegat. Non negaverim, triflem atrocemque vobis visam orationem meam; quanto creditis facta vestra atrociora esse, quam dicta mea? et me ea, quae fecistis, pati aequum censetis: vos ne dici quidem omnia aequo animo ferretis? Sed ne ea quidem ipsa ultra exprobrantur. Utinam tam facile vos obliviscamini eorum, quam ego obliviscar. Itaque, quod ad vos universos attinet, si erroris poenitet, satis superque poeniarum habeo. Albius Calenus et Atrius Vmber et ceteri nefariae seditionis auctores sanguine tuent, quod admiserunt. Vobis supplicii eorum spectaculum non modo non acerbum, sed laetum etiam, si sana mens rediit, debet esse. De nullis enim, quam de vobis, in festinis aut in mitius consuluerunt. Vix finem dicendi fecerat, quum ex praeparato simul omnium rerum terror oculis auribusque est obfusus. Exercitus, qui corona concionem circumdederat, gladiis ad scuta conerepuit. Praeconis audita vox citantis nomina damnatorum in consilio. Nudi in medium protrahebantur. Et simul omnis apparatus supplicii expromebatur. Deligati ad palum virgisque caesi et securi percussi, adeo torpentibus metu, qui aderant, ut non modo ferocior vox adversus atrocitatem poenae, sed ne gemitus quidem, exaudiretur. Tracti inde de medio omnes, purgatoque loco citati milites nominatim apud tribunos militum in verba P. Scipionis iuraverunt, stipendiumque ad nomen singulis perfolutum est. Hunc finem exitumque seditio militum coepta apud Sacronem habuit.

XXX.

XXX. Per idem tempus ad Baetim fluvium Hanno, praefectus Magonis, missus a Gadibus cum parva manu Afrorum, mercede Hispanos sollicitando ad quatuor milia juvenum armavit. Castris deinde exsitus ab L. Marcio, maxima parte militum inter tumultum captorum castrorum, quibusdam etiam in fuga amissis, palatos persequente equite, cum paucis ipse effugit. Dum haec ad Baetim fluvium geruntur, Laelius interim, freto in oceanum eVectus, ad Cartejam classe adcessit. Urbs ea in ora oceani sita est, ubi primum e faucibus angustis panditur mare. Gades, sine certamine, proditiōe recipiendi, ultro qui eam rem pollicerentur, in castra Romana venientibus, spes, sicut ante dictum est, fuerat. Patefacta immatura proditiō est; comprehensosque omnes Mago Adherbali praetori Cartaginem devehendos tradit. Adherbal, conjuratis in quinqueremem inpositis, praemissaque ea, quia tardior, quam triremis, erat, ipse cum octo triremibus medico intervallo sequitur. Jam fretum intrabat quinqueremis, quam Laelius, et ipse in quinqueremi e portu Cartejae, sequentibus septem triremibus, eVectus, in Adherbalem ac triremes invenitur, quinqueremem satis credens deprehensam rapido in freto, in adversum aestum reciprocari non posse. Poenus in re subita parumper incertus trepidavit, utrum quinqueremem sequeretur, an in hostes rostra converteret. Ipsa cunctatio facultatem detrectandae pugnae ademit. Jam enim sub ictu teli erant, et undique instabant hostes. Aestus quoque arbitrium moderandi naves ademerat. Neque erat navali pugna similis; quippe ubi nihil voluntarium, nihil artis aut consilii esset. Una natura freti aestusque totius certaminis potens suis,

fuit, alienis navibus nequidquam remigio in contrarium tendentes invehēbat, ut fugientem navem videres retro vortice intortam victoribus inlatam; et sequentem, si in contrarium tractum incidisset maris, fugientis modo sese avertentem. Jam in ipsa pugna haec, quum infesto rostro peteret hostium navem, obliqua ipsa ictam alienius rostri adiciebat; illa, quum transversa objiceretur hosti, repente intorta in proram circumagebatur. Quum inter triremes, fortuna regente, anceps proelium misceretur, quinqueregis Romana, seu pondere tenacior, seu pluribus remorum ordinibus scindentibus vortices, quum facilius regeretur, duas triremes subprossit, unius praelata inpetu lateris alterius remos deterfit; ceterasque, quas indepta esset, analcasset, cum reliquis quinque navibus Adherbal velis in Africam transmississet.

XXXI. Laelius, victor Cartejam relictus, auditis, quae acta Gadibus erant, patetactam prodicionem, conjuratosque missos Carthaginem, spem ad inritum redactam, quae venissent, nuntius ad L. Marcium missis, nisi si terere frustra tempus sedendo ad Gades vellet, redeundum ad imperatorem esse, adsentiente Marcio, paucos post dies ambo Carthaginem rediere. Ad quorum discessum non respiravit modo Mago, quum terra marique anticipiti metu urgueretur; sed etiam, audita rebellionē Nergetum, spem recuperandae Hispaniae nactus, nuntios Carthaginem ad senatum mittit, qui, simul seditionem civilem in castris Romanis, simul defectionem sociorum, in majus verbis extollentes, hortarentur, ut auxilia mitterent, quibus traditum a patribus imperium Hispaniae repeti posset. Mandonius et Indibilis, in fines regressi, paulisper,

dum, quidnam de seditione statueretur, scient, suspensi quieverunt; si civium errori ignosceretur, non diffidentes, sibi quoque ignosci posse. Postquam vulgata est atrocitas supplicii, suam quoque noxam pari poena aestimata rati, vocatis rursus ad arma popularibus contractisque, quae ante habuerant, auxiliis, in Sedetanum agrum, ubi principio defectionis stativa habuerant, cum viginti millibus peditum, duobus millibus equitum et quingentis transcenderunt.

XXXII. Scipio, quum fide solvendi pariter omnibus noxiis innoxisque stipendii, tum vultu ac sermone in omnes placato, facile reconciliatis militum animis, prius quam castra ab Carthagine moveret, concione advocata, multis verbis in perfidiam rebellantium regulorum inductus, nequaquam eodem animo se ire professus est, ad vindicandum id scelus, quò civilem errorem nuper sanaverit. Tum se, haud fecus quam viscera secantem sua, cum gemitu et lacrymis quinque et triginta hominum capitibus expiasse octo millium seu imprudentiam, seu noxam: nunc laeto et erecto animo ad caedem Ilergetum ire. Non enim eos neque natos in eadem terra, nec ulla secum societate junctos esse. Eam, quae sola fuerit, fidei atque amicitiae ipsos per scelus rupisse. In exercitu suo se, praeterquam quod omnes cives, aut socios Latinique nominis videat, etiam eo moveri, quod nemo vere sit miles, qui non aut a patre suo Cn. Scipione, qui primus Romani nominis in eam provinciam venerit, aut a patre consule, aut a se sit ex Italia advectus. Scipionum nomini auspiciisque omnes adfuetos, quos secum in patriam ad meritum triumphum deducere velit; quos consulatum petenti, velut si omnium communis agatur honos, adfuturos speret. Quod
ad

ad expeditionem adtineat, quae instet; immo-
morem esse rerum suarum gestarum, qui id bel-
lum ducat. Magonis. Hercule. sibi, qui extra
orbem terrarum in circumfusa oceano insulam
cum paucis per fugerit navibus, maiorem curam
esse, quam Ilergetum. Quippe illic et ducem
Carthaginiensem, et quantumcumque Punicum
praesidium esse; hic latrones latronumque du-
ces: quibus ut ad populandos finitimorum agros
tectaque uranda et rapienda pecora aliqua vis
sit, ita in acie ac signis conlatis nullam esse.
Magis velocitate ad fugam, quam armis fretos,
pugnaturus esse. Itaque non, quod ullum inde
periculum, aut semen majoris belli videat, ideo
se, prius quam provincia decedat, obprimendos
Ilergetes duxisse; sed primum, ne impunita tam
fœderata defectio esset; deinde, ne quis in pro-
vincia, simul virtute tanta et felicitate perdo-
mita, relictus hostis dici posset. Proinde Deis
bene juvantibus sequerentur, non tam ad bellum
gerendum, (neque enim cum pari hoste certamen
esse) quam ad expatendas ab hominibus sceleris
poenat.

XXXIII. Ab hac oratione dimissos ad iter
se comparare in diem posterum jubet, profe-
ctusque decimis castris pervenit ad Iberum flum-
en. Inde, superato amni, die quarta in
conspectu hostium posuit castra. Campus an-
te montibus circa septus erat. In eam vallem
Scipio quum pecora, rapta pleraque ex ho-
stium agris, propelli ad irritandam feritatem
barbarorum iussisset, velites subsidio misit. A
quibus ubi per procurvationem commissa pugna
esset, Laelium cum equitatu inpetum ex ob-
culto facere jubet. Mons obportune promi-
nens equitum infidias texit: nec ulla mora
pugnae facta est. Hispani in conspecta pro-
cul pecora, velites in Hispanos praeda occupa-

patos incurrere. Primo missilibus territaverat; deinde, emissis levibus telis, quae irritare magis, quam decernere, pugnam poterant, gladios nudant, et conlato pede res coepta gestum est; ancepsque pedestre certamen erat, nisi equites supervenissent. Neque ex adverso tantum inlati obvios obtrivere, sed circumvecti etiam quidam per infima clivi ab tergo se, ut plerosque intercluderent, objecerunt. Majorque caedes fuit, quam quantam edere leviter per excursiones proelia solent. Ira magis accensa adverso proelio barbaris est, quam imminuti animi. Itaque, ne perculsi viderentur, prima luce postero die in aciem processere. Non capiebat omnes copias angusta, sicut ante dictum est, vallis: duae ferme peditum partes, omnis equitatus in aciem descendit. Quod reliquum peditum erat, obliquo constituerunt colle. Scipio, pro se esse loci angustias ratus, et quod in arcto pugna Romano aptior, quam Hispano militi, futura videbatur, et quod in eum locum detracta hostium acies esset, qui non omnem multitudinem eorum caperet, novo etiam consilio adjecit animum: equitem nec se posse circumdare cornibus in tam angusto spatio, et hosti, quem cum pedite eduxisset, inutilem fore. Itaque imperat Laelio, ut per colles quam occultissimo itinere circumducat equites, segregetque, quantum possit, equestrem a pedestri pugnam. Ipse omnia signa peditum in hostes vertit: quatuor cohortes in fronte statuit, quia latius pandere aciem non poterat. Moram pugnandi nullam fecit, ut ipso certamine averteret ab conspectu transeuntium per colles equitum. Neque ante circumductos sensere, quam tumultum equestris pugnae ab tergo adcepere. Ita duo proelia erant: duae peditum acies,

acies, duo equitatus per longitudinem campi (quia misceri ex genere utroque proelium angustiae non patiebantur) pugnabant. Hispanorum quum neque pedes equiti, nec eques pediti auxilio esset, pedes fiducia equitis temere commissus campo caederetur, eques circumventus nec peditem a fronte, (jam enim stratae pedestres copiae erant) nec ab tergo equitem sustineret, et ipsi, quum diu in orbem sese stantibus equis defendissent, ad unum omnes caesi sunt: nec quisquam peditum equitumque superfuit, qui in valle pugnauerunt. Tertia pars, quae in colle ad spectaculum magis tutum, quam ad partem pugnae capeffendam, steterat, et locum et tempus ad fugiendum habuit. Inter eos et reguli ipsi fugerunt, prius quam tota circumveniretur acies, inter tumultum elabfi.

XXXIV. Castra eodem die Hispanorum, praeter reliquam praedam, cum tribus ferme millibus hominum capiuntur. Romani sociique ad mille ducenti eo proelio ceciderunt: vulnerata amplius tria millia hominum. Minus cruenta victoria fuisset, si patientiore campo et ad fugam capeffendam facili foret pugnatum. Indibilis, abjectis belli consiliis, nihil tutius in adflictis rebus experta fide et clementia Scipionis ratus, Mandonium fratrem ad eum mittit; qui, advolutus genibus, fatalem iram temporis ejus adculat, quum velut contagione quadam pestifera non Ilergetes modo et Lacetani, sed castra quoque Romana insanierint. Suam quidem et fratris et reliquorum popularium eam conditionem esse, ut aut, si ita videatur, reddant spiritum P. Scipioni, ab eodem illo adceptum, aut servati bis uni debitam vitam pro eo in perpetuum devoveant. Antea in causa sua fiduciam sibi fuisse, nondum ex-

perta clementia ejus: nunc contra, nullam in causa omnem in misericordia victoris spem positam habere. Mos vet istus erat Romanis, cum quo nec foedere, nec aequis legibus jungeretur amicitia, non prius imperio in eum tamquam pacatum uti, quam omnia divina humanaque dedidisset, obsides adcepti, arma ademta, praesidia urbibus inposita forent. Scipio, multis invecus in praesentem Mandonium absentemque ludibilem verbis, illos quidem merito perisse ipsorum maleficio, ait; victuros suo atque populi Romani beneficia. Ceterum se neque arma iis ademturum, (quippe ea pignera timentium rebellionem esse, se libera arma relinquere solutosque metu animos) neque se in obsides innoxios, sed in ipsos, si defecerint, facitutum, nec ab inermi, sed ab armato hoste, poenas expetiturum. Vtramque fortunam expertis permittere sese, utrum propitius, an iratos, habere Romanos mallent. Ita dimissus Mandonius; pecunia tantummodo imperata, ex qua stipendium militi praestari posset. Ipse, Marcio in ulteriorem Hispaniam praemisso, Silano Tarracensem remisso, paucos moratus dies, dum imperatam pecuniam Ilargetes pernumerarent, cum expeditis Marcium iam adpropinquantem oceano adsequitur.

XXXV. Inchoata res jam ante de Masinissa aliis atque aliis de causis dilata erat, quod Numida cum ipso utique congregi Scipione volebat, atque ejus dextra fidem sancire. Ea tum itineris tam longi ac tam devii causa Scipioni fuit. Masinissa quum Gadibus esset, certior adventare eum a Marcio factus, causando corrumpi equos inclusos in insula, penuriamque omnium rerum et facere ceteris, et ipsos sentire, ad hoc equitem marcescere desidia, Magonem perpulit, ut se trajicere in con-

continentem ad depopulandos proximos Hispaniae agros pateretur. Transgressus tres principes Numidarum praemittit, ad tempus locumque colloquio statuendum. Duos pro obsidibus retineri a Scipione jubet: remisso tertio, qui, quo jussus erat, adduceret Masinissam, cum paucis in colloquium venerunt. Ceperat jam ante Numidam ex fama rerum gestarum admiratio vivi; substitueratque animo speciem quoque corporis amplam ac magnificam. Ceterum major praesentis veneratio cepit; et, praeterquam quod suapte natura multa majestas inerat, adornabat promissa caesaries habitusque corporis non cultus mundiis, sed virilis vere ac militaris, et aetas in medio virium robore; quod plenius nitidiusque ex morbo velut renovatus flos juventae faciebat. Prope adtonitus ipso congressu Numida, gratias de fratris filio remisso agit. Ex eo tempore, adfirmat, eam se quaesivisse occasionem, quam tandem oblata Deum immortalium beneficio non omiserit. Cupere se illi populoque Romano operam navare, ita ut nemo unus externus magis enise adjuverit rem Romanam. Id se, etiamsi jam pridem vellet, minus praestare in Hispania, aliena atque ignota terra, potuisse: in qua autem genitus educatusque in spem paterni regni esset, facile praestaturum. Siquidem eundem Scipionem ducem in Africam mittant Romani, satis sperare perbrevis aevi Carthaginem esse. Lactus eum Scipio vidit, audivique, quum caput rerum in omni hostium equitatu Masinissam fuisse sciret, et ipso juvenis specimen animi prae se ferret. Fide data adceptaque, profectus retro Tarraconem est. Masinissa permissa Romanorum, ne sine causa trajecisse in continentem videretur, populas proximos agros Gades reliit.

XXXVI. Magoni, desperatis in Hispania rebus, in quarum spem seditio primum militaris, deinde defectio Indibilis animos ejus fustulerant, paranti trajicere in Africam, nuntiatum ab Carthagine est, jubere senatum, ut classem, quam Gadibus haberet, in Italiam trajiceret; conducta ibi Gallorum ac Ligurum quanta maxima posset juventute, conjungeret se Hannibali; neu senescere bellum, maximo inpetu, majore fortuna coeptum, sineret. Ad eam rem et a Carthagine pecunia Magoni advecta est; et ipse, quantam poluit, a Gaditanis exegit, non aerario modo eorum, sed etiam templis spoliatis, et privatim omnibus coactis aurum argentumque in publicum conferre. Quum praeterveheretur Hispaniae oram, haud procul Carthagine Nova expositis in terram militibus, proximos depopulatus agros, inde ad urbem classem adpulit. Ibi quum interdiu milites in navibus tenuisset, nocte in litus expositos ad partem eam muri, qua capta Carthago ab Romanis fuerat, ducit; nec praesidio satis valido urbem teneri ratus, et aliquos oppidanorum ad spem novandi res aliquid moturos. Ceterum nuntii ex agris trepidi simul populationem agrestiumque fugam et hostium adventum adtulerant; et visa interdiu classis erat, nec sine causa electam ante urbem stationem adparebat. Itaque instructi armatique intra portam, ad stagnum ac mare versam, continebantur. Vbi effusi hostes, mixta inter milites navalis turba, ad muros tumultu majore, quam vi, subierunt, patefacta repente porta, Romani cum clamore erumpunt, turbatosque hostes, et ad primum incursum conjectumque telorum aversos, usque ad litus cum multa caede persequuntur: nec, nisi naves litori adpulsae trepidos

pidos adceperant, superfuisset pugnae aut fugae quisquam. In ipsis quoque trepidatum navibus est, dum, ne hostes cum suis simul inrumperent, trahunt scalas, orasque et ancoras, ne in moliendo mora esset, praecidunt; multique adnantes navibus, incerto prae tenebris, quid aut peterent aut vitarent, foedo interierunt. Postero die quum classis inde retro ad oceanum, unde venerat, fugisset, ad octingenti homines caesi inter murum litusque, et ad duo millia armorum inventa.

XXXVII. Mago, quum Gades repetisset, exclusus inde, ad Cimbim (haud procul a Gadibus is locus abest) classe adpulsa, mittendis legatis querendoque, quod portae sibi socio atque amico clausae forent, purgantibus iis, multitudinis concursu factum, infestae ob direpta quaedam abs conscendentibus naves militibus, ad conloquium sufetes eorum, qui summus Poenis est magistratus, cum quaestore elicit, laceratosque verberibus cruci adfigi iussit: inde navibus ad Pityusam insulam, centum millia ferme a continenti, (Poeni tum eam incolebant) trajecit. Itaque classis bona cum pace adcepta est, nec commeatus modo benigne praebiti, sed in supplementum classis juventus armaque data. Quorum fiducia Poenus in Baliares insulas (quinguenta inde millia absunt) transmisit. Duae sunt Baliares insulae, major altera atque opulentior armis virisque; et portum habet, ubi commode hibernaturum se (et jam extremum auctumni erat) credebat. Ceterum, haud secus quam si Romani eam insulam incolerent, hostiliter classi obcursum est. Fundis ut nunc plurimum, ita tunc solo eo telo utebantur. Nec quisquam alterius gentis unus tantum ea arte, quantum inter alios omnes Baliares excellunt. Itaque

tanta vis lapidum creberrimae grandinis modo in propinquantem jam terrae classem effusa est, ut, intrare portum non ausi, averterent in altum naves. In minorem inde Baliarium insulam trajecerunt, fertilem agro; viris, armis haud aequae validam. Itaque egressi navibus supra portum loco munito castra locant, ac sine certamine urbe agroque potiti, duobus millibus auxiliarium inde conscriptis missisque Carthaginem, ad hibernandum naves subduxerunt. Post Magonis ab oceani ora discessum Gaditani Romanis deduntur.

XXXVIII. Haec in Hispania P. Scipionis ductu auspicioque gesta. Ipse, L. Lentulo et L. Manlio Acidino provincia tradita, decem navibus Romam rediit; et, senatu extra Urbem dato in aede Bellonae, quas res in Hispania gessisset, disseruit, quoties signis conlatis dimicasset, quot oppida ex hostibus vicepisset, quas gentes in ditionem populi Romani redeget. *Adversus quatuor se imperatores, quatuor victores exercitus in Hispaniam misse: neminem Carthaginensem in iis terris reliquisse.* Ob has res gestas magis tentata est triumphi spes, quam petita pertinaciter; quia neminem ad eam diem triumphasse, qui sine magistratu res gessisset, constabat. Senatu misso, Urbem est ingressus, argentique prae se in aerarium tulit quatuordecim millia pondo trecenta quadraginta duo et signati argenti magnum numerum. Comitia inde creandis consulibus habuit L. Veturius Philo; centuriaeque omnes ingenti favore P. Scipionem consulem dixerunt. Conlega additur ei P. Licinius Crassus pontifex maximus. Ceterum comitia majore, quam ulla per id bellum, celebrata frequentia, proditum memoriae est. Convenerant undique non subfragandi modo, sed

sed etiam spectandi causa P. Scipionis: concurrebantque et domum frequentes, et in Capitolium ad immolantem eum, quum centum bubus votis in Hispania Jovi sacrificaret; spondebantque animis. sicut C. Lutatius superius bellum Punicum finisset, ita id, quod instaret, P. Cornelium finitum, atque, ut Hispania omni Poenos expulisset, sic Italia pulsurum esse; Africamque ei, perinde ac debellatum in Italia foret, provinciam destinabant. Praetoria inde comitia habita. Creati duo, qui tum aediles plebis erant, Sp. Lucretius et Cn. Octavius, et ex privatis Cn. Servilius Caepio et L. Aemilius Papus. Quartodecimo anno Punici belli P. Cornelius Scipio et P. Licinius Crassus ut consulatum inierunt, nominatae consalibus provinciae sunt, Sicilia Scipioni extra sortem, concedente conlega, quia sacrorum cura pontificem maximum in Italia retinebat; Bruttii Crasso. Tum praetoriae provinciae in sortem coniectas. Urbana Cn. Servilio obligit, Ariminum (ita Galliam appellabant) Sp. Lucretio, Sicilia L. Aemilio, Cn. Octavio Sardinia. Senatus in Capitolio habitus. Ibi, referente P. Scipione, senatus consultum factum est, ut, quos ludos inter feditionem militarem in Hispania vovisset, ex ea pecunia, quam ipse in aerarium detulisset, faceret.

XXXIX. Tum Saguntinorum legatos in senatum introduxit. Ex eis maximus natus: *Etsi nihil ultra malorum est, Patres conscripti, quam quod passi sumus, ut ad ultimum fidem vobis praestaremus; tamen ea vestra merita imperatorumque vestrorum erga nos fuerunt, ut nos cladium nostrarum non poeniteat. Bellum propter nos suscepistis: susceptum quartodecimum annum tam pertinaciter geritis, ut saepe*

ad ultimum discrimen et ipsi veneritis, et populum Carthaginensem adduxeritis. Quum in Italia tam atrox bellum et Hannibalem hostem haberetis, consules cum exercita in Hispaniam, velut ad conligendas reliquias, naufragii nostri, misistis. P. et Cn. Cornelii, ex quo in provinciam venerunt, nullo tempore deslitterunt; quae nobis secunda, quaeque adversa hostibus nostris essent, facere. Jam omnium primum oppidum nobis restituerunt: per omnem Hispaniam cives nostros venumdatos, dimissis, qui conquirerent, ex servitute in libertatem restituerunt. Quum jam prope esset, ut optabilem ex miserrima fortunam haberemus; P. et Cn. Cornelii imperatores vestri luctuosius nobis quoque, quam vobis, perierunt. Tum vero ad hoc retracti ex distantibus locis in sedem antiquam videbamur, ut iterum perirentus, et alterum excidium patriae videremus: nec ad perniciem nostram Carthaginensi utique aut duce aut exercitu opus esse; ab Turdulis nos veterrimis hostibus, qui prioris quoque excidii causa nobis fuerunt, extinguere posse: quum ex insperato repente misistis nobis P. hunc Scipionem; quem, fortunatissimi omnium Saguntinorum videmur, quia consulem declaratum videmus, ac vidisse nos civibus nostris renuntiaturi sumus, spem omnem salutemque nostram: qui, quum plurimas hostium vestrorum cepisset in Hispania urbes, ubique ex captorum numero exeretos Saguntinos in patriam remisit; postremo Turdetaniam, adeo infestam nobis, ut illa gente incolumi stare Saguntum non posset, ita bello adflixit, ut non modo nobis, (absit verbo invidia) ne posteris quidem timenda nostris esset. Deletam urbem cornimus eorum, quorum in gratiam Saguntum deleverat Hannibal. Vectigal ex agro eorum capimus, quod nobis

nobis non fructu jucundius est, quam ultione. Ob haec, quibus majora neque sperare, neque optare ab Diis immortalibus poteramus, gratias actum nos decem legatos Saguntinus senatus populusque ad vos misit; simul gratulatum, quod ita res hos annos in Hispania atque Italia gessistis, ut Hispaniam non Ibero amne tenus, sed qua terrarum ultimas fuit oceanus, domitam armis habeatis; Italiae, nisi quatenus vallum castrorum cingit, nihil reliqueritis Poena, Jovi optimo maximo, praesidi Capitoline arcis, non grates tantum ob haec agere jussi sumus, sed donum hoc etiam, si vos permetteretis, coronam auream in Capitolium victoriae ergo ferre. Id uti permittatis, quaesumus; utique, si vobis ita videtur, quae nobis imperatores vestri commodo tribuerunt, ea rata atque perpetua auctoritate vestra faciatis. Senatus legatis Saguntinis respondit, Et dirutum et restitutum Saguntum fidei socialis utrimque servatae documentum omnibus gentibus fore. Suos imperatores recte et ordine et ex voluntate senatus fecisse, quod Saguntum restituerint, civesque Saguntinos servitio exemerint: quaeque alia eis benigne fecerint, ea senatum ita voluisse fieri. Domum permittere ut in Capitolio ponerent. Locus inde lautique legatis praebere iussa, et muneris ergo in singulos dari ne minus dena millia aeris. Legationes deinde ceterae in senatum introductae auditaque, et petentibus Saguntinis, ut, quatenus tuto possent, Italiam spectatum irent, duces dati, litoraque per oppida missae, ut Hispanos comiter adicerent. Tum de re publica, de exercitiis scribendis, de provinciis relatum.

XL. *Quum Africam novam provinciam extra sortem P. Scipioni destinari homines fama ferrent, et ipse, nulla jam modica gloria con-*

contentus, non ad gerendum modo bellum, sed adfiniendum, diceret se consulem declaratum esse, neque aliter id fieri posse, quam si ipse in Africam exercitum transportaret, et, acturum se id per populum, aperte ferret, si senatus adversaretur, id consilium handquam primoribus Patrum quum placeret, ceterique per metum aut ambitionem mustarent; Q. Fabius Maximus rogatus sententiam, Scio, inquit, multis vestrum videri, Patres conscripti, rem actam hodierno die agi, et frustra habiturum orationem, qui, tamquam de integra re, de Africa provincia sententiam dixerit. Ego autem primum illud ignaro, quemadmodum jam certa provincia Africa consulis, viri fortis ac strenui, sit, quam nec senatus censuit in hunc annum provinciam esse, nec populus iussit. Deinde, si est, consulem peccare arbitror, qui, de re transacta simulando se referra, senatum ludibrio habet, non senatorem modo, qui, de quo consulitur, suo loco dicit sententiam. Atque ego certum habeo, dissentioni mihi ab ista festinatione in Africam trajiciendi, duarum rerum subeundam opinionem esse; unius, insitae ingenio meo cunctationis; quam metum pigritiamque homines adolescentes sane adpellent, dum ne poeniteat, adhuc aliorum speciosiora primo adspectu consilia semper visa, mea usu meliora; alterius, obtractationis atque invidiae adversus crescentem in dies gloriam fortissimi consulis. A qua suspitione si me neque vita acta et mores mei, neque dictatura cum quinque consulatibus tantumque gloriae belli domique partae vindicet, ut propius fastidium ejus sum, quam desiderium; aetas, saltem liberet. Quae enim mihi aemulatio cum eo esse potest, qui ne filio quidem meo aequalis sit? Ille dictatorem, quum vigerem adhuc viribus, et in cursu maximarum rerum

rerum effem, recusantem nemo aut in senatu, aut ad populum audivit, quo minus insectanti me magistro equitum, quod fando numquam ante auditum erat, imperium mecum aequaretur. Rebus, quam verbis, adsequi malui, ut, qui aliorum iudicio mihi comparatus erat, sua mox confossione me sibi praeferret: nedum ego, perfunctus honoribus, certamina mihi atque aemulationes cum adolescente florentissimo proponam; videlicet ut mihi, jam vivendo, non solum rebus gerendis fesso, si huic negata fuerit, Africa provincia decernatur. Cum ea gloria, quae parta est, vivendum atque moriendum est. Vincere ego prohibui Hannibalem, ut a vobis, quorum vigent nunc vires, etiam vinci posset.

XLII. Illud te mihi ignoscere, P. Corneli, aequum erit, si, quum in me ipso numquam pluris famam hominum, quam rem publicam, fecerim, ne tuam quidem gloriam [bono publico praeponam]. Quamquam, si aut bellum nullum in Italia, aut is hostis esset, ex quo victo nihil gloriae quaereretur, qui te in Italia retineret, etsi id bono publico faceret, simul cum bello materiam gloriae tuae isse ereptum videri posset. Quum vero Hannibal hostis incolumi exercitu quartumdecimum annum Italiam obsideat, poenitebit te, P. Corneli, gloriae tuae, si hostem eum, qui tot funerum, tot cladum nobis causa fuit, tu consul Italia expuleris, et, sicut penes C. Lutatium prioris Punici perpetrati belli titulus fuit, ita penes te huius fuerit? nisi aut Hamilcar Hannibali dux est praefereendus, aut illud bellum huic, aut victoria illa major clariorque, quam haec, (modo contingat, ut te consule vincamus) futura est. Ab Drepanis atque Eryce detraxisse Hamilcarem, quam Italia expulisse Poenos atque Hannibalem, ma-

lis?

lis? Ne tu quidem, etsi magis partam, quam speratam, gloriam amplecteris, Hispania potius, quam Italia, bello liberata gloriatus fueris. Non dum is est Hannibal, quem non magis timuisse videatur, quam contempsisse, qui aliud bellum maluerit. Quin igitur ad hoc accingeris, nec per istos circuitus, ut, quum in Africam trajeceris, sequuturum te illuc Hannibalem speres potius, quam recto hinc itinere, ubi Hannibal est, eo bellum intendis? Egregiam istam palmam belli Punici patrati petis? Hoc et natura prius est, tua quum defenderis, aliena ire obpugnatum. Pax ante in Italia, quam bellum in Africa sit; et nobis prius decedat timor, quam ultro alijs inferatur. Si utrumque tuo ductu auspicioque fieri potest, Hannibale hic victo, illic Carthaginem expugna. Si altera utra victoria novis consulibus relinquenda est; prior quum major clariorque, tum causa etiam insequentis fuerit. Nam nunc quidem, praeterquam quod et in Italia et in Africa duos diversos exercitus alere aerarium non potest, praeterquam quod, unde classes tueamur, unde comitatibus praebendis subficiamus, nihil reliquum est, quid? periculi tandem quantum adeatur, quem fallit? P. Licinius in Italia, P. Scipio bellum in Africa geret. Quid? si (quod omnes Dii omen avertant, et dicere etiam reformidat animus; sed, quae acciderunt, accidere possunt) et victor Hannibal ire ad Urbem pergat; tum demum te consulem ex Africa, sicut Q. Fulvium a Capua, arcessemus? Quid, quod in Africa quoque Mars communis belli erit? Domus tibi tua, pater patruusque, intra triginta dies cum exercitibus caesi, documento sint; ubi per aliquot annos, maximis rebus terra marique gerendis, amplissimum nomen apud exteras gentes

tes populi Romani vestraeque familiae facerant. Dies me deficiat, si reges imperatoresque, temere in hostium terras transgressas cum maximis cladibus suis exercituumque suorum, numerare velim. Athenienses, prudentissima civitas, bello domi relicto, auctore aequae in pigro ac nobili juvene, magna classe in Siciliam transmissa, una navali pugna florentem rem publicam suam in perpetuum adfixerunt.

XLII. Externa et nimis antiqua repetam. Africa eadem ista et M. Atilius, insignis utriusque fortunae exemplum, nobis documento sunt. Naë tibi, P. Corneli, quum ex alto Africam conspexeris, ludus et jocus fuisse Hispaniae tuae videbuntur. Quid enim simile? pacato mari praeter oram Italiae Galliaeque vectus Emporias, in urbem sociorum, classem adpulisti: expositos milites, per tutissima omnia, ad socios et amicos populi Romani Tarraconem duxisti: ab Tarracone deinde iter per praesidia Romana: circa Iberum exercitus patris patruique tui, post amissos imperatores ferociore et calamitate ipsa: dux tumultuarius quidem ille L. Marcius, et militari subfragio ad tempus lectus, ceterum, si nobilitas ac iusti honores adornarent, claris imperatoribus qualibet arte belli par: obpugnata per summum otium Carthago, nullo trium Punicorum exercituum socios defendente. Cetera, neque ea elevo, nullo tamen modo Africæ bello comparanda; ubi non portus ullus classi nostrae apertus, non ager pacatus, non civitas socia, non rex amicus, non consistendi usquam locus, non procedendi. Quacumque circumspexeris, hostilia omnia atque infesta. An Syphaci Numidisque credis? satis sit semel creditum. Non semper temeritas est felix; et fraus fidem in parvis sibi praeslruit, ut, quum operae pretium

tum sit, cum mercede magna fallat. Non ho-
 stes patrem patruumque tuum armis prius, quam
 Celtiberi socii fraude, circumvenerunt: nec tibi
 ipsi a Magonē et Hasdrubale, hospitium ducibus,
 quantum ab Indibili et Mandenio in fidem ad-
 ceptis, periculi fuit. Numidis tu credere potes,
 defectionem militum tuorum expertus? Et Sy-
 phax et Masinissa se, quam Carthaginienses,
 malunt potentes in Africa esse; Carthaginien-
 ses, quam quenuquam alium. Nunc illos aemu-
 latio inter sese et omnes causae certaminum
 acuunt, quia procul externus metus est. Osen-
 de Romana arma, exercitum alienigenam; vel-
 ut ad commune reslinguendum incendium concur-
 rent. Aliter tidem illi Carthaginienses Hispa-
 niam defenderunt; aliter moenia patriae, tem-
 pla Deum, aras et focos, defendent; quum
 euntes in proelium pavida prosequetur conjux,
 et parvi liberi obcurfabunt. Quid porro? si sa-
 tis confisi Carthaginienses consensu Africae, fide
 sociorum regum, moenibus suis, quum tuo exer-
 citusque tui praesidio nudatam Italiam viderint,
 ipsi ultro novum exercitum in Italiam aut ex
 Africa miserint; aut Magonem, quem, a Ba-
 liaribus classe transmissa, jam praeter oram Li-
 gurum Alpinorum vectari constat, Hannibal se
 conjungere jusserint? Nempe in eodem terrore
 erimus, in quo nuper fuimus, quum Hasdrubal
 in Italiam transcendit: quem tu, qui non so-
 lum Carthaginem, sed omnem Africam, exer-
 citu tuo es clausurus, e manibus tuis in Italiam
 emisisti. Victum a te dices: eo quidem minus
 vellem, et id tua, non rei publicae solum, cau-
 sa, iter datum victo in Italiam esse. Patere,
 nos omnia, quae prospera tibi ac populi Roma-
 ni imperio evenere, tuo consilio adsignare; ad-
 versa casibus incertis belli et fortunae delegare.

Quo

Quo melior fortiorque es, eo magis talem praesidem sibi patria atque universa Italia retinet. Non potes ne ipse quidem dissimulare, ubi Hannibal sit, ibi caput atque arcem hujus belli esse; quippe qui praes te feras, eam tibi causam trahendi in Africam esse, ut Hannibalem eo trahas. Sive igitur hic, sive illic, cum Hannibale est tibi futura res. Vtrum ergo tandem firmior eris in Africa solus, an hic, tuo conlegaeque tui exercitu conjuncto? Ne Claudius quidem et Livius consules tam recenti exemplo, quantum id intersit, documento sunt? Quid? Hannibalem utrum tandem extremus angulus agri Brutii, frustra jam diu poscentem ab domo auxilia, an propinqua Carthago et tota socia Africa potentiorum armis virisque faciet? Quod istud consilium est, ibi malle decernere, ubi tuae dimidio minores copiae sunt, hostium multo majores, quam ubi duobus exercitibus adversus unum, tot proeliis et tam diuturna et gravi militia fessum, pugnandum sit? Quam compar consilium tuum parentis tui consilio sit, reputa. Ille, consul profectus in Hispaniam, ut Hannibali ab Alpibus descendenti occurreret, in Italiam ex provincia rediit: tu, quum Hannibal in Italia sit, relinquere Italiam paras; non quid rei publicae id utile, sed quia tibi amplum et gloriosum censes esse: sicut quum, provincia et exercitu relicto, sua lege, sine senatus consulto, duabus navibus populi Romani imperator fortunam publicam et majestatem imperii, quae tum in tuo capite periclitabantur, commisisti. Ego P. Cornelium, Patres conscripti, rei publicae nobisque, non sibi ipsi privatim creatum consulem existimo; exercitusque ad custodiam Urbis atque Italiae scriptos esse, non quos regio more per superbiam consules, quo terrarum valint, trahant.

T. LIV. P. II.

Pp

XLIII.

XLIII. Quum oratione ad tempus parata Fabius, tum auctoritate et inveterata prudentiae fama, magnam partem senatus et seniores maxime movisset, plerisque consilium senis, quam animum adolescentia ferocem, laudarent; Scipio ita loquutus fertur: *Et ipse Q. Fabius principio orationis, Patres conscripti, commemoravit, in sententia sua posse obtreactionem suspectam esse. Cupis ego rei non tam ipse ausim tantum virum infimulare, quam ea suspicio, vitio orationis, an rei, haud sane purgata est. Sic enim honores suos et fumum rerum gestarum extulit verbis, ad exstinguendum invidiae crimen, tamquam mihi ab infimo quoque periculum sit; ne mecum aemuletur; et non ab eo, qui, quia super ceteros excellat, quo me quoque niti non dissimilo, me sibi aequari nolit. Sic seipsum se perfunctum honoribus, et me infra aetatem filii etiam sui posuit; tamquam non longius, quam quantum vitae humanae spatium est, cupiditas gloriae extendatur, maximaque pars ejus in memoriam ac posteritatem promineat. Maximo cuique id accidere animo certum habeo, ut se non cum praesentibus modo, sed cum omnis aevi claris viris, comparent. Equidem haud dissimilo, me tuas, Q. Fabi, laudet non adsequi solum velle, sed, (bona venia tua dixerim) si possim, etiam exsuperare. Illud nec tibi in me, neu mihi in minoribus natu animi sit, ut nolumus, quemquam nostri similem evadere cives. Id enim non eorum modo, quibus irviderimus, sed rei publicae et paene omnis generis humani detrimentum sit: Commemoravit, quantum essem periculi aditurus, si in Africam trajicerem; ut meam quodque, non solum rei publicae et exercitus, vicem videretur sollicitus. Unde haec repente cura de me exorta? quam pater*

pater patruusque meus interfecti, quum duo exercitus eorum prope occisione occisi essent, quum amissae Hispaniae, quum quatuor exercitus Poenorum quatuorque duces omnia metu armisque tenerent, quum quaesitus ad id bellum imperator nemo se ostenderet, praeter me, nemo profiteri nomen ausus esset, quum mihi quatuor et viginti annos nato detulisset imperium populus Romanus; quid ita tum nemo aetatem meam, vim hostium, difficultatem belli, patris patruisque recentem cladem commemorabat? Vtrum maior aliqua nunc in Africa calamitas adepta est, quam tunc in Hispania erat? An majores nunc sunt exercitus in Africa, duxes plures melioresque, quam tunc in Hispania fuerunt? An aetas mea tunc maturior bello gerendo fuit, quam nunc est? An cum Carthaginienſe hoste in Hispania, quam in Africa, bellum geri aptius est? Facile est, post fusos fugatosque quatuor exercitus Punicos, post tot urbes vi captas aut metu subactas in ditionem, post perdomita omnia usque ad oceanum, tot regulos, tot saevas gentes, post receptam totam Hispaniam, ita ut vestigium nullum belli reliquum sit, elevare meas res gestas: tam, Hercule, quam, si victor ex Africa redierim, ea ipsa elevare, quae nunc, retinendi mei causa, ut terribilia eadem videantur, verbis extolluntur. Negat aditum esse in Africam, negat ullos patere portus. M. Atilium captum in Africa commemorat; tamquam M. Atilius primo adessu ad Africam obfenderit. Neque recordatur, illi ipsi tam infelici imperatori patuisse tamen portus Africae, et res egregias primo anno gessisse, et, quantum ad Carthaginienſes duces adinet, invectum ad ultimum permansisse. Nihil igitur me isto exemplo terrueris: si hoc bello, non priore, si

mper, et non annis ante quinquaginta, ista clades adcepta foret, qui ego, minus in Africam, Regulo capto, quam, Scipionibus occisis, in Hispaniam trajicerem? Nec felicius Xanthippum Lacedaemonium Carthagini, quam me patriae meae sinerem natum esse: oresceretque mihi ex eo ipso fiducia, quod possit in hominis unius virtute tantum momenti esse. At etiam Athenienses audiendi sunt, temere in Siciliam, omisso domi bello, transgressi. Cur ergo, quoniam Graecas fabulas enarrare vacat, non Agathoclem potius, Syracusarum regem, quum diu Sicilia Punico bello ureretur, transgressum in hanc eandem Africam, avertisse eo bellum, unde venerat, refers?

XLIV. Sed quid, ultro metum inferre hosti, et ab se remoto periculo alium in discrimen adducere, quale sit, veteribus externisque exemplis admonere opus est? Majus praesentiusve ultimum exemplum esse, quam Hannibal, potest? Multum interest, alienos populere fines, an in eos uri, exscindi, videas. Plus animi est inferenti pericula, quam propulsanti. Ad hoc major ignotarum rerum est terror: bona malaque hostium ex propinquo ingressus fines adspicias. Non speraverat Hannibal fore, ut tot in Italia populi ad se deficerent, quot desererunt post Camensem cladem. Quanto minus quidquam in Africa Carthaginensibus firmum ac stabile sit, infilis sociis, gravibus ac superbis dominis? Ad hoc nos, etiam deserti ab sociis, viribus nostris, milite Romano, stetimus. Carthaginensi nihil civilis roboris est. Mercede paratos milites habent, Afros Numidasque, levissima fidei mutandae ingenia. Hic modo nihil morae sit, una et trajecisse me audietis, et ardere bello Africam, et molientem hinc Hannibalem, et obside-
ri

ri Carthaginem. Laetiores et frequentiores ex Africa expectate nuntios, quam ex Hispania accipiebatis. Has mihi spes subjiçit fortuna populi Romani, Dii foederis ad hosle violati testes, Syphax et Masinissu reges; quorum ego fidei ita inuitar, ut bene tutus a perfidia sim. Multa, quae nunc ex intervallo non adparent, bellum aperiet. Et id est viri et ducis, non deesse fortunae praebenti se, et oblata casu flectere ad consilium. Habebo, O. Fabi, parem, quem das, Hannibalem; sed illum potius ego traham, quam ille me retineat. In sua terra cogam pugnare eum, et Carthago praemium victoriae erit, quam samiruta Bruttiorum caesiella. Ne quid interim, dum trajicio, dum expono exercitum in Africa, cum castra ad Carthaginem promoveo, res publica hic detrimenti capiat, quod tu, O. Fabi, quum victor tota Italia volitaret Hannibal, potuisti praestare, hoc vide ne contumeliosum sit, concusso jam et paene fracto Hannibale, negare, posse P. Licinium consulem virum fortissimum praestare; qui, ne a sacris absit pontifex maximus, ideo in sortem tam longinquae provinciae non venit. Si, Hercule, nihilo maturius hoc, quo ego censeo, modo perficeretur bellum; tamen ad dignitatem populi Romani saniamque apud reges gentesque externas pertinebat, non ad defendendam modo Italiam, sed ad inferenda etiam Africae arma, videri nobis animum esse; nec hoc credi vulgarique, quod Hannibal ausus sit, neminem ducem Romanorum audere; et priore Punico bello, tum quum de Sicilia certaretur, toties Africam ab nostris exercitibusque et classibus obpugnatam; nunc, quum de Italia certetur, Africam pacatam esse. Requiescat aliquando vexata tam diu Italia: uratur evasleturque in vicem Africa.

Pp 5

Ca

Castra Romana potius Carthaginiis portis imminuant, quam nos iterum vallum hostium ex moribus nostris videamus. Africa sit, reliqui belli sedes: illuc terror fugaque, populatio agrorum, defectio sociorum, ceterae belli clades, quae in nos per quatuordecim annos ingruerunt, vertantur. Quae ad rem publicam pertinent et bellum, quod instat, et provincias, de quibus agitur, dixisse satis est. Illa longa oratio nec ad vos pertinens sit, si, quemadmodum Q. Fabius meas res gestas in Hispania elevavit, sic et ego contra gloriam ejus eludere, et meam verbis extollere velim. Neutrum faciam, Patres conscripti, et, si ulla alia re, modestia certe et temperando linguae adolescens senem videro. Ita et vixi et res gessi, ut tacitus ea opinione, quam vestra sponte conceptam animis haberetis, facile contentus essem.

XLV. Minus aequis animis auditus est Scipio, quia vulgatum erat, si apud senatum non obtinisset, ut provincia Africa sibi decerneretur, ad populum extemplo laturum. Itaque Q. Fulvius, qui consul quater et censor fuerat, postulavit a consule, ut palam in senatu diceret, *permitteretne Patribus, ut de provinciis decernerent? staturusque eo esset, quod censuissent, an ad populum laturus?* Quum Scipio respondisset, se, quod e re publica esset, facturum; tum Fulvius, *Non ego ignarus, quid responsurus facturusve esset, quaesivi, quippe quum prae te feras, tentare magis, quam consulere senatum, et, ut provinciam tibi, quam volueris, extemplo decernamus, paratam rogationem habeas. Itaque a vobis, tribuni plebis, postulo, inquit, ut sententiam mihi ideo non dicenti, quod, etsi in meam sententiam discedatur, non sit ratum habiturus consul, auxilio sitis.* Inde altercatio orta, quum consul negaret

ret æquum esse; tribunos intercedere, quominus suo quisque loco [senator] rogatus sententiam diceret. Tribuni ita decreverunt, *Si consul senatui de provinciis permittit, siari eo, quod senatus censuerit, placet; nec de ea re ferri ad populum patiemur: si non permittit, qui de ea re sententiam recusabit dicere, auxilio erimus.* Consul diem ad conloquendum cum collega petiit. Postero die permissum senatui est, Provinciae ita deoretæ: alteri consuli Sicilia et triginta rostratae naves, quas C. Servilius superiore anno habuisset; permissumque, ut in Africam, si id e re publica esse censeret, trajiceret: alteri Brutti et bellum cum Hannibale, cum eo exercitu, quem L. Veturius, aut Q. Caecilius. Hi et fortirantur inter se compararentve, uter in Brutiis duabus legionibus, quas consul reliquisset, rem gereret: imperiumque in annum prorogaretur, cui ea provincia evenisset. Et ceteris, præter consules prætoresque, qui exercitibus provinciisque præfuturi erant, prorogata imperia. Q. Caecilio forte evenit, ut cum consule in Brutiis adversus Hannibalem bellum gereret. Ludi deinde Scipionis magna frequentia et favore spectantium celebrati. Legati, Delphos ad donum ex præda Hasdrubalis portandum missi, M. Pomponius Matho et Q. Cælius, tulerrunt coronam auream ducentum pondo et simulacra spoliolum, ex mille pondo argenti facta. Scipio, quum, ut dilectum haberet, neque inpetraffet, neque magnopere tetendisset, ut voluntarios ducere sibi milites liceret, tenuit, et, quia impensas negaverat rei publicae futuram classem, ut, quæ ab sociis darentur ad novas fabricandas naues, adciperet. Etruriæ primum populi, pro suis quisque facultatibus, consulem adiuturos polliciti. Cæ-

rites frumentum focils navalibus commeatumque omnis generis; Populonienses ferrum; Tarquinienſes lineæ in vela; Volaterrani interamenta navium et frumentum; Arretini triginta millia ſcutorum, galeas totidem, pila, gaefa, haſtas longas, millium quinquaginta ſummam pari cuiuſque generis numero expleturos, ſecures, rutra, falces, alvéolos, molas, quantum in quadraginta longas naves opus eſſet, tritici centum et viginti millia modium, et in viaticum decurionibus remigibuſque conſulturos: Peruſini, Cluſini, Ruſellani abietem in fabricandas naves et frumenti magnum numerum. Abiete ex publicis ſylvis eſt uſus. Umbriae populi et præter hos Nurſini et Reatini et Amiternini Sabinuſque ager omnis milites polliciti. Marſi, Peligni Marrucinique, multi voluntarii nomina in claſſem dederunt. Camertes, quum aequo foedere cum Romanis eſſent, cohortem armatam ſexcentorum hominum miſerunt. Triginta navium carinae, viginti quinqueremes, decem quadriremes, quum eſſent poſitae, ipſe ita inſtitit operi, ut die quadrageſimo quinto, quam ex ſylvis detracta materia erat, naves inſtructae armataeque in aquam deductae ſint.

XLVI. Profectus in Siciliam eſt triginta navibus longis, voluntariorum ſeptem ferme millibus in naves inpoſitis. Et P. Licinius in Bruttios ad duos exercitus conſulares venit. Ex eis eum ſibi ſumſit, quem L. Veturius conſul habuerat. Metello, ut, quibus præſuiſſet legionibus, iis præeſſet, (facilius cum adſentis imperio rem geſturum ratus) permittit. Et prætores diverſi in provincias proſecti. Et quia pecunia ad bellum deerat, agri Campani regionem, a ſuſſa Graeca ad mare verſam, vendere quaeftores juſſi; indicio quoque permiſſo, qui

qui ager civis Campani fuisset, ut in publicus populi Romani esset. Indici praeonium constitutum, quantae pecuniae ager indicatus esset, pars decima. Et Cn. Servilius praetori Urbis negotium datum, ut Campani cives, ubi cuique ex senatus consulto liceret habitare, ibi habitarent, animadverteretque in eos, qui alibi habitarent. Eadem aestate Mago, Hamilcaris filius, ex minore Balarum insula, ubi hibernarat, juventute lecta in classem inposita, in Italiam triginta ferme rostratis navibus et multis onerariis, duodecim millia peditum, duo ferme equitum trajecit; Genuaque, nullis praesidiis maritimam oram tutantibus, repentino adventu cepit. Inde ad oram Ligurum Alpinorum, si quos ibi motus facere posset, classem adpulit. Ingauni (Ligurum ea gens est) bellum ea tempestate gerebant cum Epantariis montanis. Igitur Poenus, Savone oppido Alpino praeda deposita, et decem longis navibus in statione ad praesidium relictis, ceteris Carthaginem missis ad tuendam maritimam oram, quia fama erat Scipionem trajecturum esse, ipse, societate cum Ingaunis, quorum gratiam malebat, composita, montanos instituit obpugnare. Et crescebat exercitus in dies, ad famam nominis ejus Gallis, undique confluentibus. Ea literis cognita Sp. Lucretii, ne frustra, Hasdrubale cum exercitu deletobienno ante, forent laetati, si par aliud inde bellum, duce tantum mutato, oriretur, curam ingentem accenderunt Patribus. Itaque et M. Livium proconsulem ex Etruria volonum exercitum adinovere Ariminum jusserunt, et Cn. Servilius praetori negotium datum, ut, si e re publica censeret esse, urbanas legiones, cui imperio videretur dato, ex Urbe duci juberet. M. Valerius Laevinus Ar-

retium eas legiones duxit. Eisdem diebus na-
ves onerarias Poenorum ad octoginta circa
Sardiniam ab Cn. Octavio, qui provinciae
praeerat, captas, Coelius frumento missis ad
Hannibalem comneatuque onustas, Valerius
praedam Etruscam Ligurumque montanorum
captivos Carthaginem perportantes, tradit. In
Bruttia nihil ferme anno eo memorabile ge-
sum. Pestilentia incefferat pari clade in Ro-
manos Poenosque; nisi quod Punicum exerci-
tum super morbum etiam fames adfecit. Prop-
ter Junonis Lacinae templum aestatem Han-
nibal egit; ibique aram condidit dedicavitque,
cum ingenti rerum ab se gestarum titulo, Pu-
nicis Graecisque literis insculpto.

T. LIVII PATAVINI LIBER XXIX.

BREVIA R I V M.

CAP. I. Scipio in Sicilia volones suos centu-
riat; egregiam CCC equitum alam corporis sui
custodes faciet; novas Panormi nares curat ae-
dificandas, et cum veteribus C. Laelium in Afri-
cam praedatum mittit: Syracusanis restituit res
suas. In Hispania Indibilis iugens conciet bel-
lum: 2. sed a L. Lentulo et L. Manlio Acidino
vincitur, et cum multis suorum perit. 3. Roma-
nis

nis Mandonius ceterique principes ad subplicitum traduntur, et obsides ab XXX Hispaniae populis. Interea Laelius in Africa populatur Hipponensem agros, et ingentem Carthaginensium terram incutit. 4. Multa ibi parantur agitanturque: et Masinissa ad Laelium venit, quoniam quod nondum Scipio exercitum trajecisset in Africam. 5. Laelius cum ingenti praeda reversus in Siciliam mandata Masinissae exponit Scipioni: iisdemque diebus Mago, auctus novis navibus, copiis, elephantis et pecunia, ab Carthagine missus, in Liguribus multa auxilia mercendo conducit. 6. Fabri quidam Loerenses capti spera faciunt Scipioni, Locros in Bruttis recipiendi: eorumque ope Q. Pleminius propraetor alteram oppidi arcem caput. 7. Scipio et Hannibal ipsi Locros adcedunt; prospera vero Romanorum eruptione facta, et Poenus et praesidium ejus urbem relinquunt. 8. De auctoribus defectionis sumitur subplicitum, et Pleminius legatus Loeris tuendis praeficitur. Is et praesidiarii milites Rom. Hamilcarem et Poenos longe superant crudelitate atque avaritia; nec alia modo templa violant, sed sacros etiam Proserpinae thesauros, a Pyrrho olim spoliatos et restitutos. 9. Pleminius in suos quoque saevit milites, et ab iis hostiliter laceratur. Noxa deinde ab Scipione liberatus ab ira in rabiem vertitur.

10. Q. Caecilius Metellus Motator comitiorum causa dicitur: et in libris Sibyllinis invenitur carmen, hostem alienigenam posse Italia vincique posse, si mater Idaea a Pessinunte Romanam advecta foret. 11. Legati in circo in Asiam missi Delphis oraculum adeunt feruntque responsum, per Attalum regem se compotes ejus fore, quod petunt; tumque iurandum esse, ut Deam,

Deam, qui vir optimus Romae sit, hospitio ex-
cipiat. Inde Pergamum veniunt ad Attalum,
qui eos Pessinuntem deducit in Phrygiam, sa-
crumque illis lapidem tradit, deae simulacrum.
Interim consules creantur M. Cornelius Cethe-
gus et P. Sempronius Tuditanus. Comitum
praetoria. Iudi Romani et plebeji. Aedes Vir-
tutis a M. Marcello dedicata, 12. Philippus a
P. Sempronio proe. pacem petit et impetrat, 13.
Provinciae decernuntur, et in Hispanias duo
mittuntur praefules, 14. Prodigia procuran-
tur; et nuntius adfertur, matrem Deum Tarrac-
onae jam esse. Hinc P. Scipio, Cn filius, ejus
qui in Hispania ceciderat, adolescens nondum
quaestorius, a senatu iudicatus vir bonorum op-
timus, cum omnibus matronis Opsiam ire iube-
tur obviam Deae; eaque ab illo in terram elata
traditur matronis; et ab his in aedem Victoriae
in Palatia perfertur. Quod religiosum ministe-
rium dubiam antea pudicitiam Claudiae Quin-
tae clariorem ad posteror facit, Dona Deae
oblata, lectisternium et Megalesia.

15. Duodecim colonis Latini, qui ante
sex ferme annos vacationem militiae impetrave-
rant, numerus militum duplo major stipendium-
que imperatur. 16. Decernunt Patres, ut pecu-
nia, a privatis olim in publicum conlata, tri-
bus pensionibus solvatur. Locrensi legati Ro-
mam veniunt, et senatu dato 17. 18. de Q. Ple-
mini praestulique Rom. sceleribus quaeruntur,
19. Q. Fabius non modo in Plemini inhumani-
tatem sed etiam in molliem et negligentiam
Scipionis acerrime irvehitur, et orationi adjicit
sententiam non minus truce, 20. Q. Metella
auctore M. Pomponius praetor cum X legatis,
duobus tribunis plebei et aedile rei cognoscendae
causa Locros et inde in Siciliam provinciam
suam,

suam, proficisci iubetur. 21. Hi Plominium et XXXII. seditionis principes damnatos in catenis Romanis mittunt, saeraque pecuniam reponunt in thesauros. 22. Scipio rebus, non verbis, ad purgandum sese utitur, et legatis summam omnium rerum admirationem incutit. Plominus mox moritur in vinculis: et Scipioni permissitur, ut cum delectis militibus in Africam trajiciat.

23. Syphax ducta Hasdrubalis filia societatem init cum Carthaginensibus, et Scipionem de ea re certiores facit. 24. Is laetum contra nuntium ementitur, et ex iis exercitibus, qui in Sicilia sunt, legit, quos secum in Africam quam primum trajiciat. 25. Hi, de quorum numero discrepat inter auctores, naves conscendunt. 26. Ad spectaculum classis, e portu Syracusano proficiscentis, ingens hominum turba concurrit. 27. Scipio precibus ad deos suis cruda victimae exta in mare porticit; et vento mox secundo vehementique ad Africae litora perlatus ad Pulcri promontorium copias omnes in terram exponit. 28. Agris urbibusque, praecipue Carthagini, magnam infert terrorem, et, classe Uticam missa, tumulos mari proximos capit. 29. Alam equitum Carthag. cum Hannone praefecto caedit, magnamque praedam mittit in Siciliam. Laetissimus tamen Romanis in principio rerum gerendarum est adventus Masinissae cum CC vel adeo MM equitibus. — 29 — 33. Enarratur, quam varia is fortuna usus sit in amittendo recuperandoque paterno regno. 34. Hannio, Hamilcaris filius, a Masinissa e Salera, urbe ab eo expugnata, elicitur, et circumventus perit cum multis equitibus. 35. Scipio naves e Sicilia reversas novis spoliis onustas dimittit, omnesque belli vires convertit ad Uticam terra marique

rique obpugnandam: sed, Hasdrubale et Syphace cum centum prope millibus armatorum advenientibus, obsidionem solvit, et in promontorio hiberna communit castra.

36. Ex Sicilia et Italia ingens vis frumenti vestimentorumque in Africam advehitur. In agro Crotoniensi P. Sempronius cos. ab Hamibale fugatur, sed mox junctus P. Licinio prob. hostes fundit. Alter vero consul, M. Cornelius, in Etruria, ad Magonem versa, acerbas quaestiones habet. 37. Interim Romae censores M. Livius et C. Claudius Nero severum senatus equestumque agunt recensam, et lustrum condito censum quoque XII coloniarum adciunt. Vectigal etiam novum ex sataria annona commiscitur Livius: unde Salinatori ei inditum cognomen putatur. Prædum deinde inter ipsos censores oritur certamen notarum, quibus alter alteri equum adimit, et Claudius conlegam, hio vero, præter Maeciam tribum, populum Rom. omnem, XXXIV tribus, aerarios relinquit. Hinc Cn. Baebius trib. pl. diem ad populum utrique dicit: quæ res consensu Patrum discutitur. 38. Cn. Servilius Caepio et C. Servilius Geminus consules creantur. Comitia prætoria. Sacerdotes mortui et subfecti. Quadrigæ aureæ in Capitolio positæ. Ludi Romani plebeiique instaurati.

I. Scipio, postquam in Siciliam venit, voluntarios milites ordinavit centuriavitque: ex iis trecentos juvenes, florentes ætate et virium robore, inermes circa se habebat, ignorantes, quem ad usum, neque centuriati, neque armati,

mati, fervarentur. Tum ex totius Siciliae juveniorum numero principes genere et fortuna trecentos equites, qui secum in Africam transferrent, legit; diemque iis, qua equis armisque instructi atque ornati adessent, edixit. Gravis ea militia, procul domo, terra marique multos labores, magna pericula adlatura videbatur; neque ipsos modo, sed parentes cognatosque eorum ea cura angebat. Vbi dies, quae dicta erat, advenit, arma equosque ostenderant. Tum Scipio, renuntiari sibi, dixit, quosdam equites Siculorum, tamquam gravem et durum, horrere eam militiam. Si qui ita animati essent, malle eos sibi jam tum sateri, quam postmodo querentes, segnes atque inutiles milites rei publicae esse. Expromerent, quid sentirent: eum bona venia se auditurum. Vbi ex his unus ausus est dicere, se prorsus, si sibi, utrum velit, liberum esset, nolle militare, tum Scipio ei, Quoniam igitur, adolescens, quid sentires, non dissimilasti, vicarium tibi expodiam, cui tu arma equumque et cetera instrumenta militiae tradas, et tecum hinc exempto domum ducas, exerceas, docendum cures equo armisque. Laetis conditionem adiecienti unum ex trecentis, quos inermes habebat, tradit. Vbi hoc modo exauctoratum equitem cum gratia imperatoris ceteri viderunt, se quisque excusare, et vicarium adicipere. Ita trecentis Siculis Romani equites substituti, sine publica impensa. Docendorum atque exercendorum curam Siculi habuerunt; quia edictum imperatoris erat, ipsum militaturum, qui ita non fecisset. Egre-giam hanc aliam equitum evasisse ferunt, multisque proeliis rem publicam adjuvisse. Legiones inde quum inspiceret, plurimorum stipendiorum ex iis milites delegit; maximo qui sub duce Marcello militaverunt: quos quum optima

optima disciplina institutos credebatur, tum etiam ab longa Syracusarum obsidione peritissimos esse urbium obpugnandarum. Nihil enim parvum, sed Carthagini jam excidia agitabat animo. Inde exercitum per oppida dispersit: frumentum Siculorum civitatibus imperat; ex Italia advepto parcat: veteres naves reficit, et cum iis C. Laelium in Africam praedatum mittit; novas Panormi subducit, quia ex viridi materia raptim factae erant, ut in sicco hibernarent. Praeparatis omnibus ad bellum, Syracusas, nondum ex magnis belli mortibus satis tranquillae, venit. Graeci res a quibusdam Italici generis, eadem vi, qua per bellum ceperant, retinentibus, concessas sibi ab senatu, repetebant. Omnium primum ratus tueri publicam fidem, partim edicto, partim iudiciis etiam in pertinaces ad obtinendam injuriam redditis, suas res Syracusanis restituit. Non ipsis tantum ea res, sed omnibus Siciliae populis, grata fuit, eoque enisus ad bellum adjuverunt. Eadem aestate in Hispania coortum ingens bellum, concione Iltergete Indibili, nulla alia de causa, quam per admirationem Scipionis contemptu imperatorum aliorum orto. Eum superesse unum ducem Romanis, ceteris ab Hannibale interfectis, rebatur. Eo nec in Hispania caesi Scipionibus alium, quem mitterent, habuisse; et, postquam in Italia gravius bellum urgueret, adversus Hannibalem eum arcessitum. Praeterquam quod nomina tantum ducum in Hispania Romani haberent, exercitum quoque inde veterem deductum. Trepida omnia, ut inconditam urbem tironum, esse. Numquam talem occasionem liberandae Hispaniae fore. Servitum ad eam diem aut Carthaginiensibus aut Romanis; nec in vicem his aut illis, sed interdum utrisque simul. Pul-

fos

fos ab Romanis Carthaginenses; ab Hispanis, si consentirent, pelli Romanos posse, ut ab omni externo imperio soluta in perpetuum Hispania in patrios rediret mores ritusque. Haec aliaque dicendo non populares modo, sed Ausetanos quoque, vicinam gentem, concitat, et alios finitimos sibi atque illis populos. Itaque intra paucos dies triginta millia peditum, quatuor ferme equitum in Sedetanum agrum, quo editum erat, convenerunt.

II. Romani quoque imperatores, L. Lentulus et L. Manlius Acidinus, ne glisceret prima negligendo bellum, junctis et ipsi exercitibus, per agrum Ausetanum, hostico, tamquam pacato, clementer ductis militibus, ad sedem hostium pervenere. Trium millium spatio procul a castris eorum posuerunt castra. Primo per legatos nequidquam tentatum, ut discederetur ab armis. Dein, quum in pabulatores Romanos inpetus repente ab equitibus Hispanis factus esset, submisso ab statione Romana equitatu, proelium equestre fuit, haud sane memorando in partem ullam eventum. Sole oriente, postero die armati instructique omnes mille ferme passus procul a castris Romanis aciem ostendere. Medii Ausetani erant: cornua dextrum Ilergetes, laevum ignobiles tenebant Hispani populi. Inter cornua et mediam aciem intervalla patentia satis late fecerant, qua equitatum, ubi tempus esset, emitterent. Et Romani, more suo exercitum quum instruxissent, id modo hostium imitati sunt, ut inter legiones et ipsi patentes equiti relinquerent vias. Ceterum Lentulus, ei parti usum equitis fore ratus, quae prior in dehiscentem intervallis hostium aciem equites emisisset, Ser. Cornelio tribuno militum imperat, equites per patentes in hostium acie vias permittere equos

T. Liv. P. II.

Qq

jubeat:

jubeat: ipse, coepta parum prospere pedestri pugna, tantum moratus, dum cedenti duodecimae legioni, quae in laevo cornu adversus Ilergetes locata erat, tertiam decimam legionem ex subsidiis in primam aciem firmamentum ducit; postquam aequata ibi pugna est, ad L. Manlium, inter prima signa hortantem, ac subsidia, quibus res postulabat locis, inducentem, venit. Indicat tuta ab laevo cornu esse: jam missum ab se Cornelium Servium procella equestri hostes circumfusurum. Vix haec dicta dederat, quum Romani equites, in medios invecti hostes, simul pedestres acies turbaverunt, simul equitibus Hispanorum viam inmittendi equos clauserunt. Itaque, ommissa pugna equestri, ad pedestrem Hispani descenderunt. Romani imperatores, ut turbatos hostium ordines et trepidationem pavoremque et fluctuantia viderunt signa, hortantur, orant milites, *ut percussos invadant, neu resistui aciem patiantur.* Non sustinuisent tam infestum impetum barbari, ni regulus ipse Indibilis cum equitibus ad pedes degressis ante prima signa peditum se objecisset. Ibi aliquamdiu atrox pugna stetit. Tandem postquam ii, qui circa regem, seminecem restantem, deinde pilo terrae adfixum, pugnabant, obruti telis obcubuerunt, tum fuga passim coepta, pluresque caesi, quia equos conscendendi equitibus spatium non fuerat, et quia percussis acriter institerunt Romani. Nec ante abscessum est, quam castris quoque exsuerunt hostem. Tredecim millia Hispanorum caesa eo die, octingenti ferme capti. Romanorum sociorumque paulo amplius ducenti, maxime in laevo cornu, ceciderunt. Pulsi castris Hispani, aut qui ex proelio effugerant, sparsi primo per agros, deinde in suas quisque civitates redierunt.

III.

III. Tum a Mandonio evocati in concilium conqueſtisque ibi clades ſuas, increpitiſ auctoribus belli, legatos mittendos ad arma tradenda deditionemque faciendam cenſuerunt. Quibus, culpam in auctorem belli Indibilem, ceterosque principes, quorum plerique in acie cecidiſſent, conferentibus, tradentibusque arma et deditibus ſeſe, reſponſum eſt: *In deditionem ita adcipi eos, ſi Mandonium ceterosque belli concitores tradidiſſent vivos: ſin minus, exercitus ſe in agrum Iltergetum Aufetanorumque et deinceps aliorum populorum ducturos.* Haec dicta legatis, repuntiatque in concilium. Ibi Mandonius ceterique principes comprehenſi et traditi ad ſubplacium. Hispaniae populis reddita pax: ſtipendium ejus anni duplex et frumentum ſex menſum imperatum ſagaque et togae exercitui, et obſides ab triginta ferme populis adcepti. Ita Hispaniae rebellantis tumultu, haud magno motu, intra paucos dies concito et compreſſo, in Africam omnis terror verſus. C Laelius nocte ad Hipponem Regium cum adceſſiſſet, luce prima ad populandum agrum ſub ſignis milites focioſque navales duxit. Omnibus, pacis modo incurioſe agentibus, magna clades inlata; nuntiique trepidi Carthaginem terrore ingenti complevere, claſſem Romanam Scipionemque imperatorem (et fama fuerat jam in Siciliam tranſgreſſum) adveniſſe. Nec quot naves vidiffent, nec quanta manus agros popularetur, ſatis gnari, omnia in majus, metu augente, adcipiebant. Itaque primo terror pavorque, dein moeſtitia animos inceſſit: *tantum fortunam muſaſſe, ut, qui modo ipſi exercitum ante moenia Romana habuiſſent victores, ſtratiſque tot hoſtium exercitibus, omnes Italiae populos aut vi aut voluntate in deditionem adcepiſſent,*

ii. verso Marte, Africas populationes et obsidionem Carthaginis visuri forent, nequaquam pari ad patienda ea robore, ac Romani fuissent. Illis Romanam plebem, illis Latium juventutem praebuisse; majorem semper frequentioremq; pro tot caesis exercitibus subolescentem. Suam plebem inbellem in urbe, inbellam in agris esse. Mercede parari auxilia ex Afris, gente ad omnem auram spei mobili atque infida. Jam reges, Syphacem post colloquium cum Scipione alienatum; Masinissam aperta defectione infestissimum hostem. Nihil usquam spei, nihil auxilii esse. Nec Magonem ex Gallia movere tumultus quidquam, nec conjungere sese Hannibali: et Hannibalem ipsum jam et fama frangere, et viribus.

IV. In haec deslenda prolapsos ab recenti nuntio animos rursus terror instans revocavit ad consultandum, quonam modo obviam praesentibus periculis iretur. Delectus raptim in urbe agrisque haberi placet, mittere ad conducenda Afrorum auxilia, munire urbem, frumentum conveyere, tela, arma parare, instruere naves ac mittere ad Hipponem adversus Romanam classem. Jam haec agentibus nuntius tandem venit, Laelium, non Scipionem, copiasque, quantae ad incurSIONES agrorum satis sint, transvectas; summam belli molem adhuc in Sicilia esse. Ita respiratum, mittique ad Syphacem legationes aliosque regulos, firmandae societatis causa, coeptae. Ad Philippum quoque missi, qui ducenta argenti talenta pollicerentur, ut in Siciliam aut in Italiam trajiceret. Missi et ad duos imperatores in Italiam, ut omni terrore Scipionem retinerent: ad Magonem non legati modo, sed viginti quinque naves longae, sex millia peditem, octingenti equites, septem elephantum, ad

hoc

hoc magnâ pecunia ad conducenda auxilia, quibus fretus propius urbem Romanam exercitum admoveret, conjungeretque se Hannibali. Haec Carthagine parabant agitabantque. Ad Laelium, praedas ingentes ex agro inermi ac nudo praesidiis agentem, Masinissa, fama Romanae classis excitus, cum equitibus paucis venit. Is *segniter rem agi ab Scipione questus, quod tum non jam exercitum in Africam trajecisset, perculsis Carthaginensibus, Syphace inpedito finitimis bellis, quem incertum haerere; si spatium ad sua, ut velit, componenda detur, nihil sincera fide cum Romanis acturum, Hortaretur et stimularet Scipionem, ne cessaret. Se, quamquam regno pulsus esset, cum haud contemnendis copiis adfuturum peditum equitumque. Nec ipsi Laelio morandum in Africa esse, Classem credere profectam a Carthagine, cum qua, absente Scipione, non satis tutum esse contrahi certamen.*

V, Ab hoc sermone dimisso Masinissa, Laelius postero die naves praeda onustas ab Hipponone solvit, revectorque in Siciliam mandata Masinissae Scipioni exposuit. Eisdem ferme diebus naves, quae ab Carthagine ad Magonem missae erant, inter Albingaunos Ligures Genuamque adcefferunt. In iis locis tum forte Mago tenebat classem; qui, legatorum auditis verbis, jubentium exercitus quam maximos comparare, extemplo Gallorum et Ligurum (namque utriusque gentis ingens ibi multitudo erat) concilium habuit. *Et missum se ad eos vindicandos in libertatem, ait, et, ut ipsi cernant, mitti sibi ab domo praesidia; sed, quantis viribus, quanto exercitu id bellum geratur, in eorum potestate esse. Duos exercitus Romanos, unum in Gallia, alterum in Etruria esse. Satis scire, Sp. Lucretium se cum M. Li-*

*vio juncturum. Multa millia ipsis etiam ar-
manda esse, ut duobus ducibus, duobus exerci-
tibus Romanis resistatur. Galli, summam ad
id suam voluntatem esse, dicere; sed, quum
una castra Romana intra fines, altera in finiti-
ma terra Etruria prope in conspectu habeant, si
palam fiat, auxiliis adjuturi ab sese Poenum,
exemplo infesos utrimque exercitus in agrum
suum incurfuros. Ea ab Gallis desideraret, qui-
bus obculite adjuvari posset. Liguribus, quod
procul agro urbibusque eorum castra Romana
sint, libera consilia esse. Illos armare juventu-
tem et capeffere pro parte bellum, aequum esse.
Ligures haud abnuere; tempus modo duorum
mensium petere ad delectus habendos. Interim
Mago milites, Gallis dimissis, clam per agros
eorum mercede conducere. Commeatus quo-
que omnis generis obculite ad eum a Gallis po-
pulis mittebantur. M. Livius exercitum vo-
lonum ex Etruria in Galliam traducit, jun-
ctusque Lucretio, si se Mago ex Liguribus pro-
pius Urbem moveat, obviam ire parat; si Poe-
nus sub angulo Alpium quietus se contineat, et
ipse in eadem regione circa Arimium Italiae
praefidio futurus.*

VI. Post reditum ex Africa C. Laelii, et
Scipione stimulado Masinissae adhortationibus,
et militibus, praedam ex hostium terra cer-
nentibus tota classe efferri, adiensis ad traji-
ciendum quam primum, intervenit majori mi-
nor cogitatio, Locros urbem recipiendi, quae
sub defectionem Italiae desciverat et ipsa ad
Poenos. Spes autem adfectandae ejus rei ex
minima re adfulsit. Latrociniiis magis, quam
justo bello, in Brutiis gerebantur res; prin-
cipio ab Numidis facto, et Brutiis, non so-
cietate magis Punica, quam suoapte ingenio,
congruentibus in eum morem. Postremo Ro-
mani

mani quoque, jam contagione quadam raptò gaudentes, quantum per duces licebat, excursions in hostium agros facere. Ab iis egressi quidam urbem Locrenses circumventi Rhegiumque abstracti fuerant. In eo captivorum numero fabri quidam fuere, adsueta forte apud Poenos mercede opus in arce Locrorum facere. Ii, cogniti ab Locrensiū principibus, qui pulsi ab adversa factione, quae Hannibali Locros tradiderat, Rhegium se contulerant, quum cetera percunctantibus, (ut mos est, qui diu absunt) quae domi agerentur, exposuissent, spem fecerunt, si redempti ac remissi forent, arcem se iis tradituros. Ibi se habitare, fidemque sibi rerum omnium inter Carthaginenses esse. Itaque, ut qui simul desiderio patriae angerentur, simul cupiditate inimicos ulciscendi arderent, redemptis extemplo iis remissisque, quum ordinem agendaē rei composuissent signaque, quae procul edita observarent, ipsi ad Scipionem Syracusas profecti, apud quem pars exsulum erat, referentes ibi promissa captivorum, quum spem ab effectu haud abhorrentem consuli fecissent; tribuni militum cum iis M. Sergius et P. Matienus missi, iustique ab Rhegio tria millia militum Locros ducere; et Q. Pleminio propraetori scriptum, ut rei agendaē adestet. Profecti ab Rhegio, scylas ad editam altitudinem arcis fabricatas portantes, media ferme nocte ex eo loco, unde convenerat, signum dedere proditoribus arcis. Qui parati intentique et ipsi scylas ad id ipsum factas quum dimisissent, pluribusque simul locis scandentes adcepissent, prius quam clamer oriretur, in vigiles Poenorum, ut in nullo tali metu, sopitos inpetus est factus. Quorum gemitus primò morientium exauditus; deinde subita consternatio ex somno et

Qq 4

tumul-

tumultus, quum causa ignoraretur; postremo certior res, aliis excitantibus alios. Jamque *ad arma* pro se quisque vocabat: *hostes in arce esse, et caedi vigilas.* Obpressique forent Romani, nequaquam numero pares, ni clamor, ab iis, qui extra arcem erant, sublatus, incertum, unde accidisset, (omnia vana augente nocturno tumulto) fecisset. Itaque velut plena jam hostium arce territi Poeni, omisso certamine, in alteram arcem (duae sunt haud multum inter se distantes) confugiunt. Oppidani urbem habebant, victoribus praemium in medio positam. Ex arce duabus proelium quotidie levibus certabatur. Q. Pleminius Romano, Hamilcar Punico praesidio praeerat: arcescentes ex propinquis locis subsidia copias augebant. Ipse postremo veniebat Hannibal: nec sustinuisent Romani, nisi Locrensiū multitudo, exacerbata superbia atque avaritia Poenorum, ad Romanos inclinasset.

VII. Scipioni ut nuntiatum est, in majore discrimine Locris rem verti, ipsumque Hannibalem adventare; ne praesidium etiam periclitaretur, haud facili inde receptu, et ipse a Messana, L. Scipione fratre in praesidio ibi relicto, quum primum aestu fretum inclinatum est, naves mari secundo misit. Et Hannibal, a Butroto amni (haud procul is ab urbe Locris abest) nuntio praemisso, ut sui luce prima summa vi proelium cum Romanis ac Locrensis conficerent, dum ipse, aversis omnibus in eum tumultum, ab tergo urbem incautam adgrederetur, ubi luce coeptam invenit pugnam, ipse nec in arcem se includere, turba locum arctum inpediturus, voluit; neque scalas, quibus scanderet muros, attulerat. Sarcinis in acervum coniectis, quum haud procul muris ad terrorem hostium aciem ostendit.

disset, cum equitibus Numidis circummequitabat urbem, dum scalas, quaeque alia ad obpugnandum opus erant, parantur, ad visendum qua maxime parte adgrederetur. Progreffus ad murum, scorpione icto, qui proximus eum forte steterat, territus inde tam periculoso casu, receptui canere quum iussisset, castra procul ab ictu teli communiit. Classis Romana a Messana Locros, aliquot horis die superante, adcessit: expositi omnes e navibus, et ante occasum solis urbem ingressi sunt. Postero die coepta ex arce a Poenis pugna; et Hannibal, jam scalis aliisque omnibus ad obpugnationem paratis, subibat muros; quum repente in eum, nihil minus quam tale quidquam timentem, patefacta porta erumpunt Romani. Ad ducentos improvidos, quum invasissent, occidunt. Ceteros Hannibal, ut consulem adesse sensit, in castra recipit; nuntioque misso ad eos, qui in arce erant, ut sibimet ipsi consulerent, nocte motis castris abiit. Et qui in arce erant, igni injecto tectis, quae tenebant, ut is tumultus hostem moraretur, agmen suorum fugae simili cursu, ante noctem adsequuti sunt.

VIII. Scipio, ut et arcem relictam ab hostibus et vacua vidit castra, vocatos ad concionem Locrenses graviter ob defectionem inculpavit: de auctoribus supplicium sumit, bonaque eorum alterius factionis principibus, ob egregiam fidem adversus Romanos, concessit. *Publice nec dare, nec eripere se quidquam Locrensis, dixit; Romam mitterent legatos: quam senatus aequum censuisset, eam fortunam habituros. Illud satis scire, etsi male de populo Romano meriti essent, in meliore statu subtratis Romanis futuros, quam sub amicis Carthaginensibus fuerint.* Ipse, Q. Pleminio le-

Qq 5

gato

gato praesidioque, quod arcem ceperat, ad tuendam urbem relicto, cum quibus venerat copiis, Messanam trajecit. Ita superbe et crudeliter habitus Locrenses ab Carthaginiensibus post defectionem ab Romanis fuerant, ut modicas injurias non aequo modo animo pati, sed prope lubenti possent. Verum enimvero tantum Pleminius Hamilcarem praesidii praefectum, tantum praesidiarii milites Romani Poenos scelere atque avaritia superaverunt, ut non armis, sed vitiis videretur certari. Nihil omnium, quae inopi invisas opes potentioris faciunt, praetermissum in oppidanos est ab duce, aut a militibus: in corpora ipsorum, in liberos, in conjuges infandae contumeliae editae. Nam avaritia ne sacrorum quidem spoliatione abstinuit: nec alia modo templa violata, sed Proserpinae etiam, intacti omni aetate, thesauri; praeterquam quod a Pyrrho, qui cum magno piaculo sacrilegii sui manubias retulit, spoliati dicebantur. Ergo sicut ante regiae navea, laceratae naufragus, nihil in terram integri, praeter sacram pecuniam Deae, quam absportabant, extulerant; tum quoque alio genere cladis eadem illa pecunia omnibus contactis ea violatione templi furorem objecit, atque inter se ducem in ducem, militem in militem rabie hostili vertit.

IX. Summae rei Pleminius praeebat; militum pars sub eo, quam ipse ab Rhegio abduxerat, pars sub tribunis erat. Rapto poculo argenteo ex oppidani domo Pleminii miles fugiens, sequentibus quorum erat, obviis forte Sergio et Matieno tribunis militum fuit. Cui quum jussu tribunorum ademptum poculum esset, jurgium inde et clamor, pugna postremo orta inter Pleminii milites tribunorumque; ut suis quisque obportunus advenerat, multitudi-

ne

ne simul ac tumultu crescente. Victi Plemini
milites quum ad Pleminium, cruorem ac vul-
nera ostentantes, non sine vociferatione atque
indignatione concurrissent, probra in eum ip-
sum jactata in iurgiis referentes; adensus ira
domo sese proripuit, vocatosque tribunos nu-
dari, ac virgas expediri iubet. Dum spolian-
dis iis (repugnabant enim, militemque inplo-
rabant) tempus teritur, repente milites, fero-
ces recenti victoria, ex omnibus locis, velut
adversus hostes ad arma conclamatum esset,
concurrerunt; et quum violata jam virgis cor-
pora tribunorum vidissent, tum vero in multe
impotentiore subito rabiem adcesi, sine re-
spectu, non maiestatis modo, sed etiam hu-
manitatis, in legatum inpetum, lictoribus prius
indignum in modum mulcatis, faciunt: tum
ipsum, ab suis interceptum et seclusum, ho-
stiliter lacerant, et prope exsanguem, naso
auribusque mutilatis, relinquunt. His Messa-
nam nuntiatis, Scipio, post paucos dies Lo-
cros hexeri advectus, quum causam Pleminii
et tribunorum audisset, Pleminio noxa libera-
to relictoque in ejusdem loci praesidio, tribu-
nis fontibus judicatis et in vincula coniectis,
ut Romam ad senatum mitterentur, Messanam
atque inde Syracusas rediit. Pleminius inpo-
tens irae, neglectam ab Scipione et nimis le-
viter latam suam injuriam ratus, nec quem-
quam aestimare alium eam litem posse, nisi
qui atrocitatem ejus patiendo sensisset, tribu-
nos adtrahi ad se iussit laceratosque omnibus,
quae pati corpus ullum potest, suppliciis inter-
fecit; nec satiatus vivorum poena, insepultos
proiecit. Simili crudelitate et in Locrensum
principes est usus, quos ad conquerendas in-
jurias ad P. Scipionem profectos audivit; et,
quae antea per libidinem atque avaritiam foe-
da

da exempla in socios ediderat, tunc ab ira multiplicia edere: infamiae atque invidiae non sibi modo, sed etiam imperatori, esse.

X. Jam comitiorum adpetebat tempus, quum P. Licinii consulis literae Romam adlatæ, se exercitumque suum gravi morbo adfectari; neq̃sisti potuisse, ni eadem vis mali, aut gravior etiam, in hostes ingruisset. Itaque, quoniam ipse venire ad comitia non posset, si ita Patribus videretur, se Q. Caecilium Metellum dictatorem comitiorum causa dicturum; exercitum Q. Caecilii dimitti, e re publica esse. Nam neque usum ejus ullum in praesentia esse, quum Hannibal jam in hiberna suos receperit, et tanta recesserit in ea castra vis morbi, ut, nisi mature dimittantur, nemo omnium superfuturus videatur. Ea consuli a Patribus facienda, ut e re publica fideque sua duceret, permitta. Civitatem eo tempore repens religio invaserat, invento carmine in libris Sibyllinis, propter crebrius eo anno de coelo lapidatum inspectis. Quandoque hostis alienigenae terrae Italiae bellum intulisset, eum pelli Italia vincique posse, si mater Idaea a Pessinunte Romam advecta foret. Id carmen ab decemviris inventum eo magis Patres movit, quod et legati, qui donum Delphos portaverant, referebant: et sacrificantes ipsos Pythio Apollini litavisse, et responsum oraculo editum, majorem multo victoriam, quam cujus ex spoliis dona portarent, adesse populo Romano. In ejusdem spei summam conferebant P. Scipionis velut praesagientem animum de fine belli, quod depoposcisset provinciam Africam. Itaque quo maturius fatis, ominibus oraculisque portendentis sese victoriae compotes fierent, id cogitare, quae ratio transportandae Romam Deae esset.

XI.

XI. Nullas dum in Asia civitates socias habebat populus Romanus. Tamen memores, Aesculapium quoque ex Graecia quondam, haud dum ullo foedere sociata, valetudinis populi causa arcessitum, et jam cum Attalo rege, propter commune adversus Philippum bellum, coeptam amicitiam esse, facturum eum, quae possit, populi Romani causa, legatos ad eum decernunt, M. Valerium Laevinum, qui his consul fuerat ac res in Graecia gesserat, M. Caecilium Metellum praetorium, Ser. Sulpicium Galbam aedilitium, duos quaestorios, Cn. Tremellium Flaccum et M. Valerium Faltonem. His quinque naves quinqueremes, ut ex dignitate populi Romani adirent eas terras, ad quas concilianda maiestas nomini Romano esset, decernunt. Legati Asiam petentes protenus Delphos quum escendissent, oraculum adierunt, consulentes, ad quod negotium domo missi essent, perficiendi ejus quam sibi spem populoque Romano portenderet. Responsum esse ferunt, *Per Attalum regem compotes ejus fore, quod peterent. Quum Romam Deam devehissent, tum curarent, ut eam, qui vir optimus Romae esset, hospitio exciperet.* Pergamum ad regem venerunt. Is legatos comiter adceptos Pellinuntem in Phrygiam deduxit; sacrumque his lapidem, quam matrem Deum esse incolae dicebant, tradidit, ac deportare Romam iussit. Praemissus ab legatis M. Valerius Falto nuntiavit, Deam adportari: quaerendum virum optimum in civitate esse, qui eam rite hospitio exciperet. Q. Caecilius Metellus dictator ab consule in Brutiis comitiorum causa dictus, exercitusque ejus dimissus: magister equitum L. Veturius Philo. Comitia per dictatorem habita. Consules facti M. Cornelius Cethegus, P. Sempronius

nus Tuditanus absens, quum provinciam Graeciam haberet. Praetores inde creati, Ti. Claudius Nero, M. Marcius Ralla, L. Scribonius Libo, M. Pomponius Matho. Comitibus peractis, dictator sese magistratu abdicavit. Iulii Romani ter, plebeji septies instaurati. Curules erant aediles Cn. et L. Cornelii Lentuli. Lucius Hispaniam provinciam habebat: absens creatus, absens eum honorem gessit. Ti. Claudius Afellus et M. Junius Pennus plebeji aediles fuerunt. Aedem Virtutis eo anno ad portam Capenam M. Marcellus dedicavit, septimodecimo anno postquam a patre ejus primo consulatu vota in Gallia ad Clastidium fuerat. Et flamen Martialis eo anno est mortuus M. Aemilius Regillus.

XII. Neglectae eo biennio res in Graecia erant. Itaque Philippus Aetolos, desertos ab Romanis, cui uni videbant auxilio, quibus voluit conditionibus, ad petendam et pacificandam subegit pacem. Quod nisi omni vi perficere maturasset, bellantem eum cum Aetolis P. Sempronius proconsul, subefflor imperii missus Sulpicio, cum decem millibus pedum et mille equitibus et triginta quinque rostratis navibus (haud parvum momentum ad opem ferendam sociis) obpressisset. Vix dum pace facta, nuntius regi venit, Romanos Dyrrachium venisse, Parthinosque et propinquas alias gentes motas esse ad spem novandi res, Dimallumque obpugnari. Eo se vertant Romani ab Aetolorum, quo missi erant, auxilio, irati, quod sine auctoritate sua adversus foedus cum rege pacem fecissent. Ea quum audisset Philippus, ne qui motus major in finitimis gentibus populisque oriretur, magnis itineribus Apolloniam contendit; quo Sempronius se receperat, misso Laetorio legato cum

cum parte copiarum et quindecim navibus in Aetoliam, et ad visendas res, pacemque, si posset, turbendam. Philippus agros Apolloniatis vastavit, et, ad urbem admotis copiis, potestatem pugnae Romano fecit. Quem postquam quietum muros tantummodo tueri vidit, nec satis fidens viribus, ut urbem obpugnaret, et cum Romanis quoque, sicut cum Aetolis, cupiens pacem, si posset, sin minus, inducias facere, nihil ultra inritatis novo certamine odiis, in regnum se recepit. Per idem tempus, taedio diutini belli, Epirotae, tentata prius Romanorum voluntate, legatos de pace communi ad Philippum misere; satis confidere, conventuram eam, adfirmantes, si ad conloquium cum P. Sempronio imperatore Romano venisset. Facile inpetratum, (neque enim ne ipsius quidem regis abhorrebat animus) ut in Epirum transiret. Phoenice urbs est Epiri: ibi prius conloquutus rex, cum Aero et Darda et Philippo, Epirotarum praetoribus; postea cum P. Sempronio congregitur. Adfuit conloquio et Amynder Athamanum rex, et magistratus alii Epirotarum et Acarnanum. Primus Philippus praetor verba fecit, et petiit simul ab rege et ab imperatore Romano, ut finem belli facerent, darentque eam Epirotis veniam. P. Sempronius condiciones pacis dixit, ut Parthini et Dimallum et Bargulum et Eugenum Romanorum essent: Atintania, si, missis Romam legatis, ab senatu inpetrasset, Macedoni accederet. In eas condiciones quam pax conveniret, ab rege foederi adscripti Prusia Bithydiae rex, Achaei, Boeoti, Thessali, Acarnanae, Epirotae: ab Romanis Ilienses, Attalus rex, Pleuratus, Nabis Lacedaemoniorum tyrannus, Elei, Messenii, Athenienses. Haec conscripta con-

consignataque sunt, et in duos menses induciae factae, donec Romam mitterentur legati, ut populus in has conditiones pacem juberet. Jusseruntque omnes tribus, quia, verso in Africam bello, omnibus aliis in praesentia levare volebant bellis. P. Sempronius, pace facta, ad consulatum Romam decēssit.

XIII. P. Sempronio, M. Cornelio consulibus (quintus decimus is annus Puniēi belli erat) provinciā, Cornelio Etruria cum veterē exercitū, Sempronio Bruttii, ut novās scriberet legiones, decretae. Praetoribus, M. Marcio urbana, L. Scribonio Liboni peregrina, et eidem Gallia, M. Pomponio Mathoni Sicilia, Ti. Claudio Neroni Sardinia evenit. P. Scipioni cum eo exercitū, cum ea classe, quam habebat, prorogatum in annum imperium est. Item P. Licinio, ut Bruttios cum duabus legionibus obtineret, quoad eum in provincia cum imperio morari consuli e re publica visum esset. Et M. Livio et Sp. Lucretio, cum binis legionibus, quibus adversus Magonem Galliae praesidio fuissent, prorogatum imperium est. Et Cn. Octavio, ut, quum Sardiniam legionemque Ti. Claudio tradidisset, ipse navibus longis quadraginta maritimam oram, quibus finibus senatus censuisset, tutaretur. M. Pomponio praetori in Sicilia Cannensis exercitus duae legiones decretae. T. Quinctius Tarentum, C. Hostilius Tubulus Capuam, propraetores, sicut priore anno, cum veterē uterque praesidio, obtinerent. De Hispaniae imperio, quos in eam provinciam duos proconsules mitti placeret, latum ad populum est. Omnes tribus eosdem, L. Cornelium Lentulum et L. Manlium Acidinum, proconsules, sicut priore anno tenuissent, obtinere eas provincias jusserunt. Consules delectum

lectam habere instituerant; et ad novas scribendas in Bruttios legiones, et in ceterorum (ita enim iussi ab senatu erant) exercituum supplementum.

XIV. Quamquam nondum aperte Africa provincia decreta erat, (obsculantibus id, credo, Patribus, ne praesciscerent Carthaginenses) tamen in eam spes erecta civitas erat, in Africa eo anno debellatum iri, finemque bello Punico adesse. Inpleverat ea res superstitutionum animos, pronique et ad nuntianda, et ad credenda prodigia erant. Eo plura vulgabantur. *Duos soles visos, et nocte interluxisse; et faciem Setia ab ortu solis ad occidentem porrigi visam. Tarrachnae portam, Antagniae et portam et multis locis murum de caelo tactum. In aede Junonis Sospitae Lanuvii cum horrendo fragore strepitum editum.* Eorum procurandorum causa diem unum supplicatio fuit; et novemdiale sacrum, quod de caelo lapidatum esset, factum. Eo adcessit consultatio de matre Idaea adicienda, quam, praeterquam quod M. Valerius, unus ex legatis praegressus, actutum in Italia fore nuntiaverat, recens nuntius aderat, Tarracinae iam esse. Haud parvae rei iudicium senatum tenebat, qui vir optimus in civitate esset. Veram certe victoriam ejus rei sibi quisque mallet, quam ulla imperia honoresve, subfragio seu Patrum, seu plebis delatos. P. Scipionem, Cn. filium, ejus qui in Hispania ceciderat, adolescentem nondum quaestorium, judicaverunt in tota civitate virum bonorum optimum esse. Id quibus virtutibus inducti ita judicarent, sicut prout a proximis memoriae temporum illorum scriptoribus libens posteris traderem; ita meas opiniones, conjectando rem vetustate obrutam, non interponam. P.

T. Liv. P. II.

Rr

Cor-

Cornelius cum omnibus matronis Ostiam ire iussus obviam Deae, isque eam de nave accipere, et in terram elatam tradere forendam matronis. Postquam navis ad ostium amnis Tiberini adcessit, sicut erat iussus, in salum nave evectus, ab sacerdotibus Deam adcepit, extulitque in terram. Matronae primores civitatis, inter quas unius Claudiae Quintae insignis est nomen, adceperunt: cui dubia (ut traditur) antea fama clariorem ad posteros tam religioso ministerio pudicitiam fecit. Eae per manus, subcedentes deinceps aliae aliis, omni effusa civitate obviam, thuribus ante januas positis, qua praeferebatur, atque adtenso thure, precantibus, ut volens propitiaque urbem Romanam iniret, in aedem Victoriae, quae est in Palatio, pertulere Deam pridie Idus Aprilis; isque dies festus fuit. Populus frequens dona Deae in Palatium tulit, lectisterniumque et ludi fuere, Megalesia adpellata.

XV. Quum de supplemento legionum, quae in provinciis erant, ageretur; tempus esse, a quibusdam senatoribus subjectum est, quae dubiis in rebus utcumque tolerata essent, ea, demum jam tandem Deum benignitate motu, non ultra pati. Erectis expectatione Patribus, subjecerunt: colonias Latinas duodecim, quae Q. Fabio et Q. Fulvio consulibus abnuissent milites dare, eas annum jam ferme sextum vacationem militiae, quasi honoris et beneficii causa, habere; quam interim boni obediennesque socii, pro fide atque obsequio in populum Romanum, continuis omnium amorum delectibus exhausti essent. Sub hanc vocem non memoria magis Patribus renovata rei prope jam oblitteratae, quam ira irritata est. Itaque, nihil prius referre consules passi, decreverunt, ut consules magistratus denosque principes Ne-

note,

*pete, Sutria, Ardea, Calibus, Alba, Carse-
lis, Sora, Sueffa, Setia, Circejis, Narnia,
Interamna. (eae namque coloniae in ea causa
erant) Romam exigent; iis imperarent, quan-
tum quaeque earum coloniarum militum pluri-
mum dedisset populo Romano, ex quo hostes in
Italia essent, duplicatum ejus summae numerum
peditum daret et equites centenos vicanos. Si
quo eum numerum equitum explere non posset,
pro equite uno tres pedites liceret dare; pedites
equitesque quam locupletissimi legerentur mitte-
renturque, ubicumque extra Italiam subplemen-
to opus esset. Si qui ex iis recusarent, retineri
ejus coloniae magistratus legatosque placere;
neque, si postularent, senatum dari prius quam
imperata facissent. Stipendium praeterea iis
colonis in millia aeris asses singulos imperari
exigique quotannis; censumque in iis colonis agi
ex formula ab Romanis censoribus data. Dari
autem placere eandem, quam populo Romano;
deserrique Romam ab juratis censoribus colo-
niarum, prius quam magistratu abirent. Ex
hoc senatus consulto, aditis Romam magi-
stratibus primoribusque earum coloniarum,
consules, quum militem stipendiumque impe-
rassent, alii aliis magis recusare ac reclamare.
Negare tantum militum effici posse: vix, si sim-
plum ex formula imperetur, ensuros. Orare
atque obsecrare, ut sibi senatum adire ac de-
precari liceret. Nihil se, quare perire merito
deberent, admisisse: sed, si pereundum etiam
foret, neque suum delictum, neque iram populi
Romani, ut plus militum darent, quam habe-
rent, posse efficere. Consules obstinati manere
legatos Romae jubent; magistratus ire domos
ad delectus habendos. Nisi summa militum,
quae imperata esset, Romam adducta, nemi-
nem iis senatum daturum. Ita praecisa spe*

senatum adeundi deprecandique! delectus in iis duodecim coloniis, per longam vacationem numero juniorum aucto, haud difficulter est perfectus.

XVI. Altera item res, prope aeque longo neglecta silentio, relata a M. Valerio Laevino est; qui, *privatis conlatas pecunias, se ac M. Claudio consulibus, reddi tandem, aequum esse dixit; nec mirari quemquam debere, in publica obligata fide suam praecipiam curam esse.* Nam, praeterquam quod aliquid proprie ad consulem ejus anni, quo conlatas pecuniae essent, pertineret, etiam se auctorem ita conferendi fuisse, inopi aerario, nec plebe ad tributum subficiente. Grata ea Patribus admonitio fuit; jussisque referre consulibus, decreverunt, ut tribus pensionibus ea pecunia solveretur: primam praesentem ii, qui tum essent, duas tertii et quinti consules numerarent. Omnes deinde alias curas una occupavit, postquam Locrensum clades, quae ignoratae ad eam diem fuerant, legatorum adventu vulgatae sunt: neo tam Q. Pleminii scelus, quam Scipionis in eo aut ambitio aut negligentia iras hominum irritavit. Decem legati Locrensum, obfiti squalore et sordibus, in comitio sedentibus consulibus, *velamenta subplicum, ramos oleae, (ut Graecis mos est) porrigentes, ante tribunal cum flebili vociferatione humi procubuerunt.* Quaerentibus consulibus *Locrenses se dixerunt esse, ea passos a Q. Pleminio legato Romanisque militibus, quae pati ne Carthaginenses quidem velit populus Romanus.* Rogare, uti sibi Patres adeundi deplorandique aerumnas suas potestatem facerent.

XVII. Senatu dato, maximus natus ex iis: Scio, quantum destimentur nostrae apud vos querelae, Patres conscripti, plurimum in eo momen-

menti esse, si probe sciatis, et quomodo prodiit
 Locri Hannibali sunt, et quomodo, pulso Han-
 nibalis praesidio, restituti in ditionem vestram.
 Quippe si et culpa defectionis procul a publico
 consilio absit, et reditum in vestram ditionem
 appareat, non voluntate solum, sed ope etiam
 ac virtute nostra; magis indignemini, bonis ac
 fidelibus sociis tam atroces atque indignas inju-
 rias ab legato vestro militibusque fieri. Sed ego
 causam utriusque defectionis nostrae in aliud tem-
 pus differendam arbitror esse, duarum rerum
 gratia, unius, ut coram P. Scipione, qui Lo-
 eros recepit, omnium nobis recte perperamque
 factorum testis, agatur; alterius, quod, qua-
 lescumque sumus, tamen haec, quae passi su-
 mus, pati non debuimus. Non possumus dissi-
 milare. Patres conscripti, nos, quum praesi-
 dium Punicum in arce nostra haberemus, multa
 foeda et indigna et a praefecto praesidii Ha-
 milcare, et ab Numidis Afrisque passus esse,
 Sed quid illa sunt, conlata cum iis, quae ho-
 die patimur? Cum bona venia, quaeso, audia-
 tis, Patres conscripti, id, quod invitus dicam,
 In discrimine est nunc humanum omne genus,
 utrum vos, an Carthaginienses principes terra-
 rum videat. Si ex iis, quae Locrenses aut ab
 illis passi sumus, aut a vestro praesidio nunc
 quum maxime patimur, aestimandum Romanum
 ac Punicum imperium sit; nemo non illos sibi,
 quam vos, dominos praecoptet. Et tamen vide-
 te, quemadmodum Locrenses in vos animati
 sint. Quum a Carthaginiensibus injurias tanto
 minores acciperemus, ad vestrum imperatorem
 confugimus: quum a vestro praesidio plus quam
 hostilia patiamur, nusquam alio, quam ad vos,
 querelas detulimus. Aut vos respicietis perdi-
 tas res nostras, Patres conscripti, aut ne ab

Rr 3

Dils

Diis quidem immortalibus quod precemur, quid-
 quam superest. Q. Pleminius legatus missus est
 cum praesidio ad recipiendos a Carthaginiensi-
 bus Locros, et cum eodem ibi relictus est prae-
 sidio. In hoc legato vestro (dant enim animum
 ad loquendum libere ultimae miseriae) nec homi-
 nis quidquam est, Patres conscripti, praeter
 figuram et speciem; neque Romani civis, prae-
 ter habitum vestitumque et sonum Latinae lin-
 guae. Pestis ac bellua inmanis, quales frētum
 quondam, quo ab Sicilia dividimur, ad perni-
 ctiem navigantium circumseclisse fabulae ferunt.
 At si scelus libidinemque et avaritiam solus ipse
 exercere in socios vestros satis haberet; unam
 profundam quidem voraginein tamen patientia
 nostra expleremus. Nunc omnes centuriones mi-
 litesque vestros (adeo in promiscuo licentiam at-
 que improbitatem esse voluit) Pleminios fecit:
 omnes rapiunt, spoliunt, verberant, vulnerant,
 occidunt; constuprant matronas, virgines, in-
 genuos, raptos ex complexu parentum. Quoti-
 die capitur urbs nostra, quotidie diripitur; dies
 noctesque omnia passim mulierum puerorumque,
 qui rapiuntur atque absportantur, ploratus
 sonant. Miretur, qui sciat, quomodo aut nos
 ad patiendum subiciamus, aut illos, qui faciunt,
 nondum tantarum injuriarum satietas ceperit.
 Neque ego exsequi possum, nec vobis operae est
 audire singula, quae passi sumus. Communiter
 omnia aniplectar. Nego domum ullam Locris;
 nego quemquam hominem expertem injuriae esse;
 nego ultum genus sceleris, libidinis, avaritiae
 superesse, quod in ullo, qui pati potuerit, prae-
 termissum sit. Vix ratio iniri potest, uter ca-
 sus civitatis sit detestabilior, quum hostes bello
 urbem cepere, an quum exitiabilis tyrannus vi
 atque armis obpressit. Omnia, quae captae ur-
 bes

Dea patiuntur, vassi sumus, et quum maxime patimur, Patres conscripti; omnia, quae crudelissimi atque importunissimi tyranni scelera in oppressos cives edunt, Plominus in nos liberosque nostros et conjuges edidit.

XVIII. Unum est, de quo nominatim et nos queri religio infixæ animis cogat, et vos audire, et exsolvere rem publicam vestram religione, si ita vobis videbitur, velimus, Patres conscripti. Vidimus enim, cum quanta ceremonia non vestros solum colatis Deos, sed etiam externos adicipiatis. Fanum est apud nos Proserpinae, de cujus sanctitate templi credo aliquam famam ad vos pervenisse Pyrrhi bello; qui quum, ex Sicilia rediens, Locras classe præterveheretur, inter alia foeda, quae propter fidem erga vos in civitatem nostram facinora edidit, thesauros quoque Proserpinae, intactos ad eam diem, spoliavit, atque ita, pecunia in naves inposita, ipse terra est profectus. Quid erga evenit, Patres conscripti? Classis postera die foedissima tempestate lacerata, omnesque naves, quae sacram pecuniam habuerunt, in litora nostra ejectae sunt. Qua tanta clade edoctus tandem Deos esse superbissimus rex pecuniam omnem conquistam in thesauros Proserpinae referri jussit. Nec tamen illi unquam postea prosperi quidquam evenit; pulsusque Italia, ignobili atque inhonesta morte, temere nocte ingressus Argos, obcubuit. Haec quum audisset legatus vester tribuniue militum, et mille alia, quae non augendae religionis causa, sed praesentis Deae numine saepe comperta nobis majoribusque nostris, referebantur; ausi sunt nihilo minus sacrilegas admoveere manus intactis illis thesauris, et nefanda praeda se ipsos ac domos contaminare suas et milites vestros.

Rr 4

Qui-

Quibus, per, vos, fidem vestram, Patres conscripti, prius quam eorum scelus expietis, neque in Italia, neque in Africa quidquam rei gesseritis, ne, quod piaculum commiserunt, non suo solum sanguine, sed etiam publica clade luant. Quamquam ne nunc quidem, Patres conscripti, aut in duobus, aut in militibus vestris cessat ira Deae. Aliquoties jam inter se signis conlatis concucurrerunt. Dux alterius partis Pleminius, alterius duo tribuni militum erant. Non acrius cum Carthaginiensibus, quam inter se ipsi, ferro dimicaverunt; prae buissentque occasionem furore suo Locros recipiendi Hannibali, ni aditus ab nobis Scipio intervenisset. At, Hercule, milites contactos sacrilegio furor agitat; in duobus ipsis puniendis nullum Dae nomen adparuit? Immo ibi praesens maxime fuit. Virgis caesi tribuni ab legato sunt. Legatus deinde infidus tribunorum interceptus, praeterquam quod tota corpore laceratus, naso quoque auribusque decisis, exsanguis est relictus; recreatus deinde legatus ex vulneribus tribunos militum in vincula conjectos, dein verberatos, servilibusque omnibus subpliciis cruciatus trucidando occidit; mortuos deinde prohibuit sepeliri. Has Deae poenas a templi sui spoliatoribus habet; nec ante desinet omnibus eos agitare furiis, quam reposita facta pecunia in thesauris fuerit. Maiores quondam nostri, gravi Crotoniensium bello, quia extra urbem templum est, transferre in urbem eam pecuniam voluerunt. Noctu audita ex delubro vox est, abstinere manus: Deam sua templa defensuram. Quia movendi inde thesauros incussa erat religio, muro circumdare templum voluerunt. Ad aliquantum jam altitudinis excitata erant moenia, quum subito conlapsa ruina sunt. Sed et nunc et saepe alias Deae

Dea suam sedem suamque templum aut tutata est, aut a violatoribus gravia piacula exegit. Nostras injurias nec potest, nec possit aliis ulcisci, quam vos, Patres conscripti. Ad vos vestraeque fidem subplices confugimus. Nihil nostra interest, utrum sub illo legato, sub illa praesidio Locros esse sinatis, antrato Hannibali et Poenis ad subulcium dedatis. Non posulam, ut exempla nobis, ut de absente, ut indicta causa credatis. Veniat, coram ipse audiat, ipse diluat. Si quidquam sceleris, quod homo in homines edere potest, in nos praetermisit; non recusamus, quin et nos omnia eadem iterum, si pati possumus, patiamur; et ille omni divino humanaque liberetur scelere.

XIX. Haec quum ab legatis dicta essent, quaesissetque ab iis Q. Fabius, detulissentne eas querelas ad P. Scipionem; responderunt, missos legatos esse, sed eum belli apparatu occupatum esse, et in Africam aut jam trajecisse, aut intra paucos dies trajecturum; et, legatis gratia quanta esset apud imperatorem, expertos esse, quum, inter eum et tribunos cognita causa, tribunos in vincula conjecerit; legatum aequo fontem, aut magis etiam, in ea potestate reliquerit. Jussis excedere e templo legatis, non Pleminius modo, sed etiam Scipio, principum orationibus lacerari. Ante omnes Q. Fabius, natum eum ad corumpendam disciplinam militarem, arguere. Sic et in Hispania plus prope per seditionem militum, quam bello, amissum. Externo et regio more et indubgere licentiae militum, et saevire in eos. Sententiam deinde aequo truce orationi adjecit. Pleminium legatum vinctum Romam deportari placere, et ex vinculis causam dicere; ac, si vera forent, quae Locreuses quererentur, in carcere necari, bonaque ejus publicari. P.

R. 5

Sci

Scipionem, quod de provincia decessisset iniussa senatus, revocari; agique eum tribunis plebis, ut de imperio ejus abrogando ferrent ad populum. Locrensisbus coram senatum respondere: Quas injurias sibi factas quererentur, eas neque senatum, neque populum Romanum factas velle. Viros bonos sociosque et amicos eos appellari; liberos, conjuges, quaeque alia erepta essent, restitui: pecuniam, quanta ex thesauris Proserpinae sublata esset, conquiri, duplamque pecuniam in thesauros reponi: et sacrum piaculare fieri; ita ut prius ad collegium pontificum referretur, quod sacri thesauri moti, violati essent; quae piacula, quibus Diis, quibus hostiis, fieri placeret. Militet, qui Locris essent, omnes in Siciliam transportari: quatuor cohortes sociarum Latini nominis in praesidium Locros adduci. Perrogari eo die sententiae, ad census studiis pro Scipione et adversus Scipionem, non potuere. Praeter Plemirii facinus Locrensumque eladem, ipsius etiam imperatoris non Romanus modo, sed ne militaris quidem cultus jactabatur: cum pallio crepidisque inambulare in gymnasio, libellis eum palaestraeque operam dare: acque sagniter molliterque cohortem totam Syracusarum amoenitate frui: Carthaginem atque Hannibalem excidisse de memoria: exercitum omnem licentia corruptum, qualis Sucrone in Hispania fuerit, qualis nunc Locris, sociis magis, quam hosti, metuendum.

XX. Haec quamquam partim vera, partim mixta, - eoque similia veris jactabantur, vicit tamen Q. Metelli sententia, qui, de ceteris Maximo adensus, de Scipionis causa disensuit. Qui enim convenire, quem modo civitas juvenem admodum recuperandae Hispaniae delegerit ducem, quem, recepta ab hostibus Hispania, ad imponendum Punico bello finem creaverit

verit consulem, spe destinaverit Hannibalem ex Italia detracturum. Africam subacturum, eum repente, tamquam Q. Plerninium, indicta causa prope damnatum, ex provincia revocari? quum ea, quae in se nefarie facta Locrenses quererentur, ne praesente quidem Scipione facta dicerent, neque aliud, quam patientia aut pudor, quod legito pepercisset, infirmulari possit? Sibi placere, M. Pomponium praetorem, cui Sicilia provincia sorte evanisset, triduo proximo in provinciam proficisci: consules decem legatos, quos iis videretur, ex senatu legere, quos cum praetore mitterent, et duos tribunos plebei atque aedilem. Cum eo consilio praetorem cognoscere. Si ea, quae Locrenses facta quererentur, jussu aut voluntate P. Scipionis facta essent, ut eum de provincia decedere juberent. Si P. Scipio jam in Africam trajecisset, tribuni plebis atque aedilis cum duobus legatis, quos maxime praetor idoneos censuisset, in Africam profiscerentur: tribuni atque aedilis, qui reducerent inde Scipionem; legati, qui exercitus praecessent, donec novus imperator ad eum exercitum venisset. Sin M. Pomponius et decem legati comperissent, neque jussu, neque voluntate P. Scipionis ea facta esse, ut ad exercitum Scipio maneret, bellumque, ut proposuisset, gereret. Hoc facto senatus consulto, cum tribunis plebis actum est, ut compararent inter se, aut forte legerent, qui domo cum praetore ac legatis irent. Ad conlegium pontificum relatum de expiandis, quae Locris in templo Proserpinæ tacta, violata elataque inde essent. Tribuni plebis cum praetore et decem legatis profecti M. Claudius Marcellus et M. Cincius Alimentus: iis aedilis plebis datus, quem, si aut in Sicilia praetori dicto audiens non esset Scipio, aut jam in Africam trajecisset, prendere tribuni jube-

juberent, ad jure sacrosanctae potestatis reducerent. Prins Locros ire, quam Messanam, consilium erat.

XXI. Ceterum duplex fama est, quod ad Pleminium adinet. Alii, auditis, quae Romae acta essent, in exsilium Neapolim euntem forte in Q. Metellum, unum ex legatis, incidisse, et ab eo Rhegium vi retractum tradunt: alii, ab ipso Scipione legatum cum triginta nobilissimis equitum missum, qui Q. Pleminium in catenas et cum eo seditionis principes conjicerent. Hi omnes, seu ante Scipionis, seu tum praetoris jussu, traditi in custodiam Rheginis. Praetor legatique Locros profecti, primam, sicuti mandatum erat, religionis curam habuere. Omnem enim sacram pecuniam, quaeque apud Pleminium, quaeque apud milites erat, conquistam, cum ea quam ipsi secum attulerant, in thesauris reposuerunt, ac piaculare sacrum fecerunt. Tum vocatos ad concionem milites praetor signa extra urbem efferre jubet, castraque in campo locat, cum gravi edicto, *si quis miles aut in urbe restitisset, aut secum extulisset, quod suum non esset. Locrensibus se permittere, ut, quod sui quisque cognasset, prehenderet; si quid non compareret, repeteret. Ante omnia, libera corpora placere sine mora Locrensibus restitui. Non levi defuncturum poena, qui non restituisset.* Locrensiū deinde concionem habuit, atque, *illis libertatem legesque suas populum Romanum senatumque restituere, dixit, Si qui Pleminium aliumve quem adousare vellet, Rhegium se sequeretur. Si de P. Scipione publice queri vellent, ea, quae Locris nefarie in Deos hominesque facta essent, jussu aut voluntate P. Scipionis facta esse, legatos mitterent Messanam; ibi se cum consilio cogniturum.* Locrenses praetori legatis-

tisque et senatui ac populo Romano gratias egere: se ad Pleminium adousandum ituros. Scipionem, quamquam parum iniuriis civitatis suae dolueris, cum esse virum, quem amicum sibi, quam inimicum, malint esse. Pro certo se habere, neque jussu, neque voluntate P. Scipionis tot tam nefanda commissa: aut Pleminio nimium, aut sibi parum creditum. Natura infitum quibusdam esse, ut magis peccari nolint, quam satis animi ad vindicanda peccata habeant. Et praetori et consilio haud mediocre onus demtum erat de Scipione cognoscendi. Pleminium et ad duo et triginta homines cum eo damnayerunt, atque in catenis Romam miserunt: ipsi ad Scipionem protecti sunt, ut ea quoque, quae vulgata sermonibus erant de cultu ac desidia imperatoris solutaque militiae disciplina, comperta oculis perferrent Romam.

XXII. Venientibus eis Syracusas, Scipio res, non verba, ad purgandum sese paravit. Exercitum omnem eo convenire, classem expediri iussit, tamquam dimicandum eo die terra marique cum Carthaginiensibus esset. Quo die venerunt, hospitio comiter adceptis postero die terrestrem navalemque exercitus, non instructos modo, sed hos decurrentes, classem in portu, simulacrum et ipsam edentem navalis pugnae, ostendit: tum circa armamentaria et horrea aliumque belli adparatum visendum praetor legatique ducti, tantaque admiratio singularum universalumque rerum incussa, ut satis crederent, aut illo duce atque exercitu vinci Carthaginiensem populum, aut nullo alio posse; juberentque, quod Dii bene verterent, trajicere, et spei conceptae, quo die illum omnes centuriae priorem consulem dixissent, primo quoque tempore compotem populum Romanum facere: adeoque laetis inde animis pro-

XXIV. Cum his mandatis ab rege legati ad Scipionem missi Syraculis eum conveni-
runt. Scipio, quamquam magno momento
rerum in Africa gerendarum magnaue spe
destitutus erat, legatis propere, prius quam
res vulgaretur, remissis in Africam, literas
dat ad regem, quibus etiam atque etiam mo-
net eum, *ne jura hospitii secum, neu cum vo-
pulo Romano initae societatis, neu fas, fidem,
dextras, Deos testes atque arbitros convento-
rum, fallat.* Ceterum, quando neque celari
adventus Numidarum poterat, (vagati enim
in urbe obversatique praetorio erant) et, si si-
leretur, quid petentes venissent, periculum
erat, ne vera eo ipso, quod celarentur, sua
sponte magis emanarent, timorque in exerci-
tum incederet, ne simul cum rege et Cartha-
ginienfibus foret bellandum, averit a vero fal-
sis praeoccupando mentes hominum: et, vo-
catis ad concionem militibus, *Non ultra esse
cunctandum, ait. Instare, ut in Africam quam
primum trajiciat, socios reges. Masinissam
prius ipsum ad Laelium venisse, querentem,
quod cunctando tempus tereretur. Nunc Sy-
phacem mittere legatos, idem admirantem, quas
tam diuturnae morae sit causa, postulantemque,
ut aut trajiciatur tandem in Africam exercitus,
aut, si mutata consilia sint, certior fiat, ut et
ipse sibi ad regno suo possit consulere. Itaque,
paratis jam omnibus instructisque, et re jam non
ultra recipiente cunctationem, in animo sibi esse,
Lilybaeum classe traducta, eodemque omnibus
peditum equitumque copiis contractis, quae pri-
ma dies cursum navibus daret, Deis bene ju-
vantibus, in Africam trajicere.* Literas ad M.
Pomponium mittit, ut, si ei videretur, Li-
lybaeum veniret, ut communiter consulerent,
quas potissimum legiones et quantum militum
nume-

numerum in Africam trajiceret. Item circum oram omnem maritimam misit, ut naves onerariae comprehensae Lilybaeum omnes contraherentur. Quidquid militum naviumque in Sicilia erat, quum Lilybaeum convenissent, et nec urbs multitudinem hominum, nec portus naves caperet; tantus omnibus ardor erat in Africam trajiciendi, ut non ad bellum duci viderentur, sed ad certa victoriae praemia. Praecipue, qui superabant ex Cannensi exercitu, milites illo, non alio duce, credebant; navata rei publicae opera, finire se militiam ignominiosam posse. Et Scipio minime id genus militum adspernabatur, ut qui neque ad Cannas ignavia eorum cladem adceptam sciret, neque ullos aequae veteres milites in exercitu Romano esse expertosque non variis proeliis modo, sed urbibus etiam obpugnandis. Quinta et sexta Cannenses erant legiones. Eas se tracturum in Africam quum dixisset, singulos milites inspexit, relictisque, quos non idoneos credebat, in locum eorum subiecit, quos secum ex Italia adduxerat; subplevitque ita eas legiones, ut singulae sena millia et ducentos pedites, trecentos haberent equites: sociorum item Latini nominis pedites equitesque de exercitu Cannensi legit.

XXV. Quantum militum in Africam transportatum sit, non parvo numero inter auctores discrepat. Alibi decem millia peditum, duo millia et ducentos equites; alibi sedecim millia peditum, mille et sexcentos equites; alibi parte plus dimidia rem auctam, quinque et triginta millia peditum equitumque in naves inposita invenio. Quidam non adjecere numerum; inter quos me ipse in re dubia poni malim. Coelius, ut abstinet numero, ita ad inmensum multitudinis speciem auget. Volu-

cres ad terram delapsas clamore militum ait, tantamque multitudinem conscendisse naves, ut nemo mortalium, aut in Italia, aut in Sicilia, relinqui videretur. Milites ut in naves ordine ac sine tumultu conscenderent, ipse eam sibi curam sumsit. Nauticos C. Laelius, qui classis praefectus erat, in navibus, ante conscendere coactos, continuit. Commeatus inponendi M. Pomponio praetori cura data: quinque et quadraginta dierum cibaria, e quibus quindecim dierum costa, inposita. Ut omnes jam in navibus erant, scaphas circummisit, ut ex navibus gubernatoresque et magistri navium et bini milites in forum convenirent ad imperia adcipienda. Postquam convenerunt, primum ab iis quaesivit, si aquam hominibus jumentisque in totidem dies, quot frumentum, inposuissent. Vbi responderunt, aquam dierum quinque et quadraginta in navibus esse; tum edixit militibus, ut silentium quieti nautis sine certamine ad ministeria exsequenda bene obediētes praestarent. Cum viginti rostratis se ac L. Scipionem ab dextro cornu, laevum; totidem rostratas, et C. Laelium praefectum classis cum M. Porcio Catone (quaestor is tum erat) onerariis futurum praefidio. Lumina in navibus singula rostratae, bina onerariae haberent: in praetoria nave insigne nocturnum trium luminum fore. Emporia ut peterent, gubernatoribus edixit. Fertilissimus ager, eoque abundans omnium copia rerum est regio et inbelles (quod plerumque in uberi agro evenit) barbari sunt; priusque, quam Carthagine subveniretur, obprimi videbantur posse. Iis editis imperiis, redire ad naves iussit; et postero die, Deis bene juvantibus, signo dato solvere naves.

XXVI. Multae classes Romanae e Sicilia atque ipso illo portu profectae erant. Ceterum non eo bello solum, (nec id mirum, praedatum enim tantummodo pleraeq; classes ierant) sed ne priore quidem, ulla profectio tanti spectaculi fuit. Quamquam, si magnitudine classis aestimaretur, et bini consules cum binis exercitibus ante trajecerant; et prope totidem rostratae in illis classibus fuerant, quot onerariis Scipio tum trajiciebat. Nam, praeter quadraginta longas naves, quadringentis ferme onerariis exercitum transvexit. Sed et bellum bello, secundum priore, ut atrocius Romanis videretur, quum quod in Italia bellabatur, tum ingentes strages tot exercituum, simul caesis ducibus, effecerant; et Scipio dux, partim factis fortibus, partim suapte fortuna quadam ingentis ad incrementa gloriae celebratus, converterat animos: simul et mens ipsa trajiciendi, nulli ante eo bello duci tentata, quod ad Hannibalem detrahendum ex Italia, transferendumque et finiendum in Africa bellum, se transire vulgaverat. Concurrerat ad spectaculum in portum omnis turba, non habitantium modo Lilybaei, sed legationum omnium ex Sicilia; quae et ad prosequendum Scipionem officii causa convenerant, et praetorem provinciae M. Pomponium sequutae fuerant. Ad hoc legiones, quae in Sicilia relinquebantur, ad prosequendos commilitones processerant; ne classis modo prospectantibus e terra, sed terra etiam omnis circa referta turba spectaculo navigantibus erat.

XXVII. Vbi inluxit, Scipio e praetoria nave, silentio per praeconem facto, *Divi Divaeque*, inquit, *maria terrasque qui colitis, vos precor quae-soque, uti, quae in meo imperio gesta sunt, geruntur, postque gerentur, ea mihi,*

populo plebique Romanas, sociis nominique Latino, qui populi Romani, quique meam sectam, imperium auspiciūque terra, mari amūbusque sequuntur, bene verruntent: eaque vos omnia bene juvetis; bonis auctibus auxitis; salvos incolumesque, victis perduellibus victores, spoliis decoratos, praeda onustos triumphantesque, mecum domos reduces fisciatis: inimicorum hostiumque ulciscendorum copiam faxitis: quaeque populus Carthaginiensis in civitatem nostram facere molitus est, ea ut mihi populoque Romano in civitatem Carthaginiensium exempla edendi facultatem detis. Secundum eas preces cruda exta victimae, uti mos est, in mare porricit, tubaque signum dedit proficiscendi. Vento secundo vehementi satis profecti, celeriter a conspectu terrae allati sunt: et a meridie nebula ocepit, ita ut vix concursus navium inter se vitarent. Lenior ventus in alto factus. Noctem insequentem eadem caligo obtinuit: sole orto est discussa, et addita vis vento. Jam terram cernebant. Haud ita multo post gubernator Scipioni ait, non plus quinque millie passuum Africam abesse: Mercurii promontorium se cernere. Si jubeat eo dirigi, jam in portu fore omnem classem. Scipio, ut in conspectu terra fuit, precatus, uti bono rei publicae suoque Africam viderit, dare vela, et alium infra navibus adcessum petere jubet. Vento eodem ferebantur. Ceterum nebula, sub idem ferme tempus, quo pridie, exorta conspectum terrae ademit, et ventus premente nebula cecidit. Nox deinde incertiora omnia fecit. Itaque anēoras, ne aut inter se concurrerent naves, aut terrae inferrentur, jecere. Vbi inluxit, ventus idem coortus, nebula disjecta, aperuit omnia Africae litora. Scipio, quod esset proximum promontorium, per-

percunctatus, quum Pulcri promontorium idvocari audisset, *Placet omen*, inquit; *huc dirigate naves*. Eo classis decurrit: copiae omnes in terram expositae sunt. Prosperam navigationem sine terrore ac tumultu fuisse, per multis Graecis Latinisque auctoribus credidi. Coelius unus, praeterquam quod non mersas fluctibus naves, ceteros omnes coelestes maritimosque terrores, postremo abreptam tempestate ab Africa classem ad insulam Aegimurum, inde aegre conrectum cursum, exponit; et, prope obrutis navibus, injussu imperatoris, scaphis, haud secus quam naufragos, milites sine armis cum ingenti tumultu in terram evasisse.

XXVIII. Expositis copiis, Romani castra in proximis tumulis metantur. Jam non in maritimos modo agros, conspectu primum classis, dein tumultu egredientium in terram, pavor terrorque pervenerat, sed in ipsas urbes. Neque enim hominum modo turba, mulierum puerorumque agminibus inmixta, omnes passim compleverat vias, sed pecora quoque prae se agrestes agebant; ut relinqui subito Africam diceres. Urbibus vero ipsis majorem, quam quem secum attulerant, terrorem inferebant. Praecipue Carthaginis, prope ut captae tumultus fuit. Nam post M. Atilium Regulum et L. Manlium consules, annis prope quinquaginta, nullum Romanum exercitum viderant, praeter praedatorias classes, quibus excensionem in agros maritimos factae erant; raptisque, quae obvia fors fecerat, prius recursum semper ad naves, quem clamor agrestes consitet, fuerat. Eo major tam fuga pavorque in urbe fuit. Et, Hercule, neque exercitus domi validus, neque dux, quem obponerent, erat. Haldubal, Giskonis filius,

Ss 3

gene-

genere, fama, divitiis, regia tum etiam affinitate, longe primus civitatis erat: sed eum ab illo ipso Scipione aliquot, proeliis fustum pulsumque in Hispania meminerat; nec magis ducem duci parem, quam tumultuarium exercitum suum Romano exercitui esse. Itaque, velut si urbem extemplo adgressurus Scipio foret, ita ad arma est conclamatum; portaeque raptim clausae; et armati in muris, vigiliaeque et stationes dispositae, ac nocte insequenti vigilatum est. Postero die quingenti equites, speculatum ad mare turbandosque egredientes ex navibus missi, in stationes Romanorum inciderunt. Jam enim Scipio, classe Uticam missa, ipse haud ita multum progressus a mari, tumultos proximos ceperat; equites et in stationibus locis idoneis posuerat, et per agros miserat praedatum.

XXIX. Ii cum Carthaginiensi equitatu proelium quum commississent, paucos in ipso certamine, plerosque fugientes persequuti, (in quibus praefectum quoque Hannonem, nobilem juvenem) occiderunt. Scipio non agros modo circa vastavit, sed urbem etiam proximam Afrorum satis opulentam cepit; ubi praeter cetera, quae extemplo in naves onerarias inposita missaeque in Siciliam erant, octo milia liberorum servorumque capitum sunt capta. Laetissimus tamen Romanis in principio rerum gerendarum adventus fuit Masinissae: quem quidam cum ducentis haud amplius equitibus, plerique cum duum millium equitatu tradunt venisse. Ceterum quum longe maximus omnium aetatis suae regum hic fuerit, plurimumque rem Romanam juverit, operae pretium videtur, excedere paullulum ad enarrandum, quam varia fortuna usus sit in amittendo recuperandoque paterno regno. Militanti pro Cartha-

thaginienſibus in Hiſpania pater ei moritur: Galae nomen erat. Regnum ad fratrem regis Oefalcem, pergrandem natu, (mos ita apud Numidas eſt) pervenit. Haud multo poſt, Oefalce quoque mortuo, major ex duobus filiis ejus Capuſa, puero admodum altero, paternum imperium adcepit. Ceterum quum magis jure gentis, quam auctoritate inter ſuos aut viribus, obtineret regnum; exſtitit quidam, Mezetulus nomine, non alienus ſanguine regibus, familiae ſemper inimicae, ac de imperio varia fortuna cum iis, qui tum obtinebant, certantis. Is, concitatis popularibus, apud quos, invidia regum, magnae auctoritatis erat, caſtris palam poſitis, deſcendere regem in aciem, ac dimicare de regno coegit. In eo proelio Capuſa cum multis principum cecidit, gens Maſſylorum omnis in ditionem imperiumque Mezetuli conceſſit. Regio tamen nomine abſtinuit; contentusque nomine modico tutoris, quorum Lacumacen, qui ſtirpis regiae ſupererat, regem adpellat. Carthaginienſem nobilem feminam, ſororis filiam Hannibalis, quae proxime Oefalci regi nupta fuerat, matrimonio ſibi jungit, ſpe Carthaginienſium ſocietatis; et cum Syphace hoſpitiū vetuſtum legatis miſſis renovat, omnia ea auxilia praeparans adverſus Maſiniſſam.

XXX. Et Maſiniſſa, audita morte patris, dein nece fratris patruelis, ex Hiſpania in Mauritaniam (Boecbar ea tempeſtate rex Mauros rum erat) trajicit. Ab eo ſuplex infimis precibus auxilium itineri, quoniam bello non poterat, quatuor millia Maurorum inpetravit. Cum iis, praemiſſo nuntio ad paternos ſuosque amicos, quum ad fines regni perveniſſet, quingenti ferme Numidae ad eum conveniunt. Igitur Mauris inde, ſicut convenerat,

retro ad regem remissis, quamquam aliquanto minor saepe multitudo, nec cum qua tantam rem adgredi satis auderet, conveniret; ratus agendo ac moliendo vires quoque ad agendum aliquid conlecturum, proficilcenti ad Syphacem Lacumaci regulo ad Thapsum obcurrit. Trepidum agmen quum in urbem refugisset, urbem Masinissa primo inpetu capit: ex regis alios tradentes se recipit, alios vim parantes occidit. Pars maxima cum ipso puero inter tumultum ad Syphacem, quo primum intenderant iter, pervenerunt. Fama hujus modicae rei, in principio rerum prospere actae, convertit ad Masinissam Numidas: adfluebantque undique ex agris vicisque veteres milites Galae, et invitabant juvenem ad recuperandum paternum regnum. Numero militum aliquantum Mezetulus superabat. Nam et ipse eum exercitum, quo Capusam vicerat, et ex receptis post caedem regis aliquot habebat; et puer Lacumaces ab Syphace auxilia ingentia adduxerat. Quindecim millia pedum Mezetulo, decem millia equitum erant. Quibuscum Masinissa, nequaquam tantum pedum equitumve habens, acie conflixit. Vicit tamen et veterum militum virtus, et prudentia inter Romana et Punica arma exercitati ducis. Regulus cum tutore et exigua Masæsyflorum manu in Carthaginiensium agrum perfugit. Ita recuperato regno paterno, Masinissa, quia sibi adversus Syphacem haud paulo majorem restare dimicationem cernebat, optimum ratus cum fratre patruele gratiam reconciliare, missis, qui et puero spem facerent, si in fidem Masinissae sese permisisset, futurum in eodem honore, quo apud Galam Oesalces quondam fuisset; et qui Mezetulo, praeter inopinitatem, sua omnia cum fide restitui

stini sponderent; ambo praeoptantes exilio modicam domi fortunam (omnia, ne id fieret, Carthaginienſibus de industria agentibus) ad ſeſe perduxit.

XXXI. Haſdrubal tum forte, quum haec gerebantur, apud Syphacem erat. Qui Numidae, haud ſane multum ad ſe pertinere credenti, utrum penes Lacumacen, an Maſiniſſam, regnum Maſſylorum eſſet, *falli eum magnopere*, ait, *ſi Maſiniſſam eiſdem contentum fore, quibus patrem Galam, aut patruum ejus Oſalcem, credat. Multo majorem indolem in eo animi ingeniiſque eſſe, quam in ullo gentis ejus umquam fuiſſet. Saepe eum in Hispania rarae inter homines virtutis ſpecimen dediffe ſociis pariter hoſtibusque: et Syphacem, et Carthaginienſes, niſi orientem illum ignem obpreſſiſſent, ingenti mox incendio, quum jam nullam opem ferre poſſent, arſuros. Adhuc teneras et fragiles ejus vires eſſe, vixdum coaleſcens, fovendis regnum. Inſtando ſtimulandoque pervincit, ut exercitum ad fines Maſſylorum admoveat, atque in agro, de quo ſaepe cum Gala non verbis modo diſceptatum, ſed etiam armis certatum fuerat, tamquam haud dubie juris ſui, caſtra locat. Si quis arceat, id quod maxime opus ſit, acie dimicaturum: ſui per metum agro cedatur, in medium regnum eundum. Aut ſine certamine conceſſuros in ditidnam ejus Maſſylos, aut nequaquam pares futuros armis. His vocibus incitatus Syphax Maſiniſſae bellum infert, et primo certamine Maſſylos fundit fugatque. Maſiniſſa cum paucis equitibus ex acie in montem (Balbum incolae vocant) perfugit. Familiae aliquot cum mapalibus pecoribusque ſuis (ea pecunia illis eſt) perſequuti ſunt regem: cetera Maſſylorum multitudo in ditionem Syphacis conceſſit. Quem ceperant*

exfules montem, herbidus aquosusque est; et, quia pecori bonus alendo erat, hominum quoque, carne ac lacte vescentium, abunde subiciebat alimentis. Inde nocturnis primo ac furtivis incurfionibus, deinde aperto latrocinio, infesta omnia circa esse: maxime uri Carthaginiensis ager, quia et plus praedae, quam inter Numidas, et latrocinium tutius erat. Janique adeo licenter eludebant, ut ad mare devectam praedam, venderent mercatoribus, adpellentibus naves ad id ipsum, pluresque, quam justo saepe in bello, Carthaginiensium caderent caperenturque. Deplorabant ea apud Syphacem Carthaginienses, infensumque et ipsum ad reliquias belli persequendas instigabant. Sed vix regium videbatur, latronem vagum in montibus consectari.

XXXII. Bocchar, ex praefectis regiis vir acer et inpiger, ad id delectus. Ei data quatuor millia peditum, duo equitum: praemiorumque ingentium spe oneratus, si caput Masinissae retulisset, aut vivum (id vero inaeestimabile gaudium fore) cepisset, palatos incuriosaeque agentes inprovviso adortus, pecorum hominumque ingenti multitudine a praesidio armatorum exclusa, Masinissam ipsum cum paucis in verticem montis compellit. Inde, prope ut jam debellato, nec praeda modo pecorum hominumque captorum missa ad regem, sed copiis etiam, ut aliquanto majoribus, quam pro reliquiis belli, remissis, cum haud amplius peditibus mille ducentisque equitibus, degressum jugis Masinissam persequutus, in valle arcta, faucibus utrimque obsessis, includit. Ibi ingens caedes Massylorum facta. Masinissa cum quinquaginta haud amplius equitibus per anfractus montis ignotos sequentibus se eripuit. Tenuit tamen vestigia Bocchar adeg-

adeptusque eum patentibus prope Clupeam urbem campis, ita circumvenit, ut, praeter quatuor equites, omnes ad unum interficeret. Cum iis ipsum quoque Masinissam faucium prope e manibus inter tumultum amisit. In conspectu erant fugientes; ala equitum, dispersa toto campo, quibusdam, ut obcurrerent, per obliqua tendentibus, quinque hostes sequebatur. Amnis ingens fugientes adcepit, (neque enim cunctanter, ut quos major metus urgueret, immiserant equos) raptique gurgite, et in obliquum praelati. Duobus in conspectu hostium in praerapidum gurgitem haustis, ipse periisse creditus. At duo reliqui equites cum eo inter virgulta ulterioris ripae emerferunt. Is finis Bocchari sequendi fuit, nec ingredi flumen auso, nec habere credenti se jam, quem sequeretur. Inde vanus auctor absumpti Masinissae ad regem rediit; missique, qui Carthaginem gaudium ingens nuntiarent: totaque Africa fama mortis Masinissae repleta varie animos adfecit. Masinissa in spelunca obsculta, quum herbis curaret vulnus, duorum equitum latrocinio per dies aliquot vixit. Vbi primum ducta cicatrix, patique posse visa jactationem, audacia ingenti pergit ire ad regnum repetendum; atque, in ipso itinere haud plus quadraginta equitibus conlectis, quum in Masfytos, palam jam quis esset ferens, venisset, tantum motum quum favore pristino, tum gaudio insperato, quod, quem perisse crediderant, incolumem cernebant, fecit, ut intra paucos dies sex millia peditum armatorum, quatuor equitum, ad eum convenirent; jamque non in possessione modo paterni regni esset, sed etiam socios Carthaginensium populos Masafylorumque fines (id Syphacis regnum erat) vastaret. Inde, irritato ad bellum Sypha-

Syphace, inter Cirtam Hipponemque in jugis opportunorum ad omnia montium confedit.

XXXIII. Majorem igitur eam rem Syphax ratus, quam ut per praefectum ageret, cum filio juvene (nomen Verminae erat) parte exercitus missa, imperat, ut, circumducto agmine, in se intentum hostem ab tergo invadat. Nocte profectus Vermina, qui ex obculto adgressurus erat: Syphax autem interdii aperto itinere, ut qui, signis conlatis, acie dimicaturus esset, movit castra. Vbi tempus visum est, quo pervenisse jam circummissi videri poterant, et ipse leni clivo ferente ad hostem, quum multitudine fretus, tum praeparatis ab tergo insidiis, per adversum montem erectam aciem ducit. Masinissa fiducia maxime loci, quo multo aequiore pugnaturus erat, et ipse dirigit suos. Atrox proelium et diu anceps fuit: loco et virtute militum Masinissam, multitudinem, quae nimio major erat, Syphacem juvante. Ea multitudo divisa, quum pars a fronte urgueretur, pars a tergo se circumfudisset, victoriam haud dubiam Syphaci dedit: et ne effugium quidem patebat hinc a fronte, hinc ab tergo inclusis. Itaque ceteri pedites equitesque caesi aut oapti. Ducentos ferme equites Masinissa circa se conglobatos, divisosque turmatim in tres partes, erumpere jubet; loco praedicto, in quem ex dissipata convenirent fuga. Ipse, qua intenderat, inter media tela hostium evasit. Duae turmae haesere: altera metu dedita hosti; pertinacior in repugnando telis obruta et confixa est. Verminam prope vestigiis instantem, in alia atque alia flectendo itinera eludens, taedio et desperatione tandem fessum, abstinere sequendo coegit. Ipse cum sexaginta equitibus ad minorem Syrtim pervenit. Ibi cum conscientia egregia

gia saepe repetiti regni paterni, inter Punica Emporia gentemque Garamantum omne tempus, usque ad C. Laelii classisque Romanae adventum in Africam, consumpsit. Haec animum inclinant, ut cum modico potius, quam cum magno praesidio equitum, ad Scipionem quoque postea venisse Masinissam credam: quippe illa regnantis multitudo, haec paucitas exulis fortunae conveniens est.

XXXIV. Carthaginienses, ala equitum cum praefecto amissa, alio equitatu per novum delectum comparato, Hannonem Hamilcaris filium praeficiunt. Hasdrubalem subinde ac Syphacem per literas nuntiosque, postremo etiam per legatos, arcessunt: Hasdrubalem opem ferre prope circumfessae patriae jubent: Syphacem orant, ut Carthagini, ut universae Africae subveniat. Ad Uticam tum castra Scipio, ferme mille passus ab urbe, habebat, translata a mari, ubi paucos dies stativa conjuncta classi fuerant. Hanno, nequaquam satis valido, non modo ad laceffendum hostem, sed ne ad tuendum quidem a populationibus agros, equitatu adcepto, id omnium primum egit, ut per conquestionem numerum equitum augeret. Nec aliarum gentium adspersatus, maxime tamen Numidas (id longe primum equitum in Africa est genus) conducit. Jam ad quatuor millia equitum habebat, quum Salecam nomine urbem occupavit; quandecim ferme millia ab Romanis castris. Quod ubi Scipioni relatum est, *Aestiva sub tectis equitatus!* inquit. *Sint vel plures; dum talem ducem habeant.* Eoque minus sibi cessandum ratus, quo illi segnius rem agerent, Masinissam cum equitatu praemissum portis obequitare atque hostem ad pugnam elicere jubet. Vbi omnis multitudo se effudisset, graviorque jam in certami-

tamine esset, quam ut facile sustineri posset, cederet paullatim; se in tempore pugnae obventurum. Tantam moratus, quantum satis temporis praegresso visum ad elicendos hostes, cum Romano equitatu sequutus, tegentibus tumultis, qui perobportune circa viae flexus obpositi erant, occultus processit. Masinissa, ex composito, nunc terrentis, nunc timentis modo, aut ipsis obequitabat portis, aut cedendo, quum timoris simulatio audaciam hosti faceret, ad insequendum temere eliciebat. Nondum omnes egressi erant, varietate dux fatigabatur, alios vino et somno graves arma capere et frenare equos cogendo, aliis, ne sparsi et inconditi sine ordine, sine signis omnibus portis excurrerent, obsistendo. Primo incaute se evenientes Masinissa excipiebat: mox plures simul conferti porta effusi aequaverant certamen: postremo, jam omnis equitatus proelio quum adesset, sustineri ultra nequiere. Non tamen effusa fuga Masinissa, sed cedendo sensim, impetus eorum excipiebat; donec ad tumultos tegentes Romanum equitatum pertraxit. Inde exorti equites, et ipsi integris viribus, et recentibus equis, Hannoni Afrisque pugnando ac sequendo fessis se circumfudere; et Masinissa, flexis subito equis, in pugnam rediit. Mille ferme, qui primi agminis fuerant, ut quibus haud facilis receptus fuit, cum ipso duce Hannone interelusi atque interfecti sunt. Ceteros, ducis praecipue territos caede, effuse fugientes per tria millia passuum victores sequuti, ad duo praeterea millia equitum aut ceperunt, aut occiderunt. Inter eos satis constabat, non minus ducentos Carthaginiensium equites fuisse, et divitiis quosdam et genere illustres.

XXXV. Eodem forte, quo haec gesta sunt, die naves, quae praedam in Steliam vexe-

vexerant, cum commeatu rediere; velut ominatae, ad praedam alteram repetendam sese venisse. Duos eodem nomine Carthaginiensium duces duobus equestribus proeliis interfectos, non omnes auctores sunt; veriti, credo, ne falleret his relata eadem res. Coelius quidem et Valerius captum etiam Hannonem tradunt. Scipio praefectos equitesque, prout cujusque opera fuerat, ante omnes Masinissam, insignibus donis donat; et, firmo praefidio Salecae inposito, ipse cum cetero exercitu profectus, non agris modo, quacumque incedebat, populatis, sed urbibus etiam quibusdam vicisque expugnatis, late fuso terrore belli, septimo die, quam profectus erat, magnam vim hominum et pecoris et omnis generis praedae trahens, in castra redit; gravesque iterum hostilibus spoliis naves dimittit. Inde, omissis expeditionibus parvis populationibusque, ad obpugnandam Vticam omnes belli vires convertit, eam deinde, si cepisset, sedem ad cetera exsequenda habiturus. Simul et a classe navales focii, qua ex parte urbs mari adluitur, simul et terrestris exercitus ab imminente prope ipsis moenibus tumultu est admotus. Tormenta machinasque et advexerat secum, et ex Sicilia missa cum commeatibus erant; et nova in armamentario, multis talium operum artificibus de industria inclusis, fiebant. Vticensibus tanta undique mole circumfessis in Carthaginiensi populo, Carthaginiensibus in Hasdrubale ita, si is movisset Syphacem, spes omnis erat. Sed desiderio indigentium auxilii tardius cuncta movebantur. Hasdrubal, intentissima conquisitione quum ad triginta millia peditum, tria equitum confecisset, non tamen ante adventum Syphacis castra propius hostem movere est ausus. Syphax cum

cum quinquaginta millibus pedum; decem equitum advenit; confestimque motis ab Carthagine castris, haud procul Vtica munitionibusque Romanis confedit. Quorum adventus hoc tamen momenti fecit, ut Scipio, quum quadraginta ferme dies nequidquam omnia experiens obsedisset Vticam, abscederet inde inrito incepto. Et (jam enim hyems instabat) castra hiberna in promontorio, quod tenui jugo continenti adhaerens in aliquantum maris spatium extenditur, communit: uno vallo et navalia castra amplectitur. Jugo medio legionum castris inpositis, litus ad septemtrionem versum subductae naves navalesque focii tenebant: meridianam vallem ad alterum litus devexam equitatus. Haec in Africa usque ad extremum auctumni gesta.

XXXVI. Praeter convectum undique ex populatis circa agris frumentum commeatusque ex Sicilia atque Italia advectos Cn. Octavius propraetor ex Sardinia ab Ti. Claudio praetore, cujus ea provincia erat, ingentem vim frumenti advexit; horreaque non solum, quae jam facta erant, repleta, sed nova aedificata. Vestimenta exercitui deerant. Id mandatum Octavio, ut cum praetore ageret, si quid ex ea provincia comparari ac mitti posset. Ea quoque haud segniter curata res. Mille ducentae togae brevi spatio et duodecim millia tunicarum missa. Aestate ea, qua haec in Africa gesta sunt, P. Sempronius consul, cui Bruttii provincia erat, in agro Crotoniensi cum Hannibale in ipso itinere tumultuario proelio confligit. Agminibus magis, quam acie, pugnatum est. Romani pulsi, et tumultu verius, quam pugna, ad mille et ducenti de exercitu consulis interfecti: in castra trepide reditum, neque obpugnare tamen ea hostes

stes ausi. Ceterum silentio proximae noctis profectus inde consul, praemisso nuntio ad P. Licinium proconsulem, ut suas legiones ad-
moyeret, copias conjunxit. Ita duo duces, duo exercitus ad Hannibalem redierunt: nec mora dimicandi facta est, quum consuli duplicatae vires, Poeno recens victoria animo esset. In primam aciem suas legiones Sempronius induxit; in subsidiis locatae P. Licinii legiones. Consul principio pugnae aedem Fortunae Primigeniae vovit, si eo die hostes fu-
disset: composque ejus voti fuit. Fusi ac fugati Poeni: supra quatuor millia armatorum caesa: paullo minus trecenti vivi capti et equi quadraginta et undecim militaria signa. Percussus adverso proelio Hannibal Crotonem exercitum abduxit. Eodem tempore M. Cornelius consul in altera parte Italiae non tam armis, quam judiciorum terrore, Etruriam continet, totam ferme ad Magonem, ac per eum ad spem novandi res, versam. Eas quaestiones ex senatus consulto minime ambitiose habuit; multique nobiles Etrusci, qui aut ipsi ierant, aut miserant ad Magonem de populorum suorum defectione, primo praesentes erant condemnati; postea, conscientia sibimet ipsi exsilium consciscentes, quum absentes damnati essent, corporibus subtractis, bona tantum, quae publicari poterant, pigneranda poenae prae-
bebant.

XXXVII. Dum haec consules diversis regionibus agunt, censores interim Romae M. Livius et C. Claudius senatum recitaverunt. Princeps iterum lectus Q. Fabius Maximus. Notati septem: nemo tamen, qui sella curuli sedisset. Sarta tecta acriter et cum summa fide exegerunt. Viam e foro Boario ad Veneris, et circa foros publicos, et aedem Matris Ma-

T. Liv. P. II.

Tt

gnae

gnae in Palatio faciendam locaverunt. Vectigal etiam novum ex salaria annona statuerunt. Sextante sal et Romae et per totam Italiam erat. Romae pretio eodem, pluris in foris et conciliabulis, et alio alibi pretio praebendum locaverunt. Id vectigal commentum alterum ex censoribus satis credebant, populo iratum, quod iniquo iudicio quondam damnatus esset; et in pretio salis maxime pneratas tribus, quarum opera damnatus erat, credebant: inde Salinatori Livio iudicum cognomen. Lustrum conditum serius, quia per provincias dimiserunt censores, ut civium Romanorum in exercitiis, quantus ubique esset, referretur numerus. Censa cum iis ducenta decem quatuor millia hominum. Condidit lustrum C. Claudius Nero. Duodecim deinde coloniarum, (quod numquam antea factum erat) deferentibus ipsarum coloniarum censoribus, censum adceperunt; ut, quantum numero militum, quantum pecunia valerent, in publicis tabulis monumenta exstarent. Equitum deinde census agi coeptus est; et ambo forte censores equum publicum habebant. Quum ad tribum Polliam ventum est, in qua M. Livii nomen erat, et praeco cunctaretur citare ipsum censorem; *Cita*, inquit Nero, *M. Livium*, et, siue ex residua et vetere similitate, siue intempestiva jactatione severitatis inflatus, M. Livium, quia populi iudicio esset damnatus, equum vendere iussit. Item M. Livius, quum ad tribum Arniensem et nomen collegae ventum est, vendere equum C. Claudium iussit, duarum rerum causa; unius, quod falsum adversus se testimonium dixisset; alterius, quod non sincera fide secum in gratiam redisset. Itaque ibi foedum certamen inquinandi famam alterius cum suae famae damno factum est.

Exi-

Exitu censurae quum in leges jurasset C. Claudius, et in aerarium descendisset, inter nomina eorum, quos aerarios relinquebat, dedit collegae nomen. Deinde M. Livius in aerarium venit, et, praeter Maeciam tribum, quae se nec condemnasset, neque condemnatum aut consulem aut censores fecisset, populum Romanum omnem, quatuor et triginta tribus, aerarios reliquit; quod et innocentem se condemnassent, et condemnatum consulem et censores fecissent, neque infitiri possent, aut iudicio semel, aut comitiis bis ab se peccatum esse. Inter quatuor et triginta tribus et C. Claudium aerarium fore. Quod si exemplum haberet bis eundem aerarium relinquendi, C. Claudium nominatim se inter aerarios fuisse relicturum. Primum certamen notarum inter censores: castigatio inconstantiae populi censoria et gravitate temporum illorum digna. In invidia censores quum essent, erescendi ex his ratus esse occasionem Cn. Baebius tribunus plebis diem ad populum utrique dixit. Ea res consensu Patrum discussa est, ne postea obnoxia populari aerae censura esset.

XXXVIII. Eadem aestate in Bruttis Clampetia a consule vi capta, Consentia et Pandolfia et ignobiles aliae civitates voluntate in ditionem venerunt. Et quum comitiorum jam adpeteret tempus, Cornelium potius ex Etruria, ubi nihil belli erat, Romam adiri placuit. Is consules Cn. Servilium Caepionem et C. Servilium Geminum creavit. Inde praetoria comitia habita. Creati P. Cornelius Lentulus, P. Quinctilius Varus, P. Aelius Paetus, P. Villius Tappulus. Hi duo, quum aediles plebis essent, praetores creati sunt. Consul, comitiis perfectis, ad exercitum in Etruriam rediit. Sacerdotes eo anno mortui at-

Tt 2

que

que in locum eorum subfecti; Ti. Veturius Philo flamen Martialis in locum M. Aemilii Regilli, qui priore anno mortuus erat, creatus inauguratusque; et in M. Pomponii Mathonis auguris et decemviri locum creati decemvir M. Aurelius Cotta, augur Ti. Sempromius Gracchus admodum adolescens, quod tunc perrarum in mandandis sacerdotiis erat. Quadrigae aureae eo anno in Capitolio posita ab aedilibus curulibus, C. Livio et M. Servilio Gemino. Et ludi Romani biduum instaurati. Idem per biduum plebeji ab aedilibus P. Aelio, P. Villio: et Jovis epulum fuit ludorum causa.

T. LIVII PATAVINI LIBER XXX.

B R E V I A R I U M

CAP. I. *Imperia nova et prorogata. 2. Naves legionesque decretae, et prodigia procurata. 3. Scipio, vestium, commeatus armorumque copia auctus, Uticam obsidet, et spem facit pacis, a Syphace petita, ut probabilis causa suis commeandi sit in castra hostium; quae, quod lignea ferme tota sunt, per occasionem incendendi consilia agit. 4. Legatos alios atque alios ad regem mittit, et satis omnibus exploratis tol-*

zollit inducias. 5. Media nocte castra tum Syphacis a Laelio ac Masinissa, 6. tum Hasdrubalis, illis propinqua, a Scipione incenduntur, et flamma ferroque absumuntur multi homines, equi et elephanti. 7. Hasdrubal et Syphax summa ope reparant bellum et copias jungunt. 8. Paulo post in aciem descendunt, et a Romanis vincuntur. 9. Scipio multas urbes expugnat, et Carthaginenses legatos ad Hannibalem arcessendum classemque ad levandam Uticæ obsidionem mittunt. 10. Hostes frustra adgrediuntur naves Romanorum, ad muros Uticæ adpulsas. 11. Laelius et Masinissa in Numidiam perveniunt, novumque exercitum, a Syphace in regno suo conscriptum, profligant. 12. Rex ipse vivus capitur, et Cirta, caput regni ejus, a Masinissa occupatur. Is Sophonisbam, uxorem Syphacis, filiam Hasdrubalis, amore captus et pollicitusque se prohibiturum, quo minus Romanis traderetur, matrimonio sibi jungit: quod Laelius, factis nuptiis superveniens, valde improbat. 13. Syphax, sermonibus circumstantium celebratur, in castra ad Scipionem perducitur, omnemque perfidiae et belli causam confert in uxorem. 14. Masinissa, castigatus a duce Rom. propter nuptias festinatâs, 15. venenum mittit Syphonisbae, et eximius a Scipione ornatur laudibus honoribusque. 16. Carthaginenses legatos mittunt Romam et ad Scipionem, qui pacis condiciones dicit datque inducias. 17. Multis ante diebus Laelius cum Syphace aliisque captivis et legatis Masinissae Romam venit, et ingenti urbem laetitia complet. Senatus subplicationem decernit, et confirmat regium nomen, regnum paternum aliaque munera, Masinissae a Scipione data.

18. Interea Mago a P. Quinctilio Varo praetore et M. Cornelio proc. in agro Insubrium

Tt 5

Gal-

Gallorum vincitur, et graviter vulneratus ex proelio aufertur prope exsanguis. 19. Inde ad mare in Ligures Ingaunos pervenit, et imperio senatus Carthaginienſis, a legatis perlato, periculoque et patriae et ſuo motus in Africam trajicit: ſed, vixdum ſuperata Sardinia, ex vulnere moritur, et naſes aliquot diſiectae a claſſe Rom. capiuntur. C. Servilius coſ. patrem Catulumque, a Boiis olim captos, Romam reducit. Ad Cn. Servilium coſ. multa Bruttiorum deficiunt oppida; idemque in agro Crotonienſi acie conſligit cum Hannibale. 20. Mox ſummus hic Poenorum dux a legatis in patriam revocatur, et inutili militum turba praefidii ſpecie in oppida Bruttii agri diſmiſſa multisque Italici generis in templo Junonis Laciniae foede interfectis, quod roboris in exercitu eſt, in Africam transvehit, moeſtiſſimo animo detractus ex diutina poſſeſſione Italiae, et deos, homines ſequi ipſum adcuſans. 21. Legati Saguntini Poenos, ad conducenda auxilia in Hispaniam miſſos comprehenſosque cum pecunia, Romam adducunt: et quinque ibi dies circa omnia pulvinaria ſubplicatur ex Scto. 22. Carthaginienſium legati, pacem potentes, Pynica fraude electi videntur ſenatui Rom. 23. et pace infecta ac prope ſine reſponſo dimittuntur. 24. Cn. Servilius in Siciliam, inde in Africam diſceſſurus, trajicit, ſed a P. Sulpicio dictatore ad id ipſum creato in Italiam revocatur. Onerariae Cn. Octavii naſes, in conſpectu Carthaginiſ tempeſtate per litora portusque diſperſae, a Poenis per induciarum tempus capiuntur. 25. Legati de injuria hac queſtum a Scipione miſſi Carthaginem prope violantur, et in reditu ex inſidiis Poenorum, ex alto repente eos adgredientium, vix incolumes ipſi evadunt. Scipio contra legatos Car.

Carthaginienſum, cum Laelio Fulvioque ad Roma ſupervenientes, dimittit ſalvos: et Hannibal mox ad Laptim adpellit claſſem. 26. In Macedoniam legati mittuntur ad Philippum, qui adverſus foedus quaedam facta videri Patribus nuntient. Romae eſt incendio ingens et inundatio, ſed auctoritatis vilitas. Mors, honores laudesque O. Fabii Maximi. Ludi Romani ac plebei. Comitia.

27. Conſules inſequentis anni Ti. Claudius Africam, (quae provincia ex ſenatus decreto in ſortem conſecta erat) et M. Servilius Etruriam ſortiuntur. Praetorum comitia ac provinciae. Ludi quinquennales. 28. Curae metusque Romanorum Poenorumque, imminente ſupremo certamine. 29. Hannibal Adrumetum et inde Zammam venit: Scipio haud procul Naraggara urbe conſidet, et ſpeculatores hoſtium per caſtra ſua circumduci dimittique jubet; neque abnuſit conloquium ab eorum duce petiſum. 30. Hannibal prior adloquitur Scipionem; 31. iſque reſpondet. 32. Duces infecta pace arma expediri jubent, et militibus animum incendunt hortando. 33. Tum acies inſtruunt ſingulari arte, et pugnant. 34. Romani, et numero ſuperiores et animo, ingentem hoſtium cladem edunt. 35. Laelius ac Maſiniſſa Poenos fundunt, cum equitatu in averſam eorum aciem incurrentes, et Hannibal cum paucis equitibus inter tumultum elabſus, Adrumetum perſugit. 36. Paulo poſt Scipio Numidas, duce Vermina, Syphacis filio, Poenis auxilio venientes, fundit, et Tunete de pace agit cum legatis Carthaginienſum. 37. Hi conditiones ab eo dictas domum referunt, et Hannibal Giſgonem, pacem diſſuadere conantem, adreptum manu ſua ex ſuperiore loco detrahit. 38. Induciae Poenis dantur, et Romam

mittuntur legati. Prodigia, inundatio Tiberis, et ludi Apollinares. 39. Ti. Claudius cos., in Siciliam atque inde in Africam trajicere jussus, classem tempestate laceratam reficit Caralibus, et circumacto anni tempore privatus Romam reducit. Comititia a C. Servilio Gemino saepe in dicta perfici tempestates prohibent. Ludi Romani, plebei, Cereales. Scribae viatoresque aedilitii ob pecuniam ex aerario clam egestam damnantur. 40. Legati Carthaginiensium et Philippi Romam veniunt. Subplicationes, comitia et provinciae consulum praetorumque. Cn. Cornelius Lentulus cos. frustra cupiditate flagrat provinciae Africae; quae res multis contentionibus in senatu et ad populum agitur. 41. Legiones classesque novis magistratibus decernuntur. 42. Legati Philippi dimittuntur cum tristi responso, at Carthaginiensium flectunt misericordia Patres. 43. Scipio pacem cum Poenis facere, et foedera in Africam ad foedus ferendum ire jubentur. Naves Carthaginiensium incenduntur, at de perfugis grave sumitur supplicium. 44. Moeslitiam fletumque Poenorum, quibus prima conlatio pecuniae difficilis videtur, tamquam intempestivum absurdumque eorum, qui privata tantum, non publica sentiant mala, ridet Hannibal et increpat. Masinissa regno Syphacis ad paternum adjecto donatur. 45. Scipio Romam invehitur triumpho omnium clarissimo, et primus nomine victae ab se gentis nobilitatur.

I. **C**n. Servilius Caepio et C. Servilius Geminus consules, (sextus decimus is annus belli Punici erat) quum de re publica belloque et pro-

provinciis ad senatum retulissent, censuerunt Patres, ut consules inter se compararent fortiturne, uter Bruttios adversus Hannibalem, uter Etruriam ac Ligures provinciam haberet. Cui Bruttii evenissent, exercitum a P. Sempronio acciperet. P. Sempronius (ei quoque enim proconsuli imperium in annum prorogabatur) Licinio subcederet: is Romam reverteretur, bello quoque bonus habitus ad cetera, quibus nemo ea tempestate instructior civis habebatur, congestis omnibus humanis a natura fortunaque bonis. Nobilis idem ac dives erat; forma viribusque corporis excellens. Facundissimus habebatur, seu causa oranda, seu in senatu, ad populum, suadendi ac dissuadendi locus esset: juris pontificii peritissimus. Super haec bellicae quoque laudis consulatus compotem fecerat. Quod in Bruttii provincia, idem in Etruria ac Liguribus decretum. M. Cornelius novo consuli tradere exercitum iussus: ipse, prorogato imperio, Galliam provinciam obtinere cum legionibus iis, quas praetor L. Scribonius priore anno habuisset. Sortiti deinde provincias: Caepioni Bruttii, Servilio Gemino Etruria evenit. Tum praetorum provinciae in sortem conjectae. Jurisdictionem urbanam Paetus Aelius, Sardiniam P. Lentulus, Siciliam P. Villius, Ariminum cum duabus legionibus (sub Lucretio Spurio eae fuerant) Quinctilius Varus est sortitus. Et Lucretio prorogatum imperium, ut Genavam oppidum a Magone Poeno dirutum exaedificaret. P. Scipioni, non temporis, sed rei gerandae fine, donec debellatum in Africa foret, prorogatum imperium est; decretumque, ut supplicatio fieret, quod is in Africam provinciam trajecisset, ut ea res salutaris populo Romano ipsique duci atque exercitui esset.

II. In Siciliam tria millia militum sunt scripta; et quia, quod roboris ea provincia habuerat, in Africam transvectum fuerat, ne qua classis ex Africa trajiceret, quadraginta navibus custodiri placuerat Siciliae maritimam oram. Tredecim novas naves Villius secum in Siciliam duxit: ceterae in Sicilia veteres resectae. Huic classi M. Pomponius, prioris anni praetor, prorogato imperio praepositus, novos milites ex Italia advectos in naves inposuit. Parem navium numerum Cn. Octavio, praetori item prioris anni, cum pari jure imperii ad tuendam Sardiniae oram Patres decreverunt. Lentulus praetor duo millia militum dare in naves iussus. Et Italiae ora, quia incertum erat, quo missuri classem Carthaginenses forent, (videbantur autem, quidquid nudatum praesidiis esset, petituri) M. Marcio, praetori prioris anni, cum totidem navibus tuenda data est. Tria millia militum in eam classem ex decreto Patrum consules scripserunt, et duas legiones urbanas ad incerta belli Hispaniae cum exercitibus imperioque veteribus imperatoribus, L. Lentulo et L. Manlio Acidino, decretae. Viginti omnino legionibus et centum sexaginta navibus longis res Romana eo anno gesta. Praetores in provincias ire iussi. Consulibus imperatum, prius quam ab Urbe profiscerentur, ludos magnos facerent, quos T. Manlius Torquatus dictator in quintum annum vovisset, si eodem statu res publica staret. Et novas religiones excitabant in animis hominum prodigia, ex pluribus locis nuntiata. Aurum in Capitolio corvi non lacerasse tantum rostris crediti, sed etiam edisse. Mures Antii coronam auream adrosere. Circa Capuam omnem agrum locustarum via ingens, ita ut, unde advenissent, parum constaret.

staret, complevit. Equuleus Reate cum quinque pedibus natus. Anagninae sparsi primum ignes in coelo, dein fax ingens arsit. Erufione arcus solem tenui linea amplexus est; circulum deinde ipsum major solis orbis extrinsecus inclusit. Arpini terra campestri agro in ingentem sinum consedit. Consulum alteri, primam hostiam immolanti, caput jocinoris defuit. Ea prodigia majoribus hostiis procurata. Editi a collegio pontificum Dii, quibus sacrificaretur.

III. Iis transactis, consules praetoresque in provincias profecti. Omnibus tamen, velut eam sortitis, Africæ cura erat; seu quia ibi summam rerum bellicque verti cernebant, seu ut Scipioni gratificarentur, in quem tum omnis verba civitas erat. Itaque non ex Sardinia tantum, (sicut ante dictum est) sed ex Sicilia quoque et Hispania vestimenta frumentumque et arma etiam ex Sicilia et omne genus commeatus eo portabantur. Nec Scipio ullo tempore hiemis belli opera remiserat, quas multa simul undique eum circumstabant. Uticam obsidebat. Castra in conspectu Hasdrubalis erant. Carthaginienses deduxerant naves. Classem paratam instructamque ad commeatus intercipiendos habebant. Inter haec ne Syphacis quidem reconciliandi curam ex animo miserat; si forte jam satias amoris in uxore ex multa copia cepisset. Ab Syphace magis pacis cum Carthaginiensibus conditiones, ut Romani Africa, Poeni Italia excederent, quam, si bellaretur, spes ulla desciturum adferebatur. Haec per nuntios magis equidem acta crediderim, (et ita pars major auctores sunt) quam ipsum Syphacem, ut Antias Valerius prodit, in castra Romana ad colloquium venisse. Primo eas conditiones imperator Romanus vix auri-

auribus admittit. Postea, ut causa probabilis suis commeandi foret in castra hostium, molitis eadem illa abnuere, ac spem facere, saepius ultro citroque agitantibus rem conventuram. Hibernacula Carthaginiensium, congesta temere ex agris materia exaedificata, lignea ferme tota erant. Numidae praecipue arundine textis, storeaque pars maxima tectis, passim nullo ordine, quidam, ut sine imperio occupatis locis, extra fossam etiam vallumque habitabant. Haec relata Scipioni spem fecerant castra hostium per occasionem incendendi.

IV. Cum legatis, quos mitteret ad Syphacem, calonum loco primos ordines spectatae virtutis atque prudentiae servili habitu mittebat; qui, dum in conloquio legati essent, vagi per castra, alius alia, aditus exitusque omnes, situm formamque et universorum castrorum, et partium, qua Poeni, qua Numidae haberent, quantum intervalli inter Hasdrubalis ac regia castra esset, specularentur, moremque simul noscerent stationum vigiliarumque; nocte, an interdiu obportuniores insidiant essent. Et inter crebra conloquia alii atque alii de industria, quo pluribus omnia nota essent, mittebantur. Quum saepius agitata res certiore spem pacis in dies et Syphaci et Carthaginiensibus per eum faceret; legati Romani *vetitos se reverti ad imperatorem* ajunt, *nisi certum responsum detur. Proinde, seu ipsi fieret jam sententia, seu consulendus Hasdrubal et Carthaginienses essent, consuleret. Tempus esse, aut pacem componi, aut bellum naviter geri.* Dum consulitor Hasdrubal ab Syphace, ab Hasdrubale Carthaginienses; et speculatores omnia visendi, et Scipio ad comparanda ea, quae in rem erant, tempus habuit. Et ex mentione ac spe pacis negligentia, ut fit, apud

apud Pœnos Numidamque orta cavendi, ne quid hostile interim paterentur. Tandem relatum responsum, quibusdam (quia nimis cupere Romanus pacem videbatur) iniquis per occasionem adjectis: quae perobportune cupienti tollere inducias Scipioni causam praebuere; ac nuntio regis, quum relaturum se ad consilium dixisset, postero die respondit, *Se uno frustra tendente, nulli alii pacem placuisse. Renuntiaret igitur, nullam aliam spem pacis, quam relictis Carthaginensibus, Syphaci cum Romanis esse.* Ita tollit inducias, ut libera fide incepta exsequeretur; deductisque navibus (et jam veris principium erat) machinas tormentaque, velut a mari adgressurus Uticam, inponit, et duo millia militum ad capiendum, quem antea tenuerat, tumultum super Uticam mittit; simul ut ab eo, quod parabat, in alterius rei curam converteret hostium animos, simul ne qua, quum ipse ad Syphacem Hasdrubalemque profectus esset, eruptio ex urbe et impetus in castra sua, relictis cum levi praesidio, fieret.

V. His praeparatis, advocatoque consilio, edicere exploratoribus jussis, quae comperta adferrent, Masinissaque, cui omnia hostium nota erant; postremo ipse, quid pararet in proximam noctem, proponit. Tribunis edicit, ut, ubi, praetorio dimisso, signa concinuissent, extemplo educerent castris legiones. Ita, ut imperaverat, signa sub occasum solis efferri sunt coepta. Ad primam ferme vigiliam agmen explicaverunt: media nocte (septem enim millia itineris erant) modico gradu ad castra hostium perventum. Ibi Scipio partem copiarum Laelio Masinissamque ac Numidas adtribuit; et castra Syphacis invadere, ignesque conjicere jubet. Singulos deinde se-
para-

paratim, Laellum ac Masinissam, seductos obtestatur, ut, quantum nox providentiae adimat, tantum diligentia expleant curaque. Se Hadrabalem Punicaque castra adgressurum. Ceterum non ante coepturum, quam ignem in regis castris conspexisset. Neque ea res morata diu est. Nam ut proximis castris injectis ignis haesit, extemplo proxima quaeque et deinceps continua amplexus, totis se passim dissipavit castris. Et trepidatio quidem, quanta necesse erat, in nocturno effuso tam late incendio orta est: ceterum fortuitum, non hostilem ac bellicum, ignem rati esse, sine armis ad restringendum incendium effusi, in armatos incidere hostes, maxime Numidas, ab Masinissa notitia regionum castrorum ad exitus itinerum idoneis locis dispositos. Multos in ipsis cubilibus semisomnos hausit flamma: multi in praecipiti fuga, ruentes super alios alii, in angustis portarum obtriti sunt.

VI. Relucentem flammam primo vigiles Carthaginensium, deinde excitati alii nocturno tumultu quum conspexissent, ab eodem errore credere et ipsi sua sponte incendium ortum. Et clamor inter caedem et vulnera subdatus, an ex trepidatione nocturna esset, confusus, sensum veri adimebat. Igitur pro se quisque inermes, ut quibus nihil hostile suspectum esset, omnibus portis, quae cuique proximum erat, ea modo, quae restringendo igni forent, portantes, in agmen Romanum ruebant. Quibus caesis omnibus, praeterquam hostili odio, etiam ne quis nuntius effugeret, extemplo Scipio neglectas, ut in tali tumultu, portas invadit: ignibusque in proxima tecta coniectis, effusa flamma primo veluti sparsa pluribus locis reluxit, dein per continua serpens, uno repente omnia incendio hausit. Ambu-

Ambusti homines jumentaue foeda primum fuga, dein strage, obruerant itinera portarum. Quos non obpresserat ignis, ferro absumpti; binæque castra clade una deleta. Duces tamen ambo et ex tot millibus armatorum duo millia peditum et quingenti equites semiermes, magna pars faucii adflatique incendio, effugerunt. Caesa aut hausta flammis quadraginta millia hominum sunt, capta supra quinque millia: multi Carthaginiensium nobiles, undecim senatores, signa militaria centum septuaginta quatuor, equi Numidici supra duo millia septingenti, elephantum sex capti, octo flamma ferroque absumpti, magnæque vis armorum capta. Ea omnia imperator Vulcano sacrata incendit.

VII. Hasdrubal ex fuga cum paucis Afrorum urbem proximam petierat; eoque omnes, qui supererant, vestigia ducis sequentes, se contulerant. Metu deinde, ne dederetur Scipioni, urbe excessit. Mox eodem patentibus portis Romani adcepti; nec quidquam hostile, quia voluntate concesserant in ditionem, factum. Duæ subinde urbes captae direptæque. Ea præda, et quæ castris ex incensis et igne rapta erat, militi concessa est. Siphax octo millium ferme inde spatio loco communito confedit. Hasdrubal Carthaginem contendit, ne quid per metum ex recenti clade mollius confuleretur. Quo tantus primo terror est adlatus, ut, omissa Utica, Carthaginem crederent extemplo Scipionem obsessurum. Senatum itaque fufetes (quod velut consulare imperium apud eos erat) vocaverunt. Ibi e tribus (una de pace legatos ad Scipionem decernebat: altera Hannibalem ad tuendam ab exitiabili bello patriam revocabat: tertia Romanae in adversis rebus constantiae erat; repa-

ran-

randum exercitum, Syphacemque hortandum, ne bello absteret, censebat) haec sententia, quia Hasdrubal praefens Barcinæque omnes factionis bellum malebant, vicit. Inde delectus in urbe agrisque haberi coeptus, et ad Syphacem legati missi, summa ope et ipsum reparantem bellum, quum uxor non jam, ut ante, blanditiis, fatis potentibus ad animum amantis, sed precibus et misericordia valuisset, plena lacrymarum obtestans, ne patrem suum patriamque proderet, iisdemque flammis Carthaginem, quibus castra conflagrassent, absumi fineret. Spem quoque obportune oblatam adferebant legati, quatuor millia Celtiberorum circa urbem nomine Abbam, ab conquistoribus suis conducta in Hispania, egregiae juventutis, sibi obcurrisse, et Hasdrubalem prope diem adfore cum manu haudquam contemnenda. Igitur non benigne modo legatis respondit, sed ostendit etiam multitudinem agrestium Numidarum, quibus per eosdem dies arma equosque dedisset, et omnem juventutem adfirmat exciturum ex regno. *Scire incendio, non proelio, cladem adseptam. Eum bello inferiorem esse, qui armis vincatur.* Haec legatis responsa: et post dies paucos rursus Hasdrubal et Syphax copias junxerunt. Is omnis exercitus fuit triginta ferme millium armatorum.

VIII. Scipionem, velut jam debellato, quod ad Syphacem Carthaginensesque adtineret, Uticae obpugnandae intentum, jamque machinas admoventem muris, avertit fama redintegrati belli; modicisque praesidiis ad speciem modo obsidionis terra marique relictis, ipse cum robore exercitus ire ad hostes pergit. Primo in tumultu, quatuor ferme millia distante ab castris regiis, confedit: postero die

die cum equitatu in Magnos) ita vocant) campos, subjectos ei tumulo, degressus, subcedendo ad stationes hostium laceffendoque levibus proeliis diem absumsit; et per insequens biduum, tumultuosis hinc atque illinc excursionibus in vicem, nihil dictu satis dignum fecerunt; quarto die utrimque in aciem descensum est. Romanos principes post hastatorum prima signa, in subsidia triarios constituit; equitatum Italicum ab dextro cornu, ab laevo Numidas Masinissamque obposuit. Syphax Hasdrubalque, Numidicis adversus Italicum equitatum, Carthaginiensibus contra Masinissam locatis, Celtiberos in mediam aciem in adversa signa legionum adcepere. Ita instructi concurrunt. Primo impetu simul utraque cornua, et Numidae et Carthaginienses pulsi. Nam neque Numidae, maxima pars agrestes, Romanum equitatum; neque Carthaginienses, et ipse novus miles, Masinissam, recenti super cetera victoria terribilem, sustinuerunt. Nudata utrimque cornibus Celtiberum acies stabat, quod nec in fuga salus ulla ostendebatur. locis ignotis, neque spes veniae ab Scipione erat; quem, bene meritum de se et gente sua, mercenariis armis in Africam obpugnatum venissent. Igitur, circumfusis undique hostibus, alii super alios cadentes, obstinati moriebantur; omnibusque in eos versis, aliquantum ad fugam temporis Syphax et Hasdrubal praeceperunt. Fatigatos caede diutius, quam pugna, victores nox obpressit.

LXI. Postero die Scipio Laelium Masinissamque cum omni Romano et Numidico equitatu expeditisque militum ad persequendos Syphacem atque Hasdrubalem mittit. Ipse cum robore exercitus urbes circa, quae omnes Carthaginiensium ditionis erant, partim spe, partim

tim metu, partim vi subegit. Carthagini quidem erat ingens terror, et circumferentem arma Scipionem, omnibus finitimis raptim perdomitis, ipsam Carthaginem repente adgressurum credebant. Itaque et muri reficiebantur propugnaculisque armabantur, et pro se quisque, quae diutinae obsidioni tolerandae sunt, ex agris convehit. Rara mentio est pacis, frequentior legatorum ad Hannibalem arcessendum mittendorum. Pars maximis classem, quae ad commeatus excipiendos parata erat, mittere jubent ad obprimendam Itationem navium ad Vticam, incaute agentem; forsitan etiam navalia castra, relicta cum levi praesidio, obpressuros. In hoc consilium maxime inclinant: legatos tamen ad Hannibalem mittendos censent. Quippe, classi ut felicissime gerantur res, parte aliqua levare Vticae obsidionem: Carthaginem ipsam qui tueatur, neque imperatorem alium, quam Hannibalem, neque exercitum alium, quam Hannibalem, superesse. Deductae ergo postero die naves, simul et legati in Italiam profecti, raptimque omnia, stimulante fortuna, agebantur; et, in quo quisque cessasset, prodi ab se salutem omnium rebatur. Scipio, gravem jam spoliis multarum urbium exercitum trahens, captivis aliaque praeda in vetera castra ad Vticam missis, jam in Carthaginem intentus, occupat relictum fuga custodum Tuneta. Abest ab Carthagine quindecim millia ferme passuum locus, quum operibus, tum suapte natura tutus, et qui et ab Carthagine conspici, et praebere ipse prospectum, quum ad urbem, tum ad circumfusum mare urbi, possit.

X. Inde, quum maxime vallum Romani jacerent, consperta classis hostium est, Vticam

cam Carthagine petens. Igitur, omisso opere, pronuntiatum iter, signaque raptim ferri sunt coepta; ne naves, in terram et obsidionem versae, ac minime navali proelio aptae, obprimerentur. Qui enim resistissent agili et nautico instrumento aptae et armatae classi naves, tormenta machinasque portantes, et aut in onerariarum usum versae, aut ita adpulsae ad muros, ut pro aggere ac pontibus praebere adscensus possent? Itaque Scipio, contra quam in navali certamine solet, rostratis, quae praesidio aliis esse poterant, in postremam aciem receptis prope terram, onerariarum quadruplicem ordinem pro muro adversus hostem obposuit; easque ipsas, ne in tumultu pugnae turbari ordines possent, malis antennisque de nave in navem trajectis, ac validis funibus velut uno inter se vinculo inligatis, comprehendit: tabulasque superinstravit, ut pervium ordinem faceret: et sub ipsis pontibus intervalla fecit, qua procurrare speculatoriae naves in hostem, ac tuto recipi possent. His raptim pro tempore instructis, mille ferme delecti propugnatores onerariis inponuntur: telorum maxime missilium, ut, quamvis longo certamine, subficerent, vis ingens congeritur. Ita parati atque intenti hostium adventum obperiebantur. Carthaginienses, qui, si maturassent, omnia permixta turba trepidantium primo inpetu obpressissent, perculsi terrestribus cladibus, atque inde ne in mari quidem, ubi ipsi plus poterant, satis fidentes, die segni navigatione absumto, sub occasum solis in portum (Rufucurona Afri vocant) classe adpulere. Postero die sub ortum solis instruxere ab alto naves, velut ad justum proelium navale, et tamquam exituris contra Romanis. Quum diu stetissent, postquam nihil moveri ab hostibus

Uu 2

vide-

viderunt, tum demum onerarias adgrediuntur. Erat res miuime certamini navali similis, proxime speciem muros obpugnantium navium. Altitudine aliquantum onerariae superabant: ex rostratis Poeni varia pleraque (utpote supino jactu) tela in superiorem locum mittebant: gravior ac pondere ipso librior superne ex onerariis ictus erat. Speculatoriae naves ac levia ipsa navigia, quae sub constratis pontium per intervalla excurrabant, primo ipso tantum impetu ac magnitudine rostratarum obruebantur: deinde et propugnatoribus quoque incommodae erant, quod permixtae cum hostium navibus inhibere saepe tela cogebant, metu, ne ambiguo ictu suis incidere: postremo asseres ferreo unco praefixi (harpagones vocant) ex Punicis navibus injici in Romanas coepti. Quos quum neque ipsos, neque catenas, quibus suspensi injiciebantur, incidere possent; ut quaeque retro inhibita rostrata onerariam haerentem unco traheret, sciendi videres vincula, quibus alia aliis innexa erat, seriem aliam simul plurium navium trahi. Hoc maxime modo lacerati quidem omnes pontes, et vix transfiliendi in secundum ordinem navium spatium propugnatoribus datum est. Sex ferme onerariae puppibus abstractae Carthaginem sunt: major quam pro re laetitia, sed eo gratior, quod inter adfidas clades ac lacrymas unum quantumcumque ex insperato gaudium adfusserat; cum eo, ut adpareret, haud procul exitio fuisse Romanam classem, ni cessatum a praefectis suarum navium foret, et Scipio in tempore subvenisset.

XI. Per eosdem forte dies, quum Laelius et Masinissa quintodecimo ferme die in Numidiam pervenissent, Massyli, regnum patrum Masinissae, laeti ut ad regem diu de-

fide-

fideratum concessere. Syphax, pulsus inde praefectis praesidiisque suis, vetere se continebat regno, nequiquam quieturus. Stimulabant aegram amore uxor socerque; et ita viris equisque abundabat, ut subjectae oculis regni per multos florentis annos vires etiam minus barbaro atque impotenti animo spiritus possent facere. Igitur omnibus, qui bello apti erant, in unum coactis equos, arma, tela dididit. Equites in turmas, pedites in cohortes, sicut quondam ab Romanis centurionibus didicerat, distribuit. Exercitu haud minore, quamquem prius habuerat, ceterum omni prope novo atque incondito, ire ad hostes pergit. Et castris in propinquo positis, primo pauci equites ex tuto speculantes ab stationibus progredi; inde jaculis submoti recurrere ad suos: inde excursions in vicem fieri, et, quum pulsos indignatio adcenderet, plures subire: quod irritamentum certaminum equestrium est, quum aut vincentibus spes, aut pulsus ira adgregat suos. Ita tum a paucis proelio adcentio, omnem utrimque postremo equitatum certaminis studium effudit. Ac dum sincerum equestre proelium erat, multitudo Masaesylium, ingentia agmina Syphace emittente, sustineri vix poterat: deinde, ut pedes Romanus repentino per turmas suas viam dantes intercursu stabilem aciem fecit, absterruitque effuse invehentem sese hostem, primo barbari segnius permittere equos; deinde stare ac prope turbari novo genere pugnae; postremo, non pediti solum cedere, sed ne equitem quidem sustinere, peditis praesidio audentem. Jam signa quoque legionum adpropinquabant. Tum vero Masaesyli non modo primum impetum, sed ne conspectum quidem signorum atque armorum, tulerunt: tantum seu me-

moriam priorum cladum, seu praesens terror valuit.

XII. Ibi Syphax, dum obequitat hostium turmis, si pudore, si periculo suo fugam sistere posset, equo graviter icto, effusus obprimatur capiturque, et vivus, laelum ante omnes Masinissae praebiturus spectaculum, ad Laelium pertrahitur. Cirta caput regni Syphacis erat: eo se ingens hominum contulit vis. Cades in eo proelio minor, quam victoria, fuit, quia equestri tantummodo proelio certatum fuerat. Non plus quinque millia occisa, minus dimidium ejus hominum captum est, in petu in castra facto, quo perculsa rege amissa multitudo se contulerat. Masinissa, *Sibi quidem, dicere, nihil esse in praesentia pulcrius, quam victorem, recuperatum tanto post intervallo, patrium invisere regnum; sed tam secumidis, quam adversis, rebus non dari spatium ad cessandum. Si se Laelius cum equitatu victoque Syphace Cirtam praecedere sinat, trepida omnia metu se obpressurum: Laelium cum peditibus subsequi modicis itineribus posse.* Adsentiente Laelio, praegressus Cirtam, evocari ad colloquium principes Cirtensium jubet. Sed apud ignaros regis casus, neque quae acta essent promendo, nec minis, nec suadendo, ante valuit, quam rex victus in conspectum datus est. Tum ad spectaculum tam foedum comploratio orta; et partim pavore moenia sunt deserta, partim repentino consensu gratiam apud victorem quaerentium patefactae portae. Et Masinissa, praesidio circa portas obportunaque moenium dimisso, ne cui fugae pateret exitus, ad regiam occupandam citato vadit equo. Intranti vestibulum in ipso limine Sophonisba, uxor Syphacis, filia Hasdrubalis Poeni, obcurrit, et quum in medio agmi-

agmine armatorum Masinissam insignem, quum armis, tum cetero habitu, conspexisset, regem esse (id quod erat) rata, genibus advoluta ejus: *Omnia quidem ut passes in nobis, Dii dederunt virtusque et felicitas tua. Sed, si captivae apud dominum vitae necisque suae vocem subplicem mittere licet, si genua, si victricem adtingere dextram, precor quae-soque per majestatem regiam, in qua paullo ante nos quoque fuimus, per gentis Numidarum nomen, quod tibi cum Syphace commune fuit, per hujusce regiae Deos, qui te melioribus ominibus accipiant, quam Syphacem hinc miserunt, hanc veniam subplici des, ut ipse, quodcumque fert animus, de captiva statuas, neque me in cujusquam Romani superbum ac crudele arbitrium venire sinas. Si nihil aliud, quam Syphacis uxor, fuisssem, tamen Numidas, atque in eadem mecum Africa geniti, quam alienigenae et externi, fidem experiri mallem. Quid Carthaginensi ab Romano, quid filiae Hasdrubalis timendum sit, vides. Si nulla alia re potes, morte me ut vindices ab Romanorum arbitrio, pro obtestorque. Forma erat insignis et florentissima aetas. Itaque quum modo, dextram amplectens, in id, ne cui Romano traderetur, fidem exposceret, propiusque blanditias oratio esset, quam preces; non in misericordiam modo prolapsus est animus victoris, sed (ut est genus Numidarum in Venerem praeceps) amore captivae victor captus, data dextra in id, quod petebatur, obligandae fidei, in regiam concedit. Instilit deinde reputare secum ipse, quemadmodum promissi fidem praestaret. Quod quum expedire non posset, ab amore temerarium atque impudens imputatur consilium. Nuptias in eum ipsum diem repente parari jubet, ne quid relinqueret integri aut Laelio,*

Ua 4

aut

aut ipsi Scipioni, consulendi velut in captivam, quae Masinissae jam nupta foret. Factis nuptiis supervenit Laelius, et adeo non dissimilavit inprobare se factum, ut primo etiam cum Syphace et ceteris captivis detractam eam toro geniali mittere ad Scipionem conatus sit. Victus deinde precibus Masinissae orantis, ut arbitrium, utrius regnum duorum fortunae adcessio Sophonisba esset, ad Scipionem rejiceret; misso Syphace et captivis, ceteras urbes Numidiae, quae praefidiis regis tenebantur, adjuvante Masinissa, recipit.

XIII. Syphacem in castra adduci, quum esset nuntiatum, omnis velut ad spectaculum triumphi multitudo effusa est. Praecedebat ipse victus; sequebatur grex nobilium Numidarum. Tum, quantum quisque plurimum posset, magnitudini Syphacis, laetae gentis, victoriam suam augendo, addebat: *illum esse regem, cujus tantum majestati duo potentissimi in terris tribuerint populi, Romanus Carthaginiensisque, ut Scipio imperator suus ad amicitiam ejus petendam, relicta provincia Hispania exercituque, duabus quinqueremibus in Africam navigaverit; Hasdrubal, Poenorum imperator, non ipse modo ad eum in regnum venerit, sed etiam filiam ei nuptum dederit. Habuisse eum uno tempore in potestate duos imperatores, Poenum Romanumque. Sicut ab Diis immortalibus pars utraque hostiis mactandis pacem petisset, ita ab eo utrimque pariter amicitiam petitam. Jam tantas habuisse opes, ut Masinissam regno pulsum eo redegerit, ut vita ejus fama mortui et latebris, ferarum modo in sylvis rapto vivantis, tegeretur.* His sermonibus circumstantium celebratus rex in praetorium ad Scipionem est perductus. Movit et Scipionem quam
for-

fortuna pristina viri praesenti fortunae conlata, tum recordatio hospitii dextraeque datae et foederis publice ac privatim juncti. Eadem haec et Syphaci animum dederunt in adloquendo victore. Nam quum Scipio, quid sibi valuisset, quaereret, qui non societatem solum abnuisset Romanam, sed ultro bellum intulisset; tum ille, peccasse quidem sese atque insanisse, fatebatur; sed non tum demum, quum arma adversus populum Romanum cepisset exitum sui furoris fuisse, non principium. Tunc se insanisse, tunc hospitia privata et publica foedera omnia ex animo ejecisse, quum Carthaginensem matronam domum adceperit, illis nuptialibus facibus regiam conflagrasse suam; illam furiam pestemque omnibus delinquentis animum suum avertisse atque alienasse; nec conquiesse, donec ipsa manibus suis nefaria sibi arma adversus hospitem atque amicum induerit. Perdito tamen atque adflato sibi hoc in miserris solatii esse, quod in omnium hominum inimicissimi sibi domum ac penates eandem pestem ac furiam transisse videat. Neque prudentiorem, neque constantiorem Masinissam, quam Syphacem, esse, etiam juvenia incautiorem. Certe stultius illum atque intemperantius dum, quam se, duxisse.

XIV. Haec non hostili modo odio, sed amoris etiam stimulis, amatam apud aemulum cernens, quum dixisset; non mediocri cura Scipionis animum pepulit. Et fidem criminibus raptae prope inter arma nuptias, neque consulto, neque expectato Laelio, faciebant, tamque praeceps festinatio, ut, quo die captam hostem vidisset, eodem matrimonio junctam adciperet, et ad penates hostis sui nuptiale sacrum conficeret. Eo foediora haec videbantur Scipioni, quod ipsum in Hispania

U u 5

juve-

juvenem nullius forma pepulerat captivae. Haec secum volutanti Laelius ac Masinissa supervenerunt. Quos quum pariter ambo et benigno vultu excepisset, et egregiis laudibus frequenti praetorio celebrasset; abductum in secretum Masinissam sic adloquitur: *Aliqua te existimo, Masinissa, intuentem in me bona, et principio in Hispania ad jungendam mecum amicitiam venisse, et postea in Africa te ipsum spesque omnes tuas in fidem meam commisisse. Atqui nulla earum virtus est, propter quas adpetendus tibi visus sim, qua ego aequae, atque temperantiae et continentiae libidinum, gloriatus fuerim. Hanc te quoque ad ceteras tuas eximias virtutes, Masinissa, adjecisse velim. Non est, non (mihi crede) tantum ab hostibus armatis aetati nostrae periculum, quantum ab circumfusus undique voluptatibus. Qui eas sua temperantia frenavit ac domuit, multo majus decus majoremque victoriam sibi peperit, quam nos Syphace victo habemus. Quae, me absente, strenue ac fortiter fecisti, libenter et commemoravi, et memini. Cetera te ipsum reputare tecum, quam, me dicente, erubescere malo. Syphax populi Romani auspiciis victus captusque est. Itaque ipse, conjux, regnum, ager, oppida, homines, qui incolunt, quidquid denique Syphacis fuit, praeda populi Romani est; et regem conjugemque ejus, etiamsi non civis Carthaginienensis esset, etiamsi non patrem ejus imperatorem hostium videremus, Romam oporteret mitti, ac senatus populi que Romanorum de ea judicium atque arbitrium esse, quae regem nobis socium alienasse, atque in arma egisse praecipitem dicatur. Vince animum. Cave deformes multa bona uno vitio, et tot meritorum gratiam maiore culpa, quam causa culpaee est, conrumpas.*

XV. Masinissae haec audienti non rubor solum subfusus, sed lacrymae etiam abortae; et quum *se quidem in potestate futurum imperatoris dixisset, orassetque eum, ut, quantum res fuisset, fidei suae temere obstrictae consularet; promississe enim, sese in nullius potestatem eam traditurum, ex praetorio in tabernaculum suum confusus concessit.* Ibi, arbitris remotis, quum crebro suspiritu et gemitu, quod facile ab circumstantibus tabernaculum exaudiri posset, aliquantum temporis consumsisset; ingenti ad postremum edito gemitu, fidum o servis vocat, sub cujus custodia regio more ad incerta fortunae venenum erat, et mixtum in poculo ferre ad Sophonisbam jubet, ac simul nuntiare, *Masinissam libenter primam ei fidem praestaturum fuisse, quam vir uxori debuerit. Quoniam arbitrium ejus, qui possint, adimant, secundam fidem praestare, ne viva in potestatem Romanorum veniat. Memor patris imperatoris patriaeque et duorum regum, quibus nupta fuisset, sibi ipsa consuleret.* Hunc nuntium ac simul venenum ferens minister quum ad Sophonisbam venisset, *Adcipio, inquit, nuptiale munus, neque ingratum, si nihil majus vir uxori praestare potuit. Hoc tamen nuntia, melius me morituram fuisse, si non in funere meo nupsissem.* Non loquuta est ferocius, quam adceptum poculum, nullo trepidationis signo dato, inpavide hausit. Quod ubi nuntiatum est Scipioni, ne quid aeger animi ferox juvenis gravius consuleret, adcitum eum exemplo nunc solatur; nunc, quod temeritatem temeritate alia luerit, tristioremq; rem, quam necesse fuerit, fecerit, leniter castigat. Postero die, ut a praesenti motu averteret animum ejus, in tribunal escendit, et concionem advocari iussit. Ibi Masinissam, primum regem

gem adpellatum eximisque ornatum laudibus, aurea corona, aurea patera, sella curuli et scipione ehurneo, toga picta et palmata tunica donat. Addit verbis honorem, *Neque magnificentius quidquam triumpho apud Romanos, neque triumphantibus ampliorem eo ornatu esse; quo unum omnium externorum dignum Masinissam populus Romanus ducat.* Laelium deinde, et ipsum conlaudatum, aurea corona donat: et alii militares viri, prout a quoque narrata opera erat, donati. His honoribus mollius regis animus, erectusque in spem propinquam, sublato Syphace, omnis Numidiaepotiundae.

XVI. Scipio, C. Laelio cum Syphace aliisque captivis Romam misso, cum quibus et Masinissae legati profecti sunt, ipse ad Tunesita rursus castra refert, et, quae munimenta inchoaverat, permunit. Carthaginienses, non brevi solum, sed prope vano gaudio, ab satis prospera in praesens obpugnatione classica per-fusi, post famam capti Syphacis, in quo plus prope, quam in Hasdrubale atque exercitu suo ipse reposuerant, perculsi, jam nullo auctore belli ultra audito, oratores ad pacem petendam mittunt triginta seniorum principes. Id erat sanctius apud illos consilium, maximaque ad ipsum senatum regendum vis. Qui ubi in castra Romana et praetorium pervenerunt, more adulantium (adcepto, credo, ritu ex ea regione, ex qua oriundi erant) procubuerunt. Conveniens oratio tam humili adulationi fuit, non culpam purgantium, sed transferentium initium culpae in Hannibalem impotentiaeque ejus fautores. Veniam civitati petebant, civium temeritate his jam ante eversae, incolumi futurae, iterum hostium beneficio. *Imperium ex victis hostibus populum Romanum, non*

non perniciem, petere. *Paratis obediētes servare, quae vellet, imperaret.* Scipio, et venisse ea spe in Africam se, ait; et spem suam prospero belli eventu auctam, victoriam se, non pacem, domum reportaturum esse: tamen, quoniam victoriam prope in manibus habeat, pacem non abnuere; ut omnes gentes sciant, populum Romanum et suscipere iussu belli, et finire. *Leges pacis se haec dicere: Captivos et perfugas et fugitivos restituant: exercitus ex Italia in Gallia deducant; Hispania abstineant: insulæ omnibus, quae inter Italiam et Africam sunt, decedant: nares longas, praeter viginti, omnes tradant; tritici quingenta, hordei trescenta, millia medium.* Pecuniae summam quantam imperaverit, parum convenit. Alibi quinque milia talentum, alibi quinque milia pondo argenti, alibi duplex stipendium militibus imperatoris invenio. *His conditionibus, inquit, si placeat pax, triduum ad consultandum dabitur. Si placuerit, mecum iudicias facite; Romam ad senatum mittere legatos.* Ita dimissi Carthaginenses, nullas recusandas condiciones pacis, quum censuissent, (quippe qui moram temporis quaererent, dum Hannibal in Africam trajiceret) legatos alios ad Scipionem, ut iudicias facerent, alios Romam ad pacem petendam mittunt, ducentes paucos in speciem captivos perfugasque et fugitivos, quo intractabilior pax esset.

XVII. Multis ante diebus Laelius cum Syphace primoribusque Numidarum captivis Romam venit, quaeque in Africa gesta essent, omnia exposuit ordine Patribus, ingenti omnium et in praesens laetitia, et in futurum spe. Consulti inde Patres regem in custodiam Albam mittendum censuerunt; Laelium retinendum, donec

lium induxisset. Ad quorum stridorem odoremque et adspectum territi equi vanum equestre auxilium fecerunt: et ut permixtus, ubi cuspide uti et cominus gladio posset, roboris majoris Romanus eques erat, ita in ablatus paventibus procuti equis melius ex intervallo Numidae jaculabantur. Simul et peditum legio duodecima, magna ex parte caesa, pudore magis, quam viribus, tenebat locum; nec diutius tenuisset, ni ex subsidis tertiadecima legio, in primam aciem inducta, proelium duellum excepisset. Mago quoque ex subsidiis Galus integrae legioni obposuit. Quibus haud magno certamine fuis, hastati legionis undecimae conglobant sese, atque elephantos jam peditum aciem turbantes invadunt. In quos quum pila confectos coniecerent, nullo ferme frustra emisso, omnes retro in aciem suorum averterunt: quatuor gravati vulneribus concurrerunt. Tam prima commota hostium acies: simul omnibus peditibus, ut aversos videre elephantos, ad augendum pavorem ac tumultum effusis, sed donec stetit ante signa Mago, gradum sensim referentes ordines tenorem pugnae fervebant; postquam semine transfixo cadentem, auferrique ex proelio prope exsanguem videre, extemplo in fugam omnes versi. Ad quinque millia hostium eo die caesa, et signa militaria duo et viginti capta. Nec Romanis interuentia victoria fuit: duo millia et trecenti de exercitu praetoris, pars multa maxima ex legione duodecima, amissi. Inde et tribuni militum duo: M. Cosconius et M. Maenius; tertiae decimae quoque legionis, quae postremo proelio adfuerat, Cn. Helvius tribunus militum in restituenda pugna cecidit, et duo et viginti ferme equites illustres, obtriti ab elephantis, cum centurionibus aliquot perierunt.

tribum: et longius certamen fuisset; ni vulnere duois concessa victoria esset.

XIX. Mago, proximae noctis silentio profectus, quantum pati viae per vulnus poterat, itineribus extentis, ad mare in Ligures Ingaunos pervenit. Ibi eum legati ab Carthagine, paucis ante diebus in sinum Gallicum adpulsis navibus, adierunt; jubentes, primo quoque tempore in Africam trajicere. Idem et fratrem ejus Hannibalem (nam ad eum quodque ipse legatos eadem jubentes) facturum. Non tu eo esse Carthaginensium res, ut Galliam atque Italiam armis obtineant. Mago, non imperio modo senatus periculoque patriae motus, sed metuens etiam, ne victor hostis moranti instaret, Liguresque ipsi, relinqui Italiam a Poenis cernentes, ad eos, quorum mori in potestate futuri essent, deficerent, simul sperans leniorem in navigatione, quam in via, iactationem vulneris fore, et curationi omnia commodiora, inpositis copiis in naves profectus, vixitum superata Sardinia, ex vulnere moriturus naves quoque aliquot Poenorum disjectas in alto a classe Romana, quae circa Sardiniam erat, capiuntur. Haec terra marique in parte Italiae, quae jacet ad Alpes, gesta. Consul C. Servilius, nulla memorabili re in provincia Eteuria et Gallia (quoniam eo quoque processerat) gesta, patre C. Servilio et C. Lutatio ex servitute post sextum decimum annum receptis, qui ad vicum Tanetum a Bojis capti fuerant, hinc patre, hinc Catule lateri circumdatis, privato magis, quam publico decore insignis, Romam rediit. Latuit ad populam est, ne C. Servilio fraudi esset, quod patre, qui sella curuli sedisset, vivo; quum id ignoraret, tribunus plebis atque aedilis plebis fuisset, contra quam sanctum legibus erat. Haec

T. Liv. P. II.

XX

roga-

rogatione perlata, in provinciam rediit. Ad On. Servilium consulem, qui in Brutiis erat, Consentia, Vifugum, Vergae, Besidia, Hetriculum, Syphcum, Argentanum, Clamperia, multique alii ignobiles populi, senescere Punicum bellum cernentes, defecere. Idem consul cum Hannibale in agro Crotoniensi acie conflictit. Obscura ejus pugnae fama est. Valerius Antias quinque millia hostium caesa ait. Quae tanta res est, ut aut impudenter ficta sit, aut neglegenter praetermissa. Nihil certe ultra rei in Italia ab Hannibale gestum. Nam ad eum quoque legati ab Carthagine, vocantes in Africam, iis forte diebus, quibus ad Magonem, venerunt.

XX. Frendens gemensque ac vix lacrymis, temperans dicitur legatorum verba audisse. Postquam edita sunt mandata, *Jam non perplexe, inquit, sed palam revocant, qui, vetando supplementum et pecuniam mitti, jam pridem retrahant.* Vicit ergo Hannibalem non populus Romanus totius caesus fugatusque, sed senatus Carthaginensis obtreptione atque invidia. Neque hae deformitate reditus mei tam P. Scipio exsultabit atque afferet sese, quam Hanno, qui domum nostram, quando alia re non potuit, ruina Carthaginis oppressit. Jam hoc ipsum praeflagiens, animo praeparaverat ante naves. Itaque, inutili militum turba praesidii specie in oppida Bruttii agri, quae pauca magis metu, quam fide, continebantur, dimissa, quod roboria in exercitu erat, in Africam transvexit; multis Italici generis (quia in Africam sequuturos abnuentes concesserant in Junonis Lacinae delubrum, inviolatum ad eam diem) in templo ipso foede interfectis. Raro quemquam alium, patriam exilii causa relinquentem, magis moestum abisse ferunt, quam

quam Hannibalem hostium terra excedentem, respexisse saepe Italiae litora, et Deos homineque adculantem, in se quoque ac suum ipsius caput execratum, Quod non cruentum ad Cannensi victoria militem Romam duxisset. Scipionem ira ad Carthaginem ausum, qui consul hostem in Italia Paenum non vidisset, Sa, centum millibus armatorum ad Trasimenum et Cannas caesis, circa Casilinum Cumasque et Nolam conspexisse. Haec adculans querensque ex diutina possessione Italiae est detractus.

XXI. Romam per eosdem dies, et Magonem et Hannibalem profectos, adlatum est. Cujus duplicis gratulationis inquit laetitia, et quod parum duces in retinendis iis (quum id mandatum ab senatu esset) aut animi, aut virium habuisse videbantur, et quod solliciti erant, omni belli mole in unum ducem exercitumque inclinata, quo evasura esset res. Per eosdem dies legati Saguntini venerunt, comprehensos cum pecunia adducentes Carthaginenses, qui ad conducenda auxilia in Hispaniam trajecissent. Ducentum et quinquaginta auri, octingentum pondo argenti in vestibulo curiae posuerunt. Hominibus adceptis et in carcerem conditis, auro argentoque reddito, gratiae legalis actae, atque insuper munera data ac naves, quibus in Hispaniam revertentur. Mentio deinde ab senioribus facta est, Segnius homines bona, quam mala, sentire. Transitu in Italiam Hannibalis quantum terroris pavorisque, sese meminisse, quas deinde clades, quos luctus incidisse? Visa castra hostium a muris Urbis: quae vota singulorum universorumque fuisse? quoties in conciliis voces manus ad coelum porrigentium auditas: En umquam ille dies futurus esset, quo vacuam hostibus Italiam bona pace florentem visuri essent? Dedis-

se tandem id Deos sextodecimo demum anno; nec esse, qui Diis grates agendas censeant. Adeo ne advenientem quidem gratiam homines benignè accipere, nesciunt ut praeteritae satis memores sint. Conclamatum deinde ex omni parte curiae est, uti referret P. Aelius praetor; decretumque, ut quinque dies circa omnia pulvinaria supplicaretur, victimaeque maiores immolarentur centum viginti. Jam dimisso Laelio legatisque Massiniae, quam Carthaginensium legatos de pace ad senatum venientes Puteolis viros, inde terra venturos adlatum esset; revocari C. Laelium placuit, ut coram eo de pace ageretur. Q. Fulvius Gellio, legatus Scipionis, Carthaginenses Romam adduxit; quibus, vetitis ingredi Urbem, hospitium in villa publica, senatus ad aedem Bellonae datus est.

XXII. Orationem eandem ferme, quam apud Scipionem, habuerunt; culpam omnem belli a publico consilio in Hannibalem vertentes. Eum in iussu senatus non Alpes modo, sed Iberum quoque, transgressum: nec Romanis solum, sed ante etiam Saguntinis, privato consilio bellum intulisse. Senatui ac populo Carthaginensi, si quis verè aestimet, fœdus ad eam diem inviolatum esse cum Romanis. Itaque nihil aliud sibi mandatum esse, uti peterent, quam ut in ea pace, quae postremo cum consule Lutatius facta esset, manere liceret. Quum, more tradito, Patribus potestatem interrogandi, si quis quid vellet, legatos, praetor fecisset, senioresque, qui foederibus interfuerant, alia alii interrogarent, nec meminisse per aetatem (etenim omnes ferme juvenes erant) dicerent legati; conclamatum ex omni parte curiae est, Punica fraude electos, qui veterem pacem repeterent, cujus ipsi non meminissent.

XXIII.

XXIII. Emotis deinde curia legatis, sententiae interrogari coeptae. M. Livius, C. Servilius consulens, qui propior esset, arcessendum, ut coram ea de pace ageretur, cepebat. Quum de re maiore, quam quanta ea esset, consultatio incidere non posset, non videri sibi, absente consulum altero ambobusque, eam rem agi, satis ex dignitate populi Romani esse. Q. Metellus, qui triennio ante consul dictus torques fuerat; Quum P. Scipio, caedendo exercitus, agros populando, in eam necessitatem compulisset hostes, ut subplicis pacem peterent, et nemo omnium verius existimare posset, quam menta ea pax peteretur, quam is, qui ante mortem Carthaginis bellum gereret; nullius alterius consilio, quam Scipionis, accipien dam abnuendamque pacem esse. M. Valerius Laevinus, qui his consul fuerat, Speculatores, non legatos, vanisse, arguebat, jubendosque Italiae excedere, et custodes cum iis usque ad naves mittendos; Scipionique scribendum, ne bellum remitteret; Laelius Fulviusque adjecerunt: Et Scipionem in eo positam habuisse spem pacis, si Hannibal et Mago ex Italia non revocarentur. Omnia similituras Carthaginenses, duces eos exercitusque expectantes. Deinde, quumvis recentium foederum et Deorum omnium oblitus, bellum gesturos. Eo magis in Laevini sententiam discessum. Legati pace infecta ac prope sine responsa dimissi.

XXIV. Per eos dies Cn. Servilius consul, haud dubius, quia pacatae Italiae pensae gloria esset, velut pulsus ab se Hannibalem persequens, in Siciliam, inde in Africam transiturus, trajecit. Quod ubi Romae vulgatum est, primo consueverunt Patres, ut praetor scriberet consuli, senatum aequum equifera, in Italiam reverti eum; deinde, quum

praetor; foreturum cum literas suas, diceret, dictator ad id ipsum creatus P. Sulpicius; pro jure majoris imperii, consulem in Italiam revocavit; reliquum anni, cum M. Servilio magistro equitum, circummeundis Italiae urbibus, quae bello alienatae fuerant, noscendisque singularum causis consumpsit. Per induciarum tempus et ex Sardinia ab Lentulo praetore centum onerariae naves, cum comineatu et viginti rostratarum praesidio, et ab hoste, et ab tempestatibus mari tuto, in Africam transmiserunt. Cn. Octavio ducentis onerariis, triginta longis navibus ex Sicilia trajicienti, non eadem fortuna fuit. In conspectum ferme Africae prospero cursu vectum primo destituit ventus; deinde versus in Africum turbavit ac passim naves disiecit. Ipse cum rostratis, per adversos fluctus ingenti remigum labore chesus, Apollinis promontorium tenuit. Onerariae, pars maxima ad Aegimurum, (insula ea situm ab alto claudit, in quo sita Carthago est, triginta ferme millia ab urbe) aliae adversus urbem ipsam ad Calidas Aquas delatae sunt. Omnia in conspectu Carthaginis erant. Itaque ex tota urbe in forum concursus est. Magistratus senatum vocare; populus in curiae vestibulo fremere, ne tanta ex oculis manibusque amitteretur praeda. Quum quidam pacis petita, alii induciarum (necdum enim dies exierat) fidem obponerent, permixto paene senatus populique concilio, consensus est, ut classe quinquaginta navium Hasdrubal Aegimurum trajiceret; inde per litora portusque dispersas Romanas naves conligeret. Desertae fuga nautarum, primum ab Aegimure, dein ab Aquis onerariae Carthaginem puppibus tractae sunt.

XXV. Nondum reverterant ab Roma legati, neque sciebatur, quae sententia esset; necdum induciarum dies exierat: eo indigniorem injuriam ratus Scipio, ab illis, qui petissent pacem et inducias, et spem pacis et fidem induciarum violatam esse, legatos Carthaginem, L. Baebium, L. Sergium, L. Fabium extemplo misit. Qui quum multitudinis concursu prope violati essent, nec reditum tutiorem cererent futurum, petierunt a magistratibus, quorum auxilio vis prohibita erat, ut naves mitterent, quae se prosequerentur. Datae triremes duae, quum ad Bagradam flumen pervenissent, unde castra Romana conspiciebantur, Carthaginem rediere. Classis Punica ad utricam stationem habebat. Ex ea tres quadriemes, seu clam misso a Carthagine nuntio, uti fieret, seu Hasdrubale, qui classi praeerat, in publica fraude auso facinus, quinquevenem Romanam superantem promontorium ex alto repente adgressae sunt. Sed neque rostris celeritate subterlabentem poterant, neque transilire armati ex humilioribus in altioris navem: et defendebatur egregie, quoad ela subpeditarunt. Quis deficientibus, quum nulla alia res eam, quam propinquitas errae multitudoque a castris in latus effusa, veri potuisset; concitatam remis, quanto maximo impetu poterant, in terram quum immisissent, navis tantum jactura facta, incolumes ipsi evaserunt. Ita alio super aliud scelere cum haud dubie induciae ruptae essent, Laelius Fulviusque ab Roma cum legatis Carthaginensibus supervenerant. Quibus Scipio, *Et si non induciarum modo fides a Carthaginensibus, sed huius etiam gentium in legatis violatum esset; tamen se nihil, nec instituti populi Ro-*

mei, nec suis moribus indignum, in illi factum esse, quum dixisset, legatis dimissis, bellum parabat. Hannibali jam terrae adpropinquanti iussus e nauticis descendere in malam, ut specularetur, quam tenerent regionem, quum dixisset, sepulcrum dirutum proram spectare, abominatus, praetervehi iussu gubernatore, ad Leptim adpulit classem, atque ibi copias exposuit.

XXVI. Haec eo anno in Africa gesta. Insequentia excedunt in eum annum, quo M. Servilius Geminus, qui tum magister equitum erat, et Ti. Claudius Nero consules facti sunt. Ceterum exita superioris anni quum legati foedarum urbium ex Graecia quesi essent, vastatos agros ab regis praesidiis, profectosque in Maepdoniam legatos ad res repetendas non admissos ad Philippum regem; simul nuntiascent, quatuor millia militum cum Sopatro duce trajecta in Africam duci, ut essent Carthaginiensibus praesidio, et pecuniae aliquantum una missum: legatos ad regem, qui haec adversus foedus facta videri Patribus nuntiarent, mittendos censuit senatus. Missi C. Terentius Varro, C. Mamilius, M. Aurelius. Iis tres quinquereemes datae. Annus insignis incendio ingenti, quo clivus Publicius ad solum exustus est, et aquarum magnitudine: sed annonae vilitas fuit, praeterquam quod pace omnis Italia erat aperta, etiam quod magnam vim frumenti, ex Hispania missam, M. Valerius Falto et M. Fabius Buteo aediles quaternis aeris viciatim populo descripserunt. Eodem anno Q. Fabius Maximus moritur, exactae aetatis; siquidem verum est, augurem duos et sexaginta annos fuisse, quod quidam auctores sunt. Vir certe fuit dignus tanto cognomine, vel si novam ab eo inciperet. Superavit

avit paternos honores, avitos acquisivit. Pluribus victoriis et majoribus proeliis, avus insignis Rullus; sed omnia aequare nunc hostis Hannibal potest. Cautior tamen, quam promtor, hic habitus fuit: et sunt dubites, utrum ingenio cunctator fuerit, an quia ita bello propriis, quod tum gerebatur, aptum erat. Sic nihil certius est, quam unum hominem nobis cunctando rem restituisse, sicut Ennius ait. Augur in locum ejus inauguratus Q. Fabius Maximus, filius: in ejusdem locum pontifex (nam duq sacerdotia habuit) Ser. Sulpicius Galba. Ludi Romani diem unum, plebes inter toti instaurati ab aedilibus, M. Sextio Sabinio et Cn. Tremellio Flacco. Ii ambo praetores electi, et cum iis C. Livius Salinator et C. Aurelius Cotta. Comititia ejus anni utrum C. Serrilius consul habuerit, an (quia cum res in Etruria tenuerint, quaestiones ex senatus consulto de conjurationibus principum habentem) dictator ab eo dictus P. Sulpicius, incertum est, diversi auctores faciunt.

XXVII. Principio insequentis anni M. Servilius et Ti. Claudius, senatu in Capitolium vocato, de provinciis retulerunt. Italiam atque Africam in sortem conjici, Africam amovendo cupientes, volebant. Ceterum, Q. Metellus maxime adnitente, neque data, neque negata est Africa. Consules jussi cum tribunis plebis agere, tamen, si iis videretur, populum rogarent, quem vellet in Africa bellum gerere. Omnes tribus Scipionem jusserunt. Nihilominus consules provinciam Africam (ita enim senatus decreverat) in sortem conjecerunt. Ti. Claudius Africa evenit, ut quinquaginta navium classem, omnes quinquaginta in Africam trajiceret, parique imperio cum Scipione imperator esset. M. Servilius Etruriam sortitus. In

eodem provincia et C. Servilio prorogatum imperium, si consulem manere ad Urbem letatum placuisset. Praetores, M. Sextius Gallum obsecravit, ut duas legiones provinciamque traderet ei P. Quinctilius Varus; C. Livius Bruttius cum duabus legionibus, quibus P. Sempronius proconsul prioris anno praefuerat; Cn. Tremellius Siciliam, ut ab P. Villio Tappulo praetore prioris anni provinciam et duas legiones acciperet; Villius propraetor viginti navibus longis, militibus mille, oram Siciliae tutaretur: inde M. Pomponius viginti navibus reliquis mille et quingentos milites Romam deportaret. C. Aurelio Cottae urbana evenit. Ceteris, ita uti quisque obtinebant provincias exercitusque, prorogata imperia. Sexdecim non amplius eo anno legionibus defensum imperium est. Et ut placatis Diis omnia inciperent agerentque, ludos, quos, M. Claudio Marcello, T. Quinctio consulibus, P. Manlius dictator, quasque hostias majores voverat, si per quinquennium illud res publica eodem statu fuisset, ut eos ludos consules, prius quam ad bellum proficiscerentur, facerent. Ludi in circo per quatrimum facti; hostiaeque, quibus votae erant Diis, caesae.

XXVIII. Inter haec simul spes, simul cura in dies crescebat, nec satis certum constare apud animum poterat, utrum gaudio dignum esset, Hannibalem, post sextumdecimum annum ex Italia decedentem, vacuum possessionem ejus reliquisse populo Romano, an magis metuendum, quod incolumi exercitu in Africam transisset. Locum nimirum, non periculum, mutatam, cujus tantae dimicationis votum, qui nuper decessisset, Q. Fabium non frustra citare solent, graviorem in sua terra futurum ho-

system Hannibalem, quam in aliena fuisset,
 Nec Scipioni aut cum Syphace, inconditae pa-
 rariae rege, cui Scatorius semilina ducere exer-
 citus solitus sit; aut cum sacro ejus, Hasdruba-
 e, fugacissimo duce, rem futuram, aut tumuli
 ueris exercitibus, ex agrestium semietni turba
 ubito conlectis; sed cum Hannibale, prope tri-
 o in praetorio patris fortissimi ducis, alito at-
 ue educto inter arma, puero quondam milite,
 iudum juvene imperatore, qui senex vincendo
 actus, Hispanias, Gallias, Italiam ab Alpibus
 ad fretum monumentis ingentium rerum comple-
 et; ducere exercitum aequalem stipendiis suis,
 curatum omnium rerum patientia, quas vix fa-
 ces fiat homines passos; perfusum millies cruore
 Romano; exuvias non militum tantum, sed eti-
 am imperatorum, portantem. Multos obcur-
 sos Scipioni in acie, qui praetores, qui impera-
 tores, qui consules Romanos sua manu occidis-
 sent, muralibus vallaribusque insignes coronis,
 servagatos capta castra, captas urbes Roma-
 nas. Non esse hodie tot fasces magistratibus
 populi Romani, quot captos ex caede impera-
 torum praeferre posset Hannibal. Has formi-
 nes agitando animis ipsi curas et metus au-
 ebant etiam; quod, quam adsuessent per ali-
 quot annos bellum ante oculos aliis atque aliis
 Italiae partibus lenta spe, in nullum pro-
 inquam debellandi finem gerere, crexerant
 omnium animos Scipio et Hannibal, velut ad
 supremum certamen comparati duces. Ii quo-
 ue, quibus ingens erat in Scipione fiducia et
 ictoriae spes, quo magis in propinquam eam
 iminebant animis, eo curae intentioris erant,
 laud dispar habitus animorum Carthaginien-
 bus erat; quos modo petisse pacem, intuen-
 s Hannibalem ac rerum gestarum ejus mag-
 itudinem, poenitebat; modo, quam respi-
 cerent,

cerent, his sese acie victos, Syphacem captum, pullos se Hispania; pullos Italia, atque ea omnia unius virtute et consilio Scipionis facta, velut fatalem eum ducem in exitum suum natum horrebant.

XXIX. Jam Adrumetum venerat Hannibal; unde, ad reficiendum ex jactatione maritima militem paucis diebus sumtis, excitus pavidis nuntiis, omnia circa Carthaginem obtineri armis, adferentium, magna itineribus Zamam contendit. Zama quinquae dierum iter ab Carthagine abest. Inde praemissi speculatores quum excepti a custodibus Romanis deducti ad Scipionem essent, traditos eos tribunis militum, iustosque omisso metu visere omnia, per castra, qua vellent, circumduci iussit; percunctatusque, satim per commodum omnia explorassent, datis, qui prosequerentur, retro ad Hannibalem dimisit. Hannibal nihil quidem eorum, quae nuntiabantur, (nam et Masinissam cum sex millibus pedum, quatuor equitum venisse eo ipso forte die, adferebant) laeto animo audiit, maxime hostis fiducia, quae non de nihilo profecto concepta est, percussus. Itaque, quamquam et ipse causa belli erat, et adventu suo turbaverat et pactas inducias, et spem foederum; tamen, si integer, quam si victus, peteret pacem, aequi quae impetrari posse ratus, nuntium ad Scipionem misit, ut colloquendi secum potestatem faceret. Id utrum sua sponte faceret, an publico consilio, neutrum cur adfirmem, habeo. Valerius Antias, primo proelio victum eum a Scipione, quo duodecim millia armatarum in acie sunt caesa, mille et septingenti capti, legatum cum alijs decem legatis tradit in castra ad Scipionem venisse. Ceterum Scipio quum colloquium hand abnuisset, ante, quam compo-

site

fito duces castra protulerunt, ut eoque ex propinquo posset. Scipio haud procul Naragara urbe, tam ad cetera loco obportuno, tam quod aquatio intra teli coniectum erat, donā fedit. Hannibal tumultum à quatuor millibus inde, tutum omninoque alioquin, nisi quod longinquae aquationis erat, cepit. Ibi in medio locus conspectus undique, ne quid infidiarum esset, detectus.

XXX. Submutis pari spatio armatis, cum singulis interpretibus congressi sunt non sine modo aetatis maximi duces, sed omnis ante se memoriae, omnium gentium cuiusque rerum imperatorumve pares. Paulisper alios alterius conspectu, admiratione multa prope adtoniti, conticere. Tum Hannibal prior. Si hoc ita fato datum erat, ut, qui primum bellum intuli populo Romano, quique totius praepae in manibus victoriam habui, is ultra ad pacem petendam venirem; lactor te mihi sorte perissimum datum, a quo peterem. Tibi quoque inter multa egregia non in ultimis laudum loca fuerit, Hannibalem, cui tot de Romanis ducebus victoriam Diī dedissent, tibi cessisse; teque huic bello, vestris prius, quam nostris, obediens insigni, suum imposuisse. Hoc quoque ludibrium casus ediderit fortuna, ut, quum patre tuo consule ceperim arma, cum eodem primum Romano imperatore signa contulerim, ad filium, quae inermes ad pacem petendam veniam. Optimum quidem fuerat, eum patribus nostris mentem datam ab Diis esse, ut et vos Italiae, et nos Africae imperio contenti essemus: neque enim ne vobis quidem Sicilia ac Sardinia satis digna praetia sunt pro tot classibus, tot exercitiis, tot tam egregiis amissis ducebus. Sed praeterea magis reprehendi possunt, quam corrigi. Ita aliena adpetivimus, ut de nostris dimicaremus, nec

mus, quia omnia, propter quae bellum initum est, vestra sint, Sicilia, Sardinia, Hispania, quidquid insularum toto inter Africam Italiamque continetur mari. Carthaginenses, inclusi Africae litoribus, vos (quando ita Deis placuit) externa etiam terra marique videmus regentes imperia. Haec negaverim, propter non nimis sincere petitam aut expectatam nuper pacem, suspectam esse vobis Punicam fidem. Multum, per quos poëta fit, ad fidem tuendam pacis pertinuit, Scipio. Vestri quoque (ex audio) Patres nonnihil etiam ob hoc, quia parum dignitatis in legatione erat, negaverunt pacem. Hannibal peto pacem; qui neque petere, nisi utilem crederem, et propter eandem utilitatem tuebor eam, propter quam petii; et quemadmodum, quia a me bellum coeptum est, ne quem ejus poeniteret, quod ipsi incidere Dei, praestiti; ita admitte, ne quem pacis per me pariter poeniteat.

XXXI. Adversus haec imperator Romanus in hanc fere sententiam respondit. Non me fallebat, Hannibal, adventus tui spe Carthaginenses et praesentem induciarum fidem, et spem pacis turbasse: neque tu id sana dissimulas qui de conditionibus superioribus pacis omnia subtrahas, praeter ea, quae jam pridem in nostra potestate sunt. Ceterum sicut tibi curae est, sentire cives tuos, quanto per te onere levatur; sic mihi laborandum est, ne, quae tunc popigerunt, hodie subtracta ex conditionibus pacis, praemia perfidiae habeant. Indigni, quibus eadem pateat conditio, ut etiam profut vobis fraus, petitis. Neque patres nostri priores de Sicilia, neque nos de Hispania fecimus bellum. Et tunc Mamertinorum sociorum periculum, et nunc Sagunti excidium nobis pia ac iusta induerunt arma. Vos laceffisse, et tu ipse fate-

fateris, et Dei testes sunt, qui et illius belli exitum secundum jus fasque dederunt, et hujus dant et dabunt. Quod ad me adinet, et humane infirmitatis memini, et vim fortunae reputo, et omnia, quaecumque agimus, subjecta esse mille casibus solo. Ceterum, quemadmodum superbe et violenter me faterer facere, si prius, quam in Africam trajecissem, te tua voluntate cedentem Italia, et, inposito in naves exercitu, ipsum venientem ad pacem petendane adspiciarer; sic nunc, quum prope manu conferta resistentem ac tergiversantem in Africam attraxerim, nulla sum tibi verocundia obstrictus. Proinde si quid ad ea, in quae tum pacis conventura videbatur, quae sit mulcta navium cum comaeatu per inducias expugnatarum legatorumque violatorum, adjicitur; est, quod referam ad consilium. Sin illa quoque gravia videntur, bellum parate, quoniam pacem pati non potuistis. Ita infecta pace ex colloquio ad suos quum se redierissent, frustra verba jactata renuntiant. Armis decernendum esse, habendamque eam fortunam, quam Dii dedissent.

XXXII. In castra ut est ventum, pronuntiant ambo, Arma expedirent milites animosque ad supremum certamen; non in unum diem sed in perpetuum; si felicitas adesset, victores. Roma, an Carthago, jura gentibus darent, ante crastinam noctem scituros. Neque enim Africam, aut Italiam, sed orbem terrarum victoriae praemium fore; par periculum praemio, quibus adversae pugnae fortuna fuisset. Nam neque Romanis effugium ullum patebat in aliena ignotaque terra; et Carthagini, supremo auxilio effuso, adesse videbatur praesens excidium. Ad hoc discrimen procedunt postero die duorum opulentissimorum populorum duo-

longe clarissimi duces, duo fortissimi exercitus, multa ante parata decora aut cumulaturo eo die, aut eversum. Anceps igitur spes et metus miscebant animos; contemplantibusque modo suam, modo hostium aciem, quum oculis magis, quam ratione, pensarent vires, simul laeta, simul tristitia obversabantur. Quae ipsi sua sponte non subcurrerant, ea duces admonendo atque hortando subjiciunt. Poenus sedecim annorum in terra Italia res gestas, tot duces Romanos, tot exercitus occisione occisos, et sua cuique decora, ubi ad insignem alicujus pugnae memoria militem venerat, referebat. Scipio Hispanias et recentia in Africa proelia et confessionem hostium, quod neque non petere pacem propter metum, neque manere in ea praeco insita animis perfidia potuissent. Ad hoc, colloquium Hannibalis in secreto habitum ac liberum fingenti, quae velit, flectit. Ominatur, quibus quondam auspiciis patres eorum pugnaverint ad Aegates insulas, ea illis exeuntibus in aciem portendisse Deos, *Adesse finem belli ac laboris. In manibus esse praedam Carthaginis, reditum domum in patriam, ad parentes: liberos, conjuges Penatesque Deos.* Celsus haec corpore vultuque ita laeto, ut vicisse jam crederes, dicebat. Instruit deinde primos hastatos, post eos principes, triariis postremam aciem clausit.

XXXIII. Non contentas autem cohortes ante sua quamque signa instruebat, sed manipulos aliquantum inter se distantes, ut esset spatium, quo elephanti hostium adcepti nihil ordines turbarent. Laelium (cujus ante legati, eo anno quaestoris extra sortem ex senatus consulto opera utebatur) cum Italico equitatu ab sinistro cornu, Masinissam Numidasque ab dextro opposuit. Vias patentes inter manipulos antesigna-

signandorum velutibus (ea tunc levis armatura erat) complevit; dato praecepto, ut ad impetum elephantorū aut post rectos refugerent ordines, aut, in dextram laevamque discursu adplicantes se antesignanis, viam, qua intrarent in ancipitia tela, belluis darent Hannibal ad terrorem primum elephantos (octoginta autem erant, quot nulla umquam in acie ante habuerat) instruxit deinde auxilia Ligurum Gallorumque, Biliaribus Maurisque admixtis; in secunda acie Carthaginienſes Afrosque et Macedonum legionem; modico inde intervallo relicto, ſubſidiariam aciem Italico-rum militum (Bruttii plerique erant, vi ac neceſſitate plures, quam ſua voluntate, decedentem ex Italia ſequuti) instruxit. Equitatum etiam ipſum circumdedit cornibus; dextrum Carthaginienſes, ſiniſtrum Numidae tenuerunt. Varia adhortatio erat in exercitu inter tot homines, quibus non lingua, non mos, non lex, non arma, non veſtitus habitusque, non cauſa militandi eadem eſſet. Auxiliaribus et praefens, et multiplicata merces ex praeda oſtentatur. Galli proprio atque inſitio in Romanos odio accenduntur. Liguribus campi aberes Italiae, deductis ex aſperrimis montibus, in ſpem victoriae oſtentantur. Mauros Numidasque Maſiniſſae inpotenti futuro dominatu terret. Aliis aliae ſpes ac metus jactantur. Carthaginienſibus moenia patriae, Dii Penates, ſepulcra maiorem, liberi cum parentibus, conjuges pavidae, aut excidium ſervitiumque, aut imperium orbis terrarum, nihil aut in metum, aut in ſpem medium oſtentatur. Quum maxime haec imperator apud Carthaginienſes, duces ſuarum gentium inter populares, plerique per interpretes inter inmixtos alienigenis, agerent, tubae cornuaque ab Romanis

peremerunt; tantusque clamor ortus, elephantum in suos, sinistro maxime cornu, verterentur. Mauros ac Numidas. Addidit facile Massinissa percussis terrorem, nudavitque ab ea parte aciem equestri auxilio. Paucae tamen bestiarum, intrépidae in hostem actae, inter velutum ordines, cum multis suis vulneribus ingentem stragem adebant. Resilientes enim ad manipulos velites, quum viam elephantis, ne obtererentur, fecissent, in ancipites ad ictum utrimque conjiciebant hastas; nec pila ab antesignanis cessabant; donec undique incidentibus telis exacti ex Romana acie, hi quoque in suo dextro cornu ipsos Carthaginensium equites in fugam verterunt. Laelius, ut turbatos vidit hostes, addit percussis terrorem.

XXXIV. Vtrunque equite nudata erat Punica acies, quam pedes concurrat, nec spe, nec viribus jam par. Ad hoc dictu parva, sed magni eadem in re gerenda momenti res, congruens clamor a Romanis, eoque major et terribilior; dissonae illis, ut gentium multarum discrepantibus linguis, voces, pugna Romana stabilis, et suo et armorum pondere incumbentium in hostem: concursatio et velocitas illinc major, quam vis. Igitur primo impetu extemplo movere loco hostium aciem Romani. Ala deinde et umbonibus pulsantes, in submotos gradu inlato, aliquantum spatii, velut nullo resistente, incessere; urguntibus et novissimis primos, ut semel motam aciem sentire; quod ipsum vim magnam ad pellen-dum hostem addebat. Apud hostes, auxiliares cedentes secunda acies, Afri et Carthaginenses, adeo non sustinebant, ut contra etiam, ne resistentes pertinaciter primos caedendo ad se perveniret hostis, pedem referrent. Igitur auxiliares terga dant repente, et, in suos ver-

fi,

si, partim refugere in secundam aciem, partim non recipientes cadere, uti paullo ante non adjuvi, et tunc exclusi. Et prope duo jam permixta proelia erant, quum Carthaginienses simul cum hostibus, simul cum suis cogerentur conserere manus. Non tamen ita percussos iatosque in aciem adceperes; sed, densatis ordinibus, in cornua vacuumque circa campum extra proelium eiecere, ne pavido fuga vulneribusque milites sinceram et integram aciem miscerent. Ceterum tanta strages hominum armorumque locum, in quo steterant paullo ante auxiliaries, compleverat, ut prope difficilior transitus esset, quam per confertos hostes fuerat. Itaque, qui primi erant, hastati, per cumulos corporum armorumque et tabem sanguinis, qua quisque poterat, sequentes hostem, et signa et ordines confuderunt. Principum quoque signa fluctuari coeperant vagam ante se cernendo aciem. Quod Scipio ubi vidit, receptui propere canere hastatis iussit, et, faucibus in postremam aciem subductis, principes triariosque in cornua inducit; quo tutior firmiorque media hastatorum acies esset. Ita novum de integro proelium ortum est: quippe ad veros hostes perventum erat, et armorum genere, et usu militiae, et fama rerum gestarum, et magnitudine vel spei vel periculi pares. Sed et numero Romanus superior erat, et animo; quod iam equites, iam elephantos fuderat, jam, prima acie pulsa, in secundam pugnabat.

XXXV. In tempore Laelius ac Masinissa, pulsos per aliquantum spatii sequuti equites, revertentes in averfam hostium aciem incur-rere. Is demum equitum inpetus fudit hostem. Multi circumventi in acie caesi; multi per patentem circa campum fuga sparsi, ten-

nente omnia equitatu, passim interierunt. Carthaginiensium sociorumque caesa eo die supra millia viginti: par ferme numerus captus est, cum signis militaribus centum triginta tribus, elephantis undecim. Victores ad duo millia cecidere. Hannibal, cum paucis equitibus inter tumultum elapsus, Adrumetum perfugit; omnia et in proelio, et ante aciem, prius quam excederet pugna, expertus, et confessione etiam Scipionis omniumque peritorum militiae illam laudem adeptus, singulari arte aciem eo die instruxisse. Elephantos in prima fronte; quorum fortuitus impetus atque intolerabilis vis signa sequi et servare ordines (in quo plurimum spei ponerent) Romanos prohiberet. Deinde auxiliares ante Carthaginiensium aciem, ne homines mixti ex conluviione omnium gentium, quos non fides teneret, sed merces, liberum receptum fugae haberent; simul primum ardorem atque impetum hostium excipientes [fatigarent, ac, si nihil aliud,] vulneribus suis ferrum hostile hebetarent. Tum, ubi omnis spes esset, milites Carthaginienses Afrosque, ut, omnibus rebus aliis pares, eo, quod integri cum fessis ac sauciis pugnarent, superiores essent: Italicos, intervallo quoque diremtos, incertos socii an hostes essent, in postremam aciem submotos. Hoc edito velut ultimo virtutis opere, Hannibal, quum Adrumetum refugisset, aditusque inde Carthaginem sexto ac trigésimo post anno, quam puer inde profectus erat, redisset, factus in curia est, non proelio modo se, sed bello victum, nec spem salutis alibi, quam in pace inpetranda esse.

XXXVI. Scipio, confestim a proelio expugnatis hostium castris direptisque, cum ingenti praeda ad mare ac naves rediit; nuntio
adla-

adlato, P. Lentulum cum quinquaginta rostratis, centum onerariis, cum omni genere com-
meatis, ad Vticam adcessisse. Admoventum
igitur undique terrorem percussae Carthagini
ratus, misso Laelior Romam cum victoriae
nuntio, Cn. Octavium terrestri itinere ducere
legiones Carthaginem jubet: ipse, ad suam ve-
terem nova Lentuli classe adjuncta, profe-
ctus ab Vtica portum Carthaginis petit. Haud
procul aberat, quum velata infulis ramisque
oleae Carthaginensium obcurrit navis. De-
cem legati erant principes civitatis, auctore
Hannibale missi ad petendam pacem. Qui
quum ad puppim praetoriae navis adcessissent,
velamenta subplicum porrigentes, orantes in-
plorantesque fidem et misericordiam Scipio-
nis, nullum his aliud responsum datum, quam
ut Tunetem venirent: eo se moturum castra.
Ipse ab contemplato situ Carthaginis, non tam
noscedi in praesentia, quam deprimendi ho-
stis causa, Vticam, eodem et Octavio revo-
cato, rediit. Inde procedentibus ad Tunetem
nuntius adlatus, Verminam, Syphacis filium,
cum equitibus pluribus, quam peditibus, ve-
nire Carthaginensibus auxilio. Pars exerci-
tus, cum omni equitatu Saturnalibus primis
agmen adgressa, Numidas levi certamine fu-
dit. Exitu quoque fugae intercluso, a parte
omni circumdatis equitibus, quindecim millia
hominum caesa; mille et ducenti vivi capti
sunt, et equi Numidici mille et quingenti,
signa militaria duo et septuaginta. Regulus
ipse inter tumultum cum paucis effugit. Tum
ad Tunetem eodem, quo antea, loco castra
posita, legatiue triginta Carthagine ad Sci-
pionem venerunt: et illi quidem multo mise-
rabilius, quam ante, (quo magis coge-
bat fortuna) egerunt, sed aliquanto minore cum

miseriordia ab recenti memoria perfidiae auditum sunt. In consilio quamquam iusta ira omnes ad delendam stimulabat Carthaginem; tamen, quum, et quanta res esset, et quam longi temporis obsidio tam munitae et tam validae u. his, reputarent, et ipsum Scipionem expectatio successoris, venturi ad paratam alterius labore ac periculo finiti belli famam, sollicitaret, ad pacem omnium animi versi sunt.

XXXVII. Postero die, revocatis legatis, et cum multa castigatione perfidiae monitis, ut, tot cladibus edocti, tandem Deos et jus iurandum esse crederent; conditiones pacis dictae: *Ut liberi legibus suis viverent. Quas urbes quosque agros quibusque finibus ante bellum tenuissent, tenerent, populandique finem eo die Romanus faceret. Perfugas fugitivosque et captivos omnes redderent Romanis, et naves rostratas, praeter decem triremes, traderent, elephantosque, quos haberent domitos: neque domarent alios. Bellum neque in Africa, neque extra Africam, in iussu populi Romani gererent. Masiuissae res redderent, foedusque cum eo facerent. Frumentum stipendiumque auxiliis, donec ab Roma legati redissent, praestarent. Decem millia talentum argenti, descripta pensionibus aequis in annos quinquaginta, solverent. Obsides centum arbitratu Scipionis darent; ne minores quatuordecim annis, neu triginta maiores. Inducias ita se daturum, si per priores inducias naves onerarias captas, quaeque fuissent in navibus, restituerentur. Aliter nec inducias, nec spem pacis ullam esse. Has conditiones legati quum domum referre iussi in concione ederent, et Gisgo ad dissuadendam pacem processisset, audireturque a multitudine, inquieta eadem et inbelli; indignatus Hannibal, dici ea in tali tempore audiri, adreptum*

reptum Gisgonem manu sua ex superiore loco detraxit. Quae infueta liberae civitati species quum fremitum populi movisset, perturbatus militaris vir urbana libertate, *Novem, inquit, annorum a vobis profectus, post sextum et tricesimum annum redii. Militares artes, quas me a puero fortuna nunc privata, nunc publica docuit, probe videor scire. Urbis ac fori jura, leges, mores, vos me oportet doceatis.* Excusata imprudentia de pace multis verbis discessit, quam nec iniqua, et necessaria esset. Id omnium maxime difficile erat, quod ex navibus per inducias captis nihil praeter ipsas comparebat naves; neque inquisitio erat facilis, adversantibus pari, qui arguerentur. Placuit naves reddi, et homines utique inquiri. Cetera, quae abessent, aestimanda Scipioni permitti; atque ita pecunia luere Carthaginienses. Sunt qui Hannibalem ex acie ad mare pervenisse, inde praeparata nave ad regem Antiochum extemplo profectum tradant; postulantiq; ante omnia Scipioni, ut Hannibal sibi traderetur, responsum esse, Hannibalem in Africa non esse.

XXXVIII. Postquam redierunt ad Scipionem legati; quae publica in navibus fuerant, ex publicis descripta rationibus quaestores; quae privata, profiteri domini iussu. Pro ea summa pecuniae viginti quinque millia pondo argenti praesentia exacta; induciaeque Carthaginiensibus datae in tres menses. Additum, ne per induciarum tempus alio usquam, quam Romam, mitterent legatos; et, quicumque legati Carthaginem venissent, ne antedimitterent eos, quam Romanum imperatorem, qui et quae petentes venissent, certiorum facerent. Cum legatis Carthaginiensibus Romam missi L. Veturius Philo et M. Mar-

cuius Ralla et L. Scipio; imperatoris frater. Per eos dies commeatus ex Sicilia Sardiniaque tantam vilitatem annonae effecerunt, ut pro vectura frumentum mercator nautis relinqueret. Romae ad nuntium primum rebellionis Carthaginensium trepidatum fuerat; iussusque erat Ti. Claudius mature in Siciliam classem ducere, atque inde in Africam trajicere, et alter consul M. Servilius ad Urbem morari; donec, quo statu res in Africa essent, sciretur. Segniter omnia in comparanda deducendaque classe ab Ti. Claudio consule facta erant; quod Patres de pace Scipionis potius arbitrium esse, quibus legibus daretur, quam consulis, censuerant. Prodigia quoque, nuntiata sub ipsam famam rebellionis, terrorem attulerant. Cumis solis orbis minui visus, et pluit lapideo imbri; et in Veliterno agro terra ingentibus cavernis confedit, arboresque in profundum haustae. Ariciae forum et circa tabernae, Frusinae murus aliquot locis et porta de coelo tacta: et in Palatio lapidibus pluit. Id prodigium more patrio novendiale sacro, cetera hostiis majoribus expiata. Inter quae etiam aquarum insolita magnitudo in religionem versa. Nam ita abundavit Tiberis, ut ludj Apollinares, circo inundato, extra portam Collinam ad aedem Erycipae Veneris parati sint. Ceterum ludorum ipso die, subita serenitate orta, pompa, ducei coepta ad portam Collinam, revocata deductaque in circum est, quam decessisse inde aquam nuntiatum esset: laetitiamque populo et ludis celebritatem addidit sedes sua sollemni spectaculo reddita.

XXXIX. Claudium consulem, profectum tandem ab Urbe, inter portus Cosanum Laurentanumque atrox vis tempestatis adorta in
metum

metum ingentem adduxit. Populonios inde quum pervenisset, stetitque ibi, dum reliquum tempestatis exsaeviret, Ilvam insulam, et ab Ilva Corsicam, a Corsica in Sardiniam trajecit. Ibi superantem Insanos montes, multo et saevior et infestioribus locis tempestas adorta disjecit classem. Multae quassatae armamentisque spoliatae naves: quaedam fractae. Ita vexata ac lacerata classis Carales tenuit. Vbi dum subductae reficiuntur naves, hyems obpressit; circumactumque anni tempus, et, nullo prorogante imperium, privatus Ti. Claudius classem Romam reduit. M. Servilius, ne comitiorum causa ad Urbem revocaretur, dicto C. Servilio Gemino, in provinciam est profectus. Dictator magistrum equitum P. Aelium Paetum dixit. Saepe comitia inlicita perfici tempestates prohibuerunt. Itaque, quum pridie Idus Martias veteres magistratus abissent, novi subfecti non essent, res publica sine curulibus magistratibus erat. Manlius Torquatus pontifex eo anno mortuus. In locum ejus subfectus C. Sulpicius Galba. Ab L. Licinio Locullo et Q. Fulvio aedilibus curulibus ludi Romani ter toti instaurati. Pecuniam ex aerario scribae viatoresque aedilitii clam egressisse per indicem comperti, damnati sunt, non sine infamia Luculli aedilis. P. Aelius Tubero et L. Lactorius aediles plebis vitio creati, magistratu se abdicarunt, quum ludos ludorumque causa epulum Jovi fecissent, et signa tria ex multaticio argento facta in Capitolio posuissent. Cerealia ludos dictator et magister equitum ex senatus consulto fecerunt.

XL. Legati ex Africa Romani simul Carthaginienesesque quum venissent Romam, senatus ad aedem Bellonae habitus est. Vbi quum L. Veterius Philo, pugnatum cum Hanni-

nibale esse suprema Carthaginiensibus pugna, suamque tandem lugubri bello impositum, ingenti laetitia Patrum exposuisset; adierit, Verminam etiam, Syphacis filium, quae parva bene gestae rei adcessio erat, devictum. In concionem inde prodire iussus, gaudiumque id populo impartire. Tum patuere, facta gratulatione, omnia in Vrbe templa, supplicationesque in triduum decretae. Legatis Carthaginiensium et Philippi regis (nam ii quoque venerant) petentibus, ut senatus sibi daretur, responsum iussu l'atrum ab dictatore est, consules novos eis senatum daturus esse. Comitia inde habita. Creati consules Cn. Cornelius Lentulus, R. Aelius Paetus: Praetores M. Junius Pennus, cui fors urbana evenit; M. Valerius Falto Bruttios, M. Fabius Buteo Sardiniam, P. Aelius Tubero Siciliam est sortitus. De provinciis consultum nihil ante placebat agi, quam legati Philippi regis et Carthaginiensium auditi essent. Belli finem alterius, principium alterius prospiciebant animis. Cn. Lentulus consult cupiditate flagrabat provinciae Africae; seu bellum foret facilem victoriam, seu jam finiretur, finiti tanti belli se consule gloriam petens. Negare itaque prius quidquam agi passurum, quam sibi Africa decreta esset, concedente collega, moderato viro et prudenti; qui gloriae ejus certamen cum Scipione, praeterquam quod iniquum esset, etiam impar futurum cernebat. Q. Minacius Thermus et M. Acilius Glabrio, tribuni plebis, rem, priore anno nequidquam tentatam ab Ti. Claudio consule, Cn. Cornelium tentare aiebant. Ex auctoritate Patrum latum ad populum esse, ejus vellent imperium in Africa esse. Omnes quinque et triginta tribus P. Scipioni id imperium decreverunt. Multis contentioneibus; et in senatu et ad

ad populum, acta res postremo eo deducta est, ut senatui permitterent. Patres igitur iurati (ita enim convenerat) censuerunt, uti consules provincias inter se compararent sortirentur, uter Italiam, uter classem navium quinquaginta haberet. Cui classis obvenisset, in Siciliam navigaret, si pax cum Carthaginiensibus componi nequisset, in Africam trajiceret. Consul mari, scipio eodem, quo adhuc, jure imperii terra rem gereret. Si condiciones convenirent pacis, tribuni plebis populum rogarent, utrum consulem, an P. Scipionem, inherent pacem dare; et quem, si deportandus exercitus victor ex Africa esset, deportare. Si pacem per P. Scipionem dari, atque ab eodem exercitum deportari jussissent, ne consul ex Sicilia in Africam trajiceret. Alter consul, cui Italia evenisset, duas legiones a M. Sextio praetore acciperet.

XLI. P. Scipioni cum exercitibus, quos haberet, in provincia Africa prorogatum imperium. Praetori M. Valerio Faltoni duae legiones in Brutiis, quibus C. Livius priore anno praefecerat, decretae. P. Aelius praetor duas legiones in Sicilia ab Cn. Tremellio acciperet. Legio una M. Fabio in Sardiniam, quam P. Lentulus pro praetore habuisset, decernitur. M. Servilio prioris anni consuli, cum suis duabus, item legionibus in Etruria prorogatum imperium est. Quod ad Hispanias attineret, aliquot jam annos ibi L. Cornelium Lentulum et L. Manlium Acidinum esse. Vti consules cum tribunis agerent, si eis videretur, ut plebem rogarent, cui juberent in Hispania imperium esse. Is ex duobus exercitibus in unam legionem conscriberat Romanos milites, et in quindecim cohortes sociis Latini nominis, quibus provinciam obtineret: veteres milites

L. Cor-

L. Cornelius et L. Manlius in Italiam deportarent. Cornelio consuli quinquaginta navium classis ex duabus classibus, Cn. Octavii, quae in Africa esset, P. Villij, quae Siciliae oram tuebatur, decreta ut quas naves vellet, delegeret. P. Scipio quadraginta longas naves haberet, quas habuisset. Quibus si Cn. Octavium, sicut praefuisset, praesse vellet, Octavio pro praetore in eum annum imperium esset: si Laelium praeficeret, Octavius Romam decederet, reduceretque naves, quibus consuli usus non esset. Et M. Fabio in Sardiniam decem longae naves decretae. Et consules duas legiones urbanas scribere iussi; ut quatuordecim legionibus eo anno, centum navibus longis res publica administraretur.

XLII. Tum de legatis Philippi et Carthaginiensium actum. Priores Macedonas introduci placuit: quorum varia ratio fuit; partim purgantium, quaequesti erant missi ad regem a Roma legati de populatione sociorum; partim ultro adfuerant quidem et socios populi Romani, sed multo infestius M. Aurelium, (quem ex tribus ad se missis legatis, delectu habito, substituisse, et se bello laceisse contra foedus, et saepe cum praefectis suis signis conlatis pugnasse) partim postulantium, ut Macedones duxque eorum Sopater, qui apud Hannibalem mercede militassent, captique in vinculis essent, sibi restituerentur. Adversus ea M. Furius, missus ad id ipsum ab Aurelio ex Macedonia, disseruit, Aurelium relictum, ne socii populi Romani, fessi populationibus atque injuria, ad regem deficerent, finibus sociorum non excessisse; dedisse operam, ne ipsum in agros eorum transgrederentur populatores. Sopatrum ex purpuratis et propinquis regis esse: eum cum quatuor millibus Macedonum et pecunia

nia missum nuper in Africam esse Hannibalem Carthaginiensibusque auxilio. De his rebus interrogati Macedones, quum perplexe responderent ipsi, ante responsum tulerant, Bel- lam quaerere regem, et, si pergat, propedem inventurum. Dupliciter ab eo foedus violatum, et quod sociis populi Romani injurias fecerit, bello armisque laceraverit; et quod hostes auxiliis et pecunia juverit. Et P. Scipionem recte ut- que ordine videri fecisse et facere, quod eos, qui arma contra populum Romanum ferentes capti sunt, hostium numero in vinculis habeat; et M. Aurelium ex re publica facere, gratumque id senatui esse, quod socios populi Romani, quando jure foederis non posset, armis tueatur. Cum hoc tam tristi responso dimissis Macedo- nibus, legati Carthaginienses vocati. Quo- rum aetatibus dignitatibusque conspectis, (nam longe primi civitatis erant) tum pro se quis- que dicere, vere de pace agi. Insignis tamen inter ceteros Hasdrubale erat, (Haedum popu- lares cognomine adpellant) pacis semper auctor adversusque factioni Barcinæ. Eo tum plus illi auctoritatis fuit, belli culpam in paucorum cupiditatem a re publica transferenti. Qui quum varia oratione usus esset, nunc purgan- do crimina, nunc quaedam fatendo: ne impu- denter certa negantibus difficilior venia esset, nunc monendo etiam Patres conscriptos, ut re- bus secundis modeste ac moderate uterentur; Si se atque Hannonem audissent Carthaginien- ses, et tempore uti voluissent, daturus fuisse pacis condiciones, quas tunc peterant. Raro simul hominibus bonam fortunam bonamque men- tem dari. Populum Romanum eo invictum esse, quod in secundis rebus sapere et consulere me- minerit: et, Hercule, mirandum fuisse, si ali- ter facerent. Ex insolentia, quibus nova bona for-

fortuna sit, inpotentes laetitiae insanire. Populo Romano asitata ac prope jam obsoleta ex victoria gaudia esse; ac plus paene porcendo victis, quam vincendo, imperium auxisse. Ceterorum miserabilior oratio fuit, commemorantium, Ex quantis opibus quo recidissent Carthaginiensium res. Nihil eis, qui modo orbem prope terrarum obtinissent armis, superesse, praeter Carthaginis moenia. His inclusos, non terra, non mari quidem sui juris cernere. Urbem quoque ipsam ac penates ita habituros, si non in ea quoque, quo nihil ulterius sit, saevire populus Romanus velit. Quum flecti misericordia Patres adpareret, senatorum unum infestum perfidiae Carthaginiensem subolamasse ferunt, Per quos Deos foedus icturi essent, quum eos per quos ante ictum esset, fefellissent? Per eodem, inquit Hasdrubal, qui tam infesti sunt foedera violentibus.

XLIII. Inclinatorum omnium ad pacem animis, Cn. Lentulus consul, cui classis provincia erat, senatus consulto intercessit. Tum M. Acilius et Q. Minucius tribuni plebis ad populum tulerunt, *Vellent iuberentue senatum dedernere, ut cum Carthaginiensibus pax fieret; et quem eam pacem dare, quemque ex Africa exercitus deportare juberent?* De pace uti rogassent, omnes tribus jusserunt: pacem dare P. Scipionem, eundem exercitus deportare. Ex hac rogatione senatus decrevit, ut P. Scipio ex decem legatorum sententia pacem cum populo Carthaginiensi, quibus legibus, ei videretur, faceret. Gratias deinde Patribus eger Carthaginienses, petierantque, ut sibi in Urbem introire, et colloqui cum civibus suis liceret, qui capti in publica custodia essent. Esse in iis partim propinquos amicosque suos, nobiles homines, partim ad quos mandata a propin-

pinquis haberent. Quibus conventis, quum rursus peterent, ut sibi, quos vellent, ex iis redimendi potestas fieret; iussi nomina edere, et; quum ducentos ferme ederent, senatus consultum factum est, *Vt legati Romani ducentos ex captivis, quos Carthaginienses vellent, ad P. Cornelium Scipionem in Africam deportarent, nuntiarentque ei, ut, si pax convenisset, sine pretio eos Carthaginiensibus redderet.* Fetiales quum in Africam ad foedus ferendum ire juberentur; ipsis postulantibus, senatus consultum in haec verba factum est: *Vt privos lapides silices privasque verbenas secum ferrent; ut praetor Romanus his imperaret, ut foedus ferrent, illi praetorem sagmina poscerent.* Herbae id genus ex arce sumtum dari fetialibus solet. Ita dimissi ab Roma Carthaginienses, quum in Africam venissent ad Scipionem, quibus antedictum est legibus, pacem fecerunt. Naves longas, elephantos, perfugas, fugitivos, captivorum quatuor milia tradiderunt: inter quos Q. Terentius Calleo senator fuit. Naves proVectas in altum incendi iussit. Quingentas fuisse omnis generis, quae remis agerentur, quidam tradunt: quarum conspectum repente incendium tam lugubre fuisse Poenis, quam si tum ipsa Carthago arderet. De perfugis gravius, quam de fugitivis, consultum; nominis Latini qui erant, securi percussi; Romani in crucem sublati.

XLIV. Annis ante quadraginta pax cum Carthaginiensibus postremo facta erat, Q. Lutatius, A. Manlius consulibus. Bellum initum annis post tribus et viginti, P. Cornelio, Ti. Sempronio consulibus. Finitum est septimodecimo anno, Cn. Cornelio, P. Aelio Paeto consulibus. Saepe postea ferunt Scipionem dixisse, Ti. Claudii primum cupiditatem, dein-

de Cn. Cornelii, fuisse in mora, quo minus id bellum exitio Carthaginis finiret. Carthagini quum prima conlatio pecuniae diutino bello exhaustis difficilis videretur, moestitiaque et fletus in curia esset, ridentem Hannibalem ferunt conspectum. Cujus quum Hasdrubal Haedus risum increparet in publico fletu, quum ipse lacrymarum causa esset; Si, quemadmodum oris habitus cernitur oculis, inquit, sic et animus intus cerni posset, facile vobis adpareret, non laeti, sed prope amentis malis cordis hunc, quem increpatis, risum esse. Qui tamen usquaquam adeo est intempestivus, quam vestrae istae absurdae atque abhorrentes lacrymae sunt. Tunc slesse decuit, quum adempta nobis arma, inconsciae naves, interdictum externis bellis. Illo enim vulnere concidimus. Nec esse in vos, odio vestro, consultum ab Romanis credatis. Nulla magna civitas diu quiescere potest. Si foris hostem non habet, domi invenit; ut praevalida corpora ab externis causis tuta videntur, sed suis ipsa viribus onerantur. Tantum nimirum ex publicis malis sentimus, quantum ad privatas res pertinet; nec in eis quidquam acutius, quam pecuniae damnum, stimulat. Itaque quum spolia victor Carthagini detrahebantur, quum inermem jam ac nudam desitui inter tot armatas gentes Africae cerneretis, nemo iugemuit. Nunc, quia tributum ex privato conferendum est, tamquam in publico funere comploratis. Quam veteror, ne propediem sentiat, levissimo in malo vos hodie lacrymasse! Haec Hannibal apud Carthaginenses. Scipio, concione advocata, Masinissam ad regnum paternum Cirta oppido et ceteris urbibus agrisque, quae ex regno Syphacis in populi Romani potestatem venissent, adiectis donavit. Cn. Octavium classem in Siciliam ductam Cn. Cor-

Cornelio consuli tradere iussit: legatos Carthaginiensium Romam proficisci, ut, quae ab se ex decem legatorum sententia acta essent, ea Patrum auctoritate populique jussu confirmarentur.

XLV. Pace terra marique parta, exercitu in naves inposito, in Siciliam Lilybaeum trajecit. Inde magna parte militum in navibus missa, ipse per laetam pace non minus, quam victoria, Italiam effusis non, urbibus modo ad habendos honores, sed agrestium etiam turba obsidente vias, Romam pervenit, triumphoque omnium clarissimo Urbem est invectus. Argenti tulit in aerarium pondo centum millia viginti tria. Militibus ex praeda quadragenos aeris divisit. Morte substractus spectaculo magis hominum, quam triumphantis gloriae, Syphax est, Tibure haud ita multo ante mortuus, quo ab Alba traductus fuerat. Conspecta mors tamen ejus fuit, quia publico funere est elatus. Hunc regem in triumpho ductum Polybius, haudquaquam spernendus auctor, tradit. Sequutus Scipionem triumphantem est pileo capiti inposito Q. Terentius Culleo, omnique deinde vita, ut dignum erat, libertatis auctorem coluit. Africanum cognomen militaris prius favor, an popularis aura, celebraverit, an, sicuti Felicis Sullae Magnique Pompeji patrum memoria, coeptum ab adfentatione familiari sit, parum compertum habeo. Primus certe hic imperator nomine victae, ab se gentis est nobilitatus. Exemplo deinde hujus nequaquam victoria pares insignes imaginum titulos claraque cognomina familiae fecere.

FINIS TOMI SECUNDI.

Handwritten marks, possibly initials or a signature, located in the lower right quadrant of the page.

This book is under no circumstances to be taken from the Building

[illegible]

Digitized by Google

